


Bulu ntam pɔpwe;
Nkonya



New Testament in Nkonya (GH:nko:Nkonya)

Bulu ntam pɔpwɛ; Nkonya

New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
01b09958-fa53-51d1-aae0-88c7e9302503

Contents

Mateo	1
Marko	34
Luka	55
Yohane	89
Gyumagyihe	113
Romafə	143
1 Korintofə	156
2 Korintofə	168
Galatiafə	176
Efesofə	181
Filipifə	186
Kolosefə	189
1 Tesalonikafə	192
2 Tesalonikafə	195
1 Timoteo	197
2 Timoteo	201
Tito	204
Filemon	206
Hebrifə	207
Yakobo	218
1 Petro	221
2 Petro	225
1 Yohane	227
2 Yohane	231
3 Yohane	232
Yuda	233
Ato Lesúnáhé	234

Ason Wanklaán Aní Mateo Lówanlín

Yesu Anáin Uínto (Luka 3:23-38)

¹ Yesu Kristo, Owíe Dawid mu na, Abraham mu na ámu ulínto ní.

² Abraham lókwí Isak. Isak lókwí Yakob. Yakob lókwí Yuda mu a mu apio yinhé*. ³ Yuda lókwí Peres mu a Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yín gyí Rahab. Boas lókwí Obed. Obed mu yín gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yín gyí otsi okóá tekí ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu a mu apio yinhé. Mu brésó bekítá Israelfo, híé amó beε buyétsiá Babilon omátó ní.

¹² Amó Babilon yotó á, Yekonia lókwí Sealtiel. Sealtiel lókwí Serubabel. ¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ohá ámuó Bulu ladá mu ofúli amó) ní.

¹⁷ Mú so tsú Abrahamsu bətu Owíe Dawidsu bəgyi anáin ulínto dúana. Tsú Dawidsu bətu bréá bəyo Babilon omátó é bəgyi anáin ulínto dúana. Asa tsú amó Babilon yotó bətu Kristo, (ohá ámuó Bulu ladá mu ofúli amó) kwúsó é bəgyi anáin ulínto dúana.

Yesu Kristo Kwí (Luka 2:1-7)

¹⁸ Okpa ánfisu Yesu Kristo kwí lotson ní. Bəpu Maria há Yosef beε otsiá. Táme asa bétsiá, abufia otsi móa oyin á, bowun aní Maria dé omé Oje Wankíhé túmito. ¹⁹ Mu kulu Yosef a, mu asón da okpa, táme omekle aní obówa mu pélito. Mú so əlbəwe agywun aní obékiná mu nájínto. ²⁰ Táme bréá əde mó agywun bwe á, kí, Bulu-əbəpu əku léle iwí əwan súná mu okudeto, bláa mu əbéε, “Yosef, Dawid mu na, mánya péli aní fəkpa fú ká Maria ba fú wá, tsúfé omé ámuó əde ámu itsú Oje Wankíhé túmito. ²¹ Obókwí obiyímbi, bédunká mu dá Yesu. (Mú asi gyí, ‘Olapó.’) Tsúfé mu obéle mu ahá tsú amó lakpantó ní.”

²² Inu léha Bulu asón ámuó əleblí tson mu ənsó ətəpəsu ámu əleba móts. ²³ Obéε, “Kí, obitebí aní əməkəyó oyin wá kí obénya əmé. Obókwí obiyímbi, bédunká mu dá Imanuel.” (Mú asi gyí, “Bulu bu aní wá.”)

²⁴ Bréá Yosef létsinkí á, olegyi asón ámuó Bulu-əbəpu amu lébláa mu amusu. Oletsíá Maria, kpáin mu. ²⁵ Táme əməpu ibi da Maria, kpəfon bréá ələkwí mu bi yínhé gyankpapo, ələdunká mu dá Yesu.

2

Anyansapu Ako Bá

¹ Bréá Owíe Herode dé iwíe gyí Yudea omátó bəkwí Yesu wúlu kóá bətetí mó Betlehem, ibu Yudea omátó mu. Mú əma a, anyansapu akóá butowun ató ntsrakpabito botsu owí ədalikpa omá koto ba Yerusalem wúluto. ² Bəfité beε, “Nkónó bakwí Yudafó owíe amó? Anúwun mu osúna aní igyi ətsrakpabi owí ədalikpa mu. Mú so abá bosúm mu.”

³ Owíe Herode lónu asón ánfí á, opúni letsíí mu a Yerusalemfo fəé. ⁴ Mú so əletí Yudafó Bulu igyi ahapó dəhen pə Mose mbala asunápó fəé fia, fité amó ətínéá bəkwí Kristo, (ohá ámuó Bulu ladá mu ofúli amó).

⁵ Bəbláa mu beε “Betlehem wúluá ibu Yudea omátó. Alí Bulu ənsó ətəpə əku lówanlín tswi ní. ⁶ Obéε, ‘Fó Betlehem, Yudea wúlu, fume gyí wúlu túkúrífibi əkpəgyíəkpəsu Yudea awúlu yilé ámuó. Tsúfé əmásó ogyípó əku əbédali tsu fótáá, əbékpa Bulu ahá Israelfo.’”

* 1:2 Apio yinhé ánfí gyí Israel abusuan dúanyo ámu anáin ní.

7 Mú sɔ Owíe Herode létí anyansapɔ amɔ nkɔle, fíté amú bréá bowun osúna ɔtsrakpabi amɔ, bebláa mu. 8 Múó ɔlɔwa amú Betlehem ɔbé, bɔyódunká kebi ámu wankláán. Ní bowun mu a, bɔyínki bebláa mu, méné mu é mógósum mu.

9 Olenya bláa amú tá alí benatí. ɔtsrakpabi amúó bowun owí ɔdalikpa amɔ, lékpa amú alí yélu ɔtínéá kebi ámu bu. 10 Bréá bowun ɔtsrakpabi amɔ a, ansí lehié gyí amú. 11 Bowie wóyító unú á, bowun kebi ámu mɔa mu yin Maria, beɔa akpawunu súm kebi ámu. Besankí amú akentebi, bekie mu sika pepe, ɔhién pó ohuam.

12 Mú ɔma a, Bulu lówa mbla há amú okudeto ɔbé, bɔmáiyínki yótson Herode wá. Mú sɔ bɔtsɔn ɔkpa bámbásó yó amú wúluto.

Yesu Mɔa Mu Akwúpó Egipte ɔmátó Yo

13 Bréá anyansapɔ amɔ benatí á, Bulu-ɔbɔpu léle iwí ɔwan súná Yosef okudeto, bláa mu ɔbé, “Kusu, afukpa kebi ámu mɔa mu yin srí ya Egipte ɔmátó. Mlɔtsia unú yófun bréá nébláa fu mbé mlíyínki ba, tsúfé Owíe Herode obódunká kebi ámu, mó mu.”

14 Mú sɔ Yosef lókusó onyé-onyé ámu, kpá Maria mɔa kebi ámu srí ya Egipte ɔmátó. 15 Betsiá unú yófun bréá Herode lówu. Iní léha Bulu asón aní ɔleblí tson mu ɔnásó ɔtɔipó ɔkusɔ léba mótó. ɔbé, “Netí mí bí ámu tsú Egipte ɔmátó.”

Betlehemfo Abi Mo

16 Bréá Owíe Herode lówwun aní anyansapɔ amɔ bamlé mu a, ɔbló lehié kítá mú. ɔlɔwa mu isá akɔpó ɔbé, bɔyó Betlehem wúluto pó mó nkudasi, abɔyɔmɔ abi yinhé aní bahɔ tsú nfinyɔ ba ayasi féé. Tsúfé anyansapɔ amɔ bebláa mu beé, begyankpá wun ɔtsrakpabi amɔ nfinyɔ ní.

17 Iní léha Bulu asón aní ɔleblí tson mu ɔnásó ɔtɔipó Yeremiasɔ léba mótó. 18 ɔbé, “Bonu isú mɔa olú kɔá imeká tin Rama wúluto.

Rahel dé mu abi sú. Omotsulá aní bɔkpáta mu, tsúfé bɔtráa bɔma unú.”

Yesu Mɔa Mu Akwúpó Yínki Tsú Egipte

19 Owíe Herode lowu ɔma a, Bulu-ɔbɔpu léle iwí ɔwan súná Yosef okudeto Egipte unú, bláa mu ɔbé, 20 “Kusu, afukpa kebi ámu mɔa mu yin, amliyínki yɔ Israel ɔmátó. Tsúfé ahá amúó bodunká aní bɔmɔ kebi ámu, bawú.” 21 Mú sɔ Yosef lókusó kpá kebi ámu mɔa mu yin, beyínki yó Israel ɔmátó.

22 Táme bréá bowie unú á, olonu aní Arkelao latsiá mu sɔ Herode obiásó, ɔde Yudea ɔmásó gyí. Mú sɔ olenya ifú aní ɔbɔpu kebi ámu ya unú. Bulu lélawá mbla há mu okudeto ɔbé, ɔpɔn mu ya Galilea ɔmátó. 23 Mú sɔ bɔyɔ yétsiá Nasaret wúluto. Iní léha Bulu asón amúó ɔleblí tson mu ɔnásó ɔtɔipó ɔbé, “Béti mu Nasaretyin” amɔ léba mótó ní.

3

Asú ɔbɔpó Yohane Bulu Asón ɔkanda

(Marko 1:1-8; Luka 3:1-18; Yohane 1:19-28)

1 Bré kɔtá á, Asú ɔbɔpó Yohane léba ɔde Bulu asón ɔkan da Yudea dimbísó. 2 ɔbé, “Mlɔdamli klɔntɔ, amlisi lakpan bwe, tsúfé Bulu iwíegyi lawíé wóyi tá.” 3 Yohane iwí asón Bulu ɔnásó ɔtɔipó Yesaia lówanlín ɔbé,

“ɔkɔ dékplɔn dimbísó ɔbé,

‘Mlúla aní Wíe ɔkpa.

Mlɔtswii ikpa ha mu’ ” amɔ ní.

4 Yohane lówa kpásó-imi atadié, ɔbɔpu ɔwulɔ-kpákpá ɔfé klí mósó. Atsantsankɔ pó ɔkwén otegyí. 5 Ahá bɔtsu Yerusalem wúluto, Yudea ɔmátó pó Yordan bɔnkpa ɔnɔ awúlu féésó ba bonu mu asón blíhé. 6 Bele amú lakpan blí, ɔlɔbɔ amú asú Yordan ntsutso.

7 Táme bréá Farisifo pó Sadukifo tsɔtsɔtsɔ beba beé, ɔbɔó amú asú á, ɔlefíté amú ɔbé, “Abe abi-aná, ntɔ gyá mlí, mlísrí Bulu isɔbití amúó íbá ámu? 8 Mómó mlíswie abíá íbɔsuná aní lélé mlíladámli klɔntɔ. 9 Mlímákí mlíaa, mlí náin gyí Abraham. Mú sɔ Bulu méébití mlí isɔ. Nde mlí bláa mbéé, Bulu ɔbétalí há abwi ánfí íbédámli Abraham abi-aná. 10 Séi á, Bulu lapó ɔfé yi nyí-atsitsitɔ. Oyígyíoyí aní imoswie abi wankláán á, bókun mó dá, wá mó féé ogyá. 11 Mí mó á, ntsu ndepɔbó mlí asú púsúná aní mlíladámli klɔntɔ. Táme ɔkɔá ɔɔɔn mu bu ɔma ɔbá. Mmɔfun aní núsúrá mu ntɔkɔta kóráá. Mu ɔbɔpu ɔɔɔ Wankíhé pó ogyá bɔ mlí asú ní. 12 ɔde mu ilín, ɔbɔpufúní ntéte lé ayó amotá. ɔbékpa ayó ámu wá mu odudutá. Táme ɔbéféí ofuníkpa unú wankláán, kpá ntéte amɔ wá ogyá aní itamaduntɔ.”

Yesu Asúbɔ

(Marko 1:9-11; Luka 3:21-22)

13 Yesu lótsu Galilea ɔmátó ba Yordan ntsu ɔnɔ Yohane wá ɔbé, ɔbɔ mu asú. 14 Tekí Yohane mótulá aní ɔbɔbɔ mu asú. Iní sɔ ɔlebláa Yesu ɔbé, “Mí ilehián aní fɔbɔ asú. Nkálí ígyi sɔ faba féé mí ɔbɔó fú asú?”

15 Yesu lébláa mu obéé, “Séi á, ha tsu mó ahi asa, tsúfě ilehián ání abóbwe tógyítáa ida akpa Bulu ansító.”

Mó su Yohane lótsulá. 16 Bréá olábo Yesu asú tá, Yesu lédali ntsu ámuto ahi nwolótáa lefinkí, olowun Bulu Ɔhé deklplí fě abróduma, ilobogyonká musu. 17 Inu ɔme ku lotsu ɔsús obéé, “Ɖni gyí mí Bía ntɔdwé mu, mi ansi tehié gyi mu iwí ní.”

4

Yesu Isóki

(Marko 1:12-13; Luka 4:1-13)

1 Inu Ɔhe Wankíhé amu lékpa Yesu ya dimbísó, méní Ɖbunsám obósó mu ki. 2 Oletsiá inu klí ɔnó nke adwana (40), onyé adwana (40). Mó su akón lehe kitá mu. 3 Inu Ɖbunsám lósó mu ki, bláa mu obéé, “Ní Bulu mu Bi fógyi á, mómó ha abwi ánfí idamli bwe bodobodo.”

4 Yesu léle mó ɔnó obéé, “Bowanlín wá Bulu asón ámuto bée, ‘Megyí atogyihe wole nyankpɔsa obégyi tsiá nkpa, táme ɔpú Bulu ason blíhé é tsiá nkpa.’ ”

5 Ɖbunsám lékpa mu ya Yerusalem, wúlu wankíhé amuto, olápu mu yélí Bulu ɔtswékpa obu ámu ɔtántra. 6 Inu ɔlebláa Yesu obéé, “Ní Bulu mu Bi fógyi lélé á, tu kpayi. Tsúfě bowanlín wá Bulu asón ámuto bée,

‘Bulu obéha mu abɔpu békpatá fú ɔbɔ,
méní fú yabi méeda ibwi koku su.’ ”

7 Yesu léle mó ɔnó obéé, “Betrá wanlín bée, ‘Mákapó fú Wíe Bulu ki.’ ”

8 Mó ɔma a, Ɖbunsám lópu mu ya ibu fóáhé kusu, olosuná mu ɔyító iwíe ogyíkpa fěé, pú mó numnyam. 9 Móú ɔlebláa mu obéé, “Ní fěda akpawunu súm mí á, nópu inu fěé há fú.”

10 Yesu lébláa mu obéé, “Ɖbunsám, nati tei mísó! Tsúfě bowanlín wá Bulu asón ámuto bée, ‘Da akpawunu ha fú Wíe Bulu. Mu nkole fu súm.’ ”

11 Inu Ɖbunsám lénatí mu wá, Bulu-abɔpu beba beki musu.

Yesu Gyumagyihe Asitsud Galilea Ɖmátó

(Marko 1:14-15; Luka 4:14-15)

12 Mó ɔma a, Yesu lónu ání bakítá Yohane tswi obu, oleyinkí ba Galilea ɔsólósu. 13 Olotu tsú Nasaret wúluto yó Kapernaum, wúluá ibu mantáa Galilea ɔpu ɔnó, Sebulon móa Naftali ɔsólósu. 14 Mu inu yó léha asón ámú Bulu ɔnósó ɔtáipó Yesaia lébli ámu ileba móts. Ɖbée,

15 “Sebulon pó Naftali

ɔsólówá ida Yordan bunƆpa ɔnó, mantáa Galilea ɔpu.
Galilea ɔmátó ɔmá bámbásófo bɔtsie.

16 Ahá ánfí bɔtsie oklúntó ánfí
bawun wanki kɔnkɔɔnkɔnti ku.

Bɔtsie ɔsólówá lowu dé iwíe gyí mósó.

Wanki ku lawánkí wólí amósó.”

17 Tsú inu Yesu léfi asi ɔde Bulu asón ɔkan da, blí obéé, “Mlidamli klɔntó, Bulu iwíegyi lawíé wóyi tá.”

Akasípó Aband Le

(Marko 1:16-20; Luka 5:1-11)

18 Eke ɔkwá Yesu ná Galilea ɔpu ɔnó á, olowun apíó abanyó aku. Simon ání butetí mu Petro muu ma gyama Andrea, bude asawu tswíi, tsúfě aye alepu bɔgyi. 19 Móú ɔlebláa amú obéé, “Mliba bobuo mi. Nóbwe mli anyánpɔsa alepú.” 20 Inu Ɔnó besi amú asawu aná tswi, kplá buo mu.

21 Ɖlenatí yó nkpa kpalobí, olowun apíó abanyó aku é, Yakobo muu ma gyama Yohane. Amú amú sí Sebedeo bɔbu ɔklɔntó, bude amú asawu bín, Yesu létí amú. 22 Inu Ɔnó amú é benatí sí amú sí muu ɔklɔn amú bobuo mu.

Yesu Atósund, Mu Asón Ɖkanda Pó Ɖlotsa

(Luka 6:17-19)

23 Yesu léki Galilea ɔmátó fěé, súná ató Yudafo ofiakpa. Ɖleda Bulu iwíegyi ámu iwí ason wankláán ɔkan. Ɖletsa ɔjéts móa awúts ilo kugyíku. 24 Inu su mu iwí asón lekléi yó Siria ɔmátó fěé. Bɔpu alápu tsúa ntíné-ntíné ba mu. Ɖletsa ilo kugyíku, ahá ání bude iwɔsun wúun, amóá ɔhe laláhe dé amú háan, amóá ilo dídahe bu amósó pú abubúpu aná fěé. 25 Mó su ɔdam kɔnkɔɔnkɔnti bobuo mu. Ahá ání bɔtsú Galilea ɔmátó pú Dekapoli* awúlu amusu, Yerusalem wúluto, Yudea ɔmátó pu Yordan ntsu ɔbin ɔsólósu fěé.

* 4:25 Dekapoli asi gyí awúlu dú.

5

Ibuvu Atosundhé

¹ Bréá Yesu lówun ɔdom amu a, ɔlɔdu yó ibu kusu yétsiá asi, mu akasípú amu beba mu wá.
² Inu olosuná amó ató ɔbée,

Oyúla Asón
(Luka 6:20-23)

- ³ “Bulu layúlá ahá ání amó ansí medín tɔtɔsu don mu Bulu, tsúfɛ amóbó mu iwíegýí ámu ní.
- ⁴ Bulu layúlá awureho agyípó, tsúfɛ obólwií amó klɔn.
- ⁵ Bulu layúlá iwiasí abápu, tsúfɛ amó obégyi ɔsolóv amu ní.
- ⁶ Bulu layúlá ahá ání mu apébwɛ akón móa ɔmɛwólí de amó, tsúfɛ ɔbéha amó bómwɛ.
- ⁷ Bulu layúlá nwe awúnpu, tsúfɛ obówun amó nwe.
- ⁸ Bulu layúlá ahá ání amó klɔntɔ lɔwankí, tsúfɛ amó obówun mu ní.
- ⁹ Bulu layúlá ahá nsínɛ alapó, tsúfɛ ɔbétí amó ɔbée mu abí.
- ¹⁰ Bulu layúlá ahá ání buɔɔn amósó mu apébwɛ su, tsúfɛ amóbó mu iwíegýí amu ní.

¹¹ “Bulu layúlá mlí, ní buɔɔ mlí sia, buɔɔn mlísu, buɔɔ afunu wa dínká mlísu. ¹² Ansí igýí mlí, iwí isankí mlí, tsúfɛ mlí ikáká tso ɔsósó. Alí bɔbwɛ Bulu ɔnósó atáípó agyankpapu amu ní.

Nfólí Móa Wankí
(Marko 9:50; Luka 14:34-35)

¹³ “Mligýí ɔyító nfólí ní. Ní nfólí itá ɔdwe á, ntɔ bélapówá mó ɔdwe? Itráa ma ale há tɔtɔɔ bwɛ. Tsci butetséí mó tsítsá, ahá butetsátsa mósó tson.
¹⁴ “Mligýí ɔyító wankí é ní. Wúluá idun busu tamanjáin. ¹⁵ Botamanywɛ ɔkandíe, pú ɔlɔ bun mósó. Ɖfoákpá buɔɔpɔbian, méní ibówankí há ahá ání butsie wóyí ámuɔto fée. ¹⁶ Mó su mlíha mlí bwéhé iwankí alí, méní ahá bówun mlí bwéhé wankláán ámu, fówun békánfó mlí Sí ámuó ɔbu ɔsósó ámu.

Mose Mbla Iwi Atosundhé

¹⁷ “Mlímákí mlíaa, neba Mose Mbla ntée Bulu ɔnósó atáípó amu atosunáhétó ɔkakpá. Mmɛba móts ɔkakpá, mboún neba bɔbwɛ mó ifon. ¹⁸ Ɖnɔkwali nde mlí bláa, ɔsú móa asi bómo ɔnó, táme itoduáhé ntée asónbi kole kóráa iméedali Mbla ámuɔto, yófon bréá móts asón fée laba móts. ¹⁹ Ɖhagyíɔha ání omobu mbla ámuɔto túkúrífíbi ku, olosuná mu aba é ɔbéɛ buɔmábu mó á, bétí mu kebi túkúrífíbi ɔsósó iwíe ogyíkpá inu. Táme ɔhá ání olegýi mbla ámu féesó, suná mu aba ání bugýi mósó á, bétí mu ɔha yilé ɔsósó iwíe ogyíkpá inu. ²⁰ Mó su nde mlí bláa mbée, ní mlímóbwɛ Bulu apé don Mose mbla asunápó pú Farisífó ámu a, mlímóowie Bulu iwíegýí ámuɔto ekekekeke.

Ɖbló Iwi Atosundhé
(Luka 12:57-59)

²¹ “Mlilanú ání bebláa mlí anáin atítífó ámu beɛ, ‘Mámó ɔha. Ɖhagyíɔha ání ɔmó ɔha a, Bulu obégyi mu asón, há mu ipón.’ ²² Táme mí mó nde mlí bláa mbée, ɔhagyíɔha ání olenya ɔbló wa mu ba á, Bulu obégyi mu asón. Ɖhá ání olesia mu ba ɔbée, ‘Ɖhakpan!’ á, obégyi ipón Yudafo asón agyípú ansító. Ɖhagyíɔha ání ɔlebláa mu ba é ɔbéɛ, ‘Raka!’* a, obégyi ipón yó isubítí ogyá ání itamaduntó. ²³ Iní su ní fotsu ato hahé foyó afɔɔɔie ɔbɔkpá, fekaín ání fapó ason laláhe ku gyi fó bá á, ²⁴ sí fú ató amó yaí afɔɔɔie-asubwisu inu. Yo fúa muɔnyo amlíla mlí nsúnɛ, asa afoba bɔbɔ afɔɔɔie ámu ha Bulu.

²⁵ “Ní ɔku ɔsáma fu á, wa ɔsa ha abuyobwíí ipa ha mu asa asón ámu ogyíké ifon, méní fú onyahá ámu ɔméesha asón agyípú buɔmáɔpu fú ha obu adípósó ɔkípu, ɔwa fú obu. ²⁶ Mbláa fu ɔnɔkwali, nkétí faká ɔku ámu fée tá asa fédali inu.

Otsiába Ɖmadali Iwi Atosundhé

²⁷ “Mlilanú ání bebláa mlí beɛ, ‘Mákke ɔku tsiába.’ ²⁸ Táme mí mó nde mlí bláa mbée, oyingyíoyin ání olowun ɔtsi, ɔbɔbwɛ mu klé iwí agywun á, alató mbua dodo mu klɔntɔ. ²⁹ Mó su ní fú gyɔpí nsíbi tɛhá fótɔbwé lakpan á, loti mó le, tswí tsalífwí. Ibo aláá fú iwí ɔtineku má inu, don ání bótswi fú nyankpɔsa-oyí ámu fée wá isubítí ogyá ání itamaduntó. ³⁰ Mó su ní fú

* 5:22 Raka asi gyí “Ɖbwl!”

gyɔpi ibi tehá fútɔbwé lakpan á, ka mó tswi tsalifwi. Ibo aláá foma ibi kole, don ání bótswi fú nyankpɔsa-oyí ámu féé wá ísobití ogyá ání itamadunto.

Okákiná Iwi Atosundhé
(Mateo 19:9; Marko 10:11-12; Luka 16:18)

³¹ “Betrá bláa mli bεε, ‘Ǿhagýísha ání obékiná oká á, ɔwánlin okákiná ɔwulɔ ha mu asa.’
³² Táme mí mó nde mli bláa mbée, ní oyin okíná mu ka ání ɔmókódáli mu ɔma a, moláhá sɔ ɔtsi ámu ɔbédali mu ɔma. Oyingyioyin ání ɔtsia ɔtsi anfi mu kulu lakíná mu anfi é latɔ mbɔa.

Ntamka Iwi Atosundhé

³³ “Mlilétrá nu ání bebláa mli anán atítífo ámu bεε, ‘Máka ntam kpaali. Mboún bwe dinka ntam amúó feka há Bulu ámuɔsɔ.’
³⁴ Táme mí mó nde mli bláa mbée, máka tɔtɔtɔ kóráá. Mápɔ ɔsósó ká ntam, tsúfé Bulu owíe obíá igyi.
³⁵ Mápɔ ɔsulóv ká ntam. Bulu ayabi oyíkpa igyi. Mápɔ Yerusalem wúlu ká ntam. Awíeto Owíe wúlu kɔnkpɔnti ní.
³⁶ Mlumápɔ mli nwun ká ntam, tsúfé mli méetalí bwé imi kole futútú ntée bibi.
³⁷ Mboún fú ‘Iin!’ úbwée ‘Iin!’ Fú ‘O-o!’ é úbwe ‘O-o!’ Kugyíkóá fétrá blí tsía mótó itsú Ǿbɔnsám wá.

Lalahé Ikoka Iwi Atosundhé
(Luka 6:29-30)

³⁸ “Mliánú ání beblí bεε, ‘Ǿha obwíe mu ba nsibi a, bɔbwíe mu é mu kle ka ikɔ. Ǿha ɔtsíi mu ba iyín é á, bótsii mu kle ka ikɔ.’
³⁹ Táme mí mó nde mli bláa mbée, mli mákplá ɔha laláhe. Mboún ní ɔha ɔdá fú ísɔtɔ á, damli nyɔɔsi é ha mu ɔdáa.
⁴⁰ Ní ɔha dékléá ɔbésamáa fu, hɔ fú atadié á, pɔ fú tati é ha mu.
⁴¹ Ǿhá ání ɔdon fu ɔhíe fú ɔbée, fúsóra mu ató máli kole ha mu a, sora mó máli anyɔ.
⁴² Ǿha ɔkólí fú ató á, ha mu. Ní ɔko é ɔbée fɔpáan mu tɔko á, mákiná.

Alupódwe Iwi Atosundhé
(Luka 6:27-28, 32-36)

⁴³ “Mlilónuá beblí bεε, ‘Dwe fú bá, afulu fú olupó.’
⁴⁴⁻⁴⁵ Táme mí mó nde mli bláa mbée, mli dwe mli alupó. Mlɔbɔ mpái ha ahá ání bɔdin mli sɔ, méní mli bwe mli Sí amúó ɔbɔ ɔsósó ámu abí. Tsúfé motéhá owí telin, ɔtehá nyankpɔ é itotswie wuli aha wankláán pɔ aha laláhe féésó.
⁴⁶ Ní fú adwepó nkole futɔdwé á, ipán mómɔ fénya? Lampóo ahópu kóráá bɔtɔbwé ali.
⁴⁷ Ní fú anyawíe nkole futɔwá ɔnɔ á, ntɔ fakoko bwe dɔbi? Ali kén ɔmátófo bɔtɔbwé ní.
⁴⁸ Iní sɔ mli fon fé ahá mli Sí amúó ɔbɔ ɔsósó ámu lófɔn.

6

Yilébwe Iwi Atosundhé

¹ “Mli kɔ wankláán ání mli mli ɔbwe mli yilé ahá ansító. Ní mli ɔbwe mó ali á, mli méenya ikoká mli Síá ɔbɔ ɔsósó wá.

² “Mó sɔ ní fɔbwé yilé há ohiáni á, máda mó ɔkan fé ahá apinabwébi abwepó bɔtɔbwé Yudafo ofiakpa pɔ dunsɔ, méní ahá békánfó amó. Ǿnɔkwali nde mli bláa mbée, Bulu laká amó ikɔ dodo.
³ Táme ní fɔbwé yilé há ohiáni á, máha fú bina ɔbi tɔá gyɔpi labwé. Bwe mó njáinto,
⁴ méní fú Sí oklúntɔ ató owúnpu amɔ ɔbeka fú ikɔ.

Mpábɔ Iwi Atosundhé
(Luka 11:2-4)

⁵ “Ní mli bɔ mpái á, mli mli bwe fé apinabwébi abwepó. Amó tekle Yudafo ofiakpa pɔ dunsɔ lí bɔ mpái, méní ahá bɔwun amó. Ǿnɔkwali nde mli bláa mbée, Bulu laká amó ikɔ dodo.
⁶ Táme ní fɔbɔ mpái á, bitíwíe fú obutótó, afɔfin obu wa iwi, bɔ mpái ha fú Sí njáinto. Fú Sí njáinto ató owúnpu amɔ ɔbeka fú ikɔ.

⁷ “Ní mli dé mpái bɔ á, mli mátsiá plá mótó há mó iwa swí fé ɔmátófo. Bɔtosúsu bεε, ní bɔbó mó iwá swí asa Bulu obónu mó há amó.
⁸ Mli mli bwe fé amó, tsúfé mli Sí Bulu yín tɔá ide mli hián asa mli dé mó kolí.
⁹ Mó sɔ mli bɔ mpái mli aa, ‘Aní Síá fɔbɔ ɔsósó.

Ahá bɔbúu fú dá.

¹⁰ Ba begyi iwíe.

Ahá bɔbwée fú apé ɔsulóv, fé ahá bɔtɔbwé mó ɔsósó.

¹¹ Ha aní atogyihéá íbɔfon aní nde.

¹² Si aní lakpan kie aní,

fé ahá anitesíkié ahá ání bɔtɔpó ilá gyi aní.

¹³ Mákpa aní wá ísókítɔ, mboún le aní tsu Ǿbɔnsám ibitɔ.*

¹⁴ “Tsúfé ní mlesí ahá lakpan kíe amó á, mli Sí amúó ɔbɔ ɔsósó ámu é obési mli klé kíe mli.

¹⁵ Táme ní mli mli síkié ahá a, mli Sí ámu é oméesikié mli.

* **6:13** Iní bɔ nwóló dada amɔ akotɔ: Tsúfé fɔbɔ iwíegyi, túmi pɔ iwíwanki bré féétá. Amen.

Onóklí Iwí Atosundhé

¹⁶ “Ní mliḍé ɔnó klí á, mliḿábwɛ mli iwí búmbláán fɛ alá ako butepina bwé. Alá ahá bówun ání bode ɔnó klí sò butɔbwé iwí ah. Ɔnɔkwali ndɛ mli bláa mbéɛ, Bulu laká amó iko dodo. ¹⁷ Mboún ní mliḍé ɔnó klí á, mliḿie ntsu, amlifunya nwun, ¹⁸ méni ahá bómóowun ání mliḍé ɔnó klí. Táme mli Sí oklúntɔ ató owúnpu amó mó obówun mli, ká mli iko.

Atonyahé Pvyáí Ɔsósó

(Luka 12:33-34)

¹⁹ “Mliḿákɛ ató yáí ɔsólóv anfisv. Ɔtínɛ ání atéple butɔwí ató, iko aná tɔwí nkanv yíntá, awikplu é butobwíé wíé obuto wí ató ání. ²⁰ Mboún mliḿkɛ ató yáí ɔsósó. Inu mó á, atéple butamawí ató, itamawí nkanv, awikplu é butamabwíé wíé obuto wí ató. ²¹ Tsúfɛ ɔtínɛá fú siadiɛ bu a, inó fú agywun tetsiá.

Nyankpɔsa-oyí Ɔkandíɛ

(Luka 11:34-36)

²² “Ansíbi igyi ɔkandíɛ há nyankpɔsa-oyí. Ní fú ansíbi bu alé á, fú nyankpɔsa-oyí ámv fɛé bówankí. ²³ Táme ní fú ansíbi ma ale a, fú nyankpɔsa-oyí ámv fɛé ibv oklúntɔ. Ní ɔkandíɛ ámóv ibv fɛtɔ ámv idun a, mómó fawíé oklún kɔnɔkɔnɔnɔntɔ.

Bulu Mva Atonyahé Iwí Atosundhé

(Luka 16:13; 12:22-31)

²⁴ “Ɔhaa méɛtali súm awie anyɔ. Ɔbódwɛ ɔkɔɛ, lú ɔkɔɛ. Ntɛɛ obóbu ɔkɔɛ, omóobu ɔkɔɛ. Fómɛɛtali súm Bulu, súm kóba.

²⁵ “Mó sv ndɛ mli bláa mbéɛ, mliḿáhan iwí tóá mliégyi, tóá mlónu tsíá nkpa pó tóá mliḍidá sv. Mbéɛ, nkpa medéhián dun atogyihɛ? Ntɛɛ ɔyulóv medéhián dun ató didáhé? ²⁶ Mliki mbubwi, butamadú, butamasíétí wá idantɔ, táme mli Síá ɔbv ɔsósó tɛhá amó atogyihɛ. Mliḿá labi dun amó? ²⁷ Mliḿtɔ ma obétali han iwí pó bré kpalobí tsíá mv nkɛtɔ?

²⁸ “Ntogyi sò mliḍé iwí háan mli ató didáhé sv? Mliki alá pututɔ-oyí ntswítswí tɛdan. Itamayó agyómá ntɛɛ ló atati. ²⁹ Táme ndɛ mli bláa mbéɛ, Owíe Salomo, mv inya fɛétó a, ɔmetali hihie iwí, wá akíɛ fɛ oyí ntswítswí anftɔ kòkò. ³⁰ Ní Bulu dé ífá ání ndɛ ilí, ɔkɛ ilawí, bawá mó ogyá tati didá á, ntogyi sò ɔméɛtali didá mli atati dun mó? Mli hógyi mɔtsó!

³¹ “Mó sv mliḿáhan iwí fité mlihaa, ‘Ntɔ abégyi?’ ntɛɛ ‘Ntɔ abónu?’ ntɛɛ ‘Ntɔ abédidá?’ ³² Inu aná ɔmátɔfɔ butɛsrí gya ni. Mli Sí ámóv ɔbv ɔsósó ámv yin ání inu fɛé de mli hián. ³³ Itóá mli gyánkpa dunka gyí, Bulu iwíégyi pó mv yilébwe, fówun Bulu ɔbópu inu fɛé tsíá mótó há mli. ³⁴ Mliḿásúsú ɔkɛ iwí. Ɔkɛtɔ asón igyi ɔkɛ klé. Ekekegyíɛkɛtɔ ason wunhɛ itso há eke ámv.

7

Iláɛ

(Luka 6:37-38, 41-42)

¹ “Mliḿáɛ ahá ilá, méni Bulu ɔméɛɛ mli ilá. ² Tsúfɛ alí ámóv mliḍé ahá ilá le ámv a, alí Bulu ɔbéɛ mli ilá ní. Itóá fɔpósúsú ha fú bá á, mó kén Bulu ɔbópɔsúsú ha fú é ní. ³ Ntogyi sò fúde ipí túkúrífíbi wun fú bá nsíbisv, táme fomɛde ogyakpatín ání idun fú klésv mó wun? ⁴ Ntɛɛ ntogyi sò fúde fú bá bláa fɛɛ, ‘Ha mí andinkí ipí fú nsíbisv?’ bréá ogyakpatín dun fú klésv? ⁵ Apinabwebí ɔbwɛpó! Gyankpa dunki ogyakpatín ámv fú nsíbisv, méni fówun ató wankláán, tálí dínkí ipí ámv fú bá klésv.

⁶ “Mliḿápu Bulu ató wankíhɛ há ahá ání bogyi fɛ akíai, Bulu asón tamawá amó ogyá. Bénya ɔbló dámlí dun mli. Alí kén mliḿápu mli abutó wolihe há ahá ání bogyi fɛ mprákuo ní. Tsúfɛ bétsatsáa mósó, tsíá mli wá ɔdibatɔ.

Atókolí Tsú Bulu Wá

(Luka 11:9-13)

⁷ “Mliḿkɔl Bulu, ɔbéha mli. Mliḿdunka, mliḿwun. Mliḿida mv klónsv, obéfinkí mó há mli. ⁸ Tsúfɛ ɔhá ání ɔtókólí ató tenyá. Ɔhá ání otodúnká ató towun. Ɔhá ání ɔtɛdá klónsv bótefinkí há. ⁹ Ma búb mliḿtá mv bi ɔkólí mv bodobodo a, obótsu ibwi wá mv ibitɔ? ¹⁰ Ntɛɛ ní ɔkólí mv iye a, ɔbéktítá iwɔ wá mv ibitɔ? ¹¹ Mli lakpan abwɛpó kóráá mliyin alá butɔpó ató wankláán há mli abí. Ntogyi sò mli Sí ámóv ɔbv ɔsósó ámv mó mósɔpu ató wankláán há ahá ání bode mv kólí.

¹² “Bwɛ ha ahá alá fúdeklé fɛɛ búbwɛɛ ha fú. Inu Mose Mbla pó Bulu ɔnósó atóipú amv atosunáhé deblí ní.

Ɔkpa Kplanhe Mva Tɛihé

(Luka 13:24)

¹³⁻¹⁴ “Mliḿtsɔn ɔkpa kplanhe amósv, mliḿyɔ nkpa ání itamatátó. Ahá kpalobí pé tɛbí mó. Táme ní mliḿtsɔn tɛihé ámóv ibv atsonɛ amósv á, mliḿyɔ ɔhikpá. Ahá tsɔtsɔtsɔ tótsɔn mósó.

*Oyi Pó Mó Abi Swiehé
(Luka 6:43-44)*

¹⁵ “Mlikí wankláán ahá ání butowá afunu bee, Bulu onósó atóipó bogyiso. Botepina bwe iwi fé akúfa ba mli wá, táme nkatakúá búbu iyn búgyi. ¹⁶ Amó bwehé mlópubí amó. Botamakpóti kankaba okplóto oyísó, botamakpóti tsákpòh é tonkpa iflasó. ¹⁷ Oyi wankláán toswié abi wankláán. Oyi laláhe é toswié abi laláhe. ¹⁸ Oyi wankláán méetalí swié abi laláhe. Alí kén oyi laláhe é méetalí swié abi wankláán ní. ¹⁹ Oyiá itamaswíe abi wankláán á, kún botokun mó dá, wá mó ogyá. ²⁰ Mó alí sv á, onósó atóipó afunupu anfi bwehé mlópubí amó.

*Bulu Iwiegyi Amoto Awiepó
(Luka 13:25-27)*

²¹ “Megyi dhagyíaha ání oteti mí obéé, ‘Mí Wié, mí Wié’ obówie Bulu iwiegyi ámoto. Mboún dhá ání otábwé mí Sí ámbó obu osúsó ámu apé obýo inu. ²² Bulu asón ogyíké amu a, ahá tsotsotsó béfité mí bee, ‘Mí Wié, megyi fú dátó aniléblí Bulu onó asón, gya oye laláhe lé aháto, bwé ofúla é ní?’ ²³ Inu néle bláa amó mbéé, ‘Mmeyín mli akpágyíakpasu. Mlinatí teti mísó, mli lakpan abwepó!’

*Botásó pó Osublúto Obuyiti
(Luka 6:47-49)*

²⁴ “Mó sv dhagyíaha ání olonu mí asón blíhé anfi, olegyi mósó á, ogyi fé otiansipó akóá oleyi mu obu dínká botásó. ²⁵ Nyankpu lótswíe, ntsu lóbólá wa mó, atsu fú lótsón wolí mósó, táme imobwie. Tsufé oleyi mó dínká botásó.

²⁶ “Táme dhagyíaha ání olonu mí asón blíhé anfi, omegyí mósó á, ogyi fé oha mimláhe ání oleyi mu obu osublúto. ²⁷ Nyankpu lótswíe, ntsu lóbólá wá mó, atsu fú é lótsón wolí mósó. Obu ámu lobwie, lèda así gbloo!”

Túmiá Yesu Bv

²⁸ Bréá Yesu léblí asón ání t á, mó atosunáhé leha onó lobwie odam amu. ²⁹ Tsufé olosuná amó ató túmisó. Omosuná mó fé Mose mbla asunápó amu.

8

*Iló Peye Olópó Oku Tsa
(Marko 1:40-45; Luka 5:12-16)*

¹ Bréá Yesu lékplí tsú íbu ámusó á, odam kponkpónkpónti bobuo mu. ² Inu á, iló peye olópó oku léba bēda akpawunu mu ayabito, kókóli mu obéé, “Owíé! Ní fótisulá á, fétalí há mí iwi béplí.”

³ Mósó Yesu létinkí íbì da mu, bláa mu obéé, “Natstíla, fú iwi íplí!” Inu mu iwi léplí. ⁴ Mósó Yesu léda mu olá obéé, “Mábla ohaa asón ání. Natí laa afopó fú iwi yosuná Bulu igyí ohapó, afoha mu iwígyorátó amó Mose mbla losuná tsú iló pepetsa iwi ámu. Igyí adánsie suna ahá ání fú iwi íplí.”

*Romafó Isá Akapó Ohande Osúmpó Oku Iló Tsa
(Luka 7:1-10)*

⁵ Yesu lówie Kapernaum wúluto. Romafó isá akapó ohande oku léba mu wá, bóbwií ipa há mu obéé, ⁶ “Owíé, mí osúmpó délo. Alasin tsukole, oda wóyító ode iwiasun wúun dōbi.”

⁷ Mósó Yesu lébláa mu obéé, “Néba betsa mu iló.”

⁸⁻⁹ Táme ohande amu lébláa mu obéé, “Owíé, mmofon ání féba mí wóyító. Fó mó blí asoanku, iwi bōwa mí osúmpó amu onln. Tsufé mí é mbu ahande ako asi, isá akapó ako é búbu mí asi. Néle onó mbéé amótó oku onátí á, otenátí. Ní mbéé obá é á, oteba. Tógyítá nébláa mí osúmpó mbéé obwéé á, otábwé.”

¹⁰ Bréá Yesu lónu asón ání á, onó lobwie mu, oledamli bláa ahá amósó búbu mu amu, obéé, “Onokwalí nde mli bláa, mmakówun dhá ání obu hógyi kponkpónti ání odu Israelfoto kóráá kí!” ¹¹ Nde mli bláa mbéé, “Ahá tsotsotsó bótsu owí odalikpa pó owí akplíwíékpá ba, betsiá ató ogyíkpa Bulu iwiegyí ámoto, amóa aní anáin Abraham, Isak pó Yakob aná bōwa íbì gyi ató. ¹² Táme béle Israelfo amósó tekí bogyi Bulu iwiegyí ámoto atsiápó amu lé inu, tswi amó wá oklúntó. Inó isú móa kpisií bu nu.” ¹³ Mósó odelabláa isá akapó ohande amu obéé, “Natí, íbá mótó ha fú fú hógyi onó.”

Alí bré ámoto pépéépé osúmpó amu iwi lówa mu onln.

*Alapv Tsotsotsó Tsa
(Marko 1:29-34; Luka 4:38-41)*

¹⁴ Yesu lýo Petro wóyító. Olóyo á, owísó lakítá Petro mu sia tsihé, oda. ¹⁵ Mósó oleyékítá otsi ámu íbì. Inu mu owísó amu lókusó musu, olobwe Yesu afoótó.

¹⁶ Mú ntópwesu á, bəpu ahá tsətsəətsəə əŋe laláhe dé amó háan ba Yesu. Ɔlətəí gya əŋe laláhe amu, tsú aləpu amu fée. ¹⁷ Inu léha asón amóbu Bulu ənósú ətəipó Yesaia léblí amu leba mót. Ɔbée, “Mólətsa anu ilo, tsú ipian kósó anisu.”

Ahá Aní Bəe Bóbwe Yesu Abutəpə
(Luka 9:57-62)

¹⁸ Yesu lówun aní ədəm babomlí mu, əlebláa mu akasípú amu əbée, “Mliha afa Galilea əpu yə mó əbun.” ¹⁹ Inu Mose mbla osunápú əku lébá mu wá, bəbláa mu əbée, “Osunápú, nóbuo fu yó ətinegyiətínéá fəyo.”

²⁰ Yesu lébláa mu əbée, “Awíá bubu mbó, mbubwi é bubu asia, táme mí, Nyankpəsa-Mu-Bi ánfí mó mma ətínéá nəpu mí nwun tswi.”

²¹ Ahá amóbu bubu mu amotə əku lébláa mu əbée, “Owíé, ha mí anyopulá mí sí asa ambobuo fu.”

²² Táme Yesu lébláa mu əbée, “Bobuo mi, afəsi awupó abəpula amó afúli.”

Atsufú Asibá
(Marko 4:35-41; Luka 8:22-25)

²³ Yesu lówie əkləntə, mu akasípú amu é bowie buo mu. ²⁴ Bréá bəyó á, afú kpənkpənkpənti ku lówa tsón bi. Mó su ntsu dɛda wíe əklən amotə, ideklé ime, táme Yesu mó da ədɛdidu. ²⁵ Akasípú amu bətsinkí mu, bláa mu bəe, “Ani Wíe le anu. Anidé ntsu wíe!”

²⁶ Mób ələfité amó əbée, “Ntəgyi só mlidé ifú nya al? Mli hógyi mətəsí!” Inu ələkəsú lé ənó wa afú móa ntsu ámu, unu fée lələbá.

²⁷ Ifú ləhe kítá amó, bəfité aba bəe, “Nyankpəsa əməmu ni, afú móa ntsu kóráá tonú mu əme al?”

Ŋe Laláhe Gyda Le Agbedépə Abanyótə
(Marko 5:1-20; Luka 8:26-39)

²⁸ Bréá Yesu lówie Galilea əpu əbun, Gadarafo əsulósú á, ayin abanyó akwá əŋe laláhe bu amótə bədalí tsu afúli opulákpá bəfia mu. Amó iyin su əhaa tamatálí tsən əkpa ámusu. ²⁹ Inunu bəkləplón fité Yesu bəe, “Bulu mu Bi, amansu igyi? Fəbá bəpití anu ató asa Bulu isəbitíbi ifon?”

³⁰ Mprákuo tsətsəətsəə əku bədegyi unu fún. ³¹ Mú su əŋe laláhe amu bokokóli Yesu bəe, “Ní fəgya anu lé ahá ánfítə á, ha ayowie mprákuo ánfítə.”

³² Yesu lébláa amó əbée, “Mliyo.” Inunu bədalí ayin ámotə yówie mprákuo ámotə. Amó fée bəsrí kplí okúku ku wíe əpu amotə, wúwu.

³³ Mprákuo ámu akpapó bəsrí yó wúlwutə, yébláa ahá tógyiətá ilaba ahá amóú tekí əŋe laláhe bu amótə ámusu. ³⁴ Mó su wúlu amotə ahá fée bədalí ba Yesu wá. Bréá bowun mu a, bokokóli mu bəe, ədálí amó əsulósú.

9

Tsukole Osinpu Tsa
(Marko 2:1-12; Luka 5:17-26)

¹ Mú su Yesu léyinkí wíe əkləntə, fá əpu amu yó wúlu amóú otsie mótə ámusu*. ² Inu á, aku bəsorá tsukole osinpu akpasu ha mu. Bréá Yesu lówun aní bahu mu gyí a, əlebláa tsukole osinpu amu əbée, “Mí bí, klən idí fu asi. Nasí fu lakpan kíe fu.”

³ Inu Mose mbla asunápú akwá bətsie unu, bəblí wá nwuntə bəe, “Oyin ánfí labó mbusuo.”

⁴ Yesu lébi amó agywun. Mó su ələfité amó əbée, “Ntəgyi só mlidé inu odu gywún?” ⁵ Məmu bəwa ablílé dun? ‘Nasí fu lakpan kíe fu.’ ntée ‘Kusu tsu fu akpa afonati?’ ⁶ Táme ndekléá mlíbú aní mí, Nyankpəsa-Mu-Bi ánfí mbu túmi əyí ánfítə sí ahá lakpan kíe amó.” Inu əlebláa tsukole osinpu amu əbée, “Nde fu bláa mbée, kusu. Tsu fu akpa afonati yə wóyítá!”

⁷ Inu ələkəsú náti yó wóyítə. ⁸ Inu ləwa amó fée wánwan, bəkanfó Bulu aní alapó túmiá igyi alí há anyánpəsa.

Mateo Ti
(Marko 2:13-17; Luka 5:27-32)

⁹ Bréá Yesu ləpu əyó á, olowun lampóo əhəpu əkwá bətətí mu Mateo tsie lampóo əhəkpa. Mób əlebláa mu əbée, “Bobuo mi.”

Inunu Mateo ləkəsú buo mu.

¹⁰ Mateo létí. Yesu muva mu akasípú ató ogyíkpa mu wóyítə. Lampóo ahəpu pó lakpan abwəpú tsətsəətsəə bəba ató ámu ogyíkpa. ¹¹ Farisifə ámu benya wun amó alí, bəfité mu akasípú amu bəe, “Ntəgyi só mli osunápú muva ahá ánfí odu bətəwá ibi gyi ató?”

* 9:1 Mú wúlu gyí Kapernaum. Kí 4:13.

12 Yesu lónu asón áñfi, ðlebláa amó ðbée, “Aláppw léhián ðo ðtsapó, megyi ahá áni íwí bñ amó ðnlñ. 13 Mlyo amlyefíté Bulu asón áñfi bñwanlín tswí anfi asi. Bée, ‘Nwewiún ntekle, megyi igyiha.’ Mmeha aha wankláán ðtkpá, lakpan abwepó ðtkpá neba.”

*Onóklí Iwí Asón Fitéhé
(Marko 2:18-22; Luka 5:33-39)*

14 Eke ðku Asú Ðbapó Yohane akasípó beba Yesu wá befité mu bée, “Ntogyi só ania Farisifo anitekli ðó, táme fò akasípó mó butamakli ðó?”

15 Yesu léle mó ðó ðbée, “Ðtsi ðkpainpó anyawieá bobu mu wá bégyi awireho? Ekekeeke! Táme eke ku béba áni békpa ðká otsiápu amó náti sí amó. Alí nke ámòtó békli ðó ní.”

16 “Ðhaa tamapó tati papwe tan tati dada. Tsufé tati papwe amó békpiqipí tsíí dáda amó ku lé, há ðtánkpa mu bélatéí tsía. 17 Alí kén butamapó nta papwe wá ðwoló-kpákpá kente wuhétó ní. Nta papwe amó íbófú fá kente amó, tsítsá, íbéyintá kente amó é. Íni su ðwoló-kpákpá kente papweto bótápó nta papwe wá, méní mó anyo ámu fée bétsiá.”

*Ðhande Ðku Mv Bi Mva Ðtsi Ðku Ilo Tsa
(Marko 5:21-43; Luka 8:40-56)*

18 Bréá Yesu détoí á, Yudafo ofiakpa ðhande ðku léba beda akpawunu mu ayabito, kókóli mu ðbée, “Mí bí tsíhé lawú séséséí, táme ba afobáppw íbì duka mu su onya nkpa.”

19 Mó su Yesu lókosó, mva mu akasípó bobuo ðhande amó.

20 Ðtsi ðkwa obugya de mu wolí nfi dúanyo ní lótsón yo Yesu ðma, pó íbì da mu tati osiebí.

21 Tsufé ðleblí wá mu nwuntó ðbée, “Ní nǎpó íbì da mu tati kpán á, ðlo bési mí.”

22 Yesu lédamlí ki mu, bláa mu ðbée, “Mí bí, klon ídì fò asi. Fò hógyi latsá fò ðo.” Inunu ðtsi ámu íwí lówa mu ðnlñ.

23 Bréá olowie ðhande amó wóyító a, olowun kpe afolípó, nú awireho agyípó amó okitikíti. 24 Olegya amó ðbée, “Mlidalí nfi! Otsibi amó mókówú, dúdí ðde.” Ahá ámu bəmási mu. 25 Bréá amó fée bedalí ba wunsínésó a, Yesu lébitiwíle obu ámótsi amó dá mótsó ámóto yékitá mu íbì, ðlkosó. 26 Asón áñfi lékleí wá ðmá ámóto fée.

Ansibi Abwiepó Ilo Tsa

27 Yesu lédalí oyó á, ansibi abwiepó abanyó aku bobuo mu, bude okitikíti sorá kpóli mu bée, “Owie Dawid mu na, wun aní nwe!”

28 Bréá olowie wóyító a, ansibi abwiepó ámu beba mu wá. Yesu léfíté amó ðbée, “Mlilahogyi mlíaa, nétalí há mlí ansibi bóbwií?”

Bele mó ðó bée, “Aní Wíé, Ee!”

29 Mú ðlppw íbì dada amó ansibi, bláa amó ðbée, “Íbá mótsó ha mlí, mlí hógyi ðó.” 30 Inu bñwa ató wun bí. Yesu léda amó olá ðbée, bñmábláa ðhaa.

31 Táme bréá bedalí bñyó á, beda mu ðkan ðmá ámu féeftó.

Omúmu Ilo Tsa

32 Benya náti alí, bñppw oyin ðkwa ðhe laláhe bu muoto, su alató omúmu ba Yesu. 33 Olenya gya ðhe laláhe amó lé oyin ámóto alí, ðlwa tóí bí. Ahá ámu fée bowun, su ðnó lobwie amó. Mó su beblí bée, “Anumókówun íni odu Israelfoto ku!”

34 Farisifo ámu beblí bée, “Ðhe laláhe owie túmi ðdeppogya ðhe laláhe lé aháto.”

Ahá Nwewiún

35 Yesu léki awúlu pó nkuda fée asi, súná ató Yudafo ofiakpa. Ðleda Bulu iwígyí ámu íwí asun wankláán ðkan. Ðletsá ðlo kugyíku fée. 36 Bréá olowun ððm amó a, amó asón lówa mu nwe. Bogyi fé akúfa áni bñma ðkrapó, tsufé asón de amó háan, bñma tóto bwetó. 37 Mó su ðlebláa mu akasípó ðbée, “Ató kpótíhé amó itsó, táme mó akpótípó bñmótsó. 38 Mó su mlíkóli ndó mu wie, ðwa ató akpótípó tsótsó abuba bñkpótí ató ámu.”

10

Akasípó Amv Adá

(Marko 3:13-19; Luka 6:12-16, 9:1-6)

1 Yesu létí mu akasípó dúanyo ámu, ðleha amó túmi áni búgyií ðhe laláhesu. Bogyáa amó lé aháto, abotsa ðlo móa íwíosin kugyíku. 2 Sumbí ayapó dúanyo ámu adá ní: Ogyankpapu gyí Simon áni butetí mu Petro mva mu pio Andrea. Yakobo mva mu pio Yohane áni búgyi Sebede abí; 3 Filipo, Bartolomeo, Toma, lampóo ðhópu Mateo, Alfeo mu bí Yakobo, Tadeo, 4 Simon áni ogyi íwíotsiá adunkápó ðpasuato ðha pó Yuda Iskariot áni ðlele Yesu há.

Akasípó Dúanyo Amv Sumbiwa

(Marko 6:7-13; Luka 9:1-6)

5 Ðlwa sumbí ayapó dúanyo ámu sísí, wá mbla há amó ðbée, “Mlumáyo ahá áni bñmegyí Yudafo osulóv pó Samariafo awúlu kókosu. 6 Mboún mlyo Israelfo wá. Bogyi fé akúfa áni

bafwí. ⁷Ní mlɔyó á, mlɔda asón ámu ɔkan mliha, ‘Bulu iwíegyi amu lawíé wóyí tá.’ ⁸Mlɔtsa ɔ, amlɔtsinkí afúli. Mlɔtsa ɔlɔ pepɛ alɔpɔ, amlɔgya ɔɲɛ laláhe le ahátɔ. Mlumáho amó tɔtɔ. Mlibwe mó pɔkie amó, fé alá napókíé mli. ⁹Mlumátsu sika kɔkɔkɔ wá mli akentɛtɔ. ¹⁰Mlumátsu akpankogyo ání mlɔpɔ ató wá mótó há ɔkpa ámu tu. Mlumátsu atadie nyɔɔsi, ntɔkɔta pú oyi yíahé. Tsúfé agyómá ɔyɔpɔ bɔtɛhá atogyihɛ.

¹¹“Ní mlɔyósuwí wúlu kugyíkusu á, mliɔdunka ɔha wankláán, amlɔswí mu wá. Mlɔtsia mu kpefon ekeá mlɛnatí. ¹²⁻¹³Ní mlowíé wóyítɔ mu á, mliha amó itsiá mliha, ‘Bulu ɔhá mli iwílwii.’ Ní wóyí ámɔtáfo bɔhɔ mli á, mli oyúla amu isín amósó. Táme ní bɔmɔhɔ mli á, mómó mli oyúla amu isánki ba mli. ¹⁴Ní bɔmɔhɔ mli, ntéé nú mli asón á, mliɔdali wóyí ntéé wúlu amɔtɔ, amlɔkpa mli ayabítɔ-isi wɔli mu. ¹⁵Ɖɔkwali nde mli bláa mbéé, Bulu ɔbɛbití amó isu dun Sodom móa Gomorafɔ mu asón ogyíké amu.”

*Iwiasin Aní Ibéba Sumbi Ayapó Amusu
(Marko 13:9-13; Luka 21:12-17)*

¹⁶Ɖɛtrá bláa amó ɔbée, “Mlibi ání nde mli wa fé akúfa ání bɔyó nkɔpatakutɔ. Mliwifwii ansí fé awɔ, amlɔha mli iwí itun fé abróɔuma. ¹⁷Mliki mli iwí wankláán anyánpɔsasɔ. Tsúfé békítá mli ya asón ogyíkpa, nwén mli ató amó ofiakpa. ¹⁸Mí su békpa mli ya ɔmáso agyípɔ pɔ awíe ansítɔ, ménú mlégyi mí iwí adánsie súná amóa ɔmátófo. ¹⁹Ní bekítá mli ya a, mliwágywín asón ání mlébli pú alá mléle mó ɔnɔ. Bɔpɔ asón ání mlébli bré ámɔtɔ wá mli ɔnɔ. ²⁰Tsúfé megyí mli ɔbótá. Mli Sí Ɖɲɛ ámu ɔbótá tsɔn mli. ²¹“Apíó béle amó apíó há lowu. Abí así béle amó abí há. Abí é bókɔsɔ líí amó akwíwíwí, há bóm amó. ²²Mí su ahá féé bólu mli, táme ní mlétali wá kɔn líí kinkínkín yófon mó ɔnómá á, Bulu ɔbɔhɔ mli nkpa. ²³Ní budun mli su wúlu kɔtɔ á, mli sɔ yɔ wúlu bámbátɔ. Ɖɔkwali nde mli bláa. Mliwéeki Israel awúlu amu féésó tá asa mí, Nyankpɔsa-Mu-Bi ání néyinkí ba. ²⁴“Okasípɔ tamadɔn mu osunápɔ. Osúmpɔ é tamadɔn mu wie. ²⁵Ibówa alé ní ɔkasípɔ ɔbɔbwe fé mu osunápɔ, osúmpɔ é ɔbɔbwe fé mu wie. Ní batáli bɔde wóyí mu wie amu ti béé, ‘Ɖbɔnsám’ ntéé ‘Beelsebul’ a, mómó ida laláhe mɔmu bómɔpɔtí mu wóyítɔ atsiápɔ mó?”

*Ɖhá Aní Abénya Ifú
(Luka 12:2-7)*

²⁶“Táme mliwánya ifú. Tɔtɔ má muá babun ató mósó ání bómɔobwii mósó. Tógítí é ma muá ilejain ání iméelun ɔwan. ²⁷Ní nelé ató súná mli onyé á, mli kplun bli mó ɔpa. Mliɔda asón ání nébláa mli nklobítɔ é ɔkan. ²⁸Mliwánya nyankpɔsa ifú. Ɖbétali mó mli ɔyɔlɔbɔ, táme ɔméstali mó mli ɔkláa. Mbouin ɔhá ání mliwánya ifú gyí Bulu. Mu ɔbétali yintá ɔyɔlɔbɔ móa ɔkláa amu féé isobití ogyá ání itamaduntɔ. ²⁹Megyí káple bɔtɛfé akénsire anyo kéké? Táme amótɔ ɔkɔkɔ tamakpádá ɔsɔlótɔ ání mli Sí ámu méyín mó iwí. ³⁰Tsúfé Bulu yin mli nwunso-imi kórará klátɔ. ³¹Mó su mliwánya ifú, tsúfé mlibi ibiá dun akénsire tsɔtsɔtsɔ.”

*Adánsiegyi Pó Asónkindá
(Luka 12:8-9)*

³²“Ní ɔkɔ lékali gyi mí iwí adánsie ahátɔ á, mí é négyi mu iwí adánsie súná mí Sí ɔsósó. ³³Táme ní ɔkɔ lékiná mí ahátɔ á, mí é nékiná mu mí Sí ansítɔ ɔsósó.

*Ipiian Yesu Lɔpɔba, Megyi Iwilwii
(Luka 12:51-53; 14:26-27)*

³⁴“Imábwe mli fé iwílwii nɔpɔba ɔsɔlɔbɔ anfisɔ. Megyi iwílwii, mbouin ɔdayí iya anyo nɔpɔba. ³⁵Tsúfé abi yinhé móa amó así nsiné béyintá. Abi tshé móa amó ayín é nsiné béyintá. Osiá tshé móa mu sia tshényɔ é nsiné béyintá. ³⁶Ɖha alupó bótsu mu wóyítɔ.

³⁷“Ɖhá ání ɔtɔdwé mu sɔ ntéé mu yin dun mli mófɔn ání ɔbɔbwe mí ɔkasípɔ. Ɖhá ání ɔtɔdwé mu bi tshé, ntéé mu bi yinhé dun mli é mófɔn ání ɔbɔbwe mí ɔkasípɔ. ³⁸Ɖhá ání omotsu mu oyikpalíhe bobuo mli é mófɔn ání ɔbɔbwe mí ɔkasípɔ. ³⁹Ní ɔkɔ léprɔ mu nkpa á, ɔbɔholú mó. Ní ɔkɔ é lɔholú mu nkpa mí su á, obénya mó.

*Yilébwe Iwi Iwóká
(Marko 9:41)*

⁴⁰“Ɖhá ání ɔlɔhɔ mli laho mli. Ní ɔkɔ lɔhɔ mli é á, alahɔ mí Sí ámóú ɔlɔwa mí ámu. ⁴¹Ní fɔho Bulu ɔnósó ɔtɔpɔ ɔfɔ á, Bulu ɔnósó ɔtɔpɔ oyúla fénya. Ɖhá ání ɔlɔhɔ yilé ɔbwepɔ é ɔfɔ ɔbénya yilé ɔbwepɔ oyúla. ⁴²Ɖɔkwali nde mli bláa. Ɖhagyíɔha ání ɔleha mí akasípótɔ ɔkɔsɔ kórará ntsu-owebi ɔbɔ olonu a, ɔmóhɔlú mu ipán.”

11

*Yesu Mwa Asú Ɖbɔpɔ Yohane
(Luka 7:18-35)*

1 Bréá Yesu lópu agyómá ánní wá mu akasípó dúanyo ámu ibito tá á, olayo yéki Galilea awúluso, súná ahá ató, dá asón ámu é akan.

2-3 Asú Ɖɔɔpó Yohane da obu, olonu Kristo bwehé. Mú su olawa mu akasípó abanyo sísí Yesu ɔ̀bɛɛ, buyéfíté mu bɛɛ, “Fógýí ɔ̀há ámuó ɔ̀bɛ̀ba amu ni, ntée akú ɔ̀ha bambá ɔ̀kpa?”

4 Yesu lébláa amú ɔ̀bɛɛ, “Mliyínki yebláa Yohane asón ánní mllabonu pú atóá mllabowun. 5 Mllabowun ánní ansibi abwepó buɛ ató wun, abo bɔna. Ilo pepe alɔpó iwí deplí. Ivo atínpu buɛ asón nu. Afúli bɔ̀detsínkí, ahiánfó é buɛ ason wankláán ámu nu. 6 Bulu obóyulá ɔ̀há ánní mí bwehé məkəsó lí muvo.”

7 Bréá Yohane akasípó ámu beyínkí ɔ̀yó á, Yesu lówa tóí tsú Yohane iwí súná ɔ̀ɔm amu bi. Ɖbɛɛ, “Bréá mllédalí yo dimbísó unu á, ntó ɔ̀kíkpa mllóyo? Fítáa ánní afú de mú tsóun lóó? Ekekekeke! 8 Ní megýí mú á, ntó kóún ɔ̀kíkpa mllóyo? Ɖhá ánní ɔ̀dídí ntsrim? Ekekekeke! Awíe wóyí atati ámu odu adídápó ɔ̀tetsiá. 9 Mlibla mí! Bulu ɔ̀násó ɔ̀tɔ̀pó mllédalí yéki? Ee, Yohane ni. Ɖɔ̀n Bulu ɔ̀násó ɔ̀tɔ̀pó. 10 Mu iwí asón Bulu lébli bɔ̀wanlín mú tswí bɛɛ, ‘Kí, nde obí wa gya fo nkpa. Mu ɔ̀bɛ̀la ɔ̀kpa há fú ní.’ 11 Ɖnəkwalí nde mí bláa mbɛɛ, ɔ̀hagyíɔ̀ha ánní ɔ̀ha tsihé lakeɛn kwí mófɔn Asú Ɖɔɔpó Yohane, táme mu é ɔ̀mɔ̀fon Bulu iwíegýí ámuɔ̀ ɔ̀kɔsu kóráá. 12 Tsú Yohane brésó ɔ̀bɔtu nde á, ahá buɛ Bulu iwíegýí ámu príi ɔ̀wɔ̀nlínsó. Awɔ̀nlínpó buɛ mú príi. 13 Tsúfɛ Bulu ɔ̀násó atɔ̀pó amu pú Mose Mbla ámu bɔ̀fon Yohanesu fɛ́é ɔ̀tɔ̀tɔ̀ tsú Bulu iwíegýí ámu iwí. 14 Ní mllóhɔ asón ámu gyi a, múmó mllébi ánní mogyí Elia. Mu ɔ̀bɛ̀ba ni. 15 Ɖhá ánní ɔ̀bu asu onúu.

16 “Séi ánní á, amendi nápu ndɛmba-abí ánní kápó? Bogyi fɛ nyebíá ɔ̀tsie dunsu buɛ aba kpólí, 17 blí bɛɛ, ‘Anlapléi ansigyísó, mllmɛtsa. Mú su anlalá wá awíreha ilu, táme mllmósu.’ 18 Mligyi fɛ nyebí ánní, tsúfɛ Yohane léba á, oletsíá kí ɔ̀nó, omɔnu ntá, táme mllhaa, ‘Ɖɔ̀ɛ laláhe bu mɔ̀tɔ!’ 19 Táme mí, Nyankpusa-Mu-Bi ánní mú naba nde ató gyí, nde ntá núu. Mú é mllhaa, ‘Mlíki opotsuapu pú nta ɔ̀bɔpó, lakpan abwepó pú lampóo ahápu onyawíe.’ Táme Bulu ɔ̀ha tsiátó telé mu nyánsa ɔ̀wan.”

*Ahá Ánní Bɔ̀medamllí Klɔ̀ntó Asóngyí
(Luka 10:13-15)*

20 Yesu lópu ɔ̀bló tóí tsú awúlu ako iwí. Awúlu amúá ɔ̀bɔbwe ofúla akpɔ̀nkpɔ̀ntí mótó, táme ɔ̀medamllí klɔ̀ntó ámu. 21 Ɖbɛɛ, “Korasinfó, mligyɔ̀wí. Betsaidafó, mligyɔ̀wí ní. Ní Tiro pú Sidon awúlu laláhe amɔ̀tɔ nɔ̀bwe ofúla akpɔ̀nkpɔ̀ntí ánní nɔ̀bwe mlltá á, tekí ɔ̀medamllí klɔ̀ntó dodoodo. Tekí buɛa akpekpeto, bakpá nsúó wá nwuntu púsúná ánní ɔ̀badámllí klɔ̀ntó. 22 Mlibí ánní Bulu ɔ̀bɛ̀bití mí ivo mu asón ogyíké dun Tiro móa Sidonfó. 23 Mlí Kapernaumfó, mllidékli mllhaa mllótsu iwí fúá alu yówo ɔ̀sósó? Ekekekeke! Bulu ɔ̀bɛ̀ba mí así yówie afúlitó. Tsúfɛ ní Sodom wúluto nɔ̀bwe ofúla akpɔ̀nkpɔ̀ntí ánní odu á, tekí wúlú amu itráa bu ivo ɔ̀bɔtu nde. 24 Mlíkain ánní Bulu obówun Sodomfó nwe asón ogyíké amu dun mí.”

*Mlibɛda Ɖkpónó Mí Wá
(Luka 10:21-22)*

25 Alí bré ɔ̀mɔ̀tá á, Yesu lóhɔ mpáí blí ɔ̀bɛɛ, “Mí Sí, ɔ̀só muɔa así Owíé! Nedá fú ipán ánní falé tóá fapɔ̀njáin anyansapu pú asón abipó ɔ̀wan súná ahá ánní ɔ̀meyín ɔ̀lala, bogyi fɛ nyebí. 26 Ee, Mí Sí! Alí fudeklé fɛɛ íhá mótó ní.”

27 “Mí Sí lópu tógyító wá mí ibito. Ɖhaa méyín Obí ámu, nkétí Ɖsí ámu nkole. Ɖhaa méyín Ɖsí ámu é, nkétí Obí ámu pú ɔ̀há ánní Obí ámu latsúlá ánní ɔ̀bɛ̀le mu súná mu.”

28 “Mliba mí wá, mí ahá ánní lapíán mí, mí ató sɔ̀ráhé de mí dɔ̀n. Néha mlléda ɔ̀kpónó. 29 Mliba iwiasí ha mí, amllisuan mí, tsúfɛ neba iwiasí, nolwíí, méní mllénya iwílwíí. 30 Tsúfɛ mí wá tsiá bu atsiálé. Mí ató sɔ̀ráhé é mɔ̀ɔ̀don mí sɔ̀rá.”

12

*Ɖkpónó Ɖdaké Mu Wíe
(Marko 2:23-28; Luka 6:1-5)*

1 Yesu muɔa mu akasípó ɔ̀bɔtsun ayó ndó kɔ̀tɔ ɔ̀kpónó ɔ̀daké. Akón de akasípó amu, su ɔ̀ɔpɔ̀sáa ayó ámu kɔ̀ wí. 2 Farisífó ako bowun amó, bebláa Yesu bɛɛ, “Kí, fú akasípó amu buɛ tóá mbla meha ɔ̀kpa bwe ɔ̀kpónó ɔ̀daké!”

3 Yesu léfíté amú ɔ̀bɛɛ, “Mllmókókla nu tóá Owíe Dawid lóbwɛ bréá akón de muɔa mu abúopu kí? 4 Olebitíwíe Bulu osúmka yótsu bodobodoá ɔ̀bapóhá Bulu igyi ba, muɔa mu abúopu amu begyi. Bulu igyi ahapó nkole beha ɔ̀kpa, ɔ̀tɛgyi alí bodobodo amu. 5 Mllalakla Mose Mbla, nú ánní Bulu igyi ahapó ámu ɔ̀bɔtɔyó agyómá Bulu ɔ̀tswékpa unu ɔ̀kpónó ɔ̀daké, táme ɔ̀utamahá amú ipón. 6 Nde mí bláa mbɛɛ, ɔ̀há ánní ɔ̀don Bulu ɔ̀tswékpa amu ɔ̀bɔn nfi á. 7 Bulu asón lébli ɔ̀bɛɛ, ‘Nwewúun ntekle, megýí igyiha.’ Ní mliyín mú así á, tekí mllmɛ́eha ahá ánní amú asón da ɔ̀kpa ánní ipón. 8 Tsúfɛ mí, Nyankpusa-Mu-Bi ánní gyí ɔ̀kpónó ɔ̀daké mu wíe ni.”

*Ilotsa Okpónó Odaké
(Marko 3:1-6; Luka 6:6-11)*

⁹ Yesu lénatí unu, olayo Yudafo ofiakpa. ¹⁰ Olowun oyin okóá mu ibi kóle lawú unu. Farisifo ámu buđe Yesu téé. Mú sù befíté mu bée, “Mbla leha okpa ání butsáa ilo okpónó odaké?”

¹¹ Mú Yesu léfíté amó obéé, “Ní mlító oku bu kufa, alakpáda wíé ibúntó okpónó odaké á, omééle mu? ¹² Yéé nyankpusa bu labi dun kufa a? Mú sù mbla leha okpa ání oha obóbwe yilé okpónó odaké.” ¹³ Mú ólebláa oyin amóú mu ibi lawú ámu obéé, “Tinkí fú ibi amu.”

Olenya tinkí mú alí pé, òjé lowie mótó fè nyọọsi amu. ¹⁴ Táme mú ó á, Farisifo ámu bedalı yékítá agywuun alá bóbwe bómo Yesu.

Osúmbi Aní Bulu Lélé

¹⁵ Yesu lébi amó agywuun. Mú sù olenatí unu. Ọdam bobuo mu, oletsa amótó alapo fèé ilo. ¹⁶ Mú óleada amó alá obéé, bómáha ahá abubi mu. ¹⁷ Iní léha asón amóú Bulu onósó ọtáípó Yesaia léblí yáí ámu léba mótó ní. ¹⁸ Obéé,

“Kí, mí osúmpóá nalé ní.

Ntádwe mu, mí ansí tegyi mu iwí.

Nópo mí Ọje Wankíhé wá muto.

Obébláa omátófo obéé, ‘négyi amó asón onakwaliso.’

¹⁹ Oméegyí nwéén, omáokplón.

Ohaa móonu mu onó brónusu.

²⁰ Obénya klun há há ání amó hógyi onó ma onlun,

bábwe fè oyiá datá bia tá.

Obówa awutale há há ání buma ọwonlín,

bábwe fè okandíeá nfo latá mótó,

yófon bréá bébi ání ntegyi asón onakwaliso.

²¹ Ahá ání bomegyí Yudafo bópo ansí dínká musu.”

Yesu Mva Beelsebul

(Marko 3:20-30; Luka 11:14-23)

²² Inu bopo oyin oku ba Yesu, oje laláhe bu muto. Mú sù leha mu ansibi lobwie; alató omúmu é. Yesu létsa mu ilo, ode ató wúun, ọdetáí é. ²³ Onó lobwie ahá ámu fèé, befíté bée, “Megyí Dawid mu na ámu ní?”

²⁴ Táme Farisifo ámu bonu asón ání á, beblí bée, “Ọje laláhe owíe Beelsebul túmi ọdepoğya oje laláhe lé ahátó.”

²⁵ Yesu lébi amó agywuun. Mú sù olebláa amó obéé, “Iwíe ogyíkpa ání ilaye anyo, buđe aba ko bédida. Alí kén wúun ntéé wóyí oduá mótó atsiápo buđe aba ko é itobwíé ní. ²⁶ Mú sù ní Ọbunsám dé mu iwí gyáa a, mu iwíegyi bédida. ²⁷ Ní Beelsebul túmi ndepoğya oje laláhe lé ahátó á, mómó ma túmi mlí abí é budepogya oje laláhe lé ahátó? Mlí abí ámu onutó obégyi mlí asón. ²⁸ Táme iníá Bulu Ọje ndepoğya oje laláhe sù á, mlibi ání Bulu iwíegyi ámu laba mlí wá dodo.”

²⁹ Ohaa méetalí wíé ọwonlínpo wóyító yókolá mu ató, nkéti alagyankpá kíki mu tswi, asa obétali kólá mu ató fèé.

³⁰ Ohá ání omobuo mí dé mí lu. Ohá ání ọmedé mí tsa akpa ahá ba Bulu é dé amó gyáa teía mi. ³¹ Iní sù nde mlí bláa mbéé, Bulu obési ahá lakpan pó abususọ kugyíko kíé amó. Táme ní oku obli Ọje Wankíhé amu iwí abususọ a, Bulu méesikíé mu ekekeke. ³² Ní oku léblí mí, Nyankpọsa-Mu-Bi ání é iwí asón laláhe a, Bulu obétali sikíé mu. Táme ní oku léblí Ọje Wankíhé amu iwí asón laláhe mú á, Bulu méesikíé oha ámu nde ọyi kehe, ntéé bré amóú ibá amoto.

*Tsidító Itsi Iklvnto
(Luka 6:43-45)*

³³ Oyi abí bọtọpóbi mú. Oyi wankláán toswíé abi wankláán. Oyi laláhe é toswíé abi laláhe.

³⁴ Mlí awọ abi-aná! Nkálí mlí aha laláhe mlétali blí asón wankláán? Tsúfè táá idun oha klun a, mótédálí tsu mu onó. ³⁵ Oha wankláán teblí asón wankláán tsú mu klvnto, oha laláhe é teblí asón laláhe tsú mu klvnto.

³⁶ Nde mlí bláa mbéé, ohagyíoha obéle asón laláhe kugyíkóá oleblí onó Bulu asón ogyíké amu.

³⁷ Tsúfè oha asón blíhé Bulu obóphá mu asu ntéé ipón.

Bodunká Ofúla

(Marko 8:11-12; Luka 11:29-32)

³⁸ Mú Yesu Farisifo pọ Mose mbla asunápo amu ako bebláa Yesu bée, “Osunápo, anídéklé aniaa fubwéé osúna ko suna aní.”

³⁹ Olebláa amó obéé “Mlí ndemba-abí laláhe ání mlíladáli Bulu ọma. Mlídé osúna dunká amlíwun, táme mlímóowun kọkọkọkun dun Bulu onósó ọtáípó Yona osúna amu. ⁴⁰ Alí amóú Yona létsiá bonsu iwító nkensá, ọpa móa onyé ámu a, alí mí, Nyankpọsa-Mu-Bi ání é nétsiá ọsulọ

otótó nkensá, ɔpa móa onyé ní. ⁴¹ Niniwefo é bókusó Bulu asón ogyíké amó, há mli ndemba-abí ánfí ipón. Tsúfè bréá Yona léda Bulu asón akan súná amó á, bedamlí klonto ba Bulu wá. Mliki, ɔhá ání ɔdon Yona onutó lífí nfi á. ⁴² Seba owíe tsihé ɔbókusó lífí Bulu asón ogyíke, há mli ndemba-abí ánfí ipón. Tsúfè olotsu ɔsaasí ɔmá ikwò kén gya ɔkpa ba, bonu Salomo nyánsa atosunáhé. Mliki, ɔhá ání ɔdon Salomo lífí nfi á.”

Ɔge Laláhe Yinki Ba Ɔhato
(Luka 11:24-26)

⁴³ “Ní ɔge laláhe idálí ɔhato á, iteyéki dimbísó dúnká ɔkpónó ɔdakpá, táme itamanyá. ⁴⁴ Inu itebli ání íbéyinki yó mó wóyí dadato. Ní isánkí yó á, itowun ání baféí mótó, lá mótó wankláán, ida kpan. ⁴⁵ Iteyínki yékpa mó aba asienó ání bɔtɔbwé lalahe dun mó, bɔteba betsiá unu. Inu ɔhá ámo tsiátó teyíntá dun alá igyi yáí. Alí íbèba ha mli ndemba-abí laláhe anfi ní.”

Yesu Abusuanfɔ Onutó
(Marko 3:31-35; Luka 8:19-21)

⁴⁶ Bréá Yesu trá ɔde ahá ámu asón bláa a, mu yin mwa mu apíó beba belí kpankpá, bodedunká ání bèbláa mu asón. ⁴⁷ Ahá ámutó ɔko lébláa Yesu ɔbée, “Kí, fí yin mwa fí apíó bolí kpankpá. Bode fí dunká, abɔbba fu asón.”*

⁴⁸ Múú Yesu léfíté mó ɔbée, “Amendí gyí mí yín mwa mí apíó?” ⁴⁹ Inu ɔletinkí íbì sísí mu akasípó amó, blí ɔbée, “Mliki, mí yín mwa mí apíó gyí ahá ánfí á. ⁵⁰ Ɔhagyíɔha ání ɔtɔbwé mí Sí ámóó ɔbu ɔsósó ámu apé á, mogyí mí yín móa mí píó ní.”

13

Ató-abí Owunyápv Iwí Yébi
(Marko 4:1-9; Luka 8:4-8)

¹ Eke ámu kén á, Yesu lédalí tsu wóyító yétsiá ɔpu ɔnó. ² Ɔdam kpankpankpannti beba befia bomlí mu. Mó su ɔbdo wíé ɔklontó, yétsiá ɔpu amoso, ahá ámu é bolí ɔpu ɔnó unu. ³ Inu olusuná amó ató tsɔtsɔtsɔ ayébitó ɔbée,

“Ɔdotɔpu ɔko lýo ató-abí owunyákpa. ⁴ Bréá ɔde mó wunyáa a, iku lówolí ɔkpató, mbubwi beba bɔtswetswée mó fée. ⁵ Iku é lówolí abutásó, ɔtínéá ísì kpalobí dun. Mó su lɔwa ɔsa kwe, ⁶ táme bréá owí lelín a, lɔtɔ mó mó, tsúfè mó nlin moyo ɔtótó. ⁷ Abí ámu ko lobun awutó, awu ámu lɔbulá kítá mó. Mó su umedan. ⁸ Táme abí ámu ko é lobun ɔsolúw wankláánsó, ilakwe, dan, swie abí. Iku lafa (100), iku aduesie (60), iku é advasa (30).”

⁹ Yesu lómó mu asón ɔnó ɔbée, “Ɔha ání ɔbu asu onúú!”

Tɔá Svá Yesu Látó Ayébisv
(Marko 4:10-12; Luka 8:9-10)

¹⁰ Mu akasípó amó beba befité mu beɛ, “Ntogyi só fode amó asón bláa ayébisv?”

¹¹ Múú ɔlele mó ɔnó ɔbée, “Mli mó á, Bulu lahá mli ɔkpa ɔbée, mli bii mu iwíegyí ámu iwí ason nǎínhé, táme ɔmeha amó mó alí. ¹² Tsúfè ɔhá ání odekléá obónu mí atosunáhé amó así á, Bulu ɔbɔpu iku tsía mótó há mu, méní ɔbétɔra bi tsía mótó. Táme ɔhá ání omedékléá obónu mó así á, Bulu ɔbɔswí mu kpalobí ámóó alabí ámu kóráá. ¹³ Tɔá svá nde amó asón bláa ayébisv gyí, bode mó nu, táme bɔmedé mó así nu. Bode mó wúun, táme bɔmedé mó bi. ¹⁴ Ahá ánfí só Bulu ɔnósó ɔtɔípó Yesaia asón ání ɔleblí tswíi laba mótó ní. Ɔbée, ‘Bónu lánú, táme bɔmóonu mó así.

Béku láki, táme bɔmóowun mó.

¹⁵ Tsúfè amó agywun lawú.

Batílá asv, bun ansíbi é.

Iní su bɔmóonu, bɔmóowun é.

Ní megyí alí á, tɛki bówun ató,

bónu asón, amó agywun bóbwií, bédamlí ba mí wá, nétsa amó ilo.’

¹⁶ “Táme mli mó á, Bulu layúlá mli. Mlétalí pó ansíbi wun ató, pó asv nú asón. ¹⁷ Ɔnokwalí nde mli bláa. Bulu ɔnósó atɔípó pó yílé abwepó tsɔtsɔtsɔ bekleá b́pu amó ansíbi wun ató ánfí, abɔpu amó asv nu asón ánfí mli dénu, táme bɔmenya mó alí.

Ató-abí Owunyápv Yébi Amv Así
(Marko 4:13-20; Luka 8:11-15)

¹⁸ “Mlinu ató-abí owunyápv yébi amó así ngya. ¹⁹ Ahá ání bonú Bulu iwíegyí iwí asón ámu, táme bɔmonu mó así á, bugyí fè abí ámóó ilobun ɔkpató ámu. Ɔbunsám tɛba beɛ asón ámóó bodu wá amó klontó ámu náti. ²⁰ Abí ámóó lówolí abutásó amó gyí ahá ámóó bonú asón ámu pé, baho mó ansigyísó, ²¹ táme íná buma nlin su á, itamatsiá amótó yó. Mó su ní bɔdun amósó

* 12:47 Mótó yée 47 una nwoló dada amó akoto.

ntée iwiasin ku itó amó asón ámu su á, inonu botédida. ²² Abí ámóú ìṣṣwólí awutó ámu gyí ahá ámóú bonú asón ámu a, bahò mú, táme oyí ánfító ató hiánhe iwí gywíún pò mótó atonyahé iwí ónsípé tegyi Bulu asón ámósu. Iní su botamaswíé abí. ²³ Abí ámóú ìṣṣwólí ósólú wankláánsó amu gyí ahá ámóú butonú asón ámu, nú mú así. Iní su itehá butóbwé yilé fẹ alíá ató-abí ámu loswíe, iku lafa (100), iku aduesie (60), iku é advasa (30) ámu.”

Ató-abí Wankláán Pó Ifa Laláhe Iwí Yébi

²⁴ Yesu létrá ha ahá ámu yébi ku óbée, “Bulu iwíegyi ámu igyi fẹ ódótọpọ ókuá oloyódu ayó wankláán mu ndoto. ²⁵ Táme onyé, bréá ahá bedi á, mu olupó lóyódu ifa laláhe ání ìlehan ayó ámu wá mótó, ólenatí. ²⁶ Bréá ayó ámu lédan, ìdekwi á, ifá ámu é lelu ówan mótó. ²⁷ Ódótọpọ amu apafó botsu ndo ámutó ba befíté mu bée, ‘Aní wíé, megyí ayó fodu wá fò ndo ámutó? Nkónú ifa laláhe é itsú mótó?’ ²⁸ Múó ólebláa amó óbée, ‘Mí olupó bwehé ní.’ Inu bebláa mu bée, ‘Ní fótusúlá á, ha ayetsitsí mú le ayó ámutó.’ ²⁹ Ólebláa amó óbée, ‘O-o! Mliha mó itsia. Ní mlídé mó tsíí á, mlétsíí mí ayó ámu é ku tsítsá. ³⁰ Mlísí mó fée ilu yófun mó t́nbi. Ní ifon a, nébláa mó at́npọ mbée, bugyánkpa saan ifa laláhe amu, abokli mó tswi ha mó ogyá wa, asa abotin ayó ámu yowa mí oduduto.’ ”

Takýi-akpin Ibí Yébi

(Marko 4:30-32; Luka 13:18-19)

³¹ Yesu létrá ha amó yébi óbée, “Bulu iwíegyi ámu igyi fẹ takýi-akpin ibí, oyin óku lódu wá mu ndoto. ³² Mógýi t́kúfúfibi nyí-abí féeftó ní, táme ní idan a, itóbwé ifá fóáhé don ifá kugýíku. Mú abámbi tekpíkpli, mbubwi botogyónká mósó.”

Bodobodotu-afá Yébi

(Luka 13:20-21)

³³ Yesu létrá ha amó yébi ku óbée, “Bulu iwíegyi ámu igyi fẹ bodobodotu-afá ání ótsi óku lópútsiá bodobodo nfíú kente kole, ìleha mó lotu.”

Yesu Lótó Ayébisu

(Marko 4:33-34)

³⁴ Ayébi anfi odu tsotsòtsò oletsíá pùbláa ódóm amu asón ní. Ómebláa amó asón kokuá imegyí ayébi ólópótá. ³⁵ Iní léha asón ámóú Bulu ónósó ótópó óku léblí yáí ámu léba mótó. Óbée,

“Nótó ayébisu

pólé asón ání Bulu lóponjín tsú oyí asitsuábi ówan.”

Ifa Laláhe Yébi Amu Así

³⁶ Yesu lénatí ódóm amu wá ba wóyító. Múó mu akasípó amu bọyọ mu wá yébláa mu bée, “Le ndo ámutó ifa laláhe iwí yébi amu así suna aní.”

³⁷ Múó Yesu léle mú ónó óbée, “Mí, Nyankpọsa-Mu-Bi ánfí gyí ató-abí wankláán olupó ámu ní. ³⁸ Ndo ámu gyí oyí ánfí. Ató-abí wankláán ámu gyí Bulu iwíegyi ámutó abí. Ifa laláhe amu gyí Óbunsám abí. ³⁹ Olupó ámóú olodu ifa laláhe abí ámu gyí Óbunsám. Atótunbi amu gyí oyí ónómáké. Ató at́npọ amu é gyí Bulu-abọpọ.

⁴⁰ “Alí ámóú besáin ifa laláhe amu, wá mú ogyá ámu a, alí kén ibéba ha aha laláhe oyí ónómáké ámu ní. ⁴¹ Mí, Nyankpọsa-Mu-Bi ánfí nówa mí abọpọ békpa tógýítá itehá óha tóbwé lakpan pò laláhe abwepó fée lé mí iwíegyi ámutó. ⁴² Bótswi amó fée wá ogyá kponkponntu. Inú isú móa kpsíí bu ní. ⁴³ Táme yilé abwepó mó bówankí fẹ owí amó Sí Bulu iwíe ogyíkpa ní. Óhá ání óbu asu onú.”

Siadie Méntíhé Iwí Yébi

⁴⁴ Yesu létrá ha amó yébi ku é óbée, “Bulu iwíegyi ámu igyi fẹ siadie kuá bopolá ósólú koso. Oyín óku léyéméntí mú, lánjín mó. Mú iwí ansigýí su á, óleyéfe mu ató fée póbóho ósólú amu.”

Abutó Wólíhe Iwí Yébi

⁴⁵ Bulu iwíegyi ámu útráa gyí fẹ ibíá ogyípó ókuá óna óde abutó wólíhe dunká óho. ⁴⁶ Bréá olowun butóbi wólíhe kole péá ihíe bu ibíá á, ólefe mu ató fée pýyóho butóbi amu.

Asawu Iwí Yébi

⁴⁷ Bulu iwíegyi ámu léla igyi fẹ asawu ání bótswi wa ópótó lé aye ótsan-ótsan. ⁴⁸ Bréá aye lóbulá mú á, aye alepó ámu bebítá mú ba ópọ ónó. Betsiá así, tósi gyíhe amu wá blanwétó, tswi móá butamagyí tsítsá. ⁴⁹ Alí ibéba oyí ónómáké ámu ní. Bulu-abọpọ béba bótósi aha laláhe lé aha wankláántó. ⁵⁰ Fówun batswi aha laláhe amu wá ogyá kponkponntu. Inú isú móa kpsíí bu ní.

Atonyahé Pọpwe Móa Dada

⁵¹ Yesu léfíté mu akasípó óbée, “Mlilanú mó fée así?” Bée, “Ee, anilanú mó así.”

⁵² Múú òlebláa amú òbée, “Mómó mbla osunápó oduá alakásí Bulu iwíegýí ámu iwí asón é bí á, ogyi fè wóyí mu wie oduá otelé ató pópwe móa dáda fée tsú mu ató òyaikpá.”

Bumàhò Yesu Mò Wùluto
(Marko 6:1-6; Luka 4:16-30)

⁵³ Yesu lénya mó mu ayébi amu ònó alí, òlenatí unu. ⁵⁴ Oleyinkí yó mu onutó wùluto Nasaret, oloyósuná ató Yudafo ofiakpa. Mu atosunáhé leha ònó lobwie ahá ámu fée. Mó su befíté aba bee, “Nkónó olenya nyánsa móa ofúlabwe túmi ánfí é tsú? ⁵⁵ Megyí ató osrépó mu bí ámu ní? Megyí mu yin gyí Maria, mu apio yinhé gyí Yakobo móa Yosef pó Simon móa Yuda? ⁵⁶ Yéé ania mu apio tshé tsie nfi á? Múú nkónu olenya iní fée tsú?” ⁵⁷ Iní su mu asón lókúso líí amósó.

Yesu lébláa amú òbée, “Ahá butobú Bulu ònósó òtáípó òtíngyíatíné, táme mu onutó wùlutofo pó mu wóyító ahá mú botamabú mu.” ⁵⁸ Iníá bumàhò mu gyi su á, ofúla kpalobí ku pé òlabwe unu.

14

Asú Òbópó Yohane Lowu
(Marko 6:14-29; Luka 9:7-9)

¹ Galilea òmáso ogyíípó Herode lónu Yesu iwí asón alí bré ámutò. ² Múú òlebláa mu asúmpó òbée, “Asú Òbópó Yohane amu ní. Mulákúso tsú afúlitó. Mó sù òde ofúla anfi odu bwe ní.”

³⁻⁴ Bré kuto á, Yohane létsiá bláa Owie Herode òbée, mbla meha òkpa aní otsiá mu pio Filipino mu ka Herodia. Iní su Herode léha bekítá Yohane, wá mu ikan, pó mu wá obu. ⁵ Òlabwe agywuun aní òbómò Yohane, táme olenya ahá ámu ifú, tsúfè butobú Yohane aní Bulu ònósó òtáípó ogyi.

⁶ Táme eke òkúá Owie Herode dé mu òkwíké gyí a, mu ka Herodia mu bí tshé lóbowie òbunto tsa Herode mu mu ahande ansító. Mu itsáa amu lówa owie amu ansigyí. ⁷ Mó su òleka ntam òbée, òbéha mu tógyítá òdeklé.

⁸ Otsibi amu mu yin léha mu òlebláa Herode òbée, “Ndekléá fupó Asú Òbópó Yohane nwun dinka ilínsó ha mí sésésééí.”

⁹ Asón anfi léhie han Herode, táme mu ntam amú òleka, pó ahá ámutó bubu unu ámu su á, òleha mu ahá òtínpu òkpa òbée, òbweé tóá otsibi amu lafité ha mu. ¹⁰ Ahá òtínpu amu léyetin Yohane nwun obu òdikpá unu. ¹¹ Múú òlèpu nwun ámu dínká ilínsó ba otsibi amu, mu é òlèpuya mu yin Herodia. ¹² Asú Òbópó Yohane akasípó beba botsu mu satin yópulá. Mó òma a, bọyò yébláa Yesu asón aní ilaba.

Ahá Mpím-nu Atogyihe Ha
(Marko 6:30-44; Luka 9:10-17; Yohane 6:1-14)

¹³ Yesu lénya nú asón ámu alí, olowie òkluntó, fá ntsu yétsiá òtínekú mu nkole. Táme òdóm ámu bebi òtínéá òyó. Mó su benatí ayabito tsú amú awúlusu gya mu nkpa. ¹⁴ Bréá òlekplí dalí òklon amutó, wun òdóm kpónkpónkpòntí á, amú asón lówa mu nwe. Mó su òletsa amótó òlèpu.

¹⁵ Owí lèppan a, akasípó amu beba mu wá bebláa mu bee, “Dimbísó nfi gyí, owí é deta. Mó su ha amú abọyò awúluá ibu bomlí nfi así yohò təkó gyi.”

¹⁶ Táme Yesu léle mú ònó òbée, “Imehián aní bọyò. Mlídunka təkó ha amú abọgyi.”

¹⁷ Mu akasípó amu bebláa mu bee, “Tóá anibu fée gyí bodobodo apin anu pó ntsutso iye bwáhé anyò pé.”

¹⁸ Yesu lébláa amú òbée, “Mlitsu ba mí.” ¹⁹ Múú òleha ahá ámu betsiatsiá ifa bóbwe amusu. Inu olotsu bodobodo anu pó ntsutso iye bwáhé anyò ámu. Inu olotsu ansí fúá kí òsúsó, òleda Bulu ípán. Múú olebiabiá bodobodo amutó há akasípó amu, amú é beye mó ha ahá ámu fée. ²⁰ Amú fée begyi muwie sian. Akasípó amu bótási sianhe amu. Ilòbulá alakpá dúanyò. ²¹ Ayin aní begyi ató ámu nkole bọgyi fè mpím-nu (5,000). Bumekla atsi móa nyebí mó.

Ọpusu Natí
(Marko 6:45-52; Yohane 6:15-21)

²² Múú Yesu léha akasípó amu òbée, bówie òkluntó, abugyankpa fa ọpu amu yó mó òbun. Mu mó olesin òma sí ahá ámu òkpa. ²³ Bréá olesi amú òkpa tá á, òlèdu yó busu yóbo mpá. Mu nkole oletsíá unu yófun owi tahé. ²⁴ Alí bré ámutó á, òklon amu lawíé ntsu nsuné. Ilefia afú kpónkpòntí ku, ọpu amu lówa dabi.

²⁵ Bake-bake a, Yesu lénatí ntsu ámusò ayabito buo amú. ²⁶ Bréá bowun mu, òna ọpu amusu á, benya ifú sórá okitikítí, blí bee, “Fúli ogyi.”

²⁷ Táme òlawa òsa bláa amú òbée, “Mlwa klun. Mí ní. Mlúmanya ifú.”

²⁸ Petro lébláa Yesu òbée, “Mí Wíé, ní fú ní mó á, ha mí é annatí ọpu amusu bọtu fú.”

²⁹ Yesu lébláa mu òbée, “Natí ba.” Petro lédalí òklon amutó òna ọpu amusu òyó Yesu wá.

³⁰ Táme bréá olowun ahá afú ámu ònó bu ònlun á, ifú lowie mu ayeto. Mó su òlawa me bí. Múú òlekplón kpólí Yesu òbée, “Mí Wíé, hò mí!”

³¹ Inonu Yesu létunkí ibi kítá mu, bláa mu obéé, “Fó hógyi mætsó. Ntogyi só fódé nwéén gyí?”
³² Benya dó wíé òklon amotó alí, afú ámu léka itin. ³³ Inu ahá ámuó bobu òklon amotó ámu beda akpawunu Yesu ayabito, blí bée, “Lélé, Bulu mu Bi fógyi.”

Genesaretfo Alapu Tsa
(Marko 6:53-56)

³⁴ Yesu muva amonyo befa opu amu yési Genesaret otsubuno. ³⁵ Bréa unfo bebi ání mu ni á, bowa abí ya amú awúlu féesó, há amó bopu alapu fée ba mu. ³⁶ Bokokóli Yesu bée, óhá alapu amu abupu ibi da mu atadie odano kpán. Amóá bopu ibi da mó fée benya ìtsá.

15

Atitifo Amándié
(Marko 7:1-13)

¹ Mú óma a, Farisifo pú Mose mbla asunápo ako botsu Yerusalem ba Yesu wá, befité mu bée,
² “Ntogyi só fó akasípo amu botamagi aní anáin amándiésó. Botamafwí ibi amándié okpasu asa botegyí ató?”

³ Yesu léle mú onó obéé, “Ntogyi só mli é mli anáin amándiésó mlu médé Bulu mbla ámuvo gyí? ⁴ Mose lówanlín wá Bulu mbla ámuvo obéé, ‘Bu fó sí muva fó yín,’ òletrá wanlín obéé, ‘Ní òku léblí asokpan tsú mu sí ntéé mu yin iwí á, bómóó mu?’ ⁵⁻⁶ Táme mli mú mlíaa, óha obétalí bláa mu sí ntéé mu yin obéé, ‘Tóá teki nápuhá fó á, napóhá Bulu. Imehián aní nétrá kí fo.’ Mli anáin amándiésó mli tráa mlu médé Bulu mblasó gyí. ⁷ Apinabwebí abwepó! Ònòkwali Bulu onósó otáipó Yesaia léblí tsú mli iwí tswí obéé,

⁸ ‘Ahá ání búdepu amú onó bú mí, támé amú klon bu ifó mí wá.

⁹ Kpaali búde mí sum, tsúfée basí Bulu mbla tswí, yó búde anyánkpósa mbla suná.’ ”

Tóá Itokpóí Óha Bulu Ansító
(Marko 7:14-23)

¹⁰ Yesu létrá tí odom amu ba mu iwí wá, òlebláa amú obéé, “Mli yaa aso, méní mlónu ínì asì.
¹¹ Megyí tóá óha tegyí tókpóí mu Bulu ansító, mbouín móá itedáli tsu mu onó tókpóí mu.”

¹² Inu mu akasípo amu beba mu wá befité mu bée, “Foyin aní fó ason blíhé anfi lawo Farisifo ámu?”

¹³ Yesu léle mú onó obéé, “Bópulí oyígyíoyí aní megyí mí Sí ámuó obu osósó ámu lóswíe tsitsá.
¹⁴ Mlisi Farisifo ámu asón. Ansibi abwiepó bogyi, búde ansibi abwiepó kpa. Ní nsibi obwiepó dé nsibi obwiepó kpa á, obótó amú abanyó butekpá wíé.”

¹⁵ Múó Petro lébláa mu obéé, “Le yébi amu así suna aní.”

¹⁶ Yesu léfité amú obéé, “Mú su mli é mlitamanú asón así? ¹⁷ Mlu méyín aní tóá iwíé óha onó á, mu iputo itowíé, otéyéle mú wá òkpontó? ¹⁸ Asóngyiasón aní itedáli tsu óha onó á, mu klonto itedáli tsu. Mótokpóí mu Bulu ansító ní. ¹⁹ Tsúfée óha klonto ágywun laláhe tedáli tsu. Mótéhá otómó óha, otótó mbua, otowá atsi móa ayin asón, otowí ató, otowá afunu, otetsii óha. ²⁰ Iní aná tókpóí óha, támé ní óha mófwi ibi amándiésó okpasu asa olegyi ató á, itamakpóí mu Bulu ansító.”

Otsi Okwá Omegyí Yudayin Hógyi
(Marko 7:24-30)

²¹ Yesu lénatí unu yó Tiro móa Sidon nsáunto. ²² Kanaanyintse okwá otsie unu léba Yesu wá. Óde okitikítí sùrá, olokokóli Yesu obéé, “Dawid mu na, wun mí nwe! Óñe laláhe bu mí bí tshíéts. Ide mu háan dubi.”

²³ Táme Yesu mékpla mu. Inu mu akasípo amu bobwíi ipa há mu bée “Ha otsi ámu onati, tsúfée obuo aní óde okitikítí sùrá dubi.”

²⁴ Yesu lébláa otsi ámu obéé, “Israel akúfa fwhé pé wá Bulu lówa mí.”

²⁵ Táme otsi ámu léda akpawunu mu ayabito, bláa mu obéé, “Mí Wíé, gyi mí buale.”

²⁶ Yesu lébláa mu obéé, “Ima aláé físwíi nyebí atogyihe póhá akíai.”

²⁷ Otsi ámu léle mú onó obéé, “Owíé, ibu mótsó alí, támé akíai é botegyí atogyihe mpupubi aní itekpákpa bun amú wíé opónóasi.”

²⁸ Múó Yesu lébláa mu obéé, “Otsi, fó hógyi lomoní. Ibá mótsó ha fó alíá fodeklé.” Inonu iwí lówa mu bí ámu onlu.

Ahá Tsotsotsó Ilo Tsa

²⁹ Tsú unu á, Yesu lótsón Galilea opu onó, dó yétsiá okúku kosu. ³⁰ Ahá tsotsotsó bopu abubúpu, ansibi abwiepó, abo, amúmu pú ilo bámbá alapó bobun Yesu ayabiasí, òletsa amú fée. ³¹ Ahá ámu onó lobwie amú bréa bowun amúmu búdeótá, abubúpu iwí lawá amú onlu, abo búna, ansibi abwiepó é búde ató wúun, bekanfó Israel Bulu ámu.

*Ahá Mpím-na Atogyihe Ha
(Marko 8:1-10)*

³² Yesu létí mu akasípó, bláa amó òbée, “Ahá ánfí asón de mí nwe wa. Nde eke sáásí òpá bobuo mu, bوترáa buma tótáa bégyi. Ní nehá amó bapó akón náttí á, ansító béyebi amó òkpató.”

³³ Mu akasípó amu befíté mu bee, “Nkónó abénya atogyihe há òðm anfi òmbí ánfíso?”

³⁴ Yesu léfíté amó òbée, “Bodobodo afiní mlibu?”

Bele mú ònó bee, “Asienó pú aye pútúpútú kpalóbí ku.”

³⁵ Yesu léha òðm amu betsiá asi. ³⁶ Múó olotsu bodobodo asienó pú aye amu, dá Bulu ipán, olebiabia mótsó há akasípó amu, beye ha amó. ³⁷ Amó fée begyi mwe. Bótási sianhe amu búlá alakpá yílé asienó. ³⁸ Ayin ání begyi ató ámu nkole bogyi mpím-na (4,000). Bomekla atsu móa nyehí.

³⁹ Inu Yesu lési ahá ámu òkpa, olowie òkòntó fá òpú yó Magadanfó òsolósu.

16

*Farisifó Bodunká Ofúla
(Marko 8:11-13; Luka 12:54-56)*

¹ Eke òku Farisifó pó Sadukifó akó beba Yesu òsókúkpa. Mú sò bebláa mu bee, òbwée osúna pòsuna amó ání lélé otsú Bulu wá. ² Yesu lébláa amó òbée, “Ní owí ipón, nsaintó ipé á, mliteblí mlíaa, ‘Òke nsaintó bédí.’ ³ Ní nyankpò obílá tuun nyankí a, mliteblí mlíaa, ‘Nde nyankpò obótswie tson afú.’ Mlitétalí kí nsaintó, bí tóá íbéba. Ntogyi sò mlimétalí nú tóá mliédéwíun séí ánfí mú asi.* ⁴ Mli ndemba-abí laláhe ání mliudadú Bulu òma, mliédé osúna dunká amlíwun, táme mliúóowun kòkòkò dòn Bulu ònósó òtópó Yona osúna amu odu.”

Inu sò òlenatí sí amó.

*Farisifó Pó Sadukifó Bodobodotu-afá
(Marko 8:14-21)*

⁵ Yesu akasípó amu bomekaín tsú bodobodo kítá asa befa òpú amu yó òbun. ⁶ Yesu léda amó òlá òbée, “Mlíki wankláán Farisifó pó Sadukifó Bodobodotu-afású.”

⁷ Akasípó amu befíté aba bee, “Bodobodo amóú anuméde ámu sò òde asón ánfí blí lóó?”

⁸ Yesu lónu asón ání budebli. Múó òlebláa amó òbée, “Oo, mli hógyi mótsó. Ntogyi sò mliédéblí mlíaa bodobodo amóú mliúéde ámu sò? ⁹ Imòkòwánkí mli kí? Mliatan bodobodo apin anu ámóú neha ahá mpím-nu (5,000) begyi amòsu? Alakpá afiní lésían mliótási? ¹⁰ Ntéé mliatan bodobodo apin asienó ámóú neha ahá mpím-na (4,000) begyi amòsu? Alakpá afiní lésían mliótási?” ¹¹ Ntogyi sò imòkòwánkí mli ání megí bodobodo iwí asón ndebli? Bláa nde mli bláa mbée, “Mlíki wankláán Farisifó pó Sadukifó Bodobodotu-afású.”

¹² Inu asa òwankí amó ání megí Bodobodotu-afású òde, mbóun amó atosunáhé.

*Ohá Aní Yesu Gyí
(Marko 8:27-30; Luka 9:18-21)*

¹³ Bréá Yesu lówie Kaesarea Filipi nsaintó á, òlefíté mu akasípó òbée, “Ma ahá bee mí, Nyankpòsa-Mu-Bi ánfí ngiyi?”

¹⁴ Bele mú ònó bee, “Ako bee, fógýí Asú Òbòpó Yohane. Ako bee, Bulu Ònósó Òtópó Elia. Ako é bee, Yeremia ntée Bulu ònósó òtópó bambá òku.”

¹⁵ Múó òlefíté amó òbée, “Mli é mée? Mliá mígyí ma?”

¹⁶ Simon Petro léle mú ònó òbée, “Fógýí Kristo, (ohá ámóú Bulu ladá mu ofúli amu) ni. Bulu Òkiankpapò amu mu Bi.”

¹⁷ Inu Yesu lébláa mu òbée, “Bulu layúlá fú Simon, Yona mu bi, tsúfé megí nyankpòsa òkòku léle ònòkwali anfi òwan súná fú. Mí Sí ámóú òbu òsósó ámu ni. ¹⁸ Inu sò mí é nde fú bláa mbée, fú dá gyí Petro. Mú asi gyí, ‘Bótá.’ Bótá ánfíso néyi mí òpasua dínká ní. Lowu túmí méetalí gyí móso ekekeke. ¹⁹ Nòpó Bulu iwíegýí ámu asáafi wá fú íbito. Asóngýiasón ání fèkiná òsoló ònfíso á, Bulu é obékiná mú òsósó. Múá fótulá á, Bulu é obótulá móso òsósó.”

²⁰ Inu òléda amó òlá kpákprákpá òbée, bómábláa òhaa ání mogyí Kristo amu.

*Yesu Iwiasin Pó Mu Lowu Iwí Asón Blí
(Marko 8:31-9:1; Luka 9:22-27)*

²¹ Tsú bré ámòsu á, Yesu léfi asi òde asóntó le súná amó òbée, “Ilehían ání mógýo Yerusalem yówun iwiasin tsòtsòtsò Yudafo ahande, Bulu igýí ahapó dehen pò Mose mbéla asunápó íbito. Bómo mu, táme Bulu obélakósúma mu eke sáásí tsú afúlitá.”

²² Mú sò Petro létí mu ya ítsétó, yéka mu itin òbée, “Mí Wíé, Bulu ogyáa mú téí ya fú iwí. Inu mába fòsu ekekeke.”

* **16:3** Mótsó yée 2 móa 3 una nwóló dada amu akoto.

²³ Inu ɔledamli bláa Petro ɔbée, “Satan, nati tɛi misó! Fɔde mí ɔkpa tíin. Megyí t́sá Bulu dégywín fudegywín, anyánkposá klé fudegywín.”

²⁴ Mú ɔlebláa mu akasípó amu ɔbée, “Ní ɔku dékléá obóbuo mí á, ɔsí t́sá otekle bwe, ɔtsu mu oyikpalihe bobuo mi. ²⁵ Tsúf́é ní ɔku lépri mu nkpa á, íbóhulí mu. Táme ní ɔku lési mu nkpa há mí sv á, ɔbélanya nkpa ání itamata. ²⁶ Ní ɔku onyá ɔyító ató f́éé, táme ɔhulí mu ɔkláa a, labi mamu ɔbwa há mu? Ntée nto ɔha ɔbétalí pótse mu nkpa? ²⁷ Tsúf́é mí, Nyankposá-Mu-Bi ání néba mí Si numnyamta, mía mu ɔbɔpu. Inó néka ɔhagyíɔha íko alá mu tsiátó gyi ní. ²⁸ Ɔnɔkwali nde mli bláa. Ako ɔbubu mlitɔ nfi ání bumóowu, yófun bréá bawun ání mí, Nyankposá-Mu-Bi ání nébá mí iwíe ogyíkpá.”

17

Yesu Iwitsée

(Marko 9:2-13; Luka 9:28-36)

¹ Nkensié ɔma a, Yesu lékpa Petro muv́a Yakobo pó mu pio Yohane, ɔbɔv́o yó ɔbu kusu. ² Amó ansító unv́o á, Yesu iwí letse. Mu ansító lówankí f́é owí, mu atadié é ledamli fúttúttúttú. ³ Inunu mu akasípó abasá ámu bowun ání Mose muv́a Elia bele iwí ɔwan, amúv́a Yesu ɔbɔdétáí. ⁴ Mú Petro lébláa Yesu ɔbée, “Mí Wíé, ɔbu aláá abétsiá nfi. Ní fót́sulá á, ha ada abú asa. Fú klé kule, Mose klé kule, Elia é klé kule.”

⁵ Bréá ɔde ɔsón ání bli á, agyinde wánkíhé ko lobobun amósó. Inu ɔme ko ledali tsu agyinde ámɔta ɔbée, “Ɔni gyí mí Bí ɔdwepóá olegyi mu ansí ní. Mlinu mu ɔme.”

⁶ Ifú lehie kítá amó bréá bonu ɔsón ání. Mú sv ɔbwa ɔsa mli bun ɔsolótó. ⁷ Mú Yesu léba ɔbɔpu ɔbɔv́o dáda amó, bláa amó ɔbée, “Mlikosv, mlumánya ifú.” ⁸ Inu ɔbwa ansí kí a, bumetrá wun ɔhaa ɔv́on Yesu nkule.

⁹ Bréá ɔbude ɔbu ámu kplí á, Yesu léda amó ɔlá ɔbée, bumábláa ɔhaa t́sá bayóv́un, yófun ekeá Bulu ɔbókusóa Nyankposá-Mu-Bi ámu tsú afúlitó.

¹⁰ Mu akasípó amu befíté mu bee, “Ntogyi só Mose mbala asunápó amu bee, ilehián ání Elia obéyinkí bá asa Kristo amu ɔbéba?”

¹¹ Ɔlele mú ɔnó ɔbée, “Ɔnɔkwali igyi. Elia obégyankpá bá bele tógyító yáí wankláán. ¹² Nde mli bláa mbée, Elia layinkí bá dodoodo, táme ɔhaa mébí mu. Ɔbwa mu amomuyó. Alí kén mí, Nyankposá-Mu-Bi ání é nóv́un iwí ɔsɔn amó ɔbɔta ní.”

¹³ Inu á, ɔwankí akasípó amu ání Asú Ɔbɔpó Yohane iwí ɔsón ɔdebli.

Ilo Didahé Ɔlópó Tsa

(Marko 9:14-29; Luka 9:37-43a)

¹⁴ Bréá beyinkí kplí bowie ɔdam amu wá á, oyin ɔku léba beda akpawunu Yesu ayabitɔ, bláa mu ɔbée, ¹⁵ “Mí Wíé, wun mí bí ání nwe, tsúf́é ɔlɔ didahé de mu háan. Otetsiá dida wíe ntsu móa ogyátó. ¹⁶ Nɔpu mu ba fú akasípó amu, táme bumetalí t́sá mu ɔlɔ.”

¹⁷ Yesu léle mú ɔnó ɔbée, “Ndamba-abíá mlumá hógyi, mli tsiátó ma ale. Alí nétsiá mli wá yó ekekegyíeke ní? Nnyá klɔn ha mli yófun ɔmenke? Mlikpa kebi ámu ba mi!” ¹⁸ Inu ɔlɔkplón gya ɔje laláhe amu. Iledali kebi ámɔta, iwí lówa mu ɔnlɔn.

¹⁹ Mú ɔma a, akasípó amu befíté Yesu itsétó bee, “Ntogyi só aní mú anumétalí gya ɔje laláhe amu dáli kebi ámɔta?”

²⁰⁻²¹ Mú ɔlebláa amó ɔbée, “Mli hógyi mɔtsó kóráá. Mbláa mli ɔnɔkwali. Ní mli hógyi lomóní f́é takyi-akpin íbí á, tekí mlétalí bláa ɔbu ání mlíha ipúlí. Lélé íbɔpulí, t́t́ɔt́t́ mósóv́on mli bwe.”*

Yesu Lowu Iwí Ɔsón Bli Otse Nyɔɔsi

(Marko 9:30-32; Luka 9:43b-45)

²²⁻²³ Bréá akasípó amu f́éé beba befia Galilea ɔmátó á, Yesu lébláa amó ɔbée, “Béle mí, Nyankposá-Mu-Bi ání há adón bómó mí, táme Bulu ɔbókusóa mí eke sáásí.”

Ɔsón ání lehie han akasípó amu.

Bulu Ɔtswékpa Ofi Ikɔka

²⁴ Yesu muv́a mu akasípó beba Kapernaum wúluta. Inu Bulu ɔtswékpa ofiko ahópɔv́o ako beba befíté Petro bee, “Fú wíe teká Bulu ɔtswékpa ofi íkɔ?”

²⁵ Petro lébláa amó ɔbée, “Ɔteká.”

Bréá Petro lóyó wóyító a, Yesu légyankpá fité mu ɔbée, “Simon, nkálí gyí fú agyiwun? Amendi teká dúte móv́a lampó há awíe? Afóó ntée wúlu awíe?”

²⁶ Petro lébláa mu ɔbée, “Afóó teká.”

* **17:20-21** Mótó yée 21 bu nwoóló dada amu akotó: Táme iní odu mó á, nkéti mpáí móv́a ɔnókli pé mlétalí pógya mó.

Móó Yesu lébláa mu obée, “Yée móómó wúlu awíe bagyi iwi ní? ²⁷ Táme mmedéklé mbée, abáksó lí amósó su á, tsu adadawa afoyó opu anó yotswi. Kí klemetí gyankpapu aní fíle onótó. Fénya kóba aní íbófón aní abanyó ofíkó ámu ka. Le mó, afoyeka ha amó.”

18

Ma Obóbwe Ohandé?

(Marko 9:33-37; Luka 9:46-48)

¹ Beba Kapernaum wúluto, akasípó amu beba Yesu wá befité mu bée, “Ma gyí ohandé Bulu iwíegyi ámóta?”

² Yesu létí kebi oku belí amó ansító, ³ òleblí obée, “Onokwali nde mli bláa. Ní mlumétse, bwe iwi fé nyebí á, mlumóowie Bulu iwíegyi ámóta. ⁴ Ohagyísha aní òleba iwiasí fé kebi ánfí á, mogyí ohandé Bulu iwíegyi ámóta ní. ⁵ Ohagyísha aní òlho kebiá ogyi alí mí dátó lahó mi.

Oha Kpa Wá Lakpantó

(Marko 9:42-48; Luka 17:1-2)

⁶ “Ní oku léha ahá ánfí bomókódan mísú hógyitó ánfító oku lóbwe lakpan á, ní beda nfuókwebu síán mu òmetó, tswi mu wá opu okluklúkpá, mó mu pò á, iwu alé dun. ⁷ Oytó atsiápó bogyówi ní. Tsúfè itáá itehá oha tóbwé lakpan bu iwu. Ibéba alí, táme ohá aní ina mósó mu ba lóbwe lakpan ogyówi ní.

⁸ “Mó su ní fò iwi ntée fú yabi téhá fòtedida hógyitó á, ka mó le, afotswi mó tsalífwí. Iwu aléá fòpu iwi kule ntée yabi kule nyá nkpa aní itamatá, dun aní fòpu iwi anyó ntée ayabi anyó wíé ogyá aní itamaduntó. ⁹ Ní fò nsíbi téhá fótóbwé lakpan á, loti mó le, afotswi mó tsalífwí. Iwu aléá fòpu nsíbi kule nyá nkpa aní itamatá, dun aní fòpu ansíbi anyó wíé ísubití ogyá aní itamaduntó.

Kufa Fwihé

(Luka 15:3-7)

¹⁰⁻¹¹ “Mlíki wankláán aní mluméki nyebí pútúpútú ánfító okoku ansító kótíkótí. Nde mli bláa mbée, bobó Bulu-abópu aní butókási pò amó asón ya mí Sí osósó. *

¹² “Mliyo asón ánfító amlíki. Ní oku bu akúfa lafakule (100), amótó okule ofwí á, ntó ohá ámu tóbwé? Megyí si otesí adukwebá-kwebá (99) atráhe amu líí okúku amósó, yódunká okule pé ámóó alafwí ámó? ¹³ Onokwali nde mli bláa. Ní owun mu a, mu ansí bégyi mu iwi dun adukwebá-kwebá atráhe amóó bomofwí ámu. ¹⁴ Alí kén mli Sí ámóó obu osósó ámu medékle obée, nyebí pútúpútú ánfító okoku é ofwí ní.

Ní Fò Bá Opó Ilá Gyi Fv

¹⁵ “Ní fò bá ohógyipo opu ilá gyi fú á, yo mu wá, mli abanyó pé amlíbi mó. Ní olonu iwiasí á, falányá opíó. ¹⁶ Táme ní omonu iwiasí á, kpa obakóle ntée abanyó manta iwiso amlíyo mu wá, méní bégyi asóngyiasón aní mléblí iwi adánsíe fé ahá Bulu asón léblí. ¹⁷ Ní omonu amó asón é á, pu asón ámu ya mli opasuafó. Táme ní omonu amó asón é á, móómó bu mu òmátóyín ntée lampóó ohópó.

Asónkiná Pó Mósó Tsulá

¹⁸ “Onokwali nde mli bláa. Asóngyiasón aní mlékiná osulób anfiso á, Bulu obékiná mó osósó. Móá mlótsulá á, Bulu obótsulá móósó osósó.

¹⁹ “Ntráa ndeblí mbée, ní mli abanyó mlóbwé agywuun kule osulób anfiso kólí tókó á, mí Sí ámóó obu osósó ámu obóbwe mó há mli. ²⁰ Tsúfè ótíngyíótíné aní ahá abanyó-abasá befia mí dátó á, mbu amó wá.”

Osúmpó Owuntalnpw Iwi Yébi

²¹ Móó Petro léba befité Yesu obée, “Mí Wíé, tsefini nsíkíe mí bá ní opu ilá gyi mi? Tse sienó lóó?”

²² Yesu lébláa mu obée, “O-o, megyí tse sienó fésikíé mu, tsé aduesienó (70) aku asienó. ²³ Iní su Bulu iwíegyi ámu igyi fé asón ánfí. Owíe oku lóbwe agywuun aní mua mu asúmpó bóbu akúnta. ²⁴ Bréá olefí mó así á, mu asúmpó bekpá amótó okóá òde mu íkó mpím-mpímító ba mu. ²⁵ Táme osúmpó amu má tótóá obópuká íkó ámu su á, owíe amu léha obée bufée mua mu ka, mu abí pò mu ató fée pókítá íkó ámóta. ²⁶ Iwu á, osúmpó amu lóksó dá akpawunu owíe amu ayabító, bwíí ipa há mu obée, ‘Mí Wíé, nya klun ha mi. Ibwé néka fò íkó ámu fée.’ ²⁷ Mu asón lowa mu wie amu nwe. Mó su olesi íkó ámu fée kíé mu, há mu òlenatí.

²⁸ “Táme bréá osúmpó amu lédalí iwu á, òloyótu mu osúmba okóá òde mu íkó kpalóbí ku. Olekítá mu ba ámu òmetó kinkínkín, bláa mu obée, ‘Pó mí kóba ha mi!’ ²⁹ Mu osúmba amu é léda akpawunu bwíí ipa há mu, bláa mu obée, ‘Nya klun ha mi. Ibwé néka fò ká.’ ³⁰ Táme

* **18:10-11** Mótó yée 11 bu nwoló dada amu akoto: Tsúfè mí, Nyankpusa-Mu-Bi ánfí neba aní nńho ahá ámóó bafwí ámu nkpa.

osúmpó anfi mó mótsulá. Ɖeħa ání bopóv mu yowa obu yófon ekeá obéka mu ıkó ámu. ³¹ Mu asúmba bowun tśá alapógyi mu ba ámu a, ilowie amó iwta. Mó so bayo yébláa amó wíe asón ámu fée. ³² Móv amó wíe amu léħa beti osúmpó amu ba, ɔlebláa mu obéé, ‘Osúmpó owuntánpv, fú ipabwii su nesi ıkó tsotsɔtsɔ ámóv fúde mí ámu fée kíe fú. ³³ İma aláá fú mó fówun fú bá ámu nwe fē aláá nowun fu nwe?’ ³⁴ Ɖblé lekítá owíe amu. Mó su ɔleħa obéé, bowáa mu obu, abopiti mu ató yófon ekeá obéka ıkó ámu fée.

³⁵ “Alí mí Sí Ámóv ɔbu ɔsósó ámu ɔbóbwe mlıtı okugyıkwá omesi mu ba lakpan kíe mu tsú mu klwnto ní.”

19

Ɖkákıná İwi Atosunáħé (Marko 10:1-12)

¹ Bréá Yesu lótoı tá á, ɔlenatı Galilea ɔmátó yó Yudea ɔmátó Yordan ntsu ámu ɔbn. ² Ɖɔm kpankpaɔnkpaɔntı bobuo mu, ɔletsá amó ilo unv.

³ Farisifo aku beba mu wá bɔsɔ mu ki, fité mu beé, “Anı Mbla léħa ɔkpa ání oyin ɔbétalı kıná mu ka ɔkpagyıkwápa?”

⁴ Yesu lébláa amó obéé, “Mlumókókla Bulu asón ámu ki ání bré ámóv Bulu léfi ɔyi ası á, ɔtsı móa oyin ɔlbwé? ⁵ Bulu léblı obéé, ‘İnı su oyin obótu sí mu sı muv mu yin yémantá mu kasu, amó abanyó bóbwe ɔyólóv kule nı.’ ⁶ Mó su nde mlı bláa mbéé, bwtıraa bomegyı abanyó, táme babwé ɔbakóle. Ahá ání Bulu labwé amó ıkule á, ɔħaa mámaın amó abasu.”

⁷ Farisifo ámu befité mu beé, “Ntogyı só Mose lówa mbla obéé, oyin ɔbétalı wánlın ɔkákıná ɔwoló pókıná mu ka?”

⁸ Yesu lébláa amó obéé, “Mlı klwnto odwin só Mose léħa mlı ɔkpa obéé, mlıkına mlı aká, tekı megyı alı Bulu lóbwe mó bréá olefi ɔyi ámu ası ní. ⁹ Táme nde mlı bláa mbéé, ní oyin okıná mu ka layétsı ɔtsı bámbá á, alató mbua. Ɖkpa oduásóá oyin ɔbétalı kıná mu ka pé gyı aladálı mu ɔma.”

¹⁰ Móv mu akasípó amu beblı beé, “Nı alı okúlu muv ɔká abatsıátı asón igyi ní mó á, mó móv İma aláá oyin muv ɔtsı bétsıá aba pó.”

¹¹ Yesu lébláa amó obéé, “Megyı ahá fée ɔbétalı ħo atosunáħé anfi. Nkétı ahá ání Bulu lópuhá amó pé. ¹² Tsúfē İna ɔkpa tsotsɔtsɔsu ayin aku bwtamatsıa aká. Ayin ámu aku á, alı bakwıı amó ní. Aku é anyánkpaśa láfıo amó. Aku é basin kpanko Bulu İwıegyi ámu su. Ɖħá ání ɔbétalı á, ɔħóó mí atosunáħé anfi.”

Nyebı Yulá

(Marko 10:13-16; Luka 18:15-17)

¹³ Aħa aku beka nyebı ba Yesu beé, ɔpóv İbı dunka amósó, ɔkolu Bulu oyúla ħa amó. Táme akasípó amu bowa İyin wá amó. ¹⁴ Móv Yesu lébláa akasípó amu obéé, “Mlıħa nyebı ámu ɔkpa abuba mí wá. Mlumátın amó ɔkpa, tsúfē ahá ání odu bó Bulu İwıegyi ámu nı.”

¹⁵ Móv ɔlɔpı İbı díndınka amósó, ɔlenatı İmu á.

Atonyahé İwi Atosunáħé

(Marko 10:17-31; Luka 18:18-30)

¹⁶ Eke ɔku oyin ɔku léba Yesu wá befité mu obéé, “Osunápó, yılé mɔmɔv nóbwe asa nényá nkpa ání İtamatá?”

¹⁷ Yesu léfité mu obéé, “Ntogyı só fude mí yılé İwi asón fité? Ɖbakóle pé gyı ɔħa yılé. Mogyı Bulu. Táme ní fudekléá fonyáa nkpa ání İtamatá á, mó móv gyı Bulu mbla asón ámósu.”

¹⁸ Oyın ámu lélafite mu obéé, “Mótó mɔmɔv?”

Yesu lébláa mu obéé, “Mámɔ ɔħa, mátó mbua, máwı ató, máka asón dínká fú básó. ¹⁹ Bu fú sí muv fú yın, afudwe fú bá fē fú İwi.”

²⁰ Ɖyasubı ámu lébláa Yesu obéé, “Ntegyı mó féesó. Nto é ntráa bwé?”

²¹ Yesu lébláa mu obéé, “Nı fudekléá fşfon mó á, yefe fú İwısu ató fée, afuye kóba amu ħa ahıánfo, mēnı fényá sıadıe ɔsósó. Fóbwé mó tá á, ba afubobuo mlı.”

²² Bréá İyasubı ámu lónu asón ání á, İlehıé ħan mu, ɔlenatı díın, tsúfē ɔħıé ɔbu ató.

²³ Móv Yesu lébláa mu akasípó obéé, “Ɖnɔkwalı nde mlı bláa mbéé, İbēħıe wá ɔnlın asa İwi onyapó obówie Bulu İwıegyi ámóv. ²⁴ Ntráa nde mlı bláa mbéé, İlɔpın ħa kpósó ání ɔbótson ɔbn-atı ɔbótó, dun ání İwi onyapó obówie Bulu İwıegyi ámóv.”

²⁵ Akasípó amu bonu asón ání á, ɔnó İlowıe amó. İnı su befité beé, “Mómó ma meé Bulu ɔbóħo nkpa?”

²⁶ İnv Yesu lélı ki amó alı. Móv ɔlebláa amó obéé, “Anyánkpaśatı mó á, ɔħaa méetalı bwé İnı, táme Bulu mó tetalı bwé tógyıtó.”

²⁷ Móv Petro léfité mu obéé, “İmá anlası tógyıtó tswı bobuo fu á, nto abénya tsú fú búotı?”

²⁸ Yesu lébláa amó obéé, “Ɖnɔkwalı nde mlı bláa. Bréá Bulu ɔbwé ɔyi papwe amu, mí, Nyankpaśa-Mu-Bı ání netsıá mí numnyam owıe obıá ámu su á, mlı ahá ání mlıbuo mlı ání é

mlétsiá awíe mbíá dúanyoṣu, gyi Israel abusuan dúanyo ámu asón. ²⁹ Ǫhagyíṣha ání alanátí sí mu wóyí, mu apíó, mu sí muva mu yin, mu abí ntéé asúlóṣu mí su á, Bulu obéla há mu mú tsé dú tsé lafa, trá lahá mu nkpa ání itamatá. ³⁰ Táme agyankpapu ako béba bemlí amapu, amapu amu ako é bébemlí agyankpapu.”

20

Ndoto Agyómá Ayapó Iwí Yébi

¹ Yesu létrá bláa amó obéé, “Mó su Bulu iwíegýí ámu igyi fẹ́ asón ánfí. Ǫdotapu oko létsiá. Eke oko olókóṣó nyankí-nyankí ayó ipa agyípó odunkákpá, abuyayo agyómá mu ndoto. ² Mva amónyo begyi bíá ání obéka amó alíá butohó ekewóle, olapu amó sísí agyómá ámu ayokpá. ³ Dokwebátó a, olédali yo dinsu, oloyówun ako é bolí, bomedé toto bwe. ⁴ Olotsu amó é obéé boyoyo agyómá mu ndoto ha mu. Ibwe obéka amó tóá ibu alé. Mú su boyo. ⁵ Dódúanyo pú dósato é á, olétrá pu ako sísí ndo ámuto. ⁶ Ntópwe donuto, bréá olédali a, olétrá wun akóá bolí kpaali. Múó oléfíté amó obéé, ‘Ntogyi só nde fée mlilí nfi, mlímédé toto bwe?’ ⁷ Bebláa mu beé, ‘Ohaa mókóṣó aní ipa.’ Múó olébláa amó obéé, ‘Mómó mli é mlubotsun yayo agyómá mí ndoto.’”

⁸ “Bréá owí lapan a, odotapu amu létí mu agyómású okípu bláa mu obéé, otí ipa agyípó ámu fée, okáa amó ako. Okáa amó tsu amapu amusu alu botu agyankpapu amu. ⁹ Bréá ipa agyípó amu beba a, agyómású okípu amu léka ahá ámúó boyo donuto ámu alíá butohó ekewóle. ¹⁰ Bréá idoto agyankpapu amu a, bokí beé bénya don ali, táme alí kén oleka amó é ní. ¹¹ Mú su oleka amó ako tá á, agyankpapu amu bowa totóí odotapu amusu bi. ¹² Beblí beé, ‘Amapu anfi mú á, donhwírí kole pé boyo agyómá. Aní mó andalí owí kpankpli ánfísu yo agyómá, táme faká ania amónyo fée ako kole.’”

¹³ “Ǫdotapu amu lébláa amúó okole obéé, ‘Agya, yéé mmókótafá fú o! Megyí itó ámúó mí funyo anuléblí ámu napúhá fú á?’ ¹⁴ Pú fú ató nati. Mídéklé mbéé, néha amapu amu alíá naká fú. ¹⁵ Mma okpa ání nópú mí kóba bwé tóá ndeklé? Ntéé mí awitalewa dé fú iwíto wie?”

¹⁶ “Alí amapu bóbwe agyankpapu, agyankpapu é bóbwe amapu nu.”

Yesu Lowu Iwí Asón Blí Otse Saasi (Marko 10:32-34; Luka 18:31-34)

¹⁷ Bréá Yesu ayó Yerusalem a, olekpa akasípó dúanyo ámu ya itsétó bláa amó obéé, ¹⁸ “Mlunu! Ayó Yerusalem. Inu á, béle mí, Nyankpusa-Mu-Bi ánfí há Bulu igyi ahapó dehen pú Mose mbla asunápó. Béha mí lowu ipón. ¹⁹ Bópú mí wá ahá ání bomegyí Yudafo ibito bóbwe mí ahinlá, bónwen mí mpli, dá mí mántá oyikpalíhesu. Táme Bulu obélakóṣóa mí eke sáási tsú afúlitó.”

Abi Oyín Ǫko Ató Kolíh (Marko 10:35-45)

²⁰ Múó Sebedeo mu ka lékpa mu abi anyo beba, oléda akpawunu Yesu ayabito, kólí mu obéé, obwée taku ha mu.

²¹ Yesu léfíté mu obéé, “Nto fudeklé?”

Otsi ámu lébláa mu obéé, “Ha mí abi anyo ánfíto okole otsia fú gyopisu, okole é otsia fú binasu bréá fúde iwíe gyí.”

²² Yesu lébláa amó obéé, “Mlíméyín tóá mlídekolí.” Oléfíté Yohane mva Yakobo obéé, “Mlétalí wun iwíwosun ámúó neba bowun amu?”

Bebláa mu beé, “Ee, abétalí.”

²³ Múó olébláa amó obéé, “Mlówun iwíwosun ámu mú, táme mma túmí ání néle ahá ání bétsiá mí gyopisu ntéé mí binasu. Otsiákpá inu ida gyo ahá ámúó mí Sí Bulu lalá inu yáí há ámu.”

²⁴ Bréá akasípó dú atráhe amu bonu asón ánfí á, Yakobo mva Yohane iwí lówa amó oblé. ²⁵ Múó Yesu létí amó, bláa amó obéé, “Mliyín ání omátóṣo agyípó butehíé amó ahá, amó ahande é butenyá túmí amúó. ²⁶ Táme mlito mó á, umába alí. Ǫhagyíṣha ání odekléá obóbwe mlito ehande a, obwée mu iwí osúmpó ha mu aba atráhe. ²⁷ Ohá ání odekléá obóbwe mli nkpa ogyápu obwée mli okpábi. ²⁸ Alí kén mí, Nyankpusa-Mu-Bi ánfí é mmeba mbéé, busúm mí ní. Ahá osúmpká neba, ampu mí nkpa ho ahá tsotsotsó nkpa.”

Ansibi Abwiepó Abanyó Iló Tsa (Marko 10:46-52; Luka 18:35-43)

²⁹ Bréá Yesu mva mu akasípó budédali Yeriko wúluto boyó á, odóm kpankpaonkpannti bobuo amú. ³⁰ Ansibi abwiepó abanyó akpa botsie okpa ámuto, bonu ání Yesu détsóun. Inu bokplón blí beé, “Aní Wie, Dawid mu na, wun aní nwe.”

³¹ Ǫdóm amu bokplón wa amú beé bokpá onó bun. Táme belakplón dun ali beé, “Aní Wie, Dawid mu na, wun aní nwe!”

³² Múó Yesu lési lí, tí amó, oléfíté amó obéé, “Nto mlídekéle mlíaa, mbwée ha mli?”

³³ Bebláa mu beé, “Aní Wie, ha aní awun ató.”

³⁴ Ino amó asón lówa Yesu nwe, ɔɔpɔ mu ibi dada amó ansibi. Inonu bowun ató, beklplá buo mu.

21

Bɔhɔ Yesu Fɛ Owie Yerusalem

(Marko 11:1-11; Luka 19:28-40; Yohane 12:12-19)

¹⁻² Bréá Yesu mva mu akasípó bebéen Yerusalem wúlu, beta Betfage wúlu ání ibu Nfɔnyibo* ámu asi wie tá á, ɔɔwa mu akasípó abanyó gyankpá. Ɔlebláa amó ɔbéɛ, “Mliyo wúlu anfi ida mli ansító ánfisɔ. Ní mlowié wúlu amu ɔnó á, mlówun afrímú tsíhé ɔkwa ɔda ɔfétó, mu bi líí mu wá. Mlisanki mu, amlíkpa amó ba m. ³ Ní ɔko ɔfité mli asoankɔ á, mlibla mu mliaa, ‘Ani Wie dé amó hián.’ Inonu ɔbéha mlópo amó ba m.”

⁴ Inu léha Bulu asón amóú ɔleblí tsun mu ɔnósó ɔtáípósu amó léba mótó. Ɔbéɛ,

⁵ “Mlibla Sionfɔ mliaa,
Mlíki, mli Wie ɔbá mli wá.
Ololwíí, ɔɔun afrímúsó.

Ɔɔun afrímú ibi yínhésó ɔbá.”

⁶ Yesu akasípó abanyó ámu ɔyɔɔbwe ahi amóú Yesu lébláa amó ámu. ⁷ Bekpa afrímú mva mu bi ámu ba, beyaí amó atati dínká amósó, ɔɔɔɔ bian musɔ. ⁸ Ɔɔɔm kɔnkpɔnkpɔnti beyaí amó atati tswi ɔkpata, ako é bebiabia afitáa bunbun ɔkpa ámɔtɔ. ⁹ Ɔɔɔm amóú bugya Yesu nkpa móa ɔma amu ɔasɔrá okitikítí bee, “Hosiána há Dawid mu na ámu! Bulu oyúla owie anfi ɔbá mu dátó ánfí! Hosiána bu ɔsúsúsó!”

¹⁰ Bréá Yesu lówie Yerusalem a, wúlu amɔtɔ féé leda kpokiti, ɔɔɔɔfité bee, “Ma gyí ɔhá ánfí?”

¹¹ Ɔɔɔm amóú ɔɔbuo mu amu bele mó ɔnó bee, “Ɔni gyí Yesu, Bulu ɔnósó ɔtáípó amóú otsú Nasaret wúluá ibu Galilea ɔmátó ámu ni.”

Yesu Bulu Ɔtswékpa Yo

(Marko 11:15-19; Luka 19:45-48; Yohane 2:13-22)

¹² Múu Yesu lóyo Bulu ɔtswékpa wunsunésó inu, yégya ató afepó pó ató ahópɔ féé dalí. Olowuwíta kóba atsépo mpónó dá, súnúnkí abróɔɔma afepó é mbíá dá. ¹³ Ɔlebláa amó ɔbéɛ, “Bɔwanlín wá Bulu asón ámɔtɔ bee, ‘Béti mí ɔtswékpa bee, mpái ɔɔokpá.’ Táme mliapó inu mlí awikplu ɔnainkpá.”

¹⁴ Ansibi abwiepó pó abubúpu ako beba mu wá Bulu ɔtswékpa wunsunésó inu, ɔletsa amó ilo. ¹⁵ Bréá Bulu igyí ahapó dehen pó Mose mbla asunápó amu bowun ofíla ání Yesu débwe, pó alá nyebí ɔɔɔɔklón Bulu ɔtswékpa wunsunésó inu bee, “Hosiána há Dawid mu na ámu!” a, ɔɔlɔ lékitá amó. ¹⁶ Mó su befíté Yesu bee, “Fɔmedénu asón ání nyebí ánfí ɔɔɔɔlí?”

Yesu léle mó ɔnó ɔbéɛ, “Ndenú. Mlímákókla asón ání Bulu asón wanlínhé amó léblí? Ɔbéɛ, ‘Fasaná nyebí pó amóá ɔmákótun nyópu alá ɔkánfɔ fɔ.’”

¹⁷ Yesu lédalí wúlu amɔtɔ sí amó yó Betania. Inó ɔledí eke ámu ni.

Pɔntɔ Oyi Lwí

(Marko 11:12-14, 20-24)

¹⁸ Ɔyi kehe nyanki, bréá Yesu léyínkí ɔbá Yerusalem a, akón de mu. ¹⁹ Mó su bréá olowun pɔntɔ kwá ilí mantáa ɔkpa á, ɔlebai yó mó asi. Ɔlɔyo á, omowun abí kuko mótó, afitáa sónn bu mósó. Inu ɔlebláa pɔntɔ ámu ɔbéɛ, “Tsú nde fóméetrá swie abí ekekekeke!” Inonu oyi ámu lówu.

²⁰ Mu akasípó amu bowun alá oyi ámu labwé á, ɔnó lobwie amó. Mó su befíté bee “Ntogyi só oyi ánfí lawú ɔtsáwɔle pé alí?”

²¹ Yesu lébláa amó ɔbéɛ, “Ɔnɔkwali nde mli bláa. Ní mlɔhɔ Bulu gyi, mli mégyi nwéen a, mlétalí bwé itó ánfí nabwé oyi ánfí pó móá idon mó. Mlétalí bláa ibo ánfí mliaa, ‘Puli yowie ɔpɔtɔ.’ Iɔɔpúlí yó. ²² Ní mlɔhɔ Bulu gyi, mlɔkólí mu tógýtí á, mli ibi béda mó.”

Yesu Túmi Iwi Asɔn Fitéhé

(Marko 11:27-33; Luka 20:1-8)

²³ Yesu léyínkí bowie Bulu ɔtswékpa wunsunésó inu. Bréá ɔde ató suná á, Bulu igyi ahapó dehen pó Yudafo ahande amu beba mu wá. Befíté mu bee, “Ma léha fɔ ɔkpa, fɔɔde ntobí ánfí bwe? Ma léha fɔ túmi?”

²⁴ Yesu léle mó ɔnó ɔbéɛ, “Mí é nfite mli ason kua kole. Ní mliélé mó ɔnó á, nébláa mli túmi oduá ndepubwé ntobí ánfí. ²⁵ Bulu wá Asú Ɔɔɔpó Yohane lénya túmi póbó ahá asú, ntéɛ nyankpɔsa?”

Amó wɔlewɔle ɔyɔɔ asón ánfítɔ bee, “Ní ablí aniaa itsú Bulu wá á, ɔɔɔɔfité aní ɔbéɛ, mó ntogyi só anumóhɔ mu gyí? ²⁶ Ntée ablí aniaa, anyánkpɔsa wá itsú.” Táme ɔɔɔɔde tóá ahá tsɔtsɔtsɔ amu ɔɔbwe amó ifú nya. Tsúfɛ amó féé bohogyi ání Bulu ɔnósó ɔtáípó Yohane gyí. ²⁷ Mó su bele mó ɔnó bee, “Ohwéé! Anuméyín ɔtínéá olenya mu túmi tsú.”

* 21:1-2 Nfɔ-nyibo igyi obubwí kwá ibo mantáa Yerusalem, ɔɔtétí mó Olifbu.

Móu Yesu é lébláa amó obéé, “Mómó mí é mméébláa mli túmi oduá ndepubwé ntobí ánfí.”

Oyin Oko Abi Anyo Iwi Yébi

²⁸ “Mliyo asón ánfito amliki. Oyin oko mwa mu abi anyo betsiá. Eke oko oloyo yébláa odéhen obéé, ‘Mí bí, nde yoyo agyómá mí ndoto ha mi.’ ²⁹ Oébláa mu si obéé, ‘Mmáoyó.’ Mó oma a, oelatsé mu agywun, yó ndo ámutó. ³⁰ Amó sí lénatí yó okuso amu é wá yébláa mu alí kén. Okuso amu lótsulá obéé, ‘Mí sí, n’oyo.’ Táme omáyo.” ³¹ Inu Yesu léfité ahá ámu obéé, “Abi anyo ámutó omomo lóbwe dínká mu si asónsú?”

Yudafó igyi ahapó dehen pú Yudafó ahande amu bebláa mu beé, “Odéhen amu.”

Móu Yesu lébláa amó obéé, “Onakwali nde mli bláa. Lampóo ahópu pú obu-onó atsiápó bówie Bulu iwíegyi ámutó sí mli. ³² Tsúfé Asú Obapó Yohane lóbosuná mli tsiátó oduá ida okpa Bulu ansító, táme mlimóho mu gyi. Lampóo ahópu pú obu-onó atsiápó bóho mu gyi. Oma mliólwun ání amó kóráá batse a, mliumétse mli agywun ho mu gyi.

Apafó Laldhe Ako

(Marko 12:1-12; Luka 20:9-19)

³³ “Mlinu yébi iku é. Odotapu oko lódo wáun ndo. Olegyi iban bómli mó. Olokwi wáun amu onyimékpá. Olopwe obu fúáhé ku há ndo ámu agyópu. Móu olopu ndo ámu wá apafó ibito, olotu okpa yó omá ikoto. ³⁴ Bréá wáun-abí amu kpótíbi lófun a, olowa mu asúmpó apafó ámu wá obéé, boyóho mu ogyíkpá ba mu. ³⁵ Táme apafó ámu bekitá amó, dá okole, mó okole, dá okole é abwi. ³⁶ Ndo mu wie amu létrá wa mu asúmpó bámbá ání butso dun agyankpapu amu. Apafó ámu bóbwe amó é alí kén. ³⁷ Mó tráhe kóráá á, oéblí obéé, ‘Oo, bóbu mí bí kwíhíe mó.’ Mó su olowa mu é. ³⁸ Táme bréá apafó ámu bowun mu bi ámu sísí á, bebláa aba beé, ‘Oni obégyi mu si ató ní. Mliha amó mu, méní ndo ámu íbemlí aní klé.’ ³⁹ Mó su bekitá mu, bitía mu dálí ndo ámutó yómo mu.”

⁴⁰ “Ní ndo mu wie obá á, nto mli lahogyi mliáa, obóbwe apafó ánfí?”

⁴¹ Yudafó igyi ahapó dehen pú Yudafó ahande amu beé mó onó beé, “Obéha aha laláhe anfi bówu lowu sínsín, obélapó ndo ámu wá apafó bámbá ibito. Amóá bétsiá pú mu ató-abí ba mu mó kpótíbi.”

⁴² Móu Yesu léfité amó obéé, “Ntée mlimókókla Bulu asón wanlínhé amu kí? Bəwanlín beé, ‘Ibwi ámóó obu ayípu bekiná ámu lébemlí okonkísóbwi ní.

Bulu lóbwe mó alí.

Ibu wánwan.’

⁴³ “Mó su nde mí bláa mbéé, Bulu obóho mu iwíegyi ámu lé mli ibito póhá omá ání bóbwe tóá otekle.

⁴⁴ “Inu su ohá ání oledida íbwi ámuvo obébiabía blúblúblúblú. Ní íbwi ámu isúnkí dá okuso é á, íbókwe mu ílkáfíkfíkfí fē nfúó.” ⁴⁵ Bréá Bulu igyi ahapó dehen pú Farisifó ámu bonu Yesu ayébi anfi á, ilowankí amó ání amó ode. ⁴⁶ Teki bekleá békítá mu, táme benya ifú, tsúfé odóm amu bótobú Yesu ání Bulu onósú otáípó ogyi.

22

Otsikpaín Iwi Yébi

(Luka 14:15-24)

¹⁻² Yesu létrá bláa Yudafó igyi ahapó pú Yudafó ahande amu asón yébité obéé, “Bulu iwíegyi ámu igyi fē asón ánfí. Owíe oko dé otsi kpaín há mu bi, ³ oleti ahá obéé, bubá nke ámu asi. Bréá owíe ámu lóbwe tá á, olowa mu asúmpó obéé, boyéti ahá ámu abuba, táme bekiná bá. ⁴ Mó su ololawá mu asúmpó bámbá obéé, ‘Mliitra yebláa ahá ámu mliáa, nabwé tógyító tá. Bamó mí nnantswie akpənkpənti ámu pú amóá bawá nfo, níná ató ámu fēé tá. Mó su bubá otsi okpaínkpá inu.’ ⁵ Táme ahá ámóó beyéti ámu bomeklá amó. Benatí sí amó yó amó agyómásó. Ako benatí yó amó ndoto. Ako é benatí yó amó íbíá ogyíkpá. ⁶ Amó atráhe bekitá asúmpó amu, dá amó, mó amó. ⁷ Bréá owíe amu lónu asón ánfí á, obls léhé kitá mu. Mó su olowa mu isá akopó, boyóho ahá ámóó bomó mu asúmpó amu, wá amó wúlu ogyá. ⁸ Móu oébláa mu asúmpó bámbá obéé, ‘Baníná otsikpaín atogyihe amu tá, táme ahá ámóó neti ámu bomofon ha mí wóyító ba. ⁹ Mó su mliwie awúluto, amliti ohagyíoha ání mlówun, oha otsi okpaínkpá inu.’ ¹⁰ Inu asúmpó amu bowie awúluto. Beti ohagyíoha ání bowun, aha wankláán pú aha laláhe fēé. Mó su ahá babulá otsi okpaínkpá inu dédéééé.

¹¹ “Táme bréá owíe amu lébeki ahá ámóó batí ámu a, olowun oyin okóá omówa otsikpaín nketó atadue. ¹² Móu oéfité mu obéé, ‘Agya, nkálí ilóbwe fumówa otsikpaín nketó atadue asa fēba nfi?’ Oyin ámu métalí lé mó onó. ¹³ Móu owíe amu lélabláa mu asúmpó obéé, ‘Mlikli mu ayabi pú mu ibi, amlitswi mu wa oklún amoto. Inó isú móa kpiisí bu ní.’ ”

† 21:44 Mótó yéé 44 uma nwóló dada amu akoto.

¹⁴ Yesu lóm̃ mu asón onó obée, “Bulu tetí ahá tsotsotsó, táme ahá kpalobí pé otelé.”

Lampóoka

(Marko 12:13-17; Luka 20:20-26)

¹⁵ Farisifo ámu bogyóbwe onó-okole ání béteté: Yesu onót asón nú, abunya mu akítalé. ¹⁶ Mú su bowa amú akasípó pó Owie Herode ahá Yesu wá bee buyéfité mu bee, “Osunápó, anyin ání onkwali pu fúgyi, fótosúná Bulu asón ámu é onkwali su. Futamahá ohaa otse fú agywun, tsúfě futamaki ohaa ansító. ¹⁷ Mú su anidé fú fité anu. Aní mbla léha okpa ání akáa lampóo ha Roma owie dehen Kaesare, ntée anumáka?”

¹⁸ Táme Yesu lówun amú agywun láláhe amu. Mú su olefité amú obée, “Apinabwebí abwepó, ntogyi só mlidé mí sós ki? ¹⁹ Mlitsu kóba amóó butópóká lampóo amu ikú ba mi anki. Bópba mu, ²⁰ olefité amú obée, “Ma nwun pó mu dá dín mósó?”

²¹ Bélé mú onó bee, “Kaesare.”

Múó olebláa amú obée, “Mómó mlipu tsá igyi Kaesare klé ha Kaesare, amlipu móá igyi Bulu klé é ha Bulu.”

²² Yesu mbuai ání lóbwie amú onó. Mú su benatí.

Kusó Tsú Afúlitó Iwí Ason Fitéhé

(Marko 12:18-27; Luka 20:27-40)

²³ Eke ámu kén á, Sadukifo aku beba Yesu wá. Bogyi opasua kwá butéblí bee, kusó tsú afúlitó má mu. Befité mu bee, ²⁴ “Osunápó, Mose lówanlín tswi aní obée, ‘Ní oku muu mu ka bumakwí asa olowu sí mu ka ámu a, mu pio otsú mu ka ámu tsia, fěki okwu ha owupó ámu.’ ²⁵ Oyin okole abí abasiénú aku betsiá. Amótó ogyankpapu létsiá oká, táme onkwá asa olowu. Mu pio lótsu osorapuka amu tsia, ²⁶ táme mu é onkwá. Osaasi lótsu otí ámu tsia. Mu é onkwá. Alu yótó osienósi amu. ²⁷ Oma-oma a, osorapu mu é lóbowu. ²⁸ Afúli okosóké a, amótó onomú obóbwe mu kulu? Tsúfě amú abasiénú ámu fěé betsiá mu.”

²⁹ Múó Yesu léle mú onó obée, “Megyi mli ológyi. Mluméyín Bulu ason wanlínhé amu ntée Bulu túmi. ³⁰ Ní afúli bakósó á, bóbwe fě Bulu-abopu. Buméetsiá aká móa akúlu. ³¹ Mlumókókla asón ání Bulu onutó lébláa mli tsú afúlikwósó iwí? ³² Bulu ason wanlínhé léblí obée, ‘Mígyi mli anáin Abraham muu Isak pó Yakob Bulu ámu nu.’ Iní su megyi awupó Bulu ógyi, akiankpapu Bulu ógyi.”

³³ Bréá odam amu bonu asón ání á, mu atosunáhé anfi léha onó lobwie amú.

Bulu Mbla Amotó Móá Idon

(Marko 12:28-34; Luka 10:25-28)

³⁴ Bréá Farisifo bowun ání Yesu lalé Sadukifo ámu asón onó, asón lawú wá amú onó á, bekpa aba ya Yesu wá. ³⁵ Amótó okole ogyi mbla osunápó léfité Yesu asón, opuso mu ki. ³⁶ Olefité Yesu obée, “Osunápó, Bulu mbla ámotó mómó dón?”

³⁷ Yesu lébláa mu obée, “ ‘Pó fú klun, fú oklára pó fú agywun fěé dwe fú Wíe Bulu.’ ³⁸ Iní gyi mbla ámotó gyankpapu ání idon mú fěé ní. ³⁹ Nyosí é igyi fě mú. ‘Dwe fú bá fě fú iwí.’ ⁴⁰ Mose Mbla pó Bulu onósó atópó amu atosunáhé fěé ulí mbla anyo ánfisú.”

Ma Gyí Kristo Amu?

(Marko 12:35-37; Luka 20:41-44)

⁴¹ Iní Farisifo ámu bebefia sí bulí su á, Yesu léfité amú obée, ⁴² “Nkálí mlidé Kristo, (ohá amóó Bulu ladá mu ofúli amu) iwí gywín? Ma mu na ní?” Bēbláa mu bee, “Owie Dawid mu na ní.”

⁴³ Olelafité amú obée, “Mú ntogyi só Oje Wankíhé léha Owie Dawid létu mu obée ‘Mí Wíé?’ Tsúfě Owie Dawid léblí obée,

⁴⁴ ‘Aní Wíe Bulu lébláa mí Wíe obée, Tsia mí gyapísu nfi yófon bréá néha fětsatsáa fú alupósó?’

⁴⁵ Ní Owie Dawid onutó létu ohá ání Bulu ladá ofúli anfi obée, mu wie a, nkálí só otráa ogyi mu na?”

⁴⁶ Amótó okoko métalí lé mú onó. Tsú eke ámu a, ohaa métrá wa klun fité mu asvansu.

23

Mose Mbla Asunápó Pó Farisifo Tsíatós

(Marko 12:38-39; Luka 11:43, 46; 20:45-46)

¹ Asón ání oma a, Yesu lébláa odam amu pó mu akasípó amu obée, ² “Mose mbla Farisifo pó Mbla asunápó amu bodesuná. ³ Mú su mlgyi amú ason blíhé fěésó, táme mlu mátsiá amú atsiábi. Tsúfě butamagyi amú onutó ason blíhésu. ⁴ Butopó ato dwindwín sórá ahá, táme amú onutó butamapó osrebi okole kórará tsá amú tsu. ⁵ Butóbwé amú tógyítós ahá ansísó. Butówanlín Bulu asón dínká tati téihésu, póklí amú osokpi pó amú buna íbasu. Butóló nfě

tíntíntín síánsían amó atadié onó. ⁶ Butekle otsiákpá yilé tsiá nke ogyíkpá pó Yudafó Ofiakpa. ⁷ Bedáli yó dunsu á, butekle beé ahá butú amó beé, ‘Asunápó,’ abobun ha amó itsiá. ⁸ Mli fée á, apíó mligyí. Mó su mlimáha abuti mlto ohaa osunápó. Obakóle pé gyí mli osunápó. ⁹ Alí kén mlimáti ohaa mli sí osólúv anfisv ní. Tsúfě Osí okóle pé mlibu, obu osósó. ¹⁰ Tráhétráhe a, mlto ohaa máha abuti mu nkpá ogyápu. Tsúfě nkpá ogyápu okóle pé mlibu. Mogyí Kristo, (ohá ámóó Bulu ladá mu ofúli amó). ¹¹ Mlto ohande obwée mli osúmpó. ¹² Tsúfě fóá fotsu iwí á, Bulu obéba fu asi. Fóá feba iwíasi é á, Bulu obótsu fu fóá.

Apinabwebí Abwepó
(Marko 12:40; Luka 11:39-42, 44, 52; 20:47)

¹³⁻¹⁴ “Mli Farisifó pó Mose mbla asunápó, apinabwebí abwepó, mligyówi ní. Mllatin Bulu iwíegýí amó okpa wá ahá. Mli onutó mlimédékéléá mlówie unu, mlidé ahá ání bode mbódi bo beé bówie unu é okpa tíin.*

¹⁵ “Mli Farisifó pó Mose mbla asunápó, apinabwebí abwepó, mligyówi ní. Tsúfě mlitefá iln fá opu, dó ibu kplí ibu há oha tedámlí klnto. Táme ní odámlí klnto tá á, mlitelábwé mu otemlí isóbití ogyá ání itamaduntó oyoópó dun mli onutó.

¹⁶ “Ansibi abwiepó ání mlidé ahá kpa, mligyówi ní. Mlitebí mliha, ‘Ní okó oká Bulu otswékpa obu amó ntam a, imehián ání obégyi mósó.’ ¹⁷ Ansibi abwiepó! Aha mimláhe! Mótó mómó bu labi don? Sika pepe ató amó lóó, ntée Bulu otswékpa obu ámóó ilahá sika amó lamlí Bulu klé amó? ¹⁸ Mliteháa bí mliha, ‘Ní okó oká afódie-asubwi ntam a, imehián ání obégyi mósó. Táme ní oká afódie-abotó amó ntam mó á, imehián ání obégyi mósó.’ ¹⁹ Ansibi abwiepó! Mótó mómó bu labi don? Afódie-abotó amó ntée afódie-asubwi ámóó ilahá mó lamlí Bulu klé amó? ²⁰ Ní feká afódie-asubwi amó ntam a, faká ibwi amó pó atóá idun mósó fée ntam. ²¹ Ní feká Bulu otswékpa amó ntam a, faká Bulu mba mu otsiákpá ntam. ²² Ní feká osósó ntam a, faká Bulu mba mu owíe obíá ntam.

²³ “Mli Farisifó pó Mose mbla asunápó, apinabwebí abwepó, mligyówi ní. Mliteye mli otsutsó pó kpántánkplámá aná fээт idú, pó idúsi há Bulu. Táme mlimédé Bulu mbla amóó ihé dehián, igyi asóngyí onokwaliso, aba nweuíun pó onokwalíwa ámósu gyi. Módéhián ni, támé mlimákiná iyéto dúsi amó é ha. ²⁴ Ansibi abwiepó ání mlidé ahá kpa, mligyówi ní. Mlitósró mbépi lé oputsútó, támé mlitemé mbéwun.

²⁵ “Mli Farisifó pó Mose mbla asunápó, apinabwebí abwepó, mligyówi ní. Tsúfě mlitofwi mli nwe pó mli nlepe oma wankláán, támé atóá mlilapó owi móa onsipe swíí ahá sósón bu mótó. ²⁶ Farisifó ansibi abwiepó, mligyankpa fwi nwe móa nlepe ámuto, mó oma é bétun.

²⁷ “Mli Farisifó pó Mose mbla asunápó, apinabwebí abwepó, mligyówi ní. Mlilabwé fě ntsán ání bakpá mó afá futútúútú, mó iwí lawá akíle. Táme mótó mó á, afúli awú pó ato plóhé sósón bó mó. ²⁸ Alí kén mligyí ní. Ahá butekí mli ání mligyí yilé abwepó. Táme mli klnto mó á, apinabwebíbwe móa lalahaebwe sósón bó mó.

Bulu Isóbití
(Luka 11:47-51)

²⁹⁻³⁰ “Mli Farisifó pó Mose mbla asunápó, apinabwebí abwepó, mligyówi ní. Tsúfě mlitópwé Bulu onósó atóipó pó yilé abwepó ámóó betsiá amó ntsán, lá mó iwí wankláán, bí mliha, ‘Ní anilétsiá aní anáin brésó asa bómó Bulu onósó atóipó anfi á, teki anumówa ibi mótó.’ ³¹ Mli ason blihé anfi désuná ání mligyí Bulu onósó atóipó amópó amó abí-aná ní. ³² Mliwuna yó mósó, amlumó mli anáin bwéhé amó onó. ³³ Awó, abe abí-aná! Mlétalí srí sí ipón ámóó Bulu obéha mli, kpá mli wá isóbití ogyá ámóó itamaduntó amó? ³⁴ Mó su nde Bulu onósó atóipó, anyansapu pó Mose mbla asunápó wa sísi mli. Táme mlómó ako, dá amótó ako mántá oyíkpálhiesu. Mlónwen amótó ako mplí mli ofiakpa, dínká akoso tsú awúlusu yó awúlusu. ³⁵ Iní su yilé abwepó ámóó mli mli anáin mlilamó tsú Habelsu bəfon Sakaria, ogyi Barakia mu bi ámóó mlilómó Bulu otswékpa obu móa afódie-asubwi amó nsiné amó fée obugya béba mliso. ³⁶ Onokwalí nde mli bláa. Iní aná fээт su Bulu isóbití béba mli ndemba-abí anfisv ní.

Yerusalemfo Iwí Odwe
(Luka 13:34-35)

³⁷ “Oo Yerusalemfo, Yerusalemfo! Mlitómó Bulu onósó atóipó, dá abí ání Bulu lawá sísi mli abwi mó ní. Ntekleá nóbun mli abísó brégyíbré, fě alá bate tobun mu abísó, támé mlitamahá mí okpa. ³⁸ Mliki, Bulu obési mli otswékpa tswi mli, ibédi kpan. ³⁹ Tsúfě nde mli bláa mbée, mlimétrá wun mi ekekeke, yəfon ekeá mléblí mliha, ‘Bulu oyúla ohá ámóó obá mu idátó.’ ámu.”

* **23:13-14** Mótó yée 14 bo nwlóo dada amó akoto: Mli Farisifó pó Mose mbla asunápó, apinabwebí abwepó, mligyówi ní. Mlitebí aháto bó mpáí tíntíntín, támé mlitaswíí asurapo amó wóyí pó amó ató fээт. Iní su Bulu obébití mli su don aha tráhe.

24

Bulu Ɔtswékpa Amu Bwie (Marko 13:1-2; Luka 21:5-6)

¹ Bréá Yesu lédaḷi Bulu Ɔtswékpa unu oyó á, mu akasípó amu benatí yótu mu, súná mu Ɔtswékpa unu mbu ámu. ² Móó ɔlebláa amó ɔbéɛ, “Mlilawun mbu akpɔ̀nkpɔ̀nkpɔ̀nti ánfí fée? Ɔ̀nakwali nde mli bláa. Bóbwie mó fée bun. Ibwi kule kóráá méesian dunká mó básó.”

Iwiasin Mwa Ikplán (Marko 13:3-13; Luka 21:7-19)

³ Bréá Yesu tsie Nfɔ̀-nyíbu ámuṣu, ɔde Bulu Ɔtswékpa amu kí a, mu akasípó amu nkule befité mu beɛ, “Bla anu, bré mɔ̀mɔ̀tu ínı́ fée béba? Osúna mɔ̀mɔ̀ ɛ́ ɔbéba, ibósuná ání fú bábí pú oyí ɔ̀nɔ̀mɔ̀ké lafun?”

⁴ Inu Yesu léle mó ɔ̀nɔ̀ ɔbéɛ, “Mliki wankláán, ménı́ ɔhaa méemlé mli. ⁵ Tsúfɛ́ ahá tsɔ̀tsɔ̀tsɔ̀tsɔ̀ bɔ̀pu mí dá ba beɛ, amógyí Kristo, (ɔhá amóú Bulu ladá mu ofúli amu) nu. Bémlé ahá tsɔ̀tsɔ̀tsɔ̀tsɔ̀ bɔ̀fwı́ ɔkpa. ⁶ Ní mlonúá ísá ladá mantáa mli ntée ɔ̀tunekɔ́ á, opúni mátsı́ı́ mli. Tsúfɛ́ lehián ání ínı́ aná fée béba, táme imedésuná ání oyí ɔ̀nɔ̀mɔ̀ké ámu lafun. ⁷ Tsúfɛ́ ɔ́má bóko aba. Awíe bókwɔ̀sɔ́ líı́ abaso. Akón béba, ɔ̀solóbu békpunkı́ ntíné-ntíné. ⁸ Inı́ fée igyi fɛ́ iwiasin ání ɔ̀tsı́ towun bréá ikwı́ de mu dwiin.

⁹ “Alı́ bré ámɔ̀tu á, mí sɔ́ ɔ́má-ɔ́má bólu mli. Bédunká mliṣu, pó mli há bówa mli amumoyó, mó mli. ¹⁰ Mliɔ́ ahá tsɔ̀tsɔ̀tsɔ̀tsɔ̀ bédı́da hógyı́tu. Bólu aba, lé aba há. ¹¹ Afunu awapó bébli beɛ, Bulu ɔ̀nɔ̀sɔ́ atóipó bɔgyı́ tsɔ̀tsɔ̀tsɔ̀tsɔ̀ béba bemlé ahá tsɔ̀tsɔ̀tsɔ̀tsɔ̀, há amó bɔ̀fwı́ ɔkpa. ¹² Lalahɛ̀bwe bómonı́. Mó sɔ́ ahá tsɔ̀tsɔ̀tsɔ̀tsɔ̀ bɔ̀mɛ́trá dwe aba. ¹³ Táme ɔ́há ání ɔ̀letalı́ líı́ kinkı́nkıń yófun oyí ɔ̀nɔ̀mɔ̀ké á, Bulu ɔ́bɔ́hɔ́ mu nkpa. ¹⁴ Mó óó á, ahá béda Bulu iwı́egyı́ ámu iwı́ ason wankláán ánfı́ ɔkan ɔyıt́ fée, ménı́ ahá fée bónu mó, asa oyı́ ibómo ɔ́nɔ́.

Iwiasin Wı́unbı́ (Marko 13:14-23; Luka 21:20-24)

¹⁵ “Nı́ mlowun akısıtá itobwı́é ɔ́má, ida Ɔ̀wankı́kpá unu, ide Bulu Ɔtswékpa unu kpóı́, fɛ́ alı́a Bulu ɔ̀nɔ̀sɔ́ ɔ́tóipó Daniel lébli tswı́ a, —Aklápu, mlinu mó ası́!— ¹⁶ mómó ahá ání bɔ̀bu Yudea ɔ́mátɔ́ bɔ̀srı́ı́ yo abusu. ¹⁷ Ɔ́há ání ɔ́duṣu mákpli ɔbéɛ, moyótsu tɔ́tu obuto. ¹⁸ Ɔ́há ání ɔ́bu ndɔ́tu ɛ́ ɔ́máı́nkı́ ba wóyıt́ bɔtsu mu tati. ¹⁹ Amenı́apó pú abı́-ayıń ání bupı́a abı́ bɔ̀bwe alı́ bré ámɔ̀tu, bɔgyı́wı́ ní. ²⁰ Mliokoli Bulu mliı́a, mli ɔ̀srıké amu imábwe nyankpu móa atsalı́bí ntée ɔ̀kpónɔ́ ɔ́daké. ²¹ Tsúfɛ́ tsú oyı́ ası́tsuábı́ a, ason wunhe ání ibéba alı́ bré ámɔ̀tu odu kuku mókóba kı́. Mó odu kuku ɛ́ méétrá ba ekekekeke. ²² Nı́ Bulu méđnkı́ nke ámuṣo á, tekı́ ɔhaa méesian ɔyıt́. Táme ahá amóú alalé pɔ̀bwé mu kle amu sɔ́ aladı́nkı́ nke ámuṣo.

²³ “Alı́ bré ámɔ̀tu á, ní ɔ́ku lébláa fu ɔbéɛ, ‘Kı́, Kristo, (ɔhá amóú Bulu ladá mu ofúli amu) bu nfi ntée nána’ á, máhogyi. ²⁴ Tsúfɛ́ ahá ání beɛ amógyı́ Kristo amu pó ahá ání bówa afunu beɛ, Bulu ɔ̀nɔ̀sɔ́ atóipó bɔgyı́ tsɔ̀tsɔ̀tsɔ̀tsɔ̀ béba ɔyıt́. Bóbwie ofúla pó osúna akpɔ̀nkpɔ̀ntı́ pómlé ahá. Nı́ bétalı́ kóráá á, bémlé ahá amóú Bulu lalé ámu ɛ́. ²⁵ Mlinu, nde mli ɔ́lá da yáı́ asa uba.

²⁶ “Nı́ ɔ́ku ɔ́bláa mli ɔbéɛ, ‘Kı́, Kristo amu laba ɔ́bu dimbısó’ a, mli mádalı́ yéki. Alı́ kén ní bebli beɛ, ‘Ɔ́bu obutótó’ ɛ́ mli máhogyi nu. ²⁷ Tsúfɛ́ mí, Nyankpɔ̀sa-Mu-Bı́ ánfı́ ɔ́báke ibóbwe fɛ́ alı́ amóú nyankpu tɔfwı́ ibı́, butowun mó tsú owı́ ɔ́dalı́kpa yédaḷı́ owı́ ɔ́kplı́wı́ékpa amu.

²⁸ “Ɔ́tınéá ito wuhé da a, unú alása butefia.

Nyankpɔ̀sa-Mu-Bı́ Amu Ibáı́ (Marko 13:24-27; Luka 21:25-28)

²⁹ “Iwiasin wı́un amu ɔ́ma a, owı́ ɔ́béta, ɔ̀tsra ɛ́ ɔ́mɛ́trá fɛ́ı́. Ntsrakpabi békpa tsú ɔ́sósó beɛda. Nwólótáa móa mótu ató fée békpunkı́. ³⁰ Mó ɔ́ma a, mlówun mí, Nyankpɔ̀sa-Mu-Bı́ ánfı́ ibá iwı́ osúna ɔ́sósó. Ɔyıt́ ahá fée bósu. Ɔ́hagyı́ɔ́ha obówun ání mí, Nyankpɔ̀sa-Mu-Bı́ ánfı́ napó túmı́ móa numnyam kpɔ̀nkpɔ̀ntı́ mbu nwólótáatá tsú ɔ́sósó nebá. ³¹ Inu á, ɔ́kpe ku ibéln kóklókóú, Bulu ɔ́bówa mu abɔ̀pu béyɛkpa mu ahá amóú alalé ámu tsú oyı́ afonka ana ámu féesó.

Oyı́ Ɔ́nɔ̀mɔ́ Iwı́ Osúna (Marko 13:28-31; Luka 21:29-33)

³² “Mli ɔ́pukı́ pɔ̀ntɔ́ oyı́. Nı́ mó abámı́ de ɔ́pı́, ide ate pɔ̀pwe le á, mlı́tebí ání awı́kpan bré lafun. ³³ Alı́ kén, ní mlowun ání ntobı́ ánfı́ fée ide mótu bá a, mléı́ ání mí, Nyankpɔ̀sa-Mu-Bı́ ánfı́ ibáı́ lafun ta ní. Nawı́e wóyı́ ámu ɔ́nɔ́ tá. ³⁴ Ɔ̀nakwali nde mli bláa mbéɛ, ndemba-abı́ ánfı́ fée bumóowu tá asa ínı́ fée béba mótu. ³⁵ Ɔ́sɔ́ móa ası́ fée bótsɔn, táme mí ason blihé mótsɔ̀n ekekeke.

Nyankpɔ̀sa-Mu-Bı́ Amu Ɔ́báke (Marko 13:32-37; Luka 17:26-30, 34-36)

³⁶ “Ɔ́haa méyıń eke ntée bréá ntobı́ ánfı́ fée ibéba. Bulu-abɔ̀pu bɔ̀meyıń. Bulu mu Bı́ ámu ɛ́ méyıń, nkéti anı́ Sí amóú ɔ́bu ɔ́sósó ámu nkule pé yin. ³⁷ Alı́ amóú ilegyı́ Noa brésó amu a, alı́

ibégyi mí, Nyankpɔsa-Mu-Bi ánfɛ é íbábi ní. ³⁸ Tsúfɛ asa ntsubólábi amɔ lɔfon a, ahá betsiá bódɛ ató gyí, bɔdɛ ntá núu, bɔdɛ aká tsiá, bɔdɛ atsi kítá há akúlu alu yófon ekeá Noa lówie mu dáka kpɔnkpɔnkpɔnti ámɔtɔ. ³⁹ Ōhaa mébi tóá ide mósó yo, kpɛfon bréá ntsu ámu lɔbólá sórá amú fɛé náti. Alí kén bómébi mí, Nyankpɔsa-Mu-Bi ánfɛ íbábi ní. ⁴⁰ Alí bré ámɔtɔ á, ní ayin abanyó bolú ndá kɔlɛtá bɔdɛ agyómá yo á, Bulu obótsu okole sí okole. ⁴¹ Ní atsi abanyó bɔdɛ nftú kwe á, Bulu obótsu okole sí okole.

⁴² “Mlídinka ansí iwíso, tsúfɛ mlímeyín ekeá mlí Wíe óbɛba. ⁴³ Táme mlínu asón ánfɛ. Ní wóyí mu wie yin onyé bréá owikplu óbɛba mu wóyító a, tekí ologyo mu wóyí, owikplu móbwie wíé, wí mu ató. ⁴⁴ Mó sɔ mlí é mlígyo, tsúfɛ mí, Nyankpɔsa-Mu-Bi ánfɛ néba bréá mlí ansí medín mísó.

Osúmpó Wankláán Pó Ōlaláhe (Luka 12:41-48)

⁴⁵ “Ma mee gyí osúmpóá ɔletín ansí, óbu ónokwalí? Mu íbitɔ mu wie tɔpó mu aba atráhe wá, óbɛé óhá amó atogyihe dúnka brésó. ⁴⁶ Ansí bégyi osúmpó amu, ní mu wie amu óbá bowun ání lélé ɔde mú bwe. ⁴⁷ Ōnokwalí nde mlí bláa. Mu wie amu óbɔpu mu ató fɛé wá mu íbitɔ. ⁴⁸ Táme ní osúmpó laláhe ogyi, ɔleblí wá nwunto óbɛé, ‘Mí wíe méeba séi.’ ⁴⁹ Iní sɔ olefí así ɔde mu aba asúmpó da, mwa ntá abɔpó bɔdɛ ató gyí sí amú, bɔdɛ ntá núu bu á, ⁵⁰ mu wie amu óbɛba bófwie mɔtɔ ekeá ɔmedín ansí. ⁵¹ Mu wie amu óbɛhe títu mɔtɔ, trá bití mwa apinabwɛbífó ámu asu kékéé. Inó isú móa kpisí bu ní.

25

Mbitebí Dú Akɔ Iwí Yébi

¹ “Bulu iwíegyi ámu íbóbwe fɛ mbitebí dú akɔá bɔtsu amó nkandíe dálí beyéfiá óká pɔpwe ɔtsiápu óku. ² Amótó abanú bemímláa, abanú é betín ansí. ³ Aha mímláhe amu bɔtsu amó nkandíe, táme bómotsu nfo kòkò kítá. ⁴ Táme atiansípu amu bɔtsu nfo wá atótó kítá. ⁵ Óká ɔtsiápu amu mókosi ba. Mó sɔ mbitebí ámu fɛé bɔgyosi, tsun mótó dídi.

⁶ “Ōyí-nsuné á, óku lósorá okitikítí óbɛé, ‘Aní pí, óká ɔtsiápu amu óbá o! Mlídali yefia mu!’ ⁷ Inu mbitebí ámu fɛé bókusú nywé amó nkandíe. ⁸ Aha mímláhe amu bebláa atiansípu amu beé, ‘Aní nkandíe dedúun. Mó sɔ mlíha aní nfo kpalóbí awa aní kléto.’ ⁹ Móó atiansípu amu bebláa amó beé, ‘O-o, umótó. Imáɔfon ania mlínyo. Mlýo afepó wá, amlýoaho mlí klé.’ ¹⁰ Bréá aha mímláhe amu bɔpu ókpa bɔyó á, óká ɔtsiápu amu léba. Amó ámóó bɛda iwíso ámu bobuo óká ɔtsiápu amu wíé óká ɔtsiákpá inu, oyín ámu asúmpó befin obu ámu.

¹¹ “Mó ɔma a, mbitebí atráhe amu é beba belí klɔn ɔma, blí beé, ‘Aní sí, fínki ha aní awie.’ ¹² Táme óká ɔtsiápu amu lébláa amó óbɛé, ‘Ōnokwalí nde mlí bláa, mmeyín mlí ókpagyíokpasu.’ ”

¹³ Yesu lómó mú ɔnó óbɛé, “Iní sɔ mlída iwíso, tsúfɛ mí, Nyankpɔsa-Mu-Bi ánfɛ néba bréá mlí ansí medín mísó.

Asúmpó Abasá Iwí Yébi (Luka 19:11-27)

¹⁴ “Nyankpɔsa-Mu-Bi ámu íbábi bóbwe fɛ ókɔá ɔde ókpa tu, ɔletí mu asúmpó, ye mu ató há amú óbɛé, bukú mósó yaí mu. ¹⁵ Ōɔpu sika pepe akente anu há okole, pú akente anyó há onyɔɔsi, ɔɔpu kente kole é há ɔsaasi. Ōleha okugyíokpo mu ɔwɔnlín ɔnó asa ɔlenatí. ¹⁶ Osúmpó ámóó olenya akente anu ámu lówa ɔsa pú kóba amu fi íbíágyí asi. Mó sɔ umowa ɔpá kòkò, olenya akente anu dínká mósó. ¹⁷ Onyɔɔsi amu é lédamlí íbi mu sika pepe akente anyó ámɔsɔ alí kén. Mó sɔ olenya akente anyó dínká mósó. ¹⁸ Táme ɔsaasi amóó olenya kente kole amu mó lóyókwi óbó, pú mu wie sika pepe amu njáín mótó.

¹⁹ “Pɔwa ɔpá asa amú wie amu lótsu mu ókpa ámu ba, ɔletí amú óbɛé, mwa amónyo bóbu akúnta. ²⁰ Osúmpó ámóó olenya sika pepe akente anu ámu lótsu mba mósó ɔdínka akente anu ámu ba mu wie, bebláa mu óbɛé, ‘Mí wíé, feha mí sika pepe akente anu. Mí é nanyá akente anu dínká mósó. Mó ní.’ ²¹ Mu wie amu léda mu ípán, blí óbɛé, ‘Fabwé ató. Osúmpó wankláán fúgyi. Iná fawá ɔnokwalí ató túkúrííbi ánfíto sɔ á, nɔpu fú yáí mí ató tsɔtsɔtsɔ ɔnó. Ba afobetsiá mí wá, anya ansígyí.’

²² “Osúmpó onyɔɔsi amóó olenya sika pepe akente anyó ámu é lébláa mu wie óbɛé, ‘Mí wíé, sika pepe akente anyó feha mí. Mí é nanyá anyó dínká mósó. Mó ní.’ ²³ Mu wie amu léda mu ípán, blí óbɛé, ‘Fabwé ató. Osúmpó ɔnokwalípu fúgyi. Iná fawá ɔnokwalí ató túkúrííbi ánfíto sɔ á, nɔpu fú yáí mí ató tsɔtsɔtsɔ ɔnó. Ba afobetsiá mí wá, anya ansígyí.’

²⁴ “Móó osúmpó amóó olenya sika pepe kente kole amu é lébebláa mu wie óbɛé, ‘Mí wíé, nyín ání fú asón bu ɔnlín. Fɔtɔkpátí ató ɔtínéá fomodu; fɔtekpá ató-abí ɔtínéá fomefítá. ²⁵ Mó sɔ nanya ífú pú fú sika pepe amu njáín óbótó. Mó ní, ha fú ató.’

²⁶ “Inu mu wie amu lébláa mu óbɛé, ‘Osúmpó laláhe, ɔwɔlyɔpó fúgyi. Foyín ání ntɔkpátí ató ɔtínéá mmodu, ntekpá ató-abí ɔtínéá mmefítá ató. ²⁷ Iná foyín mó alí á, tekí fopu yótswi sika

ɔyaikpá. Iná naba a, teki nýɔhɔ móa mósó abí.’ 28 Móbó oyin ámu lébláa mu asúmpó amu ɔbée, ‘Mlɔswí mu sika pepe kente kole amu ha ɔmuamó alanyá akente idú ámu. 29 Tsúfée ɔhá ání ɔbu tsɔtsɔ á, betrá pú lko tsía mótó há mu, obénya tsɔtsɔtsɔ. Táme ɔhá ání ɔma á, bóswwí mu kpalobíbiá ɔbu, 30 amlɔswí ɔsúmpó anfí ɔma labi ánfí wa oklúntɔ. Inó isú móa kpisií bu nu.’

Asóngyi

31 “Ní mí, Nyankpɔsa-Mu-Bi ánfí nebá mí iwíe ogyíkpa, Bulu-abɔpu fée bobuo mí á, nétsiá mí ɔsósó numnyam owíe obíasó. 32 Békpa ɔyító ahá fée befía mí ansító. Inu nótósi amótó, fée alá mbwí ɔkpaɔ tótósi akúfa lé akpalátó. 33 Fówun nahá akúfa amu balí mí gyɔpɔsu, akpaláa amu é balí mí bunaso. 34 Inu mí ánfí ngyi Owíe anfí nébláa ahá ámóó bulí mí gyɔpɔsu ámu mbée, ‘Mlɔ ahá ánfí mí Sí layúlá ánfí mlɔba, amlíbetsiá iwíegyi ámóó ɔlayayí há mlɔ tsú ɔyí asítsuábi-ɔpá ámóto. 35 Tsúfée akón lekítá mí á, mlíléha mí ató negyi. ɔmewóli lekítá mí, mlíléha mí ntsu nonu. Nɔbwe ɔfós, mlílóhɔ mí ɔfós. 36 Nenatí yayá, mlíléha mí tati nedídá. Nɔlɔ, mlíléki mí. Nedí obu, mlíléba beki mí.’

37 “Inu yilé abwepó ámu befíté mí bee, ‘Ani Wíé, ɔmenke anúlówun ání akón de fú, anuléha fú ató fegyi? ɔmewóli de fú, anuléha fú ntsu fonu? 38 Fɔbwe ɔfós, anúlóhɔ fú ɔfós? ɔmenke fenatí yayá, anuléha fú tati fedídá? 39 ɔmenke fɔlɔ, ntée fedí obu, anuléba beki fu?’

40 “Inu mí ánfí ngyi Owíe ánfí nébláa amó mbée, ‘ɔnɔkwali nde mlɔ bláa. Tógyítóá mlílóbwe há mí apíó ánfí ahá botamabú amó wá ahátó ánfíto ɔku á, mí mlílóbwe mó há á.’

41 “Inu nébláa ahá ámóó bulí mí bunaso ámu é mbée, ‘Mlikpɔkpe tei nfi. Bulu lalwí mlɔ. Mlɔyɔ ogyá ámóó itamadun, Bulu lélayayí há ɔbɔnsám móa mu abɔpu amóto. 42 Tsúfée akón lekítá mí, mlíméha mí atogyihe. ɔmewóli lekítá mí, mlíméha mí ntsu annu. 43 Nɔbwe ɔfós, mlímóhɔ mí ɔfós. Nenatí yayá, mlíméha mí tati anídá. Nɔlɔ, nedí obu; mlíméki mí.’

44 “Inu amó é befíté mí bee, ‘Ani Wíé, ɔmenke anúlówun ání akón de fú, ɔmewóli de fú, fugyi ɔfós, fona yayá, fɔdelɔ ntée fɔda obu; anumébeke fu?’ 45 Inu mí ánfí ngyi Owíe anfí nébláa amó mbée, ‘ɔnɔkwali nde mlɔ bláa. Alɔ ámóó mlímóbwe mó há mí apíó ánfí ahá botamabú amó wá ahátó ánfíto ɔku á, mí mlímóbwe há á.’ 46 Bulu ɔbéha amó b́yɔ iwɔwsun ání itamatátó, táme yilé abwepó ámu mó bénya nkpa ání itamatá.”

26

Bekiklí Yesu Nwunso

(Marko 14:1-2; Luka 22:1-2; Yohane 11:45-53)

1 Bréá Yesu lósuná ató ánfí fée tá á, ɔlébláa mu akasípó amu ɔbée, 2 “Mlɔyin ání lasí nkenyá bégyi Israelfɔsu Katsun Nke. Nke ámóto á, ɔku ɔbópɔ mí, Nyankpɔsa-Mu-Bi ánfí wá mí alupú ibíto, béda mí mántá oyikpalíheso.”

3-4 Alɔ bré ámóto á, Yudafo Bulu igyí ahapó dehen pó amó ahande befía igyí ɔhapó dehen Kaiafa wóyító, kítá agywɔun ɔkpa ání b́tsɔsun mósó kítá Yesu njaintó, mó mu. 5 Táme beblí bee b́móɔbwe mó nke ámóto, méni kpokiti méda ɔmá ámóto.

Ofobi Fánfánfán Pwóli Yesu

(Marko 14:3-9; Yohane 12:1-8)

6 Bréá Yesu bu Betania wúluto, Simon ɔkuá alalɔ lɔ pepe kí wóyító ɔde ató gyí a, 7 ɔtsi ɔku léba mu wá. ɔde prentɔba wankláán kuá ofobi fánfán ání ibu bíá bɔ mó, ɔletséi ofobi ámu wóli Yesu nwuntó. 8 Yesu akasípó amu benya ɔblɔ bréá bowun íni. Mó su befíté bee, “Ntogyi só ɔtsi ánfí layíntá ofobi fánfán ánfí? 9 Abétali fée mó íbíá kpékpé, pó kóba amu há ahíánfɔ.”

10 Yesu lébi ání ɔblɔ lakítá amó. Mó su ɔlébláa amó ɔbée, “Ntogyi só mlídé mu háan? Itó yilé alabwé há mí. 11 Ahíánfɔ bétsiá mlɔto ekekegyíeke, táme mí mó mméetsiá mlɔ wá yé. 12 Alatséi ofobi fánfán ánfí wóli mí, pólá mí ɔyólɔb yáí há mí opuláké. 13 ɔnɔkwali nde mlɔ bláa. ɔyító ɔtínegyítoínéá béda Bulu asɔn wankláán ámu ɔkan a, béblí tó ánfí ɔtsi ánfí labwé ánfí pókáin muvo.”

Yuda Iskariot Lótsulá Aní ɔbéle Yesu Há

(Marko 14:10; Luka 22:3-6)

14 Mó ɔma a, mu akasípó dúanyɔ ámóto ɔkuá b́tétí mu Yuda Iskariot lóyɔ Bulu igyí ahapó dehen amu wá. 15 ɔleyéfíté amó ɔbée, “Ní nelé Yesu há mlɔ á, nto mléha mí?” Mó su bekla sika futútú adɔasa (30) wá mu ibíto. 16 Tsú bré ámóto ɔlɔwa ɔkpa dɔnká ání ɔb́tsɔsun mósó lé Yesu há amó.

Katsun Atogyihe Gyi

(Marko 14:12-21; Luka 22:7-14, 21-23; Yohane 13:21-30)

17 Israelfɔ Bodobodo MátúhéNke ámóto eke gyankpapɔ a, akasípó amu beba Yesu wá befíté mu bee, “Ani Wíé, obu mɔmóto ayela ha fu, afugyi Israelfɔsu Katsun Nke atogyihe amu?”

18 Yesu lébláa amó obéé, “Mliyo asímási wá wúluto, amliyebláa mu mlíaa, ‘Osunápó amó obéé, mí bré lafun. Inu su mía mí akasípó abá begyi Israelfọsu Katsun Nke ámu fọ wóyítá.’ ”

19 Mú su akasípó amu bọyóbwe alí ámúbó Yesu lébláa amó ámu pépéépé. Bela obu ámuto, bwe Katsun Nketo atogiyihe amu yáí unu.

20 Bréá nsaunto deklúun a, Yesu muu mu akasípó beba betsiá ọpónó ámu asi. 21 Ató ámu ogyíkpá a, Yesu lébláa amó obéé, “Ọnọkwali nde mli bláa, mlito okule obéle mí há.”

22 Asón ánfí léhié han akasípó amu. Mú su befi asi bode mu fité kolekole beé, “Mí Wíé, mí ní lóó?”

23 Yesu lébláa amó obéé, “Ọhá ámúbó mía mọnyo anidé ibi wa ọlepe okoleto ámu obéle mí há.

24 Mí, Nyankpọsa-Mu-Bi ánfí nówu fẹ aláá bọwanlín tswíu, táme ọhá ámúbó obéle mí há ámu ogyówí ní. Ní bometepi kwíí mu kóráá á, teki ibu alé há mu.”

25 Yuda Iskariot amó ọlele mu há ámu é léfité mu obéé, “Osunápó, mí ní lóó?” Múó Yesu lébláa mu obéé, “Ee, fablí.”

Yesu Ntọpwe Atogiyihe Trahe

(Marko 14:22-26; Luka 22:14-20; 1 Korintofo 11:23-25)

26 Bréá bode ató ámu gyí a, Yesu léle bodobodo ipín, ọleđa Bulu ipán, bíábía mótó pọhá mu akasípó amu, blí obéé, “Mliho amligyi. Mí ọyulóu ni.”

27 Inu olotsu ntá-ewe, ọleđa Bulu ipán, pọhá amó obéé, “Mli fẹé mliho amliunu. 28 Mí obugya ni. Mú Bulu dépusí mu nta* ání alaká há aháso ní. Bétsei mú wólí asi, méní obési ahá tsọtsoọtso lakpan kíé amó. 29 Nde mli bláa mbéé, mméetrá nu wán-abí ntá ánfí alu yófun ekeá mía mliyo abélanu mú pọpwe mí Sí iwíegyi ámuto.”

30 Benya wá ọl dá Bulu ipán tá alí, benatí yó Nfọ-nyíbu ámuso.

Petro Ọbóswí Obéé Mọmeyin Yesu

(Marko 14:27-31; Luka 22:31-34; Yohane 13:36-38)

31 Bréá bowie Nfọ-nyíbu ámuso á, Yesu lébláa amó obéé “Mli fẹé mléyinkí mí ọma onyenu. Tsúfẹ bọwanlín wá Bulu asón ámuto beé, ‘Néđa akúfa ọkpapó ámu lédá, mu akúfa bédasáín.’ ”

32 Múó ọletrá blí obéé, “Táme ní Bulu okósóba mi tsú afúlitó á, négya mli nkpa yó Galilea ọmátó. Inu mlóboto mí ní.”

33 Petro lébláa mu obéé, “Ní amó fẹé beyinkí fọ ọma kóráá á, mí mú mméeyinkí ekekekeke.”

34 Yesu lébláa mu obéé, “Ọnọkwali nde fọ bláa. Onyenu, asa bate obéle ọnó á, fọswí pọ ibi wá ogyá tse sa fẹe fọmeyin mí.”

35 Inu Petro lébláa mu obéé, “Ní lowu igyi kóráá á, mméekiná fọ ekekekeke.” Alí kén akasípó atráhe amu é beblí ní.

Mpáibo Getsemane

(Marko 14:32-42; Luka 22:39-46)

36 Yesu muu mu akasípó bọyo ọtnekwá bọtetí unu Getsemane. Bréá bowie unu á, ọlebláa amó obéé, “Mlitsia nfi, nọyó nkpa yóbó mpáí.” 37 Ọlekpá Sebedeo abi anyo, bọgyi Yakobo muu mu pío Yohane pọ Petro ya. Inu asón léhié han mu, mu asi lepe. 38 Múó ọlebláa amó obéé, “Asón ihé de mí háan, ideklé unu mí. Mlitsia nfi, mía mliyo agyo.”

39 Inu ọlenatí yó nkpa kpalobí, ọleđa akpawunu pọ ansító bun ọsolótó, kókólí Bulu obéé, “Mí Sí, ní ibówa alé á, há ntá-ewe ánfí† itson musu. Táme megyí tóá ndeklé, mbouin múá fodeklé ibá mótó.”

40 Múó oleyinkí ba akasípó amu wá bowun ání bodeđidi. Inu su ọlefité Petro obéé, “Mú su mli métalí tsíá, mía mliyo agyo dọnhwírí kole kpán? 41 Mliyo amlikokoli Bulu, méní mli mli ọmọowie isókitó, tsúfẹ mli ọnẹ deklé, táme nyankpọsa-oyi lẹpọn.”

42 Yesu létrá yókokólí Bulu obéé, “Mí Sí, ní ntá-ewe ánfí mótsoṣon musu, ibwé alíagyíalíá nónu mú á, mómó tóá fodeklé ibá mótó.” 43 Ọletrá yinkí ba bowun ání akasípó amu botráa bodeđidi, tsúfẹ didí de amó bu.

44 Mú su ọlenatí sí amó, trá yókokólí Bulu otse saasi, blí asón ámu kén. 45 Oleyinkí ba akasípó amu wá, befité amó obéé, “Mliatráa si mlíđa mlíde ọkpónó da? Mliki, bré ámu lafun ání bọpọ mí, Nyankpọsa-Mu-Bi ánfí wá lakpan abwepọ ibito. 46 Mlikoṣu ayo. Mliki, ọhá ámúbó ọde mí lé há ámu ná á.”

Yesu Kitá

(Marko 14:43-50; Luka 22:47-53; Yohane 18:3-12)

47 Yesu ọnó mesi asa akasípó dúanyo ámuto okoleá bọtetí mu Yuda lóbowie unu. Ọdọm kponkpọnkponntíá bode ndayí pọ nkpotí bubuo mu. Bulu igyi ahapọ dehen pọ Yudafọ ahande amu lówa amó. 48 Yuda amó obéle Yesu há ámu lébláa ọdọm amu yáí obéé, “Ọhá ámúbó nélatá pútá ámu gyí ọhá ámu ni. Mliki mu.”

* 26:28 Ntam pọpwe bu nwołó dada amu akoto. † 26:39 Ntá-ewe ánfí igyi iwọsín ání Yesu obówun.

49 Inu su ɔlenatí laa yéha Yesu itsiá ɔbée, “Osunápó, tsia ní!” Ɖlelatá mo pútá.

50 Móú Yesu lébláa mu ɔbée, “Agya, bwe tśá ɔbwekpá feba.”

Inu ahá ámu benatí tó Yesu, kítá mu kínkíínkín. 51 Inu Yesu akasípó amoto ɔkole lótswí mu ɔdayí, kpá Bulu igyí ɔhapó dehen osúmbi ɔko isu é. 52 Móú Yesu lébláa mu ɔbée, “Yinkia fú ɔdayí wa mo ɔfleta. Tsúfée ɔhá ání ɔtenatí kítá ɔdayí á, ɔdayí ɔno otesin. 53 Fómeyín fée nétalí kókóli mí Sí ɔbéha mu abɔpu tsɔtsɔtsɔ akú dúanya béba bɔko ho mu? 54 Táme ní íbá alí á, nkálí íbɔbwe asa Bulu ason wanlínhé amu íbéba mótót?”

55 Inu Yesu léfité amó ɔbée, “Ogyo otswapó ngyi, só mlilatsú nkpotí pó ndayí mleba mí ɔkitákpa? Ntsie mli wá Bulu ɔtswékpa inu ekekegyíeke nde mli ató suná, mlumékítá mí ekekeke. 56 Táme íní fée laba mótót, méni Bulu ɔnósó atópó asón wanlínhé amu íbéba mótót.”

Inu akasípó amu fée besrí sí mu.

Yudafɔ Ahande Ansító Lú

(Marko 14:53-65; Luka 22:54-55, 63-71; Yohane 18:13-14, 19-24)

57 Móú Yesu akítápó amu bekpa mo ya Bulu igyí ɔhapó dehen Kaiafa. Inó mva Mose mbla asunápó pó Yudafɔ ahande amu befia ni. 58 Táme Petro lépetí obu amó ɔma tsútsúútsú alu bowie igyí ɔhapó dehen wóyító inu. Oleyétsiá amó agyópó wá, méni obówun alíá asón ámu íbámó ɔnó. 59 Inu Bulu igyí ɔhapó dehen amu mva Yudafɔ asón agyípó amu fée bodunká ahá ání béka asón dínká Yesuso, méni béliú mósó mś mu. 60 Afunupu tsɔtsɔtsɔ bedalí ba, táme amó fée ɔnó lɔtsɔn ɔtsan. Mú ɔma a, ahá abanyó bedalí béliú ahande amu ansító, 61 blí bee, “Oyin ání léblí ɔbée, “Nétalí bwíé Bulu ɔtswékpa amu, lápó nkensá yi mó.”

62 Móú Bulu igyí ɔhapó dehen amu lókósó líí fité Yesu ɔbée, “Foma ɔnó lé? Foma aswansu blí pólé fú íwi?” 63 Táme Yesu móbwíí ɔnó. Bulu igyí ɔhapó dehen amu lélabláa Yesu ɔbée, “Neká Bulu Ɖkiankpaɔ amu, ní fógýí Kristo, (ɔhá ámóú Bulu ladá mu ofúli), ogyi Bulu mu Bi ámu a, bláa aní.”

64 Móú Yesu lébláa mu ɔbée, “Mú fablí á. Táme mlibí ání tsú nde póya a, mlówun mí, Nyankpɔsa-Mu-Bi ání ntsie Bulu Otúmípu gyɔpɔsu ání, ndin ɔsósó nwólótáasu neba.”

65 Móú Bulu igyí ɔhapó dehen amu lékítá mo atadie balí mó kiaan, † blí ɔbée “Alabó mbusuo! Adánsie mɔmu anutráa anigyó? Yéé mlilanú abususu ání alablí. 66 Nkálí gyí mli agywun?”

Bebláa mu bee, “Ilehián ání obówu!”

67 Inu botutúu atsonó wolí mu ansító, wɔwɔ mu atswé. Ako é bedadáa mu asoto, 68 fité mu bee, “Bulu ɔnósó ɔtópó Kristo, ma ladá fú? Bla aní.”

Petro Lóswí Ɖbée Mmeyín Yesu

(Marko 14:66-72; Luka 22:56-62; Yohane 18:15-18, 25-27)

69 Petro tsie wunsínésó inu, otsibi ɔko lóboɔ mu. Ɖlebláa Petro ɔbée, “Fúa Yesu Galileayin amu nyo ná.”

70 Táme Petro lówa ɔnólí ahá ámu fée ansító ɔbée, “Mmeyín asón ání fodeblí ání íwi kukukú.” 71 Mú ɔma wóyí ɔnó inu é á, otsibi ɔko é lébí Petro. Mó su ɔlebláa ahá ání bulí inu ɔbée, “Oyin ání mva Yesu Nasaretyin amonyo ténatí.”

72 Inu Petro lópu ɔnólí ká ntam, blí ɔbée, “Mmeyín mu.”

73 Mú ɔma a, ahá ámóú bulí inu ámuto ako beba bebláa Petro bee, “Lélé mó á, anyin ání fúa Yesunyó ná, tsúfée fú tśito de aní suná alí.”

74 Inu Petro lówa ntam kakáa bi ɔbée, “Neká tógýító, mmeyín oyin ámóú mlidé mu íwi asón blí ámu!”

Inuɔu bate lóbɔn. 75 Petro lékaín ání Yesu lébláa mu ɔbée, “Fóswí tse sa fée fómeyín mí asa bate ɔbéle ɔnó.” Inu ɔledalí híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

1 Ɖyi kehe nyanki-nyanki a, Bulu igyí ɔhapó dehen pó Yudafɔ ahande amu bekítá agywun bee, bómo Yesu. 2 Mó su beklíu mu, pó mo yówa Pilato íbɔ. Mogyí Roma ɔhandeá ɔde Yudea ɔmásó gyí ni.

Yuda Iskariot Iwi Sían

(Gyumagyihé 1:18-19)

3 Yuda amóú ɔlele Yesu há ámu lówun ání bahá Yesu pón. Uehan mu. Mó su oleyinkia sika futúú advasa ámu ya Bulu igyí ɔhapó dehen pó Yudafɔ ahande amu. 4 Ɖlebláa amó ɔbée, “Nalé ɔhá ání ɔmakóbwé lakpan koku há. Mó su nabwé lakpan.”

Móú bebláa mu bee, “Anuméyín mó íwi koku. Fú asón igyi.”

† 26:65 Ilosuná ání asón ámu lawíé mó íwito dobi.

⁵ Mò sù Yuda lótswí sika futútú ámu sísi amó Bulu ótswékpa wunsinésó unu, náti yésián iwí.

⁶ Bulu igyí ahapó dehen amu bótásí kóba amu, blí bée, “Ani mbla meha okpa áni apóu kóba anfi odu wa Bulu ótswékpa kóbato, tsúfè mó iwí metin. Obugya kóba igyi.” ⁷ Mò sù bóbwe agywun, pò kóba ámu yóhò ató ópwepó oku ósulóu, pò unu bwé afásó áni bóbú Yerusalem opulákpá. ⁸ Inu sù bótú nde bótétí unu bée, “Obugya ósulóu.”

⁹⁻¹⁰ Inu léha Bulu asón ámuó lèblí tson mu ónósú ótópú Yeremiasu ámu léba mótó. Óbée, “Botsu sika futútú advasa ámuó Israelfó begyi mu ibiá, hò mu amu yóhò ató ópwepó oku ósulóu fè aláhá Bulu lèbláa mu.”

Yesu Líi Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu líi ómásó okípú Pilato ansító. Móú Pilato léfité mu óbée, “Fógýí Yudafó owíe amu ní?” Yesu lèbláa mu óbée, “Ee, mó fablí á.” ¹² Táme bréá Bulu igyí ahapó dehen pò Yudafó ahande amu beka asón dínká Yesusu á, ómele koku ónó.

¹³ Móú Pilato léfité mu óbée, “Fumédé asón áni bakla dínká fósú áni nu?”

¹⁴ Táme Yesu métepi bwíí ónó. Mó sù ilobwie Roma óhande amu ónó.

Yesu Lowu Ipón Ha

(Marko 15:6-15; Luka 23:13-25; Yohane 18:39-19:16)

¹⁵ Offígyíofi, ní bode Israelfósú Katsun Nke gyí a, Roma óhande amu tesí obu adípú okoleá ódom amu bodeklé há amó. ¹⁶ Alí bré ámótó á, obu adípú okuá alahó dá, bótétí mu Baraba da obu. ¹⁷ Mó sù bréá Yudafó ámu fèé bebefia a, Pilato léfité amó óbée, “Ma nsíi ha mlí? Baraba lóó, ntéé Yesu, bótétí mu Kristo amu?” ¹⁸ Tsúfè Pilato yin áni Yesu iwí olu sò Bulu igyí ahapó dehen pò Yudafó ahande amu bakítá mu ba mu.

¹⁹ Bréá Pilato tsie óde Yesu asón ámu gyí a, mu ka lówa obí mu wá óbée, “Mábwe oyin áni mu asón da okpa áni tótó. Tsúfè igye onyé á, nokun okude wun mu, ifú lehé kítá mí.”

²⁰ Táme Bulu igyí ahapó dehen pò Yudafó ahande amu beha ódom amu ónó bée, bukókoli Pilato osi Baraba, abumu Yesu. ²¹ Mó sù Roma óhande amu lélafité ódom amu óbée, “Ahá abanyó ánfító ómómú nsii ha mlí?”

Botsu ónó bée, “Baraba!”

²² Móú Pilato léfrá fité amó óbée, “Ntó mbwée Yesu, bótétí mu Kristo, (ohá ámuó Bulu ladá mu ofúli amu)?”

Amó fèé bebláa mu bée, “Ha aboda mu manta oyikpalíhesu!”

²³ Pilato léfité amó óbée, “Ntogyi sò! Tsitsa mómú alabwé?”

Inu belakplón kóklókúú bée, “Ha aboda mu manta oyikpalíhesu!”

²⁴ Bréá Pilato lówun áni alabwé kásián, kpokiti mbouin deklé ida unu á, olotsu ntsu fwí ibi amó ansító unu, bláa amó óbée, “Mí ibi anyó uma oyin áni lowutu. Mlí asón igyi.”

²⁵ Yudafó ámu fèé bebláa mu bée, “Mu lowu isobití íbá ania aní abí-anásó!”

²⁶ Inu Pilato lési Baraba há amó, óleha mu isá akópó bepítí Yesu ató, ólópú mu wá amó ibitó óbée, bwyéda mu manta oyikpalíhesu.

Yesu Ahinlá Bwe

(Marko 15:16-20; Yohane 19:2-3)

²⁷ Inu ómásó ogyípó amu isá akópó bekpa Yesu ya mu wóyító. Betí amó aba isá akópó atráhe amu fèé, beda Yesu óbón. ²⁸ Bówóí Yesu atadié, pò ligá pepe ku wá mu. ²⁹ Bóló obungyo-awu, bwé mó owíepa bun mu nwun. Bópú oyí ku wá mu gyópi ibitó, fè akonfra. Beda akpawunu mu ansító, bode mu ahinlá bwe bée, “Yudafó Owíe, fò nkpasu onlinsó!” ³⁰ Botu atsoné wólí Yesu, swíi mu oyí ámu pópítí mu nwuntu. ³¹ Bóbwe mu ahinlá tá á, bówóí amó ligá pepe amu, yínkda mu onutó atadié wá mu, bekpa mu dáli báyó aboyeda mu manta oyikpalíhesu.

Yesu Da Mántá Oyikpalíhesu

(Marko 15:21-32; Luka 23:26-43; Yohane 19:17-27)

³² Bréá báyó á, befia Kireneyin okuá bótétí mu Simon. Isá akópó ámu beka mu híe bée, ohóo oyikpalíhe amu sora. ³³ Boyówie ótunekwá bótétí unu Golgota. Mó así gyí, “Nwun Okokobi Otsiákpá.” ³⁴ Bópú afá kítákítá wá ntátó tin Yesu ónó bée onúu, támé bréá óleda mó ónó á, olekiná nu.

³⁵ Beda mu mántá oyikpalíhe amusu tá á, beye mu atadiéta. Inu bótswí abi pòki óhagyísha ogyíkpá. ³⁶ Besi bótswie unu, bode mu iwí gyóó. ³⁷ Móú bówanlín tóá swá bode mu da mántá oyikpalíhesu, dá mántá mu awunso bée, “YESU, YUDAFÓ OWÍE AMU NI.” ³⁸ Beda awikplu abanyó é mántá nyikpalíhesu tsía mótó. Okole bò mu gyópisu, okole é bò mu binasu.

³⁹ Inu atsonpú bəkpəkəpən nwuntu, blí Yesu iwí abusus bée, ⁴⁰ “Yéé fò fée fetalí bwíé Bulu ótswékpa amu, lápwe mó nkensá owító ní? Hò fò iwí! Ní lélé Bulu mó Bi fógýí á, kplí tsu oyí ámu su akl.”

41 Alí kén Bulu igyí ahapó dehen, Mose mbala asunápó pó Yudafó ahande amu é bɔbwe mu ahinlá ní. 42 Beblí bee, “Ǿlɔhɔ ahá nkpa, táme ametalí hɔ mu iwi. Ní mogyí Israelfó owíe amu a, akplí tsu oyí amuso, méní abóhɔ mu gyi. 43 Yéee obéee Bulu mu Bi mogyí, mu ansí dun Buluso. Bulu alé mu séi, akí aní otekle mu asón.”

44 Alí kén awikplu amóó beda mántá nyikpalíhesu mu wá amu é bɔbwe mu ahinlá ní.

Yesu Lowu

(Marko 15:33-41; Luka 23:44-49; Yohane 19:28-30)

45 Owí leta osolóv amuso fée, tsú dódúanyɔtɔ alu yɔfon ntópwe dɔsato. Owí metrá lun e. 46 Dɔsa ámuto á, Yesu lókplon kóklókóó Hebri oblíto obéee, “Eli, Eli, Lama Sabaktani?” Mó asi gyí, “Mí Bulu, mí Bulu, ntogyi só fakpá mí oma?”

47 Bréá ahá amóó bulí unu amuto aku bonu asón anfi á, beblí bee, “Ǿde Elia kpolí.” 48 Inu amótó aku lésrí yótsu asapo, pódá ntá odáuto, poyi oyísó, tsú mó fóa, pótin mu onó obéee onúu.

49 Táme mu aba atráhe amu bebláa mu bee, “Si, alu kí bee Elia obéba bohɔ mu.”

50 Yesu létrá kplón kóklókóó, aléle ojé.

51 Inu Bulu lébalí tati amóó bɔpuká Bulu Ǿswékpa obu amuto anyo, tsú awunso beyi asi kuaan. Bulu léha osolóv lekpinkí, aléha abotá lemamáun. 52 Olefinfinki ntsán, aha wankíhé tsɔtsɔtsɔ bakosó tsú afúlitó. 53 Yesu kosó tsú afúlitó oma a, aha wankíhé anfi bakosó tsú afúlitó anfi bɔyo Yerusalem wílu wankíhé amuto, yéle iwi owan suná ahá tsɔtsɔtsɔ.

54 Bréá isá akpóó ahande pó isá akpó amóó bode Yesu iwi gyóo amu bowun osolókprinkí ámu pó tásá ide mósó yó fée á, ifú lehie kítá amó, beblí bee, “Lélé, Bulu mu Bi óyin anfi gyí.”

55 Atsi tsɔtsɔtsɔ bobuo Yesu, bode musu kí tsu Galilea omátó. Amó é besi líú tsútsúútsú, bode mu kíú sisi. 56 Amótó aku gyí, Magdalayintse Maria muwa Maria aní akkwá Yakobo muwa Yosef pó Sebedeo mu ka aní ogyí Yakobo muwa Yohane aná oyín.

Yesu Pulá

(Marko 15:42-47; Luka 23:50-56; Yohane 19:38-42)

57-58 Bréá owí depón a, Arimateayin iwi onyapó akwá botetí mu Yosef, alamí Yesu akasípó lóyo Pilato wá, yókulí mu obéee, osíí Yesu fúli amu ha mu. Pilato léha aní bwsí fúli amu ha mu. 59 Mó su Yosef lópu óhráda aní detun wankláán kíki fúli amu iwi, 60 alépu mu yówa obó papwe aní aladá butát yáí há mu iwíto. Móó olemináa íbwi yiléyilé kó tin obó ámu onó, alenatí. 61 Magdalayintse Maria muwa Maria nyɔɔsi amu besi botsie unu fon bode ntsán ámu kíú sisi.

Yesu Ntsán Gyo

62 Yudafó iwíso adaké oyi kehe, igyi akpónó adaké á, Bulu igyí ahapó dehen, Farisifó ámu fée pó Pilato befia. 63 Bebláa mu bee, “Owíe, anlakáin aní bréá ofunupu anfi tsie nkpa á, aléblí obéee, ‘Nkensas oma a, Bulu obélakósóa mí tsú afúlitó.’” 64 Mó su ha aboyogyo mu ntsán ámu onó wankláán, yɔfon eke sáási. Ní megyí alí á, mu akasípó amu bóyówí mu lé, bemlé ahá bee alakósó. Ibá alí á, akasípó amu ahámle bódun mu kle.”

65 Pilato lébláa amó obéee, “Isá akpóó ní. Míha amó aboyogyo unu wankláán alá mlétalí.”

66 Mó su beyétan obó ámu onó wankláán, há agyópu bogyo mó asi.

28

Yesu Kosó Tsú Afúlitó

(Marko 16:1-10; Luka 24:1-12; Yohane 20:1-10)

1 Yudafó akpónó adaké oyi kehe, igyi Kwasiada bake a, Magdalayintse Maria muwa Maria nyɔɔsi amu bakosó yó Yesu ntsán ámu akíkpa. 2 Inonu á, osolóv lekpinkí kóklókóó, Bulu-obɔpu lékpli tsú osósó bemináa íbwi yilé ámu lé obó ámu onó, tsíá mósó. 3 Mu ansító lehie wankí, ide ogyá kpa. Mu atadie é lofuli futútútú fí opuli-mpútó. 4 Bréá bowun mu a, ifú lehie kítá unu agyópu amu, bekpóní kpakpakpaka, dída, lwíí fée afúli.

5 Bulu-obɔpu amu lébláa atsi ámu obéee, “Mímánya ifú! Nawun aní Yesu amóó beda mántá oyikpalíhesu ámu mlidédunká. 6 Oma nfi. Bulu lakósóa mu fée alá aléblí yáí. Mlibeki otíné amóó bɔpu mu tswi amu. 7 Míuwa ósa yebláa mu akasípó amu mlíaa, Bulu lakósóa mu tsú afúlitó. Alagya mlí nkpa óyó Galilea omátó. Inó mlówun mu ní. Asón aní mbu ha mlí ní.”

8 Ifú lekítá atsi ámu, táme bɔpu ansígyí tsíí ósríú tsú opulákpá unu bɔyó yebláa akasípó amu tásá bawun.

9 Inowa ópá kuku Yesu léfia amó, há amó ité. Inu beda akpawunu kítá mu ayabi, súm mu.

10 Yesu lébláa amó obéee, “Mímánya ifú. Mliyebláa mí apíó ámu mlíaa, buyó Galilea omátó. Inó bówun mí ní.”

Ntsán Agyópu Amu Asón Klahé

11 Bréá atsi ámu bɔpu bɔyó á, ntsán agyópu amu aku é bɔyo wíluu yebláa Bulu igyí ahapó dehen amu tásá ilaba fée. 12 Inu su Bulu igyí ahapó dehen amu beti Yudafó ahande amu fée fia, kítá agywun. Beha ntsán agyópu amu kóba tsɔtsɔtsɔ. 13 Beha amó onó bee, “Mlibli mlíaa,

‘Onyé, bréá anidédidi á, Yesu akasípó amó béba bowi mvo náti.’ ¹⁴ Ní Roma ðhande onú á, ania mvoño abéblí mó, méni mlimóowie asóntá.”

¹⁵ Mó sv ntsán agyóppu amó botsulá hɔ kóba amó, begyi dinká Bulu igyí ahapó dehen amó ason blíhé anfisv. Ɔnó ánfí beha amó ánfí lobwie wá Yudafɔ omá amó féétó bɔfon nde.

Yesu Iwɔwanle Sɔndá Mv Akasípó

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípó dúɔkon ámv benatí yó Galilea omátó, ibv amóú Yesu lósuná amó ðbé bufia mv mósó ámvsv. ¹⁷ Bréá bowun mv a, beɔa akpawunu súm mv, táme imɔwankí amótó akv ání mv ni. ¹⁸ Móú Yesu lókpokpé ba amó wá, blí ðbé, “Bulu lapó ɔsú móa así túmi féé wá mí ibitɔ. ¹⁹ Mó sv mliyo ɔyító féé, amlibwe ahá féé mí akasípó. Mlibɔ amó asú Ɔsí, Obí pú Ɔɣe Wankíhé dátó. ²⁰ Mlisuna amó abugyi mbla amóú nɔwa há mli amó féésó. Mlibi ání mbv mli wá brégyíbré, yɔfon ɔyí ɔnómɔ.”

Asun Wankláán Aní Marko Lówanlín

Asú Ɖbapó Yohane Bulu Asón Ɖkanda (Mateo 3:1-12; Luka 3:1-18; Yohane 1:19-28)

¹ Alí Bulu mu Bi Yesu Kristo iwí asun wankláán ámu ilotsuá así ní. ² Uleba mótó fẹ alíá Bulu onósó ɔ́táipó Yesaia lówanlín wá mu ɔ́wólótó ɔ́bée, “Kí, nde obí wa gya fu nkpá.

Mu ɔ́béla ɔ́kpa há fú ní.

³ Ɖku dékplun dimbísó ɔ́bée,

‘Mlila aní Wíe ɔ́kpa.

Mlitswii ikpa ha mu!’ ”

⁴ Asú Ɖbapó Yohane léba ɔ́de ahá asú bọ, ɔ́de Bulu asón ɔ́kan da Yudea dimbísó ɔ́bée, “Mlídamlí kluntó, amlísi lakpan bwe. Bulu osikie mlí, ambọ mlí asú.” ⁵ Ahá botsu Yerusalem wúlutó pọ Yudea ɔ́mátó fée bá mu wá. Bele amó lakpan blí, ɔ́lẹbọ amó asú Yordan ntsutso.

⁶ Yohane lówa kpósó-ími atade, ɔ́lọp ɔ́wóló-kpákpá ɔ́fẹ klí mósú. Atsantsanko pọ ɔ́kwén otegyi. ⁷ Oletsia dá asón ɔ́kan, blí ɔ́bée, “Ɖkwa ɔ́don mi bu ɔ́ma ɔ́bá. Mmɔ́fun aní nógyonká sánki mu ntókuta ɔ́fẹ kóráá. ⁸ Mí mó á, ntsu ndepóbó mlí asú, táme mu mó ɔ́bọp Ɖje Wankihé bó mlí asú.”

Yesu Asúbo Pọ Mv Isóki (Mateo 3:13-4:11; Luka 3:21-22; 4:1-13)

⁹ Nke ámuto á, Yesu lótsu Nasaret, wúlúá ɔ́bu Galilea ɔ́mátó ba Yohane wá, Yohane lóbo mu asú Yordan ntsutso. ¹⁰ Yesu lénya dáli ntsu ámuto alí, olowun nwólótáa lefinkí, Ɖje Wankihé dékplí dalí mótó fẹ abródoma, ilobogyonká musu. ¹¹ Inu ɔ́me ko lótsu ɔ́sósó ɔ́bée, “Fógýí mí bíá ntódwé, mí ansí tehíe gyí fú iwí ní.”

¹² Inonu Ɖje Wankihé amó lékpa Yesu ya dimbísó. ¹³ Oletsia inu nke adovana, Satan létsia bọso mu kí. Mva pututó-mbwi létsia, Bulu-abọp beba beki musu.

Yesu Gyumagyihe Asitsud (Mateo 4:12-22; Luka 4:14-15; 5:1-11)

¹⁴ Bekitá Yohane tswi obu ɔ́ma a, Yesu lóyo Galilea ɔ́mátó, ɔ́de Bulu asun wankláán ámu ɔ́kan da. ¹⁵ Ɖbée, “Bré ámu lafun. Bulu iwíegyi ámu lawíe wóyí tá. Mlídamlí kluntó ba Bulu wá, amlího mu asun wankláán ámusu gyi.”

¹⁶ Eke ɔ́ku Yesu ná Galilea ɔ́p ɔ́nó, olowun Simon mva mu gyama Andrea. Bude asawu tswi, tsífẹ aye alepọ bvgyi. ¹⁷ Múú ɔ́lebláa amó ɔ́bée, “Mliba bobuo mi. Nóbwe mlí anyánpósa alepọ.” ¹⁸ Inonu besi amó asawu aná tswi, kplá buo mu.

¹⁹ Ɖlenatí yó nkpá kpalobí á, olowun Sebedeo abí, Yakobo mva mu gyama Yohane é. Bubu ɔ́kluntó, bude amó asawu bíun. ²⁰ Inonu Yesu létí amó é, benatí sí amó sí móa mu apafọ wá ɔ́klun amoto ba bobuo mu.

Yesu Ɖje Laláhe Gyá (Luka 4:31-37)

²¹ Yesu mva mu akasípọ bọyo Kapernaum wúlutó. Ɖlọyo Yudafọ ofiakpa yósuná ató ɔ́kprónó ɔ́daké. ²² Mu atosunáhé lobwie amó ɔ́nó, tsífẹ olosuná amó ató túmisu. Megyi fẹ Mose mbla asunápọ amu.

²³ Oyin ɔ́ku léba ofiakpa inu, ɔ́je laláhe bu musu. ²⁴ Ɖlɔ́kplón blí ɔ́bée, “Yesu Nasaretyin, amansu búv amia funyo nsiné? Aní ɔ́hkpá feba lóó? Nyin ɔ́há oduá fvgyi. Fógýí Bulu Ɖha Wankihé amu ní!”

²⁵ Yesu lókpłun wa ɔ́je ámu ɔ́bée, “Kpa ɔ́nó bun, afudalí mto.”

²⁶ Inu ɔ́je laláhe amu lówsósú oyin ámu ɔ́wonlínso, sórá okitikítí kóklókúú, dáli mto. ²⁷ Ɖnó lobwie amó fée, befité aba be, “Ntó ofúla ní? Iní mó á, atosunáhé pọpwe ní. Oyin ánfí bu túmi, ɔ́tɔ́kplón wa ɔ́je laláhe, itobú mu.”

²⁸ Iní su Yesu idá lekléí wá Galilea ɔ́má ámuto fée.

Alọp Tsotsotsọ Tsa (Mateo 8:14-17; Luka 4:38-41)

²⁹ Yesu mva mu akasípọ benya dáli Yudafọ ofiakpa inu alí, bọyo Simon mva Andrea wóyító. Yakobo mva Yohane é bubu amótó. ³⁰ Bọyo á, owísó lakítá Simon mu sia tshé, ɔ́da. Inonu bebláa Yesu ɔ́tsi ámu iwí asón. ³¹ Múú ɔ́lọyo yékítá ɔ́tsi ámu ɔ́bu, tsú mu kósú. Inonu owísó ámu lókusú musu, ɔ́lbwe amó afótó.

³² Mú ntópwε fεon a, bεpu alεpu pú ahá ání òηε laláηε de amó háan fέé ba Yesu. ³³ Wúlu amu fέé beba befia wóyí ámu onó. ³⁴ Yesu létsa ahá tsotsótsóá bude ilo otsan-otsan lo, olegya òηε laláηε tsótsótsó é lé aháto. Omeha òηε laláηε amu abutoi, tsúfε amó fέé buyin mu.

Bulu Asón Okanda Galilea Omátó
(Luka 4:42-44)

³⁵ Mú oyí kehe bake a, Yesu lédalí wúlu amoto yó itsétó òde mpáí bó. ³⁶ Táme Simon muva mu aba bεbó mbódí dúnká mu alu yówun mu. ³⁷ Bréá bowun mu a, bebláa mu beε, “Ahá fέé bude fó dunká.”

³⁸ Mú Yesu lébláa amó òbέε “Mliha ayó awúlu bámbásó, anyεda Bulu asón ámu òkan inu é, tsúfε íni su neba ni.”

³⁹ Inu òlεyo yéki Galilea omátó fέé, òde asón ámu òkan da Yudafó offiakpa fέé, òde òηε laláηε é gyáa le aháto.

Ilo Pepe Olapó Oko Tsa
(Mateo 8:1-4; Luka 5:12-16)

⁴⁰ Ilo pepe olapó oko léba beda akpawunu Yesu ayabito, kókóli mu òbέε, “Owíé! Ní fótusulá á, fétalí há mí iwí bépli.”

⁴¹ Mú asón lówa Yesu nwe. Mú su òletinkí íbú da mu, bláa mu òbέε, “Natsulá, fú iwí iplú!” ⁴² Inu òlε ilo pepe amu òleta, mu iwí lépli. ⁴³⁻⁴⁴ Mú Yesu léda mu òlá òbέε, “Mábla òhaa asón áñfi. Natí laa afupó fú iwí yosuná Bulu igyí òhapó, afóha mu iwígyorátó amó Mose mbila lósuná tsú òlε pepetsa iwí ámu. Igyí adánsie suna ahá ání fú iwí laplú.”

⁴⁵ Táme oyin ámu lénya dáli inu alí, òlεwa mú òkan da bi. Òlεda asón ámu òkan wúlu amoto fέé fiá. Mú su Yesu métra talí lé iwí òwan wíé wúlu kòkoto, itsétó oletsíá tsíá. Táme mú ó á, ahá betsíá tsú ntíné-ntíné ba mu wá.

2

Tsukole Osinpu Tsa
(Mateo 9:1-8; Luka 5:17-26)

¹ Nke kpalobí ku òma a, Yesu léyinkí yó Kapernaum wúlu. Ahá bonu ání alaba wóyí. ² Mú su ahá tsótsótsó beba bεbulá wóyí ámu. Okpa kóráá ítráa ma inuá fótson wie mótó. Yesu léda Bulu asón ámu òkan súná amó. ³ Ahá abaná bεsórá tsukole osínpu oko akpasu ba mu. ⁴ Òdam amu su bumenya okpa pú mu wíé Yesu wá. Inu su báyódu obu ámu awunso, dá mú òtneku tíí, beklía akpa amu tson òbó ámuto, pú mu tswí Yesu ansító. ⁵ Bréá Yesu lówun ání bahó mu gyí a, òlebláa tsukole osínpu amu òbέε, “Mí bí, nasi fú lakpan kíé fú.”

⁶ Inu Mose mbila asunápó akvá bεtsie inu, beblí wá nwunto beε, ⁷ “Nto asón oyin áñfi débli alí? Megyí mbusuo álabó á? Ma é òbétalí sí lakpan kíé ahá don Bulu nkole?”

⁸ Yesu lébí ání bude nwéen gyí amó nwunto. Mú su òlefíté amó òbέε, “Ntogyí só mlúde íni odu gywín? ⁹ Mamu bówa ablílé ání nébláa tsukole osínpu anfi? ‘Nasi fú lakpan kíé fú’ ntée ‘Kuso tsu fú akpa afónatí?’ ¹⁰ Táme ndekléá mlibí ání mí, Nyankpusa-Mu-Bi áñfi mbu túmi oyí áñfitó sí ahá lakpan kíé amó.” Inu òlebláa tsukole osínpu amu òbέε, ¹¹ “Nde fú bláa mbéε, kuso! Tso fú akpa afónatí yó wóyító!”

¹² Inu òwunso òkòkòsú, tsú mu akpa, natí amó ansító inu. Inu lówa amó fέé wánwan, bekanfó Bulu blí beε, “Anunókówun ofúla anfi odu kí.”

Lewi Ti
(Mateo 9:9-13; Luka 5:27-32)

¹³ Yesu létrá yó Galilea opu onó. Òdam kponkpòonkpònti beba mu wá, olosuná amó ató. ¹⁴ Bréá òlεpu oyó á, olowun Alfeo mu bi Lewi tsie mu lampóo òhókpa. Mú òlebláa mu òbέε, “Bobuo ni.” Inu òkòkòsú buo mu.

¹⁵ Mú òma a, Lewi létí Yesu muva mu akasípó ató ogyíkpa mu wóyító. Lampóo ahápu pú lakpan abwεpó tsótsótsó é bobuo mu ba ató ámu ogyíkpa. ¹⁶ Bréá Mose mbila asunápó amoto akvá bugyí Farisifó bowun ání Yesu muva lakpan abwεpó pú lampóo ahápu bude ató gyí a, befíté mu akasípó beε, “Ntogyí só muva lakpan abwεpó pú lampóo ahápu bude íbú wa gyí ató?”

¹⁷ Yesu lónu asón áñfi, òlebláa amó òbέε, “Alεpu léhián òlε òsapó, megyí ahá ání iwí bu amó onlu. Mmεba aha wankláán òtikpá, mbouin lakpan abwεpó òtikpá neba.”

Onókli Iwí Asun Fitéhé
(Mateo 9:14-17; Luka 5:33-39)

¹⁸ Asú Òbεpó Yohane akasípó pú Farisifó butetsíá klí onó. Eke oko aku beba befíté Yesu beε, “Ntogyí só Yohane akasípó pú Farisifó akasípó buteklí onó, táme fú akasípó mú butamaklí onó?”

¹⁹ Yesu léle mú onó òbέε, “Ní òtsí òkpainpu bu mu anyawíe wá á, béklí onó? Ekekeke! Iná òbu amó wá áñfi mú á, bumeékli onó. ²⁰ Táme eke ku béba ání békpa òká otsiápu amu natí sí amó. Alí nke ámuto béklí onó ní.

21 “Ɔhaa tamapó tati pɔpwe tan tati dada. Tsúfɛ tati pɔpwe amu békpɔkpɔ́ tsií dáda amu iku lé, há ɔ́tánkpa unu bélatéí tsiá. 22 Ali kén butamapó nta pɔpwe wá ɔ́woló-kpákpá kente wuhétó ní. Nta pɔpwe amu íbófu fá kente amu tsítsá, yíntá kente amu é. Inu su ɔ́woló-kpákpá kente pɔpwe to bótápo nta pɔpwe wá.”

*Ɔkpónó Ɔdaké Mu Wie
(Mateo 12:1-8; Luka 6:1-5)*

23 Yesu muɔ mu akasípó bɔtsɔn ayó ndɔ kɔto ɔkpónó ɔdaké, mu akasípó bɔpusáa ayó ámu ku wí. 24 Farisifo aku bowun amó, bɛfité Yesu bɛɛ, “Ki, ntogyi só buɔɔ t́á anu mbla mɛha ɔkpa bwe ɔkpónó ɔdaké?”

25 Yesu léfité amó ɔbɛɛ, “Mlumókókla nu t́á Owíe Dawid lóbwɛ bréá akón de muɔ mu abútopu, buma tɔ́tɔ́á bégýi kí? 26 Olebitiwíe Bulu osúmka yótsu bodobodoá bapóhá Bulu igýi ba, muɔ mu abútopu amu begýi, Bulu igýi ahapó ðɛhen Abiata bísó. Bulu igýi ahapó nkɔle bɛle ɔkpa bótegyi ali bodobodo amu.”

27 Múó ɔlɛtrá bláa amó ɔbɛɛ, “Nyankpɔsa só Bulu lóbwɛ ɔkpónó ɔdaké ámu. Megýi ɔkpónó ɔdaké ámu só Bulu lóbwɛ nyankpɔsa. 28 Múó su mí, Nyankpɔsa-Mu-Bi ánfí gyí ɔkpónó ɔdaké mu wie!”

3

*Ilɔtsa Ɔkpónó Ɔdaké
(Mateo 12:9-14; Luka 6:6-11)*

1 Yesu létrá yɔ Yudafo ofiakpa unu á, oyin ɔko tsie unu, mu ibi kɔle lawú. 2 Aha aku buɔɔ Yesu tɛɛ, abuki bɛɛ ɔbɛtsa mu ilo ɔkpónó ɔdaké ámu, méní bénya mu iwí asón blí. 3 Yesu lébláa oyin ámúó mu ibi kɔle lawú ámu ɔbɛɛ, “Kusu belí amó ansító nfi.” 4 Múó ɔlɛfité amó ɔbɛɛ, “Nto anu mbla léha ɔkpa ání abwɛɛ ɔkpónó ɔdaké? Yilé lóó, ntɛɛ laláhe. Ahá ɔha nkpa lóó, ntɛɛ amóó mu?”

Táme ɔhaa mɛle múó ɔnó. 5 Yesu lópu ɔblí kí amó bómlí. Ilɔho mu ɔsun, tsúfɛ klɔntɔ bu amó odwin. Múó ɔlɛbláa oyin ámu ɔbɛɛ, “Tunki fó ibi amu.” Olenya t́inki múó ali pé, ɔɛ lowie mútó. 6 Farisifo ámu beɔali yɔ, amóó Owíe Herode ahá bekítá agywuɔn ununu ahá bóbwɛ bómu Yesu.

Ahá Tsɔtsɔtsɔ Ilɔ Tsa

7-8 Yesu muɔ mu akasípó benatí bɔyó Galilea ɔpu ɔnó. Ɔɔm kpɔnkpɔɔnkpɔntí bobuo mu tsú Galilea múa Yudea ɔmátó, Yerusalem, Idumea, Yordan bunkpa ɔbin pú Tiro múa Sidon nsáuntu ba mu wá. 9 Ahá ámu bɔɔɔbɔ. Múó su ɔlɛbláa mu akasípó ɔbɛɛ, bɔɔɔnka ɔklɔn ku yaɔ ha mu, méní bumóoputá mu. 10 Tsúfɛ alatsá ahá tsɔtsɔtsɔ ilo. Múó su alɔpu amuta okugyíaku dékléá ɔbópu ibi da mu. 11 Ní ahá ání ɔɛ laláhe bu amóóó benyá wun mu ali á, baɔɔda mu ayabiasí, sórá okitikítí blí bɛɛ, “Fógýi Bulu mu Bi ámu nu!”

12 Táme ɔlɛda ɔɛ laláhe amu ɔlá kinkíínkín ɔbɛɛ, umáha ahá abubu mu.

*Akasípó Amu Add
(Mateo 10:1-4; Luka 6:12-16)*

13 Yesu lóɔu yó bɔsu, ɔleti ahá ání mu onutó odeklé, bɔyótu mu. 14-15 Múó ɔlɛle amótó ahá dúanyɔ, ɔleti amó mu sumbí ayɔpó ání mu amónyɔ bétsiá, otsia wa amó abuyɛda mu asón akan, abugya ɔɛ laláhe lé ahátó.

16 Ahá dúanyɔ ámu adá gyí, Simon ání ɔlɛdunká mu Petro; 17 Sebedeo abí Yakobo muɔ mu pio Yohane (ɔlɛdunká amó adá ɔbɛɛ, “Boanerges.” Múó asi gyí, “Ɔpráda abí.”); 18 Atráhe gyí, Andrea, Filipino, Bartolomeo, Mateo, Toma, Alfeo mu bi Yakobo, Tadeo muɔ mu Simon ání ogyi iwítsiá adunkápo ɔpasuato ɔha; 19 pú Yuda Iskariot ání ɔlɛbɛle mu há.

*Yesu Muɔ Beelsebul
(Mateo 12:22-32; Luka 11:14-23; 12:10)*

20 Bréá Yesu lóyɔ wóyító a, ɔdam beɔtrá ba unu. Muɔ mu akasípó bumenyá ɔkpa ání bégýi ató kóráá. 21 Bréá mu wóyító ahá bonu mu iwí asón á, bɔyɔ bɛyékpa mu, tsúfɛ buki bɛɛ mu nwan layíntá.

22 Mose mbla asunápó akóá bɔtsu Yerusalem ba unu beblí bɛɛ, “Ɔɛ laláhe owíe Beelsebul tsie mto. Mu túmí ɔɔpɔgya ɔɛ laláhe lé ahátó.”

23 Múó su Yesu létí amó ba mu iwí wá, ɔlɛbláa amó asón ayébitó ɔbɛɛ, “Nkálí Ɔbɔnsám ɔbétalí gya mu iwí? 24 Iwíe ogyíkpá ání ilaye anyɔ, buɔɔ aba kɔ íbédida. 25 Wóyí oduá mútó atsiápó buɔɔ aba kɔ é itobwíé. 26 Múó su ní Ɔbɔnsám dé mu iwí gyáa a, ɔmɛetalí líí. Mu ɔnó ɔmɔkpá ní.

27 “Ɔhaa mɛetalí wíé ɔwɔnlínpo wóyító yókolá mu ató, nkéti alagyankpá kíkí mu tswi, asa ɔbétalí kólá mu ató féé.

28 “Ɔnɔkwali nde mlí bláa mbéɛ, Bulu ɔbétalí sí lakpan pú abususu kugyíko kíé nyankpɔsa. 29 Táme ní ɔko ɔblí abususu Ɔɛ Wankíhé amu iwí á, Bulu méesikíé mu ɛkekeke, tsúfɛ alabwé lakpan ání síkíé ma múó iwí.” 30 Aha aku beblí bɛɛ, ɔɛ laláhe bó Yesuto. Múó su ɔɔɛ iní blí ní.

Yesu Abusuanfɔ Onutɔ
(Mateo 12:46-50; Luka 8:19-21)

³¹ Yesu mu yin muɔ mu apio beba belu kpankpá, bowa oku bee, otu mu ha amó. ³² Odom bɔtsie bomli mu, beblaá mu bee, “Fó yin muɔ fó apio buli kpankpá, buɔe fó dunká.”

³³ Múú Yesu léfité amó obée, “Amendi gyi mí yin muɔ mí apio?” ³⁴ Múú aleki ahá amóú bɔtsie bomli mu amu, bli obée, “Mliki, mí yin muɔ mí apio gyi ahá anfi á!” ³⁵ Ohagyioha áni otobwé Bulu apé a, megyi mí pió pó mí yin ní.”

4

Atɔ-abí Owunyápu Iwi Yébi
(Mateo 13:1-9; Luka 8:4-8)

¹ Yesu létra kɔsɔ yó oɔɔe atɔ suná Galilea opu onó eke oku. Odom amu bobomli mu. Mó su olodɔ wíe oklontɔ, yétsiá opu amusu, ahá amú é buli opu onó unu. ² Inu olosuná amó atɔ tsɔtsɔtsɔ ayébito obée,

³ “Mlinu! Odɔtɔpu oku lɔyo atɔ-abí owunyákpa. ⁴ Bréá oɔɔe mó wunyáa a, iku lɔwoli okpatɔ, mbubwi beba bɔtswetswée mó fée. ⁵ Iku é lɔwoli abotásó, otinéá isi kpalobi dun. Uɔwa oɔa kwe, ⁶ táme bréá owi lelun a, idɔtɔ mó mɔ, tsúfɛ mó nlin meyo otótɔ. ⁷ Abi amú ku lobun awuto, awu ámu lobulá kítá mó, imedan. Mó su imoswie abi. ⁸ Táme abi amú ku é lɔwoli osulɔw wankláánsó, idkwe, dan, swie abi, iku advasa (30). Iku aduesie (60), iku é lafa (100).”

⁹ Inu olomɔ mó onó obée, “Ohá áni obu asu onúul!”

Tɔá Sɔd Yesu Lɔtɔi Ayébisu
(Mateo 13:10-17; Luka 8:9-10)

¹⁰ Bréá ilesi Yesu muɔ sumbi ayopú dúanyɔ amú pó ahá kpalobi akvá bubuo mu a, bobwii ipa há mu bee, olé yébi anfi asi suna amó. ¹¹ Múú aleblaá amó obée, “Mli mó á, Bulu lahá mli okpa obée, mlibi mó iwiegyi amú iwi ason njaínhé. Táme nde aha bambá asón blaá ayébisu, ¹² ménu bówun lówun,

táme boméebi mó.

Bónu lánú,

táme bomóonu mó asi.

Ní megyi ahi tekí bédamli klontɔ,

Bulu obési amó lakpan kíé amó.”

Atɔ-abí Owunyápu Yébi Amu Así
(Mateo 13:18-23; Luka 8:11-15)

¹³ Múú Yesu léfité amó obée, “Ní mlimónu yébi anfi asi á, mó nkáli mlóbwe asa mlónu tráhe fée asi? ¹⁴ Atɔ-abí amóú owunyápu amu déwunyáa amu gyi Bulu asón amú. ¹⁵ Abi amóú idwoli okpasu amú gyi ahá amóú benyá nú Bulu asón amú ahi. Obonsám labelé mó lé amó klontɔ náti amú. ¹⁶ Abi amóú idwoli abotásó amú gyi ahá amóú bonú asón amú pé, bahɔ mó ansigyisó, ¹⁷ táme iníá boma nlin su á, asón amú itamatsiá amótó yó. Mó su ní buɔin amósó ntée iwiasin ku itó amó asón amú su á, unonu boteɔɔida. ¹⁸ Abi amóú idwoli awuto amú gyi ahá amóú bonú asón amú a, bahɔ mó, ¹⁹ táme oyi ánfito atɔ hiánhe iwi gywúin, pó móto atonyahé iwi onsipe tegyi asón amusu. Inu su botamaswíé abi. ²⁰ Abi amóú idwoli osulɔw wankláánsó amú gyi ahá amóú bonú asón amú a, butegyi mósu. Inu su itehá bɔtobwé yilé fé alá atɔ-abí amú loswie, iku advasa (30), iku aduesie (60), iku é lafa (100) amú.”

Okandíe Iwi Yébi
(Luka 8:16-18)

²¹ Yesu léfité amó obée, “Botonywé okandíe pó oló bun móso, ntée pówá mpá ayasi? Megyi oɔwákpá bɔtɔpóbián? ²² Tɔto ma uná ibérjain, iméelin owan. Ason njaínhé koku é uma uná boméebi mó. ²³ Ohagyioha áni obu asu onúul!”

²⁴ Múú alebli obée, “Mliyaa asu wankláán mli asón-nutó. Itáá mlópususu ha mli aba á, mó kén Bulu oɔpɔpususu mó wankláán, lápó iku tsia móto há mli ní. ²⁵ Tsúfɛ ohá áni odekléá obónu mí atosunáhé amu asi á, Bulu oɔpɔpu iku tsia móto há mu. Táme ohá áni omedékléá obónu mó asi á, Bulu oɔbóswé nu kpalobi amóú alabi amú kóráá.”

Oyi-ibíá Ideáan Iwi Asón

²⁶ Yesu létra bli obée, “Bulu iwiegyi amu igyi fé alá oha todú oyi-ibi mu ndɔto. ²⁷ Ní owi itá á, ohá amú tekledu. Ní oyi ike a, otelákósó, táme omeyin alá itobwé asa oyi-ibi amú itokwe dan. ²⁸ Osulɔw onutó tehá mó tokwe. Itegyankpa lé ate, wá ntswitswí, asa itobobwe abi onutó. ²⁹ Táme ayó amú inyá bli pé, oɔpɔpu amu latsú mu odayi oyétin mó, tsúfɛ mó tɔnbi lafon.”

Takyi-akpin Ibi Yébi
(Mateo 13:31-32, 34; Luka 13:18-19)

³⁰ Inu Yesu léfité obéé, “Nto Bulu iwíegyi ámu lèhan? Ntéé yébi m̄omo n̄op̄usúná alá igyi?
³¹ Igyi f̄é takyi-akpin ibi. Mógyi túkúríibi nyí-abító f̄é ní. ³² Táme ní idan a, it̄obwé ífá f̄óáhé d̄on ífá kugyíko. Mó abámbi tekpíkpli, mbubwi butogyónká mó asi.”
³³ Oletsíá pú ayébi anfi odu tsotsotsó súná amó ató, yófun alá ahá ámu bétali nú mó asi.
³⁴ Ɔmebláa amó asón k̄ok̄o imegyi ayébi ɔ̄p̄otóí. Táme ní isí m̄ua m̄u akasípó nk̄ole a, ɔ̄telé tógýtó asi.

Atsufú Asibá
 (Mateo 8:23-27; Luka 8:22-25)

³⁵ Alí eke ámu nt̄op̄wes̄o á, Yesu lébláa m̄u akasípó obéé, “M̄liha afa Galilea ɔ̄pu ȳo mó ɔ̄bun!”
³⁶ M̄óu bowie ɔ̄k̄lont̄o, akasípó am̄u beplá mó, benatí sí ɔ̄dom am̄u. Nkl̄on bámbá k̄o é lobuo am̄o.
³⁷ Afú k̄p̄onk̄p̄oank̄p̄ont̄i k̄o l̄owa ts̄oon bi. Mó s̄u ntsu deda wíé ɔ̄k̄lon am̄ot̄o, ideklé ime.
³⁸ Táme Yesu mó n̄élin sum̄wes̄o ɔ̄k̄lon am̄o ama ɔ̄dedi. Akasípó am̄u betsinkí m̄u. M̄óu befíté m̄u beé, “Osunápo, iná anidé ntsu wie á, f̄omotsu k̄oko lé m̄ótó?”
³⁹ Inu Yesu l̄ok̄os̄ó lé ɔ̄n̄s̄ wa afú ámu, ɔ̄lebláa ɔ̄pu am̄u obéé, “Kpa ɔ̄n̄s̄ bun! D̄i d̄f̄in!” Inu afú ámu lési ts̄oon, ino f̄éé l̄ɔ́bá. ⁴⁰ M̄óu ɔ̄lefíté am̄o obéé, “Ntogyi só m̄lidé ifú nya alí? M̄límá hógyi?”
⁴¹ Ifú l̄eh̄ie kitá am̄o, befíté aba beé, “Nyankp̄osa ɔ̄m̄om̄o ni, afú m̄óu ntsu kóráá tonú m̄u ɔ̄me alí?”

5

Ɔ̄he Laláhe Gyá Le Ogbedépot̄o
 (Mateo 8:28-34; Luka 8:26-39)

¹ Bréá Yesu m̄ua m̄u akasípó am̄u bowie Galilea ɔ̄pu am̄u ɔ̄bun Gerasefo* ɔ̄solóso á, ² olenya kplí dáli ɔ̄k̄lont̄o alí, oyin ɔ̄k̄wá ɔ̄he laláhe b̄u m̄ot̄o lédali tsu afúli opulákpá befia m̄u. ³ Oyin ánfí lapó afúli opulákpá ino bwé m̄u otsiákpá. Ɔ̄híé ɔ̄b̄u iyun. Mó s̄u ɔ̄haa tamatráa talí bwé m̄u otsia d̄f̄in, ntéé wá m̄u ikan. ⁴ Tsufé tek̄i betsiá wá m̄u ayabi p̄o m̄u ibi ikan, táme oletsíá tun mó, biábíia ikan am̄u tsálífwí. Ɔ̄haa é má ɔ̄wonlín aní ɔ̄bétali p̄ón m̄u. ⁵ Ekekegyíeke ɔ̄pa m̄óu onyé f̄éé á, ɔ̄b̄u afúli opulákpá ino m̄óu ab̄us̄o, ɔ̄de okitikítí, ɔ̄depu abwi tsantsan iwí.
⁶ Olenya wun Yesu sísí alí, ɔ̄lesrí yéda akpawunu m̄u ayabito. ⁷ M̄óu ɔ̄l̄os̄orá okitikítí k̄óklók̄óu obéé, “Ɔ̄s̄os̄ós̄ó Bulu m̄u Bi Yesu, amans̄o igyi? Tanu Bulu aní f̄oméep̄ití mí ató!”
⁸ Ɔ̄leblí asón ánfí, tsufé Yesu lébláa m̄u obéé, “Ɔ̄he laláhe, dali oyin ánf̄it̄o.”

⁹ Inu Yesu léfité mó obéé, “Nkálí botetí f̄ó?”
 Ɔ̄lelé mó ɔ̄n̄s̄ obéé, “Mí dá gyí, ‘Ɔ̄dom’, tsufé anihíé aní ts̄o.” ¹⁰ Inu ɔ̄he laláhe am̄u beh̄ie kókóli m̄u beé, ɔ̄m̄ágya am̄o lé Gerasefo ɔ̄solóso am̄us̄o.

¹¹ Mprákuo tsotsots̄o ak̄u budegyí okúku k̄os̄o ino f̄ón. ¹² Ɔ̄he laláhe am̄u bokokóli m̄u beé, ɔ̄há am̄o ab̄oyowie mprákuo ámot̄o. ¹³ M̄óu ɔ̄leha am̄o ɔ̄kpa. Bedali oyin ámot̄o yówie mprákuo aní b̄óbwe f̄é mp̄im-anȳot̄o (2,000). Amó f̄éé besrí kplí okúku k̄o wíé ɔ̄pu am̄ot̄o, wúwu.

¹⁴ Mprákuo ámu akpapó besrí yéblí asón ánfí ilaba anfi awúlus̄o p̄o nkudasí f̄éé. Ahá bedali beé bebá beki t̄sá ilaba. ¹⁵ Bréá beba bowie Yesu wá á, bowun aní oyin ám̄óu ɔ̄he laláhe betsiá m̄ot̄o ámu ansító ladí, alawá atada ɔ̄tsie. Il̄owa am̄o ifú. ¹⁶ Ahá ám̄óu bowun t̄sá ilaba oyin ám̄óu tek̄i ɔ̄he laláhe tsie m̄ot̄o ámu p̄o mprákuo ám̄us̄o ámu bebláa am̄o t̄sá ilaba f̄éé.

¹⁷ Inu bokokóli Yesu beé, ɔ̄dálí am̄o ɔ̄solóso.
¹⁸ Bréá olowie ɔ̄k̄lon am̄ot̄o á, oyin ám̄óu tek̄i ɔ̄he laláhe tsie m̄ot̄o ámu lókokóli m̄u obéé, ɔ̄há am̄ubuo m̄u natí.

¹⁹ Táme Yesu méha m̄u ɔ̄kpa. Mboun ɔ̄lebláa m̄u obéé, “Yinki ȳo f̄ó apíó wá wóyító, af̄oyebláa am̄o it̄o yiléá aní Wie Bulu labwé há f̄ó, p̄o alá alawun f̄o nwe.”

²⁰ Mó s̄u oyin ámu lénatí tsontson, ɔ̄de it̄o yilé ám̄óu Yesu labwé há m̄u blí Dekapoli† awúlu am̄o f̄éétó. Ɔ̄n̄s̄ lobwie ahá ámu f̄éé.

Ɔ̄hande Ɔ̄k̄v M̄v Bi M̄va Ɔ̄tsi Ɔ̄k̄v Ilo Tsa
 (Mateo 9:18-26; Luka 8:40-56)

²¹ Yesu léla fá ɔ̄pu am̄o ȳs̄ mó ɔ̄bun. Bréá ɔ̄b̄u ɔ̄pu ɔ̄n̄s̄ ino á, ɔ̄dom k̄p̄onk̄p̄oank̄p̄ont̄i beba boboml̄i m̄u. ²² Inu Yudaf̄o ofiakpa ɔ̄hande ɔ̄k̄wá botetí mó Yairo léba ino. Bréá olowun Yesu a, ɔ̄leda akpawunu m̄u ayabito, ²³ kókóli m̄u obéé, “Mí bí tsíhé déwu. Ba, af̄ob̄ɔ̄pu ibi dinka m̄us̄o, m̄u awútó iwa m̄u ɔ̄nlin, onya nkpa.”

²⁴ M̄óu m̄ua Yesu benatí boyó á. Ɔ̄dom k̄p̄onk̄p̄oank̄p̄ont̄i bekplá buo m̄u, kpá pútá m̄u.
²⁵ Ɔ̄tsi ɔ̄k̄o é b̄u ahá ámot̄o, obugya de m̄u wolí nfi dúanȳo ní. ²⁶ Alahíé wun ipian ilo atsapó tsotsots̄o ibito, hólí m̄u iw̄is̄o ató f̄éé, táme ilo ámu imekalá bwé m̄u. Iyun il̄ewa tsíá. ²⁷ Bréá ɔ̄tsi

* 5:1 Gadaraf̄o b̄u n̄woló dada am̄o ak̄ot̄o. † 5:20 Dekapoli así gyí awúlu dú.

ánfi lónu Yesu nka á, ɔlɔtsɔn yɔ mu ɔma, fifitiwíe ɔɔm amɔtɔ yɔpɔ ibi da Yesu atadie. 28 Tsúfɛ ɔleblí wá mu nwuntɔ ɔbɛɛ, “Ní nɔpó ibi da mu atadie kpán á, ilo ámu íbési mí.”

29 Olenya pó ibi da mu atadie ámu ali, obugya amu léka itin. Olonu mó nka mu awútɔs ání ilo ámu lasí mu. 30 Inu Yesu lónu mó nka mu awútɔs mu é ání ɔɲé ku ladáli motɔ. Inuɔ ɔledamli kí ɔɔm amu, ɔlefíté amó ɔbɛɛ, “Ma lápó ibi da mí atadie?”

31 Móu mu akasípó amu befité mu beɛ, “Fó onutó fawun ání ɔɔm bakpá pútá fu. Móu fotráa fudefité fɛɛ, ‘Ma lápó ibi da mí?’ ”

32 Yesu lówa ansí kí amótɔs fɛɛ, ɔde ɔhá ání ɔlɔpɔ ibi da mu dunká. 33 Ifú lékítá ɔtsí ámu. Mó sɔ ɔlɔwa kpínkí kpakpakpaka bi, tsúfɛ oyin itá alanya. Inu ɔleba beɔa akpawunu Yesu ayabitɔ, bláa mu ɔnɔkwali amu fɛɛ. 34 Yesu lébláa mu ɔbɛɛ, “Mí bí, fú hogýi lahá fu nkpa. Natí iwílwíitɔ. Fú ilo ámu ita.”

35 Bréá Yesu bu mósó ɔdetó á, aha aku bɔtsu ofiakpa ɔhandɛ amu wóyítá ba bebláa mu beɛ, “ɔhandɛ, fú bí tsíhé ámu ɔdikpa mówa alé. Mátepi trá wa osunápó tsí.”

36 Yesu mékplá asón amóu budeblí ámu. Mboún ɔlebláa mu ɔbɛɛ, “Mánya ifú. Fú mó hogýi wɔle.” 37 Yesu méha ɔhaa ɔkpa obuɔ mu don Petro pó Yakobo móa mu pio Yohane nkɔle.

38 Bréá bowie ɔhandɛ amu wóyítá á, Yesu lówun ání ahá babólá inu, buɔdesú, buɔde okitikítí. 39 Olowie inu fité amó ɔbɛɛ, “Ntogýi só mliɔé ipian wúun, mliɔé okitikítí ah? Otsibi amu mókówú, didí ɔde.”

40 Ahá ámu bəmɔsí mu. Móu olegya amó fɛɛ dáli ba wunsuné, ɔlekpa obí ámu akwípó pó mu akasípó amóu bubuo mu amu bebitíwíé obu amóu otsibi amu da mótsá ámɔtɔ. 41 Inu ɔlekítá kebi ámu ibi, bláa mu amó ɔblítɔ ɔbɛɛ, “Talita Kuum!” (Mó asi gyí, “Obitebí, kɔso!”)

42 Inuɔ ɔlakósó ɔna. (Otsibi amu lahá nfi dúanyɔ.) Ilobwie ahá amu fɛɛ ɔnó dáfá. 43 Móu ɔleɔa amó ɔlá kinkíinkín ɔbɛɛ, bəmábláa ɔhaa asón ánfi. Inu ɔlebláa amó ɔbɛɛ, bəháa kebi ámu ató ogýi.

6

Bəmɔhɔ Yesu Mv Wúluɔ (Mateo 13:53-58; Luka 4:16-30)

1 Yesu móa mu akasípó beɔali ɔmá ámɔtɔ yínkí yó mu wúluɔ. 2 ɔkpónó ɔɔaké lenya fon ali, ɔlɔyɔ ɔde ató suná Yudafo ofiakpa. Mu atosunáhé leha ɔnó lobwie ahá tsɔtsɔɔtsɔá bonu mó. Mó sɔ befité aba beɛ, “Nkónó olenya nyansa móa ofúlábwe túmí ánfi é tsú? 3 Megýi ató osrɛpó amu ni. Megýi mu yin gyí Maria, mu apio yinhé gyí Yakobo, Yosef, Yuda pó Simon? Yéɛ ania mu apio tsíhé é tsie nfi á?” Benya ɔbló musu.

4 Yesu lébláa amó ɔbɛɛ, “Ahá bɔtobú Bulu ɔnósó ɔtɔípó ɔtínegyíótíné, táme mu wúluɔfo, mu abusuanfo pó mu wóyítá ahá mó bɔtamabú mu.”

5 Iná bəmɔhɔ mu gyi sɔ ɔmetalí bwé ofúla kɔkɔ, don ahá kpalobí akusu ɔlɔpɔ ibi dínká, tsá amó ilo. 6 Ilɔwa mu ifú ání bəmɔhɔ mu gyi.

Akasípó Dúanyɔ Amu Sumbiwa (Mateo 10:5-15; Luka 9:1-6)

Yesu léki nkuda ání ibu bomli inu asi, ɔde ató suná. 7 Inu ɔleti akasípó dúanyɔ ámu ba mu iwí wá. Móu ɔlɔwa amó sumbí abanyó-abanyó. ɔleha amó túmiá bɔpogýi ɔɲɛ laláhesu. 8 ɔleɔa amó ɔlá ɔbɛɛ, “Mlumátsu tɔtɔ kítá yó ɔkpa ámu, don mli oyi yíahé! Mlumátsu atogýihe ntéɛ akpankogyo, ntéɛ kóba kítá! 9 Mliwa ntɔkɔta, táme mlumátsu atadie nyɔɔsi kítá! 10 Wóyígyíwóyíá mlɔswí mótsá á, mliɔtsia inu yófon bréá mléɔdali wúlu amɔtɔ. 11 Ní mlyóy wúlu kɔsu, bəmɔhɔ mli, ntéɛ bɔmekléá bónu mli atosunáhé, mliɔéɔdali mótsá mlyóy á, mliɔkpa mli ayabitɔ-isi wuli inu, isuna ání bɔmebi bwé.”

12 Mó sɔ bɔyɔ yéɔa asón ámu ɔkan beɛ, ahá buɔámli kɔntɔ. 13 Begya ɔɲɛ laláhe tsɔtsɔɔtsɔ lé aháto, bekpá alɔpɔ tsɔtsɔɔtsɔ é ofobí, tsá amó ilo.

Asú ɔbɔpó Yohane Lowu (Mateo 14:1-12; Luka 9:7-9)

14 Galilea ɔmáso ogýípó Herode lónu Yesu iwí asón ánfi, tsúfɛ mu idayilé ɔe ɔtínegyíótíné. Ako buɔdeblí beɛ, “Asú ɔbɔpó Yohane lákósó tsú afúlitɔ. Mó sɔ, ɔde ofúla ánfi odu bwé ní.”

15 Táme aku é beɛ, “Bulu ɔnósó ɔtɔípó dada Elia ní.”
Aku é beɛ, “Bulu ɔnósó ɔtɔípó dada amɔtɔ ɔku ní.”

16 Bréá Herode lónu asón ámu a, ɔleblí ɔbɛɛ, “Yohane amóu neha beɔin amu látsínkí tsú afúlitɔ.” 17-18 Herode léha bekitá Yohane, wá mu ikan, pó mu wá obu. Tsúfɛ oletsiá bláa Herode ɔbɛɛ, mbla meha ɔkpa ání obétsiá mu pio Filipo mu ka Herodia amóu otsia amu.

19 Mó sɔ Herodia lóhɔ Yohane asón wá iwíto. ɔlɔbwe agywuun ání ɔbómɔ mu, táme ɔmetalí, tsúfɛ Herode méhá mó ɔkpa. 20 Herode yin ání Yohane asón da ɔkpa, ogýi ɔha wankíhé. Mó sɔ olenya mu ifú, ɔleki muso wankláán ání tɔtɔ mósɔbwe mu. Ibu mótsá Yohane ason blíhé tehan Herode, táme otekle mó nu.

3 (Tsúfě Yudafo, títriu Farisifo bómókósi amó anáin amándiétó. Mó su ní bómókófwi ibi amándié okpasu á, butamagyi ató. 4 Alí kén ní bómókógýóra iwí á, butamagyi tóá bəpotsúa bíásó ba ni. Amándié bámbá kó aná é bu un, butráa bode mótó tsú nwe núu ntsu, nló pó nlanke iwí.)

5 Mó su amóá Mose mbla asunápó befité Yesu be, “Ntogyi só fú akasípó amu butamagyi aní anáin amándiésó, bómófwi ibi amándié okpasu asa abogyi ató?”

6 Yesu léle mó onó obé, “Onokwali Bulu onósó otóipó Yesaia lébli tswi tsú mli apinabwebí abwepó anfi iwí obé,

‘Ahá anfi bodepu amó onó bú mí,
táme amó klon bu ifó mí wá.

7 Kpaali bode mí sum,
tsúfě basí Bulu mbla tswi,
yó bode anyánkpósa mbla suná.’

8 “Mlilasi Bulu mbla ámu tswi, mlidé mli anáin amándiétó.”

9 Inu olebláa amó obé, “Mlilapina si Bulu mbla ámu tswi nyánsato, ménu mlégyi mli onutó amándiésó. 10 Tsúfě Mose lówanlín wá Bulu mbla ámu obé, ‘Bu fú sí mua fú yin.’ Oletrá wanlín obé, ‘Ní oku lébli asokpan tsú mu si ntée mu yin iwí á, bómó mu.’ 11 Táme mli mó mlaa, oha obétali bláa mu si ntée mu yin obé, ‘Tóá teku nópohá fú á, napóbwé Koban.’* 12 Mlilaha há bumedé toto bwe há amó akwípó. 13 Mli anáin amándié su mlitráa mlumédé Bulu mblasu gyí. Ntóbí tsotsotsó é bu uná mlitráa mlidébwe tsía inito.”

Tóá Itokpóí Oha Bulu Ansító
(Mateo 15:10-20)

14 Yesu létirá tí odam amu ba mu iwí wá, olebláa amó obé, “Mli fěé mlyaa asu amlunu iní asi! 15-16 Megyí tóá oha tegyi tókpóí mu Bulu ansító. Mboún móá itedáli tsu mu onó.†”

17 Bréá lenatí sí odam amu yó wóyító a, mu akasípó amu befité mu yébi anfi asi. 18 Ojle mó onó obé, “Mli é mlitamanú asón asi? Mluméyin aní tóá itowíé oha onó tamakpóí mu Bulu ansító? 19 Tsúfě megyi mu klontó itowíé, mboún mu iputo itowíé, oteyéle mó wá okponto.” (Yesu léle mótó pósúná aní atogyihe kugyíko iwí letin.)

20 Inu olebláa amó obé, “Tóá itedáli tsu oha klontó tókpóí mu Bulu ansító. 21 Tsúfě oha klontó ágywun laláhe kugyíko itedáli tsu. Mútehá mu otowá atsi móa ayin asón, otowí ató, otomó oha, otótó mbwa, 22 otowá onsipe, otobwé lalahe, otemlé ahá, otowá hakpan, otowá olu, otetsii oha, ototsú iwí, otobwé mimlála. 23 Oha klontó, ato laláhe anfi fěé itedáli tsu. Mótókpóí mu ni.”

Otsi Okwá Omegyi Yudayin Hógyi
(Mateo 15:21-28)

24 Yesu lenatí unu yó Tiro nsántó. Oloyóswí wóyí koto. Omedéklé obé ahá bubú aní maba unu, támé ometali njáin mu iwí. 25 Oje laláhe bu otsi oku mu bi tsíhétó. Olenya nú Yesu nka ali, olowa asa beda akpawunu mu ayabito. 26 Griikiyintse otsi anfi gyí. Bókwi mu Siro Foenike osólóso. Olokokóli Yesu obé, ogyáa oje laláhe amu le mu bi ámto. 27 Táme Yesu lébláa mu obé, “Ha nyebí ámu abomwe asa, tsúfě uma aleá fósuwí nyebí atogyihe póhá akia.”

28 Otsi ámu léle mó onó obé, “Owíé, ibu mótó ali, támé akiaí aní buda opónó ámu asi é butegyi nyebí atogyihe mpupubiá itekpákpa bun amó opónóasi.”

29 Múó Yesu lébláa mu obé, “Fabi lé mó onó. Mó su nati, oje laláhe amu ladáli fú bí tsíhé ámto.”

30 Bréá otsi ámu lóyo wóyító a, olowun aní oje laláhe amu ladáli mu bi ámto, alási oda mpásó.

Yesu Létsa Isotín Okwá Otamatóí Wankláán

31 Yesu lenatí Tiro unu yó Sidon yóbomlí kplí ba Dekapoli‡ awúlu amu nsántó asa oleladó yó Galilea opu onó. 32 Bəpu isotín oku ba mu, otamatáli tóí wankláán. Bokokóli mu be, opu ibi dunka musu. 33 Múó olekpa oyin ámu ya ifóntó, pó mu asrebi wá oyin ámu asoto, olotu atsonó dínká mu osrebisu, pódá oyin ámu odandusu. 34 Inu olotsu ansí fúá kí osósó, lón oje fú. Múó olebli obé, “Hefata.” Hebrí obliito. Mó asi gyí, “Finki.”

35 Inonu mu asu lefinkí, mu odandu é lesankí, olotóí wankláán. 36 Múó Yesu léda ahá ámu olá kpkákpká obé, bómábláa ohaa. Táme tsé dóódóódá leda amó olá á, ali kén beda asón ámu okan ni. 37 Onó lehie bwíé amó, bebli be, “Alabwé tógyító wankláán. Alahá asotín bode asón nu, amúmu é budetóí.”

* 7:11 Koban asi gyí, napókíé Bulu. † 7:15-16 Mótó yéé 16 bu nwló dada amu akoto: Ohagyísha aní obu asu, onúu! ‡ 7:31 Dekapoli asi gyí awúlu dú.

31 Inu Yesu léfi así ɔde asóntó le súná amó ɔbée, “Ilehíán ání mí, Nyankpɔsa-Mu-Bi ání nēhie wun iwɔsin tsɔtsɔtsɔ. Yudaf ahande, Bulu igyi ahapó dehen pú Mose mbla asunápó fée bekiná mí be, megyí mígyí Kristo amu. Bómó mí, táme Bulu ɔbelakósóa mí tsú afúlitó nkensá ɔma.” 32 Ɔmɔpɔ asón ání nǎín amó. Mú sɔ Petro létí mu ya itsétó yéka mu itin ɔbée, ɔmátrá blí alí. 33 Inu ɔledamlí kú akasípó amu, ɔlakplón wa Petro ɔbée, “Satan, nati tei misó! Megyí tóá Bulu dégywín fudegywín, anyánpósa klé fudegywín.”

34 Inu ɔleti ɔdam amu pú mu akasípó ba mu iwí wá. Mú ɔlebláa amó ɔbée, “Ní ɔku dékléá obóbuo mí á, osii tóá otekle bwe, otsu mu oyikpalíhe bobuo mí. 35 Tsúfée ní ɔku léprí mu nkpa á, ɔbshulú mó. Ní ɔku é lshulú mu nkpa mía Bulu ason wankláán ámɔsɔ á, Bulu ɔbsho mu nkpa. 36 Ní ɔku onyá ɔyító ató fée, táme ɔhólú mu ɔkláa a, labi mɔmto ulwa há mu? 37 Ntée nto ɔha ɔbétalí pótse mu nkpa? 38 Tsúfée ní ɔku onyá mía mí atosunáhé péli ndemba-abí laláheá badámlí ɔma há Bulu ansító á, mí, Nyankpɔsa-Mu-Bi ání é nénya mu péli bréá mía Bulu-abɔpɔ wánkíhé amu aníná mí Sí nunnyamto abá.”

9

1 Yesu lóyo mu tóiso ɔbée, “Ɔnakwalí nde mlí bláa. Aku bobu mlito nfi bumóowu, yófon bréá bawun ání Bulu iwígyí amu ina túmisó ibá.”

*Yesu Iwitsée
(Mateo 17:1-13; Luka 9:28-36)*

2 Nkensíe ɔma a, Yesu lékpa Petro, Yakobo mɔa Yohane, mɔa amónyo bɔdo yó ibu kɔsu amó nkole. Inu Yesu létse amó ansító. 3 Mu atadie ledamlí futúútúú, ide ogyá kpa. Tɔto ma ɔsulóv anísová íbétalí bwé mó íbófulí alí. 4 Inu Elia mɔa Mose bele iwí ɔwan, amóa Yesu budeɔtí. 5 Mú Petro lébláa Yesu ɔbée, “Osunápó, ibu aláá abétsiá nfi. Ha ada abú asa. Fú klé kole. Mose klé kole, Elia é klé kole.” 6 Ifú lehie kítá Petro mɔa mu aba ámu dɔbi. Mú sɔ omowun asón ání ɔblí.

7 Inu agyinde kú lobobun amósó, ɔme kú ledalí tsu móts ɔbée, “Ɔni gyí mí Bí ɔdwepó ní! Mliya asu amlinu mu asón!” 8 Inu belaki, táme bumetrá wun ɔhaa don Yesu nkole.

9 Bréá bude ibu ámu kplí á, Yesu léda amó alá ɔbée, “Mábláa ɔhaa tóá bayówun, yófon ekeá Bulu ɔbókɔsóa mí, Nyankpɔsa-Mu-Bi ání tsú afúlitó.”

10 Asón ání lesin amó nwunto, betsiá fité aba be, “Kɔsú tsú afúlitó ání así me?” 11 Inu befité Yesu be, “Ntogyi só Mose mbla asunápó amu be, ilehíán ání Elia obéyinkí bá asa Kristo amu ɔbéba?”

12 Ɔlele mú ɔnó ɔbée, “Ɔnakwalí igyi, ání Elia obégyankpá bá bela tógyító yáí wankláán. Mú ntogyi só Bulu ason wanlínhé amu kén léblí tsú mí iwí ɔbée, mí, Nyankpɔsa-Mu-Bi ání nēhie wun ipian, ahá bósɔpáa mí? 13 Nde mlí bláa mbée, Elia layinkí bá dodo. Ahá bɔbwe mu alá bodeklé, fée alá bɔwanlín wá Bulu asón ámto.”

*Ilo Didahe Ɔlópó Tsa
(Mateo 17:14-21; Luka 9:37-43a)*

14 Bréá beyinkí bowie akasípó atráhe amu wá á, bowun ání ɔdam krɔnkpɔɔnkpɔnti bafia bomlí amó, Mose mbla asunápó aku bode akasípó amu nwéen gyí. 15 Bréá ɔdam amu bowun Yesu a, ulwa amó wánwan, besrí yéfiá mu, há mu aye. 16 Yesu léfité mu akasípó amu ɔbée, “Amansu mlia amónyo mlidébití?”

17 Ɔdam ámto ɔku léle mú ɔnó ɔbée, “Osunápó, nekpa mí bí yínhé ba fu mbée afotsa mu lo. Ɔhe laláhe lahá ɔtamatóí. 18 Brégyíbréá ɔhe laláhe amu iba mɔsɔ á, itwósɔ mu, fun mu dá ɔsulóto. Mu ɔnó ɔbwe áfu, ɔtówí ayín, ɔtesinsun. Nebláa fú akasípó mbée, bogyáa ɔhe ámu le móto ha mí, táme bumetalí.”

19 Yesu lébláa amó ɔbée, “Ndemba-abíá mlu má hógyi, alí nétsiá mlí wá yó ní? Yófon ɔmenke nnyá klón ha mlí? Mlikpa kebi ámu ba mí!” 20 Bekpa kebi ámu ba Yesu.

Ɔhe laláhe amu lénya wun Yesu alí, ulwósɔv kebi ámu fun mu dá. Odeináa, mu ɔnó é ide afu. 21 Yesu léfité obí mu sí ámu ɔbée, “Tsu bré mɔmto lo ání lefi así?”

Ɔlele mú ɔnó ɔbée, “Tsu mu nyebito ɔpá. 22 Itɔtswi mu wá ogyá móa ntsu aná féeétó, itekleá íbómó mu, táme ní fétalí bwé tɔku tsú mó iwí á, wun aní nwe afogyi aní buale.”

23 Yesu léfité mu ɔbée, “Blí fude fee, ní nétalí? Tógyító lɔpɔn ha ohógyipɔ.”

24 Inu obí mu sí ámu lákplon blí ɔbée, “Nohogyi, táme mí hógyi mɔtsó. Gyi mí buale, mí hógyi imoní!”

25 Bréá Yesu lówun ání ɔdam amu butráa busrí bebá á, ɔlakplón wa ɔhe laláhe amu ɔbée, “Fú ɔdandɔbiabía móa ísotin ɔhe, dalí kebi ámto. Mátrá wie mto ekekeke!”

26 Ɔhe laláhe amu lósɔrá okitikiti kóklókó, íletrá wósɔv mu nyányányányáa, íledalí mto. Ɔhe leta mu. Mú sɔ ahá ámto aku beblí be, “Alawú.” 27 Táme Yesu lékítá mu ibi tsú mó fóá, ɔkɔsú líí.

28 Mú ɔma, bréá Yesu mɔa mu akasípó amu nkole bobu wóyító a, befité mu be, “Ntogyi só aní mó anumetalí gya ɔhe laláhe amu dálí kebi ámto?”

29 Mòó òlèbláa amò òbée, “Iní odu mó á, nkéti mpáí * pé mlétalí póguya mó.”

Yesu Lowu Iwí Asón Bli Otse Nyòòsì
(Mateo 17:22-23; Luka 9:43b-45)

30 Bréá Yesu m̀va mu akasípó amu benatí unv á, b̀tsɔn Galilea ̀sɔlòsɔ, táme Yesu mékléá òhaa ̀òbí ̀tínéá m̀vbu. 31 Tsúfè ̀ode akasípó amu ató suná òbée, “Béle mí, Nyankp̀usa-M̀v-Bi ání há á adón b̀m̀m̀ mí, táme Bulu ̀òb̀lakòs̀òa mí eke sáásí.”

32 Akasípó amu b̀monu mó asi, ifú é de amò ání befíté mu.

Ma ̀òb̀b̀we ̀òhande?
(Mateo 18:1-5; Luka 9:46-48)

33 Beba Kapernaum ẁluto. Bréá bowie ẁoyító á, Yesu léfíté amò òbée, “Ntò nwéen mlidégýí ̀okpatò?”

34 Bekpa ̀onó bun m̀sòsò, tsúfè ihande b̀udeprí. 35 Yesu létsiá asi, ̀oleti akasípó dúanyo ámu, òlèbláa amò òbée, “Ní mlito ̀okò dékléá ̀òb̀b̀we mlí nkpa ̀ogyápu a, ̀òbwéé mu iwí ̀oma ̀ogyápu p̀ó mlí f̀éé ̀osúmpó.” 36 Inu ̀òlekpa kebi ̀okv belí amò ansító, látá mu p̀úta, òlèbláa amò òbée, 37 “̀òhagýíòha ání ̀òlòhò kebiá ̀ogyi alí mí dátó lahò mí. ̀òhagýíòha ání ̀òhò mí á, megyí mí ̀òlòhò, m̀b̀ouín ̀òhá amòsò ̀òlòwa mí ámu.”

Aní ̀Obúopv
(Luka 9:49-50)

38 Yohane lébláa Yesu òbée, “Osunápó, anilówun oyin ̀okv dépu f̀ó dá gya ̀òje laláhe, aniléka mu tin, tsúfè ̀oma anitò.”

39 Táme Yesu lébláa amò òbée, “M̀lunáka mu itin! Tsúfè ̀òhaa má unv á ̀òb̀b̀we ofúla mí dátó, láblí mí iwí ason laláhe. 40 Tsúfè ̀òhá ání ̀om̀okv̀sò líí anisv buo aní. 41 ̀òǹokwalí nde mlí bláa mbée, ní ̀okv ̀òhá mlí ntsu-òwebi m̀lonu, mí dá ání idin mlisv sv á, ̀om̀òhulí mu ipán.

̀òha Kpa Wá Lakpantò
(Mateo 18:6-9; Luka 17:1-2)

42 “Ní ̀okv léha ahá ání b̀om̀okòdan m̀ísó hógýitò ánífitò ̀okv lób̀we lakpan á, ní beda nfúòkwebu slán mu ̀om̀etò, tswí mu wá ̀opv̀tò p̀ó á, ibv alé dun. 43-44 Ní f̀ó ibv kole téhá f̀ótòb̀wé lakpan á, ka mó le! Ibv aléá f̀òpu ibv kole nyá nkpa ání itamatá, dun ání f̀òpu ibv anyò wíé isubítí ̀ogyá ání itamaduntò.† 45-46 Ní f̀ó yabi kole téhá f̀ótòb̀wé lakpan á, ka mó tswí tsalifwí! Ibv aléá f̀òpu yabi kole nyá nkpa ání itamatá, dun ání f̀òpu ayabi anyò wíé isubítí ̀ogyá ání itamaduntò.‡ 47 Ní f̀ó nsibi téhá f̀ótòb̀wé lakpan á, loti mó le. Ibv aléá f̀òpu nsibi kole wíé Bulu iwíegýí ám̀otò, dun ání f̀òpu ansibi anyò wíé isubítí ̀ogyá ání itamaduntò. 48 ̀òtínéá unv anyambi butamawí, unv ̀ogyá é itamadun.

49 “Tsúfè b̀òpu ̀ogyá tun ̀òhagýíòha iwí, f̀é alíá b̀utòpò nfòlí tun afòdè iwí.

50 “Nfòlí bu ̀òdwe, táme ní itá ̀òdwe á, ntò b̀élapówá mó ̀òdwe?”

“M̀lha ̀òdwe itisia mlitò f̀é nfòlí, iwílwíi itisia mlha mlí aba nsné.”

10

̀òkákíná Iwí Atosundhé
(Mateo 19:1-12; Luka 16:18)

1 Yesu l̀okv̀sò tsú unv yó Yudea ̀om̀átó, Yordan ntsu ̀òbun. ̀òd̀m̀ betrá befia bomlí mu, ̀òlètrá suná amò ató f̀é alíá ̀òtòb̀wé yáí.

2 Farisifò aku beba mu wá, b̀udekléá b̀òsò mu kv. Mó sv befíté mu bee, “Aní M̀bla leha ̀okpa ání oyin ̀òb̀étalí kíná mu ka?”

3 Yesu léfíté amò òbée, “Nkálí aní náin Mose l̀òwa m̀bla há mlí?”

4 Bele mu ̀onó bee, “Mose léha ̀okpa ání oyin ̀òwánlun ̀òkákíná ̀òwòlò p̀okina mu ka.”

5 Yesu lébláa amò òbée, “M̀lí klòntò-òdwin só Mose l̀ówanlín m̀bla ání há mlí. 6 Tsú bréá Bulu léle ̀oyí á, ̀òtsí móa oyin ̀òlòb̀we. 7 Iní sv oyin ̀òb̀ótu sí mu sí m̀va mu yin yémaná mu kasu, 8 amò abanyò b̀òb̀we ̀oyilòv kole ní. Butráa b̀umegýí abanyò, m̀b̀ouín babwé ̀òbakòle. 9 Iní sv ahá ání Bulu labwé amò ikole a, ̀òhaa mámain amò abasu.”

10 Bréá beyinkí ba ẁoyító a, Yesu akasípó amu betrá fité mu asón tsú asón ání iwí. 11 Yesu lébláa amò òbée, “Ní oyin okíná mu ka láyétsiá ̀òtsí bámbá á, alató m̀bua. 12 Alí kén ní ̀òtsí okíná mu kulu láyétsiá oyin bámbá á, alató m̀bua ní.”

Nyebi Yulá
(Mateo 19:13-15; Luka 18:15-17)

* 9:29 Mpáí móa ̀oǹsklí bu nwóló dada amò akotò. † 9:43-44 Mótó yéé 44 móa 46 belian 48, táme una nwóló dada amò akotò. ‡ 9:45-46 Mótó yéé 44 móa 46 belian 48, táme una nwóló dada amò akotò.

¹³ Aha ako bekpá nyebí ba Yesu beε, ερβυ ibi dunka amósó, táme mu akasípó amu bowa iyn wá amó. ¹⁴ Bréá Yesu lówun a, óbló lekítá mu. Múó òlebláa akasípó amu óbée, “Mliha nyebí ámu òkpa aboba mí wá. Mlumátin amó òkpa, tsúfè ahá ánfí odu bó Bulu iwíegýí ámu ni. ¹⁵ Ɔ̀nòkwali nde mli bláa. Ɔ̀há ání amòhò Bulu iwíegýí amu fè kebi á, omóowie mótó.” ¹⁶ Múó òlelatá amó pútá, pò ibi dínđínka amósó, oloyulá amó á.

Atonyahé Iwi Atosundhé

(Mateo 19:16-30; Luka 18:18-30)

¹⁷ Bréá Yesu lópu òkpa óyó á, oyin òku lésrí ba beɗa akpawunu mu ayabito fité mu óbée, “Osunápó yilé, ntò nóbwe asa nénya nkpa ání itamatá?”

¹⁸ Yesu léfité mu óbée, “Ntogyi só fude mí ti óha yilé? Ɔ̀haa mégyí óha yilé, nkéti Bulu nkole. ¹⁹ Yéε foyin Bulu mbla ámu dodo? Ɔ̀bée, mámò óha, máto mbua, máwi ató, máka asón dínká fò básó, másisii óha, bu fò sí muva fò yín.”

²⁰ Oyin ámu lébláa mu óbée, “Osunápó, tsú mí nyebito ópá nde iní féesó gyí.”

²¹ Yesu léki mu dfin, mu asón lówa mu ódwe. Múó òlebláa mu óbée, “Ilasí tokukoleá fóbwe. Yefe fò iwisu ató fée, afoye kóba amu ha ahianfo, méní fénya siade osósó. Fóbwe mú tá á, ba afobobuo mu.” ²² Bréá oyin ámu lónu asón ánfí á, iwi lowu mu. Múó su ólenatí dfin, tsúfè óhié óbu ató.

²³ Yesu léki bomli, òlebláa mu akasípó amu óbée, “Ibéhie wá ònlun asa iwi onyapó obówie Bulu iwíegýí ámutá!”

²⁴ Bréá akasípó amu bonu asón ánfí á, ónó lobwie amó. Táme Yesu lélabláa amó óbée, “Mí abí, Bulu iwíegýí ámuta wie ibéhie wá ònlun! ²⁵ Ɔ̀pòpò ha kpósó ání óbòtsun óbun-atò óbòtò, dón ání iwi onyapó obówie Bulu iwíegýí ámuta.”

²⁶ Asón ánfí leha ónó lehue bwíé amó. Múó su befité aba beε, “Mómú ma mεε Bulu óbòhò nkpa?”

²⁷ Yesu léki amó dfin, òlebláa amó óbée, “Tóá idon nyankpòsa bwe modón Bulu, tsúfè Bulu mú tetáli bwé tógýtító.”

²⁸ Múó Petro lébláa mu óbée, “Yéε ani mú anlasí tógýtító tswi bobuo fu o!”

²⁹ Yesu lébláa mu óbée, “Ɔ̀nòkwali nde mli bláa. Ɔ̀hagyíóha ání olesi mu wóyí, mu apíó, mu sí muva mu yin, mu abí ntée mu ósolúò amagyáa, mía mí ason wankláán ámu su á, ³⁰ óbélanyá mu wóyí, mu apíó, mu ayín, mu abí pò mu agyapadié ámu odu tsé lafa séi. Bédinká musu é séi, táme obénya nkpa ání itamatá bré ámóú íbá ámuta. ³¹ Táme agyankpapu tsòtsòtsò bēba bemli amapu, amapu é bēba bemli agyankpapu.”

Yesu Lowu Iwi Asón Bli Otse Saasi

(Mateo 20:17-19; Luka 18:31-34)

³² Yesu muva mu akasípó amu bəpu òkpa bəyó Yerusalem wúluto, Yesu gyánkpá. Ilowa amó wánwan, ifú lekítá ahá ámóú bubuo amó ámu. Múó òlekpa akasípó dúanyó ámu ya itsétó, òletrá bláa amó tóá íbēba musu. ³³ Ɔ̀bée, “Mlinu! Ní awíé Yerusalem a, béle mí, Nyankpòsa-Mu-Bi ánfí há Bulu igyí ahapó dehen pò Mose mbla asunápó. Bēha mí lowu ipón, pò mí wá ahá ání bomegyí Yudafa íbita. ³⁴ Bóbwe mí ahinlá, tí atsonó wólí mí, nwén mí mpli, mó mí, táme eke saási a, Bulu óbókusóa mí tsú afúlitó.”

Ɔ̀hande Osúm Mu Aba

(Mateo 20:20-28)

³⁵ Sebedeo abí Yakobo muva Yohane bəkpəkpe mantáa Yesu bláa mu beε, “Osunápó, anidékuléá fubwée taku ha anu.”

³⁶ Múó Yesu léfité amó óbée, “Ntó mlidékulé mliáa mbwée ha mli?”

³⁷ Bebláa mu beε, “Ha anuto òkole otsia fò gyòpiso, òkole é otsia fò binasu bréá Bulu ówá fò numnyam.”

³⁸ Táme Yesu lébláa amó óbée, “Mluméyín tóá mlidékulé! Mlétalí wun iwíəsun ámóú nebá bowun amu, ntée mlétalí wú lowu ámóú nówu ámu?”*

³⁹ Bele mó ónó beε, “Ee abétalí.”

Múó òlebláa amó óbée, “Mlówun iwíəsun ámóú nebá bowun amu, wú lowu ámóú nówu ámu é, ⁴⁰ táme mma túmi ání néle óhá ání obétsiá mí gyòpi ntée binasu. Alí otsiakpá anfi mó ida gyo ahá ámóú Bulu lalá inu yáí há ámu.”

⁴¹ Bréá akasípó idú atráhe amu bonu asón ánfí á, Yakobo muva Yohane iwi lówa amó óbló. ⁴² Yesu léti amó fée ba mu iwi wá, òlebláa amó óbée, “Mlyin ání ahá ání botobú amóá bogyi ómátòfəsə agyípu botehíé amó ahá, amó ahande é botenyá túmi amósó. ⁴³ Táme mlito mó á, umába alí. Ɔ̀há ání odekléá óbóbwe mlito óhande óbwée mli fée ókpábi. ⁴⁴ Ní mlito òku é dékléá óbóbwe mli nkpa ogyápu a, óbwée mli fée ókpábi. ⁴⁵ Tsúfè mí, Nyankpòsa-Mu-Bi ánfí é mmeba mbée, busúm mí. Ahá osúmkpá neba, ampu mí nkpa hə ahá tsòtsòtsò nkpa.”

* **10:38** Mlétalí wun iwíəsun ... wú lowu ámóú nówu ámu? Ntée Mlétalí nu ntá neba bonu ntée há bəbə mli asú ámóú nebá bəbə ámu?

*Ansibi Obwiepó Ɔko Ilo Tsa
(Mateo 20:29-34; Luka 18:35-43)*

⁴⁶ Boyówie Yeriko wúluto. Bréá mwa mu akasípó pó ɔdam kpɔnkpɔnkpɔnti á múú búbuo mu amu búdedali unu á, bowun Timeo mu bi Bartimeo. Mu ansibi labwíé, ɔtsie ɔkpatɔ ɔde ató kólí. ⁴⁷ Bréá olonu ání Yesu Nasaretyin amu détsòun a, ɔlwa kplɔn bi ɔbéé, “Aní Wíe Dawid mu na Yesu, wun mi nwe!”

⁴⁸ Amótó ahá tsòtsòtsò bɔkplɔn wa mu beé, ɔkpa ɔnɔ bun, táme mu mó ɔlelakplɔn don alí ɔbéé, “Aní Wíe Dawid mu na, wun mi nwe!”

⁴⁹ Yesu lési lí, ɔlebláa amó ɔbéé, “Mliti mu ha mi.”

Bokpolí ansibi obwiepó ámu, bebláa mu beé, “Fú klɔn ídí fú asi, afokusu ba. Ɖde fú ti!”

⁵⁰ Inu oyin ámu lótswi mu ɔsósó atadié tsálífwí, wáan kusó ba Yesu wá.

⁵¹ Yesu léfíté mu ɔbéé, “Ntɔ fɔdeklé fée mbwée ha fu?”

Inu ansibi obwiepó ámu lébláa mu ɔbéé, “Osunápó, ha mí anwun ató!”

⁵² Inu Yesu lébláa mu ɔbéé, “Nati, fú hógyi latsá fú ilo.”

Inunu mu ansibi lobwí, ɔlekplá buo Yesu.

11

*Bɔho Yesu Fɛ Owie Yerusalem
(Mateo 21:1-11; Luka 19:28-40; Yohane 12:12-19)*

¹ Bréá bowie Betfage móa Betania, awúlu ání ibu Nfo-nyíbu ámu* asi, batá Yerusalem wie tá á, ɔlwa mu akasípó abanyó gyankpá. ² Ɖbéé, “Mliyo wúlu anfí ida mli ansító ánfító. Ní mlowie wúlu amu ɔnɔ á, mlówun afrímú kanáhe ɔko da ɔfétó, ɔhaa mókótsiá musu ki. Mlusanki mu, amlkpa mu ba mi. ³ Ní ɔko ɔfíté mli ɔbéé, ‘Ntogyi só mlidé mu sankí?’ á, mlibla mu mlíaa, ‘Aní Wíe dé mu hían. Obéyinkia mu ba séi.’”

⁴ Bɔyo á, bɔyótu afrímú ibí ámu da ɔfétó wóyí ámu ɔnɔ ɔkpa bá. ⁵ Bréá bode mu sankí á, aha akwá bulí unu befíté amó beé, “Ntogyi só mlidé afrímú ibí ámu sankí.”

⁶ Bele mó ɔnɔ alí á múú Yesu lébláa amó ámu pépéépé. Besi amó; akasípó amu besankí mó. ⁷ Bekpa afrímú ibí ámu ba Yesu. Beyai amó atati dínká musu, ɔlɔdu bian musu. ⁸ Amótó ahá tsòtsòtsò beyai amó atati tswi ɔkpatɔ, ako é bebiabía afitáa bunbun ɔkpa ámusu. ⁹ Ahá á múú bugya Yesu nkpá móa ɔma amu bəsúrá okitíkítí beé, “Hosiána! Bulu oyúla ɔhá ánfí ɔbá aní Wíe dátó ánfí! ¹⁰ Bulu oyúla aní náin Dawid iwiegýi á múú íbá ámu! Hosiána bu ɔsósúsó!”

¹¹ Bréá Yesu lówie Yerusalem a, ɔlɔyo Bulu ɔtswékpa, ɔlwa ansí ki tógýítá wunsinésó unu wankláán. Owí lapɔn. Mó su mwa mu akasípó dúanyó ámu beyinkí yó Betania wúluto.

*Pɔnto Oyí Lwí
(Mateo 21:18-19)*

¹² Ɖyi kéhe bréá beyinkí tsú Betania be bá á, akón de Yesu. ¹³ Olowun pɔnto kwá ilahíé pói sísí, ilí mantáa ɔkpa. Ɖlɔyo yéki beé obénya ku mótó. Táme olowie mó asi á, afitáa sáón bu mósó, tsúfɛ oyí ámu swiebí mókòfɔn. ¹⁴ Inu ɔlebláa oyí ámu ɔbéé, “Tsú nde póya a, ɔhaa mɛétrá gyi fú abi swiehé.”

Mu akasípó amu é bonu asón ánfí.

*Ibia Agyípó Gyáa Le Bulu Ɖtswékpa Wunsinésó
(Mateo 21:12-17; Luka 19:45-48; Yohane 2:13-22)*

¹⁵ Bréá bowie Yerusalem a, Yesu lóyo Bulu ɔtswékpa wunsinésó. Inunu ɔlwa ató afepó pó ató ahópu amu aná fée gyáa dali unu bi. Olowuwíta kóba atsépu mpónú dá, súnsúnki abróduma afepó mbíá dá. ¹⁶ Ɖmecha ató ɔfepó ɔkoko ɔsura mu ató fehé ka tsɔn Ɖtswékpa wunsinésó unu kóráá. ¹⁷ Olosuná amó ató ɔbéé, “Bomɔwanlín wá Bulu asun wanlínhé amuto beé, ‘Béti mí ɔtswékpa beé, ɔmá fée mpá ɔbɔkpa?’ Táme mlɔlapó unu mlí awikplu ɔhainkpá.”

¹⁸ Bréá Bulu igýi ahapú dehen pó Mose mbla asunápó amu bonu tás alabwé á, bodunká ɔkpa ání bótson mósó mó mu. Benya ifú, tsúfɛ mu atosunáhé amu leha ɔnɔ lobwie ɔdam amu.

¹⁹ Bréá owí lapɔn a, Yesu mwa mu akasípó bedali wúlu amuto.

*Hógyi Iwi Atosundhé
(Mateo 21:20-22)*

²⁰ Bréá búdeɔsun nyanki a, bowun ání pɔnto oyí ámu ilawú tsú mó ɔsú beyi asi. ²¹ Inu Petro lékaín asón ání Yesu lébláa pɔnto oyí ámu. Múú ɔlebláa Yesu ɔbéé, “Osunápó, ki, pɔnto oyí á múú fɔlwí ámu ilawú!”

²² Yesu lébláa amó ɔbéé, “Mliho Bulu gyi. ²³ Ɖnɔkwali nde mli bláa, ɔhagyíɔha ání ɔbébláa ibu ánfí ɔbéé, ‘Púli yowie ɔputɔ’, omegyí nwéen mu klɔntɔ, olohogyi ání asón á múú mablí ámu íbɛba mótó á, íbópulí yó. ²⁴ Iní sɔ nde mli bláa mbéé, tógýítá mlókólí Bulu á, mlihogýi ání

* 11:1 Nfo-nyíbu igyi obubwí kwá ibu mantáa Yerusalem, butetí mó Olifbu.

mlilanyá mó dodo. Mli ibi béda mó. ²⁵⁻²⁶ Ní mlilíí mlidé mpáí bọ, ọkọ asón bọ mli klontó á, mlisi óhá ámu lakpan kie mó, méní mli Sí ámúbọ ọbọ ọsósó ámu é obési mli klé kíé mli.†”

Yesu Túmí Iwí Asón Fitéhé
(Mateo 21:23-27; Luka 20:1-8)

²⁷ Yesu mwa mó akasípó ámu betrá yinkí ba Yerusalem. Bréá ọna odeki Bulu ọṣwékpá wunsunésó inu á, Bulu igyí ahapó dehen, Mose mbła asunápó pú Yudafọ ahandé amu beba mó wá. ²⁸ Befíté mó bée, “Túmi mọmọ fọdepubwé ntobí ánfí? Ma léha fọ túmi ámu?”

²⁹ Yesu lélé mó ọnó ọbée, “Nfíté mli ason kua kole. Ní mlélé mó ọnó há mí á, mí é nébláa mli túmi oduá ndepubwé ntobí ánfí. ³⁰ Bulu wá Asú Ọbọpọ Yohane lénya túmi póbó ahá asú lóó, ntéé nyankpusa? Mlibla mí!”

³¹ Ámú mọwọlẹ bọyọ asón ánfító bée, “Ní ablí aniaa itsú Bulu wá á, ọbéfíté aní ọbée, mó ntogyi só mlimáho mó gyi? ³² Ntéé ablí aniaa itsú anyánkpósa wá?” Táme bode ahá ámu ifú nya, tsúfẹ amó fée bohogyi aní lélé Bulu ọnósó ọtápọ onutó Yohane gyí. ³³ Mó sọ bele mó ọnó bée, “Ohwée! Anuméyín ọtínéá olenya mó túmi tsú.”

Móó Yesu é lébláa amó ọbée, “Mómó mí é mméeláa mli túmi oduá ndepubwé ntobí ánfí.”

12

Apafọ Laláhe Akọ
(Mateo 21:33-46; Luka 20:9-19)

¹ Yesu lówa amó asón bláa ayébitọ bi. Ọbée, “Oyin ọkọ lódo wáin ndọ. Olegyi iban bómli mó. Olokwi wáin amu onyimékpá, ọlọpwe obu fọáhé ku há ndọ ámu agyópu. Móó ọlọpu ndọ ámu wá apafọ ibitọ, olotu ọkpa. ² Bréá wáin-abí ámu kpótíbi lẹfon a, ọlọwa mó osúmpọ apafọ ámu wá ọbée, ọyóho mó ogyíkpa ba mó. ³ Táme apafọ ámu bekitá mó, dá mó, gya mó sísí ibikpan. ⁴ Ndọ mó wie amu létrá wa mó osúmpọ nyọsọ amó wá. Apafọ ámu beda mó é, pílán mó nwuntu, sópa mó. ⁵ Ọlétrá lawá ọbambá. Mó mó á, bọmó mó. Alí kén babwe atráhe é ní. Beda akọ, mó akọ é. ⁶ Ilesi mó onutó mó bi ọkọle péá ọtamatsúlá móso. Ọkí ọbée, bóbu mó mó. Mó sọ ọlọwa mó é. ⁷ Táme apafọ ámu beblí bée, ‘Ọni obégyi mó sí atọ ní. Mliha amọ mó, méní ndọ ámu ibémli aní klé.’ ⁸ Mó sọ bekitá mó, mó mó, tswi mó dáli ndọ ámọto.

⁹ “Ekéá ndọ mó wie amu ọbá á, nto mlilahogyi mliaa ọbóbwe apafọ ánfí? Ọbéha bọmó amó. Ọbélápọ ndọ ámu wá apafọ bámbá ibitọ. ¹⁰ Ntéé mlimókókla Bulu ason wanlínhé amu kí? Bọwanlín bée,

‘Ibwi ámúbọ obu ayípu bekiná ámu
lébemli okonkísóbwi ní.

¹¹ Bulu lóbwe mó alí.
Ibọ wánwan.’ ”

¹² Inu Yudafọ ámu bekleá bekitá Yesu, tsúfẹ bebí aní amó sọ alahá yébi ánfí, táme bode ọdọm amu ifú nya. Mó sọ benatí sí mó.

Lampóoka
(Mateo 22:15-22; Luka 20:20-26)

¹³ Ọma a, bọwa Farisiń pú Owíe Herode ahá bée, buyétetéé Yesu ọnótó asón nu, abunya mó akítálé. ¹⁴ Bréá beba mó wá á, bebláa mó bée, “Osunápó, anyin aní ọnọkwalıpu fúgyi. Fotamahá ọhaa ọtse fú agywun, tsúfẹ futamakí ọhaa ansító. Mbóun Bulu asón ámúbọ igyí ọnọkwalı amu fodesuná. Mó sọ anidé fú fité anu. Aní mbła léha ọkpa aní akáa lampóoka ha Roma owíe dehen Kaesare, ntéé anumáka?”

¹⁵ Yesu lébi aní bókí ansí. Mó sọ ọlefíté amó ọbée, “Apinabwébi abwepọ, ntogyi só mlidé mí sọ kí? Mlitsú kóba amu ikọ ba mí anki.”

¹⁶ Bọpọba mó. Móó ọlefíté amó ọbée, “Ma nwun pọ mó idá dín móso?”
Bele mó ọnó bée, “Kaesare.”

¹⁷ Móó ọlebláa amó ọbée, “Mómó mlipu t́á igyí Kaesare klé ha Kaesare, amlipu móá igyí Bulu klé é ha Bulu.”
Mó wí lówa amó ifú.

Kosó Tsú Afúlitọ Iwí Asón Fitéhé
(Mateo 22:23-33; Luka 20:27-40)

¹⁸ Ọpasua kọá butétí mó Sadukifọ akọ beba Yesu wá. Bogyi ọpasua kọá butéblí bée, kosó tsú afúlitọ ma inu. Befíté mó bée, ¹⁹ “Osunápó, Mose lówanlín tswi aní ọbée, ‘Ní ọkọ mwa mó ka bọmókwií asa olowu sí mó ka ámu a, mó pio otsú mó ka ámu tsia, fẹkí ọkwi ha owupọ ámu.’

²⁰ Oyin ọkọle abí abasiénó akọ betsiá. Amótó ogyankpapu létsiá ọká, táme ọmókwií asa olowu. ²¹ Mó gyama lótsu ọsọrapọka amu tsia, táme mó é ọmókwií. Ọsaasi lótsu ọtsí ámu tsia. Mó é

† **11:25-26** Mótó yée 26 bọ nwóló dada amu akoto: Táme ní mlimésikíé ahá a, mli Sí ámúbọ ọbọ ọsósó ámu é oméesikíé mli.

omokwii. ²² Alu yótu osienási amò. Amótó okokò mókwií asa olowu. Oma-oma a, osorapò amò é lóbowu. ²³ Afúli okosóké a, amótó omòmò obóbwe mu kulu? Tsífé amò abasiénó ámu fée betsiá mu.”

²⁴ Múo Yesu léle mú onó obée, “Megyí mli ológyi. Mliméyín Bulu ason wanlínhé amò ntée Bulu túmi. ²⁵ Tsífé ní afúli bokósó á, bóbwe fè Bulu-abòpò. Buméetsiá aká móa akúlu. ²⁶ Táme afúlikusó iwí mó á, yé mliakla Mose owoló, nú asón amóó Bulu lébláa mu dimbisó bréá olowun oyíbi kò de ogyá tsií, táme imedéhóo amò? Obée, ‘Mígyí mli anáin Abraham muva Isak pò Yakob Bulu ámu ni.’” ²⁷ Inu olebláa amò obée, “Megyí awupó Bulu ógyi, akiankparu Bulu ógyi. Mli mó mliafwí fée.”

Bulu Mbla Amotò Mòá Idon
(Mateo 22:34-40; Luka 10:25-28)

²⁸ Mose mbla asunápó amotò okole lóbòtu amò inu, olonu asón áni bodebití. Olowun áni Yesu lalé Sadukifó ámu asón onó wankláán. Mú su ólefíté Yesu obée, “Bulu mbla ámotò mòmò dón?”

²⁹ Yesu léle mú onó obée, “Bulu mbla ámotò móá idon ni. ‘Israelfó, mlinu. Bulu okole pé aní Wíe Bulu gyí. ³⁰ Mú su pò fò klun, fò okláa, fò agywin pò fò awonlín fée dwe fò Wíe Bulu.’” ³¹ Mú nyòsú é gyí, ‘Dwe fò bá fè fò iwí.’ Mbla kòkò útráa ma inuá idon inu.”

³² Mbla osunápó amò lébláa Yesu obée, “Osunápó, fablí onokwali. Aní Wíe Bulu nkole pé bu inu, okokò trá oma inu. ³³ Apóu aní klun, aní agywin pò aní awonlín fée dwe mu, adwe aní aba fè aní iwí. Idon mbwí tshé pò afodie kugyíko.”

³⁴ Yesu lówun áni alabí lé asón ámu onó wankláán, olebláa mu obée, “Fuma ifó Bulu iwíegyi ámotò.”

Mó oma a, ohaa métrá wa klun fité mu asoanso.

Ma Gyí Kristo Amò?
(Mateo 22:41-46; Luka 20:41-44)

³⁵ Bréá Yesu dé ató suná Bulu otswékpa nwunsinésó inu á, ólefíté obée, “Nkálí só Mose mbla asunápó amò betalí blí bée, Owíe Dawid mu na gyí Kristo, (ohá amóó Bulu léda mu ofúli amò)?”

³⁶ Tsífé Oje Wankihé léha Owíe Dawid onutó léblí obée, ‘Aní Wíe Bulu lébláa mí Wíe obée,

“Tsiá mí gyòpò nfi
yófun bréá néha fetsatsáa fò alupós.”’

³⁷ Owíe Dawid onutó létí mu obée mu wie. Nkálí su otráa ogyi mu na?”

Asón áni lówa odòm kpònkpònkpònti amóó befiá bomlí mu amò odwe, bopu ansigyí nú mu asón.

Mose Mbla Asunápó Tsiátó
(Mateo 23:1-36; Luka 20:45-47)

³⁸ Yesu léblí mu atosunáhé amotò obée, “Mlíki wankláán Mose mbla asunápóso. Botekle ligá wa náti kí, botekle bée, ahá bobún ha amó itsiá dunsu. ³⁹ Otsiákpá yilé botekle tsiá Yudafó ofiakpa pò nke ogyíkpá. ⁴⁰ Botesisi asorapò, swí amò amò wóyí. Botepina bò mpá tintúntín ahátò póbun amò lalahesu. Bulu obébití amò isu kinkíinkín!”

Osorapò Okò Tswitswí
(Luka 21:1-4)

⁴¹ Yesu létsiá mantáa tswitswí dáka Bulu otswékpa inu, ode ahá kí bodepu amò tswitswí bowa móts. Ahá áni amò ibto bu odwin bodepu kóba akpònkpònti bowa. ⁴² Inu osorapò okwá oma tótó é lópu mu kóba-ana bowa dáka ámotò. ⁴³ Múo óletí mu akasípó amò ba mu wá, olebláa amò obée, “Onokwali nde mli bláa, tswitswíá osorapò anfi oma tótó lawá á, idon ohagyíoha klé. ⁴⁴ Tsífé atráhe amò fée á, amó kóba tsòtsòtsòto balé kpalobí tsú bowa. Táme iníá osorapò anfi mú má tótó su tóá obu fée alapò bowa á.”

13

Bulu Otswékpa Amò Bwie
(Mateo 24:1-2; Luka 21:5-6)

¹ Bréá Yesu lédalí Bulu otswékpa wunsinésó inu óyó á, mu akasípó amotò okole lébláa mu obée, “Osunápó, kí mbu wankláán pò abwi akpònkpònti anfi bopuyí mó anfi akilé!”

² Múo olebláa mu obée, “Yéé fawun mbu akpònkpònkpònti áni? Bóbwie mó fée bun. Ibwi kole kórará méesian dínká mú básó.”

Iwasin Móa Ikplán
(Mateo 24:3-14; Luka 21:7-19)

³ Bréá Yesu tsie Nfó-nyíbu ámuṣu, ɔde Bulu ɔtswékpa mbu ámu kí a, Petro, Yakobo, Yohane mwa Andrea nkole befíté mọ beε, ⁴ “Bla aní, bré məmṣto ínu fée béba? Osúna məmṣ é ɔbéba, íbósuná aní mọ bré lafon?”

⁵ Inu Yesu lébláa amó ɔbéε, “Mlíki wankláán, méní ɔhaa méemlé mli. ⁶ Ahá tsɔtsɔtsɔ bɔpu mí dá ba beε, amógyi Kristo amu ni. Bémlé ahá tsɔtsɔtsɔ bɔfwí ɔkpa. ⁷ Ní mlonúá isá ladá mantáa mli ntée ɔtneko á, opúni mátsíi mli Tsúfí lehián aní ínu aná fée béba, táme imedésuná aní ɔyí ɔnómaké ámu lafon. ⁸ Tsúfí ɔmá bókɔ aba. Awíε bókɔsɔ líi abasu. Ɔsólóv békpinkí ntíné-ntíné. Akón é béba. Iní fée igyi fí iwíɔsin aní ɔtsí towun bréá kwí de mọ dwíin.

⁹ “Mó sɔ mli mọ mlíki mli iwí wankláán. Tsúfí mí sɔ bɔpu mli há Yudaɔ asón agyípu, béda mli amó ofiakpa awúlu-awúlusɔ. Békpa mli ya ɔmáso agyípu pú awíε ansító, méní mlégyi mí iwí adánsiε. ¹⁰ Táme ilehián aní bégyankpá dá asón wankláán ámu ɔkan súná ɔyító ahá fée. ¹¹ Ní bekítá mli ya a, mlumágywíun asón aní mléblí. Mlíbli asóngyíasón aní Bulu ɔbɔpuwá mli ɔnó alí bré ámto. Tsúfí megyi mli onutó ɔbótó, Ɔhe Wankíhé ɔbótó tson mliε.

¹² “Apíó béle amó apíó há lowu. Abí así béle amó abí há. Abí é bókɔsɔ líi amó akwípúsɔ, há bómo amó. ¹³ Mí sɔ ahá fée bólu mli, táme ní mlétalí wá klón líi kinkíinkín yɔfon mọ ɔnómá á, Bulu ɔbóhɔ mli nkpa.

Iwíɔsin Wíunbi

(Mateo 24:15-28; Luka 21:20-24)

¹⁴ “Táme ní mlowun akísítá itobwíε ɔmá, ida ɔtínéá mlumédín ansí aní íbéba a, (aklápu, mlinu mọ así.) Mómó ahá aní bobu Yudea ɔmátó busri yo abusu. ¹⁵ Ɔhá aní ɔdín obusu mákpli bɔtsu tɔto obuto! ¹⁶ Ɔhá aní ɔbu ndɔto é máyinkí bɔtsu mu tati. ¹⁷ Amenyapó pú abí-ayín aní bupia abí bobwe alí bré ámto, bogyówí ní! ¹⁸ Mlíkokoli Bulu mlíaa, mli ɔsríké amu imábwe nyankpu móa atsalbí. ¹⁹ Tsúfí asón wunhe aní íbéba alí bré ámto ɔdu makóba tsú bréá Bulu lóbwe ɔyí ɔpá kí. Mó ɔdu kuku é iméetrá ba ekekeke. ²⁰ Ní Bulu médinkí nke ámuṣu á, teki ɔhaa méesian ɔyító. Táme ahá ámóv alalé póbwé mu kle amu sɔ aladínki nke ámuṣu.

²¹ “Alí bré ámto á, ní ɔku lébláa fu ɔbéε, ‘Kí, Kristo, (ɔhá ámóv Bulu ladá mọ ofúli amu) bu nfi ntée nána’ á, máhogyi. ²² Tsúfí ahá aní beε amógyi Kristo amu pú ahá aní bówa afunu beε, Bulu ɔnósó atóipó bogyi tsɔtsɔtsɔ béba ɔyító. Bóbwe ofúli pú osúna pómle ahá. Ní bétalí kórará á, bémlé ahá ámóv Bulu lalé ámu é. ²³ Táme mlíki wankláán! Nabláa mli tógyító asa íbéba.

Nyankpusa-Mu-Bi Amu Ibábi

(Mateo 24:29-31; Luka 21:25-28)

²⁴ “Iwíɔsin wíun amu ɔma a, owí ɔbéta, ɔtsra é ɔmétrá feí. ²⁵ Ntsrakpabi békpa tsú ɔsósó béda. Nwólótáa móa mntó ató fée békpinkí. ²⁶ Ɔhagyíɔha obówun aní mí, Nyankpusa-Mu-Bi ánfí napó túmi móa numnyam kpɔnkpɔnti mbu nwólótáato tsú ɔsósó nebá. ²⁷ Inu Bulu ɔbówa mu abɔpu békpa mu ahá ámóv alalé ámu tsú ɔyí afunka ana ámu féesó.

Ɔyí Ɔnómá Iwí Osúna

(Mateo 24:32-35; Luka 21:29-33)

²⁸ “Mlípuki pɔnto ɔyí. Ní mọ abámí depóí, ide ate pɔpwe le á, mlítebí aní awikpan bré lafon. ²⁹ Alí kén, ní mlowun aní ntóbí ánfí fée ide mótó bá a, mlébi aní mí, Nyankpusa-Mu-Bi ánfí íbábi lafon ta ní. Nawíε wóyí ámu ɔnó tá. ³⁰ Ɔnɔkwali nde mli bláa. Ndemba-abí anfi fée bómóowu tá, asa ínu fée béba mótó. ³¹ Ɔsɔ móa así fée bótsɔn, táme mí asón blíhé mátsɔn ekekeke.

Nyankpusa-Mu-Bi Amu Ibábi

(Mateo 24:36-44)

³² “Táme ɔhaa méyín eke ntée bréá ntóbí ánfí fée íbéba. Bulu-abɔpu bómeyín. Bulu mu Bi ámu é méyín, nkéti aní Sí ámóv ɔbo ɔsósó ámu nkole pé yín. ³³ Mlíndinka ansí iwíε, tsúfí mluméyín ekeá bré ámu íbɔfon. ³⁴ Ig yi fí ɔkɔá ɔde ɔkpa tu, olesi mu wóyí wá mu asúmpú íbɔto. Ɔleha okugyíɔku agyómá ɔbéε ɔbwéε. Ɔlebláa wóyí ámu ogyópu é ɔbéε, ɔyíni iwí ogyo wóyí ámu wankláán. ³⁵ Mó sɔ mlíndinka ansí iwíε, tsúfí mluméyín bréá wóyí mu wie amu ɔbéba. Fíalí ntópwe o, ɔyí-nnsiné o, bake o, ntée nyankú. ³⁶ Mlíndinka ansí iwíε, méní ɔbá bofwie mlíto á, ɔmóboṣu mli aní mlíladídi. ³⁷ Asón ánfí nde mli bláa anfi kén nde ɔyító ahá fée bláa. Mbéε, ‘Mlíndinka ansí iwíε.’ ”

14

Bekiklí Yesu Nwunsu

(Mateo 26:1-5; Luka 22:1-2; Yohane 11:45-53)

¹ Ilesi nkenyó Yudaɔv abogyi Israelfɔsɔ Katsɔn Nke pú Bodobodo MátúhéNke. Alí bré ámto Bulu igyi ahapó dehen pú Mose mbla asunápó bodunká ɔkpa aní bótsɔn móso kítá Yesu

njainto, mo mo kokooko. ² Tame bebli bee, "Megyi Katsun Nke anfito abomo mo, menu kpokiti meda oma amuto."

Ofobi Fánfánfán Pwóli Yesu
(Mateo 26:6-13; Yohane 12:1-8)

³ Bréa Yesu bu Betania wuluto, Simon okwa alalá ilo pepe ki woyító ode ató gyi a, otsi oku léba unu; ode prentwa wanklaán kwá ofobi fánfán áni ibu ibiá bu móto. Oletí mó onó, óletsei ofobi ámu wólí Yesu nwunto. ⁴ Ako bubu inuá inowa amó odwe. Befité aba bee, "Ntogyi só ode ofobi áni yintá? ⁵ Teki abétali fé ofobi fánfán áni, mó ibiá bódun obakóle ofi okole ikáká áni, púhá ahíanfo." Behie wá yin wá otsi ámu.

⁶ Tame Yesu lébli óbée, "Mlihi mo! Ntogyi só mlidé mo háan? Ito yilé alabwé há mí. ⁷ Ahíanfo bétsiá mli wá ekekegyíeke. Brégyibréa mlidéklé a, mlétali wá awítale há amó, táme mí mó mméetsiá mlito yó. ⁸ Alabwé móá obétali póla mí ayulúw yáí há mí opuláké. ⁹ Onokwali nde mli bláa. Jyító ótinegyiátinéá béda Bulu ason wanklaán ámu okan a, bébli tó áni ótsi áni labwé áni pókáin muso."

Yuda Iskariot Lótsulá Aní Óbèle Yesu Há
(Mateo 26:14-16; Luka 22:3-6)

¹⁰ Mó oma a, mo akasípó dúanyo amuto okoleá boteti mo Yuda Iskariot lóyówun Bulu igyi ahapó dehen amu, menú obéle Yesu há amó. ¹¹ Bréa bonu asón áni á, ilehie wá amó odwe. Behie mo asi áni béka mo iko. Mó so olodunká okpa áni obótson móso lé Yesu há amó.

Katsun Atogyihe Gyi
(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátuhéNke amuto eke gyankpapwá butamó Israelfosu Katsun Nke akúfa lófon. Yesu akasípó befité mo bee, "Osunápó, obu mómoto ayela ha fu, afogyi Katsun Nketo atogyihe amu?"

¹³ Móó olwa amótó abanyó, bláa amó obéé, "Mliyo Yerusalem wuluto, mléfia oyin okwá osu ntsu-óló, mlihuo mo. ¹⁴ Wóyí oduátó obówie á, mlufite wóyí mo wie amu mlíaa, 'Nkónó afós óswúkpá bu, áni mía mí akasípó abéba begyi Israelfosu Katsun atogyihe amu?' ¹⁵ Obósuná mli abansóru yilé kwá balá móto yáí. Mlihwé ató ámu yai unu."

¹⁶ Yesu akasípó amu boyo wulu amuto á, bowun tógyító ali ámuó Yesu lébláa amó ámu pépéépe, bóbwe Israelfosu Katsun atogyihe amu yáí unu.

¹⁷ Bréa nsainto deklúun a, Yesu moa mo akasípó beba unu. ¹⁸ Ató ámu ogyíkpá a, Yesu lébláa amó obéé, "Onokwali nde mli bláa, mlito okuléá mía mnyo ibi da ólepeto obéle mí há."

¹⁹ Asón áni líehie han akasípó amu. Mó so befi asi bode mo fité ikole-kole bee, "Mí ní lóó?"

²⁰ Yesu lébláa amó obéé, "Mli ahá dúanyo anfito okuléá mía mnyo ibi da ólepeto obéle mí há ní. ²¹ Mí, Nyankpasa-Mu-Bi áni nówu fé aliá bowanlín tswi, táme óhá ámuó obéle mí há ámu ógyówi ní. Ní bometepí kwíi mo kóráá á, teki ibu alé há mu."

Yesu Ntúpwé Atogyihe Tráhe
(Mateo 26:26-30; Luka 22:14-20; 1 Korintofó 11:23-25)

²² Bréa bode ató ámu gyi a, Yesu léle bodobodo ipín, óleda Bulu ipán, bíabia móto púhá amó, bli obéé, "Mliho, mí ayulúw nu."

²³ Inu olotsu ntá-ewe, óleda Bulu ipán, púhá amó féé bonu. ²⁴ Móó ólebláa amó obéé, "Mí obugya ni. Mó Bulu dépusi mo ntam* áni alaká há aháso ní. Bétsei mó wólí asi ahá tsotsótsó lakpan so. ²⁵ Onokwali nde mli bláa, mmétrá nu wáin-abí ntá áni alu yófon ekeá nónu mó pópwe Bulu iwíegyi ámuto."

²⁶ Benya wá ilo dá Bulu ipán tá alu, benatí yó Nfó-nyíbu ámuso.

Petro Óbóswú Óbée Momeyin Yesu
(Mateo 26:31-35; Luka 22:31-34; Yohane 13:36-38)

²⁷ Móó Yesu lébláa amó obéé, "Mli féé mléyinkí mí oma. Tsufé Bulu onósó atóipó amu bowanlín wá Bulu asón amuto bee, 'Néda akúfa okpapó ámu lédá, mo akúfa bédasáin.' ²⁸ Táme ní Bulu okósóa mi tsú afúlitó á, négya mli nkpá yó Galílea ómátó."

²⁹ Petro lébláa mo obéé, "Ní amó féé beyinkí fú ómá kóráá á, mí mó mméeyinkí ekekeeke."

³⁰ Yesu lébláa mo obéé, "Onokwali nde fú bláa. Onyeni, asa bate obéle onó tse nyo á, fósuwí pú ibi wá ogyá tse sa fee fumeyin mí."

³¹ Inu Petro léfin yabi yi obéé, "Ní lowu igyi kóráá á, mméekiná fú ekekeeke." Ali kén atráhe amu é féé beblí ní.

Mpáibo Getsemane
(Mateo 26:36-46; Luka 22:39-46)

* 14:24 Ntam pópwe bu nwoló dada amu akoto.

³² Boyówie otnekóá botetí unv Getsemane. Móó Yesu lébláa mu akasípó amv obéé, “Mlitsia nfi, ngyóbo mpái.” ³³ Ólekpa Petro muv Yakobo pó Yohane buo iwí. Inu asón lehé han mu, mu ansí lere. ³⁴ Móó òlebláa amv obéé, “Asón ihé de mí háan. Ideklé mō mí. Mlitsia nfi, amligyo.”

³⁵ Inu òlenatí yó nkpa kpalobí, òleda akpawunu kókóli Bulu obéé, “Ní íbówa alé á, ha bré ánfí itson musu.” ³⁶ Móó òleblí obéé, “Abba† Mí Sí, futetáí bwé tógýít. Ha ntá-ewe ánfí‡ itson musu! Táme megýí tsá ndeklé, mbouñ móá fodeklé íbá móót!”

³⁷ Óleyinkí bá akasípó amv wá bowun ání bodedidi. Inu sv òlefíté Petro obéé, “Simon, fodedidi? Fometalí gyo dānhwírí kole kpán?” ³⁸ Mligyo amlíkokoli Bulu, méní mímúóowie isókito. Tsúfě òhé ámu déklé, táme nyankpusa lópón.”

³⁹ Óletrá yóbo mpái, bláa Bulu ason kua kole amv kén. ⁴⁰ Óletrá yinkí ba bowun ání akasípó amv botráa bodedidi, tsúfě didí de amv bu. Bometalí bláa mu asvansu.

⁴¹ Bréá òleba otse saasi a, òlefíté amv obéé, “Mlilatráa si mlída mlídé òkpónó da? Itsia alí ngya! Bré ámu lafon ání bópó mí. Nyankpusa-Mv-Bi ánfí wá lakpan abwepó íbito. ⁴² Mlíkusv ayó. Mlíki, óhá ámúó òde mí le há ámu ná á!”

Yesu Kitá

(Mateo 26:47-56; Luka 22:47-53; Yohane 18:3-12)

⁴³ Yesu ònó mesi asa akasípó dúanyo ámúto òkoleá botetí mu Yuda lóbowie unv. Ódām ání bōde ndayí pó nkpotí bubuo mu. Bulu igyí ahapó dehen, Mose mbíla asunápó pó Yudafó ahande amv lówa amv. ⁴⁴ Yuda amúó òlele Yesu há ámu lébláa òdām amv yáí obéé, “Óhá ámúó nēlatá pútá ámu gyí óhá ámu n. Mlíkita mu kinkínkín, amlíkpa mu natí.”

⁴⁵ Inu òlenatí laa yó Yesu wá, yókpólí mu obéé, “Osunápó!” Ólelatá mu pútá. ⁴⁶ Inu ahá ámu benatí tó Yesu, kitá mu kinkínkín. ⁴⁷ Táme unv alípó amúto òkole lótswi mu ódayí kpá Bulu igyí ahapó dehen osúmbí òku isv lé. ⁴⁸ Inu Yesu léfíté amv obéé, “Ogyo otswapó ngyi, só mliatsú nkpotí pó ndayí mlebá mí òkitákpá?” ⁴⁹ Ntsie mlí wá Bulu ótswékpa wunsunésú unv ekekegyíeke, nde mlí ató suná, mímúékitá mí ekekeke. Inu lahá Bulu ason wanlínhé amv ilaba móót.”

⁵⁰ Inu mu akasípó amv fěé besrí sí mu.

⁵¹ Ilesí ayasubí òkóá òlwa ligá nkole. Bekítá mu, ⁵² táme òlòkòli, sí mu ligá ámu wá amv íbito, pó yayá srí.

Yudafó Ahande Ansító Lí

(Mateo 26:57-68; Luka 22:54-55, 63-71; Yohane 18:13-14, 19-24)

⁵³ Bekpa Yesu ya Bulu igyí ahapó dehen wóyí. Igyí ahapó dehen, Mose mbíla asunápó pó Yudafó ahande amv fěé bafia unv. ⁵⁴ Petro lépetí buo amv óma tsútsútsú, alu yówie wóyító unv. Inu oleyétsiá unv asúmpó wá, òde ogyá núu. ⁵⁵ Inu Bulu igyí ahapó dehen pó Yudafó asón agyípó[§] atráhe fěé bodunká ahá ání béka asón dínká Yesusu, méní bélí amv ason blíhésv mó mu, táme bomenya. ⁵⁶ Tsúfě ahá tsòtsòtsò bōwa afunu dínká musv, táme amv fěé ònó lótsun ótsan.

⁵⁷ Inu akv bókúsv ká asón dínká musv bēe, ⁵⁸ “Anlónuá òleblí obéé, ‘Nóbwie Bulu ótswékpa anfi bapó íbí yi anfi, táme nkensá óma a, nēlayi pópweá megýí nyankpusa obópó íbí yi mó.’ ” ⁵⁹ Táme amv é amv ònó mōbwe kole.

⁶⁰ Inu Bulu igyí ahapó dehen amv lókúsv líí amv fěé ansító, òlefíté Yesu obéé, “Foma ònó lé? Foma asvansu blí pólé fú iwí?”

⁶¹ Táme Yesu méle asvansu ònó. Móó Bulu igyí ahapó dehen amv létrá fité mu obéé, “Bulu ámbó botekánfó ámu mu Bì gyí fú? Fógýí Kristo, (óhá ámbó Bulu léda mu ofúli amv) ní?”

⁶² Yesu léle mó ònó obéé, “Ee! Mí ní! Mlówun ání mí, Nyankpusa-Mv-Bi ánfí ntsie Bulu Otúmpó gypósv ánfí ndun nwlótáasv tsú ósósó nebá.”

⁶³ Bulu igyí ahapó dehen amv lékitá mu atadié balí mó kīaan.* Móó òleblí obéé, “Adánsie māmú anutráa angyó? ⁶⁴ Mlilanú abususu ání alablí. Nkálí gyí mlí agywun?”

Amó fěé botsulá ání olegyi pón, bómóó mu.

⁶⁵ Amótó akv bōwa atsonótó tutúwí wulí mu bí. Bópó ató tin mu ansíbi, bōfolí mu atswē, bláa mu bēe, “Bulu ònósó ótáípó, suna aní óhá ání òlòfulí fú itswē!” Inu agyópó amv é bedadáa mu asuto.

Petro Lásuwí Obéé Mvmeýin Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lési otsie wunsunésú unv, Bulu igyí ahapó dehen amv osúmbí tshíhé òku léba. ⁶⁷ Bréá olowun Petro tsie òde ogyá núu a, òlekí mu díín. Móó òlefíté Petro obéé, “Fóba Yesu Nasaretyin amv nyo ná.”

† 14:36 ‘Abba!’ así gyí, ‘Mí Sí!’ ‡ 14:36 Ntá-ewe ánfí igyí iwíasín ání Yesu obówun. § 14:55 Yudafó asón agyípó anfi botetí Sanhedrin Griikí òblíta. * 14:63 Ilusuná ání asón ámu lawíé mu iwíto dobi.

68 Táme Petro lóswí blí òbée, “Mmeyín tótò tsú asón ánfí fodeblí ánfí iwí!” Òlenatí yélu ókpa onó, ino bate lóbon.†

69 Osúmbi tsíhé ámu létrá yótò mu ino, òlòwa ahá ámuó bulí ino ámu bláa bí òbée, “Amótó òkole gýí oyin ánfí.” 70 Táme Petro létrá swí pú íbí wá ogyá.

Ìbòbwe kpalobí á, ahá ámuó bulí ino ámu bebláa Petro bee, “Lélé mú á, amótó òkole fogyi, tsúfè Galileayin fú é fógyi?”

71 Inu Petro lówa ntam kakáa bí òbée, “Neká tógyító, mmeyín oyin ánfí mlídé mu iwí asón blí ánfí.”

72 Inu bate lóbon otse nyòsì. Múú Petro lékain asón ámuó Yesu lébláa mu òbée, “Fóswí tse sa fee òmeyín mí asa bate òbée onó tse nyò.” ámuò. Múú òkpa isú yi, híé sú woo.

15

Yesu Pilato Ansító Lú

(Mateo 27:1-2, 11-14; Luka 23:1-5; Yohane 18:28-38)

1 Ɔyí kehe nyanki-nyanki a, Yudafò ahande-ahande ámu fée befia kutá agywun. Aku bogyi, Bulu igyí ahapó dehen, Mose mbala asunápo pò Yudafò ahande atráhe*. Ino beha beklíu Yesu, pò mu yówa Pilato íbító. 2 Pilato léfité Yesu òbée, “Fógýí Yudafò owíe ámu ní?”

Yesu léle mú onó òbée, “Ee, mú fablí á!”

3 Inu igyí ahapó dehen ámu beka asón tsòtsòtsò dínká Yesusu. 4 Mú sò Pilato léfité Yesu òbée, “Kí asón tsòtsòtsòá baká dínká fósú, fuma mú onó lé?”

5 Táme Yesu mele asòansò onó. Mu sò òlòwa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39–19:16)

6 Katsón Nke kugyíkoto á, igyí omású ogyípó Pilato amándíé ání obési obu adipótó òkoleá ámu onutó budeklé há ámu. 7 Oyín òkóá botetí mu Baraba mu ába buda obu alí bré ámu. Bòkòsò líí omású, kpokiti léda, bómò òha mótsó. 8 Ɔdòm ámuó bòyò Pilato wá yóbwií ipa há mu bee, osii obu adipó òkole há ámu alí ámuó otetsiá bwé há ámu ámu. 9 Múú Pilato léfité ámu òbée, “Mlídéklé mlíaa, nsíi Yudafò Owíe ánfí ha mlí lóó?” 10 Ɔléfité ámu alí, tsúfè olowun ání Yesu iwí olu sù Bulu igyí ahapó dehen ámu bakítá mu ba mu.

11 Igyí ahapó dehen ámu beha òdòm ámu onó bee, bókókoli Pilato, osi Baraba mboun ha ámu. 12 Pilato létrá fité ámu òbée, “Ntó mbwée òhá ámuó mlídétí mlíaa, Yudafò Owíe ámu?”

13 Inu ámu fée bósúrá okitikítí bee, “Da mu manta oyikpalíhesu!”

14 Pilato léfité ámu òbée, “Tsitsa mamu alabwé?”

Táme belasórá okitikítí kóklókóú bee “Da mu manta oyikpalíhesu!”

15 Pilato dékléá òbòbwe òdòm ámu apé há ámu. Mú sò olesi Baraba há ámu, òleha mu isá akápó bepítí Yesu mplí, òlòpu mu wá ámu íbító òbée, boyéda mu manta oyikpalíhesu.

Yesu Ahinlá Bwe

(Mateo 27:27-31; Yohane 19:2-3)

16 Tsá akápó ámu bekpa Yesu ya omású ogyípó ámu wóyító. Beti ámu ába isá akápó atráhe ámu fée, beda Yesu òbon. 17 Bòpu ligá pepe ku wá mu, bòlu obungyo-awu, bwé mú owíepa bun mu nwun. 18 Inu bòbwe mu ahinlá, beti mu bee, “Yudafò Owíe, fò nkpasu ònlunso!” Bòtswí opé! 19 Inu bòpu oyí sísi mu nwuntó, tutúu atsunó wólí mu, dá akpawunu mu ansító. 20 Bòbwe mu ahinlá tá á, bòwóí ámu ligá pepe ámu, yínkía mu onutó atadié wá mu, bekpa mu dáli beyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

21 Bafia Kireneyin ókóá botetí mu Simon, ogyi Aleksandro mu Rufo osí. Otsú abú así òbá, beka mu híé bee, asóra oyikpalíhe ámu. 22 Múú bekpa Yesu ya òtnekóá botetí inu Golgota. Mú así gýí, “Nwun Okokobi Otsiákpá.” 23 Bòpu afá kóá iteba iwòsún así wá ntátó tin Yesu onó bee onúu, támé omonu. 24 Beda mu mántá oyikpalíhe ámuòsú tá á, beye mu atadieto. Inu bòtswí abi púki òhagyíòha ogyíkpá. 25 Ìbòbwe fé nyanki dokwebátó beda mu mántá oyikpalíhesu. 26 Múú bòwanlín tsá suá bode mu da mántá oyikpalíhe ámuòsú dínká mu awunso bee, “YUDAFÒ OWÍE.” 27-28 Beda awikplu abanyó aku é mántá nyikpalíhesu tsíá mótsó. Ɔkole bò mu gýòpisu, òkole é bò mu binasu.†

29 Inu atsonpu bəkpəkpəu nwuntə, blí mu iwí abususú bee, “Yée fú fee, fétalí bwíé Bulu òswékpá ámu, lápwe mu nkensá owító ní? 30 Hò fú iwí, afokplí tsu oyí ámuòsú aki!”

† 14:68 Inu bate lóbon uma nwóló dada ámu akoto. * 15:1 Ahande atráhe ánfí botetí Sanhedrin Griiki óblító.
† 15:27-28 Mótsó yée 28 bò nwóló dada ámu akoto: Iní léha Bulu asón ámuó bəwanlín tswí ámu léba mótsó. Ásón ámu gýí, “Bekla mu wá lakpan abwepótó.”

³¹ Bulu igyi ahapú dehen pú Mose mbla asunápó amó é bəbwe mu ahinlá bεε, “Ǿlho ahá nkpa, táme Ǿmetáli ho mu iwí. ³² Ní mu gyi Israelfo owie, Kristo, (Ǿhá á móó Bulu léda mu ofúli) a, Ǿkplí tsu oyi ámušo awun, ahó mu gyi!”

Ahá á móó beda mántá oyísó mu gyopisu móa binasu ámu é bəbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

³³ Bréá dó dúanyo leda á, owí leta Ǿsulóu amuso féé alu yofon ntópwe dasato. ³⁴ Dəsa á móto a, Yesu lókpłon kóklókóó, blí Ǿbée, “Eloi, Eloi, Lama Sabaktani?” Mó así gyi, “Mí Bulu, mí Bulu, ntogyi só fakpá mí Ǿma?”

³⁵ Ahá á móó bolí mu á móto ako bonu asón ánfí, beblí bεε, “Mlunu, Ǿde Elia kpólí.” ³⁶ Inu á móto Ǿko lésrí tsú Ǿsapo, pódá ntá Ǿdátó, poyi oyísó, tsú mó fúa pótin mu Ǿnó Ǿbée, onú. Móó Ǿleblí Ǿbée, “Mlilu akí bεε, Elia Ǿbεba besíé mu lé oyi ámušo?”

³⁷ Inu Yesu lókpłon kóklókóó, Ǿlele Ǿhé.

³⁸ Inonu Bulu lébalí tatiá bəpuká Ǿtswékpa obu á móto anyo, tsú awunso beyi asi. ³⁹ Bréá isá akəpó Ǿhandé Ǿlí Yesu ansító Ǿdekú lówun alá Yesu léle Ǿhé tráhe a, Ǿleblí Ǿbée “Lélé, Bulu mu Bi oyin ánfí gyi!”

⁴⁰ Atsi ako é bolí ifúntó bədəkú sísi. Amótó ako gyi, Magdalayintse Maria, Salome pú Maria ání Ǿlkwí Yakobo muu mu gyama Yosef. ⁴¹ Amó é betsiá buo Yesu, tsíá kí mušo bréá Ǿbu Galilea. Atsi tsətsətsə akóá bobuo mu ba Yerusalem é bəbu inu.

Yesu Pulá

(Mateo 27:57-61; Luka 23:50-56; Yohane 19:38-42)

⁴² Eke ámu igyi ekeá Yudafó bətpóla iwí asa bətegyi amó Ǿkpónó Ǿdaké. Bréá owí dəpón a, ⁴³ Arimateayin Yosef lówa kłon yó Pilato wá yókulí mu Ǿbée, osí Yesu fúli ha mu amópula. Yudafó asón ogyipó ogyi, bətobú mu. Mu é Ǿde Bulu iwígyi ámu Ǿkpa kí. ⁴⁴ Ilowa Pilato wánwan ání Yesu lawúna wu. Mó su Ǿletí mu isá akəpó Ǿhande, fité mu ní olowu ilawá Ǿpá.

⁴⁵ Bréá isá akəpó Ǿhande amu lótsulá móso á, Pilato lési fúli amu há Yosef. ⁴⁶ Móó Yosef lóho Ǿhráda, Ǿlwo yésíé Yesu lé oyi ámušo, kíklí mu wá Ǿhráda á móto, tsú mu yópulá Ǿbó kwá beda bətátó, olemináa ibwi yíléyílé ku tin Ǿbó ámu Ǿnó. ⁴⁷ Magdalayintse Maria muu Yosef mu yin Maria bowun Yesu opulákpá.

16

Yesu Kosó Tsú Afúlitó

(Mateo 28:1-8; Luka 24:1-12; Yohane 20:1-10)

¹ Yudafó Ǿkpónó Ǿdaké ámu ilətsən a, Magdalayintse Maria muu Yakobo mu yin Maria pú Salome bəho ofobi fánfán ku bεε, beyékpa Yesu fúli amu. ² Kwasiəda nyanki, bréá owí lopwíé a, bəyo Yesu opulákpá inu. ³ Bréá bəna Ǿkpató á, amó wəlewəle bəde aba fité bεε, “Ma abénya Ǿbémináa ibwi ámu lé Ǿbó ámu Ǿnó há aní?” ⁴ Botsu ansí kí a, bamína ibwi ámu lé Ǿbó ámu Ǿnó dodo. Ibwi ámu léhe móní. ⁵ Bréá bebitíwíé Ǿbó á móto á, bowun ání Ǿyasubi Ǿko lówa ligá futútúttú, otsie Ǿbó ámu gyopisu. Ifú lekítá amó.

⁶ Ǿyasubi ámu lébláa amó Ǿbée, “Mlímánya ifú. Nawun ání Yesu Nasaretyin amóó beda mántá oyikpalíheso ámu mlidédunká. Bulu lakósóa mu, Ǿma nfi. Mluki Ǿtiné á móó bopulá mu amu. ⁷ Mluyébláa mu akasípó amu pú Petro mlíaa, alagya mlí nkpa Ǿyó Galilea Ǿmátó. Inó mlówwun mu fé alí á móó Ǿlebláa mlí ámu nu.”

⁸ Inu besrí dalí Ǿbó á móto, tsúfé opúni letsíí amó, Ǿnó é lobwie amó. Mó su bréá bəyo á, bəmebláa Ǿhaa, tsúfé ifú de amó, bədəkpunkí kpakpakpakpa.

Yesu Iwəwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasiəda bəke, bréá Yesu lókosó tsú afúlitó á, olegyankpá lé iwí Ǿwan súná Magdalayintse Maria amóó olegya Ǿhe laláhe asienó lé móto ámu. ¹⁰ Mó é Ǿleyébláa Yesu abúopu amóó bəde mu sú, bəde awurəho gyi amu. ¹¹ Táme bréá Ǿlebláa amó Ǿbée, Yesu lakósó, mawun mu a, bəmohogyi.

Yesu Iwəwanle Súná Mv Abúopv Abanyó

(Luka 24:13-35)

¹² Inu Ǿma a, Yesu léle iwí Ǿwan Ǿkpa bámbásó súná mu abúopu abanyó bréá bəna bəyó akuda, táme bəməkósi bí mu. ¹³ Amó é beyinkí yébláa atráhe amu, táme amó é bəmohogyi.

Yesu Iwəwanle Súná Mv Akasípó

(Mateo 28:16-20; Luka 24:36-49; Yohane 20:19-23; Gyumagiyi 1:6-8)

¹⁴ Inu féé Ǿma a, Yesu léle iwí Ǿwan súná mu akasípó dúkəkon ámu bréá bəde ató gyi. Amó kləntə-odwin pú amó máhógyi su Ǿlwa iyun wá amó. Tsúfé bəməho ahá á móó bowun mu mu

ƙusú tsú afúlitó oma amú gyi. ¹⁵ Múú ðebláa amú ðbéε, “Mhιγɔ ɔγító fέέ, amlιyεda Bulu asɔn wankláán ámu ɔkan ha ahá fέέ. ¹⁶ Ɔha ání olohogyi, bɔbɔ mu asú á, Bulu ɔbóhɔ mu nkpa, táme ɔhá ání omohogyi obégyi pón. ¹⁷ Osúna anfi obóbuo ahá ání bohogyi nu. Bégya ɔηε laláηε mí idátó, bébli ɔbli bámbá, ¹⁸ békítá awɔ ibitɔ, bónu afá ání itámó kugyíku, táme imáɔbwe amú tɔtɔ. Bópu ibi dínká alɔpusu, iwí bówa amú ɔnlun.”

Yesu Ɔsúsú Yɔ

(Luka 24:50-53; Gyumagyiηε 1:9-11)

¹⁹ Bréá aní Wíε Yesu lébláa amú asón tá á, Bulu lótsu mu ya ɔsúsú, oleyétsiá mu gyɔpusu. ²⁰ Mu akasípó amú befi así buɔε asón ámu ɔkan da ɔtíεgyíɔtíné. Aní Wíε Yesu lélí amú oma bɔγɔ agyómá. Ɔlotsun osúna ání bɔbweεu, wá asón ámu ɔwɔnlín.]*

* **16:20** Mótá yéε 9-20 uma nwoólú dada amú akota.

Asɔn Wankláán Aní Luka Lówanlín

¹ Onumnyamɔ Tiofilo:

Ahá tsotsɔtsɔ babó mbódí wanlín tóá lɛba anitɔ tswi. ² Bɔwanlín tóá ahá ámóú bɔbɔ unu tsú mó nfiásí, bɔgyi mó asúmpó amu bowun, dá mó akan amu bebláa aní pépéépé. ³ Onumnyamɔ Tiofilo, mí é nabó mbódí kwí mótó wankláán tsú mó nfiásí. Mó sɔ ndekléá nówanlín mó pépéépé há fú, ⁴ méní fɛbíá ató ámóú basúná fú ámu igyi ɔnkwalí.

Asú Ɔbɔpó Yohane Kwí Asón

⁵ Bréá Herode dé iwíe gyí Yudea ɔmátó á, Bulu igyi ɔhapó ɔku létsiá, butetí mu Sakaria. Otsú Bulu igyi ahapó ɔpasua kuá butetí mó Abiató. Mu ka gyí Elisabet, otsú Bulu igyi ɔhapó Aaron abí-anátó. ⁶ Mɔa mu ka asón da ɔkpa Bulu ansító. Butegyí aní Wíe Bulu mbla pó mu nhuhé fɛésó pépéépé. ⁷ Buma obí, tsúfɛ Elisabet megyí ɔtsi kwíipó. Mɔa mu kulu fɛé bahíe dan.

⁸ Eke ɔku ilɔtu Sakaria aná ɔpasua ání amó ɔbéha Bulu igyi. Sakaria lóyo ɔbu Bulu ansító ɔde mu agyómá yo. ⁹ Abi butɔtswi pulé ɔhá ání obébitíwíe Ɔwankíkpa mu yówa ɔhíen ogyá, igyi ahapó ámu amándíe ɔnó. Bɔtswi a, ileyi Sakariasu. ¹⁰ Bréá ɔde ɔhíen ámu ogyá wa á, ɔdom ání bɔyo ɔtswékpa unu fɛé bulí kpankpá bɔde mpáí bɔ.

¹¹ Bulu-ɔbɔpɔ ɔku lébelí afódu-ɔsubwi ámu gyɔpiso, lé iwí ɔwan súná Sakaria. ¹² Bréá ɔlowun Bulu-ɔbɔpɔ amu á, ɔlowan, ifú lowie mu ayetá. ¹³ Inu Bulu-ɔbɔpɔ amu lébláa mu ɔbé, “Sakaria, mánya ifú! Bulu lanú fú isú. Fó ká obénya ɔmɛ kwí obi yinhé há fú. Dinka mu dá ‘Yohane.’” ¹⁴ Obí ání kwí bówa mli ɔdwe, wá mli ansigyí. Ibówa ahá tsotsɔtsɔ é ansigyí. ¹⁵ Tsúfɛ kebi ámu ɔbɔbwe ɔha kpankpanɔ Bulu ansító. Nta bohé kuku máda mu ɔnó ekekeke. Ɔhe Wankíhé ɔbɔbulá mótó tsú bréá ɔbu mu yin iwí. ¹⁶ Ɔbéha Israelfó tsotsɔtsɔ bédamli klɔntɔ ba amó Wíe Bulu wá. ¹⁷ Bulu ɔnósó ɔtɔpóElia túmi pó mu ɔhé bétsiá mótó. Obégya aní Wíe nkpa bá. Ɔbéha abí así bódwe amó abí, ɔbédamli ahá ání butɔkósó líí Bulusu agywun, ibwe fɛ yilé abwepó klé, méní ɔbéla ahá yáí wankláán há aní Wíe.”

¹⁸ Sakaria léfité Bulu-ɔbɔpɔ amu ɔbé, “Ntɔ nɔpɔbí ání asón ání ibéba mótó? Tsúfɛ mía mí ká anlapɔn.”

¹⁹ Inu Bulu-ɔbɔpɔ amu lébláa mu ɔbé, “Mí dá gyí Gabriel. Bulu ansító ɔlípó ngyi. Muláwá mí ɔbé, mbébláa fu ason wankláán ání. ²⁰ Tsú nde póya ekeá asón ání ibéba mótó á, fɛtɔ omúmu, tsúfɛ fumɔho mí ason blíhé ání ibéba mó brétó anfisɔ gyi.”

²¹ Ibɔbwe alí á, unɔwánkí ahá ámóú bulí bɔgyo Sakaria amu tóá swá alawá ɔpá ɔtswékpa obutótó unu alí. ²² Bréá ɔledalí ba a, alatɔ omúmu. Mó sɔ bowun ání alawun tɔku obutótó unu. Iná ɔmetálí tóí sɔ á, ɔbɔpɔ mu ibi móa mu nwun bláa amó asón.

²³ Sakaria létsiá ɔtswékpa unu yófun ekeá ɔleha Bulu igyi tá, oleyinkí yó wóyí. ²⁴ Nke ámu ɔma a, Elisabet lénya ɔmɛ, tsíá nǎín iwí alu tsra anu kéké. ²⁵ Elisabet léblí ɔbé, “Inu mí Wíe Bulu labwé há mí ní. Alawun mí nwe, dínkí nsópa lé mísó ahátó.”

Yesu Kwí Iwí Asón

²⁶ Bréá Elisabet ɔmɛ lɔho tsra asie á, Bulu lówa mu ɔbɔpɔ Gabriel wúlu kuá ibu Galilea ɔmátó, butetí mó Nasaret. ²⁷ Bulu lówa mu obitebí ɔkuá ɔmókúdí oyin wá kɪ, butetí mu Maria wá. Alí bré ámɔtɔ bɔdepu obitebí ámu há oyin ɔkuá butetí mu Yosef, ogyi owíe Dawid mu na beɛ otsiá. ²⁸ Bulu-ɔbɔpɔ amu léba Maria wóyító beha mu itsiá, bláa mu ɔbé, “Bulu lagyi fu bɔale, alahíe yúlá fú!”

²⁹ Asón ání leha Maria légyigyáa, ɔlefíté mu iwí ɔbé, “Ngya ntɔ itsiá odu ɔhá ání lahá mí alí?” ³⁰ Bulu-ɔbɔpɔ amu lébláa mu ɔbé, “Maria, mánya ifú. Bulu lahíe yúlá fú!” ³¹ Kɪ, fénya ɔmɛ kwí obi yinhé. Dinka mu dá ‘Yesu.’” ³² Ɔbɔbwe ɔha yilé. Bétí mu Ɔsósúsú Bulu mu Bi. Aní Wíe Bulu ɔbeyai mu mu nain Owíe Dawid obíasó. ³³ Obégyi iwíe Jakob* wóyísó bré fɛétó. Mu iwíegyi mómó ɔnó ekekeke.”

³⁴ Maria léfité Bulu-ɔbɔpɔ amu ɔbé, “Nkálí ibɔbwe asa inu ibéba mótó, tsúfɛ mmeyín oyin.”

³⁵ Bulu-ɔbɔpɔ amu léle mó ɔnó ɔbé, “Ɔhe Wankíhé ɔbéba fusu. Ɔsósúsú Bulu ámu túmi bɔbun fusu. Inu sɔ ahá bétí Obi wankíhé amóú fɔkwí ámu beɛ, ‘Bulu mu Bi.’” ³⁶ Kɪ, fó obusanyin Elisabet kóráá ɔbá bɔkwí obi yinhé mu tsidɛhan aníto. Ahá beɛ, megyí ɔtsi kwíipó ogyi, táme mu ɔmɛ laho tsra asie dodo. ³⁷ Tsúfɛ tɔtɔ mɔdón Bulu bwe!”

³⁸ Inu Maria lébláa Bulu-ɔbɔpɔ amu ɔbé, “Bulu osúmbi ngyi. Ibá mótó ha mu fɛ ahá fablí.” Inu á, Bulu-ɔbɔpɔ amu lénati sí mu.

Maria Léyesnáa Elisabet

* 1:33 Israelfó gyí Jakob abí-aná.

³⁹ Nke ámòtò á, Maria lókulá ató, wa ọsa yó Yudea abọsọ wúlu kọtọ. ⁴⁰ Mọ́ọ olowie Sakaria wóyító há Elisabet itsiá. ⁴¹ Elisabet lénya nú itsiá ámu alí kebi ámu lékan ịwí mu ịwítọ. Ọ́je Wankíhé lóbulá mọtọ. ⁴² Inu ọlọkplón bíl ọ́bée, “Bulu layúlá fọ atsi fẹ́é́t. Alayúlá fọ ịwítọ ọ́bí ámu é. ⁴³ Iyé! Mí Wíe mu yin onutó lába mí wá á? Ntogyi só Bulu lawá mí numnyam anfi odu?” ⁴⁴ Kí, nenyánu fọ itsiá ámu alí ọ́bí ámu ọ́bọ mí ịwítọ ámu lékan ịwí ansigyísó. ⁴⁵ Bulu layúlá fọ, tsúfẹ́ fahogyi ání tóá alahíé há fọ ịbẹ́ba mótó.”

Maria Bulu Kanfọ Iw

⁴⁶ Inu Maria lówa ịwí ọ́bée,
“Mí ọ́kláa dé mí Wíe Bulu kanfó.
⁴⁷ Mí Nkpa Ọ́họpụ Bulu lahá ansí dé mí gyí.
⁴⁸ Tsúfẹ́ alakáín mí mu osúmbi ání ọ́ma tọtọ bwetósó, wun mu nwe.
Tsu séi pọya a, abí-aná fẹ́é́ bẹ́blí bée, Bulu layúlá mí.
⁴⁹ Bulu Otúmípu ámu labwé ató kponkpontí há mí.

Ọ́lọwankí.
⁵⁰ Otowun ịlín kugyíkoto
ahá ání ọ́tenyá mu ifú nwe.
⁵¹ Alapú mu túmí bwé ató akponkpontí,
pọ́dá ịwí atsupọ́ nwuntọ asón saín.

⁵² Alakplí awíe mbíasó,
tsú ahá ání buma tọtọ bwetó fọá.
⁵³ Alahá ahíánfọ bamlí ịwí anyapó,
há ịwí anyapó banátí ịbikpan.
⁵⁴⁻⁵⁵ Alakpá mu asúmpọ́ Israelfọ.
Ọ́metan ání ọ́leblí ọ́bée, mọ́wun aní anáin Abraham
mwa mu abí-aná nwe bré fẹ́é́,
fẹ́ alá ọ́lebláa amú.”

Alí Maria lómọ́ mu ịwí ámu ọ́nó ní. ⁵⁶ Oletsíá Elisabet wá fẹ́ tsra asa asa oleyinkí yó wóyí.

Asú Ọ́họpụ Yohane Kwí

⁵⁷ Bréá Elisabet lóbkwí á, ọ́lọkwí obi yinhé. ⁵⁸ Mu abusuanfọ́ pọ́ mu aba bonu ání aní Wíe Bulu lahíé wun mu nwe. Mọ́ sọ ansí légyí amó fẹ́é́.
⁵⁹ Ọ́bí ámu lénya ndawótswí á, mu ịwíwí ahá bẹ́ba mu obuto ọ́lekpá, abọtin mu keté, dinka mu dá. Teki bée abọpụ mu sí dá Sakaria dinka mu, ⁶⁰ táme mu yin lébláa amó ọ́bée, “O-o! Mludinka mu Yohane.”

⁶¹ Ahá ámu bẹ́bláa mu bée, “Anumókónú abọtí fọ obusuanyin ọ́kọkọ alí kí.” ⁶² Inu ọ́bọ́wwe mu sí ịbí, fité mu alá ọ́bítí kebi ámu.
⁶³ Sakaria ló́bwe ịbí ọ́bée ọ́btsíu tọkọ ha mu amọ́wanlín mọ́ dinka mọ́sọ, ọ́lọwanlín ọ́bée, “Mu dá gyí ‘Yohane.’” Ilofwie amó fẹ́é́t. ⁶⁴ Inu mu ọ́dandọ́ lesankí, ọ́lọtọ́i kánfọ́ Bulu. ⁶⁵ Ifú lekítá apíọ́ aba ámu fẹ́é́. Alí asón anfi leklei wá Yudea abọsọ awúlu amu fẹ́é́t. ⁶⁶ Ọ́hagyíọ́ha ání olonu asón anfi léfíté mu ịwí ọ́bée, “Ntọ́ ọ́bí kebi anfi ọ́bọ́bwe ekekọ́?” Tsúfẹ́ ọ́lọwankí amó ání Bulu ịbí dín muvo.

Sakaria Bulu Kanfọ Iw

⁶⁷ Inu á, Ọ́je Wankíhé lóbulá Sakariatọ, ọ́lọwa asón ání Bulu lapóhá mu bíl ịbí.
⁶⁸ Ọ́bée,

“Mliha akanfọ́ aní Wíe Israel Bulu.
Tsúfẹ́ alabele mu ahá, há anlagyi ịwí.
⁶⁹ Alalé Ọ́họpụ Ọ́wonlínpọ́ ọ́kọ
tsú mu osúmpọ́ Owíe Dawid abusuantọ há aní.
⁷⁰ (Fẹ́ alá ọ́leblí tson mu ọ́nósó atọ́pọ́ wankíhé amọ́sọ tswí dododo.)
⁷¹ Ọ́bée, méle aní tsú aní alupó
pọ́ ahá ání ọ́bọ́tamafia aní ịbító.
⁷²⁻⁷³ Ọ́bée, mọ́wun aní anáin nwe.
Ọ́metan mu ntam wankíhé amó ọ́leka há aní náin Abraham amọ́sọ.
⁷⁴ Ọ́bée, méle aní tsú aní alupọ́ ịbító,
mémí abétalí súm mu, anuméenya adón ifú.
⁷⁵ Ọ́bẹ́ha abọ́bwe mu ahá,
bwé yilé mu ansísó aní nkpatọ́ fẹ́é́.

⁷⁶ Mí bí, fọ́ mọ́ á, ahá bétí fọ́ bée, ‘Ọ́sósúósú Bulu ámu ọ́nósó atọ́pọ́.’

Tsúfẹ́ fégya aní Wíe nkpa,
lá ọ́kpa há mu.
⁷⁷ Fẹ́bláa mu ahá fée, Bulu ọ́bétalí họ́ amó nkpa

tson lakpansikiésó.

78 Aní Wie Bulu nnewúwun sù
Kristo amù òbédalí fè owí tsú òsósó ba aní wá.

79 Òbówankí wólí ahá ámóú bɔtsie oklúntò pò lowu òkpasu ámu fèésó.

Òbékpa aní tson iwílwíi òkpasu.”

Iní Sakaria lópumá m̀w asón anó ní. 80 Kebi ámu lédan, nya Ɖ̀hétó òwunlín. Oletsíá dimbísó alu ýfɔn ekéá òlele iwí òwan súná Israelfo.

2

Yesu Kristo Kwí (Mateo 1:18-25)

1 Alí bré ám̀tò á, Roma owie dehen Augusto lówa mbla òbée, buklaá ahá aní b̀b̀bu Romafò así fée, ab̀wanlín amó adá. 2 M̀g̀yí ahákla gyankpapu ní. Alí bré ám̀tò á, oyin òkòá b̀t̀etí m̀w Kirenio dé Siria òm̀ásó gyí. 3 Iní sù òhagyíòha lóyò dá òwanlínkpá m̀w onutó wúluto.

4 Yosef é l̀k̀k̀sú tsú Nasaret wúlú aní ibu Galilea òm̀átó d̀w ý Yudea òm̀átó, Owíe Dawid wúluto Betlehem. Tsúfè Owíe Dawid m̀w na ógyi. 5 M̀wa Maria amóú bapóhá m̀w b̀e ɔtsía, òna odwínsu ámu nyo lóyò dá ámu òwanlínkpá. 6 Bréá b̀b̀bu Betlehem inu á, ikwí lèkan Maria, 7 òk̀kwí m̀w bití, ogyi oyin. Ɖ̀lekúklú m̀w wá tatídato, pò m̀w tswí mbwí atogyihé dákato, tsúfè b̀menya otsiákpá afóó òswúkpá.

Akúfa Akpapó Pó Bulu-ab̀p̀p̀

8 Alí bré ám̀tò á, akúfa akpapó aku b̀b̀bu inu fón dimbító, b̀d̀e amó akúfa iwí gyo onyé. 9 Bulu-òb̀p̀p̀ lélè iwí òwan súná amó, Bulu numnyam lówankí wólí amósó. M̀w sù ifú lehíe kítá amó. 10 Inu á, Bulu-òb̀p̀p̀ amu lébláa amó òbée, “M̀l̀m̀ányá ifú! M̀l̀kí, napó ason wankláán aní íb̀wá m̀la ayító ahá fée ansigíyí ba m̀l. 11 Ndé bakwí nkpa Ɖ̀hòp̀, aní Wie Kristo, (òhá ám̀tò Bulu ladá m̀w ofúli amu) há m̀l. Owíe Dawid wúluto! 12 Tóá m̀l̀p̀b̀b̀í m̀w gýí, m̀l̀wun kebi b̀b̀wé òkòá bapó tatida kíklí m̀w iwí, òda mbwí atogyihé dákato.”

13 Ɖ̀tsáwòle pé á, Bulu-ab̀p̀p̀ tsòtsòtsò b̀eba b̀etsíá Bulu-òb̀p̀p̀ am̀tò, b̀d̀e Bulu kanfó b̀e, 14 “M̀l̀ha apu numnyam ha Buluá òb̀ òsósósú!

Iwí ilwíi ahá aní Bulu ansí tegyi amó iwí òsulósu.”

15 Bréá Bulu-ab̀p̀p̀ amu beyínkí ý òsósó á, akúfa akpapó ámu b̀ebláa aba b̀e, “M̀l̀ha ayo Betlehem, ayekí itó ánfí ilaba, Bulu lalé súná aní ánfí.”

16 Iní sù b̀wá asa yó. Lélé á, bowun Maria m̀wa Yosef pò kebi b̀b̀wé amu, òda mbwí atogyihé dákato. 17 Bréá bowun kebi ámu a, b̀e m̀w iwí asón ám̀tò bonu ámu blí. 18 Akúfa akpapó asón ánfí lówa ahá aní bonu m̀w fée wánwan. 19 Táme Maria m̀w lékítá asón ámu fée wá nwunto, tsíá gywín m̀w iwí. 20 Bréá akúfa akpapó ámu beyínkí b̀yó á, buna b̀d̀e Bulu adábi da, kánfó m̀w, asón ám̀tò bonu pò itó ám̀tò bayówun fè alí ám̀tò Bulu-òb̀p̀p̀ amu lébláa amó ámu sù.

Yesu Idá Dinká

21 Kebi ámu obuto òleké á, b̀etn m̀w keté, d́nká m̀w dá Yesu. Idá ánfí Bulu-òb̀p̀p̀ amu léha m̀w asa m̀w yin lénya m̀w òm̀é ní.

Yesu Poya Bulu Ɖ̀tswékpá

22 Bréá m̀w akwíró b̀gyòráa iwí Mose Mbla ònó l̀f̀on a, b̀p̀p̀ m̀w d̀w ý Yerusalem, pò m̀w yópp̀ wá Bulu íb̀tò. 23 (Tsúfè b̀wanlín wá Mose Mbla ám̀tò b̀e, “Ilehíán aní Israelfo b̀p̀p̀ amó bití okugyíòkò há Bulu.”) 24 M̀w sù b̀yó́b̀o afódié ámu Mbla ámu ònó. Abróðuma anyò ntée aklobi anyò b̀p̀p̀b̀b̀ alí afódié ánfí há Bulu.

25 Alí bré ám̀tò á, oyin dehen òkò b̀u Yerusalem, b̀t̀etí m̀w Simeon. Yilé òb̀wepó ógyi, otenyá Bulu ifú. Ɖ̀je Wankihé b̀u m̀w sù, otsie ogyo bréá Bulu òb̀p̀p̀ Ɖ̀lepó ba m̀w ahá Israelfo. 26 Ɖ̀je Wankihé amu léle súná m̀w aní omóowu, ýfɔn bréá alawun Kristo, (òhá ám̀tò Bulu ladá m̀w ofúli amu) asa. 27 Ɖ̀je Wankihé amu léha Simeon lóyò Bulu òtswékpá wunsinésó. Alí bré ám̀tò á, Yesu akwíró baba m̀w amándíé ánfí òb̀wekpá fè alhá Mose Mbla ámu léblí. 28 Inu Simeon l̀h̀o kebi b̀b̀wé amu, òlekanfó Bulu òbée,

29 “Mí Wíé! Asón ám̀tò fèblí tswí amu ilaba mótó.

Séi m̀w á, mí fú osúmbi anfi nétalí wú iwílwíitò ngya.

30 Tsúfè mí onutó napó mí ansíbi wun Ɖ̀lepó ámu.

31 Fú onutó falá m̀w b̀wé ahá fée ansító.

32 Wankí ogyi, òbélè fú súná ahá aní b̀megyí Israelfo, pò numnyam ba fú ahá Israelfo.”

33 Asón ánfí Simeon léblí tsú kebi b̀b̀wé anfi iwí léha ònó lobwie m̀w akwíró. 34 Simeon lóyulá amó, òlebláa obí m̀w yin Maria òbée, “Ina kebi ánfí sù Israelfo òfan bédida, òfan é b́lí. Osúna ogyi tsú Bulusu, ahá b̀k̀k̀sú líí m̀w sù. 35 Iní sù Bulu òb̀éha ahá tsòtsòtsò klònsu asón b́lín òwan. Fó é á, awírehò b́híe kítá fú klón. Ib̀hò fú asin fè òdayí íya anyò bakpié yi fu.”

³⁶ Ɔtsi dehen akwa ogyi Bulu onósó ɔ́táipó é bu unu. Mu dá gyí Hana. Mu si gyí Fanuel, ɔtsú Asa abusuanto. Ɔtsi dehen anfi muu mu kulu betsiá aba nfinnsienó, mu kulu lówu. ³⁷ Olosu isora alu bəfɔn bréá ɔ́lɔ́hɔ nfi adukwe-na (84). Ɔlɔ́pu Bulu ɔ́tswékpa wunsinésó unu mlí mu ɔ́dukpa, ɔ́de Bulu súm, klí ɔ́nɔ́, bó mpáí ɔ́pa múa onyé. ³⁸ Mu é ɔ́ledali ba bekanfó Bulu, blí kebi bəbwe amu iwí asón súná ahá ámbó bude Yerusalemfó iwígyí ɔ́kpa kí amu.

Yesu Yinkla Ya Nasaret Wúluto

³⁹ Bréá Yesu akwáipó bəbwe amándíé ámu tá Bulu mbla ámu ɔ́nó á, beyinkí kplí yó amú wúluto Nasaret, Galilea ɔ́sólósu. ⁴⁰ Kebi ámu lédan, nyá ɔ́wɔ́nlín, nyá nyánsa, Bulu é lóyulá mu.

Yesu Bu Bulu Ɔ́tswékpa

⁴¹ Yesu akwáipó butetsiá yó Yerusalem yégyi Israelfósu Katsɔn Nke offigyíofi. ⁴² Bréá Yesu lóhɔ nfi dúanyó á, muu amónyó bəyó nke ámu ogyíkpa fé alíá bətəyó yáí. ⁴³ Bréá begyi nke ámu tá beyinkí á, Yesu akwáipó bəmɛbi ání alasin unu. ⁴⁴ Buki bɛɛ muu mu abanyó ná. Mú su benafí ekewóle owító asa bəwa mu dunká apíó abato bi. ⁴⁵ Bréá bodunká mu kásián á, beyinkí yó Yerusalem, yódundá mu. ⁴⁶ Eke sáási a, boyówotí muu Bulu ɔ́tswékpa wunsinésó unu. Otsie Mose mbla asunápó wá, ɔ́de asu yáa amú asóntó, ɔ́de amú asón fité. ⁴⁷ Ɔ́nó lobwie ahá ání bəbɔ unu féé, tsú alíá ɔ́de asón ámu asi nu pú alíá ɔ́de mú ɔ́nó le. ⁴⁸ Ɔ́nó lobwie mu akwáipó bréá bowun mu. Mu yin léfité mu ɔ́bɛɛ, “Mí bí, ntogyi su fabwé aní alí? Mía fú sínýo ansi lapé anidé fú dunká.”

⁴⁹ Inu Yesu léfité amú ɔ́bɛɛ, “Ntogyi su mlidé mí dunká? Ilehíán ání mlébi ání mí Sí wóyító nétsiá.” ⁵⁰ Táme mu akwáipó bəmonu asón ání ɔ́de amú bláa asi.

⁵¹ Muu amónyó beyinkí yó Nasaret, ɔ́leba iwíasi há amú. Maria lékítá asón ámu féé wá kpawunuto, tsíá gywíin mú iwí. ⁵² Yesu lédan, wa ɔ́wɔ́nlín, nyá nyánsa, Bulu múa anyánkpoša féé ansi legyi mu iwí.

3

Asú Ɔ́bopó Yohane Bulu Asón Ɔ́kanda

(Mateo 3:1-12; Marko 1:1-8; Yohane 1:19-28)

¹⁻² Roma owíe dehen Tiberio iwígyí ofi dúanusító á, Bulu lébláa mu igyi ɔ́hapó Sakaria mu bi Yohane dimbísó ɔ́bɛɛ, ɔ́dáa mu asón ɔ́kan. (Alí bré ámɔ́tə á, Pontio Pilato dé Yudea ɔ́másó gyí. Herode dé Galilea ɔ́másó gyí. Herode mu dehen Filipino é dé Iturea pú Trakoniti ɔ́másó gyí, Lisania é dé Abilene ɔ́másó gyí. Bulu igyi ahapó dehen ání bəbɔ unu alí bré ámɔ́tə é gyí Hana mu Kaiafa.) ³ Mú su Yohane léki Jordan bənkpa ɔ́nɔ́, ɔ́de ɔ́kan da blí ɔ́bɛɛ, “Mludamli klɔ́ntə, amlisi lakpan bwe. Bulu osikie mlí, ambə mlí asú.”

⁴ Bulu ɔ́nósó ɔ́táipó Yesaia lówanlín Yohane iwí asón wá mu ɔ́wólótó ɔ́bɛɛ,

“Ɔ́ku déklɔ́n dimbísó ɔ́bɛɛ,

‘Mlila aní Wíe ɔ́kpa.

Mlitswii ɔ́kpa ha mu!

⁵ Mlitin bənkpa kugyíku,

amlubwiebwie abu múa nkúku féé.

Mlitswii ɔ́kpa,

amlila músó wankláán.

⁶ Ahá féé bəwun Bulu nkpháɔ́.”

⁷ Ɔ́dɔ́m beba Yohane wá bɛɛ, ɔ́bó amú asú. Ɔ́lefíté amu ɔ́bɛɛ, “Abe abí-aná, ntə gyá mlí, mlisrí Bulu isubítí ámbó íbá ámu? ⁸ Mómó mliswie abí oduá íbósuná ání lélé mliladámli klɔ́ntə. Mlumáki mlíaa, mlí náin gyí Abraham. Nde mlí bláa mbéɛ, Bulu ɔ́bétalí há abwi anfi íbédamli Abraham abí-aná. ⁹ Séí á, Bulu lapó efé yi nyi-atsitsito. Oyígyíoyí ání imoswie abi wankláán á, bókun mú dá, wá mú féé ogyá.”

¹⁰ Ɔ́dɔ́m amu befíté Yohane bɛɛ, “Ntə mɛɛ abwéé?”

¹¹ Yohane lébláa amú ɔ́bɛɛ, “Fóá fubɔ atadie anyó á, pu kule ha ɔ́há ání ɔ́ma kuku. Fúá fubɔ atogyihe é bwe mú alí.”

¹² Lampó ahápu aku é beba asú ɔ́bəkpa. Befíté Yohane bɛɛ, “Osunápó, ntə ilehián ání abóbwe?”

¹³ Yohane lébláa amú ɔ́bɛɛ, “Mlumátswí dunká ahá. Mlilɔ́ tóá bɛɛ mlilɔ́.”

¹⁴ Ísá akəpó aku é befíté Yohane bɛɛ, “Aní é mé, ntə abwéé?”

Yohane lébláa amú ɔ́bɛɛ, “Mlumápu ɔ́wɔ́nlín swíí ɔ́haa kóba, ntéé wá afunu dínká ɔ́haaso. Mlí akatua igyi mlí ansi.”

¹⁵ Iníá amú ansi dun Kristo amusu, bude mu ɔ́kpa kí su á, uməwánkí amú ní Yohane gyí Kristo amu. ¹⁶ Mú su Yohane lébláa amú ɔ́bɛɛ, “Ɔ́kúá ɔ́dɔ́n mi bu ɔ́ma ɔ́bá. Mmɔ́fon ání nésankí mu ntəkota ɔ́fé kóráá. Mí mú á, ntsu ndepóbó mlí asú. Mu ɔ́bəpu Ɔ́he Wankíhé pú ogyá bó mlí asú ní. ¹⁷ Ɔ́de mu ún, ɔ́bəpufíni ntéé lé ayó ámɔ́tə. Ɔ́békpa ayó ámu wá mu oduduto. Táme

ɔbɛfɛi ofunikpá mu wankláán, kpá ntéte amu wá ogyá áni utamadunto.” ¹⁸ Yohane léda ason wankláán ámu akan, bláa ahá ámu asón tsɔtsɔtsɔ ɔbɛɛ, buɔámli klnto.

¹⁹ Iso ogyípo Herode laswíi mu dehen Filipino mu ka Herodia tsíá, trá bwe lalahɛ tsɔtsɔtsɔ tsíá mótó. Mó su Yohane lékiná há mu. ²⁰ Móá idun kóráá gyí, Herode léha bekitá Yohane wá obu.

Yesu Asubo

(Mateo 3:13-17; Marko 1:9-11)

²¹ Bréá Yohane dé ahá ámu asú bɔ á, Yesu é léba, Yohane lóbo mu asú. Bréá Yesu dé mpáí bɔ á, nwólótáa lefinkí, ²² Ɔɛ Wankíhé lédamli fɛ abróduma, kpíli bogyonká musu. Ɔme ku lotsu ɔsósó ɔbɛɛ, “Fúgyi mí bíá ntɔdwé, mí ansí tɛhíé gyi fú wí ní.”

Yesu Anɔin Ilinto

(Mateo 1:1-17)

²³ Bréá Yesu lóho fɛ nfi adɔasa á, olefi Bulu asón ɔkanda asi. Ahá mó buyin áni Yosef mu bi ní. Yosef mu sɪ gyí Eli. ²⁴ Eli mu sɪ gyí Martat. Martat mu sɪ gyí Lewi. Lewi mu sɪ gyí Melki. Melki mu sɪ gyí Yanai. Yanai mu sɪ gyí Yosef. ²⁵ Yosef mu sɪ gyí Martatia. Martatia mu sɪ gyí Amos. Amos mu sɪ gyí Nahum. Nahum mu sɪ gyí Hesli. Hesli mu sɪ gyí Nagai. ²⁶ Nagai mu sɪ gyí Mahat. Mahat mu sɪ gyí Martatia. Martatia mu sɪ gyí Semein. Semein mu sɪ gyí Yosek. Yosek mu sɪ gyí Yoda. ²⁷ Yoda mu sɪ gyí Yohanan. Yohanan mu sɪ gyí Resa. Resa mu sɪ gyí Serubabel. Serubabel mu sɪ gyí Sealtiel. Sealtiel mu sɪ gyí Neri. ²⁸ Neri mu sɪ gyí Melki. Melki mu sɪ gyí Adi. Adi mu sɪ gyí Kosam. Kosam mu sɪ gyí Elmadam. Elmadam mu sɪ gyí Er. ²⁹ Er mu sɪ gyí Yosua. Yosua mu sɪ gyí Elieser. Elieser mu sɪ gyí Yorim. Yorim mu sɪ gyí Martat. Martat mu sɪ gyí Lewi. ³⁰ Lewi mu sɪ gyí Simeon. Simeon mu sɪ gyí Yuda. Yuda mu sɪ gyí Yosef. Yosef mu sɪ gyí Yonam. Yonam mu sɪ gyí Eliakim. ³¹ Eliakim mu sɪ gyí Melea. Melea mu sɪ gyí Mena. Mena mu sɪ gyí Martata. Martata mu sɪ gyí Natan. Natan mu sɪ gyí Owíe Dawid. ³² Owíe Dawid mu sɪ gyí Yisai. Yisai mu sɪ gyí Obed. Obed mu sɪ gyí Boas. Boas mu sɪ gyí Salmon. Salmon mu sɪ gyí Nahson. ³³ Nahson mu sɪ gyí Aminadab. Aminadab mu sɪ gyí Admin. Admin mu sɪ gyí Arni. Arni mu sɪ gyí Hesron. Hesron mu sɪ gyí Peres. Peres mu sɪ gyí Yuda. ³⁴ Yuda mu sɪ gyí Yakob. Yakob mu sɪ gyí Isak. Isak mu sɪ gyí Abraham. Abraham mu sɪ gyí Tera. Tera mu sɪ gyí Nahor. ³⁵ Nahor mu sɪ gyí Serug. Serug mu sɪ gyí Reu. Reu mu sɪ gyí Peleg. Peleg mu sɪ gyí Eber. Eber mu sɪ gyí Sala. ³⁶ Sala mu sɪ gyí Kainan. Kainan mu sɪ gyí Arfaksad. Arfaksad mu sɪ gyí Sem. Sem mu sɪ gyí Noa. Noa é mu sɪ gyí Lamek. ³⁷ Lamek mu sɪ gyí Metusela. Metusela mu sɪ gyí Enok. Enok mu sɪ gyí Yared. Yared mu sɪ gyí Mehalaleel. Mehalaleel mu sɪ gyí Kenan. ³⁸ Kenan mu sɪ gyí Enos. Enos mu sɪ gyí Set. Set mu sɪ gyí Adam. Adam é mu sɪ gyí Bulu.

4

Yesu Isóki

(Mateo 4:1-11; Marko 1:12-13)

¹ Bréá Yesu léyinkí tsú Yordan ntsu ɔnó á, Ɔɛ Wankíhé lobolá muɔ, ilekpa mu ya dimbísó. ² Bréá obu mu á, Ɔbunsám létsiá bɔso mu kí nke adɔasa kéké. Yesu mégyii toto nke ámuɔ fɛé. Mó su bréá nke ámu idomo ɔnó á, akón híé de mu.

³ Inu Ɔbunsám lébláa mu ɔbɛɛ, “Ní Bulu mu Bi fúgyi á, mó mó ha ibwi áni idamli bodobodo.”

⁴ Yesu léle mó ɔnó ɔbɛɛ, “Bɔwanlín wá Bulu asón ámuɔ beɛ, ‘Megyi atogyihe wole nyankpɔsa ogyii tsia nkpa.’ ”

⁵ Ɔbunsám lópu mu ya ibu fɔáhé kusu. Olosuná mu ɔyító iwíe ogyíkpa fɛé ɔtsáwole pé. ⁶ Móú ɔlebláa mu ɔbɛɛ, “Nópu ɔmá áni fɛé túmi pɔ amó numnyam há fú, tsúfɛ mí ɔbɔ bapówá. Ɔhá áni ndeklé a, mu nóphá. ⁷ Mó su ní fosúm mí á, nópu mó fɛé há fú.”

⁸ Yesu lébláa mu ɔbɛɛ, “Bɔwanlín wá Bulu asón ámuɔ beɛ, ‘Da akpawunu ha fú Wíe Bulu. Mu nkole fu súm.’ ”

⁹ Ɔbunsám lékpa mu ya Yerusalem, ɔlɔpu mu yélú Bulu ɔswékpa obu ámu ɔtántra. Inu ɔlebláa Yesu ɔbɛɛ, “Ní Bulu mu Bi fúgyi lélé á, tu kpayi. ¹⁰ Tsúfɛ bɔwanlín wá Bulu asón ámuɔ beɛ, ‘Bulu ɔbɛha mu abɔpu béki fusu. ¹¹ Békpata fú ɔbɔ, méní fú yabi mééda ibwi kókusu.’ ”

¹² Yesu léle mó ɔnó ɔbɛɛ, “Betrá wanlín beɛ, ‘Mákapó fú Wíe Bulu kí.’ ”

¹³ Bréá Ɔbunsám lómu isóki áni fɛé ɔnó á, ɔlɔku náti sí mu asa.

Yesu Gyumagyihe Asitsud Galilea Ɔmátó

(Mateo 4:12-17; Marko 1:14-15)

¹⁴ Ɔɛ Wankíhé túmi lekpa Yesu, oleyinkí yó Galilea ɔmátó. Mu wí asón lekíé wa ɔmá ámu fɛé. ¹⁵ Oletsíá súná ató Yudafɔ ofiakpa, ahá ámu fɛé bekanfó mu.

Bumáho Yesu Mo Wúlutó

(Mateo 13:53-58; Marko 6:1-6)

¹⁶ Inu Yesu léyinkí bá Nasaret, otínéá oletsíá dan. F é alíá otetsíá bwé á, olɔyɔ Yudafo ofiakpa akpónó odaké. Bréá alakusó yélíú amú ansító obékla Bulu asón á, ¹⁷ botsu Bulu onósú otáírú Yesaia ɔwóló há mu. Olesankí mú á, olowun otinekoá bɔwanlín wá bee,

¹⁸ “Aní Wie Bulu ladá mí ofúli.

Iní sɔ mu ɔɣé bu muso.

Alalé mí obéé, ndáa ason wankláán ámu okan suna ahá aní boma tɔtɔ.

Obéé, mbébláa nkpábi mbéé, masí amú iwí há amú.

Mí ambla ansibi abwiepó mbéé, mabwíí amú ansíbi.

Obéé mbébláa ahá aní bode amú ipiantó wa é mbéé, malé amú ipiantó.

¹⁹ Fówun mí ambli mbéé,

aní Wie ahá nwewúunbi lafon.”

²⁰ Inu olokuntá ɔwóló ámu, yínkíá ha mósó okípu, olɔwóí tía asi. Ahá ámúú bubu ofiakpa unu ámu fée besi bode mu kíí díín. ²¹ Inu Yesu lébláa amú obéé, “Nde, Bulu ason wanlínhé anfi laba mótó. Mó mldanú á.”

²² Ahá ámu fée bonu ason wankláán ámúú dedali mu onó ámu. Onó lobwie amú, befité bee, “Megyí Yosef mu bi ámu ní?”

²³ Yesu lébláa amú obéé, “Nyin aní mléha mí yébi anfi mhaa, ‘Ilo ɔtsapó, tsa fú iwí!’ Mlélabláa mu mhaa, ‘Bwe ató ámúú anlanú aní fódébwé Kapernaum amú fú wúluto nfi é.’”

²⁴ Inu oleyinkí bláa amú obéé, “Onokwali nde mli bláa. Bɔtamaho Bulu onósú otáírú okoku asón mu wúluto.

²⁵ “Mlinu, Bulu onósú otáírú Elia bisó á, nyankpu mótswié nfinsa móa ifon kéké. Akón lehie ba Israel omátó fée. Ibo mótó aní asurapu tsotsɔtsɔo betsiá Israel omátó alí bré ámúú, ²⁶ táme Bulu méha Elia ɔyɔ amótó okoku wá. ɔsurapu okwá ɔbo Sarefat wúluto, Sidon omátó nkole wá aleha mu ɔyɔ. ²⁷ Ilo pepe alópó tsotsɔtsɔo é betsiá Israel omátó Bulu onósú otáírú Elisa bisó. Táme oméha okoku iwí meplí, don Naaman aní otsú Siria nkole.”

²⁸ ɔblí lehie kítá ahá ámúú bubu ofiakpa unu ámu, bréá bonu Yesu ason blíhé anfi. ²⁹ Bokosó gya mu dáli amú wúluto. Wúlu amú idin buso. Begya mu alí yówie wúlu amú onó, bee abowuta mu wa tsonkolito. ³⁰ Yesu lénatí tsun amótó yó otínéá ɔyɔ.

*Yesu ɔɣe Laláhe Gyáa
(Marko 1:21-28)*

³¹ Inu Yesu lékplí yó Kapernaum, Galilea wúlu kuto. Olosuná amú ató amú ofiakpa akpónó odaké. ³² Mu atosunáhé lobwie amú onó, tsúf é olosuná amú ató túmí sɔ. ³³ Oyin oku bu ofiakpa unu, ɔɣe laláhe bu muso. ɔlɔkplón blí obéé, ³⁴ “Kí mí! Yesu Nasaretyin, amanso bu ania fonnyo nsuné? Ntée aní okhikpá fehá lóó? Nyin ohá odua fógyi. Fógyi Bulu oha Wankihé amu ní!”

³⁵ Yesu lókplon wa ɔɣé ámu obéé, “Kpa onó bun, afɔdali muto.” Inu ɔɣe laláhe amú léfin oyin ámu dá ahá ámúú unu, dáli muto. Tɔtɔ mɔbwe mu.

³⁶ Onó lobwie amú fée, befité aba bee, “Amanso ní? Oyin anfi bu túmí, ɔdekplón wa ɔɣe laláhe, ide mu bu, dáli ahátó?” ³⁷ Mu iwí asón leklei wá omá ámu féeótó.

*Alɔpu Tsotsɔtsɔo Tsa
(Mateo 8:14-17; Marko 1:29-34)*

³⁸ Yesu lédali Yudafo ofiakpa unu yó Simon wóyító. Olɔyɔ á, owísó lakítá Simon mu sia tsíhé, oda kínkínkín. Bebláa Yesu bee, ogyíí mu buale. ³⁹ Yesu lókpkpé tó ɔtsi ámu, ɔlɔkplón wa owísó ámu obéé, ikósu muso. Inunu ilakusó muso, ɔtsi ámu lókusó bwé amú afóótó.

⁴⁰ Bréá owí deta á, ahá bɔsorá amú ahá aní bode ilo ɔtsan-ɔtsan lo ba, Yesu lópu ibi dínká amósú tsá amótó okugyíloko ilo. ⁴¹ ɔɣe laláhe bu amótó akoto. Yesu lókplon wa ɔɣe laláhe amu. Bedali, bode okitíkítí bee, “Fógyi Bulu mu Bi ámu ní.”

Táme Yesu lówa mbli wá ɔɣe laláhe amu aní bómátóí, tsúf é buyin aní mugyi Kristo, (ohá ámúú Bulu ladá mu ofúli amu) ní.

*Bulu Asón Okanda Yudafo Ofiakpa
(Marko 1:35-39)*

⁴² Mó ɔyi kehe bake á, Yesu lédali wúlu amúú yó itsétó otineko. Ahá bodunká mu alí yóto mu, bokokóli mu bee ománatí sí amú. ⁴³ Táme ɔlebláa amú obéé, “Ilehían aní néda Bulu iwíwegyi iwí ason wankláán ámu okan awúlu atráhe amú ésó. Tsúf é mó obwekpá Bulu lówa mí ní.”

⁴⁴ Iní sɔ oleki Yudea omátó fée, dá Bulu ason wankláán amu okan amú ofiakpa.

1 Eke oku Yesu lí Genesaret paati* onó, ahá tsotsotsotsa beba boputá mu ání bónu Bulu asón. 2 Olowun nklun anyo paati ámu onó. Aye alepó ámu bakplí yó bode amó asawuto da. 3 Yesu lódu wíe koleá igyi Simon klétó. Móó òlebláa Simon òbée, osún mó kpalobí dínka ntsuso. Ino oletsíá móto súná ahá ámu ató.

4 Bréá òloto tá á, òlebláa Simon òbée, “Mlupla òklun amu ya okluklúkpá, amlyòtswi asawu le aye.”

5 Móó Simon lébláa mu òbée, “Owíe, anúlòbwe kásián igye onyé fée, anuménya tóto. Táme iná fée ayó, su nýòtswi asawu amu.” 6 Bréá bayòtswi asawu amu a, bele aye tsotsotsa. Mó su asawu amu lówa tití bi. 7 Ino bəbwe ibi tí amó agyómá ayobá ámuó bəbu òklun nyòtsiá ámu beé bəbetsa amó. Bəba bətsa amó, bele aye amu bóla nklun anyo ámu déédéé, ideklé me.

8 Bréá Simon Petro lówun mó alí á, òlèda akpawunu Yesu ayabito, bláa mu òbée, “Mí Wíe, mákpokpé mantáa mi! Lakpan òbwepó ngyl.”

9 Tsúfée aye amó balé ámu lówa mu a, abá ámu wánwan. 10 Alí kén lówa Sebedeo abí Yakobo mu Yohane, bəgyi Simon agyómá ayobá ámu é wánwan ní.

Móó Yesu lébláa Simon òbée, “Mánya ifú! Tsú nde póya a, anyánpósa fée.” 11 Simon mu a, abá ámu benya plá nklun amu besi otsubúno alí, besi tógyító tswi, kplá buo Yesu.

Ilo Pepe Olópo Oku Tsa
(Mateo 8:1-4; Marko 1:40-45)

12 Eke oku Yesu bu wúlu kusu, ilo pepe olópo oku lówun mu. Ino òlebede akpawunu, pó òsokpi yi òsuloto, kókóli mu òbée, “Owíe, ní fòtsulá á, fétalí há mí iwí bəplí.”

13 Yesu létunkí ibi da mu, bláa mu òbée, “Natsúlá, fú iwí iplí.” Inonu ilo ámu léna le mu iwí.

14 Ino Yesu léda mu ólá òbée, “Mábla óhaa. Natí laa afopu fú iwí yosuná Bulu igyi óhapó, afuha mu iwigyoráto amóó Mose mbala losuná tsú ilo pepetsa iwí ámu. Igyi adánsie suna ahá ání fú iwí iplí.”

15 Táme Yesu iwí asón létrá kléi yó ntíné dínká móso. Ódam beba mu atosunáhé onukpá, ótsa amótó alopu é ilo. 16 Táme oletsíá dáli amótó bré ku yó dímbísó ótneko mu nkole yóbo mpá.

Tsukole Osínpu Tsa
(Mateo 9:1-8; Marko 2:1-12)

17 Eke oku Yesu dé ató suná. Farisifo, Mose mbala asunápó akóá botosú Galilea pó Yudea ómátó pó Yerusalem beba betsiá así mu. Bulu túmi bu Yesuto há ilotsa. 18 Ino á, ayin ako bəsərá tsukole osínpu akpasu ba. Bekleá bəpu mu wíe wóyító, pó mu tswi Yesu ansító. 19 Ódam amu su bomenya ókpa. Iní su bayódo obu ámu awunso, dá mó ótneko tíi, beklíá akpa amu tswi ahá ámuto Yesu ansító mu. 20 Bréá Yesu lówun ání bahə mu gyi a, òlebláa tsukole osínpu amu òbée, “Opíó, nasí fú lakpan kíe fú.”

21 Mose mbala asunápó pó Farisifo ámu beblí wá nwunto beé, “Ma gyi oyin ání óde abususó blí ání? Ma óbetalí sí lakpan kíe ahá don Bulu nkole?”

22 Yesu lébi amó agywun. Mó su òlefíté amó òbée, “Ntogyi só mlidé iní odu gywín? 23 Məmu ləpən ha blí? ‘Nasí fú lakpan kíe fú.’ lóó, ntée ‘Kusu tsu fú akpa afonati?’ 24 Táme ndekléá mlíbú ání mí, Nyankpusa-Mu-Bi ání mbu túmi óyí ánífító sí ahá lakpan kíe amó.” Ino òlebláa tsukole osínpu amu òbée, “Nde fú bláa mbée, kusu. Tsu fú akpa afonati yó wóyí!”

25 Inononno tsukole osínpu amu lókusó líi amó fée ansító, tsú mu akpa, olópo ókpa óyó wóyí óde Bulu kanfó. 26 Onó lobwie ahá ámu fée. Ifú lowie amó fée, bekanfó Bulu beé, “Nde anlawun ofúla!”

Lewi Ti
(Mateo 9:9-13; Marko 2:13-17)

27 Mó óma bréá Yesu lédalí mu á, olowun lampóó óhəpu ókóá butetí mu Lewi, tsie mu lampóó óhəkpa. Yesu lébláa mu òbée, “Bobuo mi.” 28 Ino Lewi lókusó, sí mu tógyító ómagyáa, yóbuo mu.

29 Mó óma a, Lewi lótswi ópúnó mu wóyító há Yesu. Lampóó ahəpu tsotsotsotsa pó aha bambá é beba ató ámu ogyíkpa. 30 Farisifo pó Mose mbala asunápó ání bubu Farisifo ámuto befité Yesu akasípó amu beé, “Ntogyi só mlia lampóó ahəpu pó lakpan abwepó mlidé ibi wa gyi ató, mlidé ntá nú?”

31 Yesu léle mó onó òbée, “Aləpu léhián ilo ótsapó, megyi ahá ání iwí bu amó onlu. 32 Mmēba aha wankláán ótkpá. Mbouín lakpan abwepó ótkpá neba, méní bédamlí klonto.”

Onókli Iwi Asón Fitéhé
(Mateo 9:14-17; Marko 2:18-22)

33 Aha aku bebláa Yesu beé, “Asú Óbopó Yohane akasípó butetsíá klí onó bó mpá. Farisifo akasípó é butəwé alí, támé fú akasípó mó bodegyí, bodenú.”

* 5:1 Genesaret paati: Mó kén gyí Galilea opu ni.

³⁴ Yesu léfité amó òbée, “Ọtsi ọkpaínrọ anyawie békli ọnó bréá ọbọ amó wá? Ẹkẹkẹkẹ!
³⁵ Táme ẹkẹ ọkọ bẹba ání békpa mu náti sí amó. Alí nke ámuwá békli ọnó ní.”
³⁶ Inu ọlẹha amó yébi ọbée, “Ọhaa tamapó tati pọpwe tan tati dada. Ní ọbwe mó alí á, alayíntá pọpwe amu, pọpwe amu pọ dada amu ansí é iméekanáa aba. ³⁷ Alí kén butamapó nta pọpwe wá ọwóló-kpákpá kente wuhétó ní. Nta pọpwe amu íbófu fá kente amu tsítsá, yíntá kente amu é. ³⁸ Iní su ọwóló-kpákpá kente pọpwewá bótápó nta pọpwe wá. ³⁹ Ọhaa tamafíté nta pọpwe su bréá alanu dánhe. Tsúfẹ ọteblí ọbée, ‘Ídánhe amu bọ alé dón.’ ”

6

Ọkpónó Ọdaké Mọ Wie
(Mateo 12:1-8; Marko 2:23-28)

¹ Yesu mwa mu akasípó bọtsọn ayó ndọ kọtọ ọkpónó ọdaké. Mu akasípó amu bọprọun atọ-abí ámu kọ, bọpọsáa mú wí. ² Farisifó ámu akọ bẹfité amó bẹe, “Ntogyi só mlidé t́sá aní mbla meha ọkpa ání bọbwée ọkpónó ọdaké bwe?”
³ Yesu léfité amó ọbée, “Mlunókókla nu t́sá Owíe Dawid lóbwe bréá akón de mwa mu abúọpọ kí? ⁴ Olebitiwíe Bulu osúmka yótsu bọdọbọdọá bapóhá Bulu igyí ba, mwa mu abúọpọ amu begyi. Bulu igyí ahapó nkọle bẹle ọkpa bótẹgyi alí bọdọbọdọ amu.”
⁵ Móú Yesu ọlẹmọ mu asón ọnó ọbée, “Mí, Nyankpọsa-Mu-Bi ánfí gyí ọkpónó ọdaké mu wie.”

Ilọtsa Ọkpónó Ọdaké
(Mateo 12:9-14; Marko 3:1-6)

⁶ Yesu lóyọ atọ osunákpá Yudafo ofiakpaọkpónó ọdaké bámbá. Oyín ọkọá mu gyọri ibi lawú bọ unu. ⁷ Mose mbla asunápó pọ Farisifó akọ bẹte Yesu kí bẹe, ọb́tsa ilọ ọkpónó ọdaké, méni bénya mu iwí asón, pọyénatí musọ súná ahande. ⁸ Yesu yin amó nwuntọ asón. Mó su ọlebláa oyin ámu mú ibi kọle lawú amó ọbée, “Kọsọ belí amó ansító nfi.” Inu oyin ámu lókọsọ belí amó ansító. ⁹ Móú Yesu lébláa amó ọbée, “Nde mli fité, ntọ mbla ámu léha ọkpa ání abwée ọkpónó ọdaké? Yilé lóó, ntée lalahe? Ahóọ ọha nkpa lóó, ntée amó mu?” ¹⁰ Inu ọlẹdamli kí amó f́f́é fiá. Móú ọlebláa oyin ámu ọbée, “Tinkí f́f́ ibi amó.” Olenya t́nkí ibi amu alí pé, ọjẹ lowie mótó.
¹¹ Ọbló lekítá amó, bẹfité aba bẹe, “Ntọ kóún abéhe bwé Yesu anfi?”

Akasípó Amu Adá
(Mateo 10:1-4; Marko 3:13-19)

¹² Ẹkẹ ọkọ Yesu lódu yó ibọsu yóbo mpáí há Bulu tsú onyé yéha ọyi kehe. ¹³ Mó ọyi kehe a, ọletí mu akasípó, ọlele amótó dúanyọ, ọletí amó mu sumbí ayọpó. ¹⁴ Amógyí, Simon ání ọledunká mu Petro mwa mu pio Andrea; Yakobo mwa Yohane; Filipo, Bartolomeo, ¹⁵ Mateo, Toma, Alfeo mu bi Yakobo, Simon ání ogyi iwíwọtsiá adunkápó ọpasuató ọha; ¹⁶ Yakobo ọkọ mu bi Yuda pọ Yuda Iskariot ání ọlebele Yesu há.

Yesu Atósuná Mwa Ilọ Tsa
(Mateo 4:23-25)

¹⁷ Yesu mwa sumbí ayọpó ámu bekplí tsú ibu ámu su ba ọsólọ tantasọ. Mu abúọpọ tsọtọtsọ pọ ọdọm kpọnkpọnkpọntiá bọtsú Yudea ọmátó, Yerusalem pọ ọpọ ọnó awúlu Tiro mwa Sidonsu beba unu. ¹⁸ Beba bẹe bebá bonu mu ason blíhé, ọtsa amó ilọ. Ahá ání ọjẹ laláhe de amó háan é beba, ọlegya ọjẹ laláhe lé amótó. ¹⁹ Amó f́f́é bekleá bọpọ ibi da mu, tsúfẹ ọjẹ dedalí mótó, ọletsa amó f́f́é ilọ.

Oyúla Asón
(Mateo 5:1-12)

²⁰ Yesu lótsu ansí kí mu akasípó, ọlebláa amó ọbée,
 “Bulu layúlá mliá mluná tọtọ,
 tsúfẹ mlibó mu iwíegyi amu ní.
²¹ Bulu layúlá mliá akón de mli séí,
 tsúfẹ mléba begyi mwe.
 Bulu layúlá mliá mli d́sú séí,
 tsúfẹ mléba bọmási.
²² “Bulu layúlá mliá bọde mli lu, bọde mli gyáa le amótó, síá mli, tí mli ida laláhe mí, Nyankpọsa-Mu-Bi ánfí sọ. ²³ Ansí igyí mli ẹkẹ ámu, amlifuli kpayi ansigyísó, tsúfẹ mli ikaká tsọ ọsúsó. Alí amó anáin bọbwé Bulu ọnósó atóipó amu ní.
²⁴ Táme mli ání mlidanyá iwí séí, mli gyọwí ní.
 Tsúfẹ mli ansigyí f́f́é mlidanyá á.
²⁵ Mli ání mlidamwé séí, mli gyọwí ní.
 Tsúfẹ akón bẹba bekítá mli.
 Mli ání mlidémási séí, mli gyọwí ní.
 Tsúfẹ mléba begyi awirehọ, su.

²⁶ “Mli ání ahá fée bode mli kanfó, mligyowti, tsúfě alí mli anáin bekanfó Bulu ónsós atópó afunupo amo é ní.

Alupódwe

(Mateo 5:38-48; 7:12a)

²⁷ “Táme nde mli ání mlónu bláa mbée, Mlihdwe mli alupó, amlibwe yilé ha amó. ²⁸ Mliyula ahá ání butólwíí mli, amlibó mpáí ha ahá ání butesiá mli. ²⁹ Ní oha ódá fú isoto a, damli nyóosú é ha mu óda. Ní oku óswíí fú tati á, woi fú atadie é ha mu. ³⁰ Ní oku okóli fú ató á, ha mu. Ní oku é ótsú fú ató á, máyóho mó. ³¹ Bwe ha ahá alí fodeklé fée bubwée ha fu.

³² “Ní fú adwepó nkole fótódwé á, ipán mómó fénya? Lakpan abwepó kóráá butódwé amó adwepó. ³³ Ní ohá ání ótóbwé yilé há fú nkole fótóbwé yilé há á, ntogyi só Bulu ódáa fú ipán? Lakpan abwepó é butóbwé alí. ³⁴ Ní ohá ání fuyin ání obénya há fú nkole fotehá ipán a, ntogyi só Bulu ódáa fú ipán? Lakpan abwepó óó butópó ató pan amó aba, yínki ho mó alí. ³⁵ Mó so mlihdwe mli alupó, mlibwe yilé ha amó, mliapan amó ató, mliumáti amó ako, méní Bulu óbéka mli íko tsótsótsó. Fówun mliabwé Ósósóósó Bulu ámu abí. Tsúfě obu awítale há ahá ání ató tamagyi amó ansí pò aha laláhe fée. ³⁶ Mlibwe nwe awúnpu fě alí mli Sí Bulu gyí nwe owúnpu.

Ilále

(Mateo 7:1-5)

³⁷ “Mliámale ahá ilá, méní Bulu méele mli ilá. Mliháha ohaa ipón, méní Bulu é oméeha mli pón. Mlisi mli aba ilá kie amó, Bulu osi mli klé kie mli. ³⁸ Mliha ahá tóá de amó hián, Bulu óbálahá mli. Óbópó ato susúhe wankláán wá mó, wósóu mó, sílá mó, íbóbulá tsítsá há mli. Tsúfě tóá fópósúsu ha fú bá á, mó kén Bulu óbópósúsu ha fu ní.”

³⁹ Yesu létrá ha amó yébi óbée, “Nsibi obwiepó óbétalí kpá nsibi obwiepó? Amó fée boméekpa wíé óbótó? ⁴⁰ Okasípó tamadon mu wie, táme okasípó okási bí á, ótóbwé fě mu wie.

⁴¹ “Ntogyi só fúde ipí túkúríibi wúun fú bá nsibisu, táme fomédé ogyakpatin ání idun fú klésu mó wúun? ⁴² Ntée ntogyi só fúde fú bá bláa fée, ‘Mí pió, ha mí andunkí ipí fú nsibisu’, táme fomédé ogyakpatin ání idun fú klésu mó wun? Apinabwébi óbwepó, gyankpa dunki ogyakpatin ámu fú nsibisu, méní fówun ató wankláán, tálí dínki ipí ámu fú bá klésu.

Oyi Pó Mó Abi Swiehé

(Mateo 7:6-20; 12:33-35)

⁴³ “Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. ⁴⁴ Tsúfě oyi-íbi butópóbi mó. Botamakpótí kankaba okplóto oyísó, botamakpótí tsákpun é tunkpa iflas. ⁴⁵ Oha wankláán telé tsiátó wankláán owan tsú mu klónto, oha laláhe é telé tsiátó laláhe owan tsú mu klónto. Tsúfě tóá idon oha klón a, mótédalí tsu mu ónó.

Butásó pò Osublúto Obuyiti

(Mateo 7:24-27)

⁴⁶ “Ntogyi só mlihdé mí ti mliha, ‘Mí Wíé! Mí Wíé!’ táme mli tamagyi mí ason blíhésó? ⁴⁷ Nónuná mli alí ahá ání óleba mí wá bonu mí asón, gyi dúnká mósó gyí. ⁴⁸ Ogyi fě ohá ání óbá beyi obu á, olegyankpá kwí mó ntswiasí óbó yótu butá, ólwa ntswiasí ámu dínká mósó. Bréá ntsu lóbulá kítá mó á, umetalí kpínki obu ámu, tsúfě oleyi mó wankláán. ⁴⁹ Táme ohagyi oha ání olonu mí ason blíhé, omegyí mósó gyí fě ohá ání oleyi mu obu ósulósu keke, omowa mó ntswiasí. Bréá ntsu lóbulá wa mó á, ilobwie dá gbloo ununu, yíntá fée!”

7

Romafó Isá Akópó Ohande Osúmpó Oko Ilo Tsa

(Mateo 8:5-13; Yohane 4:43-54)

¹ Bréá Yesu lébláa ahá ámu asón ání fée tá á, ólwo Kapernaum wúluto. ² Romafó isá akópó ohande oku bu unu. Óbu osúmpó okóá ótehíé kle mu asón. Osúmpó amo délo, odeklé owu. ³ Bréá isá akópó ohande amo lónu Yesu nka á, ólwa Yudafo ahande akó sísi Yesu óbée, boyókokóli mu óbetsa mu osúmpó amo ilo ha mu. ⁴ Ahande amo behie kókóli Yesu bee, “Abwíí ipa, ní oku léhián fú mbwa á, mómó oyin ání ní! ⁵ Tsúfě ótódwé aní pi. Moléyi aní offiakpa kóráá há aní ní.”

⁶ Mó so Yesu muva amónyo bopó okpa. Bréá beta wóyí ámuto wie tá á, isá akópó ohande amo lówa mu anyawie óbée buyéfia Yesu, abubla mu bee, mbée, “Owíé! Máhan fú íwi, tsúfě mmáfun ání féba mí wóyító. ⁷ Nawun ání mí é mmáfun ání néba fú wá. Fú mó bli asoanku, íwi bówa mí osúmpó amo ónlun. ⁸ Tsúfě mí é mbw ahande akó asi. Isá akópó akó é bubu mí asu. Nelé ónó mbée amótó oku ónátí á, ótenátí. Ní mbée óbá é á, óteba. Tógyítóá nebláa mí osúmpó mbée óbwée á, ótóbwé.”

⁹ Bréá Yesu lónu asón ánfí á, onó lobwie mu, ðeðamli bláa ððam amóó bobuo mu amu ðbée, “Ðnøkwalí asón, nde mli bláa, mmækówwun óhá ání ðbu hógyi kpónkpónnti ánfí odu Israelfóto kórará kí!”

¹⁰ Bréá abəpu amóó isá akəpó ðhande amu lówa ámu beyinkí yó wóyító a, bowun ání osúmpó amu iwí lawá mu onlin.

Ɔsɔrapu Ōku Mu Bi Tsink

¹¹ Iməwa ɔpá koku Yesu lóyo Nain wúluɔ. Ɖðam bobuo muə mu akasípó. ¹² Bréá olowie wúlu onó á, ɔlɔtu akw, buşon fúli akpasu bebá. Obi yinhé ɔkole pé ogyi há ɔsɔrapu ɔku. Ɖðam kpónkpəɔnkpəntiá botsú wúlu amotə é bobuo ɔtsi ámu. ¹³ Bréá aní Wíe lówun ɔtsi ámu a, mu asón ləwa mu nwe, ɔlebláa mu ɔbée, “Másu!” ¹⁴ Móó ɔlɔyópu ibi da akpa amu, asɔrápú amu besi lí. Inu ɔlebláa fúli amu ɔbée, “Ɖyasubi, nde fú bláa mbée, kusu!” ¹⁵ Inu fúli amu ləkusó tsíá, wá tóí bi. Yesu lópu mu wá mu yin ubi.

¹⁶ Ifú lekítá ahá ámu fée, bekanfó Bulu bee, “Bulu labəbuá mu ahá! Mu onósó ɔtəpó kpónkpənti ɔku lalin anito!”

¹⁷ Yesu iwí asón ánfí lekleeí wá Yudea ɔmá pó awúlu ání ibo nsuné unu féeótó.

Yesu Mwa Asú Ɖbopó Yohane (Mateo 11:2-19)

¹⁸ Asú Ɖbopó Yohane akasípó beyébláa mu asón ánfí fée. Mó su ɔlɔwa amótó abanyó sísi Yesu ɔbée, ¹⁹ buyéfité mu bee, “Fógylí óhá amóó ɔbəba amu ni, ntée akú óha bambá ɔkpa?”

²⁰ Bréá ahá ámu bebə bowie Yesu wá á, bebláa mu bee, “Asú Ɖbopó Yohane ɔbée abéfité fú aniaa, ‘Fógylí óhá amóó ɔbəba amu ni, ntée akú óha bambá ɔkpa?’ ”

²¹ Yesu létsa aləpu pó ahá ání iwí dé amó ɔsin tsətsətsə alí bré amotə. Olegya ɔŋe laláhe lé ahátə, bwí ansibi abwiepó tsətsətsə é ansibi. ²² Inu ɔlele Yohane akasípó asón ámu onó ɔbée, “Mliyinki yelbáa Yohane tóá mliabowun pó móa mliabonu. Mliabowun ání ansibi abwiepó bude ató wúun, abo buə. Ilo pepe aləpó iwí deplí, isu atinpu bude asón nu. Afúli buðetsinkí, ahíánfó é bude ason wankláán ámu nu. ²³ Bulu obóyulá óhá ání mí bwehé məkúso líi musu.”

²⁴ Bréá abí amóó Yohane lówa sumbí ámu beyinkí bəyó á, Yesu lówa tóí tsú Yohane iwí suná ɔðam amu bi. Ɖbée, “Bréá mliédali yo dimbísó unu á, ntə ɔkíkpa mliłóyo? Fitáa ání afú de mó tsóun lóó? Ekekeke! ²⁵ Ní megyí mó á, ntə kóún ɔkíkpa mliłóyo? Óhá ání ɔdídí ntsrim. Ekekeke! Ahá ání buðedidá tati ámu odu gyi ɔðwe á, awíe wóyí buðetsíá. ²⁶ Mliɔla mi! Bulu onósó ɔtəpó mliédali yéki? Ee, Yohane ni. Ɖðun Bulu onósó ɔtəpó. ²⁷ Mu iwí asón Bulu lébli bəwanlín mó tswi bee, ‘Kí, nde obí wa gya fu nkpa. Mu ɔbəla ɔkpa há fú ní.’ ” ²⁸ Yesu lóyo mu asónsó ɔbée, “Nde mli bláa mbée, ɔhagyí óha ání óha tshé laken kwí mófɔn mu, támə mu é ɔmofon Bulu iwíegylí amotə ɔkusu kórará.”

²⁹ Aha ání bonu Yesu asón ánfí pó lampóo ahəpu kórará bowun ání Bulu asón da ɔkpa. Botsulá há Asú Ɖbopó Yohane ləbo amó asú. ³⁰ Támə Farisifó pó Mose mbli asunápú amu mó buməha Yohane ɔbo amó asú. Bekiná tóá Bulu léhúhie ha amó bwe.

³¹ Yesu lóyo mu asónsó ɔbée, “Séi ánfí á, amendí nɔpəkápó ndemba-abí ánfí? Ntə belian? ³² Bəgyi fé nyebíá bətsie dɔnsu bude aba kpólí, bli bee, ‘Aníðapléí ansigyísó, mlimətsa. Mó su anlawá awireha ibi, támə mliłóó.’ ” ³³ Mliyí fé nyebí ánfí, tsífé Yohane léba á, ɔletsíá kí onó, omonu ntá, támə mliaa, ‘Ōŋe laláhe bu mutə!’ ³⁴ Mí, Nyankpəsa-Mu-Bi ánfí mó naba nde ató gyí, nde ntá núu. Mó é mliaa, ‘Mliki opotsuapu pó nta ɔbopó. Lakpan abwepó pó lampóo ahəpu onyawíe.’ ³⁵ Támə óhá ání ɔbu Bulu nyansa á, mu tsíátó telé mó ɔwan.”

Ɖtsi Lakpan Ɖwepó Ɖku

³⁶ Farisiyin ɔku létí Yesu ató ogyíkpa mu wóyító. Bréá Yesu tsie ɔpónó ámu así á, ³⁷ ɔtsi ɔkóá ɔbu wúlu amotə, ogyi lakpan ɔbwepó lónu Yesu nka ání batswí ɔpónó há mu Farisiyin amu wóyító. Inu olotsu mu ofobí fánfán ání ibi bíá prentwa wankláán ɔbo ba unu. ³⁸ Ɖlebedə akpawunu Yesu ayabiasí, ɔlekpa isú yi woo. Ɖləpu mu ntsú fwí Yesu ayabiasí, pó mu nwunsumí tsítsi mó. Ɖləkolá Yesu ayabí pútá, tséí ofobí fánfán ámu wólí mu ayabisu. ³⁹ Bréá Farisiyin amó ɔleti Yesu amu lówun iní á, ɔlebli wá nwuntə ɔbée, “Ní Bulu onósó ɔtəpó oyin ánfí gyí lélé á, tekí alawun óhá oduá ɔtsi ánfí gyí asa ɔðepu ibi da mu, tsífé lakpan ɔbwepó ogyí.”

⁴⁰ Yesu lébláa oyin ámu ɔbée, “Simon, mbə aswanko bláa fu.”

Simon léfité mu ɔbée, “Osunápó, amansu igyi? Bla mi.”

⁴¹ Yesu lébláa mu ɔbée, “Ahá abanyó aku bəpan sika oyin ɔku wá. Ɖkole lépan bliba-anu (5,000,000), ɔkole é lépan mpím lafanu (500,000)*. ⁴² Bumenyá kóba amu ká. Mó su oyin ámu lésikíé amó abanyó fée. Bla mi, amótó ɔmɔmu ɔbódwe oyin ámu dɔn?”

⁴³ Simon lébláa mu ɔbée, “Nahogyíá ɔmɔamóó mu ɔka tso dɔn amu.”

* 7:41 Sika ánfí igyi sika futútu lafanu (500) móa aduenu (50), igyi óha nke lafanu (500) móa aduenu (50) ikóká.

Yesu lébláa mu obée, “Ɔnɔkwali igyi.” ⁴⁴ Inu Yesu léyinkí kɔ ɔtsi ámu, ɔlebláa Simon obée, “Fawun ɔtsi ánfí? Nɛba fú wóyítá a, fumeha mí ntsu anfwí ayabiasí. Táme ɔtsi ánfí mú lapó mu ntsú fwí mí ayabiasí, pó mu nwunso-imi tsítisi mó. ⁴⁵ Fumelatá mí pútá, táme tsú bréa nɛba nfi ɔpá á, ɔtsi ánfí mókósi mí ayabi kolá pútá. ⁴⁶ Fumetsí ofobi wólí mí nwunto, táme mu mó alatsí ofobi fánfán wólí mí ayabisu. ⁴⁷ Mó su nde fú bláa mbée, ɔdwe tsatsɔtsɔ ánfí alalé súná mí ánfí idesuná ání Bulu lasí mu lakpan tsatsɔtsɔ ámu fée kíé mu. Táme ɔhá ání Bulu osii lakpan kpalobí kíé á, ɔdwe kpalobí ɔtelé súná.”

⁴⁸ Inu Yesu lébláa ɔtsi ámu obée, “Nasi fú lakpan fée kíé fú.”

⁴⁹ Ahá ámuó amóa Yesu butsie ɔpónbasí ámu, beblí wá nwunto be, “Ma gyí oyin ánfí obée mu na muɔde ahá lakpan siké amú.”

⁵⁰ Móó Yesu lébláa ɔtsi ámu obée, “Fó hógyi laho fú nkpa. Nati iwilwiito.”

8

Atsá Bobuo Yesu

¹⁻² Imowa ɔpá kuku, Yesu léki awúlu móa nkuda asi, ɔde Bulu iwíegyi ámu iwí asun wankláan akan da. Mu akasípó dúanyo ámu pó atsí akóá olegya ɔɲe laláhe lé amótó, tsá amó ilɔ bobuo mu. Atsí ámu gyí, Magdalayintse Maria ání Yesu légya ɔɲe laláhe asienó lé muɔ. ³ Owíe Herode wóyísó ɔkpɔ Kusa mu ka Yohana. Ɔtsi ɔkóá boteti mu Susana pó atsí tsatsɔtsɔá betsiá pú amó ató kɔ Yesu mu a mu akasípósu.

Ató-abí Owunyápu Iwí Yébi

(Mateo 13:1-9; Marko 4:1-9)

⁴ Bréa ɔɔm kɔnkpɔnkpɔnti botsu awúlu-awúlusu ba befia Yesu wá á, ɔleha amó yébi obée,

⁵ “Ɔɔtɔɔpɔ ɔko lóyo ató-abí owunyákpa. Bréa ɔde mú wunyáa a, iku lówolí ɔkpatɔ, ahá betsatsáa mósó, mbubwí é bɔtswetswée mú fée. ⁶ Iku lówolí abutásó, ɔtínéá isi kpalobí dun. Ilowa ɔsa kwe, táme bréa owí lelun a, ilɔtɔ mó mó, tsúfɛ imenya ntsu. ⁷ Abí ámu ku lówolí awutɔ, awu ámu lɔbolá kitá mú, umedan. ⁸ Abí ámu ku lówolí ɔsulɔw wankláansó, dan. Ilowíe abí tsatsɔtsɔ fé mú ámuó olodu ámu odu tsé lafa.”

Yesu lómɔ mu asón ɔnó obée, “Ɔhá ání ɔbu asu onúu.”

Táá Sɔd Yesu Lótɔi Ayébisu

(Mateo 13:10-17; Marko 4:10-12)

⁹ Yesu akasípó befité mu yébi anfi asi. ¹⁰ Ɔlebláa amó obée, “Bulu lahá mli ɔkpa obée, mlibí mu iwíegyi ámu iwí asun ɲainhé. Táme nde aha bambá asón bláa ayébisu, méní bówun, táme bóméebi. Bónu, táme bómóonu mó asi.”

Ató-abí Owunyápu Yébi Amu Asi

(Mateo 13:18-23; Marko 4:13-20)

¹¹ “Yébi amu asi ní. Ató-abí ámu gyí Bulu asón. ¹² Abí ámuó ilɔwolí ɔkpatɔ ámu gyí ahá ání botonú asón ámu, táme Ɔbunsám teba bele mó lé amó klɔntɔ, méní bómóho mósó gyi, fówun bénya nkpa ání itamatá. ¹³ Abí ámuó ilɔwolí abutásó amu gyí ahá ámuó bonú asón ámu pé, bahɔ mó ansigyísó, táme boma nlin. Mó su botamahogyi wa ɔpá. Ní isóki ku inyá tó amó pé, badida. ¹⁴ Abí ámuó ilɔwolí awutɔ ámu gyí ahá ání bonú asón ámu a, bahɔ mó, táme ɔyi ánfítɔ atɔ hiánhe iwí gywín, pó mótó atonyahé iwí ansigyí tegyi asón ámu. Iní su botamaswíé abí dan. ¹⁵ Abí ámuó ilɔwolí ɔsulɔw wankláansó ámu gyí ahá ámuó bonú asón ámu a, butɔho mu wá klɔn wankláan ání itonú asón, gyi mósótó. Iní su bototomi swíé abí tsatsɔtsɔ.”

Ɔkandíe Iwí Yébi

(Marko 4:21-25)

¹⁶ “Ɔhaa tamanywé ɔkandíe pó ató bun mósó, ntée pówá mpá ayasi. Ɔfuákpá ɔtɔpɔbian, méní ibówankí há ahá ání béba wóyí ámuɔ.”

¹⁷ “Tsúfɛ tɔtɔ má uná ibéɲain, iméelun ɔwan. Asun ɲainhé kɔko é ma uná bóméebi mó.”

¹⁸ “Mliki wankláan mli asón-nutó. Tsúfɛ ɔhá ání odekléá obónu mí atosunáhé amu asi á, Bulu ɔbɔpɔ iku tsía mótó há mu. Táme ɔhá ání omedékléá obónu mó asi á, Bulu ɔbóswí mu kpalobí ámuó olosusúu ání alabí ámu kóráá.”

Yesu Abusuanfɔ Onutó

(Mateo 12:46-50; Marko 3:31-35)

¹⁹ Yesu mu yin mu a mu apíó beba mu wá, táme ɔɔm amu su bometalí wíé ba mu wá. ²⁰ Ahá ámuɔ ɔko lébláa Yesu obée, “Fó yin mu a fú apíó bulí kpankpá, budekléá bówun fu.”

²¹ Yesu lébláa amó obée, “Mí yin mu a mí apíó gyí ahá ání botonú Bulu asón ámu, gyi mósó.”

Atsufú Asubá

(Mateo 8:23-27; Marko 4:35-41)

²² Eke oku Yesu lébláa mu akasípó obéé, “Mliha afa Galilea obo yo mú obun.” Mú so bopu okpa bayó. ²³ Bréá báyó á, Yesu lédu. Inu afú kpánkpaónkpánti ku lówa tsóon bi. Ntsu ámu ideda wíé oklon amoto, ideklé ime. Ilobo amó ansí pepe. ²⁴ Mú so betsinkí Yesu, bláa mu beé, “Ani Wíé! Anidé ntsu wíé!”

Yesu lókosó lé onó wa afú móa ntsu ámu, inu féé lóboá. ²⁵ Inu olofité amó obéé, “Mli hógyi me?” Ifú lekítá amó, onó lobwie amó, befité aba beé, “Nyankpusa omom ni, alalé onó wa afú móa ntsu kóráá, banú mu ome ali?”

Ŋhe Laláhe Gyda Le Ogbedépót
(Mateo 8:28-34; Marko 5:1-20)

²⁶ Yesu móa mu akasípó befa obo tsú Galilea yówie Gerasefo* osolóso. ²⁷ Bréá Yesu dédali oklon amoto á, oyin okvá otsú wúlu amoto, Ŋhe laláhe bu muto lébefia mu. Oyin ánfí lékpa ató, tú dáli wóyító, yó otsie afúli opulákpá ilawá opá. ²⁸ Bréá olowun Yesu a, olosorá okitikítí, dá akpawunu Yesu ayabito, kplón bí obéé, “Osósósó Bulu mu Bi Yesu, amansu igyi? Kókoli, mápítí mí ató.” ²⁹ Alí bréá amoto á, Yesu lakplón wa Ŋhe laláhe amu obéé, idáli muto dodo. Mú so oyin ámu léblí ali ní. Ŋhé laláhe amu itowíé muto brégyibré. Mú so butowá mu ibi pó mu ayabi ikan, gyo mu iwi. Mú óó á, otebíá ikan amu, Ŋhe laláhe amu itehá mu otesrí wíé aputu.

³⁰ Inu Yesu léfité mu obéé, “Nkáli butetí fú?”

Oyin ámu lélé mú onó obéé, “Mí dá gyí ‘Ōdom.’ ” Tsufé Ŋhe laláhe tsotsotsos bu muto. ³¹ Ŋhe laláhe amu bokokóli Yesu obéé, omágya amó yówa ilán klúklúklúklúá uma akato.†

³² Mprákuo tsotsotsos akú budegyí okúku kosu inu fón. Mú so Ŋhe laláhe amu bokokóli Yesu beé, ahá abuyowie mprákuo amoto. Ojeha amó okpa obéé buyó. ³³ Inuno bedali oyin amoto yówie mprákuo amoto, amó féé besrí kpákpí okúku amu wíé oputo, wúwu.

³⁴ Bréá mprákuo akpapó ámu bowun tóá ilaba a, besrí yéblí asón ánfí wúluto pó omá amoto. ³⁵ Inu ahá beba beki tóá ilaba. Bowun ání oyin ámúó teki Ŋhe laláhe bobu muto ámu ansító ladí, alawá atadie otsie Yesu wá. Ilawa amó ifú. ³⁶ Ahá ámúó bowun itó ámúó leba amu bebláa amó alá oyin ámúó Ŋhe laláhe bobu muto ámu lénnya mu ilotsá. ³⁷ Omá amoto ahá féé bokokóli Yesu beé, odáli amó omátó, tsufé ifú lehe kitá amó. Mú so Yesu lówie oklon amoto obéé amonati. ³⁸ Oyin ámúó teki Ŋhe laláhe tsie muto ámu lókokóli mu obéé, “Ha mí ambuo fu yo.” Táme Yesu méha mu okpa.

³⁹ Mboún olobláa mu obéé, “Yinki yo wóyí, afuyebláa mli pi toyiléá Bulu labwé há fú.”

Mú so oyin ámu léki wúlu amu féé fiá, ode toyilé ámúó Yesu labwé há mu amu bí wúlu amoto féé.

Ŋhande Oku Mu Bi Mwa Otsi Oku Ilo Tsa
(Mateo 9:18-26; Marko 5:21-43)

⁴⁰ Bréá Yesu léyinki yówie obo amu obun a, odom bohó mu atúu, tsufé bude mu okpa kí. ⁴¹ Inu oyin okvá butetí mu Yairo, ogyi Yudafo offiakpa Ŋhande léba beda akpawunu mu ayabito, kókoli mu obéé, obá abuyo mu wóyító. ⁴² Mu bi tsihé okole péá obo, alaha nfi dúanyo da odewu.

Bréá Yesu lópu oyó inu á, odom amúó bobuo mu amu bekpa buo mu yee. ⁴³ Otsi okvá obugya de mu wulí nfi dúanyo ní, ohaa mókótálí tsá mu, alayintá mu iwusu ató féé ilo atsapó ibito bu ahá amoto. ⁴⁴ Otsi ánfí lótsón yo Yesu oma, pó ibi da mu tati osiebí. Inuno obugya amu leka itin. ⁴⁵ Múó Yesu léfité obéé “Ma lápú ibi da mi?”

Bréá ahá ámu féé beé bumakópú ibi da mu a, Petro léfité Yesu obéé, “Mí Wíé, odom anfi bupu fú ánfí á, mú fúde asón ánfí fité?”

⁴⁶ Táme Yesu léblí obéé, “Oku lapó ibi da mi. Nawun ání Ŋhe ku ladáli muto.” ⁴⁷ Bréá otsi ámu lówun ání itó ámúó mabwé ámu lalun owan á, oledali ba. Odekpunkí kpakpakpakpa, oleyéda akpawunu Yesu ayabito, bláa mu ahá ámu féé ansító tóá soá mopo ibi da mu, pó alá manyá ilotsá. ⁴⁸ Inu Yesu lébláa mu obéé, “Mí bí, fú hógyi latsá fú ilo. Nati iwilwiiti.”

⁴⁹ Bréá Yesu bu mu tsi anfisú á, oku lésrí tsú Yairo wóyító ba bebláa Yairo obéé, “Fú bí ámu odkpa mowa alé. Mátepi trá wa osunápó tó.”

⁵⁰ Bréá Yesu lónu asón ánfí á, olobláa Yairo obéé, “Mánya ifú. Fú mú hogyi wole, obénnya nkpa.”

⁵¹ Bréá Yesu lówie wóyító inu á, omeha ohaa obuo mu yo obuá kebi ámu da mótó, don Petro, Yohane, Yakobo pó kebi ámu akwíró. ⁵² Alí bréá amoto á, ahá ámu féé budesú, bude okitikítí. Yesu lébláa amó obéé, “Mlisi okitikítí sorá. Omakówú, dúdí ode.”

⁵³ Ahá ámu féé boyin ání otsibi amu lawú. Mú so bamási Yesu. ⁵⁴ Inu Yesu lékitá otsibi amu ibi, kpóli mu obéé, “Obí, kosu!” ⁵⁵ Ŋhé lelawíé mu, okosú líí otsáwole pé. Múó Yesu lébláa amó obéé, “Mlidunka tku ha mu ogyi.” ⁵⁶ Onó lobwie otsibi amu akwíró, táme Yesu léda amó alá obéé, “Mlumábláa ohaa asón ánfí.”

* 8:26 Gadarafó bu nwoló dada amu akoto. † 8:31 Ilán klúklúklúklúá uma okpa gyí Ŋhe laláhe iso obitíkpá.

9

Akasípó Dúanyo Amu Sumbiwa (Mateo 10:5-15; Marko 6:7-13)

¹ Yesu léti akasípó dúanyo ámu fia, òleha amó túmí, há amó òkpa òbée, bogyáa òje laláhe fée, abotsa ilo. ² Òlòwa amó òbée, boyéda Bulu iwíegyi ámu òkan, abotsa alòpò. ³ Òlebláa amó òbée, “Ní mlòyó á, mlumátsu tótò. Mlumátsu oyi yíáhé, akpankogyo, atogyihe, kóba ntéé atadié nyòòsi. ⁴ Wóyígyíwóyítáá bóhò mli á, mlitsia unu yòfòn ekeá mlédali wúlu amòtò. ⁵ Ní bómòhò mli wúlu kòsò, mlidédali mlòyó á, mlùkpakpa mli ayabítò-isi wúlu wúlu amòtò, isuna ání bómèbì bwé.”

⁶ Bènatí kí nsuné unu awúlu féeésò, bode ason wankláán ámu òkan da, tsá ilo.

Herode Légyigya (Mateo 14:1-12; Marko 6:14-29)

⁷ Bréá Galilea òmáso ogyípó Herode lónu tsá ide mósó yò á, olegyigyaá. Tsúfè aku bodeblí bée, “Asú Òbòpó Yohane lakósó tsú afúlitò.” ⁸ Aku é bée, “Bulu ònósó òtáípó dada Elia lálé iwí òwan.” Aku é bée, “Bulu ònósó òtáípó dada amòtò òku lákósó tsú afúlitò.” ⁹ Herode léblí òbée, “Nahá batun Yohane. Ngya oyin òmòmò iwí asón ntráa ndenu ahi?” Mò sò òbòò mbódí ání mómun Yesu.

Ahá Mpím-nu Atogyihe Ha (Mateo 14:13-21; Marko 6:30-44; Yohane 6:1-14)

¹⁰ Yesu sumbí ayòpó amu beyinkí bá bebláa mu tsá bayóbwe. Òlekpa amó buo iwí, amó nkole bogyò Betsaida wúlutò. ¹¹ Bréá òdòm amu bebi ání òbò unu á, begya mu òkpa yó unu. Yesu lóhò amó atúú, òlebláa amó Bulu iwíegyi amu iwí asón, òltsa amóá bodebò.

¹² Bréá owí depòon a, sumbí ayòpó dúanyo ámu beba bebláa Yesu bée, “Ha amó abonati, ménì bétalí yó awúlu ání ibò mantáa nfi sò yódunká atogyihe móa òkpa, tsúfè anuméenyà tótò há amó òmbí ánfító.”

¹³ Táme Yesu léle mú ònó òbée, “Mlidunka ató ha amó abogyi.”

Akasípó amu bebláa mu bée, “Tóá anubò fée gyí bodobodo apin anu pó ntsutso iye bwáhé anyò. Nkétí anlayòhò atogyihe ba ahá ánfí fée.” ¹⁴ (Ayin ání búbò unu bóbwé fè mpím-nu (5,000).)

Yesu lébláa akasípó amu òbée, “Mliha amó abotsia okútó. Iku kole ibwée fè ahá aduenu (50).”

¹⁵ Akasípó amu bóbwe dínká mósó, òhagyíòha létsiá asi. ¹⁶ Inu olotsu bodobodo anu pó ntsutso iye bwáhé anyò ámu. Inu olotsu ansí fòá kí òsòsò, òlèda Bulu ipán. Múú olebiabia mútò póhá akasípó amu òbée, boyéé mú ha ahá ámu fée abogyi. ¹⁷ Amu fée begyi mwe sian. Bréá akasípó amu bótòsí isianhe amu a, ilòbolá alakpá dúanyo.

Ohá Aní Yesu Gyi (Mateo 16:13-19; Marko 8:27-29)

¹⁸ Eke òku Yesu nkole dé mpái bò, mu akasípó amu búbò unu. Múú òlefíté amó òbée, “Ma ahá bée ngyi?”

¹⁹ Bèle mú ònó bée, “Aku bée, fógyí Asú Òbòpó Yohane. Aku bée, Bulu Ònósó Òtáípó Elia. Aku é bée, Bulu ònósó òtáípó dada òku lákósó tsú afúlitò.”

²⁰ Múú òlefíté amó òbée, “Mli é mé? Mliha mígyí ma?” Petro léle mú ònó òbée, “Fógyí Kristo, (ohá ámúú Bulu ladá mu ofúli amu) nì.”

Yesu Iwòsun Pó Mv Lowu Iwí Asón Blí (Mateo 16:20-28; Marko 8:30-9:1)

²¹ Inu Yesu léda amó òlá kpákpáákpá òbée, bómábláa òhaa mu iwí asón ánfí. ²² Òlètrá bláa amó òbée, “Ilehián ání mí, Nyankpòsa-Mv-Bi ánfí nēhié wun iwòsun tsòtsòtsò Yudafò ahande, Bulu igyi ahapó òlèhen pó Mose mbàla asunápó ibítò; amó fée bèkiná mí, há bómò mí, támè Bulu òbèlakósóa mí tsú afúlitò eke sáásí.”

²³ Inu òlebláa ahá ámu òbée, “Ní òku òkléá obóbuo mí á, osíi tsá otekle bwé, otsu mu oyikpalihé ekekegyièke bobuo mi. ²⁴ Tsúfè ní òku léprì mu nkpa á, òbòhólú mú. Ní òku é lési mu nkpa há mí sò é á, Bulu òbòhò mu nkpa. ²⁵ Ní òku onyá òyító ató fée, támè òhólú mu òkláa a, labi mòmò ilòwa há mu? ²⁶ Ní òku onyá mía mí atosunáhé péli a, mí, Nyankpòsa-Mv-Bi ánfí é nényà mu péli bréá nna mía mí sí pó mu abòpò wánkíhè numnyamto nebá. ²⁷ Ònòkwalí nde mli bláa. Aku búbò mlítò nfi bómóowu asa bówwun Bulu iwíegyi amu.”

Yesu Iwitséé (Mateo 17:1-8; Marko 9:2-8)

²⁸ Yesu léblí asón ánfí ndawótswí òma a, òlekpa Petro móa Yohane pó Yakobo buo iwí, bòdò yó mpái òbòkpá ibò kòsò. ²⁹ Bréá òde mpái ámu bò á, mu ansító letse. Mu atadié lofulí

hónánáná, ide ogyá kpa. ³⁰⁻³¹ Inu á, ahá abanyó ání batsiá kí, bogyi Mose mva Elia bele iwu òwan asósó numnyamta. Amóa Yesu botaí tsú mu lowuá Bulu léhie tswi mu ání umówa opá obówu Yerusalem iwu. ³² Petro mva mu aba ámu bedidi. Bréá bəwan tsinkí á, bowun Yesu numnyam, ahá abanyó ámu é bɔlí mu wá. ³³ Bréá ahá abanyó ámu bɔdenatí á, Petro lébláa Yesu obé, “Mí Wíé, ibu aláá abétsiá nfi. Ha ada abú asa. Fú klé kole, Mose klé kole, Elia é klé kole.” (Jmebi t́á odebli.)

³⁴ Bréá ode asón ánfí blí á, agyinde kv lobobun amó f́ésó. Inu ifu lekítá amó abasá ámu. ³⁵ Inu á, ome kv ledali tsu agyinde amoto obé, “Oni gyí mí B́iá nalé ní. Mliyaa asu amlunu mu ome.”

³⁶ Ome amu lótsutsiá ibeka tin á, ilasí Yesu nkole unu. Akasípó amu bekpa onó bun asón ánfisu nke ámuto. Bomebláa ohaa it́á bayówun.

Iló Didahé Olópú Tsa
(Mateo 17:14-18; Marko 9:14-27)

³⁷ Mó oyi kehe a, Yesu mva akasípó abasá ámu bekplí tsú ibu ámusu, oðam amu befia mu. ³⁸ Inu amótó oko lókpɔɔn obé, “Osunápó, kókoli, damli kí mí bí ha mi. Obi yinhé okole pé ogyí mí. ³⁹ Oje laláhe kv towíé muto, ot́okplón. Otedida gbila, odeko tsikitsiki, mu onó tobwé afu. Ipiantó asa itesí mu, ide mu yintá. ⁴⁰ Nobobwíi ipa há fú akasípó amu mbé, bogyáa mó le muto, táme bumetalí.”

⁴¹ Yesu léle mó onó obé, “Ndamba-abiá mlumá hógyi, mli tsiátó ma ale. Alí nétsiá mli wá, nyá klón há mli ekekegyíeke ní?”

Inu odebliá oyin ámu obé, “Kpa fú bí ámu ba mi.” ⁴² Bréá okpa kebi ámu obá á, oje laláhe amu léfun mu dá, odeko tsikitsiki. Táme Yesu lókpɔɔn wa oje laláhe amu, tsá kebi ámu. Inu oleyinká mu há mu si. ⁴³ Bulu túmi kpɔnkpɔnti ámu leha onó lobwie ahá ámu f́é.

Yesu Lowu Iwu Asón Bli Otse Nyasí
(Mateo 17:22-23; Marko 9:30-32)

Bréá mu bwehé ide ohagyiáha wánwan wa á, Yesu lébláa mu akasípó obé, ⁴⁴ “Mlihe yaa asu amlunu. Béle mí, Nyankpɔsa-Mu-Bi ánfí há adón bómó mí.” ⁴⁵ Táme akasípó amu bomonu mó asi. Bulu lópu mó asinu njáin amó. Mó su iməwankí amó asón ání odebli. Ifú é de amó ání befíté mu.

Ma Obóbwe Ohande?
(Mateo 18:1-5; Marko 9:33-37)

⁴⁶ Nwéen kv léba akasípó amu nsiné, tsú amótó ohá ání obóbwe ohande iwu. ⁴⁷ Yesu lébi amó agywun. Mó su okpa kebi oko helí mu iwu wá. ⁴⁸ Múo odebliá amó obé, “Ohagyiáha ání olóho kebi ánfí mí dátó laho mu. Ohagyiáha ání ohó mi é laho ohá ámúo olowa mí ámu. Tsufé ohá ání ogyi ot́ráhe mlito f́é gyí oðehen.”

Ani Obúopv
(Marko 9:38-40)

⁴⁹ Yohane lébláa Yesu obé, “Mí Wíé, anilówun oyin oko dépu fú dá gya oje laláhe, aniléka mu tin, tsufé oma anito.”

⁵⁰ Táme Yesu lébláa amó obé, “Mlumáka mu tin! Tsufé ohá ání omokosó líi mliso buo mli.”

Samariafo Bómohó Yesu

⁵¹ Bréá nkeá Bulu obótsu Yesu ya asósó dekpokpé ba a, obowe agywun ání obýo Yerusalem kokooko. ⁵² Olowa abí gyankpá yó Samaria wúlu kusu obé, boyéla unu yaí ha mu. ⁵³ Táme bómohó mu wúlu amoto, tsufé Yerusalem oyó. ⁵⁴ Bréá mu akasípó Yakobo mva Yohane bowun alí á, befíté mu be, “Ani Wíé, fodeklé fée ahá ogyá itsu asósó bəho amó mó?”

⁵⁵ Táme Yesu lédamli, wá iyn wá amó. ⁵⁶ Múo bəpu okpa yó wúlu bámbásó a.

Ahá Aní Bee Bóbwe Yesu Abúopv
(Mateo 8:18-22)

⁵⁷ Bréá buna okpató boyó á, oyin oko lébláa Yesu obé, “Nóbuo fu yó ot́inegyiátinéá f́oyó.”

⁵⁸ Yesu lébláa oyin ámu obé, “Awá bəbu mbó, mbubwí é bəbu asia, táme mí, Nyankpɔsa-Mu-Bi ánfí mó á, mma ot́inéá ńpɔ mí nwun tswi.”

⁵⁹ Yesu lébláa oha bambá é obé, “Bobuo mi.”

Táme oyin ámu lébláa mu obé “Owíé, ha mí anyopulá mí sí asa ambobuo fu.”

⁶⁰ Múo Yesu lébláa mu obé, “Si awupó† abupula amó afúli. Táme fú mó yó afəyeda Bulu iwíegyí ámu okan.”

⁶¹ Okv é lébláa mu obé, “Mí Wíé, nóbuo fu, táme ha mí anyinki yeklá mí wóyító ahá asa.”

* **9:55** Inu bu nwoló dada amu akoto: Obé, “Mliméyin oje oduá ide mli kpa. Tsufé Nyankpɔsa-Mu-Bi ámu méba ahá omokpá, nkpa ohákpa oleba.” † **9:60** Awupó gyí ahá ání bawú ojeté.

62 Yesu lébláa mu óbée, “Óhá ání ótesrí dámli kí oma mófón ha Bulu iwíegyi ámutò agyómá yò.”

10

Akasípó Aduesienś-nyo Sumbi Wa (Mateo 10:7-16)

1 Ini oma a, Yesu léle mu akasípó aduesienś-nyo (72)* aku é, ólwa amú abanyó-abanyó óbée bogyánkpa yó wúlugyiwúluá mu onutó mśyo mśsó. 2 Ólebláa amú óbée, “Atò kpòtíhé amu itsò, táme mú akpótípó bómatsó. Mú sù mlíkòkòlì ndò mu wie, ówa akpótípó tsòtsò abòba bòkpòtí mu ató ámu. 3 Mlinati, mlibi ání nde mli wa fé akúfabi óyó adúndutò. 4 Mlímátsu sika kente, akpankogyo ntée ntókota kítá. Ní mlná ókpatò á, mmlámáí tónton ahá. 5 Ní mlowié wóygyiwóyítá a, mligyankpa bla amú mliáa, ‘Bulu óhá mli iwílwii.’ 6 Ní wóyí mu wie amu tekile iwílwii a, mli iwílwii bésin wóyí ámu. Táme ní ótamakle iwílwii a, íbésankí bá mli wá. 7 Mlitsia wóyí ámú bòhò mli mótó ámutò. Mligyi ató, amlinu tógýítá bēha mli, tsúfé agyómá óyópó bótéká íkò. Mlímátu láyétsiá wóyí bámbató. 8 Ní mlowie wúlu kusò, bòhò mli á, mligyi tsá bēha mli. 9 Mlitsa alòpò ání bòbò wúlu amòtò, amlibla wúlu amòtò ahá mliáa, ‘Bulu iwíegyi lawíé wóyí tá.’ 10 Táme ní mlowié wúlu kusò, bómòhò mli á, mlidalu yelí brónusu, amlibli mliáa, 11 ‘Aníé mli wúluto otútúu amóó dawólí aní ayabiasí amu kóráá kpakpáa wólí. Táme mlibi ání Bulu iwíegyi ámu lawíé wóyí tá.’ 12 Nde mli bláa mbée, Bulu óbēbití wúlu amòtò ahá isò ðon Sodómfo mu asón ogyíké amu.

Ahá Aní Bómēdamli Klwntò Asóngyi (Mateo 11:20-24)

13 “Korasinfo, mligyòwí. Betsaidafò, mligyòwí ní. Ní Tiro pò Sidon awúlu laláhe amòtò nòbwe ofúla akpònkpònti ání nòbwe mlitò ání á, tekí buda akpekpetò, bakpá nsúó wá nwwntò pòsúná ání badámli klwntò. 14 Táme mlibi ání Bulu óbēbití mli isò mu asón ogyíké ðon Tiro múa Sidonfo. 15 Mli Kapernaumfo, mlidékéle mliáa mlòtsu íwí fúá alu yówò ósósó? Èkekeke! Bulu óbēba mli así yówie afúlito.”

16 Yesu lébláa mu akasípó amú óbée, “Óhá ání óhò mli asón lahò mli. Óhá ání olekiná mli asón hò lakíná mí asón hò. Óhá ání olekiná mí asón hò é lakíná mí Sí ámú ólwa mí ámu asón hò.”

Akasípó Aduesienś-nyo Amu Yinkí Ba

17 Akasípó aduesienś-nyo ámu beyinkí ba ansigyísó. Bēbláa Yesu bēe, “Aní Wíé, ní akplón wa òje laláhe kóráá fú dátò a, bótobú aní.”

18 Yesu lébláa amú óbée, “Nowun ání Satan lékpa tsú ósósó fé alíá nsantò tófwi íbì beda ósólòtò pò. 19 Mlunu! Nahá mli túmí ání mlitsatsa awò pò nyankpukpiesò tson, amligyí Óbonsám túmí féesó. Tòtòtò móbòwē mli. 20 Táme ansí mágyi mli ání òje laláhe labú mli. Mbòun ansí igyi mli ání Bulu lawánlín mli adá tswí ósósó.”

Ansi Legyi Yesu (Mateo 11:25-27; 13:16-17)

21 Alí bré ámutò á, Óje Wankíhé léha ansí lehie gyi Yesu. Múó òleblí óbée, “Mí Sí, ósò mu a así Owíé! Nedá fú ipán ání falé tsá fòpònjáín anyansapò pò asón abipó ówan súná ahá ání bómeyín olala, bogyí fé nyebí. Ee, Mí Sí! Alí fodeklé fēe íbá mótó ní.”

22 Múó òlebláa mu akasípó amú óbée, “Mí Sí lapó tógýító wá mí íbítò. Óhaa méyín óhá ání Obí ámu gyí, nkéti Ósí ámu nkòle. Óhaa méyín Ósí ámu é, nkéti Obí ámu, pò óhá ání Obí ámu latsúlá ání óbēle mu súná mu.”

23 Bréá óhaa má amú wá á, óledamli kí amú, bláa amú óbée, “Mlú mú á, Bulu layúlá mli, mlidé ató ání wúun. 24 Nde mli bláa mbée, Bulu ónósó atópó pò awíe tsòtsòtsò bekle ání bówun ató ání, abonu asón ání mlidénu, táme bomenya mú alí.”

Samariayin Awitòlepò Oku

25 Mose mbla osunápó ókò lókòsò líí fité Yesu asón ání pòsò mu kí. Ólefíté mu óbée, “Osunápó, ntò mbwée asa anya nkpa ání itamatá?”

26 Yesu lébláa mu óbée, “Nkálí Mose Mbala léblí? Nkálí fonu mú así?”

27 Oyin ámu lébláa mu óbée, “Pò fò klón, fò ókláa, fú ówonlín pò fú agywuun fée dwe fú Wie Bulu, afòdwe fú bá fé fú íwí.”

28 Yesu lébláa mu óbée, “Mú fablí á. Bwe mó, fénya nkpa ání itamatá.”

29 Táme oyin ámu lékléá obósuná ání mú asón da ókpa. Mú sù ólefíté Yesu óbée, “Ma gyí mí bá?”

30 Yesu lébláa mu óbée, “Bré kusò oyin ókò lékplí tsú Yerusalem óyó Yeriko. Bréá óna ókpatò á, oleyéfia ogyo atswapò aku. Ahá ání bekpa mu tati, swíí mu ató fée, dá mu sian mu mò, náíí

* 10:1 Aduesienś-nyo (72): Aduesienś (70) bñ nwóló ámu akuta.

sí mu tswi. ³¹ Bulu igyí òhapó òku ná òkpa ámu kénsó. Bréá olowun mu sísí á, òlebaí tson ifóntó náti sí mu. ³² Alí kén Lewiyin òku é lóbato mu, báí tson ifóntó náti ní. ³³ Táme Samariayin òkuá òná òkpa ámuṣu mó léba bowotíí muṣu. Bréá olowun oyin ámu a, òlwa mu nwe. ³⁴ Òlenatí yótu mu. Òletséí nta kpekplé wólí mu nḷasú, yí ofobi wá mó, klí mó, tsú mu dínká mu afrímúṣó, pú mu ya afáṣó ṣwúkpá yéki muṣu. ³⁵ Mó òyi kéhe a, Samariayin amu léle sika futútú anyo há afáṣó ṣwúkpá muṣu òkípu òbée, 'Kí muṣu ha mi. Ní feyintá tòku sía a, neyínkí néka fú.' "

³⁶ Yesu lómó mó òṣó òbée, "Fó ato kiheto á, ahá abasá ánfító òmṣmu gyí oyin ámuó olefia ogyo atswapó ámu mu ba?"

³⁷ Mose mbala osunápó amu lébláa mu òbée, "Oyin ámuó olowun mu nwe ámu." Yesu lébláa mu òbée, "Mómú yo afyòbwe mó odu."

Marta Mva Maria Wá Yo

³⁸ Bréá Yesu muṣa mu akasípó buṣa òkpató boyo Yerusalem a, bowie wúlu kuṣu. Òtsi òkuá buṣetí mu Marta lóho mu òfáṣó, òlekpa mu ya mu wóyító. ³⁹ Mu pio tsihé gyí Maria. Maria anfi lébetsiá Yesu ayabiasi, òde mu atosunáhé nu. ⁴⁰ Marta nkòle dádamlí tson mótó, alíá ìbòbwe òbòbwe amó afáṣó. Iḷodun mu. Móú òlenatí yó Yesu wá, yéfité mó òbée, "Mí Wíé, fawun ání mí pió lasí agyómá ámu féé tswi mi nkòlesu? Bla mu òbetsa mí."

⁴¹ Yesu lébláa mu òbée, "Oo Marta, Marta! Fude fú iwí háan ntobí tsotsòtsò iwí. ⁴² Toku kòle pé déhián, Maria lalé móá ìbò alé dun. Óhaa méeṣalí swíí mu."

11

Mpáibò Iwí Atosunáhé
(Mateo 6:9-13; 7:7-11)

¹ Èke òku Yesu bu òtneku òde mpái bo. Bréá òlòbo mpái ámu tá á, mu akasípó amoto òkòle lébláa mu òbée, "Mí Wíé, suna anu mpái bo fé alíá Asú Óbòpó Yohane lósuná mu akasípó."

² Yesu lébláa amó òbée, "Ní mlóbo mpái á, mliḷbo mó alí."

'Aní Sí,

ahá bòbúlu fú dá.

Ba begyi iwíe.

³ Ha aní atogyihéá ìbòfòn aní ekekegyíeke.

⁴ Sí aní lakpan kie aní,

fé alíá anṣesikíé ahá ání bótópó ìlá gyi aní.

Mákpa aní wá isòkito.' "

⁵ Iṣu òlebláa amó òbée, "Ní mliṣo òku bu onyawíe a, òbòkòṣó yó mu wá òyínṣuné yébláa mu òbée, 'Mí nyáwíé, pan mi bodobodo apin asa. ⁶ Mí nyáwíé òku labòswíí mí sésééséí. Mma tòtòá néha mu òbégyi.'

⁷ "Mó nyawíe amu òbéláa mu sísí òbée, 'Máwa mí tó. Mía mí abí anladí. Nafin obu, mméṣalí kòṣó beha fú tòtò.' ⁸ Nde mli bláa mbée, fiálí onyawíe òkpasu á, òmòòkòṣó há mu. Táme alá òde mu kòkòlí kótóṣó su á, òbòkòṣó há mu alá odekle.

⁹ "Mó su nde mli bláa mbée, mliḷkòlí Bulu, òbéha mli. Mliḷdunka, mliḷwun. Mliḷda mu klṣnso, òbéfínkí mó há mli. ¹⁰ Tsúfé óhá ání òtòkòlí ató tenyá. Óhá ání otodúnká ató towun. Óhá ání òtedá klṣnso bótéfínkí há. ¹¹ Ósí òmṣmu bu iṣu, mu bi òkòlí mu iye a, òbékítá iwò wá mu ìbòtò? ¹² Ntéé ní òkòlí mu bònò a, òbékítá nyankpòkpíe wá mu ìbòtò? ¹³ Mli lakpan abwepó kórará mliyin alíá bótópó ato wankláán há mli abí. Ntogyi só mli Sí ámuó òbò òṣòṣó ámu mó móópó Óhe Wankihé há ahá ání bude mu kólí?"

Yesu Mva Beelsebul
(Mateo 12:22-30; Marko 3:20-27)

¹⁴ Yesu légya òhe laláhe lé oyin òkuá alató omúmuto. Bréá òhe laláhe amu lédalí a, oyin ámu lówa tóí bi. Mó su òṣó lobwíe òḃm amu. ¹⁵ Táme amótó akò beblí bee, "Óhe laláhe owíe Beelsebul túmi òdepogya òhe laláhe lé aháto."

¹⁶ Amótó akò é bekleá bòṣò Yesu kí. Mó su bebláa mu bee, òbwéé osúna posuna ání lélé otsú Bulu wá. ¹⁷ Táme Yesu lébi amó agywun. Mó su òlebláa amó òbée, "Iwíe ogyíkpá ání ilaye anyo, bude aba kò tedida. Wóyí oduá mótó atsiápó bude aba kò é tobwíé. ¹⁸ Ní Satan iwíe ogyíkpá labí anyo, bude aba kò á, mu iwíegyí bédida. Táme mliḷdébli mliáa, Beelsebul dátó nde òhe laláhe gyáa le aháto. ¹⁹ Ní Beelsebul túmi ndepogya òhe laláhe lé aháto á, mómó ma túmi mli abí é budepogya òhe laláhe lé aháto? Mli abí ámu onutó òbégyi mli asón. ²⁰ Táme iná Bulu túmi ndepogya òhe laláhe su á, mliḷbi ání Bulu iwíegyí ámu laba mli wá dodo.

²¹ "Tsúfé ní òwònlínú bò akotó, òde mu wóyí gyo a, mu tòtò tamafwí. ²² Táme ní óhá ání òbò òwònlín dun mu òbá begyi muṣo á, òtòswíí mu mu akotó ámuó mu ansi dun mósó ámu, yéé mu atóá olenya étó.

²³ "Óhá ání omobuo mi dé mí lu. Óhá ání òmedé mí tsa akpa ahá ba Bulu é dé amó gyáa teía mi.

Oṅe Laláhe Yinki Ba Ọhato
(Mateo 12:43-45)

²⁴ “Ní ọṅe laláhe idálí ọhato á, iteyéki dimbísó dúnká otsiákpá, táme itamanyá. Inu iteblí ání ibeyínkí yó mó wóyí dadato. ²⁵ Ní isánkí yó á, itowun ání baféí mótó, lá mótó wankláán. ²⁶ Iteyínkí yékpá mó aba asienó ání bọtọbwe lalahe dọn mu, bọteba betsiá inu. Inu ọhá ámu tsiátó teyíntá dọn alá igyi yái.”

Oyíla Onutó

²⁷ Bréá Yesu dé asón ání blí á, ọtsi ọko bu ọdọm amoto. Ọtsi ámu lótsu ọme fúá blí ọbée, “Bulu layúlá opúní amóú fedí mótó pọ nyọpọ amóú fonyọpọ ámu.”

²⁸ Táme Yesu lébláa mu ọbée, “Ahá ání bọtonú Bulu asón, gyí móso mbouin Bulu layúlá!”

Bodunká Ofíla
(Mateo 12:38-42)

²⁹ Bréá ọdọm amu bọdemoní tsiá a, Yesu léblí ọbée, “Ndemba-abí laláhe, mlídé osúna dunká amliwun, táme mluṁdowun kọkọkọ dọn Bulu ọnósó ọtáipọ Yona osúna amu. ³⁰ Tsúfẹ alí ámúfọ Yona lóbwe osúna há Niniwefọ ámu a, alí mí, Nyankpọsa-Mu-Bi ánífí é nóbwe osúna há ndemba-abí ní. ³¹ Seba owíe tshé ọbókọsọ líí Bulu asón ogyíké, há mli ndemba-abí ánífí ipón. Tsúfẹ olotsu ọsaasí ọmá kọtọ kéín gya ọkpa ba, bonu Salomo nyánsa atosunáhé. Mliki, ọhá ání ọdọn Salomo líí nfi á. ³² Niniwefọ é bókọsọ líí Bulu asón ogyíké amu, há mli ndemba-abí ánífí ipón. Tsúfẹ bréá Yona léda Bulu asón ọkan súná amó á, bedamli klontọ ba Bulu wá. Mliki, ọhá ání ọdọn Yona onutó líí nfi á.

Nyankpọsa-oyí Ọkandíe
(Mateo 5:15; 6:22-23)

³³ “Ọhaa tamanywé ọkandíe pọnjáin, ntée pọ ọlọ bun móso. Ọfúákpá ọtọpọbian, méní ibọwankí há ahá ání béba wóyí ámuto. ³⁴ Fọ ansibi igyi ọkandíe há fọ nyankpọsa-oyí. Ní fọ ansibi bu alá á, fọ nyankpọsa-oyí ámu fée bówankí. Táme ní fọ ansibi ma alá a, fọ nyankpọsa-oyí ámu fée ibóklun. ³⁵ Mó so mliki ání wankí onutó bó mlito, megyí oklun. ³⁶ Ní fọ nyankpọsa-oyí ámu lówankí, oklun ma ọtunetune a, fọ iwí fée bówankí fẹ alá ọkandíe tọwánkí wólí fósó.”

Mose Mbla Asunápo Pọ Farisifo Tsiátó
(Mateo 23:1-36; Marko 12:38-40)

³⁷ Bréá Yesu lótoí tá á, Farisiyin ọko létí mu atọ ogyíkpa mu wóyító. Mó so Yesu lóyo yétsiá ọpónú ámu asi. ³⁸ Ilọwa Farisiyin amu wánwan ání Yesu mófwi ibi pọgyóra iwí asa ọde atọ ámu gyí. ³⁹ Inu so Yesu lébláa mu ọbée, “Mli Farisifo mlitọfwi mli nwe pọ mli ablanwé wankláán, táme ọnsípe móa owuntọlun sọn lábólá mli. ⁴⁰ Mli aha mimláhe, megyí mótó móa mó ọma fée Bulu lóbwe? ⁴¹ Mli pọ mli atonyahé ámu ha ahíánfọ, tógyító iwí bétun ha mli.

⁴² “Farisifo, mli gyọwí ní! Mli teye mli ọtsọtsọ pọ kpántánkpláá aná fée tó idú, pọ idúsi amu há Bulu. Táme mluṁdédé Bulu mbla ámúú ihíe dehián, igyi asóngyí ọnọkwálsu pọ Buludwe ámu so gyí. Mó déhián ni, táme mluṁákiná iyéto dúsi amu é ha.

⁴³ “Farisifo, mli gyọwí ní! Mli tekle otsiákpá yílé tsiá Yudafọ ofiakpa. Mli tekle mli aa, ahá bọbún ha mli itsiá dunsu. ⁴⁴ Mli gyọwí ní! Mli labwé fẹ ntsán ání bọmehie mó nso*, ahá bọtọtsun móso bọmeyín ání ntsán igyi.”

⁴⁵ Mose mbla asunápo amoto ọkole lébláa Yesu ọbée, “Osunápo, ní feblí alí á, fasiá aní é o.”

⁴⁶ Yesu léblí ọbée, “Mose mbla asunápo, mli é mli gyọwí ní! Tsúfẹ mlitọpọ atọ dwindwin sóra ahá, táme mlitamarọ osrebi ọkole kóráá tsá amó sorá. ⁴⁷ Mli gyọwí ní! Tsúfẹ mlitọpwe Bulu ọnósó ọtáipọ amóú mli anáin bọmọ ámu ntsán wankláán. ⁴⁸ Inu désuná ání mli datsúlá dínká mli anáin bwehé ámu so ní. Tsúfẹ mli anáin bọmọ amó, mli é mli lapwé amó ntsán. ⁴⁹ Mó so Bulu lópo mó nyánsa blí ọbée, ‘Nówa mí ọnósó ọtáipọ pọ mí sumbí ayọpọ amótó. Bọmọ ako, dínká ako éso.’ ⁵⁰ Bulu ọbéfíté mli ndemba-abí ánífí mó ọnósó ọtáipọ ámu obugya amóú ulwolí así tsú bréá ọyí lelun ọpá ámu. ⁵¹ Ọbéfíté tsú Habel obugyasu alu bọfọn Sakaria klésu. Mu bọmọ afọdié-asubwi móa Bulu ọtswékpá amu nsiné ní. Ee! Nde mli bláa mbée, Bulu ọbéfíté mó tsú mli ndemba-abí ánífí wá.

⁵² “Mose mbla asunápo, mli gyọwí ní! Tsúfẹ mlídé asónbí sáafi amu. Mluṁéfinkí wíe, mluṁéhá ahá ọkpa é abowíe.”

⁵³ Bréá Yesu lénatí inu ọyó á, Mose mbla asunápo pọ Farisifo ámu bọpọ mu iwí ọblọ, yó bode mu asón tsatsọtsọ fité pọfíní mu yibi, ⁵⁴ kí bée bénya mu ọnótó asoanko pókítá mu.

12

Apinabwé bibe iwí Oláda
(Mateo 10:26-27)

* **11:44** Yudafọ amándíe ọnó á, ní fetsá ntsánsó a, ifin lada fọ. Mó so botekpá mó afá futútú, póhíe mó nso.

¹ Igylí alí, bréá ahá mpím-mpím beba befia un, bude aba ayabiasí tsatsáa a, Yesu légyankpá dá mu akasípó amó olá obéé, “Mlíki wankláán Farisifó Bodobodotu-afásó,* tsúfě apinabwebí abwepó bugyi. ² Tota má uná babun ató mósó aní bumóobwí mósó. Tógyító é ma uná ilenfaín aní iméelín owan. ³ Běda asón aní mlíléblí nklobító okan. Kugyíkóá igyi, ípló bóbon.

Ohá Aní Abénya Ifú
(Mateo 10:28-31)

⁴ “Apíó aba, nde mli bláa mbéé, mlu mánya nyankpósa ifú. Obétalí mósó mli oyóló, táme oméetalí bwé mli toto mó ama. ⁵ Nósuná mli ohá aní mlu yá ifú. Mgyí Bulu. Mu omós mli ama a, obu túmí tswí mli okláa é wá isobítí ogyá aní itamaduntó. Ee! Mu mlu yá ifú ní!

⁶ “Afiní botókoku fe akénsire anu kéké? Megyí kóba ana? Amó kóráá á, Bulu tamatan okokusu, ⁷ méni bée mliá Bulu yin mli nwnusu imi kóráá klátó. Mó só mlu mánya ifú. Mlibu ibiá dun akénsire tsótsótsó!

Adánsiegyí Pó Asónkiná
(Mateo 10:32-33; 12:32; 10:19-20)

⁸ “Nde mli bláa mbéé, ní oku létalí gyi mí iwí adánsie ahátó á, mí, Nyankpósa-Mu-Bi ánfí é négyi mu iwí adánsie Bulu-abópó ansító. ⁹ Táme ní oku lékiná mí ahátó á, mí é nékiná mu Bulu-abópó ansító.

¹⁰ “Ohagyíoha aní oleblí mí, Nyankpósa-Mu-Bi ánfí iwí asón laláhe a, Bulu obétalí sikíé mu. Táme ní oku léblí Ohé Wankíhé amó iwí abususó a, Bulu méesikíé nde, oméesikíé mu oké.

¹¹ “Ní bekpá mli ya Yudafaf ofiakpa, ntée omásó agyípó pó awíe ansító á, mlu mágywín asón aní mléblí póká iwí lé ntée alíá mléle mó onó. ¹² Tsúfě Ohé Wankíhé amó obósuná mli alíá mléblí alí bré ámótó.”

Osikani Mimláhe Oku Iwí Yébi

¹³ Odóm amótó oku lébláa Yesu obéé, “Osunápó, bla mí déhen, oha mía múnyo aye atóá aní sí lési yáí anító.”

¹⁴ Táme Yesu léfité mu obéé, “Agya, ma léyai mí asón ogyípó ntée atótó oyépu há mli?” ¹⁵ Múó olebláa ahá ámu fěé obéé, “Mlíki wankláán ónsípewaso, tsúfě nyankpósa nkpa uma atonyahé tsótsótsó.”

¹⁶ Ino oleha amó yébi obéé, “Osikani oku ndótó ató lehie wá alé ofi oku. ¹⁷ Múó olefité mu iwí obéé, ‘Nkálí nóbwe mí ató-abí? Mma ótínéá nópuyáí.’ ¹⁸ Ino oleblí obéé, ‘Nyin tóá nóbwe. Nóbwie mí idan, láwá akpónkpanti. Mótó nópó mí atíko pó mí ntobí ámu wá ní. ¹⁹ Fówun nabláa mí okláa mbéé, ‘Mí okláa, iklon idi fú asi. Kí, fobó ató tsótsótsóá ida ha fú nfi-nfi. Gyi, afónu, ansí igyi fu.’ ²⁰ Ino Bulu lébláa mu obéé, ‘Oha mimláhe! Onyenu nde fú okláa hóo lé fú ibitó. Ma obégyi ató ánfí fakle yáí ánfí fěé?’”

²¹ Yesu lómó mó onó obéé, “Alí bóbwe ohá aní olekle ató yáí há mu iwí osóló anfiso, táme ama tato Bulu wá ní.”

Ansí Pvdínká Bulusu
(Mateo 6:25-34)

²² Ino Yesu lébláa mu akasípó obéé, “Mó só nde mli bláa mbéé, mlu máhan iwí tóá mlégyi, tóá mlónu pó tóá mlédidá su. ²³ Nyankpósa nkpa dehián dun atogyihe. Mu oyóló é idon ató didáhé. ²⁴ Mlíki aklankpa. Botamadú, botamasíéti wá idantó. Buma idan ntée ifa, táme Bulu téhá amó atogyihe. Mlu má labi dun mbubwí? ²⁵ Mliú ma obétalí han iwí pó bré kpalobí tsia mu nketo? ²⁶ Ní mlu méetalí bwé itó tükúríibi ánfí kóráá á, ntogyi só mlidé iwí háan tráhe amóso? ²⁷ Mlíki alíá pututo-oyí ntswítswí tédan. Itamayó agyómá ntée ló atati. Táme nde mli bláa mbéé, Owíe Salomo, mu inya fěétó a, ómetalí híhúe iwí wá akíle fěé oyí ntswítswí anfitó koku. ²⁸ Ní Bulu dé ifá aní nde ihí, oké ulawú, bawá mó ogyá tati didá á, óméetalí didá mli atati dun mó? Ntogyi só mli hógyi mótó alí?

²⁹ “Mó só mlu mágywín tóá mlégyi ntée tóá mlónu iwí, iha mli ansí ípe. ³⁰ Tsúfě iní aná omá-omá botésrí gya nu. Mli Sí ámu yin aní ide mli hián. ³¹ Itóá mligyánkpa dunka gyí Bulu iwíegyi, Bulu obópó iní tsia mótó há mli.

Atonyahé Pvyáí Osúsó
(Mateo 6:19-21)

³² “Opasua tükúríibi, mlu mánya ifú. Tsúfě ibu mli Sí ámu ódwe aní obópó iwíe ogyíkpá amó há mli. ³³ Mli fe mli iwíso ató, amlipó kóba amó kie ahá aní buma toto. Mlibun akentéá iméeyintá ha mli iwí. Mógyí, mliyai mli siadie osúsó. Inu mó á, koku méedali mótó, tsúfě awikplu buma un, atéple é botamawí ató un. ³⁴ Tsúfě ótínéá fú siadie bu a, unó fú agywun tetsiá.

* 12:1 Farisifó Bodobodotu-afá gyí amó afunu atosunáhé. Kí Mateo 16:12.

Asúmpóá Bvtoogyo

³⁵ “Mliwa atadie, amlunywe mli nkandie. ³⁶ Mlibwe iwí fě asúmpóá buđe amó wíe okpa kí, obótsu oká otsiakpá ba. Fěkí ní obá beda klonsu á, béfinkí há mu. ³⁷ Ansí bégýi asúmpó oduá amó wíe obéba bato amó butsie bugyo mu. Onokwali nde mli bláa. Amó wíe amu obésabáa tati, há amó bétsiá opónúasi, mu onutó obókankí atogyihe amu há amó. ³⁸ Ansí bégýi amó, ní obá bato amó butsie bugyo mu, ayínsiné ntée bakte. ³⁹ Táme mluu asón ánfí. Ní wóyí mu wíe yin bréá owikpulu obéba mu wóyítá a, teki omesi wóyí ámu tswi, owikpulu móbwie wíe wí mu ató. ⁴⁰ Mli é mligyo, tsúfě mí, Nyankpusa-Mu-Bi ánfí néba bréá mli ansí medín misó.”

Osúmpó Wankláán Pó Ọláláhe
(Mateo 24:45-51)

⁴¹ Petro léfíté mu obéé, “Ani nkole fude yébi anfi ha lóó, ntée ania ahá anfi fěé?”
⁴² Yesu léblí obéé, “Ma mee gyí osúmpóá ọletin ansí, ọbo onokwali? Mu ibito mu wie tọpọ mu aba atráhe wá, obéé ọhá amó atogyihe dinka brésó. ⁴³ Ansí bégýi osúmpó amu ní mu wie amu obá bowun ání lélé ọde mú bwe. ⁴⁴ Onokwali nde mli bláa. Mu wie amu obópu mu ató fěé wá mu ibito. ⁴⁵ Táme ní osúmpó amu léblí wá nwuntó obéé, ‘Mí wíe íbábi mọkófún, obówa ọpá.’ Inu su olefi así ọde mu aba asúmpó atsi móba ayin da, ọde ató gyí si amó, ọde ntá núu bu á, ⁴⁶ mu wie amu obéba bofwie mutọ ekeá ọmedín ansí. Mu wie amu obéhe titi mutọ, trá bití móba ahá ání bọmọho mu gyi isu kékée.”

⁴⁷ “Osúmpó oduá oyin tsá igyi mu wie apé, táme ọmela iwí bwé yáí á, mu wie obéhe pítí mu ató wankláán. ⁴⁸ Táme osúmpóá omeýin mu wie apé, ọlbwe tsá ilehián ha ató pítí á, mu wie obépití mu kpalobí. Bulu tefíté tsotsọ tsú ọhá ání ọleha mu tsotsọ wá, ọtefité tsotsọtsọ é tsú ọhá ání ọleha tsotsọtsọ wá.”

Ipián Yesu Lápoba, Megyi Iwilwii
(Mateo 10:34-36)

⁴⁹ “Ogyá ọdudákpá néba ọsolów anfisú. Ní ní nkole su mú á, teki idetsii dodoodo. ⁵⁰ Asúbo ku ida misuá bóbó mí. Mí klon mēedi mí así yófún bréá lamó onó. ⁵¹ Imábwe mli fě iwilwii nọpoba ọsolów anfisú. Megyi iwilwii, ahá nsiné yintá nọpoba. ⁵² Tsúfě tsú séi pọya a, wóyí ání ahá abanú bubu mótá á, abasá bókusó líi abanyósó. Abanyós é bókusó líi abasásó. ⁵³ Abi yinhé móba amó así nsiné báyintá. Abi tsihé móba amó ayin é nsiné báyintá. Osia tsihé móba mu sia tsihé nsiné é báyintá.”

Brétó Asón Asinu
(Mateo 16:2-3)

⁵⁴ Yesu létrá bláa ahá ámu obéé, “Ní nyankpu obilá busu á, mliteblí mlíaa, nde nyankpu obótswie, lélé ototswie. ⁵⁵ Ní nsainto itsú fọá á, mliteblí mlíaa, nde owí obélin, lélé itelin. ⁵⁶ Apinabwébi abwepó! Mliyin alá butelé ọsolósu pú nwólótáasu ató asi. Ntogyi só mlu métalí nú itó ánfí idebá séi ánfí mú asi?”

Anyabá Nsinéla
(Mateo 5:25-26)

⁵⁷ “Ntogyi só mlitamatálí gyí asón wankláán há mli iwí? ⁵⁸ Ní ọku ọsáma fọ á, wa ọsa ha amlublí mú wóyítá, méní fọ onyabá mọpọ fọ ya asón ogyíkpa. Fówun asón ogyípó méegyí fọ asón, pọ fọ wá prósiyin ibito, ọwa fọ obu. ⁵⁹ Ní megyí alí á, mmémlé fọ, nkéti faká tógyítá tá asa fědalí unu.”

13

Mlidamli Uklontá, Mėnu Mlumóowu

¹ Ahá ámúó bubu unu alí bré ámutá ako bẹbláa Yesu bẹẹ, Pilato lamó Galileafọ aku bréá buđe afódie bọ há Bulu, Yerusalem Bulu ọtswékpa unu, há obugya lada afódie ámu. ² Yesu léfíté amó obéé, “Mlíki mlíaa, Galileafọ ánfí bugyi lakpan abwepó dun Galileafọ atráhe, só bowun iwiasin ánfí odu? ³ Nde mli bláa mbéé, megyí alí igyi! Ní mli é mlu médamlí klontá á, mli fěé mlówu fě amó. ⁴ Ntée ahá dúkwe ámúó abansóru lobwie dá mú Siloam ọmanti ání íbu Yerusalemtá ámu mé, mlíkí mlíaa, lakpan abwepó bugyi dun aha atráhe ání betsiá Yerusalem alí bré ámutá fěé? ⁵ Nde mli bláa mbéé, megyí alí igyi. Ní mlu médamlí klontá á, mli é mlówu fě amó.”

Pontó Máswiéhé

⁶ Mób ọleha amó yébi obéé, “Oyin ọku lótswie pọnto mu ndọto. Eke ọku ọlọyo yéki bẹẹ, abí ku idin mótá. Ọlọyo á, kọku medín mótá. ⁷ Inu su ọlebláa mu ọpayin obéé, ‘Nfinsa ní, nna oyí ánfí así. Mmákwun kọkọku mótá. Ntogyi só íbétrá líi yintá ọsolów? Kun mú da!’ ⁸ Táme ọpayin amu lébláa mu obéé, ‘Mí wíé, fọ mú si mú itra lu ofi ọkole, ampulipuli mú asi, kpa wúna wa mú asu. ⁹ Ní ofiéhá iloswie á, íbu alé, táme ní imoswie á, nakan mú dá.’ ”

Ọtsi Ọku Ilo Tsa Ọkpónó Ọdaké

¹⁰ Yesu lóyo ɔde ató suná Yudafo ofiakpa ɔkpónó ɔdaké iko. ¹¹ Ɔtsi ɔkwá ɔɲe laláhe lówa mu ilo nfi dúkwe ní, ilahá mu alaklo, ɔmetálí bwií náti bu inu. ¹² Bréá Yesu lówun mu á, ɔleti mu bláa mu ɔbéɛ, “Ani yín, iwá iwá fú ɔnlun!” ¹³ Inu ɔlɔpu ibi da ɔtsi ámu. Inonu olotswií lí kánfó Bulu.

¹⁴ Ofiakpa ɔhande amu lénya ɔblá ání Yesu latsá ɔha ɔkpónó ɔdaké. Mú su ɔlebláa ahá ámu ɔbéɛ, “Nkensié bu inu há agyómá yo. Mliba nke ámuta, abutsa mli ilo. Megyi ɔkpónó ɔdaké!”

¹⁵ Ani Wíe Yesu léle mós ɔnó ɔbéɛ, “Apinabwebí abwepó! Mlito okugyioku tɔwóí mu nnantswie ntée afrímú lé ibantá, pú amó ya ntsu onúkpa ɔkpónó ɔdaké. ¹⁶ Mú uma alá mí mú nésankí Abraham mu na ání Ɔbonsám lakíklí mu nfi dúkwe kéké ání ɔkpónó ɔdaké?” ¹⁷ Mu ason blíhè ání léha péli lékitá mu alupó ámu, ansí légyi atráhe amu fée, ofúla kpɔnkpɔnti ámóú ɔdebwe ámu su.

Takyí-akpin Ibi Yébi
(Mateo 13:31-32; Marko 4:30-32)

¹⁸ Inu Yesu léfité ɔbéɛ, “Ntɔ Bulu iwíegyí ámu lelan? Ntée ntɔ nɔpókápó mu? ¹⁹ Igyi fé takyi-akpin ibi, oyin ɔko lódu wá mu ndɔtɔ. Uedan mlí oyi yilé, mbubwi botogyónká mú abámbitɔ.”

Bodobodotu-afá Yébi
(Mateo 13:33)

²⁰ Yesu létrá blí ɔbéɛ, “Ntɔ mpókapo Bulu iwíegyí ámu? ²¹ Igyi fé Bodobodotu-afá ání ɔtsi ɔko lóptsíá bodobodo nfúó kente kole, leha mú ilotu.”

Obu-ɔnó Kplánhe
(Mateo 7:13-14, 21-23)

²² Bréá Yesu ɔyó Yerusalem a, ɔlɔtsɔn nkudasí pú awúlusu. Ɔna ɔde amú ató suná. ²³ Ɔha ɔko léfité mu ɔbéɛ, “Owíé, ahá kpalobí ku obénya nkpa?”

Yesu lébláa ahá ámu ɔbéɛ, ²⁴ “Mlito mbódí amlitsɔn obu-ɔnó kplánhe amotɔ. Tsúfé ahá tsɔtsɔtsɔ bóbó mbódí ání bótɔn wie inu, táme bomeétalí. ²⁵ Táme ní woyí mu wie ɔkósú fin obu ámu, mlebá belí klɔn ɔma, dá klɔn amusu mliaa, ‘Owíé, finki ha an!’ á, ɔbébláa mli ɔbéɛ, ‘Mmeyín mli, mmeyín ɔtínéá mlotsú.’ ²⁶ Inó mléblí mliaa, ‘Ania fonyo létsiá gyi ató, nú ntá, fetsiá suná ató aní dunsu!’ ²⁷ Táme ɔbéle mú ɔnó ɔbéɛ, ‘Mmeyín mli. Mmeyín ɔtínéá mlotsú. Mlunati tɛi misó, mli lalaha abwepó fée!’ ²⁸ Ní mlowun Abraham, Isak, Yakob pú Bulu ɔnósó atópó amu fée bubu Bulu iwíe ogyíkpá, táme bomeha mli mú ɔkra amliwie inu á, unó mlósu kpisií nu. ²⁹ Ahá bótɔsu owí ɔdalukpa pú owí ɔkplíwíékpá, binasu múa gyɔpɔsu ba betsiá ató ogyíkpá Bulu iwíegyí ámutɔ. ³⁰ Ɔnokwali, amapu aku bémlí agyankpapu. Agyankpapu aku é bémlí amapu.”

Yesu Lósu Ha Yerusalem
(Mateo 23:37-39)

³¹ Inu Farisifo aku beba Yesu wá bebláa mu beɛ, “Dalí Galilea ɔmátó nfi, tsúfé ɔmásó ogyípó Herode dékléá ɔbómó fú.”

³² Yesu lébláa amú ɔbéɛ, “Mliyebláa ɔkpataku ámu mliaa, ‘Négya ɔɲe laláhe lé ahátɔ, tsá ahá ilo nde, gya le ɔke, mós mú ɔnó kláí.’ ³³ Táme ilehián ání nɔyɔ mí ɔnátí amusu nde, ɔke múa kláí. Tsúfé ɔkra má unvá bómó Bulu ɔnósó ɔtópó ɔkoko ɔtɔnetɔne, dun Yerusalem!

³⁴ “Oo Yerusalemfo, Yerusalemfo! Mlítómsó Bulu ɔnósó atópó, dá abí ání Bulu lawá sísí mli abwi mós ní. Ntekleá nóbun mli abísó brégyíbré, fé alá bate tobun mu abísó, táme mlitamahá mí ɔkra. ³⁵ Mliki, Bulu obési mli ɔtswékpa tswí mli. Nde mli bláa mbéɛ, mliumétrá wun mu ekekeke, yófon ekeá mléblí mliaa, ‘Bulu oyíla ɔhá ámóú ɔhá mu dátó’ ámu.”

14

Ɔlɔpu Ɔko Tsa

¹ Farisifo ɔhande ɔko léti Yesu ató ogyíkpá mu woyító ɔkpónó ɔdaké. Ahá bɔpu ansí yi Yesusu, bode mu tée. ² Inu oyin ɔkwá alapúnýá léba Yesu wá. ³ Yesu léfité Mose mbla asunápó pú Farisifo ámu ɔbéɛ, “Ani mbla léha ɔkra ání butsáa ilo ɔkpónó ɔdaké lóó, ntée umeha ɔkra?”

⁴ Amótó ɔkoko móbwií ɔnó. Mú Yesu lékitá oyin ámu, tsá mu ilo, olesi mu olenatí. ⁵ Inu ɔlefíté ahá ámu ɔbéɛ, “Mlito ma mu bi ntée mu ɔnantswie ɔbékpadá wíé ibúntó ɔkpónó ɔdaké, ɔmókosí lé mu?”

⁶ Bomeétalí lé mú ɔnó.

Iwasibá

⁷ Inu Yesu lówun ání ahá ámóú beti ató ogyíkpá inu ámutɔ aku bode otsiákpá yilé dunká bétsiá. Múú ɔleha amú yébi ɔbéɛ, ⁸ “Ní ɔko ɔtí fú ɔká otsiákpá a, máyétsiá ɔfóákpá. Fialí ɔleti ɔhande ɔkwá ɔdon fu. ⁹ Inu ɔhá ámóú ɔleti mli ámu ɔbebláa fu ɔbéɛ, ‘Mí wíé, kusu pu obíá ha ɔhá ání.’ Inu péli békítá fú, fɛpeti yódunká ɔtɔneku tsíá. ¹⁰ Mú su ní ɔha ɔtí fú ató ogyíkpá a, yetsiá

obíá kusubisi mboún, óhá ámu óbebláa fu óbée, ‘Mí wíé, betsiá ófóakpá nfi.’ Iní obótsu fu ansító fódá ahá ámu fée ansító. ¹¹ Tsúfée ðhagyíðha ání ototsú iwí á, Bulu teba mu asi. ðhagyíðha ání ðteba iwíasi é á, Bulu totsú mu fódá.”

¹² Yesu lébláa óhá ámuó ðleti mu ató ogyíkpa amu é óbée, “Ní fotswí ópónó ópa onyé á, máti fu anyawíe, fu apíó, fu abusuanfó ntée iwí anyapódá butsi mantáa fu. Ní fóbwé mu alí á, amó é bélatí fu amó kfe asi ká ikó. ¹³ Mboún tí ahiánfó, tsukole asínpu, abubúpu pú ansibi abwiepó. ¹⁴ Bulu obóyulá fu, tsúfée buma tótáá bópóká fu ikó. Bulu óbéka fu ikó ekeá óbókúsóa aha yilé tsú afúlitó.”

Nke Kpònkpòntí Kù Yébi
(Mateo 22:1-10)

¹⁵ Ahá ámuó amóa Yesu butsi ópónóasi ámuto ókole lónu mu ason blíhé anfi, ðleblí óbée, “Ansí bégyi ahá ání bégyi ató Bulu ópónó ótswíke mu iwíegyi ámuto!”

¹⁶ Táme Yesu lébláa mu óbée, “Oyin óku lótswí ópónó kpònkpònkpòntí kù, ðleti ahá tsòtsòtsò. ¹⁷ Bréá beniná atogyihe amu tá á, ólwa mu asúmpó óbée buyébláa ahá ámuó ðleti ámu bée, ‘Babwé tá!’ ¹⁸ Táme amó fée bébli bée amó ibi de. Ogyankpapo óbée, ‘Naho ósolóbu kù. Ilehían ání néyékí mú. Mú sù mlkíta mótó ha mí.’ ¹⁹ Onyóasi é óbée, ‘Naho nnantswie yínhé idú, bópulípúli mí ndótó há mí. Neyékapó amó kù. Mú sù mlkíta mótó ha mí.’ ²⁰ Óbambá é óbée, ‘Nwéen kótóó netsiá óká. Mú sù mméetalí ba.’

²¹ “Inu ósúmpó amu léyinkí bebláa mu wie. Óbls lékitá mu wie amu, ðlebláa mu óbée, ‘Wa ósa sri yeki dinsu pó bronusu, afokpa ahiánfó, tsukole asínpu, ansibi abwiepó pú abubúpu ba.’ ²² Imówa ópá ósúmpó amu léba bebláa mu óbée, ‘Mí wíé, nayó sumbí ámu, táme otsiákpá trá da.’ ²³ Mu wie amu lébláa mu óbée, ‘Tson mmuátse móa nkpakwí fée. Tí ðhagyíðha ání fówun fee óbá, méní ahá bóbólá mí wóyító. ²⁴ Nekáse, ahá ámuó nehue tí ámuto ókoku méeda mí ató ání onó!’ ”

Yesu Búoto Ipián
(Mateo 10:37-38)

²⁵ Yesu móa óðam kpònkpònkpòntí ámu ná bọyó. Múó ðledamli bláa amó óbée, ²⁶ “ðhagyíðha ání ðleba mí wá, táme óde mu sí, mu yin, mu otsiába, mu abí, mu apíó, mu onutó kóráá iwí dwe don mí á, óméetalí bwé mí ókasípó. ²⁷ Óhá ání omotsu mu oyikpalíhe bobuo mí mífón ání óbówe mí ókasípó.

²⁸ “Mlito ómamu bó inu, ní obéyi obu kpònkpòntí á, óméetsiá asi kù tóá obéyintá, wun ání mu kóba b́fón? ²⁹ Ní ómeki mú alí, asa ólókúsó wá obu ámu ntswíasi, pwé mú fun ókpató, ómetalí mós mós onó á, obu ámu awúnpu fée bómási mu. ³⁰ Bébli bée, ‘Oyin ání lókúsó óde obu yíi, ómetalí mós mós onó.’

³¹ “Ntée owíe ómamu bu inuá ní owíe óku dé akápó mpím-aduanyó (20,000) óbá bókó mu a, óméetsiá asi kù alíá óbówe óbópu mu isá akápó mpím-dú (10,000) yéfiá amó? ³² Ní owun ání óméetalí á, óbówa abí ósasú bóyókokóli mu há ikolebwe, bréá bomákónyá kpókpé ba. ³³ Iní sù mlito óhá ání omesi mu tógýító ómagyáa óméetalí bwé mí ókasípó.

Nfólá Ima Labi
(Mateo 5:13; Marko 9:50)

³⁴ “Nfólí bu alé, táme ní itá ódwe á, ntó bélapówá mó ódwe? ³⁵ Itráa ma ale há tótóto bwe. Tsei butetséí mó tsítsá wúnasu. Óhá ání óbu asu onúu asón ání.”

15

Kufa Fwíhé
(Mateo 18:12-14)

¹ Eke óku lampóo ahápu pó lakpan abwepó beba Yesu ason blíhé onukpá. ² Farisifó pó Mose mbíla asunápó amu bowuntí mu bée, “Oyin ání móa lakpan abwepó ténátí, bótówá ibi gyi ató kóráá.” ³ Mú sù Yesu léha yébi pósúná amó ató óbée,

⁴ “Mlito ma bó akúfa lafakule (100), ókole ófwí á, omesi adukwebá-kwebá (99) tráhe wá dimbító inu, yódunká mu alí kpéfón bréá obówun mu? ⁵ Nahogyi mbée, ní owun mu a, ansí bégyi mu, obótsu mu wá nkònkò, ⁶ pó mu ya wóyító. Óbétí mu anyawíe pó mu aba, bláa amó óbée, ‘Mliha anya ansigyí. Nawun mí kufa amóó ólofwí ámu!’ ⁷ Alí kén nde mli bláa mbée, ní lakpan óbwepó ókole pé ódámli klòntó á, ansí béhe gyi ahá ósósó inu don alíá íbégyi amó aha wankláán adukwebá-kwebá (99) ání bometrá hián klòntódamli iwí.

Kóba Fwíhé

⁸ “Ntée ní ótsi óku bu sika futútú dú, mótó kole lafwí á, omóonywe ókandíe kiki mu wóyító wankláán, kpákpá ntóbító kù, fée wóyí ámuto wankláán ýfón bréá alawun mó? ⁹ Ní owun mó á, óbétí mu apíó aba, bláa amó óbée, ‘Mliha anya ansigyí. Nawun mí sika futútú ámuó

ɔɔfwi ámu. ¹⁰ Nde mli bláa mbéé, alí ansí béhié gyi Bulu-abəpu ní lakpan əbwepó əkole ɔdamlí klɔntə ní. ”

Obi Fwihé Oku

¹¹ Yesu létrá ha amó yébi əbée, “Oyin əku létsiá, əbu abi yinhé anyo. ¹² Okusu amu lébláa mu si əbée, ‘Mí sí, ye fú atótó, afupu mí klé ha mu.’ Inu mu si lékitá mu atótó ye há amó. ¹³ Imegyí nke koku əkusu amu lókolá mu ató fée, olotu əkpa yó tsútsúútsú omá koto. Inu oleyétsiá nkpa laláhe yíntá mu ató amó fée. ¹⁴ Bréá oleyíntá ató amó tá á, akón kpónkponti ku léba omá amoto, əlawa akón di bi. ¹⁵ Mú su əlpu iwí yémantá unoyin əkusu, oyin amó lékpa mu yáa mu ibúasi əbée, əyéki mu mprákuosu ha mu. ¹⁶ Teki olekleá obétsiá gyi mprákuo atogyihe amu ku, táme əhaa méha mu mótó iwí əkpa. ¹⁷ Bréá mu ansí leyínki ba mu iwísu á, əlefíté mu iwí əbée, ‘Apafə amomó kóráá má mí sí wóyító, bumedé ató gyi sian ekekegyieke? Mú ntsie ní, akón de mí mótó? ¹⁸ Nókusu yínki yó mí sí wá, yébláa mu mbéé, mí sí, napó ilá gyi Bulu, pógyi fú é. ¹⁹ Mmekanáa aní fétrá ti mí fú bí. Pu mí bwéé fú apafə amoto əkole.’ ²⁰ Mú su əlokusó pó əkpa əbá mu si wá.

“Bréá olowotií, mu si lówwun mu sísí á, əlawa mu nwe, əlesrí yéfiá mu, látá mu pútá. ²¹ Inu mu bí amó lébláa mu əbée, ‘Mí sí, napó ilá gyi Bulu, pógyi fú é. Mmekanáa aní fétrá ti mí fú bí.’ ²² Táme mu si létí mu asúmpó, bláa amó əbée, ‘Mliwa əsa yotsu atadie wankláán amu əlawa mu. Mliwa mu opetia, amlíwa mu ntukota. ²³ Mliyele ənantswie yínhé kánáhe amóú alawá nfo amu ba, amlibomó mu, apogyi nke ha mu. ²⁴ Tsúfé mí bí anfi lawú tsínki. ɔɔfwi, andawun mu.’ Inu əlawa nke gyi bi.

²⁵ “Alí bré amoto á, obi dehen amu bu ndəto. Bréá olotsu ndo amoto əbá, alata wóyító wie tá á, olonu aní pléi de wóyító inu. ²⁶ Mú su əleti mu si asúmpó amoto əkole, fité əbée, ‘Amansu lába?’ ²⁷ Osúmpó amu léle mótó əbée, ‘Fó pió laba. Mú su fó sí lahá bamó ənantswie kánáhe amu, tsúfé alayínki bətu mu, əbu nkpa, əbu ənlɔn.’

²⁸ “Əbís lékitá ədehen amu. Mú su olesin mmuáa. Mu si lédalí ba bokokóli mu əbée, əbá wóyító. ²⁹ Táme əlele mótó əbée, ‘Mí sí, ki nfi dúdúódúá napótsiá fú wá súm fú. Mməkóbwé mábúla koku ki. Táme fuməkóhá mí əkpalábi fée mía mí aba apówa iwí ansigyí ki. ³⁰ Táme fú bí anfi alayíntá fú tógyító, moa akípó bayégyi nkpa anfi mó laba a, famó ənantswie yinhé kánáhe amóú alawá nfo amu há mu!’ ³¹ Inu mu si lébláa mu əbée, ‘Mí bí, yée fú mó fóbó mí wá brégyibré. Fóbó mí ató fée. ³² Fó pió anfi lawú tsínki. ɔɔfwi, andawun mu. Mú su lehián aní abégyi mó nke, nyá ansigyí.’ ”

16

Agyómásó Okipu Ansítinpu Oku

¹ Yesu lébláa mu akasípó əbée, “Iwí onyapó əku létsiá, əbu agyómásó əkípu. Ahá bowi tsá mu wie amosu bée əde mu gyí. ² Inu su əleti oyin amu, fité mu əbée, ‘Nto asón ndenu tsú fó iwí alí? Bobu akúnta ha mi, tsúfé fumétrá ki mí agyómásó.’ ³ Agyómásó əkípu amu léfité mu iwí əbée, ‘Nkálí nóbwe? Mí wie əbá begya mi. Mma əwənlín aní nénatí də ha ahá. Ibo mi péli aní nénatí kolí ató é. ⁴ Ibo alé! Nyin tsá nóbwe, méni ní osí mí á, nénya ahá aní bəhə mi wá amó wóyító.’

⁵ “Mú su əleti ahá aní bode mu wie ɔko kolekole. ɔlefíté ogyankpapo əbée, ‘Iko afini fódé mí wie?’ ⁶ Iko əkitápó amu léle mótó əbée, ‘Nfo agbongbó lafa-anyo (200).’ Agyómásó əkípu amu lébláa mu əbée, ‘Tsan fú adánsie əwoló amoto, afowanlɔn lafakole (100).’ ⁷ ɔlefíté əku é əbée, ‘Iko afini fódé?’ Iko əkitápó amu lébláa mu əbée, ‘Bodobodo nfúó akente əpim-əkole (1,000).’ Agyómásó əkípu amu lébláa mu əbée, ‘Tsan fú adánsie əwoló amoto afowanlɔn lafakwe (800).’

⁸ “Osikani amó lékanfó agyómásó əkípu anfi əma ənəkwali anfi aní alatalí tin ansí alí.” Yesu lómə mótó əbée, “Ndemba-abí aní bobuo əyító ató ansítin aní bəpu bətsie amó abato idon amóá buyin Bulu klé.

⁹ “Nde mli bláa mbéé, mliwu əyító ató bwe apió, méni ní itá á, Bulu əbóhə mli wá mu wóyító ibo inu bré fée. ¹⁰ Əhá aní əletalí kítá ató tükúrfíbi, olegyi ənəkwali mósó á, mu kén obégyi ənəkwali ató kpónkponti ésó ni. Táme əhá aní əmowa ənəkwali ató tükúrfíbiso əmówa ənəkwali ató kpónkpontisə. ¹¹ Mú su ní mliwá ənəkwali əyító atósú a, ma mee əbóhə mliwu gyi, pó əsósó ató onutó wá mli ibito? ¹² Ntée ní foma ənəkwali əku klésu á, ma mee əbópó fú klé há fú?

¹³ “Osúmpó əkoku méetalí súm awie anyo. Əbódwe əkole, lú əkole. Ntée obóbu əkole, omóobu əkole. Fuméetalí súm Bulu, súm Kóba.”

Yesu Asən Blíhé Ku

(Mateo 11:12-13; 5:31-32; Marko 10:11-12)

¹⁴ Farisifo bətdəwé kóba. Mú su bréá bonu Yesu asən blíhé anfi á, bəbwe mu ahinlá. ¹⁵ Inu Yesu lébláa amó əbée, “Mliwéle iwí súná aní aha yilé mli gyi ahá ansító, táme Bulu mó yin mli klɔntə. Tsúfé tsá nyankpəsa tekíá ibo labi igyi Bulu akísítə.

¹⁶ “Mose Mbla amó pó Bulu ənsós atóipó amu asən wanlínhé ləyo agyómá alu bəfon Asú Əbopó Yohane brésó. Tsú musu bode Bulu iwígyí amu iwí asən wankláán əkan da, ahá é

bodepríu wie móts. ¹⁷ Ɔsɔ móa así bétalí mó ɔnɔ, táme itoduáhé ntée asónbi ukole kóráá móowu Mose Mbla ámuɔ.

¹⁸ “Oyin okíná mu ka láyétsiá ɔtsi bámbá á, alat mbɔa. Oyingyioyin aní ɔtsi ɔtsi ánfí mu kulu lakíná mu é latɔ mbɔa.”

Iwɛ Onyapɔ Ɔku Mɔa Lasaro

¹⁹ Yesu lébláa amó ɔbée, “Iwɛ onyapɔ ɔku létsiá. Atati wolúhe ɔtedídá, otegyi nkpa wankláán ekekegyíeke. ²⁰ Atɔ ɔkólípɔ ɔkuá mu iwɛ letsisífi nlo é létsiá. Botetí mu Lasaro. Betsiá pɔ ohiáni ánfí yéyá iwɛ onyapɔ ámu ɔkpa ɔnɔ. ²¹ Ɔkiá obénya atogyihe mpupubiá íbékpa kpáa bun oyin ámu ɔpónɔasi gyi. Akíá létsiá beyintá mu nlo ámu kóráátɔ.

²² “Bré á ohiáni ánfí lówu á, Bulu-abɔpɔ bɔtsu mu ya, oleyétsiá aní náin Abraham wá ɔsɔsɔ. Iwɛ onyapɔ ánfí é lóbowu, populá mu. ²³ Ɔlɔyɔ ɔbu ísubití ogyá aní itamaduntɔ, ɔde iwɛ ɔsin wúun. Olotsu ansí fúá, olowun aní Lasaro tsie Abraham wá tsútsútsú. ²⁴ Inu ɔkɔklón ɔbée, ‘Aní sí Abraham-ée! Wun mi nwe, afuha Lasaro ɔyɔpɔ mu osrebi da ntsutso pɔbɛda mí ɔdandɔsu, ilwii kpalobi. Nde iwɛ ɔsin wúun ogyá ánfíto dɔbi!’

²⁵ “Táme Abraham lébláa mu ɔbée, ‘Obí, kaun, fú nkpatiátɔ a, fegyí ɔdwe, Lasaro é letsiá ɔsɔntɔ. Séi á, ɔbu ɔdweɔ, fú é fúbu ɔsɔntɔ. ²⁶ Ɔma a, ulán kpɔnkpɔnkpɔnti ku da ania funyɔ nsiné. Mú su ɔhaa méetalí fá tsú nfi ba fú wá unu, ɔhaa é méetalí fá tsú unu ba aní wá nfi.’ ²⁷ Oyin ámu lébláa Abraham ɔbée, ‘Mómú nobwíi ipa, aní sí Abraham, wa Lasaro sisi mí sí wóyítɔ. ²⁸ Mbu apio yinhé abanú aku unu, ɔyɛda amó ɔlá, méní bowú á, buméeba bowun iwɛ ɔsin ánfí odu.’

²⁹ “Abraham léle mú ɔnɔ ɔbée, ‘Mose mu Bulu ɔnɔsɔ atáipɔ amu nwlólɔ mu amó wá, ide amó ɔlá da. Bɔntú mú, abɔgyi músɔ.’ ³⁰ Oyin ámu léle mú ɔnɔ ɔbée, ‘Aní sí Abraham, asón ámu nu keke mééha amó abudamli klɔntɔ. Mboun ní ɔku ɔkɔsɔ tsú afúlitɔ yó amó wá á, bédamli klɔntɔ.’ ³¹ Táme Abraham lébláa mu ɔbée, ‘Ní bumegyí Mose mu Bulu ɔnɔsɔ atáipɔ amu nwlólɔtɔ asón ámu su á, ɔku ɔkɔsɔ tsú afúlitɔ yó unu kóráá á, bumóonu chá ámu asón.’ ”

17

Lakpanbwe

(Mateo 18:6-7, 21-22; Marko 9:42)

¹ Yesu lébláa mu akasípɔ amu ɔbée, “Iwébwéébwé á, tɔku béha nyankpɔsa ɔbóbwe lakpan, táme chá aní na musu mu ba lóbwe lakpan ɔgyówi ní. ² Ní ɔku léha ahá ánfí bumakódan mísɔ hógýitɔ ánfíto ɔku lóbwe lakpan á, ní bɛda nfúókwebu síán mu ɔmetɔ, tsu mu wá ɔpɔ okluklúkpa pɔ á, íbu alé don. ³ Mú su mlíkí mlí iwɛ wankláán.

“Ní fú bá ɔpɔ dá gyi fú á, wa iyn wa mu. Ní ɔledamli klɔntɔ á, síkie mu. ⁴ Ní ɔlɔpɔ dá gyi fú tse sienɔ* ekewóle owítɔ, ɔlela bobwíi ipa há fú á, síkie mu.”

Hógyi

⁵ Yesu sumbí ayɔpɔ ámu bebláa mu beɛ, “Ha aní hógýi imoní tsia.”

⁶ Yesu léle mú ɔnɔ ɔbée, “Ní mlí hógýi lómoní fé takyi-akpin ibí á, mlétalí bláa kehí ánfí mlíaa, ‘Pulí yelí ɔpɔtɔ.’ Ibóbwe dínká músɔ.

Osúmpɔ Gyumagyihe

⁷ “Ní mlítɔ ɔku bu osúmpɔá ɔtɔyɔ agyómá mu ndɔtɔ ntée ɔteki mu akúfasu, ɔtsú agyómátɔ ba a, bláa mu wie tebláa mu ɔbée, ‘Wa ɔsa bwe afugyi atɔ?’ Ekekeke! ⁸ Bláa ɔtebláa mu ɔbée, ‘Tsu tati saba, afubatswi ɔpónú ha mi. Belí mí angyi atɔ. Negyi ta á, fayégyi fú klé.’ ⁹ Ɔtedá osúmpɔ amu ipán ɔbée, alabwé tɔá mɔwa mu bwe? Ekekeke! ¹⁰ Inu su ní mlí é mlábwe tɔá bɔwa mlí bwe tá á, mlíblí mlíaa, ‘Asúmpɔ keke anígyí. Tɔá igyi aní bwehé anilabwé á.’ ”

Ilo Pɛpɛ Alɔpɔ Dú Tsa

¹¹ Yesu ná Samaria pɔ Galileafɔ ɔkasu ɔyɔ Yerusalem. ¹² Bré á ɔleta wúlu kɔsu wie tá á, ilo pɛpɛ alɔpɔ dú aku bɔna bebá befia mu, besi lí tsútsú. ¹³ Inu ɔkɔklón blí beɛ, “Yesu! Owíé! Wun aní nwe.”

¹⁴ Yesu lótsu ansí kí amó, ɔlebláa amó ɔbée, “Mlɔpɔ mlí iwɛ yosuná Bulu igyi ɔhapɔ.†”

Bré á bɔpɔ ɔkpa bɔyɔ á, amó iwɛ léplí. ¹⁵ Ɔkole mú lówun aní mu iwɛ laplí a, oleyinkí ɔdeklón kanfú Bulu kóklókó. ¹⁶ Olebemli bún Yesu ayabitɔ, ɔde mu ipán da. Samariayin oyin ánfí gyí. ¹⁷ Inu Yesu léfítɔ ɔbée, “Megyi ahá idú natsá? Mú kwebá atráhe mé? ¹⁸ Mú su amótɔ ɔkoku méba bekanfú Bulu don Samariayin ɔfɔsɔ ánfí nkole?” ¹⁹ Inu ɔlebláa oyin ámu ɔbée, “Kɔsu nati. Fú hógýi latsá fú ilo.”

Bulu Iwíegyi Amu Ibá

(Mateo 24:23-28, 37-41)

* **17:4** Idesuná aní tsé dódóá ɔlɔpɔ dá gyi fu. † **17:14** Abobí aní mlí iwɛ laplí Mose mbla ɔkpasu.

²⁰ Farisifó akó befité Yesu bée, “Omenke Bulu iwíegyi ámu íbéba?” Yesu lébláa amó obée, “Megyi tóá oha obópu ansibi wun Bulu iwíegyi ámu igyi. ²¹ Ohaa méetalí blí obée, ‘Kí, móbu nfi.’ Ntée ‘Móbu nána á.’ Tsúfè mlí klontó Bulu iwíegyi ámu bu.”

²² Inu Yesu lébláa amó akasípó obée, “Èke okó íbá, mlódunká ání mlówun mí, Nyankpusa-Mu-Bi ání ekewóle pé, táme mlimóowun mó. ²³ Ahá bébláa mlí bée, ‘Obu nfi.’ ntée ‘Obu nána,’ táme mlimásrì buo amó yéku. ²⁴ Tsúfè mí, Nyankpusa-Mu-Bi ání obáke bóbwe fè alí ámóú nyankpu tófwi íbi, bótowun mó nsaunto fèé ámu. ²⁵ Táme négyankpá wun iwiasin tsotsotsó, ndemba-abí ání é békíná mí. ²⁶ Alí ámóú ilegyi Noa brésó amó a, alí íbégyi mí, Nyankpusa-Mu-Bi ání é íbábí n. ²⁷ Ahá betsiá, bode ató gyí, bode ntá núu; bode aká tsiá, bode atsi kítá há akúlu alu yófun ekeá Noa lówie mó dáka kpankpanti ámto, ntsu lóbulá bamó amó fèé. ²⁸ Alí kén deba Lot é brésó n. Ahá betsiá, bode ató gyí, bode ntá núu, bode ató hoo, bode ató fe; bode ató du, bode ibu yii, ²⁹ yófun ekeá Lot lédali Sodom wúluto, ogyá móa atonkodu lotswie tsu osósó behi amó fèé. ³⁰ Alí kén mí, Nyankpusa-Mu-Bi ání iwíowanléké bófwie aháto ní.

³¹ “Èke ámu a, ohá ání odin obusu, ohá ání íbu obuto omákpí botsu tóto. Alí kén ohá ání obu ndato é méyínkí botsu tóto n. ³² Mlikan Lot mu ka asónsò!† ³³ Tsúfè ní okó lódunká ání obéprí mu nkpa á, obóhólú mó. Táme ní okó lóhólú mu nkpa á, obélanya mó. ³⁴ Nde mlí bláa mbée, alí eke ámu onyé á, ní ahá abanyó buda oklan kulesó á, Bulu obótsu okole sí okole.

³⁵⁻³⁶ “Ní atsi abanyó bode nfúó kwé á, Bulu obótsu okole sí okole.‡” ³⁷ Yesu akasípó amó befité mu bée, “Aní Wíe, nkónó íbéba?”

Yesu lébláa amó obée, “Jínéá itó wuhé da a, inó alása butefia n.”

18

Ɔsrarpu Mba Asón Ogyipó Oko

¹ Inu Yesu léha yébi ko pòsúná ání bubóo mpáí brégyibré, imákpón amó. ² Odebláa amó obée, “Asón ogyipó okó létsiá wúlu kusó. Otamanyá Bulu ifú, otamanyá ohaa é péli. ³ Ɔsrarpu okó é létsiá wúlu amto. Oletsíá bokokóli mu obée, ogyii mu asón onokwaliso ha mu, ole mu tsu mu olupó ibito! ⁴ Teki olekle okina, táme oma-oma a, olebláa mu iwí obée, ‘Ibu mótsá ntamanyá Bulu ifú, ntamanyá ohaa é péli. ⁵ Táme alí ání Ɔsrarpu anfi ná ode mí háan anfi so á, négyi mu asón onokwaliso. Ní megyi alí á, oméesi mí tóí wa. Omécha mméenya okpa bwé tóto.’ ”

⁶ Yesu lóyo mósó obée, “Mluku alá asón ogyipó anfi otamagyi asón onokwaliso ání lablí. ⁷ Mómú nkálí Bulu mó méegyí mu ahá ámóú alalé, bodesú kpolí mu opa-onyé ámu asón onokwaliso? Obési amó asón wá obiátó? Èkekèeke! ⁸ Nde mlí bláa mbée, obégyi mó onokwaliso há amó osasu. Táme ndefité mbée, ní mí, Nyankpusa-Mu-Bi ání neyínkí bá a, nówun ahógyipu akó osólóv anfi so?”

Lampóo Ohópu Mba Farisiyin

⁹ Yesu létrá ha yébi ko pòsúná amó ató tsú ahá ání butekí amó iwí yilé abwepó dun amó aba. ¹⁰ Odeha yébi amó obée, “Ayin abanyó akó bədu yó mpáí obokpá Bulu otswékpá. Amótó okole gyí Farisiyin, okole é gyí lampóo ohópu.

¹¹ “Farisiyin amó lókusó líí, bó mpáí wá nwunto obée, ‘Bulu, nedá fú ipán ání mmegyí fè akú. Mí mó mma onsipe, ntamasisi oha, ntamató mbua, mmegyí fè Lampóo ohópu anfi é. ¹² Nteklí onó tse nyo ndawótswí ikoleto. Nteye mí ató fèétó dú, lé idúsi há fú.’

¹³ “Táme lampóo ohópu amó mó léyelí tsútsú, oloko nwunto wá. Omotsulá tsú ansí kóráá fúá kí osósó. Olopu obunáa dá ibito, kókóli Bulu obée, ‘Oo Bulu, wun mí nwe, lakpan obwepó ngyi.’ ¹⁴ Yesu lómo mó onó obée, “Nde mlí bláa mbée, asa beyínkí yó wóyí á, Bulu ansí légyi lampóo ohópu amó iwí dun Farisiyin amó. Tsúfè ohá ání ototú iwí á, Bulu obéba mu asi. Ohá ání oteba iwiasí é á, Bulu obótsu mu fúá.”

Nyebi Yulá

(Mateo 19:13-15; Marko 10:13-16)

¹⁵ Aha akó bəpu amó abí ba Yesu bée, opóu íbi dunka amósó, oyula amó. Mu akasípó bowun amó. Mó so bowa iyin wá amó. ¹⁶ Táme Yesu létí nyebí ámu ba mu iwí wá, olebláa akasípó amó obée, “Mliha nyebí ámu abuba mí wá. Mlimátin amó okpa, tsúfè ahá ání odu bú Bulu iwíegyi amó n. ¹⁷ Onokwalí nde mlí bláa. Ohá ání oməho Bulu iwíegyi ámu fè kebi á, omóowie mótsó.”

Atonyahé Iwí Atosundhé

(Mateo 19:16-30; Marko 10:17-31)

¹⁸ Èke okó Yudafo ohande okó lébefité Yesu obée, “Osunápo yilé, nto nóbwe asa nénya nkpa ání itamatá?”

† **17:32** Bréá omobu Bulu, oledamli kí oma a, olemli nfóhsin. Kí Genesis 19:26. § **17:35-36** Mótsó yée 36 bə nwóló dada amó akoto: Ní ayin abanyó bode agyómá yó ndo koleto á, Bulu obótsu okole sí okole.

¹⁹ Yesu léfité mu obéé, “Ntogyi só fude mí ti zha yilé? Zhaa mégyi zha yilé, nkéti Bulu nkole. ²⁰ Yéé fuyin Bulu mbla ámu o. Mógyi, máto mbwa, mámo zha, máwi ató, máka asón dínká fú básó, bu fú sí moa fú yín.”

²¹ Zhandé amu lébláa mu obéé, “Tsu mí nyebito opá nde mó féesú gyí.”

²² Yesu lónu mu ason blíhé anfi á, zlebláa mu obéé, “Toku kole ilasí aní fóbwe. Yéé fú iwísu ató fée, afuye kóba amu ha ahíanfo, méní fénya siadié osósú. Fóbwe mó tá á, ba afubobuo mu.”

²³ Bréá oyin ámu lónu asón anfi á, idoto mu klon, tsúfé chíé zbu ató.

²⁴ Yesu lówun aní ilahan mu. Mó su zleblí obéé, “Ibu onlin asa iwí onyapó obówie Bulu iwígyí ámuto. ²⁵ Lélé mó á, idopon ha kpásó aní obótson obun-ató obótó, don aní iwí onyapó obówie Bulu iwígyí ámuto.”

²⁶ Ahá aní bonu asón anfi befíté beé, “Mómó ma mee Bulu obóhó nkpa?”

²⁷ Táme Yesu lébláa amó obéé, “Tóá nyankpusa méetalí bwé madón Bulu bwe.”

²⁸ Inu Petro lébláa Yesu obéé, “Mí Wie, kí, anlasí aní wóyí tswi bobuo fu.”

²⁹ Yesu lébláa amó obéé, “Znokwáí nde mli bláa. Zhaa má inwá obési mu wóyí, mu ka, mu apíó, mu akwípó ntée mu abí tswi Bulu iwígyí ámu su, ³⁰ Bulu méélawá mó otsiákpá há mu tsé dú tsé lafa séi, láha mu nkpa aní itamatá bré ámóó íbá ámuto.”

Yesu Lowu Iwí Asón Bli Otse Saasi
(Mateo 20:17-19; Marko 10:32-34)

³¹ Yesu létí akasípó dúanyá ámu ya itsétó, zlebláa amó obéé, “Ayó Yerusalem. Inó asón ámóó Bulu zósó atáipó amu bəwanlín tsú mí, Nyankpusa-Mu-Bi anfi iwí ámu fée béba móto ní.

³² Béle mí há ahá aní bumegyí Yudafo. Bóbwe mí ahinlá, síá mí, tú atsonó wólí mí. ³³ Bépití mí ató, mó mí. Mó éke saási a, nákosú tsú afúlitó.”

³⁴ Akasípó amu bəmonu ínu asi, tsúfé Bulu lóponjain amó. Bomebi tóá zleblí é.

Ansibi Obwiepó Oku Ilo Tsa
(Mateo 20:29-34; Marko 10:46-52)

³⁵ Yesu léta Yeriko wúluto wie tá á, ansibi obwiepó oku tsie okpa zón, zde ató kolí. ³⁶ Ansibi obwiepó ámu lónu aní zdam budetsoon. Mó zlefíté obéé, “Amansu igyi?”

³⁷ Ahá bebláa mu beé, “Yesu Nasaretyin amu détsóon.”

³⁸ Inu ansibi obwiepó ámu lókpón blí obéé, “Aní wie Dawid mu na Yesu, wun mi nwe!”

³⁹ Ahá ámóó bogyá Yesu nkpa ámu bakplón wa ansibi obwiepó ámu beé, zowá zsa kpa zón bun. Zlelakplón don ali obéé, “Aní wie Dawid mu na, wun mi nwe!”

⁴⁰ Yesu lési lí, zleha obéé bukpa mu ba mu. Bréá bekpa mu ba a, Yesu léfité mu obéé, ⁴¹ “Nto fudeklé fee mbwée ha fu?”

Zlele mó zón obéé, “Owie, ha mí anwun ató!”

⁴² Yesu lébláa mu obéé, “Fó hógyi latsá fú ilo. Wun ató.”

⁴³ Inonu mu ansibi lobwíí, zlekplá buo Yesu, zde Bulu kanfó. Zdam amu fée bowun ínu, amó é bekanfó Bulu.

19

Yesu Mva Sakeo

¹ Yesu déka tson Yeriko wúluto. ² Lampóo ahópó zhandé zkoa zbu kóba bu wúlu ámuto, botetí mu Sakeo. ³ Oyin anfi dékléá obópó ansibi wun Yesu, táme zma iswí, ahá é bədoobi. ⁴ Mó su zlesrí yódu pənto-oyí kóá Yesu obótson mó asi, méní obówun mu. ⁵ Bréá Yesu lówie oyí ámu asi á, olotsu ansi fóá, wun Sakeo, zlebláa mu obéé, “Sakeo, wa zsa kpli ba. Nde, fú wóyí nówí ní.”

⁶ Sakeo lówa zsa kplí, pú ansigyí kpá mu ya wóyító. ⁷ Ahá aní bowun mó fée bowuntí beé, “Oyin anfi layóswí lakpan obwepó wóyító.”

⁸ Sakeo lókosó líí wóyító inu, bláa aní Wie Yesu obéé, “Mí Wíé, kí, néye mí atótó anyó, pú ifon kíé ahánfo. Ní nasisi zku é á, nélahá mu mó aku ana.”

⁹ Yesu lébláa mu obéé, “Nde Bulu laho wóyí anfi nkpa, tsúfé Abraham mu na zóní anfi é gyí.

¹⁰ Ahá aní bafwí odunkákpá mí, Nyankpusa-Mu-Bi anfi neba, anhó amó nkpa.”

Asumpó Kóba Ha
(Mateo 25:14-30)

¹¹ Ahá ámu bode asón ámóó Yesu déblí ámu nu. Ali bré ámuto á, Yesu latá Yerusalem wie tá. Mó su zleha amó yébi pótswíí amó, tsúfé bodesusútu beé Bulu iwígyí béfi asi inonu. ¹² Zleha yébi amu obéé, “Iwí onyapó oku lóbwe agywun obéé, mótu okpa yó amó owie dehen wá, zya mu owie, oyinki begyi iwíe mu zmató. ¹³ Asa obýo á, zletí mu asumpó idú, oleye pəonú kolekole há amó fée. Zlebláa amó obéé bopóyo agyómá yófun ékeá méba. ¹⁴ Táme mu wúluto ahá bolu mu, wá abí buo mu beé, bumedekléá obwée amó owie.”

¹⁵ “Táme mó óó á, owíe dehen amu léyáí mó iwíe amu, òlesankí ba wóyí. Olenya wíe pé òleha beṭi mu asúmpó amu, òkí tṣá banya dínká kóba amusu. ¹⁶ Ogyankpapu léba bebláa mu òbée, ‘Mí wíe, nanyá pṣonṣu dú tṣía fú klé amoto.’ ¹⁷ Móó òlebláa osúmpó amu òbée, ‘Fabwé ató. Osúmpó wankláán fúgyi. Ináí fawá ònòkwali itó tükúrífibi ánfí iwí su á, nṣpu awúlu idú wá fú ibito, fèkí mósó.’ ¹⁸ Onyṣasí léba bebláa mu òbée, ‘Mí wíe, nanyá pṣonṣu anu tṣía fú klé amoto.’ ¹⁹ Owíe amu lébláa mu òbée, ‘Fó é fèkí awúlu anusu.’

²⁰ “Òbambá é léba bebláa mu òbée, ‘Mí wíe, fú sika ámu ni. Neda mó wá dúkubi ònó yáí. ²¹ Nyin fu. Nde fú ifú nya, tsúfè fú asón bu ònlun. Futotsu ató òtínéá fumṣpu tṣto yáí, fótòkpátí ató é òtínéá fumodu tṣto.’ ²² Mu wie amu lébláa mu òbée, ‘Osúmpó laláhe. Fú ònótó asón nṣpṣgyi fu asón. Yéé fuyin ání mí asón ihíe bu ònlun, ntotsú ató òtínéá mmṣpu tṣto tswi, kpátí ató òtínéá mmodu tṣto á? ²³ Mó ntogyi só fumṣpu mí kóba amu yótswi sika òyáikpá. Fèkí ní neyínkí ba a, nṣyáho móa mósó abí?’

²⁴ “Inu owíe amu lébláa ahá ání bubu inu òbée, ‘Mlṣwu osúmpó anfi kóba amu ha òmṣamóó olenya idú ámu.’ ²⁵ Táme ahá amu bebláa mu be, ‘Nanáin, òbu pṣonṣu dú dodo o!’ ²⁶ Owíe amu lébláa amó òbée, ‘Nde mli bláa mbée, òhá ání odekléá obónu mí atosunáhé amu así á, Bulu òbṣpu iko tṣía mótó há mu. Táme òhá ání omedékléá obónu mí atosunáhé amu así á, Bulu òbṣwíí mu kpalobí ámóó alabí ámu kóráá. ²⁷ Séí á, mlkpa ahá ámóó bṣkṣó líí mísó beṣ mmágyi iwíe amu ba, amlibṣemṣó amó mí ansító nfi!’ ”

Bəho Yesu Fə Owíe Yerusalem

(Mateo 21:1-11; Marko 11:1-11; Yohane 12:12-19)

²⁸ Yesu léha amó yébi anfi tá á, òlṣṣon gyankpá pú òyó Yerusalem. ²⁹ Oleta Betfage móa Betania awúluá idin Nfṣ-nyíbu* ámusu wie tá á, òlṣwa mu akasípó abanyó gyankpá, ³⁰ bláa amó òbée, “Mlṣyṣ wúlu anfi ida mli ansító ánfisṣ. Ní mlówíe wúlu ònó á, mlówun afrímú kanáhe òku da sfétó, òhaa mókótsíá mṣsu ki. Mlisaní mu ba mi. ³¹ Ní òku òfíté mli òbée, ‘Ntogyi só mlidé mu sankí?’ á, mliṣla mu mlíaa, ‘Aní Wíe dé mu hián.’ ”

³² Akasípó abanyó ámu bṣyṣwun afrímú kanáhe ámu fè alá Yesu lébláa amó. ³³ Bréá bude mu sankí á, mu awíe befité amó be, “Ntogyi só mlidé mu sankí?”

³⁴ Bele mó ònó be, “Aní Wíe dé mu hián.” ³⁵ Besi bekpa afrímú kanáhe amu ba Yesu, beyaí amó atati dínká mṣsu, tsú Yesu bian mṣsu. ³⁶ Bréá Yesu tsie mṣsu òyó á, ahá ámu bekpa amó atati yáí tswi òkpató, òlenatí mósó tson.

³⁷ Bréá Yesu lówa Nfṣ-nyíbu ámu kplí òyó Yerusalem wúluṣ bi a, mu abúṣpu amu fèé bṣtswi opé kánfó Bulu kókókóó, ofúla amóó òlṣwe, bowun amu fèé ṣu. ³⁸ Be, “Bulu oyúla owíe anfi òbá mu dátó ánfí! Iwilwii bu òsósó. Numnyam ibwéé Bulu klé òsósóósó inu.”

³⁹ Farisífa òku bubu òdam amoto. Inu bebláa Yesu be, “Osunápó, ka fú abúṣpu anfi itin!”

⁴⁰ Yesu lébláa amó òbée, “Nde mli bláa mbée, ní ahá ánfí behíe kpá ònó bun kóráá á, abwi ánfí bṣkplṣn kanfó Bulu.”

Yesu Lósú Yerusalem Sv

⁴¹ Bréá Yesu léta Yerusalem wie tá, olowun wúlu amu sísí á, olosu ha mó. ⁴² Obe, “Yerusalemfo, tēki ilehián ání mlébi tṣá itṣpó iwilwii ba nde, táme mlumétálí bí mó. ⁴³ Bré ko íbá, mli alupó békafía mli abuntíi, pwé okpó wá mli, sá mli tin òkpagyíokpasu. ⁴⁴ Béhu wúlu anfi pú mótó atsiápó. Buméesi ibwi kole dínká mó básó, tsúfè mlumébi bréá Bulu léba mli nkpa òhókpa!”

Ibíá Agyípó Gyáa Lé Bulu Otswékpa Wunsínésó

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, òlṣyṣ Bulu òtswékpa wunsínésó. Olenya wíe inu ah, òlṣwa íbíá agyípó gyáa bi. ⁴⁶ Ojebláa amó òbée, “Bowanlín wá Bulu asón ámoto be, ‘Béti mí òtswékpa be, mpáí òbókpa.’ Táme mlilapó inu mlí awikpulu òyáinkpá.”

⁴⁷ Oletsiá súná ató Bulu òtswékpa inu ekekegyíeke. Bulu igyí ahapó dehen, Mose mbla asunápó pú Yudafo ahande amu bodunká òkpa ání bṣṣon mósó mó mu. ⁴⁸ Táme bumenya, tsúfè ahá ámu fèé bubuo mu asun blíhé.

20

Yesu Túmí Iwí Asón Fitíhé

(Mateo 21:23-27; Marko 11:27-33)

¹ Èke òku Yesu bu Bulu òtswékpa wunsínésó inu òde Bulu asón wankláán ámu òkan da, òde ató suná. Inu Bulu igyí ahapó dehen, Mose mbla asunápó pú Yudafo ahande beba botu mu. ² Befíté mu be, “Ma léha fú òkpa fòde ntóbí ánfí bwe? Ma léha fú túmí?”

³ Yesu léle mó ònó òbée, “Mí é nfiṣe mlí asón kua kole. ⁴ Bulu wá Asú Oṣpó Yohane lénya túmí póbó ahá asú lóó, ntéé nyankpṣa? Mliṣla mi.”

* **19:29** Nfṣ-nyíbu igyi obubwí koá ubu mantáa Yerusalem, botetí mó Olifbu.

⁵ Amó wolewole boyo asón ánfito bée, “Ní ablí aniaa itsú Bulu wá á, obéfíté aní obée, mó ntogyi sù anumóhó mọ gyi? ⁶ Ní ablí aniaa nyankpọsa wá é á, odam anfi bẹda aní abwi mó, tsúfẹ bohogyi ání Bulu ọ́nós ọ́tọ́pọ Yohane gyí.” ⁷ Mó sọ bẹle mó ọ́nós bée, “Ohwée! Anuméyín ọ́tínéá olenya mọ túmi tsú.”

⁸ Yesu lébláa amó obée, “Mómó mí é mméeláa mlí túmi oduá ndepobwé ntobí ánfí.”

Apafo Laldhe Aku
(Mateo 21:33-46; Marko 12:1-12)

⁹ Inu Yesu létrá ha amó yébi obée, “Ọ́dọ́tọ́pọ ọ́ku lódo wáun ndo, ọ́lọ́pọ ndo ámu wá apafo ibito, tú ọ́kpa yó ọ́má koto yétsiá inu nfi-nfi. ¹⁰ Bréá wáun-abí ámu kpatibi lofon a, olowa mọ osúmpọ apafo ámu wá obée, oyóhọ mọ ogyíkpa ba mọ. Táme apafo ámu beda obí ámu, gya mọ sisi ibikpan. ¹¹ Ọ́dọ́tọ́pọ amọ lélawá mọ osúmpọ nyọ́sọ amó wá. Apafo ámu beda mọ, sọpa mọ, gya mọ é sisi ibikpan. ¹² Ọ́lẹtrá lawá ọ́ba sáási. Apafo ámu bepilán mọ, gya mọ lé ndo ámọto. ¹³ Móó ndo mọ wie amọ lébli obée, ‘Nkáli kóráá nóbwe? Nọwa mí onutó mí bí odwepó amó wá. Fialu bóbu mọ mó.’ ¹⁴ Táme bréá apafo ámu bowun mọ bí ámu sisi á, bebláa aba bée, ‘Ọ́nı obégyi mọ si ató ní. Mliha amọ mọ, ménı ndo ámu ibemlí anı klé.’ ¹⁵ Inu bekitá mọ, bitía mọ dáli ndo ámọto yómọ mọ.

“Nto mlilahogyi mliha ndo mọ wie amọ obóbwe apafo ánfı? ¹⁶ Ọ́bẹba bọmọ amó, pọ ndo ámu wá apafo bámbá ibito.”

Bréá ahá ámu bonu asón ánfı á, bebli bée, “Inı mó itsúon anısu!”

¹⁷ Yesu léki amó ansító dífn, ọ́lẹfíté amó obée, “Bulu asón ánfı ası mé?

‘Ibwi ámóó obu ayı́pọ bekiná ámu

lébemlí okonkısóbwi ní.’

¹⁸ Ọ́hagyı́ọ́ha ání ọ́ledıda ibwi ámọsı obébiabıa blúblúblúblú. Nı ibwi ámu isúnkı dá ọ́kusı é á, ibókwẹ mọ fı́kófı́kófı́kó fı́ nfıúó.”

Lampóoka
(Mateo 22:15-22; Marko 12:13-17)

¹⁹ Ilowankı Mose mbla asunápo pọ Bulu igyi ahapó amọ ání amó iwı yébi alahá. Inu bekleá békıtá mọ, táme benya ahá ámu ifú. ²⁰ Mó sọ bodunká ọ́kpa ání bótsón mósó kítá Yesu. Inu bele ahá bée bọpına bwe iwı fı́ aha wankláán, abọte mọ kı bée bónu asọankı tsú mọ ọ́nós, ménı béli mósó kítá mọ ya ọ́másó ogyı́pọ. Móbóu túmi gyi mọ asón. ²¹ Yesu atépo amọ befité mọ bée, “Osunápo, anıyın ání ọ́nokwalıpo fıgyi, fıotosúná mó é. Fıtamakı ọ́haa ansító. Mbóun fıotosúná Bulu ọ́kpa áni ọ́nokwalıso. ²² Afıte fı! Anı mbla leha ọ́kpa ání akáa lampóo ha Roma owie dehen Kaesare, ntée anumáka?”

²³ Táme Yesu lówun amó agywun. Mó sọ ọ́lebláa amó obée, ²⁴ “Mlıpo kóba amọ kọ ba mí anki.” Bọpoba mọ. Móó ọ́lẹfíté amó obée, “Ma nwun pọ mọ idá dın mósó?”

Bẹle mó ọ́nós bée, “Kaesare.”

²⁵ Móó ọ́lebláa amó obée, “Mómó mlıpo tásá igyi Kaesare klé ha Kaesare, amlıpo móá igyi Bulu klé é ha Bulu.”

²⁶ Mó sọ bọmetalı líı Yesu ason blı́hé an fıso kítá mọ ahá ámu ansító. Ọ́nós é lobwie amó, bọmetalı trá bwiı ọ́nós.

Kusó Tsú Afúlitó Iwı Ason Fıtéhé
(Mateo 22:23-33; Marko 12:18-27)

²⁷ Sadukıfı ọ́pasua botebli bée, kusó tsú afúlitó ma inu. Amótó aku beba Yesu wá, ²⁸ befité mọ bée, “Osunápo, Mose lówanlın tswı anı obée, ‘Nı ọ́ku mọa mọ ka bọmókwı asa olowu sí mọ ka ámu a, mọ pio otsú mọ ka ámu tsia, fıéki ọ́kwı ha owupó ámu.’ ²⁹ Oyın ọ́kule abı abasiéńdó aku betsiá. Amótó ogyankpapọ létsiá ọ́ká, táme ọ́mókwı asa olowu. ³⁰ Mọ gyama lótsı ọ́sọrapọka amọ tsia, táme mọ é ọ́mókwı. ³¹ Ọ́saasi é lótsı ọ́tsı ámu tsia. Mọ é ọ́mókwı. Alı yótu osienósi amọ. Amótó ọ́kọkọ mókwı asa olowu. ³² Ọ́ma-ọ́ma a, ọ́sọrapọ amọ é lóbowu. ³³ Afúli ọ́kusóké a, amótó ọ́mọmọ obóbwe mọ kulu? Tsúfẹ amó abasiéńdó ámu fıéé betsiá mọ.”

³⁴ Móó Yesu léle mó ọ́nós obée, “Ọ́yı ánfıto ahá tétsia aká móa akúlu. ³⁵ Táme uméeba alı bré ámóú ibá ámọto. Ahá ámóú bọfon ání bókúso tsú afúlitó, tsıá nkpa oyı ámóú ibéba amọto ámu mó bọméetsiá akúlu, bọméetsiá aká. ³⁶ Bọméetrá wu, tsúfẹ bóbwe fı́ Bulu-abọpọ. Bulu ahá bọgyı, tsúfẹ bakósú tsú afúlitó. ³⁷ Anı náın Mose kóráá lówanlın ató tsú afúlikusó iwı. Tsúfẹ ọ́lowanlın obée, eke ámóú olowun oyıbi kọ de ogyá tsıı, táme imedéhó amọ a, ọ́letı Bulu obée, ‘Abraham mọa Isak pọ Yakob Bulu.’ ³⁸ Megyı awupó Bulu ógyı, akıankpapọ Bulu ógyı, tsúfẹ mọ ansító mó á, amó fıéé bọbu nkpa.”

³⁹ Inu Mose mbla asunápo amọ aku bebli bée, “Osunápo, fabı lé mó ọ́nós!” ⁴⁰ Mó sọ amótó ọ́kọkọkọ métrá wa klın fıte mọ asọansọ.

Ma Gyı Kristo Amó?
(Mateo 22:41-46; Marko 12:35-37)

⁴¹ Ino Yesu léfité mbla asunápó amó óbée, “Nkálí ðàbwe asa ahá bée, Owíe Dawid mu na gyí Kristo amó? ⁴² Tsúfè owíe Dawid onutó léblí Israelfó ìlò àmòtò óbée, ‘Aní Wíe Bulu lébláa mí Wíe óbée,

Tsia mí gyòpíso,

⁴³ yòfún bréá nòpò fú alupó bwé fú ayabi oyíkpa.’

⁴⁴ Owíe Dawid létí Kristo amó óbée, mu wie. Mú nkálí sù òtráa ogyi mu na?”

Mose Mbla Asunápó Tsiátó

(Mateo 23:1-36; Marko 12:38-40)

⁴⁵ Ino òlebláa mu akasípó ahá ámu ansító óbée, ⁴⁶ “Mlíki Mose mbla asunápó anfi wankláán. Botekle ligá wa náti kí. Botekle bée ahá bobún ha amó itsiá ðunsu. Otsiákpá yilé botekle tsiá Yudafó ofiakpa pò nke ogyíkpa. ⁴⁷ Bùtòswí asòrapu amó wóyí, botepina bò mpáí tìntìntín ahátò pòbun amó lalahesu. Bulu óbèbití amó isu kínkíínkín!”

21

Òsòrapu Òkò Tswítswí

(Marko 12:41-44)

¹ Bréá Yesu tsie mantáa tswítswí dáka ámu Bulu òtswékpá inu á, olowun alíá ahá aní amó ìbùtò bu òdwin bùdèpù kóba akpònkpòntí bòwa dáka àmòtò. ² Inu òsòrapu ohíání òkò é lópò mu kóba ana bòwa mótó. ³ Múó Yesu léblí óbée, “Ònòkwálí nde mlí bláa, tswítswíá òsòrapu anfi, òma tòtò anfi lawá á, ìdùn ohagýíohà klé. ⁴ Tsúfè atráhe amó fèé á, amó kóba tsòtsòtsò balé kpalobí tsú bòwa. Táme òsòrapu anfi mú ìniá òma tòtò sù tóá òbù fèé alapó bòwa á.”

Bulu Òtswékpá Amó Bwíe

(Mateo 24:1-2; Marko 13:1-2)

⁵ Yesu akasípó ako bùdètòí tsú alhá bòpù abwi aní ìbù bíá yi Bulu òtswékpá amó, pò atokiehé wankláán lá mótó. Táme Yesu lébláa amó óbée, ⁶ “Bré kò ìbá, bóbwie mú fèé bun. Ibwi kolé kóráá méesian ðínká mú básó.”

Ìwòsìn Móa Ìkplán

(Mateo 24:3-14; Marko 13:3-13)

⁷ Múó mu akasípó amó bèfité mu bée, “Osunápó, bré mòmòtò ìni fèé béba? Osúna mòmò abòpòbíá bré ámu ìlafún?”

⁸ Ino Yesu lébláa amó óbée, “Mlíki wankláán, méní òhaa méemlé mlí. Tsúfè ahá tsòtsòtsò bòpù mí dá ba bée, amógyí Kristo amó ní. Mú bré lafun ta, táme mlumábùo amó. ⁹ Ní mlonúá isá móa kpokiti ladá á, opúní mátsíi mlí. Tsúfè ìlehián aní ìni aná bégýankpá bá, táme óyí ònómòké iméeba inunú.”

¹⁰ Ino òlebláa amó óbée, “Òmá bókò aba. Awíe bókòsò líí abasù. ¹¹ Òsòlòsù ìbèkpònkí ntíné-ntíné. Akón móa ìlò tsánkíhé é béba ntíné-ntíné. Ntóbíá ihíé bu ifú pò osúna akpònkpòntí béba tsú osósó. ¹² Táme asa mú fèé béba a, békítá mlí, béhíe ðínká mlíso, pò mlí ya Yudafó ofiakpa yégyi mlí asón, wá mlí obu. Mí su békpa mlí ya awíe pò ómáso agyípó ansító. ¹³ Iní óbèha mlí òkpa mlétálí gyi mí ìwí adánsíe súná amó ní. ¹⁴ Táme mlumáhan mlí ìwí susúu alíá mléle ìwí ònó. ¹⁵ Tsúfè néha mlí nyánsa móa ònòwankí, mlí anyabá àmòtò òkòkò méetalí gyi mlí nwéen. ¹⁶ Mlí akwítópó, mlí apíó, mlí wóyító ahá pò mlí anyawíe kóráá béle mlí há, bómò mlítò aku. ¹⁷ Mí sù ahá fèé bólu mlí. ¹⁸ Táme mlí nwunsù-ìmi kolé kóráá mósòfwí. ¹⁹ Ní mlétálí líí kínkín á, mlénýa nkpa aní itamatá.

Yerusalem Bwíe Ìwí Asón Bli

(Mateo 24:15-21; Marko 13:14-19)

²⁰ “Ní mlowun aní isá akapó bakáfía Yerusalem wúlu a, mlíbíá wúlu amó ìbá obwiekpá. ²¹ Mómù ahá aní bòbù Yudea òmátò bòsríi yò abòsù. Ahá aní bòbù Yerusalem wúlutò bùdálí. Amóá buma wúlu amòtò é bómáyínkí ba. ²² Tsúfè alí nke ámu ìbòbwe Israelfó isòbití nke fè alíá Bulu ònósó atòípó amó bòwanlín tswí. ²³ Amenýapó pò abí ayín aní bòpia abi bòbwe alí bré àmòtò, bùyówí ní. Tsúfè asòn wunhe amó ònó bòwa ònlun. Ìkplán kpònkpòntí béba òsòlòsù, isòbití kpònkpòntí é ìbèba mósó atsiápòsò. ²⁴ Amótó aku bésin òdayí ònó. Békítá amó aku é ndoun ya òmá-òmátó. Yerusalem wúlu bétsiá òmá bámbásòfó asi, alu yòfún bréá amó òmá ámu asítsiábí lamó ònó.

Nyankpusa-Mv-Bi Amó Ìbáí

(Mateo 24:29-31; Marko 13:24-27)

²⁵ “Bówun osúna owí, òtsra pò ntsrakpabisù. Òpò bédá ifúsú. Òsòlòsù atsiápó bénya ifú, bóméèbí tóá bóbwéé. ²⁶ Nwólótáa móa mótó ató fèé békpònkí. Mú sù ahá bénya ifú, tún ñé tóá ìdèbá sù. ²⁷ Alí bré àmòtò á, ohagýíohà obówun aní mí, Nyankpusa-Mv-Bi ànfi napó túmí móa

numnyam kpɔnkpɔnti mbɔ nwołótáátɔ tsú ɔsósɔ nebá. ²⁸ Ní ntobí ánfí ide mósó yɔ á, mlíkɔsɔ lu, amlítsu ansí fɔa kɔ, tsúfɛ mli nkpahóbɔ lafɔn.”

Oyi Onómo Iwi Osúna
(Mateo 24:32-35; Marko 13:28-31)

²⁹ Yesu léha amó yébi ɔbɛɛ, “Mlɔpɔkɔ pɔntɔ móa nyí atráhe. ³⁰ Ní ide ate pɔpwe le á, mlítowun mó, bí ání awíkpan bré lafɔn ta. ³¹ Alí kén, ní mlɔwun ání ntobí ánfí fɛé ide mótó bá a, mlibi ání Bulu iwíegyi ámu dawíe wóyi tá.

³² “Ɔnokwalí nde mli bláa. Ndemba-abí ánfí fɛé bumóowu tá, asa íni fɛé bɛba mótó. ³³ Ɔsɔ móa así fɛé bótson, táme mí asɔn blíhé móɔtsɔn ekekekeke.

Iwɔsɔda

³⁴ “Mlíki wankláán, méní opɔtsuawa, ntábu pɔ ɔyítɔ ató ɔmagyáa méegyi mli agywunso, méní mí, Nyankpɔsa-Mu-Bi ánfí ɔbáke amɔ méɛbekítá mli fɛ yibi. ³⁵ Tsúfɛ íbɛba ɔyítɔ ahá fɛésó. ³⁶ Iní sɔ mlgyo, amlíbo mpáí, méní mlénya ɔwonlín tálí tsɔn ofíla amɔ fɛétó, belí mí, Nyankpɔsa-Mu-Bi ánfí ansító.”

³⁷ Nke ámuɔ á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfɔ-nyíbu ámuɔ. ³⁸ Ahá tsɔtsɔtsɔ butakósó ba Ɔtswékpa inu baka, bonu mu asɔn blíhé.

22

Bekiklɛ Yesu Nwunso

(Mateo 26:1-5; Marko 14:1-2; Yohane 11:45-53)

¹ Israelfɔ Bodobodo MátúhéNke, igyi amósó Katsɔn Nke ámu gyí íbá bɔfɔn. ² Bulu igyi ahapó dehen pɔ Mose mbla asunápó amɔ bodunká ɔkpa ání bótson móso kítá Yesu njántɔ, mós mu, tsúfɛ bode ahá ámu ifú nya.

Yuda Iskariot Lótsulá Aní Ɔbɛle Yesu Há

(Mateo 26:14-16; Marko 14:10-11)

³ Inu Ɔbonsám lówie Yuda Iskariot, ogyi Yesu akasípó dúanyo ámuɔ ɔkoletɔ. ⁴ Mó sɔ ɔloyɔ Bulu igyi ahapó dehen pɔ Bulu ɔtswékpa agyópu dehen wá, bekítá agywun alá ɔbɛle Yesu há amó. ⁵ Ansí légyi amó. Mó sɔ bɔtsulá ání bɛka mu íkɔ. ⁶ Yuda lótsulá. Mó sɔ olodunká ɔkpa ání ɔbótson móso híéé lé Yesu há amó, bréá ahá tsɔtsɔtsɔ ámu boma inu.

Katsɔn Atogyihe Gyí

(Mateo 26:17-19; Marko 14:12-21; Yohane 13:21-30)

⁷ Bodobodo MátúhéNke ámuɔ ekeá butómó Israelfɔsɔ Katsɔn Nke akúfa lafɔn. ⁸ Yesu lówa Petro muá Yohane ɔbɛɛ, buyóbwe Israelfɔsɔ Katsɔn atogyihe amɔ yai ha amó.

⁹ Petro muá Yohane befíté mu bɛɛ, “Aní Wíé, nkónu ayóbwe mó yai?”

¹⁰ Móbú ɔlebláa amó ɔbɛɛ, “Ní mlówíe wúlu ɔnó á, mléfiá oyin ɔkɔá ɔsɔ ntsu-ɔlɔ. Mlibuo mu yɔ wóyító. ¹¹ Mlówíé á, mlífite wóyi mu wie amɔ mlíaa, ‘Osunápó ɔbɛɛ, afite fú, nkónu afósó ɔswíkpá bu, ání mía mí akasípó abɛba begyi Katsɔn atogyihe amɔ.’ ¹² Obósuná mli abansóru yilé kɔá balá mótó yái. Mlibwe ató ámu yai inu.”

¹³ Petro muá Yohane bɔpu ɔkpa. Boyówwun tógyító alí ámuó Yesu lébláa amó ámu pépéépé, bɔbwe Katsɔn atogyihe amɔ yai inu.

Yesu Ntópwe Atogyihe Tráhe

(Mateo 26:26-30; Marko 14:22-26; 1 Korintofɔ 11:23-25)

¹⁴ Ató ámu gyíbi lafɔn, Yesu muá mu sumbí ayɔpó beba betsiá ɔpónó ámu así. ¹⁵ Yesu lébláa amó ɔbɛɛ, “Nhié ndeklɛ mbɛɛ, mía mlɔnyo abégyi Katsɔn Nkɛtɔ atogyihe anfi asa mí anwun iwɔɔsun. ¹⁶ Tsúfɛ nde mli bláa mbɛɛ, mméétrá gyi mó ekekekeke yófon ekeá itó ámuó atogyihe anfi ilí há ámu labe mótó Bulu iwíegyi amó.”

¹⁷ Inu olotsu ntá-ewɛ, dá Bulu ípán, ɔlebláa amó ɔbɛɛ, “Mlího amlinu ha aba. ¹⁸ Tsúfɛ nde mli bláa mbɛɛ, mméétrá nu wáun-abí ntá ánfí ekekekeke yófon bréá Bulu iwíegyi ámu íbɛba.”

¹⁹ Inu ɔlele bodobodo ípín, ɔleda Bulu ípán, bíábía mótó póhá amó, blí ɔbɛɛ, “Mí ɔyólá mli sɔ nasí há ní. Mlitsia bwe iní pɔkan mísó.” ²⁰ Alí kén, bréá begyi ató ámu tá á, olotsu ntá-ewɛ ámu há amó, blí ɔbɛɛ, “Ntá-ewɛ ánfí gyí Bulu ntam pɔpwe ání nɛtséí mí obugya wólí pósí móso há mli ní.

²¹ “Iná ndeblí á, mía ɔhá ámuó ɔbɛle mí há ámu íbá da ɔlepe ɔkoletɔ. ²² Mí, Nyankpɔsa-Mu-Bi ánfí nówu fɛ alá Bulu léhe yái, táme ɔhá ámuó ɔbɛle mí há ámu ɔyówí.”

²³ Inu befi así bode aba fité bɛɛ, “Ngya anitɔ ma ɔbóbwe íni?”

Ma Ɔbóbwe Ɔhande?

²⁴ Nwéengyi léba sumbí ayɔpó ámuɔ, amótó ɔmuá ɔbóbwe ɔhandɛ sɔ. ²⁵ Yesu lébláa amó ɔbɛɛ, “Ɔmátófɔ awíe bobu túmí amó ahásu. Ahá ámu butetí amó ahandɛ bɛɛ, ‘Buale agyípó.’ ²⁶ Táme mlíto mó á, ímába alí. Ɔhá ání ɔdekléá ɔbóbwe mlíto ɔhandɛ ɔbwéɛ mu íwí ɔtráhe. Ɔhá

ání odeklé ɔbée, mɔbwe mli nkpa ogyápo é ɔbweé mu iwí fě osúmpó. ²⁷ Ma dón mu ba? Há ání ɔtsie ɔpónási lóó, ntée há ání odesúm ɔpónó ámu asi? Megyí há ámóú ɔtsie mó asi ámu dón? Táme mbu mlito fě osúmpó.

²⁸ “Mliláwa klon buo mi mí isóki fěfětí ni. ²⁹ Ah ámóú mí Sí layáí mí owíe amo a, alí mí é nde mli yaí ní, ³⁰ méní mlétsiá mí ɔpónási, gyi ató, nú ntá mí iwíe ogyíkpa inu. Mlétsiá awíe mbíásó, gyi Israel abusuan dúanyo ámu asón.”

Petro ɔbósuwí ɔbée Momeyín Yesu

(Mateo 26:31-35; Marko 14:27-31; Yohane 13:36-38)

³¹ Yesu lébláa Simon Petro ɔbée, “Simon, Simon! Ki, ɔbunsám dé ɔkpa kulí ɔbée, obófuní mli fě ayó. ³² Táme nakókóli Bulu há fú mbée, fumádída hógyitá. Ní feyínki ba mí wá á, wa fú aba ámu é ɔwonlín.”

³³ Petro lébláa mu ɔbée, “Mí Wíe natsúlá, ní obu igyi kóráá mía funyo abédi. Ní lowu igyi é á, mía funyo abówu.”

³⁴ Yesu lébláa mu ɔbée, “Petro, nde fú bláa mbée, nde, asa bate ɔbéele ɔnó á, fósuwí pú ibi wá ogyá tse sa fée fomeyín mí.”

Iwiklí Aní Ibéba Ekekó

³⁵ Inu Yesu léfité akasípó amo ɔbée, “Bréá nɔwa mli sumbí, mli mɛdé sika akente, mli mɛdé akpankogyo ntée ntókota nyɔɔsi a, tóko lehián mli?”

Bele mó ɔnó be, “Ekekekeke! Tóto mehián ani.”

³⁶ Móú ɔlebláa amó ɔbée, “Táme séi mó á, fúá fúbu sika kente, ntée akpankogyo a, tsu kita. Ní mlito ɔko má ɔdayí iya anyo á, ɔfé mu tati pɔhó ko! ³⁷ Tsúfě ilehián ání mí iwí asón ámóú ibu Bulu ason wanlínhétó ámu ibéba mótó. Bowanlín be, ‘Bekla mu wá lakpan abwepótó.’ Tsúfě asón ámóú bowanlín tsú mí iwí ámu ibá lafon ta.”

³⁸ Akasípó amo bebláa mu be, “Aní Wíe, ki, ndayí anyo ní.”

Móú Yesu lébláa amó ɔbée, “Itso.”

Mpáibo Nfɔ-nyibvso

(Mateo 26:36-46; Marko 14:32-42)

³⁹ Yesu lédal wúluto yó Nfɔ-nyibvso ámu, fě alíá otetsiá yó inu yaí. Mu akasípó é bobuo mu. ⁴⁰ Bréá bowie inu á, ɔlebláa amó ɔbée, “Mlikokoli Bulu, méní mli mɔsowie isókito.”

⁴¹ Móú ɔledal amótó yó nkpa kpalobí fě nfi móa nfi, yéda akpawunu bó mpáí ɔbée, ⁴² “Mí Sí, ní fótusulá á, ha ntá-ewe ánfí* itson miso. Táme megyí tásá ndeklé, móa fudeklé ibá mótó.”

⁴³ Inu Bulu-ɔbɔpo lótsu ɔsósó bá bele iwí ɔwan súná mu, wá mu ɔwonlín. ⁴⁴ Asón ihíe de mu háan. Mó su ɔlɔbo mpáí kinkínkín. Ilehá mu apípi lemlí fě obugya, idetún da ɔsolótó ta-ta-ta.

⁴⁵ Bréá ɔlokosó tsú mpáí ámu ɔbɔkpá, yínki ba akasípó amo wá á, olowun ání bodedéni. Awurehó de amó. Mó su iwí lawú amó. ⁴⁶ Móú ɔlefíté amó ɔbée, “Ntogyi só mli dédidí? Mlikosv amlikokoli Bulu, méní mli mɔsowie isókito.”

Yesu Kitá

(Mateo 26:47-56; Marko 14:43-50; Yohane 18:1-11)

⁴⁷ Yesu ɔnó mesi, ɔdom bowotíí amósú. Akasípó dúanyo ámuto ɔkoleá butetí mu Yuda gyá amó nkpa. Inu ɔlenatí tó Yesu ɔbée, amólata mu puta, ⁴⁸ táme Yesu léfité mu ɔbée, “Yuda, latá fělatá mí, Nyankpasa-Mu-Bi ánfí putá, pólé mí há?”

⁴⁹ Akasípó amóú bobu Yesu wá ámu bowun tásá ibá. Mó su befité Yesu be, “Akóó amó? Anibu ndayí.” ⁵⁰ Inu amótó ɔkole lótswi mu ɔdayí kpá Bulu igyi ahapó dehen osúmpó ɔko gyɔpɔ-iso lé.

⁵¹ Yesu lébláa ɔkasípó amo ɔbée, “Mábwe! Isii mli ɔka!” Inu ɔbɔpo ibi da osúmpó amo iso ámu, ileyínki tsá.

⁵² Móú Yesu léfité Bulu igyi ahapó dehen, Bulu ɔtswékpa agyópo ahande pó Yudafo ahande amóú beba mu ɔkitákpá amo ɔbée, “Ogyo otswapó ngyi, só mli latsú nkpotí pó ndayí mlebá mí ɔkitákpá? ⁵³ Ntsie mli wá Bulu ɔtswékpa wunsinésó ekekegyíeke, mli mɔpo ibi da mi ekekekeke. Táme mli bré ní, oklún túmí dé iwíe gyí.”

Petro Lóswí ɔbée Momeyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekítá Yesu, kpá mu ya Bulu igyi ahapó dehen wóyító. Petro lépetí obuo amó ɔma tsútsútsú. ⁵⁵ Táme bréá bosun agyabi wunsinésó inu, butsie mó asi á, Petro léyetsiá amó wá. ⁵⁶ Otsibi ɔkoá ogyi osúmpó inu lówwun ání Petro tsie ogyá ámu asi, ɔleki mu díín, blí ɔbée, “Oyin ánfí é buo Yesu!”

⁵⁷ Táme Petro lópo ɔnólí blí ɔbée, “ɔtsi, mmeyín mu ɔtɔntɔne!”

⁵⁸ Iɔbwe kpalobí á, ɔha ɔko é lówwun Petro, ɔlebláa Petro ɔbée, “Fú é fúbu amótó.”

Táme Petro lébláa mu ɔbée, “Owíé, megyí mí ní!”

* 22:42 Ntá-ewe ánfí igyi iwosin ání Yesu obówwun.

⁵⁹ Fé d̄n̄hwír̄i k̄ol̄e ɔ̄ma a, ɔ̄ha bambá é lé̄ba botsulá m̄ós ɔ̄bé̄e, “Lélé, oyin á̄nfi é lé̄tsiá mu wá, tsúf̄é Galileayin ogyi.”

⁶⁰ Táme Petro lé̄le m̄ó ɔ̄n̄ó ɔ̄bé̄e, “Agya! Kí, mmeyín asón á̄nfi iw̄i k̄ok̄o.”

Petro ɔ̄n̄ó mesi, bat̄e l̄ób̄n̄. ⁶¹ An̄i Wíe Yesu léd̄amli k̄i Petro. Inu Petro lé̄k̄ain asón á̄m̄ó an̄i Wíe lé̄bláa mu ɔ̄bé̄e, “F̄ósw̄i t̄e sa f̄e f̄e f̄e f̄e mmeyín mí asa bat̄e ɔ̄bé̄le ɔ̄n̄ó onyenu.” á̄m̄os̄u. ⁶² Inu ɔ̄led̄ali yó k̄pank̄pá hí̄é yósu.

Yesu Ahinlá Bwe
(Mateo 26:67-68; Marko 14:65)

⁶³ Yesus̄u ak̄ip̄u befi as̄i b̄ude mu ahinlá bw̄e, b̄ude mu da. ⁶⁴ B̄op̄u ató klí mu ans̄ibi, fité mu bēe, “Bulu ɔ̄n̄ós̄ó ɔ̄t̄ap̄ó, maláda f̄ó? Bla an̄i.” ⁶⁵ B̄ek̄pa mu asiabi, bláa mu nyányála.

Yudaf̄o Asón Agyip̄o Ansit̄ó Lú
(Mateo 26:59-66; Marko 14:55-64; Yohane 18:19-24)

⁶⁶ Yudaf̄o ahand̄e, Bulu igyí ahapó dehen p̄ó Mose mbla asunáp̄ó am̄u befia ɔ̄yi kehe nyanki-nyanki, beb̄it̄ia Yesu belí am̄ó ans̄it̄ó. ⁶⁷ Bebláa Yesu bēe, “Ní f̄ógyí Kristo, (ɔ̄há á̄m̄ó Bulu ladá mu of̄úli am̄u) a, bla an̄i.”

Yesu lé̄bláa am̄ó ɔ̄bé̄e, “Ní nebláa ml̄i k̄ór̄áá, ml̄um̄óohogyi. ⁶⁸ Ní nefit̄é ml̄i as̄vank̄u é á, ml̄um̄éle m̄ó ɔ̄n̄ó. ⁶⁹ Táme tsú séi p̄óya a, mí, Nyankp̄usa-Mu-Bi á̄nfi nétsiá Bulu Ot̄úm̄ip̄u am̄u gȳɔ̄p̄is̄u.”

⁷⁰ Am̄ó f̄é̄ befit̄é Yesu bēe, “M̄ó su f̄ógyí Bulu mu Bi á̄m̄o ni?”

Yesu lé̄bláa am̄ó ɔ̄bé̄e, “Ee, ɔ̄n̄okw̄ali am̄u ml̄ilabl̄i á.”

⁷¹ Inu befit̄é aba bēe, “Ntogyi s̄ó ab̄étrá d̄unká adansif̄o bambá? M̄ó anlanú tsú mu onutó ɔ̄n̄ó á.”

23

Yesu Kpa Ya Pilato
(Mateo 27:1-2, 11-14; Marko 15:1-5; Yohane 18:28-38)

¹ Inu ahá á̄m̄ó befia inu á̄m̄u b̄ok̄us̄ú k̄pá Yesu ya ɔ̄m̄ás̄ú ogyip̄ó Pilato. ² B̄eka asón d̄inká mus̄u bēe, “Anlawun á̄nfi oyin á̄nfi dé ɔ̄m̄á á̄nfit̄o ahá yintá. Ɔ̄de am̄ó bláa ɔ̄bé̄e, bum̄átra ka lamp̄ó há Roma owie dehen. Ɔ̄deblí é ɔ̄bé̄e, m̄ogyi Kristo, (ɔ̄há á̄nfi Bulu ladá mu of̄úli am̄u), idesuná á̄nfi owie ogyi.”

³ Pilato lé̄fit̄é Yesu ɔ̄bé̄e, “F̄ógyí Yudaf̄o owie am̄u ni?”

Yesu lé̄le m̄ó ɔ̄n̄ó ɔ̄bé̄e, “Ee, m̄ó fabl̄i á.”

⁴ Pilato lé̄bláa Bulu igyí ahapó dehen p̄ó ɔ̄dam am̄u ɔ̄bé̄e, “M̄m̄ok̄owun tsitsa k̄ok̄vá oyin á̄nfi labw̄é.”

⁵ Táme am̄ó m̄ó b̄ude m̄ótó k̄ótóó bēe, “Ɔ̄depu mu atosunáhé tí it̄ré m̄óa ik̄ó wá Yudea ɔ̄m̄á á̄nfit̄o. Olefi m̄ó as̄i tsú Galilea, alapó bowie nfi.”

Yesu Lú Herode Ansit̄ó

⁶ Bréá Pilato lónu asón á̄nfi á, ɔ̄lefit̄é ɔ̄bé̄e, “Galileayin oyin á̄nfi gyí?” ⁷ Bréá ɔ̄lebi á̄nfi Yesu otsú Galilea, ɔ̄t̄in̄éá owie Herode dé iw̄ie gyí a, ɔ̄leha b̄ek̄pa mu ya Herode. Alí bré á̄m̄ot̄ó á, Herode bu Yerusalem wúluto inu. ⁸ Bréá owie Herode lówun Yesu a, ans̄i lehe gyi mu. Tsúf̄é olodunká á̄nfi ob̄ówun mu dodoodoo, mu iw̄i asón á̄nfi alanú su. Odeklé á̄nfi Yesu ɔ̄bw̄é̄e os̄úna ku suna mu. ⁹ M̄ó su ɔ̄lefit̄é Yesu asón tsots̄ots̄o, tám̄e Yesu méle k̄ok̄o ɔ̄n̄ó. ¹⁰ Bulu igyí ahapó dehen am̄u p̄ó Mose mbla asunáp̄ó am̄u bulí inu, b̄odekplón ka asón d̄inká mus̄u. ¹¹ Owie Herode m̄ua mu isá akapó á̄m̄u é b̄os̄op̄áa mu, bw̄é mu ahinlá. B̄op̄u sr̄iki ligá ku wá mu, beyinkia mu ya Pilato. ¹² Owie Herode m̄ua Pilato beml̄i anyawie tsú eke á̄m̄u. Teki am̄ó nsiné una ale yáí.

Yesu Lowu Ip̄ón Ha
(Mateo 27:15-26; Marko 15:6-15; Yohane 18:39–19:16)

¹³ Pilato lét̄i Bulu igyí ahapó dehen, Yudaf̄o ahand̄e p̄ó ɔ̄m̄á á̄m̄u f̄é̄ befia. ¹⁴ M̄óú ɔ̄lebláa am̄ó ɔ̄bé̄e, “Ml̄lék̄pa oyin á̄nfi ba mi ml̄iaa, ɔ̄de ɔ̄m̄á á̄m̄u agyiwun yintá. Nafit̄é mu ɔ̄n̄t̄ó asón ml̄i ans̄it̄ó, nawun á̄nfi asón á̄m̄óú ml̄léka d̄inká mus̄u á̄m̄u a m̄ót̄ó. ¹⁵ Owie Herode é lawun m̄ó alí. M̄ó s̄ó alayinkia mu sísi an̄i ní. Oyin á̄nfi m̄ók̄óbw̄é t̄ot̄áá b̄óm̄o mu. ¹⁶ Inu su néha bé̄p̄t̄i mu ató, mí ansi mu onat̄i.”

¹⁷⁻¹⁸ Inu ɔ̄dam am̄u f̄é̄ b̄okplón blí bēe, “Le mu inu, afusi Baraba ha an̄i!”* ¹⁹ (Baraba anfi da obu, tsúf̄é ɔ̄l̄ok̄us̄ú lí w̄ulu am̄os̄u, ɔ̄l̄om̄o ɔ̄ha é m̄ót̄ó.)

²⁰ Pilato lé̄kléá ob̄ési Yesu. M̄ó su ɔ̄letrá t̄oi kplá ɔ̄dam am̄u. ²¹ Táme b̄okplón k̄okl̄ók̄óú bláa mu bēe, “Da mu manta oyikpalih̄esu! Da mu manta oyikpalih̄esu!”

* **23:17-18** M̄ót̄ó yé̄e 17 bu n̄w̄ol̄ó dada am̄u akoto: Katson Nke kugyíkoto á, lehián á̄nfi Pilato ob̄ési obu ɔ̄p̄ó ɔ̄kole á̄nfi Yudaf̄o am̄u b̄odeklé há am̄ó.

²² Pilato lébláa amó otse saasi óbée, “Tsitsa mómó alabwé? Mmækówun tóá alabwé, só nēha bómó mu. Nēha abòpiti mu ató, ónati.”

²³ Táme bobu mósó bodekplón kòklókóó bée, óháa aboda mu manta oyikpalíhesu. Inu bòdòn mu ónàlì. ²⁴ Mú sù Pilato lóbwe dínká tó ámúó bodedunká ámusu. ²⁵ Olesi oyin ámúó ólókusó líf ómá ámusu, mós óha mótó só óda obu ámu, olesi Yesu há mu isá akápó óbée bóbwée mu alá ahá ámu bodeklé.

Yesu Da Mántá Oyikpalíhesu
(Mateo 27:32-44; Marko 15:21-32; Yohane 19:17-27)

²⁶ Bréá bekpa Yesu bógó á, befia Kireneyin ókóá botetí mu Simon. Otsú abúasi. Isá akápó ámu beka mu híé bée ósóra oyikpalíhe amu buo Yesu.

²⁷ Ódóm bobuo Yesu. Atsiá bobu amótó bupu amó anyópu, bohíé bodesú ha Yesu. ²⁸ Yesu lédamli, ólebláa amó óbée, “Yerusalemfó atsi, mlímásu mi. Mlísu mli iwí pò mli abí. ²⁹ Tsúfè nke kò íbá mléblí mlíaa, ‘Bulu layúlá atsiá bómækókwií kí, obí mókódi amó opúnitò kí, obí mókónyópó amó é kí.’ ³⁰ Alì bré ámótò á, ahá bébláa abú bée, ‘Mlúbwie bun anusu. Nkúku, mlípula anu.’ ³¹ Tsúfè ní bode oyi bóbwe ogyá wa alì á, nkálì bóbwe oyi wolíhe?”†

³² Isá akápó ámu bekpa lalaha abwepó abanyó é mántá Yesusu, bógómó amó. ³³ Bréá bowie ótinekóá botetí inu “Nwun Okokobi” a, beda Yesu mántá oyikpalíhesu. Beda amó abanyó ámu é mántá nyikpalíhesu. Ókòle bú Yesu gypósu, ókòle é bu mu bunasu. ³⁴ Inu Yesu léblí óbée, “Mí Sí, sikie amó, tsúfè bomeyin tóá bodebwe.”‡

Isá akápó ámu bòtswi abí ye Yesu atadietò. ³⁵ Ahá tsòtsòtso ámúó bobuo amó yó inu ámu besi bulí inu bode mu kí. Yudafó ahande amu bóbwe mu ahinlá bée, “Ólòhò ahá nkpa. Ní lélé mogyí Kristo, (óhá ámúó Bulu ladá mu ofúli), mu Bulu lalé ní á, óhóó mu iwí nkpa!”

³⁶⁻³⁷ Isá akápó ámu é bòpu ntá ódái tìn mu ónó, bwé mu ahinlá bée, “Ní fógýí Yudafó owíe amu ní á, le fò iwí!”

38 Bowanlín ató mántá oyikpalíhe amu awunso bée, “YUDAFÓ OWÍE AMU NÌ.”

³⁹ Lalaha abwepó ámúó beda mántá oyikpalíhesu ámótò ókòle léblí Yesu iwí abususu óbée, “Megýí fógýí Kristo amu ní? Le fò iwí, afóle anu mee!”

⁴⁰ Táme onyòssí amu lówa iyin wá mu óbée, “Fómédé Bulu ifú nya! Fóba munyò féé dé isòbití kòle hóó. ⁴¹ Anì mós á, anì isòbití ida ókpa, anì lakpan aní anulóbwe sù. Táme oyin ánfí mós mókóbwé laláhe koku.” ⁴² Múó ólebláa Yesu óbée, “Yesu, ní febá fú iwíe ogyíkpa a, kam mísú!”

43 Yesu lébláa mu óbée, “Ónòkwali nde fò bláa. Nde, mía fonyò abétsiá Paradiso.”

Yesu Lowu
(Mateo 27:45-56; Marko 15:33-41; Yohane 19:28-30)

⁴⁴⁻⁴⁵ Alì bré ánfí íbóbwe fé ópa dóduanyo. Owí leta ósóló amósu féé alu yófun ntópwe ósato. Owí metrá lín é. Inu á, tati ámúó bòpóká Bulu Ótswékpa obu ámótò òlebalí anyó. ⁴⁶ Yesu lókplòn kòklókóó blí óbée, “Mí Sí, napó mí ónjé wá fú íbitò.” Olenya blí alì tá pé, ólele ónjé.

⁴⁷ Bréá isá akápó óhande amu lówun tóá òlaba a, ólekanfó Bulu óbée, “Lélé, óha yilé oyin ánfí gyí.”

⁴⁸ Ahá ámúó bulí inu ámu féé bowun tóá òlaba, bòpu awirehò náti bógó wóyí. ⁴⁹ Táme amóá buyin Yesu pò atsi ámúó bobuo mu tsú Galilea ómátó ámu besi bulí tsútsúútsú bode itáá ide mósó yó kí.

Yesu Pulá
(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyin óko létsiá, botetí mu Yosef. Otsú Yuda wúlu kóá botetí mú Arimateatò. Óha yilé ogyí, obú é bu musu. Ibo mótóá óbu ómá ámu asón agyípòtò, támé omotsulá dínká amó agywun pò amó bwèhé ánfisu. Otsie ogyo Bulu iwíegýí ámu. ⁵² Oyin ánfí lóyo Pilato wá, yókolí mu ókpa óbée, ósíí Yesu fúli amu ha mu. Pilato léha mu ókpa. ⁵³ Inu Yosef léyeyesíí Yesu fúli, ólòpu óhráda kíklì mu iwí, pò mu yówa óbó kóá mu onutó óleha beda botátó há mu iwí, bómækópúlá óhaa mótó kí. ⁵⁴ Èke ámu igyi Fieda. Èke ámu igyi ogyá ódòdáké. Owí inyá tá pé, ókpónó ódaké ámu lafi asu.

⁵⁵ Atsi ámúó bobuo mu tsú Galilea amu bobuo Yosef yéki Yesu opulákpá pò alá ólòpu fúli amu tswí óbó ámótò. ⁵⁶ Beyínkí yó wóyí yókwè ohuam, óhíén pò ofóbí fánfán aní bòpu yékpá Yesu. Botsutsúia abubwé ta á, owí latá, beda ókpónó ókpónó ódaké ámu fé alá Mose Mbla léblí.

24

Yesu Kvsó Tsú Afúlitò
(Mateo 28:1-10; Marko 16:1-8; Yohane 20:1-10)

† 23:31 Ní mí ánfí mí asón da ókpa ánfí kóráá bodebwe ah á, nkálì Bulu óbóbwe ahá ánfí bégýi pón mu anísító? ‡ 23:34 Mótó yéé 34 una nwóló dada amu akotò.

¹ Kwasiada, igyi ndawótswító eke gyankpapu bake a, atsi ámu bókusó tsú afá ámóú bókwe yáí ámu yó Yesu ntsán ámu asi. ² Bowun ání bamína íbwi ámóú bəputin əbó ámu ənó ámu lé inu. ³ Mó sɔ bebitíwíé əbó ámutə, támə bəmwun Yesu fúli ámu. ⁴ Besi bəlí, bode nwuntə bu. Beki a, ayin abanyó akw líí ámu wá inu á. Ámó atadie de ogyá kpa. ⁵ Ifú lekítá atsi ámu, beda akpawunu pú ansító bun əsolótó. Támə ayin ámu befíté amó bée, “Ntogyi sɔ mlidé əkiankpapu dunká afúlitó? ⁶ Oma nfi, alakósó! Mlikan asón ámóú əlebláa mli bréá mli mnyə mli bu Galilea əmátó ámu sɔ. ⁷ Əbé, ‘Ilehián ání béle mí, Nyankpəsa-Mu-Bi ání há lakpan abwepó. Bédá mí mántá oyikpalíhesu. Mó eke sáásí a, nókusó tsú afúlitó.’” ⁸ Inu atsi ámu bekaín Yesu asón ánfisɔ. ⁹ Beyinkí tsú ntsán ámu asi bebláa sumbí ayəpó dúəkwon ámu pú aha atráhe amóú bəbɔ inu ámu fée tóá bayówun.

¹⁰ Atsiá bəyɔ ntsán ámu asi gyí, Magdalayintse Maria, Yohana pó Yakobo mu yin Maria. Amóá atsi akwá bəbɔ amótó lékla asón ání suná sumbí ayəpó ámu. ¹¹ Asón ámu ləbwe sumbí ayəpó ámu fə mímíalá. Mó sɔ bəməhə mósó gyi. ¹² Támə Petro mó ləkósó, tsíi əsri yó ntsán ámu asi. Olobun kpéléki əbó ámutə. Tati ámóú bəpupúla Yesu nkele olowun ání ida ífóntó. Oleyinkí yó wóyító, əde nwuntə bu tsú asón ání laba anfi iwi.*

Emaus Wúlutə Yə
(Marko 16:12-13)

¹³ Eke ámu kén á, abúopu amu abanyó benatí bəyɔ wúlu kwá bətətí mó Emaustə. Tsú Yerusalem ya inu bəbwe fə máli asienó. ¹⁴ Amó nkele bəna bode nkombə gyí tsu asón ámóú laba amu iwi. ¹⁵ Bréá bode mótó yə á, Yesu onutó é ləbətə amó, mwa amónyɔ bəna. ¹⁶ Bulu létin amó ansí. Mó sɔ bəməbɔ mu. ¹⁷ Yesu léfíté amó əbé, “Amansu iwi nkəmbə mlíná mlidégýí alí?” Besi líi tikpa, awurəhə lekítá amó. ¹⁸ Amótó əkwələ bətətí mu Kleopa léfíté əbé, “Fó nkələ gyí əfó Yerusalem wúlutə, fómeyín asón ání laba inu nke ánfítə?”

¹⁹ Yesu léfíté mu əbé, “Amansu igyi?”

Bəbláa mu bée, “Yesu, Nasaretyin amu iwi asón igyi. Bulu ənósó ətəípó ogyi. Ələbwe ofúla akpənkpənti, bí Bulu asón tēmisi, Bulu mwa anyənkpəsa fée ansító. ²⁰ Aní Bulu igyi ahapó dehen pú wúlu ahande bapó mu há ahá, bahá mu lowu ipín, dá mu mántá oyikpalíhesu. ²¹ Teki mugýí əhá ání aniléki əkpa aniaa, əbéha aní Israelfə abégýi iwi ní. Nde eke sáásí əpá asón ání ləbá. ²²⁻²³ Móá idon kóráá á, anitə atsi akw bayó mu ntsán ámu asi bakien, támə bəmwun mu fúli amu. Bée, bayówun Bulu-abəpə akw babláa amó bée, əbɔ nkpa. Tóá beyinkí bebláa aní lawá aní wánwan. ²⁴ Inu sɔ anitə akw é basri yó ntsán ámu asi, bayówun mó fə alá atsi ámu bəba beblí. Amó é bəmwun fúli amu.”

²⁵ Yesu lébláa amó əbé, “Mlidémíalá o! Mli agywun tamayó agyómá əsasɔ. Nkálí igyi sɔ mlímóhə asón ámóú Bulu ənósó ətəípó amu beblí tswi amu féesú gyi? ²⁶ Mlímeyín mliaa, ilehián ání Kristo, (əhá ání Bulu ladá mu ofúli amu) obówun iwiasin, asa obénya mu numnyam?” ²⁷ Inu Yesu léle mu iwi asón ání bəwanlín wá Bulu ason wanlínhé amutə, tsú Mosesə bətu Bulu ənósó ətəípó amu féesú asi súná amó.

²⁸ Bréá bowie wúlu amutə bəyɔ á, Yesu ləbwe fə ədetsəwun əyɔ ətne bambá. ²⁹ Támə abúopu amu bebláa mu bée, “Ani sí, owí lapən, di aní wá nde.” Mó sɔ Yesu ləbaí yó amó wá. ³⁰ Bréá bode ató gyí a, Yesu léle bodobodo ipín, dá Bulu ipán. Móú olebiabía mótó póhá amó. ³¹ Inu amó ansísó letítí amó, bebi mu, támə ələfwi sí amó. ³² Inu befíté aba bée, “Ansí mehe gyí aní bré ámóú ania mnyə anuná, əde aní asón bláa, əde Bulu ason wanlínhé amu asi le súná aní ámu?”

³³ Bókusó inu yínki ba Yerusalem. Bəba a, sumbí ayəpó dúəkwon ámu pú aha tráhe bafia, ³⁴ bódəblí bée, “Lélé, aní Wie lakósó. Alalé iwi əwan súná Simon!”

³⁵ Mó sɔ ahá abanyó ámu é beblí tóá bayówun əkpətsə. Tóá bəpəbí mu gyí bodobodo amóú oleye ha amó ámu.

Yesu Iwəwanle Súná Mu Akasípó
(Mateo 28:16-20; Marko 16:14-18; Yohane 20:19-23; Gyumagyihe 1:6-8)

³⁶ Ahá abanyó ámu bəbɔ mósó bədətəí alí á, Yesu onutó ləba belí amó nsiné. Ələblí əbé, “Iwi ilwii mlí.”†

³⁷ Opíni letsí amó, bəwan. Iləbwe amó fə fúli bədewúun. ³⁸ Inu Yesu léfíté amó əbé, “Ntogyi sɔ mlidé ifú nya, mlidé nwéen gyí mli kləntə alí? ³⁹ Mliki mí ibi, amliki mí ayabiasí. Megýi mí onutó ní? Mlikita mí amliki. Fúli má əyóló mu awú fə alá mbo.”

⁴⁰ Bréá ələblí asón ání tá á, ələpə mu ibi pú mu ayabi súná amó. ⁴¹ Ansí ləhe gyi amó, asón ámu é ləwa amó wánwan. Mó sɔ bəməhogyi ání léle mu ni. Inu əlefíté amó əbé, “Mli bə atogyihe ku nfi?” ⁴² Bəha mu iye tóhé itin ku, ⁴³ ələhə mósó, wí mó amó ansító inu.

* 24:12 Mótó yée 12 una nwóló dada amu akotə. † 24:36 Ələblí əbé, “Iwi ilwii mlí.” una nwóló dada amu akotə.

⁴⁴ Inu ɔlebláa amó ɔbéε, “Inu gyí asón ání nebláa mli bréá mbo mli wá ní. Nebláa mli mbéε, ilehián ání mí wí asón kugyíkúá ɔɔwanlín wá Mose Mbla, Bulu ɔnósó atóipó nwołó pú Israelfá ilu ɔwolótó fée béba mótó.”

⁴⁵ Inu olobwíí amó agywun, méní bónu Bulu ason wanlínhé amu así. ⁴⁶ Ɔlebláa amó ɔbéε, “Bɔwanlín tswi beε, Kristo, (ɔhá ámú Bulu ladá mu ofúli amu) amu obówwun iwɔsun, wú. Bulu ɔbókúsa mu mú eke sáásí tsú afúlito. ⁴⁷ Mú ɔma a, ahá béda Bulu ason wankláán ámu okan mí idátó há ɔmá fée beε bodámli klontó, fékí Bulu obési amó lakpan kíé amó. Béfi mú así tsú Yerusalem. ⁴⁸ Mligyí mí adansífo há asón ánfí ní. ⁴⁹ Nópu Ɔje Wankihé amó mí Sí léhie yáí há mli ámu sísí mli. Mú so mltsia wúlu anfitó alí yófon ekeá Ɔje Wankihé amu obótsu ɔsósó bá beha mli túmi.”

Yesu Ɔsósó Yo

(Marko 16:19-20; Gyumagiyihε 1:9-11)

⁵⁰ Bréá Yesu léblí asón ánfí tá á, ɔlekpa amó dáli, bɔyɔ Betania wúluto. Inu olotsu ibi fúá, yúlá amó. ⁵¹ Bréá ɔde amó yulá á, mva amónyɔ nsiné lówa ifó wa bi, Bulu lótsu mu ya ɔsósó. ⁵² Inu beda akpawunu súm mu, bɔpu ansigyí kponkponti yínkí yétsiá Yerusalem. ⁵³ Betsiá yó Bulu ɔtswékpa inu brégyibré, yékanfó Bulu.

Asɔn Wankláán Aní Yohane Lówanlín

¹ Asa ɔyí lebelin a, Asón ámu bu unu. Asón ámu mɔa Bulu bu unu. Asón ámu gyí Bulu.

Asón Aní Itehá Nkpa

² Asón ámu mɔa Bulu bu unu asa ɔyí lebelin. ³ Mɔsú Bulu lótsɔn bwe tógýtít. Tɔtɔɔtɔ má uná Bulu lóbwɛ tɔɔn mu ɔma. ⁴ Mɔtɔ nkpa itsú. Nkpa ámu tópo wanki ba ahá fée ní. ⁵ Wanki anfi tawánki oklúntɔ, táme oklún mókógyi mósú ki.

⁶ Bulu lówa oyin ɔkɔá botetí mu Yohane* sísí. ⁷ Ɔleba bebláa ahá wanki amu iwí asón, méní ahá fée bóho asón ámuɔɔ gyí. ⁸ Megyí Yohane onutó gyí wanki amu. Mu mó wanki amu iwí asón ɔleba bebláa ahá. ⁹ Ɔhá ámuó gyi wanki onutó, ɔtawánki há ɔhagyíɔha amu ɔbá ɔyítɔ.

¹⁰ Ɔbu ɔyí ánfítɔ. Mɔsú Bulu lótsɔn bwe ɔyí, táme ɔyí ánfítɔ atsiápo bumeɔi mu. ¹¹ Ɔleba mu onutó ɔmátɔ, táme mu pi buɔmɔho mu. ¹² Táme ɔleha ahá aní bóho mu, ho mu gyí fée ɔkpa aní bobwée Bulu abí. ¹³ Amó Bulu abí bwe motsú úlínɔ, ntée nyankpɔsa apébwetɔ, ntée oyin ɔwóli ɔkpasɔ. Mboún Bulu onutó lóbwɛ amó mu abí.

¹⁴ Asón ámu lébemlí nyankpɔsa, oletsíá anitɔ. Awítɔle pó ɔnakwali sósón létsíá mɔtɔ. Anilówun mu numnyam. Mu Si lówa mu numnyam amu, tsúfée Obi ɔkɔkónú ɔkɔle pé gyi há mu.

¹⁵ Yohane léle mu súná, tɔí tsú mu iwí ɔbée, “Ɔni iwí asón neblí mbée, ‘Ɔhá ámuó obuɔ mi ɔbá ámu don mi, tsúfée ɔbu unu asa bɔkwí mí’ ” ní.

¹⁶ Mu awítɔle itsɔ. Iní sɔ ɔde awítɔle tɔtɔɔtɔsɔ ánfí wa há aní fée ní. ¹⁷ Mosesu Bulu mbla ámu ná ileba, táme ɔnakwali móa awítɔle mó ina aní Wíe Yesu Kristosu ileba. ¹⁸ Ɔhaa mókówun Bulu ki. Obí ɔkɔkónú ɔkɔle pé, mu onutó gyi Bulu, otsie Ɔsí ámu gyɔpɔsɔ, Ɔsí ámu tɛhíé kle mu asón ámu, nkɔle labláa aní ahá Bulu gyí.

*Asú Ɔbapó Yohane Bulu Asón Ɔkanda
(Mateo 3:1-12; Marko 1:1-8; Luka 3:1-18)*

¹⁹⁻²⁰ Yudafo ahande aní bobu Yerusalem bówa Bulu igyí ahapó pó Lewifo Yohane wá beɛ boyéfíté mu beɛ, ma gyi? Yohane mési asoansɔ nǎn amó. Ɔlele bláa amó ɔbée, “Megyí mígyí Kristo, (ɔhá ámuó Bulu ladá mu ofúli amu).” ²¹ Befíté mu beɛ, “Mómó fógýí ma? Fógýí Elia?”

Ɔlele mó ɔnɔ ɔbée, “Megyí mígyí Elia.”

Betrá fité mu beɛ, “Fógýí Bulu ɔnɔsɔ ɔtáipo amó ɔbéeba amu?”

Ɔlele mó ɔnɔ ɔbée, “O-o.”

²² Múó befíté mu beɛ, “Ma fohíé fogyi? Bla aní, méní abéyéblláa ahá ámuó bówa aní ámu. Nkálí fúdeblí tsú fú onutó iwí?”

²³ Yohane lópo asón aní Bulu ɔnɔsɔ ɔtáipo Yesaia léblí tswi lé mó ɔnɔ ɔbée, “Mígyí ɔhá ámuó ɔdekplón dimbísú ɔbée,

‘Mlitswii aní Wíe ikpa ámu ha mu’ amu ni.”

²⁴⁻²⁵ Inu Farisifo akɔá bówa Yohane wá é befíté mu beɛ, “Ní megyí fógýí Kristo amu, megyí fógýí Elia ntée Bulu Ɔnɔsɔ Ɔtáipo amó ɔbéeba amu é á, ntogyi sɔ fúde ahá asú bɔ?” ²⁶ Yohane léle mó ɔnɔ ɔbée, “Ntsu ndepɔbɔ ahá asú, táme ɔha ɔku bu mlitɔ nfi, míméyín mu. ²⁷ Mogyí ɔhá aní obuɔ mi ɔbá ní. Mmɔfɔn aní nésankí mu ntɔkɔta ɔfée kpán.”

²⁸ Asón ánfí fée léba Yordan ntsu ɔbin Betania wílutɔ. Inó Yohane létsíá bó ahá asú ní.

Bulu Okúfabi

²⁹ Ɔyí kehe a, Yohane lówun aní Yesu ná ɔbá mu wá. Múó ɔlebláa ahá ámu ɔbée, “Mlíki, Bulu Okúfabi amu ɔbá á. Mɔsú Bulu tɔtsɔn sí ɔyítɔ ahá lakpan kíé amó ní! ³⁰ Mu iwí asón neblí mbée, ‘Ɔku buɔ mi ɔbá. Ɔdon mi, tsúfée ɔbu unu asa bɔkwí mí’ ní. ³¹ Mí onutó mmeyín mu, táme neba nde ahá asú bɔ, méní Israelfo bébi ɔhá aní gyi.”

³² Yohane léblí ɔbée, “Nowun Ɔje Wankíhé amu, ɔlekplí tsú ɔsɔsɔ fée abróɔuma bogyonká muɔ. ³³ Mí onutó mmeyín mu, táme Bulu lówa mí ɔbée mbá bɔpu ntsu bɔ ahá asú. Múlébláa ni ɔbée, ‘Ɔhá ámuó fówun Ɔje Wankíhé amu ɔbékplí tsú ɔsɔsɔ bogyonká muɔ amu ɔbɔpu Ɔje Wankíhé amu bó ahá asú ní.’ ³⁴ Nawun aní ilaba mótó. Mó su nde mu iwí adánsie gyí mbée, mogyí Bulu mu Bi ámu ni.”

Yesu Akasípó Agyankpapu

³⁵ Mú ɔyí kehe a, Yohane mɔa mu akasípó abanyó besankí ba unu. ³⁶ Bréá Yohane lówun Yesu détsóun a, ɔleblí ɔbée, “Mlíki, Bulu Okúfabi amu ná unu á.”

* 1:6 Asú Ɔbapó Yohane

³⁷ Akasípó abanyó ámu bonu asón ánfí. Mú sù beklplá buo Yesu. ³⁸ Yesu lédamli kí wun ání bubuo mu. Múó òlefíté amú òbée, “Ntò mlúdedunká?”

Befíté mu bée, “Osunápó, nkónu fotsie?”

³⁹ Ayin lélé mú ònó òbée, “Mlúba beki.” Mú sù ayin abanyó ámu bobuo Yesu yéki mu otsiákpá. Ibóbwe fè ntópwe ònatò. Betsiá mu wá tá owí.

⁴⁰ Ayin ámúó bonu asón ání Yohane léblí tsú Yesu iwí, beklplá buo Yesu amúto òkole gyí Simon Petro mu pio Andrea. ⁴¹ Mú óma a, itò gyankpapóá Andrea lóbwe gyí, oloyódunká mu pio Simon, bláa mu òbée, “Anilawun Mesia.” (Mú así gyí, “Kristo”, òhá ámúó Bulu ladá mu ofúli amú.)† ⁴² Inu òlekpa Simon ba Yesu wá.

Yesu léki mu díín, òleblí òbée, “Fógýí Yohane mu bi Simon ní. Tsú nde póya a, bétí fú Kefa.” (Griiki òblítò “Petro.” Mú así gyí, “Butá.”)

Filipo Mva Nataniel Ti

⁴³ Gyí kehe a, Yesu lóbwe òbée mýgo Galilea ómátó, olowun Filipo. Múó òlebláa Filipo òbée, “Buo mu.” ⁴⁴ Filipo otsú Betsaida, Andrea muo Petro wúluta. ⁴⁵ Filipo lówun Nataniel, òlebláa mu òbée, “Anilawun oyin ámúó Mose lówanlín mu iwí asón wá Bulu mbala ámúto, Bulu ònósó atópó amú é òwanlín mu iwí asón ámu. Mu dá gyí Yesu. Mu sí gyí Yosef, otsú Nasaret wúluta.”

⁴⁶ Nataniel léfíté mu òbée, “Itò yilé ko bétalí dalú tsu Nasaret wúluta?”

Filipo lébláa mu òbée, “Ba afubeki.”

⁴⁷ Bréá Yesu lówun Nataniel òbá mu wá á, òleblí òbée, “Israelyin onutónutó ní. Afunu koko ma muto.”

⁴⁸ Nataniel léfíté Yesu òbée, “Nkálí lóbwe febi mí?”

Yesu léle mú ònó òbée, “Nowun fu bréá fóbù pònto-oyí ámu así unu, asa Filipo lébeti fú.”

⁴⁹ Nataniel lébláa mu òbée, “Osunápó, fógýí Bulu mu Bi Israel Owíe amú ní.”

⁵⁰ Yesu lébláa mu òbée, “Alí ámúó nabláa fu mbée, nowun fu pònto-oyí ámu así ámu sù fahogyí? Fówun ofúla ání idon inu.” ⁵¹ Yesu létrá bláa mu òbée, “Ònòkwali nde mli bláa, mlówun ání òsósó lafinkí, Bulu-abòpò bude òsósó yo yínki bá Nyankpusa-Mu-Bi ámuvo.”

2

Òkàtsiá Kana Wúluta

¹ Èke sáásí a, betsiá òká Kana wúlu ání ibu Galilea ómátó. Yesu mu yin bu unu. ² Beti Yesu muo mu akasípó é mú asi. ³ Bréá amú ntá leta á, Yesu mu yin lébláa mu òbée, “Bùtráa boma ntá.”

⁴ Yesu lébláa mu òbée, “Amú yín, yéè megýí mí asón igyi o! Mí bré mòkónyá fun.”

⁵ Mu yin lébláa wóyí ámúto asúmpò òbée, “Mlúbwe dunka asóngyiasón ání òbéláa mli sù.”

⁶ Yudafò butáfwi iwí amú amándíé òkpasu. Mú sù bòpò awòndi akpònkpònkpònti asie yáí wóyí ámúto. ⁷ Yesu lébláa un asúmpò amú òbée, “Mlisa ntsu bula awòndi ámu fée.” Lélé besa.

⁸ Inu òlebláa amú òbée, “Mlisa iku ya nkesu òkípu amú.” Besa ya mu. ⁹ Oleda mú ònó á, ìdadámli bwé ntá. Omeyín ótínéá benya ntá ámu tsú. (Táme asúmpò amú mú boyín.) Inu òletí òká otsiápu amú ya itsétó, ¹⁰ òlebláa mu òbée, “Nta wankláán òhagyísha tegyankpá yáí. Ní bonu mú tá asa butópò múá uma ale ba. Táme fú mú fapó wankláán ámu yáí bòfun séí.”

¹¹ Iní gyí osúna gyankpapò ání Yesu lóbwe ní. Olobwe mú Kana ání ibu Galilea ómátó, pólé mu numnyam ówan. Ileha mu akasípó bòhò mu gyí.

¹² Iní óma a, Yesu muo mu yin, mu apíó pò mu akasípó bòyo Kapernaum wúluta, yétsiá un nke kpalobi.

Yesu Bulu Ótswékpá Yo

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafò bópugyí Israelfòso Katsón Nke lowie wóyí tá á, Yesu lódu yó Yerusalem. ¹⁴ Oloyó Bulu ótswékpá amú wunsúnésó yówun ání ahá bude nnantswie, akúfa pò abróðuma fe. Olowun aku é bótise mpónóasi bude kóba tsée. ¹⁵ Inu olobwe mpli, wíé amótó, gyáa amúa mbwí ámu fée dalí. Olowutá kóba atsépu amú mpónó dá, dá amú kóba sáín. ¹⁶ Múó òlebláa abróðuma afeépó ámu òbée, “Mlile amú nfi! Mlumápu mí Sí wóyító bwé mli ibiá ogyíkpa.” ¹⁷ Inúá ileba alí sù á, mu akasípó amú bekaín Bulu asón wanlínhé anfisú. “Fú osúmkpá amú asón ihíé igyi mí asonboga.”

¹⁸ Yudafò ahande amú beba Yesu wá befíté mu bée, “Osúna mòmò fóbwe pòsúná aní ání Bulu túmíto fúde iní bwé?”

¹⁹ Yesu lébláa amú òbée, “Mlúbwie Bulu ótswékpá anfi, nópu nkenzá yí mú.”

²⁰ Yudafò ahande amú bebláa mu bée, “Nfi adòana-sie kéké bòpuyí obu ánfí. Mú fú mú fée, fòpu nkenzá yí mú?”

† 1:41 Kristo igyi Griiki òblí, Mesia é igyi Hebri òblí.

21 Táme mu nyankpɔsa-oyi iwa asɔn ɔɔɛbli, megyi Bulu ɔtswɛkpa amu. 22 Brɛ́á Bulu lɔkɔsɔ́a mu tsu afúlitɔ ɔma a, mu akasípɔ amu bekaín aní ɔɛbli asɔn ánfɩ. Mú sɔ bɔhɔ Bulu asɔn pɔ Yesu ason blihé amusu gyi.

Yesu Yin Nyankpɔsa Klɔntɔ

23 Yesu lɔbwe osúna tsɔtsɔɔtsɔ Israelfɔsɔ Katsun Nke ámutɔ brɛ́á ɔbu Yerusalem, ahá tsɔtsɔɔtsɔ bowun. Mú sɔ bɔhɔ mu gyi. 24 Táme Yesu mɔ́pɔ ansí dínká amósɔ, tsúfɛ oyin aláa amú fɛ́ɛ bɔgyi. 25 Mehián aní ɔhaa ɔɔɛbláa mu ɔha iwa asɔn, tsúfɛ mu onutɔ oyin asɔn aní iwu nyankpɔsa klɔntɔ.

3

Yesu Mva Nikodemo

1 Yudafo ɔhande ɔku létsiá, bɔtɛ́tɩ mu Nikodemo. Farisiyin ogyi. 2 Ɔɛba Yesu wá eke ɔku onyé bebláa mu ɔbɛ́ɛ, “Osunápɔ, anyin aní Bulu lɔ́wa fú sísí fɛ́ atɔ osunápɔ. Tsúfɛ ɔhaa méɛtalí bwé osúna anfi fúɔɔbwe ánfɩ, ní Bulu móbúo mu.”

3 Yesu léle mú ɔnɔ ɔbɛ́ɛ, “Ɖnɔkwali nde fú bláa, ɔhaa méɛtalí nyá Bulu ogyi iwíe muso, nkɛ́tɩ bálakwíí mu.”

4 Nikodemo léfité mu ɔbɛ́ɛ, “Nkálí bɛ́lakwíí ɔhá aní aladan? Ɖɛ́talí sánkí wíé mu yin iputo, ɔbɛ́lakwíí mu?”

5 Yesu léle mú ɔnɔ ɔbɛ́ɛ, “Ɖnɔkwali nde fú bláa. Ní bɔmɛlakwíí ɔku tson ntsu móa Ɖɛ́ Wankihéto á, ɔmɛ́talí wíé Bulu iwíegyi ámutɔ. 6 Ɖyólɔn nkpa itsú nyankpɔsato, ɔɛ́tɔ́ klé é itsú Bulu Ɖɛ́tɔ́. 7 Mú sɔ máha mú iwa fú wánwan aní nabláa fú mbɛ́ɛ, ilehián aní bɛ́lakwíí mli. 8 Afú tɔtsun yɔ ɔtínéá ideklé. Fotonú mú nka, táme fumeyin ɔtínéá itsú pɔ ɔtínéá iyó. Alí kén igyi há ɔhagyíɔha aní bakwíí mu tsú Ɖɛ́ ámutɔ ní.”*

9 Nikodemo léfité mu ɔbɛ́ɛ, “Ngya nto asɔn ní?”

10 Yesu léle mú ɔnɔ ɔbɛ́ɛ, “Israelfɔ osunápɔ yilé fɔgyi, mú fɛɛ fɔmɔkónú asɔn ánfɩ asi? 11 Ɖnɔkwali nde fú bláa. Tɔ́a anyin iwa anúɔtɔ́ tsú, tɔ́a anlawun é iwa anúɔ adánsie gyi, táme mlitamahɔ aní asɔn ámu. 12 Ní nebláa mli tɔ́a ide móso yɔ ɔyi ánfɩto, mliumóhgyi a, nkálí iwɔ́bwe nebláa mli tɔ́a ide móso yɔ ɔsɔsɔ mbouín mlóhgyi? 13 Ɖhaa mákódó yó ɔsɔsɔ iwu kí, nkɛ́tɩ Nyankpɔsa-Mu-Bi ámúo olotsu iwu ba amu.

14 “Alí ámúo Mose lɔ́pɔ kɔ́ɔbrɩ iwo síán oyísó, tsú mú líí dimbísó iwu ámu a, alí kén ilehián aní béda Nyankpɔsa-Mu-Bi ámu mántá oyísó, tsú mú líí, † 15 ménɩ ɔhagyíɔha aní ɔlɔhɔ mu gyi obénya nkpa aní itamatá ní. 16 Tsúfɛ dwé Bulu léhie dwé anyánkpɔsa. Mú sɔ ɔlɔpɔ mu Bi ɔkɔkónú ɔkole pé ámu há, ménɩ ɔhagyíɔha aní ɔlɔhɔ mu gyi omóowu, mbouín obénya nkpa aní itamatá. 17 Bulu mɔ́pɔ mu Bi ámu sísí ɔyi ánfɩto ɔbɛ́ɛ, ɔbá begyi ahá asɔn, ɔha ahá ipɔ́n, mbouín ɔbɛ́ɛ, ɔbá bɔhɔ ahá nkpa.

18 “Ɖhá aní ɔlɔhɔ mu Bi ámu gyi lagyi aso. Ɖhá aní ɔmɔhɔ mu Bi ámu gyi a, Bulu lahá mu ipɔ́n dodo, tsúfɛ ɔmɔhɔ mu Bi ɔkole pé ámu gyi. 19 Alíá ɔbáha ipɔ́n ámu gyi, wanki amu laba ɔyítɔ, táme ahá bɔdwe oklún dɔn wanki amu, tsúfɛ lalaha abwepó bɔgyi. 20 Ɖhagyíɔha aní ɔbɔbwé lalaha tolú wanki amu. Ɖtamakpókpé mantáa mú, tsúfɛ ɔde ifú nya aní mu bwéhé bélin ɔwan. 21 Táme ɔhá aní ɔbɔbwé yilé tɛ́há wanki amu tɔ́wánkí wólí muso, ménɩ ahá bówwun aní Bulu apé ɔɔɛbwe.”

Yesu Mva Asú Ɖbɔpɔ Yohane

22 Inɩ ɔma a, Yesu mva mu akasípɔ bedali Yerusalem yó Yudea ɔmátɔ. Betsiá iwu kpalobí, oletsíá bɔ ahá asú. 23 Alí bré ámutɔ á, Yohane é dé ahá asú bɔ Aenon nsáuntɔ, mantáa Salim wúlu. Tsúfɛ ntsu dada nsuné iwu. Ahá betsiá yó mu wá, oletsíá bó amó asú. 24 (Bumakónyá kíta Yohane tswi obu alí bré ámutɔ.)

25 Iwígyɔráa iwu nwɛngyi kɔ́ leba Yohane akasípɔ pɔ Yudayin ɔku nsuné. 26 Inu Yohane akasípɔ bɔyɔ mu wá yébláa mu beɛ, “Osunápɔ, yé fakáin oyin ámúo fɔ́a munyɔ mlílétsiá Yordan bɔnkpa ɔbu, fegyí mu iwa adánsie wankláán ámusu? Ɖɔɔe ahá asú bɔ, ahá fɛ́ɛ bɔɔɔe mu wá yɔ.”

27 Yohane léle mú ɔnɔ ɔbɛ́ɛ, “Ɖhaa méɛtalí bwé tɔtɔ, nkɛ́tɩ Bulu lahá mu ɔkpa. 28 Mli onutɔ mlɛ́talí gyi mli adánsie aní nebláa mli mbɛ́ɛ, ‘Megyi mígyi Kristo amu, táme Bulu lɔ́wa mí gya mu nkpa.’ ” 29 Inu ɔleha amú yébi ɔbɛ́ɛ, “Ɖká ɔtsiáɔpɔ bú mu ka. Ɖká ɔtsiáɔpɔ amu mu nyawie é tɛ́tsiá ɔká ɔtsiákpá iwu, ménɩ ansí bégyi mu ní onú mu nyawie amu ɔme. Alí kén ansí de mí gyi séi ní. 30 Mí atumabi béta wíé mu kletɔ.”

Ɖhá Aní Olotsu Ɖsósɔ́ Ba

31 Ɖhá ámúo ɔtsú ɔsósɔ́ ámu dɔn ɔhagyíɔha. Ɖhá aní ɔtsú ɔsólɔ́sɔ é gyi ɔsólɔ́sɔ ɔha. Ɖsólɔ́sɔ asɔn ɔɔɛbli, táme ɔhá aní ɔtsú ɔsósɔ́ dɔn ɔhagyíɔha. 32 Otegyi tɔ́a alawun pɔ tɔ́a alanú iwu

* 3:8 Ɖɛ́ móa aftí lehan aba Griiki ɔblíto. † 3:14 Mo oyikpaliheso síán iwa asɔn ɔɔɛbli.

adánsie, óhaa tamahó mu ason blíhé. ³³ Táme óhagyíóha ání ólohó mu ason blíhésu gyi dé mósó si ání Bulu asón igyi ónókwalí. ³⁴ Óhá ámóú Bulu lówa ámu telé Bulu asón blí, tsúfíé Bulu tapó Ɔǵé ámu bóla muta. ³⁵ Ɔsí ámu tódwé mu Bi ámu, alapó túmí fíé wá mu íbitó. ³⁶ Óhagyíóha ání ólohó mu Bi ámu gyi bu nkpa ání itamatá. Óhagyíóha ání ómohó mu gyi má nkpa ání itamatá. Bulu ísobútí é idin mósó.

4

Yesu Mba Samariayintse Ɔku

¹ Farisifo bonu ání Yesu dé abúopu nya, bó amó asú don Yohane. ² (Táme megýi Yesu onutó dé amó bə. Mu akasípó dé amó bə.) ³ Bréá Yesu lébi ání Farisifo ámu banú asón ánífi á, óledali Yudea ómótó yínki yó Galilea ómátó. ⁴ Táme lehián ání óbótson Samariafo ósolósu.

⁵ Yesu lóyówie Sikar ání igyi Samaria wúlu kotó. Wúlu anfi bu mantáa ósolóu kuá Yakob lóphá mu bi Yosef bímbi ámu. ⁶ Inó Yakob íbun bu ni. Ɔkpa ámu bu ífó. Mú sɔ Yesu lótsutsúa obyowie mu á, íapíán mu. Mú sɔ oletsia íbun ámu asi. Ali bré ámótó á, íabwé fí ópawísó.

⁷ Inu á, Samariayintse ɔku léba ntsu ósakpá. Yesu lókulí mu óbée, “Nobwí ípa, ha mí ntsu annu.” ⁸ Ali bré ámótó á, Yesu akasípó bóyó wúluto yóhó atogyihe.

⁹ Yudafó bótamapó íbú da Samariafo nwe núu ntsu. Mú sɔ ótsi ámu léfité Yesu óbée, “Yudayin fúgyi, mí é Samariayintse ngyi. Nkálí igyi sɔ fode mí ntsu kolí?”

¹⁰ Yesu léle mú ónó óbée, “Ní foyin Bulu atokiehé pó óhá ání óde fó ntsu kolí á, tekí fókolí mu, óbéha fó ntsu ání ítehá nkpa.”

¹¹ Ɔtsi ámu lébláa mu óbée, “Ani sí, fomede ófí, íbún ánfító é bu oklú. Nkónu fénya ntsu ání ítehá nkpa? ¹² Fódón aní náin Yakob ání olokwi íbún ánífi há aní, mva mu abí pó amó mbwí bonu ntsu mótó?”

¹³ Yesu léle mú ónó óbée, “Ɔmewólí bélakítá óhagyíóha ání otonu íbún ánfító ntsu. ¹⁴ Táme óhagyíóha ání obónu ntsuá néha mu a, ómewólí méétrá kutá mu ekekeke. Ntsu ámóú néha mu amu íbédamlí ntsu ówíkpa mótó ání íbélun ha nkpa ání itamatá.”

¹⁵ Yesu ámu lébláa mu óbée, “Ani sí, ha mí ntsu ánífi ku, méní ómewólí méétrá kutá mí, mméétrá ba nfi é besa ntsu.”

¹⁶ Yesu lébláa mu óbée, “Yeti fó kúlu amliba.”

¹⁷ Ɔtsi ámu léle mú ónó óbée, “Mma okúlu.”

Yesu lébláa mu óbée, “Ɔnókwalí igyi fablí ání fuma okúlu. ¹⁸ Tsúfíé fatsia akúlu tse nu kí. Mégyi fó kúlu gyi oyin ámóú fóa mnyɔ mliná séi ámu é. Fawá ónókwalí.”

¹⁹ Múó ótsi ámu lébláa mu óbée, “Ani sí, nawun ání Bulu ónósó ótópó fúgyi. ²⁰ Aní anáin Samariafo bósúm Bulu íbú ánífisú, táme mli Yudafó mú mliáa Yerusalem kóún lehián ání óhagyíóha obósum Bulu.”

²¹ Yesu lébláa mu óbée, “Ɔtsi, hɔ mí asón ánífisú gyi. Bré ku béba ání ahá bóméétrá súm Ɔsí ámu íbú ánífisú nté Yerusalem. ²² Mli Samariafo mliméyín óhá ání mlidésúm. Aní Yudafó mú anyin óhá ání anidésúm, tsúfíé Yudafósu ina nkpahóó léba óyító. ²³ Bré íbá, íafon ta ání Bulu asúmpó anókwalipɔ bósúm Ɔsí ámu óhétó pó ónókwalisú. Tsúfíé ahá ánífi odu Ɔsí ámu dédunká óbée bostúm mu ni. ²⁴ Ɔǵé Bulu gyi. Mú sɔ ilehián ání ahá ání bótosúm mu bósúm mu óhétó pó ónókwalisú.”

²⁵ Ɔtsi ámu lébláa mu óbée, “Nyin ání Mesia*, (óhá ámóú Bulu ladá mu ofúli amó) óbéba. Ní óbá á, óbée asóngyiasón asi súná aní.”

²⁶ Múó Yesu lébláa mu óbée, “Mí ánífi nde fú asón bláa anfi gyi Kristo amu ni.”

²⁷ Inu akasípó amu besankí tsú wúluto ba bətu amó. Ílɔwa amó wánwan ání bawun Yesu mva ótsi bulí búdetóí. Táme amótó ókoko metálí fité óbée, “Ntɔ fodedunká tsú mu wá, ntéé ntogyi sɔ fúa ótsi ámu mlidétóí?”

²⁸ Ɔtsi ámu lési mu ól yáí unu, yínki yó wúluto yébláa ahá óbée, ²⁹ “Mlíba amlibekí oyin ókuá alabláa mí tóá nabwé kí fíé. Mlíahogyi mliáa, megýi Kristo amu ni?” ³⁰ Mú sɔ ahá bédali tsu wúlu amótó bekí Yesu.

³¹ Ali bré ámótó á, mu akasípó ámu bode mu kokolí bée, ogyií ató.

³² Táme ólebláa amó óbée, “Mbu tóá négyi, mliméyín mú iwí kokooku.”

³³ Mú sɔ akasípó amu befité aba bée, “Ntée ɔku labeha mu toku alagyí?”

³⁴ Yesu lébláa amó óbée, “Mí atogyihe gyi ání nóbwé tóá óhá ámóú ólɔwa mí sísi ámu óbée mbwéé, ammu mú ónó. ³⁵ Yéé mlitebli mliáa, ‘Tsra ana pé lasí ayó tínbi bófon?’ Táme nde mli bláa mbée, mltsu ansí kí adóbóu amótó, ayó ámu íabli fon tín. ³⁶ Bude mu atínpu ako ka dodo. Bude mú tín yai há nkpa ání itamatá. Mú sɔ ansí bégyi adupó móa atínpu amu fíé ekewóle. ³⁷ Mú sɔ ónókwalí igyi botebli bée, ‘Ɔku todú, ɔku é tetin.’ ³⁸ Nɔwa mli mbée mlyétun ayóá mlimóyó mú odukpá. Aha bambá lóyó mú iwí agyómá, ílawá labí há mli.”

* 4:25 Griikifo tétí Mesia bée Kristo.

³⁹ Samariafaá bobu wúlu amòtò tsòtsòtso bəho Yesu gyi, adànsie ámuó ɔtsi ámu légyi suná amó ɔbée, “Alabláa mi tógýtáá nabwé mí nkpatá fée” ámu su. ⁴⁰ Inu su bréá beba Yesu wá á, bokokóli mu beɛ, ɔtsiá amó wá. Yesu létsiá mu nkenyó.

⁴¹ Yesu asun blíhé su Samariafa ámu tsòtsòtso é belahə mu gyi. ⁴² Bebláa ɔtsi ámu beɛ, “Megyi fú asón ámu sù anulétrá hə mu gyi ngya o. Aní onutó anlanú, anlawun ání lélé oyin ání gyi ɔyító Nkpa Jóhəpə amu nu.”

Jhənde Ɔku Mv Bi Ilo Tsa

⁴³ Nkenyó ámu ɔma a, Yesu lénatí yó Galilea ɔmátó. ⁴⁴ (Tsúfɛ mu onutó olowun blí ɔbée, “Botamabú Bulu ɔnósó ɔtəpú mu onutó ɔmátó.”) ⁴⁵ Bréá olowie Galilea a, unfo bəho mu atúu, tsúfɛ amó onutó bəyɔ Yerusalem Yudafo su Katsun Nké ámu ogyíkpa. Mó su bowun tóá ɔlabwe mu fée.

⁴⁶ Yesu létrá yinkí yó Galilea ɔmátó, Kana wúluto, ɔtíné ámuó ɔledamli ntsu bwé ntá ámu. Ɔmá ɔhənde ɔku tsie Kapernaum wúluto. Ɔbu obi yinhé ɔkwa ɔda ɔdelo. ⁴⁷ Bréá ɔhənde amu lónu ání Yesu latsú Yudea ba Galilea a, olegya mu ɔkpa yókokóli mu ɔbée, mu bi yinhé lawú tá, ɔkplí ba Kapernaum, ɔbetsa mu ilo ha mu. ⁴⁸ Yesu lébláa mu ɔbée, “Mó su ní mlu mákówun ɔsúna a, mlu mákó mu gyi ekekeke?”

⁴⁹ Ɔmá ɔhənde amu lébláa mu ɔbée, “Owíé! Ní aní ayabi mɔwa ɔsa á, kebi ámu obówu.”

⁵⁰ Yesu lébláa mu ɔbée, “Yó! Fú bí ámu obénya nkpa!”

Oyin ámu ləhə asón ámuó Yesu lébláa mu amusu gyi, oleyinkí ɔyó wóyí. ⁵¹ Bréá ɔyó á, mu asumpó beba befia mu, bláa mu beɛ, “Fú bí ámu lanyá nkpa.”

⁵² Inu ɔlefíté amó bréá iwí lówa mu bi ámu ɔnln. Bebláa mu beɛ, “Owisó ámu lési mu ígye ɔpa ɔda-keleto.” ⁵³ Inu á, ɔlekaín ání alí bré ámuó kén Yesu lébláa mu ɔbée, mu bi ámu obénya nkpa ní. Inu su muu mu wóyítófo fée bəho Yesu gyi.

⁵⁴ Inu gyí ɔsúna nyɔɔsiá Yesu ləbwe bréá olotsu Yudea ba Galilea nu.

5

Tsukole Osinpu Ɔku Ilo Tsa

¹ Asón ání ɔma a, Yesu lóbu yó Yerusalem Yudafo Bulusúm nke ku ogyíkpa. ² Bəpwe buntii wá wúlu amu. Bokwi ibún ku mantáa buntii amu ɔkpa ɔnó kwá butetí mó Akúfa Ɔtsónkpa. Butetí ibún ámu Betesda Hebri ɔblíto. Beyi mbu anu bómlí mó. ³⁻⁴ Aləpu tsòtsòtso bobun ibún ámu así mbu ánfító. Amótó aku bəgyi ansibi abwiepó, abə pó tsukole asinpu.* ⁵ Oyin ɔkwa alasin tsukole nfi adwasa-kwe (38) kéké da mu. ⁶ Bréá Yesu lónun mu a, olowun ání alaló, dí un wá ɔpá. Mó su ɔlefíté mu ɔbée, “Fudeklé fəe iwí iwá fú onun?”

⁷ Tsukole osinpu amu léle mó ɔnó ɔbée, “Owíé, ní bowulí ntsu ámuó á, mma ɔhá ání obótsu mí wá mótó. Nótutsúa ambəbwe á, ɔku lagyankpá wíé mótó dodo.”

⁸ Yesu lébláa mu ɔbée, “Kuso! Tsi fú ɔklan, afonati!” ⁹ Inu unun oyin ámu iwí lówa mu ɔnln, ɔləkosó tsú mu ɔklan, wá natí bu.

Alí eke ámu igyi Yudafo Ɔkpónó Ɔdaké. ¹⁰ Mó su Yudafo ahənde beka oyin ámuó Yesu latsá mu ilo ámu ansító, blí beɛ, “Nde igyi Ɔkpónó Ɔdaké. Aní mbla mɛha ɔkpa ání fósɔrá fú ɔklan.”

¹¹ Ɔlebláa amó ɔbée, “Ɔhá ámuó ɔletsá mí ilo ámu lébláa mí ɔbée, ‘Tsu fú ɔklan, afonati.’ ”

¹² Mó su befité mu beɛ, “Ma lébláa fu ɔbée, fotsúu fú ɔklan afonati?”

¹³ Oyin ámu mébi ɔhá ání ɔletsá mu ilo, tsúfɛ ahá buhíé bətsə unu, Yesu ləfwí wá amótó.

¹⁴ Ɔma a, Yesu lóyówun mu Bulu ɔswékpa unu. Múó ɔlebláa mu ɔbée, “Yéé fawun ání iwí lawá fú ɔnln. Mátrá bwe lakpan, méní móá idun iní mɛɛba fosu.”

¹⁵ Oyin ámu léyéláa Yudafo ahənde amu ɔbée, Yesu létsa mu ilo. ¹⁶ Inuá Yesu dé ntobí ání odu bwe ɔkpónó ɔdaké su á, Yudafo ahənde amu bəwa mu kpekpéé bi. ¹⁷ Táme Yesu lébláa amó ɔbée, “Mí Sí mákósi agyómá yə. Mó su mí é mməkósi.”

¹⁸ Mu asun blíhé anfi su á, Yudafo ahənde amu bekle ání bóma mu ɔkpagyáɔkpasu. Tsúfɛ megyi ɔkpónó ɔdaké mbla ámu nkole tóun su, mbouín ɔleblí ɔbée, mu sí gyí Bulu, ilosuná ání muu Bulunyo bəgyi kékéé.

Bulu Təhá Mv Bi Amu Túmi

¹⁹ Yesu léle mó ɔnó ɔbée, “Ɔnəkwalí nde mlí bláa. Mí Bulu mu Bi ání onutó mméetalí bwé totó mí iwísu. Tóá nowun ání mí Sí débwe á, mó ntəbwé. ²⁰ Tsúfɛ mí Sí tədwé mí, otosúná mí itáá mu onutó ɔdebwé fée. Inn! Ibówa mlí wánwan ání obósuná mí móá idun alí. ²¹ Alí ámuó mí Sí təkósuá ahá tsú afúlitó, há amó nkpa ámu a, alí mí é ntehá ahá ání ndeklé nkpa ní. ²² Mí Sí tamagyi asón há ipón, táme alapó asóngyi fée wá mí ibito, ²³ méní ɔhəgyíɔha obóbu mí fə alá otobú mí Sí ámu. Ɔhá ání ɔtamabú mí tamabú mí Sí ámuó ɔləpu mí sísi ámu é.

* **5:3-4** Mótó yéé 4 bə nwołó dada amu akoto: Ibo nu bo unu á, Bulu-ɔbəpə tobowullí ntsu ámuó. Inu su bətsie unu bəgyo mu. Tsúfɛ ní ɔbá bowullí mó á, fúá fegyankpá wíé mótó á, futenyá lətsá.

24 “Ɖnɔkwali nde mli blaa mbée, ɔhagyísha aní otonú mí asón, ɔtɔho óhá ámúó ɔlwa mí sísí ámu gyi, bu nkpa aní itamatá. Bulu méegyí mu asón, há mu pón, tsúfɛ aladálí lowuto ba nkpatɔ dodo. 25 Ɖnɔkwali nde mli blaa. Bré kɔ íbá. Bré ámu ilawúna fun aní ahá aní bogyi fɛ aha wuhé† bónu Bulu mu Bi ámu ɔme. Amóá bonu mó bénya nkpa. 26 Tsúfɛ mí Sí bów túmi, ɔtɔhá nkpa. Alí kén alahá mí ánfí ngyi mu Bi ánfí túmi, ɔbée nháa ahá nkpa ní. 27 Alahá mí túmi ɔbée, ngyi ahá asón, tsúfɛ mígyí Nyankpɔsa-Mu-Bi ámu ní. 28 Asón ánfí imáwa mli wánwan. Bré kɔ íbá, afúlí fɛé bónu mí ɔme, 29 kósó. Amóá bóbwe yilé bɛlakósó, nyá nkpa aní itamatá. Amóá bóbwe laláhe a, négyi amó asón, há amó ípón.”

30 “Mmɛetalí bwé tɔtɔto mí iwísu. Asón aní nonú tsú mí Sí wá á, mó ntɔpógyi asón. Mó só ntegyi asón ɔnkwahɔ ní. Tsúfɛ ntabwé t́á mí onutó ndeklé, mboún t́á óhá ámúó ɔlwa mí sísí ámu tekle.”

Yesu Iwí Adánsie Wankládán Agyípó

31 Yesu lóyo mósó blí ɔbée, “Ní mí onutó negyi mí iwí adánsie á, mli mósóho mó aní ɔnkwali igyi.† 32 Bulu é tegyi mí iwí adánsie. Nyin aní mí iwí adánsie ámúó odegýi amu igyi ɔnkwali. 33 Mli lawá abí sísí Yohane. Alabláa mli ɔnkwali amu. 34 Mí mó á, mmehián anyánkpɔsa adánsie. Mboún nde mli asón ánfí blaa, méní Bulu ɔbóho mli nkpa. 35 Yohane ason blíhé lóbwe fɛ ɔkandíe aní idewankí. Mó sɔ mli lótsulá gyi mó ɔdwe kpalobí. 36 Mbu t́á itegyí mí iwí adánsie, idon Yohane klé amu. Agyómá ámúó mí Sí lawá ɔbée mbwée mo mó ɔnó, nde mó bwe ámu dé adánsie gyí aní molówa mí sísí. 37 Mí Sí ámúó ɔlwa mí ámu onutó lagyi mí iwí adánsie. Mli mósókónu mu ɔme, mli mósókówun mu é ki. 38 Mli mósóho mu asón wá mli klonto, tsúfɛ mli mósóho mí ámúó ɔlwa sísí ámu gyi. 39 Mli kía mlénya nkpa aní itamatá tsú Bulu ason wanlínhe amu. Mó sɔ mli ansí lapé, mli dé mó kasí ní. Mí iwí adánsie Bulu ason wanlínhe amu idegyí. 40 Táme mli lakíná mí wá bá, méní mlénya nkpa ámu.

41 “Mmedédunká mbée, ahá bókánfo mí, 42 tsúfɛ nyin mli dodo. Nyin aní mli tamadwé Bulu tsú mli klonto. 43 Naba mí Sí dátó, mli mósóho mli. Táme ní óha bambá óbá mó onutó iwísu á, mlóho mu. 44 Mli tekleá mlékanfó aba, táme mli tamabó mbódí aní Bulu ɔkole pé ámu ɔkánfo mli. Nkálí íbóbwe mlóho mí gyi? 45 Mli máki mli aa, néle mli ílá mí Sí ansító. Mose amúó mli ansí idon musɔ mli aa ɔbóho mli nkpa ámu mboún ɔbée mli ílá Bulu ansító ní. 46 Ní lélé mli lóho Mose asónsɔ gyi a, tekí mlóho mí asónsɔ gyi, tsúfɛ mí iwí asón ɔlwanlín tswi. 47 Táme íná mli mósóho t́á ɔlwanlín tswísu gyi a, nkálí íbóbwe mlóho mí ason blíhésu gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

1 Iní ɔma a, Yesu mu a mu akasípó bɛfa Galilea ɔpɔá bɔtɛtí mó Tiberia amu yó mó ɔbin. 2 Ɖdɔm betsiá buo mu, tsúfɛ ɔde alɔpu tsa wánwansu. 3 Mva mu akasípó bɔdu yó okúku kusɔ, yétsiá así unu. 4 (Alí bré ámuto á, Yudafo nkéá bɔpɔgyi Israelfɔsu Katson Nke ámu ilafon ta.) 5 Inu Yesu lótsu ansí fóá wun aní ɔdam krɔnkpɔnkpɔnti bɛbá mu wá. Móú ɔlefíté Filipino ɔbée, “Nkónó abénya atogyihe ho ha ahá ánfí bégýi?” 6 (Yesu léblí asón ánfí púsó Filipino kí, tsúfɛ oyin t́á ɔbóbwe dodo.)

7 Filipino léle mó ɔnó ɔbée, “Ní apó tsra kwe íkáká ho atogyihe kóráá á, imóɔfon aní okugyíɔku obénya kpalobí gyí!”

8 Simon Petro mu pio Andrea, gyi akasípó amuto ɔkole lébláa Yesu ɔbée, 9 “Oyimbi ɔku dé bodobodo apín pútúpútú anu pó ntsutso iye bwáhé anyo. Táme nto ínú bóbwe ahá tsɔtsɔtsɔ ánfí?”

10 Yesu lébláa mu akasípó amu ɔbée, “Mli ha amó abɔtsiatsia así.” Ahá ámu fɛé betsiá ífásó. Ayin aní bɔbu amótó bóbwe fɛ mpím-nu (5,000). 11 Móú Yesu lóho bodobodo amu, dá Bulu ípán, ɔleha beye mó há ahá ámúó bɔtsie unu ámu. Alí kén ɔlɔbwe ntsabi bɔáhé amu é ní. Amótó okugyíɔku lénya alá odeklé. 12 Bégýi mwe sian. Yesu lébláa akasípó amu ɔbée, “Mli kola síanhe amu, méní imóɔbwe atɔ yintáhé.” 13 Lélé, bɔtsí síanhe amúó benya tsú bodobodo anu ámuto ámu. Ilóbulá alakpá dúanyó kéké.

14 Ahá ámu bowun osúna anfi Yesu labwé ánfí. Mó sɔ beblí bɛɛ, “Lélé, oyin ánfí gyí Bulu ɔnósó ɔtɔipó amúó bɔwanlín mu iwí asón wá Bulu asóntó bɛɛ, ɔbɛba ɔyító ámu ní.” 15 Yesu lówun aní ahá ámu babwé agywun bɛɛ, bɛba bekitá mu ɔwanlín t́á yáí mu iwíe. Mó sɔ mu nkole ɔleladó yó nkpa sí amúó.

Ɖpɔsu Natí

(Mateo 14:22-33; Marko 6:45-52)

† 5:25 Ahá aní bawú ɔnɛt́ó. † 5:31 Mose mbli lósuná aní ahá abanyó gyí adánsie.

16 Bréá owí ləpən a, Yesu akasípó bəkpłí ba Galilea əpu ənós. 17 Owí latá, táme Yesu məkóyínkí bətu amó. Mó sv bədu wíé əkluntə, bədəfa bəyó Kapernaum. 18 Afú kponkpənti ku ləba idetsóun, əpu amó lówa dabi. 19 Alí bré ámɔtə á, akasípó amó baplá əklən amó y' fɛ málu asa nté ana. Inu bowun ání Yesu ná əpu amosv əbá amó wá. Mó sv ifú lekítá amó. 20 Táme Yesu ləbláa amó əbɛɛ, “Mí ní, mlumánya ifú!” 21 Inu bətsu mu wá əklən amɔtə ansigiyís. Ilotsusúa iwankí amó á, əklən amó lawíé otsubúna, ətíné amóú bəyó ámu.

Yesu Dunká

22 Jyí kehɛ a, ədam amóú besi bəbu əpu amó əbin inu ámu bowun ání əklən kəkə itráa melí inu. Móá tekí dú inɔtə akasípó amó bowie náti ní. Bowun ání Yesu mówie mótó asa benatí. 23 Mó əma a, nklən aku lótsu Tiberia wúlutə belí mantáa ətíné amóú begyi bodobodo amóú Yesu ləda Bulu ipán póhá amó ámu. 24 Ədam amó bowun ání Yesu lanátí inu, mu akasípó amó é bəma inu. Mó sv bədu wíé nklən amɔtə y' Kapernaum, bəde Yesu dunká.

Bodobodó Itəhá Nkpa

25 Bréá ədam amó boyówun Yesu ntsu əbin inu á, bəfité mu bɛɛ, “Osunápó, bré məmɔ fobowie nfi?”

26 Yesu ləbláa amó əbɛɛ, “Ənəkwalí nde mlí bláa. Megyí osúna amóú ndɛbwe mlídéwúun amó sv mlígyá mí əkpa. Mboún bodobodo amóú nɛha mlí, mlídégyí mwe ámu sv. 27 Mlumáwun ipian atogiyihɛ ání iteyíntá sv. Mboún mlíwun ipian móá íbɛtsiá yó, íbɛha nkpa ání itamatá, ání mí, Nyankpɔsa-Mu-Bi ání nɛha mlí sv. Tsúfɛ mí mí Sí Bulu lahɛ nsv ání mbu əkpa há mó.”

28 Bəfité Yesu bɛɛ, “Gyoma məmɔ abwéɛ isuna ání anidé tóá Bulu tekle bwe?”

29 Yesu lélɛ mó ənós əbɛɛ, “Tóá Bulu déklé əbɛɛ mlíbwéɛ gyí, mlíhə mí ání əlɔwa sísi ání gyi.”

30 Inu bəfité Yesu bɛɛ, “Osúna məmɔ fəbwe abówun, mənı abóhə fə gyi? Ntə fəbwe? 31 Anı anáin begyi mana dimbí ámosv. Bəwanlín mó wá Bulu asón amɔtə bɛɛ, ‘Mose léha amó atáá ilotsu əsósó bá begyi.’ ”

32 Móú Yesu ləbláa amó əbɛɛ, “Ənəkwalí nde mlí bláa. Megyí Mose léha mlí atogiyihɛ amó tsú əsósó. Mí Sí léha mlí bodobodo onutónutó ámu tsú əsósó. 33 Tsúfɛ bodobodo ání Bulu tɛhá gyí mí ání natsú əsósó bá, nɛbá bɛha əyító ahá nkpa ání.”

34 Ahá ámu bəbláa mu bɛɛ, “Owíé, tsia ha anı bodobodo anfi brégyíbré, tsú séi póya.”

35 Yesu ləbláa amó əbɛɛ, “Mígyí bodobodo amóú itəhá nkpa ámu nı. Akón méɛkítá əhá ání əlɛba mí wá ekekeke. 36 Jmewóli méɛkítá əhá ání əlɔhə mí gyí é ekekeke. 36 Fɛ alá nɛbláa mlí á, mlıdawun mı, táme mlumákóhə mí gyi bəfən séi. 37 Əhagyíəha ání Əsí ámu léha mí əbɛba mí wá. Mmɛegyá əhagyíəha ání əlɛba mí wá. 38 Tsúfɛ mmotsu əsósó ba mbɛɛ, nɛbá bəbwe tóá ndeklé. Mboún tóá əhá amóú əlɔwa mí sísi ámu déklé əbwɛkpa nɛba. 39 Tóá əhá amóú əlɔwa mí sísi ámu déklé gyí, ahá amóú əlɔpəhá mí amɔtə əkoku mádálı mí ıbu. Mboún nkúsua amó fɛé tsu afúlitə eke tráhe amó. 40 Tóá mí Sí ámu tekle gyí, əhagyíəha ání olowun mí, mu Bi ání, hə mí gyi obénya nkpa ání itamatá. Nókúsúa mu tsú afúlitə eke tráhe amó.”

41-42 Inıá Yesu ləblí əbɛɛ, “Mígyí bodobodo amóú notsu əsósó ba amó nı” sv á, Yudafo ámu bəwa mu wuntí bı. Bɛɛ, “Megyí Yosef mu bı Yesu amó nı? Anıméyın mu sı mva mu yin? Əkpa məmɔ sv ədɛblí əbɛɛ, ‘Əsósó notsu nɛba?’ ”

43 Yesu ləbláa amó əbɛɛ, “Mlısi wuntí mlí wələwələ. 44 Əhaa méɛetalı ba mí wá, nkéti mí Sí amóú əlɔwa mí sísi ámu lakpá mu ba mı. Mí é nókúsúa mu tsú afúlitə eke tráhe amó. 45 Bulu ənós atəipó amɔtə əku ləwanlín tswı əbɛɛ, ‘Bulu obósuná ahá fɛé ató.’ Əhagyíəha ání aları mí Sí asón, kási mı tsú mı wə tɛba mí wá. 46 Əhaa mókówun Əsí ámu kı. Mí ání notsu Bulu wá bá anfi nkole láwun mu kı. 47 Ənəkwalí nde mlí bláa. Əhagyíəha ání əlɔhə mí gyi bu nkpa ání itamatá. 48 Mígyí bodobodó itəhá nkpa ní. 49 Inıá mlí anáin begyi mana dimbísí óó á, amó fɛé bowu. 50 Táme bodobodo anfi gyí móa latsú əsósó bá, mənı əhagyíəha ání obégyi mó móowu ní. 51 Mígyí bodobodo amóú ntehá nkpa, natsú əsósó ba amó nı. Əhagyíəha ání ogyi bodobodo anfi obétsiá nkpa, omóowu ekekekeke. Mí əyolób gyí bodobodo amó. Mó nési há, mənı əyító bénya nkpa ní.”

52 Inu Yudafo ámu benya asón anfi Yesu lablí ání ıwı əblí. Amó wələwələ begyi aba nwéɛn bɛɛ, “Nkálı oyin ání əbétalı pó mu əyolób há anı əbɛɛ agyí?”

53 Yesu ləbláa amó əbɛɛ, “Ənəkwalí nde mlí bláa. Nı mlímégyi mí, Nyankpɔsa-Mu-Bi ání əyolób, nu mí obugya a, mlumá nkpa ání itamatá kəkəkə mlıtə. 54 Əhá ání olegyi mí əyolób, nu mí obugya bu nkpa ání itamatá. Nókúsúa mu tsú afúlitə eke tráhe amó. 55 Tsúfɛ mí əyolób igyi atogiyihɛ onutó, mí obugya é igyi atonuhɛ onutó. 56 Əhá ání ogyi mí əyolób, nu mí obugya tsie mıtə, mí é ntsie mıtə. 57 Mí Sí Əkiankpapı amó lówa mí sísi. Mv só mbu nkpa. Mó sv fúá fegyí mı a, mí sv fú é fubv nkpa. 58 Mígyí bodobodo onutóá notsu əsósó ba nı. Mlı anáin begyi mána, táme bowu. Əhá ání ogyi bodobodo anfi mó obétsiá nkpa ání itamatá.”

59 Yesu ləblí asón ání bréá əde ató suná Kapernaum, Yudafo ofiakpa.

Nkpa Aní Itamatá Asón

⁶⁰ Yesu abúopu tsotsotsos amoṭo aku bonu asón ánfí á, beblí bée, “Atosunáhé ánfí mó bu onlun o! Ma obétalí hō mó?”

⁶¹ Yesu lówun ání mu abúopu amoṭo aku bode wunti ání alablí alí sù á, ofelité amó obée, “Asón ánfí lahan mlí? ⁶² Mómó ní mlowun Nyankpasa-Mu-Bi ámu oyó otínéá olotsu ba me, nkálí mlóbwe? ⁶³ Bulu Ọjẹ ámu téhá nkpa. Nyankpasa awonlín mó á, kpaalí igyí. Asón ánfí nde mlí bláa anfi itsú Ọjẹ ámuó ọtéhá nkpa ámu wá, ⁶⁴ táme mlító aku bómohó mósó gyí.” Yesu lówun amóá bómohó mósó gyí pó ohá ání obéle mu há yáí dodoodo. ⁶⁵ Ọlẹtrá bláa amó obée, “Iní sò nebláa mlí mbée, shaa méetalí ba mí wá, nkéti mí Sí lakpá mu ba mí” ní.

⁶⁶ Tsú éke ámu a, Yesu abúopu amu tsotsotsos beyinkí mu ama, bomeṭrá buo mu. ⁶⁷ Mó sù Yesu léfité mu akasípó dúanyo ámu obée, “Mlí é mlidékkléá mléyinkí mí ama lóó?”

⁶⁸ Simon Petro lébláa mu obée, “Owíé, ma wá abóyo? Fú wá asón ání itehá nkpa ání itamatá bu. ⁶⁹ Anlahogyi, anlabí ání fógýí Ọha Wankihé amóó fotsú Bulu wá ámu ní.”

⁷⁰ Inu Yesu lébláa amó obée, “Mlí ahá dúanyo nle, táme mlító oku gyí obunsám!” ⁷¹ (Simon Iskariot mu bi Yuda ode á. Tsúfẹ ogyi akasípó dúanyo amoṭo okule. Mu obéle mu há ní.)

7

Yesu Mva Mu Apio Yinhé

¹ Mó ama a, Yesu létsiá kí Galilea amatát. Omekléá obóyo Yudea amatát, tsúfẹ Yudafó ahande amu bode mu tée abomo mu. ² Táme Yudafó Kantankpatotsiá Nkegyí lafun. ³ Mó sù mu apio yinhé bebláa mu bée, “Nati yo Yudea nke ámu ogyíkpa, méní fú abúopu amóó bubu inu ámu é bówun ofúla ání fodebwe. ⁴ Ohá ání odekléá ahá bubú mu gymagyihé tamanáin iwí. Iná fúde ntiobá igyi alí bwe á, wuna le mó suna, oyí fée abowun.” ⁵ (Mu apió ámu kóráá bómohó mu gyí. Mó sù bebláa mu alí ní.)

⁶ Iní sù Yesu lébláa amó obée, “Bréá nýo inu makónyá fun. Mlí mó mlétalí yó inu brégyíbré. ⁷ Ọyítso bomeṭalí lú mlí, táme mí mó bode mí lu, tsúfẹ nde amó ilá le. ⁸ Mlyo nke amoṭo. Mí mó mmakónyá yó, tsúfẹ mí bré makófun.” ⁹ Yesu léblí asón ánfí tá á, olesí tsiá Galilea amatát.

Yesu Kantankpatotsiá Nke Amu Ogyíkpa Yo

¹⁰ Táme bréá Yesu apió ámu benatí yó nke ámu ogyíkpa a, mu é olenáin iwí yó inu. ¹¹ Yudafó ahande amu bodunká mu nke ámu ogyíkpa, bode ahá fité bée, “Oyin ámu me?”

¹² Odám amu beblí asón tsotsotsos nklobító tsú Yesu iwí. Aku bée, “Ọha wankláán ogyi.” Aku é bée, “Ekekeke, ode ahá mlé.” ¹³ Táme amóṭó shaa metálí blí mu iwí asón kókló ahá abonu, tsúfẹ bode Yudafó ahande amu ifú nya.

¹⁴ Bréá bowie nke ámu nsiné á, Yesu lódu wíé Bulu otswékpa wunsinésú inu yéfi ató suná asi. ¹⁵ Mu atosunáhé lobwie Yudafó ahande amu onó. Mó sù befité aba bée, “Oyin ánfí mókókásí owoló yó nkpa. Nkálí ilobwe asa aḗbi owoló alí?”

¹⁶ Yesu léle mó onó obée, “Megyí mí wá atosunáhé anfi itsú. Itsú Bulu wá. Mólówa mí sísí. ¹⁷ Ní oku dékléá obóbwe Bulu apé á, obówun ní atosunáhé anfi itsú mí wá ntée Bulu wá. ¹⁸ Ohá ání ode mu onutó asón blí dé mu numnyam dunká. Táme ní oku todúnká numnyam há ohá ání olówa mu sísí á, onokwalipó ohá ámu gyí. Otamawá afunu. ¹⁹ Yéé Mose lópo mbla ámu ba mlí a? Táme mlító oku médé mósó gyí. Ntogyi sù mlidékkléá mlómó mí?”

²⁰ Inu odám amu bebláa mu bée, “Ọjẹ laláhe bu foto! Ma dékléá obómó fú?”

²¹ Yesu lébláa amó obée, “Ofúla kule pé nóbwe okpónú odaké, mlí fée onó lobwie mlí. ²² Mose lówa mbla há mlí obée, mlítún keté. (Ibu móṭó ání megyí Mose lótsó keté tín, mlí anáin léfi mó asi.) Yéé mó sù mlitetin ahá keté okpónú odaké ní a? ²³ Ní mlidé keté tún okpónú odaké, méní mlímáokosó líí Mose mbla ámu sù á, ntogyi sù mlilanya obló misó mhaa, natsá nyankpasa kéin okpónú odaké? ²⁴ Mlyo asóntó wankláán, asa amlíha ipón. Mlipo onokwali gyi asón.”

Yesu Iwí Nwéngyí

²⁵ Yerusalemfó aku befité amó iwí bée, “Megyí oyin ánfí Yudafó ahande bodedunká abomo ní? ²⁶ Megyí mu líí ahátó odetáí, amóṭó okoku mékpla mu a? Ntée ilawánkí amó ání mugyí Kristo, (ohá ámuó Bulu ladá mu ofúli amu) ní? ²⁷ Oyin ánfí mó a, aní fée anyiin otínéá otsú, táme ní Kristo ámu obá á, shaa méebi otínéá otsú.”

²⁸ Bréá Yesu bu mósó ode ató ámu suná Bulu otswékpa wunsinésú inu á, olotsu onó fúá blí obée, “Mlyin mu, mlyiin otínéá notsú, táme megyí mí onutó tímísisu neba. Onokwalipó ohá ámuó olówa mí sísí ámu gyí. Mluméyín mu. ²⁹ Táme mí mó nyin mu, tsúfẹ mólówa mí sísí. Mu wá notsu ba.”

³⁰ Inu bekle abókita mu, táme bómopu ibí da mu, tsúfẹ mu bré makófun. ³¹ Táme amóṭó ahá tsotsotsos boho mu gyí. Mó sù befité bée “Ní Kristo amu obá á, obétalí bwé osúna dun mó ánfí oyin ánfí débwe?”

Bowa Bée BvKíta Yesu

32 Bréá Farisifo ámu bonu ání ɔdɔm amu buɔe Yesu iwɔ asón blí nklobító á, amóba Bulu igyí ahapó dehen amu bowa Bulu ɔtswékpa agyópu beɛ bukíta Yesu. 33 Inɔ sɔ Yesu lébláa amó ɔbée, “Ulasí nke kpalobí pé nétsiá mli wá. Mó ɔma a, néyinkí yó ɔhá ámuó ɔlɔwa mí sísí ámu wá. 34 Mlódunká mí, táme mluṁṁóowun mɔ. Mluṁṁéetalí ba ɔtínéá mbu é ekekekeke.”

35 Yudafo ahande amu befité aba beɛ, “Nkónó oyin ání obótu ɔkpa yó, sɔ abódunká mu anumóowun mu? Ntée odekleá ɔbóyo Griikífo awúlu amóbu anɔ pí badásín yó mósó ámu sɔ, ntée obóyósuná Griikífo ámu ató? 36 Asón ání ɔdeblí é así mé? ɔbée, ‘Mlódunká mí, táme mluṁṁóowun mɔ. Mluṁṁéetalí ba ɔtínéá mbu é.’ ”

Nkpa Ntsu

37 Nke ámu eke tráheá igyí eke títriu á, Yesu lókwósó líí kplɔn blí ɔbée, “Ní ɔmewólí de ɔku á, ɔhá mí wá obonu ntsu. 38 ɔhagyíɔha ání ɔlɔha mɔ gyi a, ‘Nkpa ntsu bówí dalí mɔtɔ.’ Alí bɔwanlín wá Bulu asón ámu tó ní.” 39 (ɔɛe Wankíhé amóbu Bulu ɔbéha ahá ání bóho mɔ gyi amu iwɔ asón ɔdeblí. Alí bré ámu tɔ á, ɔɛe Wankíhé amu mókónyá ba, tsúfée Bulu mókónyá wá Yesu numnyam.)

Ahá Amɔto Leye

40 Bréá ɔdɔm amu bonu Yesu ason blíhé anfi á, amótó akɔ beblí beɛ, “Lélé, Bulu ɔnósó ɔtɔipó amóu anidé mɔ ɔkpa kí amu nɔ.”

41 Aku é beɛ, “Kristo amu ní!” Táme amótó akɔ é beblí beɛ, “Yée megýí Galilea ɔmátó Kristo amu obótsu o. 42 Bɔwanlín wá Bulu asón ámu tɔ beɛ, Owíe Dawid abusuantɔ Kristo amu ɔbédalí tsu. Bókwií mɔ Bethlehem, Dawid wúluto.” 43 Ina Yesu iwɔ asón ání sɔ ukolɛbwe metsiá amótó. 44 Amótó akɔ bekle abókíta Yesu, táme ɔhaa mópɔr ibi da mɔ.

Yesu Máhogyi

45 ɔma-ɔma a, Bulu ɔtswékpa agyópu amóbu bowa sumbí ámu besankí ba Bulu igyí ahapó dehen pú Farisifo ámu wá. Befité agyópu amu beɛ, “Ntogyi sɔ mluṁṁékítá mu ba?”

46 Beɛ mó ɔnó beɛ, “ɔhaa mókótóí fée oyin ání kí!”

47 Farisifo ámu befité amó beɛ, “Mó sɔ oyin ámu lamlé mli é. 48 Mluṁṁawun ɔhande ntée Farisiyin ɔku laho mɔ gyi kí? 49 Ekekekeke! ɔdɔm anfi bɔmeyín Mose mbla ámu iwɔ tɔtɔ. Mó sɔ Bulu ɔlwíi amó.”

50 Inu Farisifo ámu tɔ ɔkole, ogyi Nikodemo amóbu ɔlɔyo Yesu wá onyé amó léfité amó ɔbée, 51 “Anɔ mbla leha ɔkpa ání abéha ɔku ipón asa abéfité mɔ ɔnótó asón nú?”

52 Befité mu beɛ, “Galileayin fú é fógyi? Kí Bulu asón amóbu wankláán. Fówun ání Bulu ɔnósó ɔtɔipó ɔkokɔkɔ móotsu Galilea ɔmátó.” 53 [Inu amó fée benatí yó wóyító.

8

ɔtsi ɔku Mbvatɔ Pó Mɔ Kítá

1 Bréá ahá amu bedasín á, Yesu lóbu yó Nfɔ-nyíbu ámu sɔ*. 2 Mó ɔyi kehe bake a, oleyinkí ba Bulu ɔtswékpa wunsinésó inu. Ahá ámu fée beba mu wá. Mó sɔ oletsíá así, olefí así ɔde amó ató suná. 3 Bréá ɔdetáí á, Farisifo pú Mose mbla asunápú amu bekpa ɔtsi ɔkuá bakítá mu, ɔde mbvatɔ ba belí amó ansító. 4 Múu bebláa Yesu beɛ, “Osunápú, bakítá ɔtsi ání mbva ɔtɔkpá. 5 Mose Mbla ámu léblí ɔbée, adáa atsi ání odu abwi mɔ. Nkálí fudeblí tsú asón ání iwɔ?” 6 Asónklé sɔ befité mu asón ání, abuyɔtɔ mu ha ahande. Inu Yesu lóbun, pú osrebi ɔde ató wanlín ɔsulótɔ.

7 Bréá butráa buɔe asón ámu fité plá á, olobwíí tsíá, bláa amó ɔbée, “Mlito ɔhá ání ɔmókóbwe lakpan kí ogyánkpa da ɔtsi ání ibwí.” 8 ɔdeblí mó alí á, oleyinkí bun ɔde mu ató wanlín ɔsulótɔ. 9 Bréá ahá ámu bonu mu asón ání á, bowa natí ukole-ukole bi, tsú ahandesɔ batɔ nyebísó. Ilebisi Yesu mva ɔtsi ámu nkole ɔbun nsin é inu. 10 Yesu lóbwií tsíá, ɔlefíté ɔtsi ámu ɔbée, “ɔtsi, nkú ahá ámu me? ɔkokɔ mésián ání ɔbéha fú ipón?”

11 ɔtsi ámu lélé mó ɔnó ɔbée, “Owíé! ɔkokɔ méha mí pón o!” Múu Yesu lébláa mu ɔbée, “Ibu alé! Mí é mméeha fú ipón! Nati, mátrá bwe lakpan.”†

ɔyító Wankí

12 Inu ɔma a, Yesu léyinkí bláa Farisifo ámu ɔbée, “Mígyí ɔyító wankí nɔ. ɔhagyíɔha ání obuo mɔ obénya wankí ání íbéha mɔ nkpa, oméésin oklúntɔ ekekekeke.”

13 Inu á, Farisifo ámu bebláa mu beɛ, “Nfólí tamakánfó mu iwɔ. Fomákóblí tɔtɔ.”

14 Yesu lébláa amó ɔbée, “Ní mí onutó nde mí iwɔ adánsiɛ gyí ó á, ɔnɔkwali igyi. Tsúfée mí mó nyin ɔtínéá nɔtsú pú ɔtínéá nɔyó. Táme mluṁṁéyín ɔtínéá nɔtsú pú ɔtínéá nɔyó. 15 Anyánkpósa asóngyí ɔkpasu mlitegyi asón tsɔn, táme mí mó ntagagi ɔhaa asón. 16 Ní negyi asón ó á, ɔnɔkwali ɔkpasu negyi mó tsɔn. Tsúfée megýí mí nkole tegyi mó. Mía mí Sí amóbu ɔlɔwa mí sísí

* 8:1 Nfɔ-nyíbu igyi obubwí kuá ibu mantáa Yerusalem, botetí mó Olifbu. † 8:11 Ima Griikífo nwóló dada amu akotɔ.

ámu nyo tegyi mó. ¹⁷ Bowanlín wá mli onutó Mbala ámutó bee, ‘Ní adansífo abanyó beblí ason kua kule á, amó asón ubu mótó.’ ¹⁸ Mí onutó ntegyi mí iwí adánsie. Mí Sí lówa mí sísí. Mú é otegyi mí iwí adánsie.”

¹⁹ Befité mu bee, “Nkónó fú sí bu?”

Yesu léle mó onó obée, “Mluméyín mí wankláán, mluméyín mí Sí ámu é. Ní mliyin mú wankláán á, teki mlébi mí Sí ámu é.”

²⁰ Yesu léblí asón ánfibréá ode ató suná Bulu otswékpa tswitswí adáka otsiakpá. Táme ohaa mékitá mu, tsúfé mu bré mokónyá fon.

Yesu Osósóyo

²¹ Yesu létrá bláa amó obée, “Mí mó nọyó. Mlódunká mí. Mlówu wá mli lakpantó. Mluméetalí ba otínéá nọyó.”

²² Yudafó ahande amu befité bee, “Mó obómọ mu iwí, sọ odebli obée, mluméetalí ba otínéá nọyó?”

²³ Yesu léle mó onó obée, “Mli mó mlotsú oyí ánfito, táme mí mó notsú osósú. Oyí ánfítófo mligyí. Mmegyí oyí ánfitoyin mí mó ngyi. ²⁴ Mó sọ nde mli bláa mbée, mlówu wá mli lakpantó ní. Mlówu wá mli lakpantó, ní mlumóhógyi ání ‘Mígyí ohá ámóú mbée ngyi ámu.’ ”

²⁵ Befité mu bee, “Fógýí ma?”

Yesu lébláa amó obée, “Ohá ámóú ntebláa mli yáí mbée, ngyi ámu kén ntráa nde mli bláa a. ²⁶ Mbu asón tsotsotsóá nébli tsú mli iwí púhá mli pón. Táme onakwalipu ohá ámóú olowa mí sísí ámu gyí. Asón ání nonu tsú mu wá nde mli oyítófo bláa.”

²⁷ Imowankí amó ání mu Sí ámóú obu osósú ámu iwí asón ode amó bláa. ²⁸ Mó su Yesu lébláa amó obée, “Ní mledá Nyankpasa-Mu-Bi ámu mántá oyikpalíhesu, tsú mó líí á, mlówun ání ‘Mígyí ohá ámóú mbée ngyi’ ámu. Mlébi ání ntabawé tótoto mí onutó túmito. Móá mí Sí lópówá mú onó á, mó ntebli. ²⁹ Ohá ámóú olowa mí sísí ámu buo mú. Omakóyinki mí oma, tsúfé tóá itegyi mu ansí ntabwé brégyíbré.”

³⁰ Inu ahá ámóú bonu mu asón ánfito tsotsotsó bohọ mu gyi.

Abraham Abi-aná

³¹ Yesu lébláa Yudafó ámóú bohọ mu gyi amu obée, “Ní mlobuo mí atosunáhé a, mligyí mí akasípó lélé. ³² Mlébi onakwali amu. Onakwali amu íbéha mlegyi iwí.”

³³ Beblí bee, “Abraham abi-aná angyi. Anumókóbwé ohaa nkpábi kí. Mó ntogyi sọ fúde aní bláa fee, ‘Mlégyi iwí?’ ”

³⁴ Yesu léle mó onó obée, “Onakwali nde mli bláa. Ohagyíoha ání otabwé lakpan á, ogyi lakpan okpábi. ³⁵ Okpábi tamatsiá mu wie wóyí yó, obí tetsiá mu sí wóyí yó. ³⁶ Mó su ní Bulu mu Bi ámu ohá mlegyi iwí á, mómó mlagyi iwí féé. ³⁷ Nyin ání Abraham abi-aná mligyí, táme mlidékéá mlómọ mí, tsúfé mlumóhọ mí atosunáhé. ³⁸ Tóá nowun tsu mí Sí wá ndeblí. Mli é asón ání mlólónu tsú mí sí wásó mldégyi.”

³⁹ Bebláa mu bee, “Aní sí gyí Abraham.”

Yesu lébláa amó obée, “Ní Abraham abí mligyí á, teki mli bwehé lelian Abraham. ⁴⁰ Mlidékéá mlómọ mí, tsúfé nde mli onakwalí nonu tsú Bulu wá bláa. Abraham móbwe ali! ⁴¹ Mli sí bwehé mlidébwe.”

Bebláa Yesu bee, “Megyi mbua boto kwíí aní. Bulu onutó gyí aní Sí. Anumá osí okoku tsíá motó.”

⁴² Yesu lébláa amó obée, “Ní mli Sí gyí Bulu á, teki mlitodwé mí, tsúfé mu wá notsu ba. Mlówu mí sísí. Megyi mí onutó túmito neba. ⁴³ Ntogyi sọ mlumédé mí ason blihé así nu? Mlumédé mí así nu, tsúfé mí asón de mli asoto wó. ⁴⁴ Obunsám gyi mli sí. Mó su mlitekéá mlóbwe tóá mli sí tekle. Ahá onwé ogyi tsú nfiasí. Otamabuo onakwali. Mó su onakwali koku ma motó. Ní owá afunu a, mu tsiátó owan odele, tsúfé ofunupu ogyi. Mogyi afunupu féé osí ní. ⁴⁵ Táme ntebli onakwali. Mó su mlitamahọ mí asónsọ gyi nu. ⁴⁶ Mlito ma obétalí súná ání lakpan obwepọ ngyi? Ní nde onakwali bli á, mó ntogyi mlumóhọ mú gyi? ⁴⁷ Ohá ání otsú Bulu wá teyáá asu nú mu asón. Mli mó mlimótsú mu wá. Mó su mlitamayáá asu nú mu asón ní.”

Yesu Mva Nandín Abraham

⁴⁸ Yudafó ámu bebláa mu bee, “Ní abli aníaa Samariayin fogyi, oje laláhe bu foto á, anlawá afunu?”

⁴⁹ Yesu lébláa amó obée, “Oje laláhe ma mító. Ntobú mí Sí, táme mli mó mlitamabú mí. ⁵⁰ Mmedé mí iwí numnyam wa. Oha oko bu inwá ode mó dunká há mí. Mgyí asón ogyipó wankláán ámu nu. ⁵¹ Onakwali nde mli bláa. Ohagyíoha ání otegyi mí atosunáhésu omóowu ekekeke.”

⁵² Inu Yudafó ámu bebláa mu bee, “Séi ánfí mó á, anlawun ání lélé oje laláhe bu foto! Abraham mva Bulu onósó atópó amu bawú. Táme fọ mó fodebli fee, ohagyíoha ání otegyi

fó atosunáhésu omóowu ekekekeke. ⁵³ Aní náin Abraham lówu. Fokí fée fòdòn mu? Bulu onósó atáípó amó é bowu. Nkálí fódé fú iwí kí?"

⁵⁴ Yesu léle mó onó obéé, "Ní nòwá mí iwí numnyam a, kpaali ígyi. Mí Sí gyí óhá aní otòwá mí numnyam. Mò mlédéblí mliaa ogyi mlí Bulu ní. ⁵⁵ Ibo móótó aní míméméyín mu, táme mí mó nyin mu. Ní neblí mbéé mmeyín mu a, nabwé ofunupò fè mlí. Mí mó nyin mu, ntegyi mu asónsò. ⁵⁶ Mlí náin Abraham lénya ansígyí aní mówun mí bábu. Olowun mó é, ansí legyi mu."

⁵⁷ Yudafo ámu bebláa mu beé, "Fomákóhò nfi aduenu (50) kórará, mó fée fòtò Abraham?"

⁵⁸ Yesu lébláa amó obéé, "Onòkwali nde mlí bláa. Mbu inu asa bòkwí Abraham."

⁵⁹ Yesu lénya blí alí pé, ahá ámu bókulá abwi beé abotswi da mu má. Táme Yesu lóbwe híéé, dáli Bulu otswékpá wunsinésó inu.

9

Ansibi Obwiepó Oku Tsa

¹ Èke oku Yesu muva mu akasípó buna okpatò, bowun oyin okuá bòkwí mu ansibi obwiepó. ² Yesu akasípó amó befité mu beé, "Osunápó, ma lakpan só bòkwí oyin ántí ansibi obwiepó? Mú onutó lakpan su lóó, ntéé mu akwíípó?"

³ Yesu léle mó onó obéé, "Megyí mu ntéé mu akwíípó lakpan su bòkwí mu ansibi obwiepó. Mboún alíá Bulu obéle mu túmí súná tson mu ilo ámutò su. ⁴ Ila sí kpalobí owí obéta. Óhaa méetalí trá yo agyómá. Mó su ilehián aní abóyo agyómá ámuó óhá ámuó olòwa mí sí sí ámu lówa mí obéé nyóó amó. ⁵ Iná nanya mbu óyí ánfítò á, mígyí óyí ánfítò wanku."

⁶ Bréá Yesu lébláa amó asón ántí tá á, olotu atsonó tswí osulòtò, olòpò osrebi tsíá isi, títi mó tan ansibi obwiepó ámu ansíbiso. ⁷ Móó olébláa ansibi obwiepó ámu obéé, "Nati yafwi ansító Siloam paatítò." (Siloam asi gyí, "Bòwa mu sí sí.") Oyín ámu lóyófwi ansító yínkí óbá wóyí á, óde ató wúun.

⁸ Mú aba pò ahá aní botowun mu óde ató kólí befité beé, "Megyí oyin ántí tetsíá kólí ató bré ámu ní?"

⁹ Amótó aku beé, "Mú ní!" Aku é beé, "O-o, lían olélian mu."

Inu oyin ámu onutó léblí obéé, "Mí ní."

¹⁰ Befité mu beé, "Nkálí ilóbwe asa fòde ató wúun ngya?"

¹¹ Ólele mó onó obéé, "Oyín ámuó botetí mu Yesu amó lóbwe odiba tan mí ansíbiso. Móó olébláa mu obéé, nnáti yafwi ansító Siloam paatítò. Noyófwi, móó nde ató wúun a."

¹² Befité mu beé, "Nkónú óbu?" Móó oléle mó onó obéé, "Ohwéee."

Farisifo Ansibi Obwiepó Ámu Asón Fité

¹³ Inu bekpa oyin ámuó tekí ogyi ansibi obwiepó ámu yáa Farisifo wá. ¹⁴ Èke ámuó Yesu lóbwe odiba póbwií mu ansíbi amó igyi okpónó odaké. ¹⁵ Móó su Farisifo ámu belafité oyin ámu alíá ilóbwe asa óde ató wúun. Ólebláa amó obéé, "Ódiba olòpòtan mí ansíbiso, noyófwi ansító. Móó nde ató wúun ngya a."

¹⁶ Farisifo ámu ako beblí beé, "Megyí Bulu óha oyin ámuó olobwií mu ansibi amó gyí, tsúfè otamagyi okpónó odaké mbíla ámuósu."

Táme aku é befité beé, "Nkálí lakpan obwiepó obétalí bwé osúna anfi odu? Asón ántí su bometrá bwé kole."

¹⁷ Móó su belafité oyin ámu beé, "Fée molóbwií fú ansíbi. Amansò fobu blí tsú mu iwí?"

Oyín ámu léle mó onó obéé, "Bulu onósó otáípó ogyi."

¹⁸ Yudafo ahande ámu bómohogyi aní lélé, bòkwí mu ansibi obwiepó asa séi óde ató wúun, kpéfòn bréá betí mu akwíípó ba. ¹⁹ Befité amó beé, "Mlí bí ámuó mliaa, mu ansíbi lobwie asa mlíókwií mu amó ní? Nkálí ilóbwe asa óde ató wúun ngya?"

²⁰ Mú akwíípó amó bele mó onó beé, "Anyin aní aní bí ní. Anyin aní aníókwií mu ansibi obwiepó. ²¹ Táme alíá ilóbwe asa óde ató wúun pò óhá aní olobwií mu ansíbi mó á, anuméyín. Kókolí mlí, mlifite mu onutó. Megyí kebi ógyi, aladan. Óbétalí lé mó onó." ²² Mú akwíípó amó bódé Yudafo ahande amó ifú nya. Móó su beblí alí ní. Tsúfè ahande amó bablí tswí beé, óhagyíóha aní obéblí obéé, Yesu gyí Kristo, (óhá ámuó Bulu ladá mu ofúli amó) a, bégya mu lé Yudafo ofiakpa inu. ²³ Móó su mu akwíípó amó beé, "Megyí kebi ógyi, aladan, mlifite mu onutó!" ní.

²⁴ Belatí oyin ámuó bòkwí mu ansibi obwiepó ámu otse nyóosi, bláa mu beé, "Ka ntam Bulu ansító aní féblí onòkwali. Anyin aní lakpan obwiepó oyin ámuó olobwií fú ansíbi amó gyí."

²⁵ Móó oyin ámu léle mó onó obéé, "Ní lakpan obwiepó ogyi o, yilé obwiepó ogyi o, mí mó mmeyín. Toku kole pé nyin. Mógyí, tekí bré ámu ntamawun ató, táme séi mó ndewúun."

²⁶ Móó befité mu beé, "Nkálí ilóbwe fú? Nkálí olobwií fú ansíbi amó?"

²⁷ Móó oléle mó onó obéé, "Nabláa mlí dodoodo, táme mímónu. Ntogyi só ntráa bla mlí? Mlí é mlídékléá mlóbwe mu akasípó lóó?"

²⁸ Besia mu, bláa mu bee, “Fógyi mu akasípó. Aní náin Mose akasípó aní mó aniyí. ²⁹ Aniyin aní Bulu lótoí bláa Mose asón, táme anuméyín otínéá oyin ánfí mó otsú.”

³⁰ Oyín ámu lébláa amó obéé, “Ngya nto asón ní? Mluméyín otínéá otsú, táme molábwíí mí ansíbi ní o. ³¹ Aní fée aniyin aní Bulu tamanú lakpan abwepó isu. Ohá aní otobú mó, otegyi mu mblasu isu otónú. ³² Tsú bréá Bulu lóbwe oyí opá á, ohaa mókónú aní oku labwíí ohá aní bokwíí mu ansibi obwiepó ansibi ku. ³³ Ní megýí Bulu oha oyin ánfí gyí á, tekí oméetalí bwé tótótó.”

³⁴ Ahande amu bele mó onó bee, “Fó ánfí fuyi lakpan obwepó tsú bréá bokwíí fó ánfí dékléá fósuná aní asón?” Inun begya mu lé ofiakpa un.

Ohéto Ansibi Bwie

³⁵ Yesu lónu aní bagya oyin ámu lé ofiakpa un. Mó so bréá olowun mu a, olefté mó obéé, “Fóho Nyankpusa-Mu-Bi ámu gyí?”

³⁶ Oyín ámu lébláa mu obéé, “Owíé, suna mí ohá aní ogyi, mí anho mu gyí!”

³⁷ Yesu lébláa mu obéé, “Fawun mu dodo. Mogyí ohá ánfí ode fó asón bláa séi ánfí á.”

³⁸ Móó oyin ámu lébláa mu obéé, “Mí Wíé, nahó fu gyí.” Inu olosúm Yesu.

³⁹ Yesu léblí obéé, “Asón ogyíkpa neba oyí ánfíto, méní ahá aní bomedé ató wúun bówun ató. Ahá aní budewúun é ansibi ibwie.”

⁴⁰ Farisifó akwá bubu Yesu wá unu bonu asón ánfí. Móó befité mu bee, “Mó so fodéblí fee aní é angyí ansibi abwiepó?”

⁴¹ Yesu léle mó onó obéé, “Ní ansibi abwiepó mligyí á, tekí Bulu mééha mli ipón. Táme ínúá mliaa mhdé ató wúun su á, mli lakpan lasin mluu.”

10

Akúfa Okparó Mba Mu Akúfa

¹ Yesu léblí obéé, “Onokwali nde mli bláa. Ohá aní odó tson akúfa ibansu wíé mótó, omatsón okpa onó á, owikplu pó ogyo otswapó ogyi. ² Tsúfé iban onó akúfa okparó tótson wie mótó. ³ Iban ámusu okípó tefínkí mó há akúfa okparó ámu tebitíwíé. Otópó akúfa amu dá tí amó, bótónú mu ome, otekpá amó dálí. ⁴ Ní okpá akúfa amu fée dálí a, otegya amó nkpá, bótobuo mu, tsúfé buyin mu ome. ⁵ Butamabuo ofós. Srí botesrí sí mu, tsúfé bomeyín mu ome.”

⁶ Yesu léha amó yébi anfi, táme bomonu mó asu.

Akúfa Okparó Wankláán Amu

⁷ Yesu létrá bláa amó obéé, “Onokwali nde mli bláa. Mígyí akúfa iban ámu onó ní. ⁸ Awikplu pó ogyo atswapó ahá aní begyankpá ba fée bugyí. Akúfa amu bomebi amó ome. ⁹ Mígyí akúfa iban ámu onó ní. Ní oku otson mitó wíé dálí a, tótó móobwe mó. Obéyénya ató gyí mwe. ¹⁰ Owikplu agywun gyí, obá bowí, omo, oyinta ató. Mí mó neba, méní ahá bénya nkpá aní ilofon.

¹¹ “Mígyí akúfa okparó wankláán ámu ní. Akúfa okparó wankláán tótsúlá hólí mu nkpá há mu akúfa. ¹² Táme akúfa okparó aní ode ipa gyí, megýí mu onutó bó akúfa amu tesrí ní owun okpataku obá bekutá amó. Okpataku ámu tekítá akúfa amoto oku, atráhe botedásáin. ¹³ Oyín ámu tesrí, tsúfé ipa keke odegýí. Akúfa amu nkpá tamahían mu. ¹⁴ Mígyí akúfa okparó wankláán ámu ní. Nyin mí akúfa, mí akúfa é buyin mi, ¹⁵ fé alá mí Sí ámu yin mi á, alá mí é nyin mu ní. Ntòhólí mí nkpá há mí akúfa. ¹⁶ Mbu akúfa bámbá akwé é. Boma akúfa iban ánfíto. Ilehían aní nékpa amó é ba. Amó é bonu mí ome. Amó fée bóbwe akúfa iku kole pó okparó okule.

¹⁷ “Iní só mí Sí tekle mi asón ní. Tsúfé natsúlá aní nòholí mí nkpá há ahá, méní nélanya mó. ¹⁸ Ohaa méetalí swíí mí. Mí onutó latsúlá aní nòholí mó. Mbu okpa hólí mí nkpá, mbu okpa lánýá mó é. Iní mí Sí lébláa mi obéé mbwéé ní.”

¹⁹ Mu asón blíhé anfi su Yudafo ahande amu bomeétrá bwe kole. ²⁰ Amótó akwé beblí bee, “Ohe laláhe bu mto. Mu nwun ideyintá. Ohaa mátrá nu mu asón blíhé.”

²¹ Akwé é bee, “Ohá aní ohe laláhe bu mto méetalí blí asón ánfí odu. Ohe laláhe obéetalí bwíí ansibi obwiepó ansibi?”

Yesu Kínd

²² Ekéá butópókáin Bulu otswékpa gyurásu Yerusalem lfon. Alí bré ámu igyi lilitó. ²³ Yesu lóyo odekí Bulu otswékpató otnekwá botetí unu “Salomo Abrándaásó.” ²⁴ Yudafo ahande amu akwé beblí mu. Befité mu bee, “Omenke kéin asa fébláa aní onokwali amu? Ní fógýí Kristo, (ohá amóó Bulu ladá mu ofúli amu) a, wuna le mó tii aní.”

²⁵ Yesu lébláa amó obéé, “Nébláa mli bótson, táme mlumédéhogyi. Ofúla amóó ndebwe mí Sí dátó ámu dé mí iwí adánsie gyí. ²⁶ Táme mlumédéhogyi, tsúfé mlu má mí akúfató. ²⁷ Mí akúfa bótónú mí ome. Nyin amó, bótobuo mi. ²⁸ Ntehá amó nkpá aní itamatá. Bomóowu ekekekeke.

Ọhaa méétalí swíí mí amó. ²⁹ Mí Sí ámbó ọ̀lọ̀pọ̀ amó há mí ámu ẹ̀dun tógyítá. Ọhaa méétalí swíí amó lé mí Sí ị̀bító. ³⁰ Mía mí Sí anígyí kọ̀lẹ́.”

³¹ Inu á, Yudafo ahande amu betrá kọ́lá abwi bẹẹ abọtswí da Yesu mọ. ³² Táme Yesu léfité amó ọ̀bée, “Nabwé ofúla tsọtsoọtsoá itsú mí Sí wá súná mli. Mótó mọmu só mlidékłéá mléda mí abwí?”

³³ Bebláa mu bẹe, “Megyí ofúla ání fabwé kọ̀kọ̀kọ̀ só aniaa abéda fọ abwi. Alí ámóú fablí abususọ̀ pókósú lí Bulusú ámu su. Nyankpusa fogyi, táme fẹe Bulu fógyi.”

³⁴ Yesu léfité amó ọ̀bée, “Bumọwanlín wá mli Mbla ọ̀wọ̀lọ̀ ámọ̀tọ̀ bẹe, Bulu ọ̀bée, ‘Mlgyí fẹ Bulu?’ ³⁵ Aniyin ání ọ̀nọkwalı Bulu asón igyi. Mó su ní Bulu létu ahá ámóú ọ̀lọ̀pọ̀ mu asón há ámu ọ̀bée, bogyi fẹ mu a, ntogyi só mlidé ọ̀blọ̀ nya? ³⁶ Mí mó á, mí Sí léle mí yáí, ngyi mu kle, ọ̀lawa mí sísí yí áńfító. Ntogyi só mlidéblí mliaa nablí mbée, ‘Bulu mu Bi ngyi’ so nablí abususọ̀ pókósú lí mọsu? ³⁷ Ní megyi mí Sí agyómá ndẹbwe mó á, mli máhọ̀ mu gyi. ³⁸ Táme ní mí Sí agyómá ndẹbwe, asa mli máhọ̀ mu gyi kóráá á, mómọ̀ mlihọ̀ ofúla amóú ndẹbwe ámu mó gyi, amlibi ání Mí Sí ámu bu mıtọ, mí é mbu mıtọ.”

³⁹ Betrá bwe ání békítá mu, táme ọ̀ledalı amó ị̀bı, náti sí amó.

⁴⁰ Yesu léyinkí fá Yordan ọ̀bón ba ọ̀tíné ámóú Yohane létsiá bọ ahá asú ámu, olesi tsiá un.

⁴¹ Ahá tsọtsoọtso beba mu wá, bude aba bláa bẹe, “Yohane móbwe osúna kọ̀kọ̀kọ̀, táme asón ání Yohane léblí tsú oyin ıwı fée laba mótó pépéépé.” ⁴² Ahá tsọtsoọtso bọhọ mu gyi un.

11

Lasaro Lowu

¹ Oyin ọ̀kọ́á bọtẹ́tí mu Lasaro mọa mu apio tshé Maria pọ Marta betsiá Betania wúluto. Oyin ámu lólo. ² Maria anfi létsẹ́ mu ofobí fánfáánfán wólí anı Wie Yesu ayabisu, pọ mu imi tsítsi mó nı. Mu pio yínhé gyí Lasaro anfi ọ̀da ọ̀delọ́ á. ³ Mó su mu apio tshé áńfi bọwa abí sísí Yesu bẹe, “Owíé, fọ ọ̀dwepọ̀ délọ.”

⁴ Yesu lónu asón ámu a, ọ̀leblí ọ̀bée, “Megyi ıwı áńfi ọ̀bómọ̀ mu, mbouın ıbẹle Bulu numnyam ọ̀wan. Ibówa mí Bulu mu Bi áńfi é numnyam.”

⁵ Yesu tekle Marta mọa Maria pọ Lasaro fée asón. ⁶ Táme bréá olonu ání Lasaro délọ́ á, ọ̀letrá sí tsiá ọ̀tínéá ọ̀bu nkenyọ́ kéké. ⁷ Mó ọ̀ma a, ọ̀lebláa mu akasípọ̀ ọ̀bée, “Mliha ayinkı yọ Yudea.”

⁸ Mu akasípọ̀ amu befité mu bẹe, “Osunápọ̀, nwén nfi Yudafo ahande bakle abuda fọ abwi mọ. Mó fẹe fẹtrá yinkı yọ un?”

⁹ Yesu lópọ̀ yébi lé mó ọ̀nọ ọ̀bée, “Megyi dánhwírı dúanyọ̀ bu ekewólẹ́tọ? Ní ọ̀ha ná ọ̀yi keheto á, ọ̀tamasúti, tsífẹ nsanta lówankı, su odewúun. ¹⁰ Táme ní ọ̀ku ná oklúntọ́ á, otosúti, tsífẹ́ ọ̀medé atọ́ wúun.” ¹¹ Asón áńfi ọ̀ma a, ọ̀letrá blí ọ̀bée, “Anı nyáwíe Lasaro ladıdı, táme nọyọ́ anyetsinkı mu.”

¹² Akasípọ̀ amu bebláa mu bẹe, “Anı Wie, ní ọ̀dedıdı mó á, ıwı bówa mu ọ̀nlın!”

¹³ Lasaro lowu ıwı asón Yesu déblí, táme akasípọ̀ amu mó buki bẹe mu didí kẹke ıwı asón ọ̀leblí. ¹⁴ Inu Yesu lówunáa kpa mó opulu ọ̀bée, “Lasaro lawú. ¹⁵ Mli su ılawá mí ansıgyí ání mma un asa olowu, ménı mlíhọ̀ mu gyi. Mliha ayekı mu.”

¹⁶ Inu Toma ání ogyi Tabı† lébláa mu aba ámu ọ̀bée, “Mliha ania munyo fée ayo, ménı ní lowu igyi kóráá á, ania munyo awu!”

Ọ́hà Ání Ọ̀tọ̀kọ̀sọ́a Ahá Tsú Afúlító, Há Amó Nkpa

¹⁷ Yesu lówie Betania wúluto á, bebláa mu bẹe bopolá Lasaro ılagyi nkená. ¹⁸ Tsú Betania ya Yerusalemlé mọfun málı anyọ. ¹⁹ Mó su Yudafo tsọtsoọtso beba Maria mọa Marta gyọwı ọ̀hakpá, amó pió lowu su.

²⁰ Benya bláa Marta ání Yesu ọ̀bá alı, ọ̀lọ̀kọ̀sọ́ yéfıa mu ọ̀kpa. Maria mó lésın wóyıtọ. ²¹ Móú Marta lébláa Yesu ọ̀bée, “Mı Wie, tekı ní fọbu nfi á, tekı mí pió mówu sí mí. ²² Táme séi kóráá nyin ání tógyıtá fskolı Bulu á, ọ̀bẹ́ha fọ.”

²³ Yesu lébláa mu ọ̀bée, “Fọ pió ámu ọ̀bẹ́lakósọ.”

²⁴ Marta lébláa mu ọ̀bée, “Nyin ání ọ̀bọ̀kọ̀sọ́ eke tráhe amóú afúli bókọ̀sọ́ ámu.”

²⁵ Yesu lébláa mu ọ̀bée, “Mıgyı ọ̀há ání ntọ̀kọ̀sọ́a ahá tsú afúlító, há amó nkpa. Ọ́há ání ọ̀lọ̀họ́ mı gyi owú kóráá á, ọ̀bẹ́trá tsiá nkpa. ²⁶ Ọ́há ání ọ̀tsie nkpa, ọ̀lọ̀họ́ mı gyi é móowu ekekeke. Fahọ́ mósó gyi?”

²⁷ Marta lótsulá mósó ọ̀bée, “Ee! Mı Wie, nahogyi ání fógyi Kristo, (ọ́há ámóú Bulu ladá mu ofúli), Bulu mu Bi ámóú bẹe ọ̀bẹ́ba ọ̀yıtọ́ ámu nı.”

Yesu Lósú

* **11:2** Inı kén bu 12:1-8tı. † **11:16** Didimus móa Toma asi gyı Tabı Griiki móa Hebri ọ̀blıtọ.

²⁸ Bréá Marta lébli ahi tá á, oleyinkí ba wóyító beti Maria ya itsétó, bláa mu obéé, “Osunápó laba, áde fú ti.” ²⁹ Maria lénya nú mú alí, alakúsó yó Yesu wá. ³⁰ (Alí bré ámutó á, Yesu mókónyá wíé wúluto. Olí otíné ámóú Marta lóyótu mu amu.) ³¹ Bréá ahá ámóú botsie Maria wá wóyító, bude mu klón yíá ámu bowun ání alakúsó otsáwóle pé ayó á, bakúsó buo mu. Buki bee ayó opulákpá unu yósu.

³² Bréá Maria lówie Yesu wá á, áleda akpawunu, bláa Yesu obéé, “Mí Wíé, ní fobu nfi á, teki mí pió mówu sí mí!”

³³ Bréá Yesu lówun ání Maria muv ahá ámóú bobuo mu amu fée bodesú a, ulehé han mu. Mú su mu ansí lepe. ³⁴ Oléfíté amú obéé, “Nkónó mlólópulá mu.”

Inu bebláa mu bee, “Aní Wíé, beki.”

³⁵ Inu Yesu lósu. ³⁶ Mú su Yudafó ámu bebli bee, “Kí ahá otchéíé dwé Lasaro!”

³⁷ Táme amótó ako bebli bee, “Megyí oyin ání lóbwíí ansibi obwiepó ámu ansibi n. Ntogyí só ómetalí kítá Lasaro yáí, alawú?”

Lasaro Kvsá

³⁸ Yesu ansí létrá pé, ólenatí yó opulákpá unu. Ibwi alato bopolá mu, bemináa ibwi tin mú onó. ³⁹ Inu ólebláa amú obéé, “Mlumina ibwi ámu le obó ámu onó.”

Táme owupó ámu mu pio tsihé Marta lébláa mu obéé, “Mí Wíé, nde aná mú á, alayintá. Nde eke náásí ópá bopolá mu.”

⁴⁰ Yesu lébláa mu obéé, “Mmebláa fu mbéé ní fohogyi a, fówun ahá Bulu iwí bu ifú?” ⁴¹ Inu bemináa ibwi ámu lé obó ámu onó. Yesu lótsu ansí fúá kí ósósó, bíl obéé, “Mí Sí, ne dá fú ipán ání fanú mí óme. ⁴² Nyin ání fotonú mí mpáí ekekegyíeke. Táme ahá ání bolí nfi ání só nablí alí, méni bóhogyi ání fólówa mí.” ⁴³ Bréá alakúsó mpáí ání tá á, alakplón bíl obéé, “Lasaro, dalí ba!” ⁴⁴ Lasaro lédalí a, tati kí mu ibi pó mu ayabi. Dúku é kí mu ansító. Yesu lébláa amú obéé, “Mlísanki mu ónati.”

Bekikí Yesu Nwunso

⁴⁵ Yudafó ámóú bobuo Maria ba unu ámu bowun tóá Yesu labwé. Mú su amú tsotsóotsó bəho mu gyi. ⁴⁶ Táme amótó ako bəyo yébláa Farisifó ámu tóá Yesu labwé. ⁴⁷ Inunso Bulu igyí ahapó dehen pó Farisifó ámu beti aba asón agyípó fia. Múú befité aba bee, “Nkálí abóbwe? Lélé mú á, oyin ání dé osúna tsotsóotsó bwe. ⁴⁸ Ní anuméka mu itin á, ahagyíoha obóho mu gyi. Ibéha Romafó béba bobwie aní Bulu otswékpa amu, yíntá aní ómá!”

⁴⁹ Táme amótó okoléá butetí mu Kaiafa, ogyi Bulu igyí ahapó dehen ofi ámótu lébláa amú obéé, “Mlí mú mluméyín olala! ⁵⁰ Mlumókóbi ání ibu aláá obakóle obówu ahá fée nwunso, don ání ómá ámótu ahá fée béhi?” ⁵¹ Megyí Kaiafa onutó agywun ólópoblí asón ání. Táme iná ofi ámótu mogyí Bulu igyí ahapó dehen so á, igyí asón ání óleblí tswí ání ilehián ání Yesu obówu há Yudafó ómá. ⁵² Megyí bee ómá ámu nkole pé so obówu, mbouín ahá obékpa Bulu ahá ání badásáín fée bəwa abato, bóbwe ikole so.

⁵³ Tsú eke ámu bəwa agywun bwe ání bómó Yesu bí. ⁵⁴ Iní so Yesu métrá tsiá lé iwí owan Yudafoto. Mbouín ólenatí yó wúlu kwá butetí mó Efraim, ání ibu dimbisó. Məa mu akasípó amu betsiá unu.

⁵⁵ Bré ámutó á, Yudafó nkeá bópogyi Israelfosu Katsón Nke ámu lawíé wóyí tá. Ahá tsotsóotsó botsu awúluso dó yé Jerusalem ání bəyógyoráa iwí asa nke ámu ifon. ⁵⁶ Bréá bəyo Bulu otswékpa wunúnésó unu á, bodunká ání bówun Yesu. Mú su befité aba bee, “Nkálí mlidékú? Mlulahogyi mlíaa, obéba nke ánfito lóó?” ⁵⁷ Táme bré ámutó á, Bulu igyí ahapó dehen pó Farisifó ámu babláa ahá bee, ní óku owun otínéá Yesu bu a, óhá amú ibi, méni bəyékítá mu.

12

*Ofobí Fánfánfán Pwólí Yesu
(Mateo 26:6-13; Marko 14:3-9)*

¹ Ilesi nkensíé abogyi Israelfosu Katsón Nke a, Yesu lóyo Lasaro amóú alakúsóa tsu afúlito ámu wúluto Betania. ² Mú ntópwesu bətswí ópónó há mu. Marta léye atogyihe ópónó ámu así. Lasaro muv ahá ámóú beti ámu bəwa ibi gyí ató Yesu wá. ³ Inu Maria lópu ofobí fánfánfán ání ibu íbíá prentwa yílé obó betséí wólí Yesu ayabisó, óləpu mu nwunso-imi tsítsi mú. Ofobí ámu ofan ləho wóyí ámótu fée.* ⁴ Táme Yuda Iskariot, ogyi Yesu akasípó ámótu okolé, obéle Yesu há ámu mú lébli obéé, ⁵ “Ofobí ání bu bíá. Ntogyí só bumefe mú, pó kóba amu há ahíánfó? Mú bíá bóbwe obakóle ofi okole akatua.” ⁶ Megyí ahíánfó nwewúun so Yuda dé asón ání bí. Owikplu ógyi so. Mú wá sika okentebi bu, otetsiá wí ku lé mótu.

⁷ Yesu lébli obéé, “Mlusi mu ópu ofobí ání woli mí ha mí opuláké. ⁸ Ahíánfó mú bétsiá mlí wá ekekegyíeke, táme mí mú mméetsiá mlí wá yó.”

* **12:3** Oyi kwá butetí Naadi nlin butópóbwé ofobí ámu.

Bekiklú Lasaro Nwunso

⁹ Yudafó tsòtsòtsò bonu ání Yesu laba Betania. Mó sù begya okpa yó mu okíkpa. Megyí mu nkule sù bọyó unò. Bẹyẹki Lasaro amóú Yesu lókúsóá tsu afúlitò ámu é. ¹⁰ Mó sù Bulu igyí ahapó dehen amu bọbwe agywun bẹe bómò Lasaro é. ¹¹ Tsúfẹ mu kúsóá tsu afúlitò sù Yudafó tsòtsòtsò bode òma yinkí bọhò Yesu gyí.

Bòhò Yesu Fẹ Owie Yerusalem
(*Mateo 21:1-11; Marko 11:1-11; Luka 19:28-40*)

¹² Oyí kẹhẹ a, òdòm amóú baba nke ogyíkpa amò bonu ání Yesu òbá Yerusalem. ¹³ Mó sù beka mbláa, bọpò okpa beyéfia mu. Bode okitikíti bẹe, “Hosiána! Bulu oyúla òhá anfi òna aní Wíe Bulu dátò òbá anfi! Bulu oyúla Israel Owie amu!”

¹⁴ Yesu lénya afrímú òkò, òlòdò bian mu sù, fẹ alá bọwanlín wá Bulu asóntò bẹe, ¹⁵ “Sionfò, mlimányà ifú!

Mlì Wíe dín afrímú ibísò òbá á!”

¹⁶ Yesu akasípò amu bómòkòsí nú asón anfi asi. Táme bréá Bulu lókúsóá Yesu tsú afúlitò, wá mu numnyam òma a, bekaín aní bọwanlín asón anfi tsú mu iwí. Mó bọbwe há mu a.

¹⁷ Aha aní bobuo Yesu bréá òleti Lasaro fúli-òbótò, kúsóá mu tsú afúlitò bọyò mósó dá asón anfi òkan. ¹⁸ Iní sù òdòm amu beyéfia mu ní. Bonu ání alabwé osúna anfi. ¹⁹ Farisifò amu bebláa aba bẹe, “Mlilawun ání anlabwé kásíán. Mlìki, ahá fẹe bayó bọbuo mu o!”

Griikifò Ako Bodunká Yesu

²⁰ Griikifò ako bọbò ahá amóú beba Bulu osúmpká Yerusalem Israelfàsò Katsun Nke ámòtò. ²¹ Bọyò Filipo ání otsu Betsaida ání ibò Galilea òmátò wá yébláa mu bẹe, “Owíé, anidékéléá abówun Yesu.”

²² Filipo lébláa Andrea, muà muonyò beyébláa Yesu. ²³ Yesu lébláa amò òbée, “Bré lafòn aní bọwa Nyankpasa-Mu-Bi ámu numnyam. ²⁴ Ònòkwalí nde mlì bláa. Ní kpolibí mòkòwíé òbótò, ikwe, pló á, kpoli ibi-kule amu kén igyí. Táme ní ikwe, pló á, itóbwé abí tsòtsòtsò. ²⁵ Ní òkò tódwé mu nkpa oyí ánfítò á, òbòhólú mú. Ní òkò é tamadwé mu nkpa á, obénya nkpa aní itamatá. ²⁶ Ní mlítò òkò òbée mósúm mí á, ilehián aní obóbuo mí, méní obétsiá òtínéá mbu. Ní òkò dé mí sum á, mí Sí òbówa mu numnyam.”

Yesu Lowu Iwí Asón Blí

²⁷ Yesu lóyò mósú òbée, “Séí á, asón dé mí klòn háan! Amansò néblí? Blí nteblí mbée, Mí Sí, lé mí tsu asón wunhẹ anfítò lóó? O-o, mó sù nẹba ní. ²⁸ Mí Sí, wa fú iwí numnyam!”

Inu á, òme òkò lótsu osósò ba òbée, “Nawá mí iwí numnyam dodo. Nétrá wa mú.”

²⁹ Bréá òdòm amóú bulí unò ámu bonu òme amu a, beblí bẹe “Òpráda lapótí.” Ako é bẹe, “Bulu-òbọpò lábláa mu asón!”

³⁰ Inu Yesu lébláa amò òbée, “Mlì sù òme anfi lalin, megyí mí. ³¹ Bréá Bulu obégyi oyítófò asón ní. Bréá Bulu òbékplí Òbunsám, oyísò ogyípò amu obiásò ní. ³² Táme mí mú á, ní bedá mí mántá oyikpalíhẹsò, tsú mó líí á, nékpa ahá fẹé ba mí iwí wá.” ³³ (Yesu léblí asón anfi púsúná lowu oduá mówu.)

³⁴ Inu òdòm amu bẹfité mu bẹe, “Aní mó anlónu tsú aní Mbla òwólò ámòtò aní Kristo, (òhá amóú Bulu ladá mu ofúli amu) obétsiá bré fée. Mó ntogyi sù fúdeblí fẹe, ilehián aní bedá Nyankpasa-Mu-Bi ámu mántá oyísò, tsú mó líí? Ma gyí Nyankpasa-Mu-Bi ámu?”

³⁵ Yesu lébláa amò òbée, “Bré kpalobí kò pé dasí aní Wanki amu obétrá tsíá mlì wá. Inúá Wanki amu trá òbò mlì wá á, mlunatí wanki ámòtò, méní owí méeeta wá mlì. Tsúfẹ òhá aní òna oklúntò tamabí òtínéá oyó. ³⁶ Bré anfi wanki† amu trá òbò mlì wá á, mlìhò mu gyi, méní mlóbwe wanki amu abí.”

Yudafó Yesu Mahogyi

Bréá Yesu lébláa amò asón anfi tá á, òlenatí yénaín. ³⁷ Inúá òlóbwe osúna tsòtsòtsò amò ansítò ó á, bómòhò mu gyí. ³⁸ Iní lèha Bulu ònósò òtáipò Yesaia asón amóú òleblí tswí amu léba móttò. Òbée,

“Aní Wíe, ma láhò asón amóú anléblí ámu sù gyí?

Ma aní Wíe lalé mu túmí súná?”

³⁹ Mó sù bómétálí hò Yesu gyi, tsúfẹ Yesaia létrá blí òbée,

⁴⁰ “Aní Wíe Bulu lahá bómédéwúun,

bómédé asón nu,

Mó sù bómóowun ató,

bómóonu asón, méní bédamlí ba mí wá,

nétsa amò ilo.”

⁴¹ Yesaia lówun Yesu numnyam. Mó sù òleblí asón anfi tsú mu iwí ní.

† 12:36 Yesu gyí Wanki amu.

⁴² Mò ó á, Yudafo ahande amo tsotsotsò bõhò mu gyi, tãme bõmele amò hògyi òwan. Tsúfè benya ifú àní Farisifò amò bèbí amò, gya amò lé amò ofiakpa. ⁴³ Tsúfè bõtekle bee ahá bukánfu amò òn àní Bulu òbèkanfò amò.

Yesu Asón Bulu Obápogyi Ahá Asón

⁴⁴ Yesu lókplòn bí òbèe, “Megyí mí nkole òhagyíõha àní òlõhò mí gyi òhògyi. Òhá àmóò òlõwa mí sísí amò é. ⁴⁵ Òhagyíõha àní òde mí wúun òde òhá àmóò òlõwa mí sísí amò é wúun. ⁴⁶ Naba òyí ànfító fè wanki, fèkí òsólòb anfisò iwanki, méní òhagyíõha àní òlõhò mí gyi mèesin oklúntò. ⁴⁷ Ní òkò onú mí asón, tãme omegyi mósó á, megyí mí òbèha mu ipón. Tsúfè mmèba asón ogyíkpa. Ahá nkpa òhòkpa neba. ⁴⁸ Òha àní okíná mí, òmòhò mí asón é bõ asón àní bõpòhá mu ipón. Mí asón blíhè amò ibèha mu ipón eke tráhe amò. ⁴⁹ Tsúfè megyí mí onutó túmí nòpótí. Mí Sí lówa mí sísí. Mólèha mí asón àní mblí, pò ahá mblí mu. ⁵⁰ Nyin àní mu asón amò itehá nkpa àní itamatá. Mò sò asón àní òtòwá mí bí kóun nteblí.”

13

Akasípó Amò Ayabiasí Fwí

¹ Asa bèfi Israelfsò Katsòn Nkè amò gyi así á, Yesu lébí àní mu bré lafòn àní mèdalí òyí ànfító yò mu Sì wá. Òlòdwe ahá àmóò bõgyi mu kle òsólòsò nfi amò alu yòfòn mu owuké.

² Mwa mu akasípó amò befia ntópwe ató ogyíkpa. Alí bré àmòtò á, òbunsám lawúna wie Simon Iskariot mu bi Yuda klòntò àní òyèle Yesu ha. ³ Yesu yin àní mu Sì lópò tógýtò wá mu ibitò. Oyin àní Bulu wá motsu ba, mu wá mèyínkí yò ní. ⁴ Mò sò òlèle ibi òlèpè àmòtò, òlòkúsó wóí mu atadié tswí, tsú òsan sába. ⁵ Òletsei ntsu wá onuwétò, olefi así òde mu akasípó amò ayabiasí fwi. Òfwí òmáýín á, alapó mu òsletó òsan amò tsítsi mu ayabiasí. ⁶ Bréá ilòtò Simon Petro a, òlefítè Yesu òbèe, “Mí Wíé, fò òbòfwí mí ayabiasí?”

⁷ Yesu léle mò ònò òbèe, “Fumóonu tó ànfi ndebwe ànfi así séi. Òma asa fòbonu mò así.”

⁸ Móú Petro lébláa mu òbèe, “O-o! Mmèesi, afòfwí mí ayabiasí ekekeke.”

⁹ Yesu lébláa mu òbèe, “Ní mmàfwí fú ayabiasí á, fuméenya ogyíkpa mí wá.”

⁹ Simon Petro lébláa mu òbèe, “Mí Wíé, megyí mí ayabi nkole. Wuna fwí mí ibi pò mí nwuntò é.”

¹⁰ Yesu lébláa mu òbèe, “Òhá àní alabie ntsu mètrá hián ntsubíe. Mboún mu ayabiasí fwí pé, tsúfè alalun dodo. Mlí iwí lalun, tãme megyí mí fèé.” ¹¹ (Yesu lébláa mu alí, tsúfè oyin òhá àní òbèle mu há. Mò sò òleblí òbèe, “Megyí mí fèé lálun” ni.)

¹² Bréá òlòfwí amò ayabiasí tá á, òlèlatsú mu atadié wá, yínkí yétsiá òpónó amò así. Móú òlefítè amò òbèe, “Mlilanú itò ànfi nabwé há mí: ànfi así? ¹³ Mlìtètí mí ‘Òsunápò,’ mlìtètí mí ‘Owíé.’ Mò òkpa ní, tsúfè mò ngyi ní. ¹⁴ Ní mí àní ngyi mí òsunápò pò mí Wíé, nafwí mí ayabiasí á, mómó ilèhián àní mí é mlòfwí mí aba ayabiasí. ¹⁵ Nabwé súná mí, méní mlòbwe mò alí àmóò nabwé mò há mí amò. ¹⁶ Ònòkwálí nde mí bláa. Osúmpò òkòkò módòbò mu wie. Alí kén sumbí òyòpò módòbò òhá àní òlõwa mu ni. ¹⁷ Iná mílábí ònòkwálí anfi á, Bulu òbóyulá mí ní mlegyi mósó.

¹⁸ “Megyí mí fèé iwí asón ndeblí. Tsúfè nyin ahá àní nalé. Tãme lehián àní Bulu asón ànfi ibèba mòtò. Asón amò òbèe, ‘Òhá àmóò mía mòmòyò anudé ibi wa òlèpètò amò lakósó líí mísó.’

¹⁹ Nde mí bláa séi asa iba, méní ní ibá á, mlòhò mí gyi àní mígyí òhá àmóò mbèe ngyi amò ni.

²⁰ Ònòkwálí nde mí bláa. Òhagyíõha àní òlõhò òhá àní òwa sumbí lahò mí. Alí kén òhagyíõha àní òlõhò mí lahò mí Sì ámu òlõwa mí sísí amò é ní.”

Yesu Le Há

(Mateo 26:20-25; Marko 14:17-21; Luka 22:21-23)

²¹ Bréá Yesu léblí asón ànfi tá á, asón ihíe òde mu háan mu klòntò. Mò sò olowunáa kpa mò tati òbèe, “Ònòkwálí nde mí bláa, mlìtò òkole òbèle mí há.”

²² Akasípó amò bekpelè kí aba ansitò, tsúfè bõmeyín amótò òmòá òde. ²³ Akasípó amòtò òkòléá òtsie mantáa Yesu, gyí òmòá Yesu tehíe òwé ní. ²⁴ Mò sò Simon Petro lóbun mu ansífi òbèe, òfite mu òhá àní òbèle mu há.

²⁵ Mòú akasípó amò léyínkí kpísá Yesusu, fitè mu òbèe, “Mí Wíé, ma òbèle fò há?”

²⁶ Yesu lébláa mu òbèe, “Òhá àmóò nèbia bodobodo, pódá oputsútò há amò gyi mu ni.” Inu òlebia bodobodo pódá oputsútò há Yuda, ogyi Simon Iskariot mu bi. ²⁷ Olenya ha mò alí, Òbunsám lówie mòtò. Mò sò Yesu lébláa mu òbèe, “Bwe tóá fòdekléá fòbwe sasa!” ²⁸ Ahá àmóò butsie òpónó amò así amòtò òkòkò mèbí tóá sòá Yesu lébláa mu asón ànfi. ²⁹ Amótò akò bukí bee, Yuda gyí amò sikasò òkípò. Fíalí Yesu òde mu bláa òbèe, òyòhò atóá bõpogyi nkè amò, ntéé òpòbò tòko ya ahíánfò.

³⁰ Yuda lénya hò bodobodo amò alí, òlèdalí. Owí latá alí bré amò.

³¹ Yuda lénya dáli obuto ino aI Yesu lébIi obéé, “Bréá Mí, Nyankpɔsa-Mu-Bi ánfí numnyam béIin ɔwan ní. Bulu obótson miso lé mu numnyam ɔwan. ³² Ní ɔtson miso lé mu numnyam ɔwan á, aI kén obótson mu iwiso lé mí numnyam ɔwan ní. Obówa mí numnyam ino. ³³ Mí abí, mméetrá tsiá mI wá, wá ɔpá. Mlódunká mí. Alí ámóú nebláa Yudafá ahande amu mbéé, ‘Mlunéetali ba ɔtínéá nɔyó ámu’ a, aI kén nde mI bláa mI é ní. ³⁴ Mbla pɔpwe ndewa há mI mbéé, mlidwe aba. Alí ámóú nadwe mI ámu a, aI kén mlipó ɔdwe ámu dwe mI aba ní. ³⁵ Ní mlidé aba dwe á, ibósuná ahá fée ání mí akasípó mIgyí.”

Petro Obóswíi Obéé Momeyin Yesu
(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu obéé, “Mí Wié, nkónu fɔyó?”

Yesu léle mú ɔnó obéé, “Ɔtíné ámóú nɔyó ámu a, fúméetali buo mI yó ino séi. Táme ɔma a, fóbobuo mI.”

³⁷ Petro léfité mu obéé, “Mí Wié, ntogyi só mméetali buo fu séi. Nówu fó so!”

³⁸ Yesu léfité mu obéé, “Fówu mí so? Ɔnɔkwali nde fó bláa. Fóswwí pú ibí wá ogyá tse sa fee fumeyin mí asa bate obéle ɔnó.”

14

Ɔsí Amu Wá Okpa

¹ Yesu lébláa mu akasípó amu obéé, “Opúni mátsií mI. Mlúhɔ Bulu gyi, amlúhɔ mI gyi. ² Otsiákpá tsɔtsɔtsɔ bu mí Sí wóyító. Ní otsiákpá ma ino á, teki mmebláa mI mbéé neyéla ino yáí mI. ³ Ní nɔyó yéla otsiákpá amu yáí mI tá á, néyinkí bá bekpa mI yáa mí iwí wá, méní mlétsiá ɔtínéá mbo. ⁴ Mlyin okpa ání ida yo ɔtíné ámóú nɔyó.”

⁵ Ino Toma léfité mu obéé, “Mí Wié, anuméyin ɔtínéá fɔyó, nkáli abóbwe abébi okpa ámu?”

⁶ Yesu léle mú ɔnó obéé, “Mígyí okpa ámu, ɔnɔkwali amu pú nkpa ámu. Ohaa méetali yó mí Sí ámu wá, nkéti alatsɔn miso. ⁷ Ní mlyin mI léle á, teki mlilabí mí Sí ámu é. Táme séi mú mlilawun mu, mlilabí mu é.”

⁸ Filipo lébláa mu obéé, “Aní Wié, suna aní fó Sí ámu. Mú kpán tso aní.”

⁹ Yesu léfité mu obéé, “Filipo! Mbo mI wá dodoodo. Mú so fúmɔkóbi mí? Ohagyísha ání alawun mI kI lawun mí Sí ámu. Ntogyi só fúdeblí fee, nsúna mI Ɔsí ámu? ¹⁰ Fúmohogyi ání mbo mí Sí ámu, mu é ɔbo mto? Asón ánfí nde mI bláa ánfí motsú mí onutó wá. Mboun mí Sí ámóú ɔbo mto ámu dé mu agyómá yo. ¹¹ Ní nde mI bláa mbéé, mbo mí Sí ámu, mu é ɔbo mto á, mliho mI gyi. Ní mlumóhɔ asón ámu so gyi óó á, ofúla amóú ndebwe ámu so mliho mI gyi. ¹² Ɔnɔkwali nde mI bláa. Ohagyísha ání ɔhɔ mI gyi a, ɔbóbwe itáá ndebwe. Obóbwe mú don mí klé, tsúfí mí mó nɔyó mí Sí ámu wá. ¹³ Nóbwe tógyítáá mlókólí mí idátó há mI, méní nówa mí Sí ámu numnyam. ¹⁴ Ní mlókólí tógyító mí idátó á, nóbwe mó.

Ɔye Wankíhé Amu Ibá

¹⁵ “Ní mlitódwé mí á, mlégyi mí mblasu. ¹⁶ Nókulí mí Sí, ɔbópu Ɔma Ɔlípó bambá sísi mI, ɔbéba betsiá mI wá bré fée. ¹⁷ Mogyí Ɔye Wankíhé. Mutósuná ɔnɔkwali ání ibo Buluto. Ɔyító ahá buméetali ho mu, tsúfí bumede mu dunká. Bóméebi mu é, táme mI mó mlyin mu, tsúfí ɔbo mI wá, obétsiá mlito.

¹⁸ “Mméesi mI tswí fɛ awumbi. Néyinkí bá mI wá. ¹⁹ Ilaší kpalobí ɔyító ahá buméetrá wun mu, táme mI mó mlówwun mu. Inúá mbo nkpa so á, mI é mlétsiá nkpa. ²⁰ Ní eke ámu ifon a, mlébi ání mbo mí Sí ámu. Mli é mliho mto fɛ alí ámóú mí é mbo mlito ámu.

²¹ “Ahá ání bode mí mblasu gyí a, amógyí mí adwepó ní. Ohagyísha ání ɔtódwé mí á, mí Sí ɔbódwe mu. Mí é nádwe mu, lé mí iwí ɔwan súná mu.”

²² Múú Yuda (megyí Yuda Iskariot) léfité mu obéé, “Mí Wié, ntogyi só aní nkole pé fíle iwí ɔwan súná, megyí ɔyító ahá fée?”

²³ Yesu léle mú ɔnó obéé, “Ní ɔku dé mí dwe á, ɔbóbwe dínká mí atosunáhésu. Mí Sí ɔbódwe mu. Mía mí Sí ámu nyo abéba betsiá mu wá. ²⁴ Ohá ání ɔtamadwé mí ɔmóobwe dínká mí atosunáhésu. Asón ánfí ndeblí mlidénu ánfí motsú mí onutó wá. Mí Sí lówa mí, mu wá itsú.

²⁵ “Nde mI asón ánfí bláa, séi ánfí mbo mI wá. ²⁶ Táme Ɔma Ɔlípó, ogyi Ɔye Wankíhé ámóú mí Sí ɔbóposisí mí idátó ámu obósuná mI tógyító. Obékaín mI asóngyiasón ání nebláa mI.

²⁷ “Iwilwii nde mI há! Napó mí iwilwii há mI. Megyí mó ámóú ɔyítófo butehá ámu odu. Mlumáha opúni itsii mI. Ifú é máktá mI. ²⁸ Nabláa mI bɔtsɔn mbéé, ndenatí, táme néyinkí bá mI wá. Ní mlitódwé mí á, teki mlénya ansigyí ání nɔyó mí Sí wá, tsúfí ɔdon mu. ²⁹ Nde mI iní fée bláa yáí, méní ní íbá mótó á, mlóhogyi. ³⁰ Mméetrá tóí yó nkpa, tsúfí ɔyísó ogyípo ámu obá. Ɔma túmí mísó. ³¹ Ntonú mí Sí ɔme, méní ɔyítófo bébi ání ntódwé mu. “Mlikosɔ anati.”

15

Wán Oyi Onutó

1 Yesu lébli obée, “Mígyí wáin ifla onutó. Mí Sí gyí mó odópo. 2 Bámbígyíbámbiá íbo mí iwí, itamaswíé á, etekpáli mó tsítsá. Táme kugyíkóá itoswíé á, etelá mó wankláán, méní íbóswie tsòtsòtsò dun. 3 Mí atosunáhé anfi mlilanú anfi so mli iwí latin dodo. 4 Mlitsia mító, mí é antsia mlito. Bámbi kukukú méeetalí swíé abí, nkétí tsa mó oyísó brégyíbré. Alí kén mli é míméetalí swíé abí, nkétí mlíbo mító ní.

5 “Mígyí wáin ifla ámo. Mlgyí mó abámbi. Jhá ání obu mító, mí é mbo mto obóswie abí tsòtsòtsò, tsúfè míméetalí bwé tótòtsò tsòn mí óma. 6 Jhagyíóha ání ometsie mító gyí fè bámbiá bakpáli mó bun, íbówoli, békpa mó wá ogyá. 7 Ní mlitsie mító, mí asón é íbo mlito á, mléfite mí Sí tógyítá mlidéklé, obéha mli. 8 Ní mloswíé abí tsòtsòtsò á, íbówa mí Sí numnyam. Mó obósuná ání mí akasípó mlgyí ní. 9 Alí ámóó mí Sí tódwé mí ámo a, alí kén mí é ntódwé mli ní. Mlitsia mító, méní nódwé mli yó. 10 Ní mlegyi mí mblasó á, nódwé mli yó, fè alí ámóó mí é ntegyi mí Sí mblasó, otódwé mí yó ámo.

11 “Nabláa mli asón anfi fée, méní ansigyí ámóó íbo mító ámo bétsiá mlito. Fówun ansí bégyi mli wankláán. 12 Mbla ání ndepuhá mí gyí; mlidwe aba fè alá ntódwé mli. 13 Ódwe koku mádón ání oko obówu mo nyawie nwunso. 14 Ní mlegyi mí mblasó á, mí anyawie mlgyí. 15 Mmétrá tí mli mí asúmpó. Tsúfè osúmpó méyín tóá mo wie débwe. Nde mliti mí anyawie, tsúfè nabláa mli tógyítá nonu tsú mí Sí wá. 16 Megyi mli léle mí. Míléle mli yáí mbée, mlyóó amlyoswie abí íbétsiá bré fée, méní mí Sí obéha mli tógyítá mlókolí mo mí ídátó. 17 Mbla ání ndewa há mli gyí, ‘Mlidwe aba.’

Ahá Bólu Mli

18 “Ní oyító ahá bode mli lu á, mlikaun ání mí begyankpá lú. 19 Ní oyító ahá mlgyí a, teki oyító ahá bódwe mli fè amó abí. Táme nalé mli tsú oyítófo, so mlumá amótó. Iní so oyítófo botolú mli ní. 20 Mlikaun asón ámóó nebláa mli mbée, ‘Osúmpó okoku módun mo wie’ amosó. Ní ahá bódun mísó a, mli é bédunká mlisó. Ní begyi mí asónsó á, mli é bégyi mli asónsó. 21 Táme míbó mli, so bópo iní fée gyi mli, tsúfè bomeyín ohá ámóó olówa mí ámo. 22 Ní mmókóbláa amó asóansó á, teki boma ipón koku gyí. Táme séi anfi mó boma onó lé. 23 Jhagyíóha ání otolú mí tolu mí Sí é. 24 Nabóbwe agyómá ání ohaa mókóbwe mó odu kí amótó. Ní bomopo amó ansíbi wun mó á, teki Bulu méeha amó ipón. Bowun tóá nóbwe asa bode mia mí Sí lu. 25 Ilehian ání íbéba alí, méní asón ámóó bowanlín wá amó Mblatò bée, ‘Bolu mí kpaalí’ ámo íbéba mótó.

26 “Nówa Oma Jhípó obótsu mí Sí wá bá. Mogyí Jhe Wankíhé amó. Mutósúná onokwali ání íbo Bulutó. Obégyi mí iwí adánsie. 27 Mli é mlégyi mí iwí adánsie, tsúfè mlilatsiá mí wá tsú bréá nefi ató suná así.

16

1 “Nabláa mli asón anfi fée, méní míméedida hógyito. 2 Yudafo ahande bégya mli lé amó ofiakpa. Bré ku kóráá íbéba ání ahá bómó mli, súsu bée Bulu agyómá bodeyo. 3 Bópo iní gyi mli, tsúfè bomókóbi mí ntée mí Sí ámo. 4 Táme nabláa mli asón anfi, méní ní íbá á, mlékaín ání nebláa mli yáí.

Jhe Wankíhé Gyumagyihe

“Mmókosi bláa mli asón anfi, tsúfè mbo mli wá. 5 Táme séi nde mli bláa, tsúfè noyó ohá ámóó olówa mí sísi ámo wá. Táme mlito okoku méfité mí obée, ‘Nkónó foyó.’ 6 Iní nabláa mli asón anfi so á, awireho lahíé kíta mli. 7 Táme nde mli onokwali bláa. Okláa lawá mli ogyá ání noyó. Tsúfè ní mmayo á, Oma Jhípó amó oméeba mli wá. Táme ní noyó á, nópo mo sísi mli. 8 Ní obá á, obéle suná oyító ahá ání lakpanbwe so bafwí, obéle tóá igyi Bulu yilébwe pó mo asóngyi é suná amó. 9 Bébi ání misó máhógyi igyi lakpan. 10 Bébi tóá igyi Bulu yilébwe, tsúfè noyó mí Sí wá, míméétrá wun mí ekekeke. 11 Bébi tóá igyi Bulu asóngyi, tsúfè Bulu lahá obonsám, ogyi oyísó ogyípó amó ipón dodo.

12 “Mbo asón tsòtsòtsò ání nébláa mli, táme míméetalí nú mó fée así séi. 13 Jhe Wankíhé amó tósúná onokwali ání íbo Bulutó. Ní obá á, obéle asón ání igyi onokwali fée suná mli. Tsúfè megyi mo onutó túmíto obótó, mboun obébli asón kugyíkóá olonu. Obébláa mli móá íbéba é. 14 Jhe ámo obówa mí numnyam, tsúfè obébláa mli asón ání ntebli. 15 Tógyítá mí Sí bów a, mí bó. Mó so nabláa mli mbée, Jhe ámo obébláa mli asón ání ntebli ní.

Akasípó Amó Awireho Pó Ansigyí

16 “Ílasí kpalobí míméétrá wun mi, táme umóowa opá koku mlélawun mi.”
 17 Akasípó amoto ako befite aba bée, “Ngya nto asón ní? Obée, Ílasí kpalobí, anuméétrá wun mo, táme umóowa opá koku, abélawun mo. Obébli é obée, ‘Noyó mí Sí wá?’ 18 ‘Ílasí kpalobí’ anfi así mé? Anumédé asón anfi obébli anfi así nu.”

19 Yesu lébi ání akasípó amó bodeklé abufite mo asón ámoto. Mó so olebláa amó obée, “Blí ndébli mbée, ílasí kpalobí míméétrá wun mi. Táme umóowa opa koku mlélawun mi. Iní mlidé aba fité ní? 20 Onokwali nde mli bláa. Mlósu kpisií, táme oyító ahá mó bénya ansigyí. Mlégyi awireho, táme mli awirehogyi amó íbéba bemlí ansigyí. 21 Ní ikwí de ótsi dwiin á, ahumuti

tekítá m̀v, tsúfè m̀v iẁasun wúunb̀i lafun. Táme onyákwíí tá pé ̀tetan m̀v iẁasun ámuvo, tsúfè ansí de m̀v gyí ání makwíí obí wá ̀yító. ²² Alí kén igyi há m̀i mí. Ah̀muti de m̀i séi, táme ǹlawun m̀i. M̀o so ml̀èh̀e nyá ansigyí ání ̀haa m̀éetalí ká m̀i itin.

²³ “Alí eke ámu a, m̀lm̀éetrá kolí mí t̀t̀t̀t̀. ̀ǹkwali nde m̀i bláa. Tógyítá ml̀skolí mí Sí mí idátá a, ̀b̀éha m̀i. ²⁴ B̀o to nde m̀lm̀ókwítè t̀t̀t̀t̀ mí idátó. M̀lufite, ̀b̀éha m̀i, méní ̀b̀éh̀e wá m̀i ansigyí.

Yesu ̀yisó Gyí

²⁵ “Nde m̀i asón ánfí bláa ayébisu, táme bré ko b̀éba, m̀m̀éetrá t̀i ayébisu. Nówuná kpa mí Sí asón tati súná m̀i. ²⁶ Tsú bré ámuvo p̀ya a, ml̀skolí mí Sí ámu ató mí idátó. M̀medéblí mb̀éé, mí ̀b̀ókolí m̀v ató há m̀i. ²⁷ Tsúfè mí Sí ámu onutó t̀d̀wé m̀i. ̀t̀d̀wé m̀i, tsúfè ml̀t̀d̀wé mí, ml̀lahogyí ání notsú m̀v wá. ²⁸ Mí Sí wá notsu ba ̀yító. Séi á, ndeyinkí tsú ̀yító ǹyó mí Sí ámu wá.”

²⁹ Inu akasípó amu bebláa m̀v beé, “Ehéen! Séi mó á, futráa f̀medétoí ayébisu. ³⁰ Séi mó anlábí ání fuyin tógyító. M̀o so mehián ání ̀haa ̀b̀étrá fité f̀v aswansu. Iní lahá anlalahogyí ání lélè fotsú Bulu wá.”

³¹ Yesu léfité amó ̀b̀éé, “Séi mó ml̀lahogyí? ³² Bré ko ̀b̀a. Ulafun ta, ml̀édasáin. M̀lito okugyíto ̀b̀yó m̀v otsukpá sí mí. Táme iméesi mí nkole, tsúfè mí Sí ámu b̀v mí wá. ³³ Nabláa m̀i asón ánfí f̀éé, méní ml̀t̀son m̀isv nyá iwilwii. M̀lówun iẁasun ̀yí ánfító, táme m̀lwa kl̀n, tsúfè ngyi ̀yisó dodo!”

17

Yesu L̀b̀o Mpáí M̀v Akasípó Nwunsv

¹ Yesu léblí asón ánfí tá, olotsu ansí f̀oá kí ̀sósó b̀o mpáí ̀b̀éé, “Oo mí Sí, bré lafun. Wa mí numnyam, méní mí é ǹwa f̀v numnyam. ² Tsúfè feha mí túmí ahá f̀éésó, ání nháa ahá ání feha mí f̀éé nkpa ání itamatá. ³ Nkpa ání itamatá ámu gyí, bubú f̀v Bulu ̀ǹkwali p̀v ̀kokónó ̀kole pé ánfí, ab̀b̀i mí Yesu Kristo anfi f̀p̀p̀sísí ̀yító ánfí. ⁴ Nawá f̀v numnyam ̀sólóv anfisv, tsúfè namó agyómá ámuó f̀p̀h́á mí ámu f̀éé ̀ǹ. ⁵ Mí Sí! Wa mí numnyam f̀v ansító ngya, f̀é alí ámuó m̀v mó f̀v wá yáí asa f̀b̀we ̀yí ámu.

⁶ “Nalé f̀v súná ahá ámuó fele ̀yító há mí ámu. F̀b̀o amó, f̀p̀v amó há mí, bagyi f̀v asóns. ⁷ Séi babí ání tógyítá m̀v itsú f̀v wá. ⁸ Tsúfè nabláa amó asón ání f̀p̀h́á mí f̀éé, banú. Babí ání lélè f̀v wá notsú, bahogyí ání f̀ólwa mí.

⁹ “Nde f̀v kokóli ha amó. Megyí ̀yító ahá f̀éé nde mpáí b̀o há. M̀b̀oun ahá ámuó f̀p̀h́á mí ámu, tsúfè f̀b̀o amó. ¹⁰ Mí klé igyi f̀v klé, f̀v klé é igyi mí klé. Fatsun amósó lé mí numnyam ̀wan. ¹¹ Nebá f̀v wá séi. M̀m̀éetrá tsíá ̀yító, táme amó mó b̀v ̀yító. Mí Sí Wankthé, p̀v f̀v idá ámuó f̀p̀h́á mí ámu túmí kí amósó, méní b̀b̀we kole f̀é alí ámuó mía f̀onyo anigyí kole amu. ¹² Bréá m̀v amó wá á, nekítá amó wankláán, idá ámuó f̀p̀h́á mí ámu túmíto. Nele ansí kítá amó wankláán. M̀meha amótó ̀kokv m̀f̀wí, dun ̀m̀v amó idá yáí ání ̀b̀éhi ámu, f̀kí Bulu asun wanlínhé amu ̀b̀éba móto. ¹³ Nebá f̀v wá séi. Táme bré ánfí ntráa m̀v ̀yító nfi nde asón ánfí blí, méní b̀nya ansigyí f̀é alí ámuó mí é m̀v ansigyító amu. ¹⁴ Nabláa amó asón ámuó febláa mí ámu. M̀o so ̀yító ahá b̀de amó lu, tsúfè butráa b̀megyí ̀yítóto, f̀é alí ámuó mí é m̀megyí ̀yítóyín amu. ¹⁵ M̀medéblí mb̀éé, f̀lèé amó le ̀yító. M̀b̀oun mb̀éé f̀kí amósó wankláán, méní b̀m̀óowíe lalahé ̀b̀wep̀v* ámu ̀b̀to. ¹⁶ Alí ámuó m̀megyí ̀yítóyín ngyi ámu a, alí amó é b̀megyí ̀yítóto ní. ¹⁷ F̀v asón ámu gyí ̀ǹkwali. Tsun m̀súv af̀p̀v amó b̀we f̀v klé. ¹⁸ Alí ámuó f̀wa mí sí ̀yító ámu a, alí mí é nawá amó sí sí ní. ¹⁹ Amó so ǹp̀v iwí há f̀v, méní amó é b̀tsun ̀ǹkwali amuó mlí f̀v klé.

²⁰ “Megyí mí akasípó amu nkole nde mpáí b̀o há. M̀b̀oun ahá ání b̀tsun amó atosunáhésu h̀v mí gyí f̀éé nde b̀o há. ²¹ Nde mpáí b̀o mb̀éé, amó f̀éé b̀b̀wéé kole. Mí Sí, alí ámuó f̀b̀v m̀to, mí é m̀v f̀to ámu a, ha amó é ab̀tsia anito alí kén, f̀wun ̀yító ahá b̀bhogyí ání f̀ólwa mí sí ̀yító. ²² Nawá ahá ánfí numnyam amó f̀wa mí ámu, méní b̀b̀we kole f̀é alí ntsu tamatsun mía f̀onyo nsiné. ²³ M̀v amótó f̀é alí f̀b̀v m̀to, méní b̀b̀we kole, ntsu m̀t̀son amó nsiné. Ní ̀b̀a alí á, ̀yító ahá b̀b̀i ání f̀ólwa mí, futd̀wé amó f̀é alí ámuó futd̀wé mí ámu.

²⁴ “Mí Sí! Ndeklé mb̀éé ahá ámuó f̀p̀h́á mí ámu b̀tsíá mí wá ̀tíné ámuó m̀v amu. F̀wun b̀wun numnyam amó f̀wa mí ámu. Tsúfè futd̀wé mí asa f̀b̀we ̀yí. ²⁵ Mí Sí Yilé ̀b̀wep̀v! ̀yítóto b̀mehi f̀v, táme mí m̀v nyin f̀v. Ahá ánfí é b̀yín ání f̀ólwa mí sí ̀yító. ²⁶ Nele f̀v súná amó. Nétrá le f̀v súná amó. F̀wun ̀d̀we ámuó futd̀wé mí ámu itsia amótó, méní mí é nétsíá amótó.”

* 17:15 ̀b̀vnsám gyí lalahé ̀b̀wep̀v.

18

Yesu Kitá

(Mateo 26:47-56; Marko 14:43-50; Luka 22:47-53)

¹ Yesu lóbo mpá: ánfí tá á, mva mu akasípó amu benatí yótson Kidron tsonkolitò wíe ndobii kuto. ² Yuda amóò òlèlè Yesu há ámu é yin ndobii amoto, tsúfè Yesu mva mu akasípó butetsiá yéfiá mu. ³ Mò sù Yuda lékpa Romafò isá akópó pò Bulu ótswékpa agyópo akóá Bulu igyí ahapó dehen pò Farisifò bowa, boyo mu. Bode mbia, nkandíe pò akotó. ⁴ Iníá Yesu yin tóá íbá muvo sù á, òlédali fia amó, fité amó òbée, “Ma mlidédunká?”

⁵ Bele mú onó bée, “Yesu Nasaretyin amu.”

Yesu lébláa amó òbée, “Mí ní.”

(Yuda amóò òde mu le há ámu é líí amó wá mu.) ⁶ Bréá Yesu lébláa amó òbée, “Mí ní!” á, besankí yédida lalá kpla. ⁷ Yesu lélafité amó òbée, “Mbée, ma mlidédunká?”

Bebláa mu bée, “Yesu Nasaretyin amu.”

⁸ Yesu lébláa amó òbée, “Nakó bláa mli mbée, mí ní. Mú sù ní mí mlidédunká mú á, mliha ahá ánfí abonati.” ⁹ (Òlèbláa amó ali, méní asón amóò òlèblí ámu íbèba mótó. Òbée, “Ahá amóò fòpohá mí ámuto òkòkò mófwu.”)

¹⁰ Inu á, Simon Petro dé òdayí iya anyo, òlèbití mú lé, kpá Bulu igyí òhapó dehen osúmpó gyo:ri iso. Osúmpó amu idá gyí Malkus. ¹¹ Yesu lébláa Petro òbée, “Sankia fú òdayí wa mú òfletò! Imehián ání nówun iwiasun ání mí Sí lahá mí òbée nwuun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu isá akópó ámu, amó òhande pò Bulu ótswékpa agyópo amu bekítá Yesu, klí mu ibi. ¹³ Begyankpá kpá mu ya Kaiafa mu sia Hana. Kaiafa gyí Bulu igyí òhapó dehen ofi ámuto ní. ¹⁴ Mùlèbláa Yudafò ahande amu òbée, ibu aléá òbakóle obówu ahá fée nwunso ní.

Petro Lékind Yesu

(Mateo 26:69-70; Marko 14:66-68; Luka 22:55-57)

¹⁵ Simon Petro mva ókasípó bambá bobuo Yesu. Bulu igyí òhapó dehen amu yin ókasípó bambá ánfí wankláán. Mú sù olobuo Yesu bitíwíé Bulu igyí òhapó dehen amu wóyító. ¹⁶ Táme Petro mú lési òlú wóyí ámu onó. Ókasípó bambá ánfí óyin Bulu igyí òhapó dehen anfi lédali yébláa otsibi òkóá òde wóyí ámu onó gyo, òlekpa Petro ba wóyí ámuto. ¹⁷ Otsibi amu léfité Petro òbée, “Megyí oyin ámu akasípó amuto òkò fúgyi?”

Petro léle mú onó òbée, “Ekekekeke. Mma amótó!”

¹⁸ Atsali bu mu. Mú sù asúmpó pò agyópo amu bódodá ogyá, bulú mú asi. Petro é léyelí amó wá, òde ogyá ámu núu.

Bulu Igyí Òhapó Dehen Léfité Yesu Asón

(Mateo 26:59-66; Marko 14:55-64; Luka 22:66-71)

¹⁹ Bulu igyí òhapó dehen amu léfité Yesu asón, tsú mu akasípó pò mú atosunáhé iwí. ²⁰ Yesu léle mú onó òbée, “Ahá ansító nelí blí mí asón fée. Netsiá súná ató Yudafò ofiakpa pò Bulu ótswékpa, ótínéá ahá fée butefia. Mmèblí aswansò njáintó. ²¹ Ntogyi sò fòde mí asón ánfí fité. Fite ahá ání bonu asón ání neblí. Amó yín asón ání neblí.”

²² Bréá Yesu léblí asón ánfí á, mu agyópo amuto òkoleá òlú mantáa mu léda mu isoto, fité mu òbée, “Alí fèlè Bulu igyí òhapó dehen asón onó ní?”

²³ Yesu lébláa mu òbée, “Ní nablí asòkpan á, le mú blí òhagyísha onu. Táme ní ònèkwali nablí á, ntogyi sò fòde mí da?”

²⁴ Yesu trá òda òfétó òhande Hana lópo mu sísí Bulu igyí òhapó dehen Kaiafa.

Petro Létra Kind Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá òlú ogyá ámu asi, òkò léfité mu òbée, “Megyí oyin ánfí akasípó amuto òkole fúgyi?”

Petro lóswí òbée, “Ekekekeke. Mma amótó!”

²⁶ Bulu igyí òhapó dehen amu osúmpó òkò, ngdí òhá amóò Petro lékpa mu iso kole amu mu pio léfité Petro òbée, “Megyí fòa mnyo nowun ndobii amuto ní?”

²⁷ Petro létra swí pò ibi wá ogyá. Inonu bate lóbon.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

²⁸ Gyi kehe baka-bake á, bekpa Yesu tsú Kaiafa wóyító ya Roma òhande ání òde Yudea ómáso gyí wóyító. Yudafò ahande amu bómèdékléá bópo ifin da iwí. Mú sù bómèbitíwíé wóyító mu. Tsúfè bódèkléá bèkí ání amó iwí letun, méní bétalí gyi Israelfòso Katsun Nke ámu. * ²⁹ Mò ali sù

* 18:28 Ní fowíé òhá ání omegyí Yudayin wóyító á, ifin lada fu.

Pilato lédali ba kpankpá befité amó obéé, “Amanso mlibo blí tsú oyin ánfí iwí?”

³⁰ Bebláa mu béé, “Ní ohá ánfí mókóbwé lakpan á, tekí anumékpa mu ba fu.”

³¹ Pilato lébláa amó obéé, “Mómó mlíkpa mu ya, amliyegyí mu asón mli mbla onó.”

Yudafó ahande amu bele mú onó béé, “Anumá okpa mó oha.” ³² (Asón ánfí léba mótó, ménu asón amóú Yesu léblí tsú mu lowu ání obówu iwí ámu íbéba mótó.)

³³ Inu Pilato léyinkí wíé wóyító. Múú oleti Yesu, fité mu obéé, “Fógýí Yudafó owíé amu ní?”

³⁴ Yesu léle mú onó obéé, “Fó onutó asón fitéhé igyi, ntéé ako lábláa fó mí iwí asón?”

³⁵ Pilato léle mú onó obéé, “Yudayin ngýí? Fó onutó ahá pú Bulu igýí ahapó dehen lékpa fó ba mi. Ntó fabwé?”

³⁶ Yesu lébláa mu obéé, “Megýí oyi ánfíto nde iwíé gyí. Ní oyi ánfíto á, tekí mí abútoru bákó ho mi. Bómécha bómáppu mí wá Yudafó ahande íbitó, táme megýí oyi ánfíto nde iwíé gyí!”

³⁷ Pilato léfité mu obéé, “Mómó yéé owíé fogýí á?”

Yesu léle mú onó obéé, “Onokwali fablí fée Owíé ngýí. Mí á, bókwií mí neba oyi ánfíto ání mbá ambegyi onokwali amu iwí adánsíe. Ohagýíoha ání ogyi Onokwali amu klé teyaa asu ní mí ome.”

³⁸ Pilato léfité mu obéé, “Ntó gyí onokwali amu?”

Pilato Léha Okpa Obéé Bómóú Yesu

(Mateo 27:15-31; Marko 15:6-20; Luka 23:13-25)

Pilato léblí asón ánfí tá á, oletrá dali yo Yudafó ámu wá wóyí onó unu. Obebláa amó obéé, “Mmókówun lalaha kókukwá nópohá oyin ánfí ípón. ³⁹ Táme mli amándíé onó á, ntesí obu odípó okole há mli Katsón Nke kugýíkoto. Mludéklé mlíaa, nsíi Yudafó Owíé anfi ha mli?”

⁴⁰ Bókplón le mú onó béé, “Ekekeke! Megýí mu. Si Baraba ha aní.” (Ogyo otswapó Baraba é gyí).

19

¹ Inu Pilato léha bekpa Yesu ya, yépití mu ató wankláán. ² Isá akápó ámu bólo obungyo-awu, bwé mú owiepa bun mu nwun, bowa mu ligá pepe kv. ³ Inu benatí bwé mu ahinlá béé, “Yudafó Owíé, fó nkpasu onlinsu!” Fówun badá mu ísoto kpa.

⁴ Pilato letrá dali yo wóyí onó unu yébláa amó obéé, “Nakpá mu neba mli, amliwun ání mmókówun lalaha koku mu iwí.” ⁵ Bréá Yesu lédali ba a, obungyo-awu ipa ámu bun mu nwun, olawa ligá pepe amu. Pilato lébláa amó obéé, “Mu ní!”

⁶ Bulu igýí ahapó dehen pú Bulu otswékpá agyóppu amu benya wun mu pé, basorá okitikítí blí béé, “Da mu manta oyikpalíhesu! Da mu manta oyikpalíhesu!”

Pilato lébláa amó obéé, “Mli onutó mlíkpa mu ya, amliyeda mu manta oyikpalíhesu. Mí mó mmókówun lalaha koku mu iwíá nópohá mu ípón.”

⁷ Yudafó ámu bebláa mu béé, “Ani mbla onó á, ilehián ání obówu. Tsúfé oleblí obéé, Bulu mu Bi mu gyí.”

⁸ Bréá Pilato lónu asón ánfí á, ifú letrá kitá mu tsía mótó. ⁹ Oleyinkí yo mu wóyító yéfité Yesu obéé, “Nkónú fotsú?”

Táme Yesu mékpla mu. ¹⁰ Mú so Pilato léfité mu obéé, “Fóméekplá mí? Fómeyín ání mbó túmiá nétalí sí fó ntéé nétalí há beda fó mántá oyikpalíhesu mó fó?”

¹¹ Yesu léle mú onó obéé, “Ní megýí Bulu léha fó okpa á, tekí foma túmi koku mísó. Inu so ohá ámúú olapu mí wá fó íbitó ámu lakpan dun fó klé.”

¹² Pilato lónu asón ánfí á, olekle osi Yesu. Táme Yudafó ámu basorá okitikítí kóklókóú blí béé, “Ní fesi ohá ánfí á, mómó megýí Roma owíé dehen* mu nyawie fugyi. Tsúfé ohagýíoha ání oblí obéé owíé mu gyí á, alakósó líí Roma owíé dehenso!”

¹³ Bréá Pilato lónu asón ánfí á, okpá Yesu dali ba kpankpá, tsía mu asóngyí obíá ání itsie otnekwá bopp abwi bwé unu, butetí unu “Abwito” su. (Butetí unu “Gabata” Hebrí oblíto.) ¹⁴ Eke ámu igyi ogyá odudáké há Israelfaso Katsón Nke. Ibóbwé fé opa dóduányoto á, Pilato lébláa Yudafó ámu obéé, “Mli Owíé amu ní!”

¹⁵ Basorá okitikítí béé, “Kpa mu ya, kpa mu ya, afoyeda mu manta oyikpalíhesu.”

Pilato léfité amó obéé, “Ndáa mli owíé manta oyikpalíhesu?”

Bulu igýí ahapó dehen amu bebláa mu béé, “Anumá owíé okoko dun Roma owíé dehen!”

¹⁶ Inu Pilato lési Yesu há amó obéé boyéda mu manta oyikpalíhesu.

Yesu Da Mántá Oyikpalíhesu

(Mateo 27:32-44; Marko 15:21-32; Luka 23:26-43)

Isá akápó ámu bekpa Yesu náti. ¹⁷ Mu onutó olotsu mu oyikpalíhe dínká mu nkanta alu yéwíe otnekwá butetí unu “Nwun Okokobi Otsiákpá.” (Butetí unu “Golgota” Hebrí oblíto.)

¹⁸ Beda Yesu mántá oyikpalíhesu unu, beda ayin abanyó ako é mántá nyikpalíhesu mu wá

* 19:12 Roma Owíé dehen gyí Kaesare.

inu. Ɔkole bu Yesu bunaso, ɔkole ɛ bu mu gyɔpɛsu, Yesu bu amɔ nsunɛ. 19 Pilato lɔwanlɛn asɔn mantɔ oyikpalihɛ amɔ awunso. Asɔn amɔ gyi, "YESU NASARETYIN, YUDAFɔ OWIE." 20 Yudafɔ tsɔtsɔtsɔ bekla asɔn wanlinhɛ anfi. Tsufɛ ɔtinɛ amɔbɔ beda Yesu mantɔ oyikpalihɛsu amɔ ibu mantɔa Yerusalem. Ɖleha bɔwanlin asɔn amɔ Hebri ɔbli, Roma ɔbli pɔ Griiki ɔblitɔ. 21 Bulu igyi ahapɔ dehen amɔ beblɔa Pilato beɛ, "Mɔwanlin fɛɛ, 'Yudafɔ Owie.' Mboutɛn wanlin fɛɛ, 'Oyin anfi ɔbɛɛ, migyɔ Yudafɔ Owie.' "

22 Pilato leblɔa amɔ ɔbɛɛ, "Mɔa nawanlin ɔ, nawanlin mɔ dodo."

23 Isɔ akɔpɔ amɔ beda Yesu mantɔ oyikpalihɛ amɔsu tɔ ɔ, bɔtsu mu atadiɛ, beye mɔtɔ aku ana. Okugyɔku klɛ kole. Botsu mu ligɔ anɛ bɔlu mɔ tsu ɔsɔsɔ beyi asi. 24 Inu beblɔa aba beɛ, "Mlumaha abali atadiɛ anfi mɔtɔ. Mliha atswi abi ki beɛ, ma obɛnya mɔ." Asɔn anfi lɛba, mɛni Bulu asɔn amɔbɔ bɔwanlin tswi beɛ,

"Beye mi atadiɛtɔ,
bɔtswi abi mi ligasɔ" amɔ ibɛba mɔtɔ.

Isɔ akɔpɔ amɔ babwe dɛnkɔ mɔsɔ.

25 Yesu mu yin, mu yin mu pio tsihɛ Maria, ogyi Klopa mu ka pɔ Magdalayintse Maria bolɔ oyikpalihɛ amɔ asi. 26 Brɛa Yesu lɔwun mu yin pɔ mu ɔkasipɔ amɔbɔ ɔtehiɛ dwɛ amɔ, bolɔ mantɔa inu ɔ, ɔleblɔa mu yin ɔbɛɛ, "Amɔ yin, fɔ bi ni."

27 Mɔbɔ ɔleblɔa ɔkasipɔ amɔ ɛ ɔbɛɛ, "Fɔ yin ni." Tsu eke amɔ a, ɔkasipɔ amɔ lekpa mu ya mu woyitɔ.

Yesu Lowu

(Mateo 27:45-56; Marko 15:33-41; Luka 23:44-49)

28 Inu ɔma a, Yesu lɔwun anɛ mu agyɔmɔ lamɔ ɔnɔ. Mɔbɔ ɔleblɔ ɔbɛɛ, "Ɖmɛwɔli de mi." Inu leha Bulu asɔn amɔbɔ bɔwanlin tswi amɔ ileba mɔtɔ.

29 Onuwɛ ku tsie inu, ntɔ ɔdɔa ibu mɔ. Isɔ akɔpɔ amɔ bɔpɔ ɔsapɔ dɔ ntɔ amɔtɔ pɔsɔan oyisɔ, tsu mɔ fɔa yetin mu ɔnɔ. 30 Yesu lekpi kpɔ mɔ mɛ. Inu ɔleblɔ ɔbɛɛ, "Ilatɔ!"

Mɔbɔ oloko nwanɔ wɔ, ɔlele ɔɛ ɔ.

Yesu Abintɔ Atɔ Wɔ

31 Eke amɔ igyi Fieda. Mɔ ɔyi kehe igyi ɔkpɔnɔ ɔdakɛ kpɔnkpɔntɔ hɔ Yudafɔ. Mɔ su bɔmekle anɛ ahɔ amɔ bɔsɔan nyikpalihɛ amɔsu yɔfun owi tahɛ.† Mɔ su bɔkolɔ Pilato ɔkpa beɛ ɔhaa mu isɔ akɔpɔ aboyebiabiɔ amɔ ayabi, mɛni bɔkɔsɔ wɔ, fɔwun beɛ amɔ tsu nyikpalihɛ amɔsu asa owi ɔta. 32 Mɔ su bɔyɔ yɛbiabiɔ ayin abanyɔ amɔ ayabi. 33 Tɔmɛ brɛa bowie Yesu wɔ ɔ, bowun anɛ alawɔ dodo. Mɔ su bɔmɛbia mu ayabi. 34 Tɔmɛ isɔ akɔpɔ amɔtɔ ɔkole lɔpɔ mu pia wɔ Yesu abintɔ, bɔsu mɔ obugya lefen dal. 35 (Ɖhɔ amɔbɔ olowun mɔ amɔ legyi mɔ iwɔ adansɛ, fɔwun mli ɛ mlɔhogyi. Megyi afunu igyi. Oyin anɛ ɔnɔkwɔlɔ asɔn mɔdɛblɔ.) 36 Inu fɛɛ lɛba mɔtɔ, mɛni Bulu asɔn amɔbɔ bɔwanlin tswi beɛ, "Bɔmɛɛbia mu iwɔ kokokɔ" amɔ ibɛba mɔtɔ. 37 Bulu asɔn wanlinhɛ amɔ kɛn leblɔ ɔbɛɛ, "Bɛki ɔhɔ amɔbɔ bɔwɔ mu abintɔ pia amɔ."

Yesu Pulɔ

(Mateo 27:57-61; Marko 15:42-47; Luka 23:50-56)

38 Inu fɛɛ ɔma a, Arimateayin Yosef lɛba bokokolɔ Pilato ɔbɛɛ, ɔpɔ Yesu fɔli amɔ ha mu. (Yosef anfi buo Yesu njaintɔ, tsufɛ ɔde Yudafɔ ahandɛ amɔ ifu nya.) Pilato lɛha mu ɔkpa. Mɔ su Yosef leyɛle Yesu fɔli amɔ oyɔpulɔ. 39 Nikodemɔ amɔbɔ ɔleba Yesu wɔ eke ɔku onyɛ amɔ ɛ lɛba. Ɖɔpɔ afɔ fɔnfɔanfɔn aku anyɔ‡ anɛ bɔkwe mɔ wɔ abato tsɔtsɔtsɔ ba. Mɔ odwin bɔbwe kilo advasa (30). 40 Ayin anfi bɔpɔ ɔhrɔda kɔklɔ afɔ amɔ mantɔ fɔli amɔ iwɔ fɛ alɔ Yudafɔ bɔtɔbwe amɔ afɔli asa bɔtopulɔ amɔ. 41 Ndobii ku ibu mantɔa ɔtinɛ amɔbɔ beda Yesu mantɔ oyikpalihɛsu amɔ. Bolotɔ bɔtɔtɔ bwɛ mɔ fɔli-ɔbɔ inu. Bɔmkɔpulɔ ɔhaa mɔtɔ ki. 42 Inu eke amɔ igyi ogyɔ ɔbɔdɔkɛ, fɔli ɔbɔ amɔ ɛ ibu mantɔa inu su ɔ, bɔpulɔ Yesu mɔtɔ.

20

Yesu Kusɔ Tsu Afɔlitɔ

(Mateo 28:1-8; Marko 16:1-8; Luka 24:1-12)

1 Ndwɔtswitɔ eke gyankpɔpɔ, igyi Kwasiɛda bɔkɛ-bɔkɛ, brɛa nsaintɔ mɔkɔtitɔ a, Magdalayintse Maria lɔyɔ Yesu opulɔkpɔ inu. Olenya wie inu alɔ olowun anɛ bamina ibwi amɔ lɛ ɔbɔ amɔ ɔnɔ. 2 Mɔ su oleyinkɔ srɛ ba ɔkasipɔ amɔbɔ Yesu tehiɛ dwɛ mu amɔ mva Simon Petro wɔ, beblɔa amɔ ɔbɛɛ, "Balɛ Yesu ɔbɔ amɔtɔ. Anumɛyin ɔtinɛɔ bapɔ mu yɔwa!"

3 Mɔbɔ Petro mva mɔnyɔ bɔpɔ ɔkpa bɔyɔ opulɔkpɔ inu. 4 Amɔ abanyɔ amɔ fɛɛ bɛtsɔi ɔsrɔi, tɔmɛ ɔlesrɔi sɔ Petro gyankpɔ yɔwie opulɔkpɔ inu. 5 Brɛa olobun ki ntsɔn amɔtɔ ɔ, olowun anɛ ɔhrɔda amɔ kpɔn dɔ, tɔmɛ omebitɔwɛ mɔtɔ. 6 Simon Petro lɔbɔtɔ mu, ɔlɔtsɔn bɛtɔwɛ ntsɔn amɔtɔ, olowun ɔhrɔda amɔ da. 7 Olowun ɔhrɔda amɔbɔ bɔpɔtɔ mu nwan amɔ ɛ, ilokuntɔ ida

† 19:31 Yudafɔ ɔkpɔnɔ ɔdakɛ tɛfi asi tsu owi tahɛ. ‡ 19:39 Afɔ aku anyɔ amɔ adɔ gyi mire mɔa aloɛ.

ifóntó. ⁸Ɔkasípó amóó olegyankpá wíé unu ámu é lébitíwíé mótó, wun ɔhráda ámu pó mó ámuó bɔpút mó nwan ámu alí olohogyi. ⁹Bré ámuó á, Bulu ason wanlínhé amóó ileblí ɔbéé, ilehián ání Yesu ɔbókóso tsú afúlitó ámu mɔkónyá wánkí amó. ¹⁰Beyinkí yó wóyí.

Yesu Iwɔwanle Súná Magdalayintse Maria
(Mateo 28:9-10; Marko 16:9-11)

¹¹Táme Maria lési ɔlí opulákpá unu odesú. Bréá odesú a, olobun kí ɔbó ámuó. ¹²Inu olowun Bulu-abɔpu abanyó ání bɔwa atadie futúúúúú, bɔtsie ɔtíné amóó bɔpu Yesu fúli tswi amu. Ɔkole tsie mu adianwun, ɔkole tsie ayabiasí. ¹³Befité mu beé, “Amó yín, nkálí igyí só fodesú?”

Ɔlele mó ɔnó ɔbéé, “Balé mí Wíe náti. Mmeyín ɔtínéá bapó mu yótswí!”

¹⁴Ɔleblí tá á, ɔledamlí kí ɔma. Ɔkí a, Yesu líí mu ɔma, táme ɔmebiá Yesu ní. ¹⁵Yesu léfité mu ɔbéé, “Amó yín, nkálí igyí só fodesú? Ma fɔdedunká?”

Mu mó ɔkí ání ndobii amóó agyómá ɔyɔpó ní. Mó su ɔlebláa Yesu ɔbéé, “Aní sí, ní fólatsú mu yótswí ɔtneku á, suna mí, anyetsu mu natí.”

¹⁶Yesu lókpólí mu ɔbéé, “Maria.”

Ɔledamlí kí, kpólí Yesu Hebri ɔblító ɔbéé, “Rabuni!” (Mó así gyí, “Osunápó.”)

¹⁷Yesu lébláa mu ɔbéé, “Mápu ibi da mi, tsífé mmɔkónyá yó ɔsósó mí Sí wá. Mboún natí yebláa mí apió ámu féé, nɔyó mí Sí ání ogyi mli Sí wá. Nɔyó mí Bulu ání ogyi mli Bulu wá.”

¹⁸Magdalayintse Maria léyebláa akasípó amu ɔbéé, “Nawun aní Wíe!” Ɔlebláa amó asón ání Yesu lébláa mu.

Yesu Iwɔwanle Súná Mu Akasípó
(Mateo 28:16-20; Marko 16:14-18; Luka 24:36-49)

¹⁹Kwasieda ámu ntɔpwesu á, akasípó amu befia. Befin obu wá iwi, tsífé bɔde Yudafo ahande amu ifú nya. Inu á, Yesu lébelí amó nsiné, ɔlebláa amó ɔbéé, “Iwi ilwíí mli.” ²⁰Ɔlebláa amó alí tá á, ɔɔpu mu ibito pó mu abunto súná amó. Ansí légyi amó, tsífé bawun amó Wíe. ²¹Yesu létrá bláa amó ɔbéé, “Iwi ilwíí mli. Alí amóó mí Sí lawá mí ámu a, alí nde mli wa ní.” ²²Inu ɔɔlon ɔɔhé fú wólí amóó, bláa amó ɔbéé, “Mliho Ɔɔhe Wankihé amu. ²³Ní mlesi ahá lakpan kíé amó á, Bulu lasikíé amó. Táme ní mlumésikíé amó á, Bulu méesikíé amó.”

Yesu Iwɔwanle Súná Toma

²⁴Bréá Yesu léba a, amótó ɔkoleá bɔteti mu Toma, bɔteláti mu Tabí má unu. ²⁵Mó su akasípó atráhe amu bebláa mu beé, “Anilawun aní Wíe!”

Táme Toma lébláa amó ɔbéé, “Ní mmɔkówwun mu ibito ndatobi nlo ámu, kpíé osrebi wá mótó, kpíé ibi wá mu abunto ɔlo ámuó á, mmóohogyi ekekekeke.”

²⁶Nkekwe ɔma a, akasípó amu beত্রá fia obu ámuó. Alí eke ámu mó á, Toma bú amótó. Befin obu ámu, táme Yesu lébelí amó nsuné, bláa amó ɔbéé, “Iwi ilwíí mli.” ²⁷Móó ɔlebláa Toma ɔbéé, “Kí mí ibito, kpíe osrebi wa nfi. Kpíe fú ibi wa mí abunto. Si nwéen gyí, afɔhogyi!”

²⁸Toma léle mó ɔnó ɔbéé, “Mí Wíé pó mí Bulu!”

²⁹Yesu lébláa mu ɔbéé, “Alí amóó fawun mi ámu su fahogyi lóó? Ansí bégyi ahá amóó bɔmɔpu amó ansíbi wun, asa bohogyi amu!”

Tá Súd Bɔwanlín Ɔwóló Anfi

³⁰Yesu létrá bwe osúna tsɔtsɔtsɔ mu akasípó amu ansító ání bɔmɔwanlín wá ɔwóló ánfito. ³¹Táme bawanlín ání, méní mlóhogyi ání Yesu gyí Bulu mu Bi Kristo amu. Asón ánfisu hógyi ɔbéha mlénya nkpa ání itamata mu idátó ní.

21

Yesu Iwɔwanle Súná Akasípó Abasléns

¹Inu ɔma a, Yesu létrá le iwi ɔwan súná mu akasípó Tiberia ɔpu* ɔnó tson ɔkpa ánfisu. ²Simon Petro mwa Toma ání bɔteláti mu Tabí, Nataniél, ɔtsú Kana wúluá ibi Galilea ɔmátó, Sebedeo abí ámu pó akasípó abanyó é befia. ³Simon Petro lékla amó ɔbéé, “Nɔyó ɔpusu yéle aye.”

Bebláa mu beé, “Aní é abóbuo fu yó.” Inu su boyówie ɔklontó náti. Táme betsiá ntsusu onyé ámu féé, bumenya tɔto. ⁴Bréá ɔyi íbá beke a, bowun ɔku líí ɔpu amu ɔnó. Bɔmebi ání Yesu ní. ⁵Móó Yesu léfité amó ɔbéé, “Mí anyawíe, mli ménya tɔto?”

Bele mó ɔnó beé, “Ee!”

⁶Yesu lébláa amó ɔbéé, “Mlitswi asawu amu wa gyɔpɔsu fón, mléle aye.” Mó su bɔtswi wa unu. Aye lobulá asawu amu, bumetalí bíti mó lé.

⁷Móó ɔkasípó amóó Yesu tɔhié dwé ámu lébláa Petro ɔbéé, “Aní Wíe Yesu ní!” Bréá Petro lónu ání aní Wíe Yesu ní á, olotsu mu atadie mla iwi. (Tsífé ɔlowɔi mu atadie tswi), olotu wíé

* 21:1 Bɔtetráa ti mó Galilea ɔpu.

ntsua ámutò gyuaa, òdèpítí òyó Yesu wá. ⁸ Táme akasípó atráhe amóó búbu òklòntò ámu bèbitía asawu amóó aklemetí búbu mó ámu ba otsubúnò, tsúfè búma ífò òpu ònó inu. Mó ífòtò bóbwe fè ayabi lafasa (300). ⁹ Bréá bowie òpu ònó á, bowun ání bawá agyawunu ogyá, búde iye tò mósú, bodobodo é da mó asi. ¹⁰ Múó Yesu lébláa amó òbée, “Mlile aklemetí amóó mlilalé ámu ko ba.”

¹¹ Mó su Simon Petro léyinkí dú wíé òklon amòtò, òleyébitía asawu amóó aklemetí akpònkpòntí búbu mó ámu bòtswí òpu ònó. Aklemetí ámu búgyi lafakule aduenu-sa (153). Iná bútsò ó á, asawu amu metítí. ¹² Yesu létí amó òbée, “Mlìbegyi ató.” Amótò òkòkò métalí wá klòn fité mu òbée, “Ma búgyi?” Tsúfè bebé ání amó Wíe nu. ¹³ Yesu lótsu bodobodo amu há amó, olotsu aye amu é há amó.

¹⁴ Bulu lókosúa Yesu tsú afúlitò òma a, ínì gyí otse saasi ání òlele iwí òwan súná mu akasípó amu nu.

Yesu Mva Petro

¹⁵ Bréá begyi nyankí atogyihe amu tá á, Yesu léfité Simon Petro òbée, “Yohane mu bi Simon, fútòdwé mí dun fú aba ánfí lóó?”

Petro léle mó ònó òbée, “Ee, mí Wíé, fuyin ání ntòdwé fú.”

Yesu lébláa mu òbée, “Kí mí akúfabi amúsu.” ¹⁶ Òlètrá fité Petro otse nyòsò òbée, “Yohane mu bi Simon, fútòdwé mí?”

Petro léle mó ònó òbée, “Ee, mí Wíe, fuyin ání ntòdwé fú.”

Yesu lébláa mu òbée, “Kpa mí akúfa amú.” ¹⁷ Yesu léfité mu otse saasi òbée, “Yohane mu bi Simon, fútòdwé mí lélé?”

Ùehàn Petro, tsúfè otse saasi Yesu lafité mu òbée, “Fútòdwé mí?” á. Mó su òlele mó ònó òbée, “Mí Wíé, fú onutó fuyin tógyítò. Yéé fuyin ání ntehié dwé fú!”

Yesu lébláa mu òbée, “Kí mí akúfa amúsu. ¹⁸ Ònòkwalí nde mlí bláa. Bréá búgyi òyasubi á, fú onutó fútétalí tsú fú atadié híhié iwí, kúsó yó òtínegyiòtínéá fudeklé. Táme ní fóbwé oyin òehen a, fétinkí ìbí, há òkò òbédídá fú ató, kpá fú ya òtínéá fumedékle.” ¹⁹ (Yesu léblí asón ánfí, pòsúná òkpa ání Petro òbòtsòn mósú wú pówá Bulu numnyam.) Inu òlebláa Petro òbée, “Buo mu!”

Yesu Mva Okasípó Òtèhíé Dwé

²⁰ Petro lédamlí kí a, Yesu òkasípó amóó òtèhíé dwé ámu buo amó. (Múbgyí òhá amóó oleyinkí kpísá Yesusu ntópwe ató ogyíkpa, fité mu òbée, “Owíé, ma òbéle fú há?” ámu nu.) ²¹ Bréá Petro lówun mu a, òlefíté Yesu òbée, “Mí Wíé, ntò òbéba oyin ánfí éso?”

²² Yesu léle mó ònó òbée, “Ní ndeklé mbéé otsía nkpa yófòn bréá néyinkí ba a, fú asón igyi? Fú mó buo mu wole!”

²³ Asón ánfí òlekléí wá Yesu abúòpu amòtò, ání alí òkasípó amu mó móowu. Táme Yesu mèblí òbée, omóowu. Blí òleblí òbée, “Ní ndeklé mbéé, otsía nkpa yófòn bréá néyinkí ba a, fú asón igyi?”

²⁴ Múbgyí òkasípóá olowun ínì fèé, òlòwanlín mó tswí nu. Anyin ání mu asun blíhé anfi igyi ònòkwalí.

Ònómò

²⁵ Ató tsòtsòtsò òtráa bu inóá Yesu lóbwe tsía ínìtò. Ní bòwanlín mó fèé wá nwolótò òkole-òkole a, tekí buméenyà nwulò ámu òyaìkpá òsòlòw anfisò. Natóí tá.

Sumbi Ayɔpɔ Amu Gyumagyihe

1 Mí wíé Tiofilo,

Mí Luka dé ɔwóló ánfí wanlín sísí fò. Mí ɔwóló gyankpapu amoto á, nɔwanlín Yesu ato bwehé pɔ mu atosunáhé fée; tsú bréá olefi mu agyómá así, ² bɔfon ekeá Bulu lótsu mu ya ɔsósó. Asa Bulu lótsu mu náti á, ɔlɔtsɔn Ŋhe Wankihé túmito bláa ahá ámóú ɔlele ɔbée, bɔbwée mu sumbí ayɔpɔ amu tsá bɔbwée. ³ Mu iwɔɔsɔn wúun pɔ mu lowu ɔma a, oletsíá lé iwɔ ɔwan ɔkpa ɔtsan-ɔtsansu suná amó, pɔsúná ání lélé ɔtsie nkpa nke adwana ání ɔlelatsíá ɔsólóú fée; ɔde Bulu iwíegýí iwɔ asón blí. ⁴ Bré kɔá mɔa amónyɔ befia a, ɔleda amó ɔlá ɔbée, “Mlímánatí Yerusalem. Mlitsia unu gyo mí Sí atokiehé ámóú ɔlehie yáí ɔbée méha mli, nebláa mli mu iwɔ asón ámu. ⁵ Asú Ŋbɔpɔ Yohane lɔpu ntsu bɔ ahá asú, táme nke kútúklú kɔ ɔma a, Bulu ɔbɔpu Ŋhe Wankihé amu bɔ mli asú.”

Yesu ɔsósó Yo

⁶ Mú sɔ bréá mɔa amónyɔ belafia a, befité mu beɛ, “Aní Wíé, bré ánfító féyinkía iwíegýí amu há Israelfo ní?”

⁷ Yesu lébláa amó ɔbée, “Imehián ání mlébi nke ntée bréá mí Sí nkole lahié mu onutó túmito. ⁸ Mboún ní Ŋhe Wankihé amu owíé mlúto á, mlénya túmi táli gyí mí iwɔ adánsie tsú Yerusalem wúluto, Yudea pɔ Samaria ɔmátó fée yɔfon ɔyí ɔka.” ⁹ Bréá ɔleblí asón ánfí tá á, amó ansító unu Bulu lótsu mu ya ɔsósó, ɔlafwi wíé nwlólátáto.

¹⁰ Besi bode nwlólátáa kí alu. Beláki a, ayin abanyó akɔá bɔwa atadie futútú líí amó wá á. ¹¹ Ayin ámu befité amó beɛ, “Oo Galileafɔ ayin, ntu mlúdékí nwlólátáasɔ alí? Alí ánfí mlulawun Bulu latsú Yesu ɔya ɔsósó ánfí á, alí kén obéyinkía mu ba ní.”

Matias Yuda Otsiakpá Tsia
(Mateo 27:3-10)

¹² Inu beyinkí kplí tsú Nfɔ-nyíbu ámɔsu* ba Yerusalem. Ŋkpa ámu ibábwe máli fon. ¹³ Bowie wúluto á, bɔdo yó abansórotɔ, ɔtíne ámóú bɔtsie yai ámu. Sumbí ayɔpɔá bɔyɔ unu gyí: Petro, Yohane, Yakobo mɔa Andrea, Filipino mɔa Toma, Bartolomeo mɔa Mateo, Alfeo mɔ bi Yakobo, Simon ání ogyi iwɔtsiá adunkápɔ ɔpasuato ɔha pɔ oyin ɔkɔá botetí mu Yakobo mu bi Yuda. ¹⁴ Ahá ání betrá du yó unu gyí, atsi aku, Yesu mu yin Maria pɔ Yesu apíó. Ahá ánfí fée létsia bwe ikole bɔ mpáí.

¹⁵ Nke ámóto á, ahógyipu bábwe fɛ lafakole-adwanyo (120) befia. Inu Petro lókusó líí amó nsiné bláa amó ɔbée, ¹⁶ “Mí apíó ahógyipu, Ŋhe Wankihé asón ámóú ɔleblí tson Owíé Dawidsɔ, ibɔ Bulu ason wanlínhé amoto, tsú Yuda Iskariot ámóú ɔlekpa ahá beyékitá Yesu iwɔ ámu ilaba móto. ¹⁷ Yuda Iskariot anfi létsiá anito. Ania monyɔ lóyɔ osum agyómá ánfí.”

¹⁸ Yuda lɔpu mu lalahé ání ɔlbwe ikɔá beka mu yóhɔ ɔsólóú kɔ. Ŋlekpa tsú ɔsósó beɔa ɔsólóú amɔsu pɔ, mu ipu lefa pɔ, mu mpúni é lefen dah worɔɔ. ¹⁹ Ŋhagyíɔha ání ɔbɔ Yerusalem lónu asón ánfí. Bedinká ɔsólóú amu dá amó ɔblító beɛ, “Hakeldama.” Mú asi gyí, “Ŋsólóúá obugya lawólí móso.”

²⁰ Petro lóyɔ mu asónsɔ ɔbée, “Tsúfɛ bɔwanlín wá Israelfo unu ɔwóló ámóto beɛ, ‘Mu wóyí idí kpan.

Ŋhaa mátsiá móto.’

Betrá wanlín tswí beɛ,

‘Ŋha bambá otsiá mu otsiakpá.’

²¹⁻²² “Mú sɔ ilehián ání ɔku ɔbétɔa aní Yesu afúlitɔkusó ánfí iwɔ adánsie gyí. Ilehián ání ɔhá ámu obótsu ayin ámóú betsiá anito bré ámóú anilóbuo aní Wíé Yesu, náti kí ntíné-ntíné amoto. ɔhá ání olobuo aní tsú bréá Asú Ŋbɔpɔ Yohane léblí asúbɔ asón alu bɔfon eke ámóú Bulu lótsu Yesu ya ɔsósó sí aní ámu.”

²³ Inu sɔ bele ahá abanyó, bɔgyi Yosef ání botetí mu Barsaba, botetráa tɔ mu Yustus mɔa Matia. ²⁴ Múú bɔbɔ mpáí beɛ, “Aní Wíé, fyin ɔhagyíɔha klontɔ asón. Suna aní ahá ánfító ɔmá falé, ²⁵ otsia Yuda ámóú alakíná agyómá ánfí, nyá mu isubití ámu otsiakpá, ɔyɔ fò osum agyómá ámu.” ²⁶ Múú bekapú ató amó abanyó nwnuso. Ileyi Matiasɔ. Mú sɔ bɔpu mu wá sumbí ayɔpɔ dúɔkon ámóto, belabwé dúanyɔ.

2

Ŋhe Wankihé Ibáto

* 1:12 Nfɔ-nyíbu igyi obubwí kɔá unu mantáa Yerusalem, botetí mó Oliffo.

¹ Pentekoste Eke, igyi Israelfo ato pəpwe ɔnɔ ɔdaké ámu lɔfɔn a, ahógyipɔ amu féeé beba befia amó ofiakpa. ² Ɔtsáwɔle pé á, olú kuá igyi fée afú kpɔnkpɔnti lɔtsu ɔsósɔ bɔbulá wóyí ámuó bubu mótɔ ámu. ³ Inu bowun təkúá igyi fée ogya plenplɛn, ilɛhan ɔdandɔ. Uɛdasáin dínká amótɔ okugyíakusɔ. ⁴ Ɔɲe Wankihé lɔbulá okugyíakutɔ, ilɛha okugyíakɔ léfi así ɔde ɔblíu bámbá blí.

⁵ Bré ámuɔ á, Yudafá butenyá Bulu ifú, bubu ndítɔ féeé baba bɔtsie Yerusalem. ⁶ Bréá ɔdɔm anfi bonu okitíkítí amu á, besrí befia inu. Amótɔ okugyíakɔ lónu mu wɔluto ɔblíu. Mú su ɔnɔ lobwie amó. ⁷ Uɔwa amó ifú, wá amó wánwan. Mú su befité beɛ, “Ahá ánfí bɔdetóí á, megyí Galileafɔ sósɔn bɔgyí? ⁸ Mú nkáli ɔbɔwe asa anidénuá bɔde anitɔ okugyíakɔ wíluto ɔblíu blí? ⁹ Anitɔ akɔ atsí Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egipte ɔmátɔ pú Libia awúlu ání ubu mantáa Kirene wíluto. Akɔ é bɔtsú Roma wíluto, ¹¹ hóggyi Yudafá pó amóá bomegyí Yudafá bawíé Yudafá Bulusúmtɔ aná féeé bubu anitɔ. Kretafɔ pú Arabifɔ é bubu anitɔ. Táme anidénuá bɔde Bulu ato kpɔnkpɔnti ání alabwé blí anitɔ okugyíakɔ ɔblítɔ.” ¹² Alí ámuó asón ámu ilobwie amó ɔnɔ ámu su bɔbwe yɔɔ, sí bɔde amó aba fité beɛ, “Ngya amansu é ní?”

¹³ Táme amótɔ akɔ bɔbwe ahógyipɔ amu ahinlá beɛ, “Ntá banu bu.”

Petro Asóntɔle Súná Ahá Amu

¹⁴ Inu Petro mɔa mu aba dúɔkun ámu bɔkusó líí. Múú Petro lótsu ɔme fɔá bláa ɔdɔm amu ɔbée, “Apíó aba Yudafá pú mlí féeá mlibu Yerusalem, mlihue yaa asu, anle asóntɔ suna mlí. ¹⁵ Mlumákú mliuaa ahá ánfí babó, tsúfée yíi məkóke. Bréá dokwebá ladá ní. ¹⁶ Mboún asón ánfí ilaba nde ánfí Bulu ɔnɔsɔ ɔtɔipó Yoel léblí yáí ní. Ɔbée,

¹⁷ ‘Bulu ɔbée, “Nke tráhe amuɔ á,
nópo mí Ɔɲé wá anyánkpósa féeétɔ.

Mlí abi yinhé pú mlí abi tshé béblí asón ání nópɔwá amó ɔnɔ.

Mlí nyasubi bówun atɔ.

Mlí ayin dehen bókun nkude.

¹⁸ Nke ámuɔ á, nópo mí Ɔɲé wá mí asúmpó
atsí múa ayin féeétɔ.

Mú su béblí asón ání nópɔwá amó ɔnɔ.

¹⁹ Nóbwe ofúla nwolótáasɔ,
bwé osúna ɔsulósɔ.

Ogyá, obugya pú ogyási tuun béba ɔyítɔ.

²⁰ Owí ɔbéta ɔpá.

Ɔtsra é ɔbépe kɔɔ fée obugya,

asa aní Wíe numnyam eke kpɔnkpɔnti ámu ibɔfɔn.

²¹ Ibéba ání ɔhagyíaha ání okpólí aní Wíe a, ɔbéha mu obénya nkpa.” ’ ’

²² Petro lóyɔ mósó ɔbée, “Mí apíó Israelfo, mliyaa asu amlnu asón ánfí. Bulu lóbwe ofúla múa atɔ kpɔnkpɔnti pú osúna tsɔtsɔtsɔ tsɔn Yesu Nasaretyin amɔsu, pósúná ání mólówa mu. Mlí féeé mliólwun mú, tsúfée mlí ansísó iní féeé leba. ²³ Igyi tsá Bulu yin yáí dodo, igyi mu apé ání béle Yesu há mlí. Mliúha ahá ání botamagyi mblasu beɔda mu mantá oyikpalihɛsu, mó mu. ²⁴ Táme Bulu léle mu lowu sínsínsíntɔ, kósóa mu tsú afúlitɔ. Tsúfée lowu méetalí gyi musu, osin afúlitɔ. ²⁵ Iní sɔ Owíe Dawid léblí mu iwí asón ɔbée,

‘Brégyíbré á, ntowun aní Wíe mí ansísó.

Tsúfée ɔlí mí gyɔpɔsu, su tɔtɔ mɔɔwa mí ifú.

²⁶ Mú su ansí tegyi mí,
ntótí ansigyísó.

Nyankpɔsa ngyi. Lowu da gyo mí,
táme nde Bulu ɔkpa kí.

²⁷ Tsúfée foméesi mí ɔkláa wá afúlitɔ.

Fumécha mí fú osúmpó wankihé mmóopló.

²⁸ Fúlósuná mí ɔkpa ání ntsɔn mósó, mí anya nkpa ání itamatá.

Ní fóbú mí wá á, ansí bégyi mí ekekegyíeke.’ ”

²⁹ Petro létrá bláa amó ɔbée, “Mí apíó Israelfo, mbóa hie bla mlí amlnu. Aní náin Owíe Dawid lówu, bopulá mu. Bótɔ nde mu ntsán da aní wá nfi. ³⁰ Bulu ɔnɔsɔ ɔtɔipó ogyi, oyin ání ntam ání Bulu léka há mu béba mótɔ. Bulu léka ntam há mu ɔbée, méha mu nátuna ɔku obétsiá mu obíasó eke kó. ³¹ Iní aní náin Owíe Dawid lówun mó yáí su á, ɔlɔtí tsú Kristo, ɔhá ámuó Bulu ladá mu ofúli amu) kusú tsú afúlitɔ iwí ɔbée,

‘Bulu méesi mu wá afúlitɔ.

Mú su mu ɔylólu mɔopló.’ ”

³² Petro lóyɔ mósó ɔbée, “Yesu gyí ɔhá ání Bulu lókúsóa tsu afúlitɔ, aní féeé anigyí mó adansífo.

³³ Bulu lótsu Yesu ya ɔsósó, há mu otsiákpá yilé mu gyɔpɔsu. Aní Sí Bulu lópo Ɔɲe Wankihé

ání ñlehie yáí òbée, mápóhá mu ahógyipu há mu. Ōḡé ámu Yesu lapóhá aní á. Mó gyumagiye mliédéwúun, mliédúú á. ³⁴ Megyi Owíe Dawid Bulu lótsu ya òsósó, táme mliéblí yáí òbée, 'Aní Wíe Bulu lébláa mí Wíe òbée,

Tsia mí gyópiṣu,

³⁵ yófun bréá nópó fú alupó bwé fú ayabi oyíkpa.' "

³⁶ "Mó su mli Israelfó fée mlinu. Ibo mótásá mliléda Yesu mántá oyikpalihesu. Táme mlihie bi ání Bulu ladá mu ofúli, bwé mu Kristo pó aní Wíe."

³⁷ Bréá Israelfó ámu bonu asón ání á, ñlehie han amó. Mó su befíté Petro mva mu aba sumbí ayópó atráhe amu bee, "Apíó, ntó abwée?"

³⁸ Móbú Petro léle mó ònó òbée, "Mliṭó okugyíáku ódámli klóntó, abó mli asú Yesu Kristo dátó, méni Bulu obési mli lakpan kíé mli, há mli Ōḡé Wankihé amu. ³⁹ Tsífé mliá mli abí-aná pó ahá ání bobó tsútsútsú ání Bulu obéti fée ñlehie Ōḡé Wankihé anfi há."

⁴⁰ Petro léblí asón tsòtsòtsò, pótóí kplá amó òbée, "Mlié mli iwí tsu ndemba-abí laláhe anfitó." ⁴¹ Amótó ahá tsòtsòtsò bobó Petro asón amu. Mó su bobó amó asú. Eke ámu a, ahá bóbwe fè mpim-sa (3,000) betsiá ahógyipu amoto. ⁴² Ahógyipu amu bele aní kítá sumbí ayópó ámu atosunáhé, amó ikòlebwé tógýtótó, opasua ámòtò atogyihetò yée pó mpáibótó.

Ahógyipu Amu Tsídtó

⁴³ Sumbí ayópó ámu bobwe ofúla pó osúna tsòtsòtsò, ònó lobwie ñhagyíáha. ⁴⁴ Ahógyipu amu fée bobwe tógýtó kole. Betsiá ye amó ató há aba. ⁴⁵ Betsiá fè amó ató, ye kóba ání benyato há amótó okugyíákuá tsia. ⁴⁶ Amó fée betsiá fia Bulu ótswékpa wunsinésó ekekegyíeke. Bəpə amó klóntó-òdwe tsia gyi ató opasuato amó aba wóyító. ⁴⁷ Betsiá kánfó Bulu, ahá fée bekle amó asón, aní Wíe Bulu létsiá pó ahá ání òdele betsiá amótó ekekegyíeke.

3

Petro Mva Yohane Ibo Ōkú Tsa

¹ Eke óku ntópwe dosato mpáibó bré á, Petro mva Yohane bəyə Bulu ótswékpa amu wunsinésó. ² Oyin ókuá bəkwíi mu ibo tetsiá Bulu ótswékpa amu ókpa ònó kuá boteti mó "Ōkpa ònó Wankláán." Ahá butótsú mu ba beyaí mu ekekegyíeke, ótokóli ahá ání bówie Ōtswékpa mu kóba. ³ Bréá ibo amó lówwan ání Petro mva Yohane bədebitiwíé Ōtswékpa mu á, ókóli amó kóba. ⁴ Petro mva Yohane besi líi bəde mu kí díin. Móbú Petro lébláa mu òbée, "Fú mó kí aní wóle." ⁵ Ibo amu kí òbée, bəha mu təkú. Mó su olotsu aní fóá òde amó kí. ⁶ Táme Petro lébláa mu òbée, "Mma sika futútú ntée pépe, táme néha fú tsá mbu. Kusú lu, afonati Yesu Kristo Nasaretyin amu dátó!" ⁷ Inu Petro lékítá mu gyópi bi, tsú mu líi, inuṣu ówónlín lowie mu ayabi pó mu ntsakpátó. ⁸ Olofuli kpáyí ótsáwóle pé, wá natí bi. Mó su ólekplá buo Petro aní wíe Bulu ótswékpa wunsinésó mu; óna odefulí kpáyí; òde Bulu kanfó. ⁹ Ahá ání bobó mu fée bowun mu ání óna òde Bulu kanfó. ¹⁰ Mó su bréá ləwankí amó ání ibo amó otetsiá Ōkpa Ōnó Wankláán mu kóli ató ámu ní á, ləwa amó wánwan, bwíé amó ònó.

Petro Tsí Bulu Ōtswékpa Wunsinésó

¹¹ Oyin ámu pú Petro mu Yohane kínkíinkín Bulu ótswékpa wunsinésó, ótnekóá boteti mu Salomo Abrándáásó. Mu lótsa lowa amó wánwan. Mó su besri ba amó wá mu. ¹² Bréá Petro lówwan amó á, òlefíté amó òbée, "Mí apíó Israelfó, ntogyi só asón ání lawá mli wánwan ah? Ntogyi só mliába mliédé aní kí ah? Mliki mliáa, aní onutó túmi ntée aní Bulusum wankláán láhá su oyin ání lakósó óna?" ¹³ Bulu ámó aní anáin Abraham, Isak pó Yakob bosum ámu lówa mu osúmpó Yesu numnyam. Táme mliłópu mu há mliáa bumó mu. Mliékiná óhá ání təkú Pilato lóbwe agywuun ání mési mu ónati ání. ¹⁴ Mliékiná Óha Wankihé pó Yilé Ōbwepó ánífiá bəwanlín mu iwí asón wá Bulu asón ówolótó anfi, bláa Pilato mliáa, osí ahá ómpó ámu mbouín ha mli. ¹⁵ Mliéha bəmə nkpa óhapó anfi, táme Bulu lókúsa mu tsú afúlitó. Anigyi mó iwí adansífo ní. ¹⁶ Yesu túmi láhá ibo anfi mliyin yaí, mliédékí anfi iwí lawá mu onlu. Aní Yesu hógyi látsá mu, mli fée mliédéwúun a.

¹⁷ "Inu su mí apíó, nyin ání mábí léha mliá mli ahande mliłópu inu fée gyi Yesu. ¹⁸ Táme a, Bulu léblí tson mu ònósó atóipó amu féesó yáí òbée, 'Kristo, (óhá ámóú neda mu ofúli amó) obówwun iwəsin.' Mó su ñleha léba alí ní. ¹⁹ Mó su mliédámli klóntó, amlyiinki ba Bulu wá, méni obési mli lakpan fée kíé mli, wá mli ówónlín papwe, ²⁰ lápó Yesu sísi mli. Mu Bulu léda ofúli yáí há mli ní. ²¹ Iehián ání Yesu obétsiá ósósó mu yófun bréá Bulu obéla tógýtó bwé, fè alá ñleha mu ònósó atóipó wankihé amu beblí tswi. ²² Aní náin Mose léblí òbée, 'Mli Wíe Bulu obéha mu ònósó atóipó ókuá ogyi fè mí obédal: tsú mliṭó há mli. Mliyi mu ason blihé féesó. ²³ Ōhagyíáha ání omobu ònósó atóipó anfi á, Bulu obéle mu lé mu aháto, mó mu.'

²⁴ "Tsú Samuelso á, Bulu ònósó atóipó beba fée bətsí tsú asón ání ídehá nke ánífiṭó iwí. ²⁵ Mliyi Bulu ònósó atóipó amu abí-aná. Mliṭó itó ámóú Bulu léhie yáí há aní anáin amu. Tsífé Bulu lébláa Abraham òbée, 'Nótson fú abí-anásó yúlá óyító ahá fée.' ²⁶ Inu só bréá Bulu

léle mu osúmpó Yesu a, olegyankpá pó mu sísi mli Israelfó, óbée obóyulá mli, amlisi lakpan bwe ní.”

4

Petro Mva Yohane Ọnóle Yudafo Asón Ogyikpá

¹ Bréá Petro mva Yohane bọbọ mósú bọdetai kplá ahá ámu a, Bulu igyí ahapó móa Bulu ọtswékpa agyópu ọhande pó Sadukifó akú beba bọtu amó. ² Ọbłs lẹkitá ahande anfi. Tsúfẹ sumbí ayọpó ámu bode ahá ámu ató suná bee, Yesu lawú kósú tsú afúlitó. Mó su wukósú bọ unu há ọhagyiọha. ³ Ahande amu bekítá Petro mva Yohane. Owí deta su bọpu amó yówa obu yéha ọyi kehe. ⁴ Táme ahá ámuó bonu amó atosunáhé amoto ahá tsotsotsó bohogyi, betsiá ahógyipu amoto. Mó su ahógyipu amoto ayin bọbwe fẹ mpím-nu (5,000).

⁵ Ọyi kehe nyankú a, Yudafo awíe, amó ahande pó Mose mbła asunápó beba befia Yerusalem. ⁶ Ahá anfi pó ahande aní befia asón ámu así gyí; Bulu igyí ọhapó dehen Hana, mu wóyító ahande Kaiafa, Yohane, Aleksandro pó wóyí amoto ahá fée. ⁷ Beha bọpu Petro mva Yohane belí amó ansító, befité amó bee, “Ma túmito ntée ma dátó mlilétsa oyin anfi?”

⁸ Inu á, Ọje Wankíhé lóbolá Petroto. Mó su ileha mu túmi ọlebláa Yudafo awíe pó amó ahande amu óbée, ⁹ “Nde mó mlidé aní fité tóá sọá anlawá awitole há ọbọ anfi, tsá mu ọ? ¹⁰ Mómu tsú nde mli Israelfó fée mli b́ aní Yesu Kristo, Nasaretyin amu túmi pó mu dátó oyin anfi ólú mli ansító anfi lanyá ọtsá. Mogyí ọhá ámuó mliléda mántá oyikpalíhesu mó mu asa Bulu lókosóa mu tsú afúlitó ámu ní. ¹¹ Yesu anfi iwí asón bọwanlín wá Bulu asón ámuó bee, ‘Ibwi ámuó mli obu ayipu mlilékiná ámu

lábọbwe okonkísóbwi ní.’

¹² Yesu anfi nkole pé gyí ọhá aní Bulu lópuhá aní ọyi anfito óbée, atsóon mu su nya nkpa. Ọhaa trá ọma unuá ọdon mu.”

¹³ Iníá Yudafo ahande amu bọyin aní Petro mva Yohane bọmekókásí ọwóló kú, táme ifú medé amó su á, ọnó lóbwie amu. Iłowankí amó aní babuo Yesu kú. ¹⁴ Ahande amu bọmenya asọansu blí. Tsúfẹ bowun aní ọbọ ámuó alanyá ọtsá ámu líí Petro mva Yohane wá. ¹⁵ Mó su bebláa Petro aná bee, budálí asón ogyikpá unu kpalóbí, abókuta agywun. Móu ahande amu befité aba bee, ¹⁶ “Nkálí abóbwe ahá anfi? Ọhagyiọha labí Yerusalem wúlitó aní amó labwé osúna kponkponti anfi. Animéetalí gyi mó nwéen. ¹⁷ Táme ahá ọbóbwe asón anfi méetrá kléí á, mliha ada amó ọlá kinkíínkín aniaa bọmátra bláa ọhaa asọansu Yesu dátó e.”

¹⁸ Inu belatí Petro mva Yohane ba obuto unu, beda amó ọlá bee, bọmátra bláa ọhaa asóngyíasón ntée suná ató Yesu dátó ekekekeke. ¹⁹ Móu Petro mva Yohane bebláa amó bee, “Mli onutó mliki. Mọmu bu alé Bulu ansító, aní abónu mli asón lóó, ntée Bulu klé? ²⁰ Tsúfẹ aní mó anuméetalí sí tóá anlawun pó asón aní andanú blí.” ²¹ Bọmetalí bíti amó isu, tsúfẹ ahá ámu fée bode Bulu kanfó ofúla kponkponti ámuó alabwé ámu su. Mó su ahande amu betrá da amó ọlá kinkíínkín, besi amó benatí. ²² Oyin ámu ọtsá lówa ifú, tsúfẹ alahó don nfi adọana (40) alí bré ámuto.

Ahógyipu Amu Atọ Kólíhé

²³ Yudafo ahande amu benya sí amó alí, Petro mva Yohane beyinkí ba amó aba ahógyipu amu wá. Bebláa amó asón aní Bulu igyí ahapó dehen pó Yudafo ahande amu beblí fée. ²⁴ Bréá ahógyipu amu bonu asón ámu a, amó fée bọpu ọme kole kólí Bulu bee, “Aní Wíe Bulu Otúmípu, fúlóbwe ọsọ fóbwe asi, ọpu móa ntsu pó mótó ató fée. ²⁵ Fọtsun Ọje Wankíhésu há aní náin Dawid, ogyi fú osúmpó lẹblí óbée, ‘Ntogyi sọ ọmá-ọmá banyá ọbłs?

Ntogyi sọ ahá fée babwé agywun koku kpaali?

²⁶ Ọsulósu awíe badídá ató.

Wúlu ahande batí aba fia,

kitá agywun laláhe aní Wíe Bulu mva Kristo, (ọhá ámuó ọleda mu ofúli) amusu.”

²⁷ Petro lóyo mu asónsọ óbée, “Lélé á, asón anfi laba mótó. Owíe Herode mva Pontio Pilatóá bọmegyí Yudafo pó Israelfó babwé kole wúlu anfito, kósú líí Yesusu. Mogyí fú osúmpó wankíhéá fẹda mu ofúli ní. ²⁸ Táme bọmebi aní tóá fehúie yayí fée ọbẹda mótó fú apé pó fú túmito dodo babwé á. ²⁹ Aní Wíe Bulu, kí alíá baká anisu, afókpa fú asúmpó, méní abétalí blí fú asón ámu, anuméenya ifú. ³⁰ Tsa ahá ọbọ fú túmito, afọha abwe ofúla pó osúna fú osúmpó wankíhé Yesu dátó.”

³¹ Bréá bọbọ mpáí anfi tá á, amó ofiakpa unu fée ọlọkpinkí. Ọje Wankíhé lóbolá amótó. Mó su bọwa klón dá Bulu asón ámu ọkan.

Ahógyipu Amu Atótó Yée

³² Ahógyipu amu fée bọpu klón kole móa agywun kole tsíá. Ọkoku méblí óbée tóá mubọ igyi mu nkole klé. Mboun okugyiọko ató lóbwe amó fée klé. ³³ Sumbí ayọpó ámu bọpu túmi kponkpọnkponnti gyi aní Wíe Yesu iwí adánsie bee, Bulu lakósóa mu tsú afúlitó. Bulu léhe

wá awítale há ahógyipó amó fээ. ³⁴ Amótó okoko mégyi ohian, tsúfэ amóá bobu osolóv pó wóyí betsiá fэ mó, pó mó onó kóba ba ³⁵ sumbí ayópó ámu, betsiá ye mó há ohagyísha alá ilehián mu.

³⁶⁻³⁷ Mó sù alí kén Lewiyin okóá botetí mu Yosef léfэ osolóv, olóv kóba amó ba sumbí ayópó ámu ní. Yosef anfi otsú Kípro omátó, sumbí ayópó beha mu idá Barnaba, (mó así gyí, “Ahá ateto-onlun ówapó.”)

5

Anania Mwa Safira

¹ Ino oyin okóá botetí mu Anania mwa mu ka Safira é befe amó siadie kv. ² Táme Anania léfэ kóba amó kv njáin, mu ka é yin mó iwí. Olóv kóba amó tráhe ba sumbí ayópó ámu. ³ Móó Petro léfité mu óbée, “Anania, ntogyi só fahá Obunsám lagyi fusu, fapó kóba amóó fenyá ámu kv njáin, bówa afunu suná Dje Wankíhé? ⁴ Fóbó fó osolóv asa fefe mó. Iníá fefe mó é á, fóbó fó kóba. Nto láhan fu só fabwé itáá igyi alí? Bulu fawá afunu suná o, megyí anyánkposá.” ⁵ Anania lénya nú asón ánfí alí á, óletn da wú. Mó sù ifú lehie kítá ahá ání bonu asón ánfí fээ. ⁶ Ino nyasubi ako bokosú tsú tati kíklí mu iwí, tsú mu yópulá.

⁷ Plegyi fэ dnhwírí asa óma asa mu ka Safira é lóbowie unv. Alí bré ámuto á, omeyín tsá ilaba mu kulusu. ⁸ Petro léfité mu óbée, “Safira, bla mí. Kóba anfi gyí tsá fúa fó kulu mlilénya bréá mliléfэ osolóv amó ní?”

Safira léfэ mó onó óbée, “Ee, alí anilénya ní.”

⁹ Mó sù Petro léfité mu óbée, “Ntogyi só fúa fó kulu mlilabwé onó-okole mliaa mlósó Aní Wíe Dje kí? Kí, nyasubi ání bayópulá fó kulu yínkí lawíé obu-onó unv á. Bósorá fэ é ya.” ¹⁰ Ino unv ótsi ámu é létin da Petro ayabitó unv wú. Bréá nyasubi ámu bobowie unv á, bowun ání Safira é lawú, sù botsu mu yópulá mu mantáa mu kulu. ¹¹ Ifú lehie wíé ópasua ámu pó ahá ání bonu asón ánfí fээtí.

Sumbí Ayópó Amó Ofúla Pó Osúna Bwe

¹² Bulu lótsón sumbí ayópó ámusó bwé ofúla pó osúna tsatsótsó wúlu amoto. Ahógyipó amó fээ bobwэ kule tsíá fia ótinekoá botetí unv Salomo Abrándaaásó. ¹³ Ahá ání bomegyí ahógyipó kóráá beti ahógyipó amó idayilé. Táme okoko móbwe agywun óbée, mébetsiá ahógyipó amoto. ¹⁴ Igyi alí óó á, atsi móba ayin tsatsótsó bəhə aní Wíe Yesu gyi. Bulu létsiá pó amó tsia ahógyipó amoto. ¹⁵ Sumbí ayópó ámu ofúlábwe sù wúlu amoto ahá betsiá tsú amó alóv ba brónusu, beyái nklan tswí pó amó tswí mósó. Fówun ní Petro óbá bətsən unv á, mu yiyí bówolí amósó. ¹⁶ Ódəm ání bətsú awúlúá ibə bomlí Yerusalemto é bəpə amó aləpə pə ahá ání dje laláhe dé amó háan ba, sumbí ayópó ámu betsa amó ilə.

Sumbí Ayópó Amó Lu

¹⁷ Sumbí ayópó ámu iwí lówa Bulu igyi óhapó dehen amó mwa mu aba ání bobu Saduki ópasuato olu. ¹⁸ Iní sù bekítá sumbí ayópó ámu wá obu. ¹⁹ Táme onyé, Bulu-óbpəv oko léba befínkí obu ámu, kpá sumbí ayópó ámu dáli. ²⁰ Bulu-óbpəv amó lébláa amó óbée, “Mliyo amliyelí Bulu ótswékpa wunsínésó unv, amlilba ahá nkpa pəpwe amó iwí asón fээ.” ²¹ Sumbí ayópó ámu begyi Bulu-óbpəv amó asónsó. Mó sù benatí yó wunsínésó unv bake, bode ahá átó suná.

Óma-óma a, Bulu igyi óhapó dehen amó létí Yudafo asón agyípó amó fээ fia. Móó bəwa abí beé buyéle sumbí ayópó ámu ba. ²² Táme bəyo á, sumbí ayópó ámu bəma unv. Iní sù beyínkí bebláa ahande amó beé, ²³ “Anílýo unv á, anulówun ání aklon amó fin wankláán. Obu adpósó akípó amó bulí bode aklon amó onó gyo. Táme bréá anuléfínkí aklon amó a, anumówun óhaa obu ámuto.” ²⁴ Bulu ótswékpa agyópóv óhande móba Bulu igyi áhapó dehen amó bonu asón ánfí a, bobwэ yəo, sí bode asón ání íbəba mó óma gywín. ²⁵ Ino óha oko lébebláa amó óbée, “Mlíki, ahá ámóó mlilówa obu ámu bulí Bulu ótswékpa wunsínésó unv, bode ahá átó suná.” ²⁶ Mó sù Bulu ótswékpa agyópóv óhande amó móba mu aba bəyo yékpa sumbí ayópó ámu ba. Bekpa amó díin pó amó ba, tsúfэ benya ifú ání ní bəpəv ibí da amó á, ahá bəda amó abwi.

²⁷ Bəpəv amó ba belí Yudafo asón agyípó amó ansító. Móó Bulu igyi óhapó dehen amó léfité amó óbée, ²⁸ “Anuméda mlí ólá aniaa, młumátrá tí oyin ánfí dá suná átó? Táme mlíki tsá mlilabwé. Mliláhá mlí atosunáhé labólá Yerusalem wúluto fээ. Mlídékléá mlípó mu lowu sórá aní.”

²⁹ Petro móba sumbí ayópó atráhe amó bele mó onó beé, “Bulu asónsó lehián ání abégyi, megyí anyánkposá. ³⁰ Mliléda Yesu mántá oyikpalíhesu mó mu. Táme aní anáin Bulu lókosóba mu tsú afúlitó. ³¹ Olotsu mu ya ósósó, pó mu yéyaí mu gyəpiso, bwé mu ahá Ókparóv pó Nkpa Dəpəv. Fówun ókpa ídí ha Israelfó abudamli klonto, Bulu osi amó lakpan kie amó. ³² Anigyi alí asón ánfí iwí adansífo ní. Dje Wankíhé amóó Bulu lópókíé ahá ání botegyí mu asónsó amó é dé mó iwí adansíe gyí.”

³³ Bréá Yudafo ahande amu bonu asón ánfí á, ðəwa amó əbló. Mó su bəbwe agywuun bəe, bəmə sumbí ayopó ámu. ³⁴ Táme Yudafo ahande amuto əkwá ogyi Farisiyin, mu dá gyí Gamaliel, ogyi Mose mbla osunápó ání ahá fée bəbóbu mu ləkəsó líí, blí əbée bukpá sumbí ayopó ámu dali kpalobí. ³⁵ Inu əlebláa Yudafo ahande amu əbée, “Israelfə ayin, mlíkí wankláan ító ánfí mlíaa mləpəgyi ahá ánfí iwí. ³⁶ Mlíkaín ání bré kəto á, oyin əkwá bətətí mu Teuda létsiá. Olobwe mu iwí fə əha kponkpəntí əku. Mó su ahá bəbwe fə lafana (400) sósín bobuo mu. Táme bəmə mu, mu abúopə fée bədasáín, mu bwehé é fée lowie ntsu. ³⁷ Mu əma a, Yuda ání ogyi Galileayin é léba aháklábi. Mu é əlekpa ədəm buo iwí. Táme bəmə mu, mu abúopə amu fée bədasáín. ³⁸ Mó su nde mli bláa mbée, mli sí ahá ánfí. Mlumápu ibí da amó. Tsúfə ní itsú anyánkpośa wá á, mó fée íbəba bətsən. ³⁹ Táme ní itsú Bulu wá á, mluméetalí ká amó itin. Mó su mlinábwe amó tətə, méní iməbəwe fə mlía Bulunyə mliđéko.”

Yudafo ahande amu bətsulá dínká Gamaliel asón ánfisə. ⁴⁰ Inu bəha bəti sumbí ayopó ámu ba obuto inu. Bəha bənwən amó ató, bəda amó əlá bəe, bəmətra tí Yesu dá súná ató ekekekeke, bəsi amó bənati. ⁴¹ Bréá sumbí ayopó ámu bədalí Yudafo asón ogyíkpa inu boýó á, ansí de amó gyí. Tsúfə Bulu lahá amó é bawun iwíəsin Yesu sə. ⁴² Sumbí ayopó ámu bətsiá súná ató ekekegyíeke, dá Bulu asən wankláan ámu əkan Bulu ətswékpa inu pú wóyígyiwóyító bəe, Yesu gyí Kristo, (əhá áməó Bulu ladá mu ofúli amó).

6

On Alípó Abasténó Le

¹ Bréá akasípó amu bəba bədekléí á, ítré ləda Yudafo Griiki ablípó amó bəteblí Hebrí əblí amu nsúné. Griiki ablípó amu bəe, ekekegyíeke, ní bəde ató yée a, bətamahá Griikifə asərapu amu. ² Mó su sumbí ayopó dúanyo ámu bəti ahógyipu amu fée fia, bláa amó bəe, “Ima aléá abəsi Bulu asón əkanda bətsiá ye ató. ³ Inu sə apíó, mlíkí mliə amlile ahá abasiénó ání obú bu amósó, Œje Wankíhé mba nyánsa itsə amótó. Fəwun apu amó lu atótó yée ənd, ⁴ méní aní é abéle ansí kí mpáəbə pú Bulu asón ámu əkanda.”

⁵ Ansí legyi ahógyipu amu fée asón ánfí iwí. Mó su bəle oyin əkwá mu hógyi ənd bu ənlun, Œje Wankíhé é itsə motə, bətətí mu Stefano mba Filipo, Prokoro, Nikanor, Timon, Parmena pú Nikolao, ogyi Griikiyin əkwá otsú Antiokia asa alawíe Yudafo osúmtó. ⁶ Bəpu ahá ánfí bosuná sumbí ayopó ámu, sumbí ayopó ámu é bəpu ibí dínká amósó, bə mpáí há amó.

⁷ Inu sə Bulu asón ámu lekkléí, akasípó amu bomoní Yerusalem. Bulu igyi ahapó ámu óó tsətsəətsə bəhə Yesu asón ámu.

Stefano Kítá

⁸ Bulu ləwa awítəle há Stefano túmí kponkpəənkəntí. Mó su əobwe ofúla pú osúna akpənkəntí əmá əmótə. ⁹ Táme ako bəkwəsó líí mūsə. Ahá ánfí bətsú ofiakpa kəla bətətí mu “Nkpábíá Bahə Iwíətsiá.” Amó aku bəgyi Yudafoá bətsú Kirene pú Aleksandria awúlusu. Aku é bətsú Kilikia pú Asia əmátó. ¹⁰ Táme Œje Wankíhé léha Stefano nyánsa ələputótí. Mó su bəmetalí gyí mu nwéén. ¹¹ Inu sə bəha ako ənd bəe bəblí bəe, bonu ání Stefano dətí wə Mose mba Bulu. ¹² Inu léha ahá ání bobu inu pú Yudafo ahande pú Mose mbla asunápó amu bənya əbló Stefanos. Inu bənati yótu mu, kítá mu, kpá mu ya Yudafo Asón Agyípó amu ansító. ¹³ Belahá ako bəwa afunu dínká mūsə bəe, “Oyin ánfí tətótí wə Bulu ətswékpa wankíhé pú Mose mbla ámu ekekegyíeke. ¹⁴ Anilónu ání ədeblí əbée, ‘Yesu Nasaretyin amu obóbwie Bulu ətswékpa amu, tse amándíe ání Mose lósuná aní fée.’ ” ¹⁵ Yudafo Asón Agyípó amu fée bəsi bəde Stefano kí díín. Inu bəki a, mu ansító de ogyá kpa fə Bulu-əbəpu ansító.

7

Stefano Iwí Əndə

¹ Bulu igyi əhapó dəhen amu féefté Stefano əbée, “Asón ánfí bablí tsú fə iwí ánfí fée bu mótó?”

² Stefano léle mba ənd əbée, “Mí apíó pú mí así, mliya a sə amlinú! Bulu Onumnyampu amu léle iwí əwan súná aní náín Abraham bréá otsie Mesopotamia əmátó, Kaldeafəto asa olotu yétsiá Haran wúluto. ³⁻⁴ Inu Bulu lébláa mu əbée, ‘Tu dali fú əmátó si fú abusuan, afəyo əsəlúə kwá nósuná fósú.’ Mó su Abraham lótu tsú Kaldeafə əsəlúə yétsiá Haran wúluto. Mu sí lowu əma a, Bulu léha mu olotu ba otíné ánfí mliətsie nde ánfí. ⁵ Bré ámótə á, Bulu mókónyá há Abraham əsəlúə anfi yabi oyíkpa kole kóráá. Táme Bulu léhə mu así yaí əbée, mba mu abí-aná obégyi əsəlúə anfi ekeko. Alí bré ámótə á, Abraham mókókwí obí. ⁶ Asón ání Bulu lébláa mu gyí, ‘Fú abí-aná bəbwe afəó əsəlúə kəsə. Bəpu amó bwé nkpábí, wá amó amumoyə nfi lafana (400). ⁷ Táme négyi əmá ámóú fə abí-aná bəyetsiá amó así amó asón, bití amó isə. Mó əma a, néle amó lé amó ibito, fəwun bəba bosúm mí nfi.’ ⁸ Bulu léka ntam há Abraham. Ntam amu ənd á, Abraham əbətun mu abí-aná keté. Mó su mu bi Isak ləhə nkekwe á, Abraham létun mu keté. Isak é létun mu bi Yakob keté. Yakob é létun mu abí, bəgyi aní anáín dúanyə ámu keté amó nyebito.

9 “Ani anáin anfi befe amó gyama Yosef, mu iwí olu sv. Mó sv olɔyɔ yébwɛ okpábi Egyipte ɔmátó. Táme Bulu léli mu ɔma, 10 lé mu lé mu asun wunhe ffé́tó. Bulu léha mu nyansa, há Egyipte owíe lénya mu iwí ansigyí. Mó sv ɔlɔbwɛ Yosef mu ɔmá pú mu wóyí ffé́sɔ ɔkírɔ. 11 Akón kv lébá Egyipte pú Kanaan ɔsólóso ffé́. Uɔpɔ ikplán ba ɔmá ámɔtɔ. Ani anáin amu bɔmenyá ató gyi. 12 Mó sv bréá Yakob lónu ání atogyihe bu Egyipte a, ɔlɔwa anu anáin anfi sisi. Bayɔ inu eke gyankpɔpɔ yénya atogyihe ba. 13 Beyinkí yó otse nyɔsɔ a, Yosef léle iwí ɔwan súná amó ɔbéɛ, moyí amó gyama Yosef ni. Inu sv Egyipte owíe é lébi Yosef abusuan. 14 Mó ɔma a, Yosef lówa mu apíó sisi ɔbéɛ, buyékpá mu sɪ Yakob pú mu abusuanfɔ, bɔbwɛ fé ahá aduesien-ny (75) ba, abɔbetsiá Egyipte ɔmátó. 15 Inu Yakob lóyɔ Egyipte. Inó mu a anu anáin amu bowu ní. 16 Nfi tsɔtsɔtsɔ ɔma a, bɔpɔ amótó aku afilí ya Sekem. Wílu anfiɔ Abraham légyankpá tsíá ní. Bopulá amó ilán kwá Abraham lópɔ kɔba hɔ tsu oyin ɔkwá botetí mu Hamor abí wátó.

17 “Nke ámúú Bulu léhe Abraham amu lɔtsúsúa ibɔfɔn a, anu anáin amu bakléí wá Egyipte ɔmátó. 18 ɔma a, Egyipte owíe ɔkwá ɔmebi Yosef lébetsiá obiá ámusu. 19 Owíe anfi lówa owuntɔln anu anáin amosu. ɔleka amó híe ɔbéɛ, bɔtswí amó abi bɔbwɛ tsalífwí abowu. 20 Alí bré ámɔtɔ bɔkwí Mose ni. Ogyi obi ání ɔhíe ɔbu akíle, Bulu ansi legyi mu iwí. Mu yin léyaí mu tsra asa mu sɪ wóyító. 21 Bréá bele mu mu wóyító a, Farao mu bi tsíhɛ lótsu mu, pú mu bwé mu bi alu, ɔledan. 22 Egyiptefɔ bosuná Mose amó amándié kugyíkɔ. ɔlɔbwɛ ɔha kpɔnkpɔnti mu ití pú mu bwéhétó.

23 “Bréá Mose lóhɔ nfi adwana (40) á, ɔlɔbwɛ agywun ɔbéɛ, móyɔ yéki alíá Egyiptefɔ bɔpɔ bɔde mu apíó Israelfɔ kpa. 24 Inu á, olowun ání Egyipteyin dé mu apíó Israelfɔ ámɔtɔ ɔku da. Mó sv ɔlɔyɔ ɔyɔhɔ mu pio ámúú ide mu dɔbɔn amu, ilemli mu Egyipteyin amu nyɔ. Inu ɔleda Egyipteyin ámu mɔ. 25 Mose mó ki ɔbéɛ, ibɔwankí mu apíó Israelfɔ ání Bulu dépɔ mu hɔ amó nkpa, támɛ imɔwankí amó. 26 Mó ɔyí kɛhe a, olowun Israelfɔ abanyó bɔdeko. ɔlɔyɔ ɔyékpatá amó, ɔlebláa amó ɔbéɛ, ‘Mlíki, apíó mlgyí. Ntogyi sɔ mlí wolewole mlidɛ aba amomoyɔ wa?’ 27 Táme ámusámúú ɔde mu ba dá ámu lówtá Mose sisi, fité mu ɔbéɛ, ‘Ma lówa fú ɔbéɛ fubégyi anisu, afɔgyi anu nsiné asón?’ 28 Fɔdekléá fómɔ mí, fé alí ámúú ígye fómɔ Egyipteyin amu lóó?’ 29 Mose lénya nú asón ánfi alí, ɔlesrí dalí Egyipte ɔmátó yó Midiafɔ ɔsólóso. Oletsíá inu kwí abi anyo.

30 “Nfi adwana ɔma a, Bulu-ɔbɔpɔ léle iwí ɔwan súná Mose dimbísó oyíbi kwá ibɔ awu, ogyá detsíi mótótó, mantáa Sinaibɔ. 31 Mose lówtun mó á, ilɔwa mu ifú. Bréá ɔlɔkpɔkpé ɔyó yéki mu wankláán á, Bulu lébláa mu ɔbéɛ, 32 ‘Mígyí fú anáin Abraham, Isak pú Yakob Bulu.’ Mose lénya ifú, ɔdekpinkí kpakpakpakpa. Mó sv ɔmetalí ki mó. 33 Anu Wíe Bulu lébláa mu ɔbéɛ, ‘Wɔi fú ntukɔta tswi, tsufíe ɔtíné ánfi fulí ánfi igyi ɔtine wankíhɛ. 34 Nawun ání mí ahá bɔde iwiasun wíun Egyipte ɔsólóso. Nanú amó isú. Mó sv nakplí nebá bɔhɔ amó. Ba, anwa fú Egyipte.’

35 “Mose anfi Israelfɔ bekiná Egyipte ɔmátó, fité mu beɛ, ‘Ma lówa fú ɔbéɛ fubégyi anisu, afɔgyi anu nsiné asón?’ ní. Mose anfi kén Bulu léha ɔbéɛ, ɔbwéɛ anu anáin ámúú ogyípó pú amó ɔlepó ní. Bulu lówa mu sumbí ánfi tson Bulu-ɔbɔpɔ amó ɔlele iwí súná mu ogya plɛnplɛntɔ ámusu. 36 Mu kén gyí ɔhá ání ɔlekpá amó dalí Egyipte, bwé ofúla pú osúna tsɔtsɔtsɔ Egyipte ɔsólóso, ɔpɔ Pɛpɛ amu ɔnɔ pú dimbí ámusu nfi adwana (40) kéké ní. 37 Mu kén lébláa Israelfɔ ámu ɔbéɛ, ‘Bulu ɔbéle mu ɔnásó ɔtɔpó ɔkwá ogyi fé mí tsú mlɔtɔ há ml’ ní. 38 Bréá mu a Israelfɔ ámu befia dimbí ámusu á, Mose anfi Bulu-ɔbɔpɔ amu lóto tson Sinaibɔ ámusu há anu anáin amu ni. Mu kénsó Bulu lópɔ mu nkpa asón ámu tson, ide anu é to ní.

39 “Táme anu anáin bɔmɔbu mu. Bekiná mu asón nu. Amó nkole su mó á, tekí butráa bɔbu Egyipte ɔmátó. 40 Inu sv bebláa Aaron beɛ, ɔyá ikpí ání békpa amó ha amó. Tsufé bɔmeyín tsá ilabwé Mose amó ɔlekpá amó tsu Egyipte amu. 41 Alí bré ámɔtɔ á, beblí sika pɛpɛ ɔnantswiebí póbwé ɔkpɔ, tsíá há mó igyí. Amó ansi legyi amó ibi ɔnɔ itɔ bwéhé ánfi iwí. 42 Bulu lési amó asón, bayɔ bɔde owí múa ɔtsra pú ntsrakpabi tswéɛ. Fé alí bɔwanlín wá Bulu ɔnásó ɔtɔpó amu ɔwolótó beɛ,

‘Israelfɔ! Megyí mí mlílmɔ mbwí bó afɔdɛ há nfi adwana (40) ámúú mlílétsiá dimbí ámusu.

43 Mboún ɔkpɔ Molok tati-obu pú Refan ntsrakpabi ɔkpɔ mlólbwɛ sóra, náti tswɛ.

Inu sv négya mlí yówa Babilonfɔ ɔsólóso ɔma ɔtneko.’

44 “Tati-obu ámúú itosúná amó ání Bulu bu amó wá ámu é letsíá anu anáin amu wá dimbí ámusu. Mose lóbwɛ mó alíá Bulu lósuná mu ɔbéɛ, ɔbwéɛ mó pépépe. 45 Anu anáin amu bowu sí Bulu tati-obu ámu há anu así, Yosua légya amó nkpa bɔpɔba ɔsólóso anfi. Amó onutó ansítá Bulu légya ɔmá-ɔmá lé ɔsólóso anfi púhá amó. Bulu tati-obu ámu letsíá amó wá alu bɔtu Owíe Dawid bré́sɔ. 46 Bulu ansi legyi Owíe Dawid iwí. Mó sv Dawid lókulí mu ɔbéɛ, moyí obu ha mu, méní anu Yakob abí-aná ffé́ abósum mu inu. 47 Táme Owíe Salomo mboún lébeyi obu ámu.

48 “Táme Ɔsósósó Bulu tamatsiá nyankpɔsa obu yihetɔ. Fɛ alá Bulu ɔnósó ɔtáɔpɔ ɔko lébli ɔbɛɛ,

49 ‘Ani Wie Bulu ɔbɛɛ, “Ɔsósó gyi mí owie obiá, ɔsóló é igyi mí ayabi oyíkpa.

Ntɔ obu mliaa mléyi ha mí?

Nkónu gyi mí ɔkpónó ɔdakpá?

50 Megyi mí lóbwe ntobi ánti fɛɛ?” ’ ’ ”

51 Stefano lámɔ mu asón ɔnó ɔbɛɛ, “Asɔtɔ-ɔnlɔn awié, klɔntɔ bu mli odwin. Mlɔlakíná Bulu asón ámu nu. Mli é mlɔtɔkósó líi Ɔɣe Wankihé amɔ asónsɔ brégyibré, fɛ alá mli anáin amɔ betsiá bwé. 52 Bulu ɔnósó ɔtáɔpɔ ɔmɔmɔsɔ mli anáin bɔmedínká? Bɔmɔ Bulu ɔnósó ɔtáɔpɔ amóu bebli yáí beɛ, Yilé Ɔbwepɔ ámu ɔbɛba amɔ é. Mliléle Yilé Ɔbwepɔ ámu há, bɔmɔ mu. 53 Mliléhɔ Mose mbla ámu tsú Bulu-abɔpɔ ámu wá ní, támé mlimégyi mósó.”

Stefano Abwi Da Mɔ

54 Bréá Yudafɔ ahande amɔ bonu Stefano asón blihé anfi á, ɔblí lehie kítá amó, beda ansítɔ kpun. 55 Táme Ɔɣe Wankihé lóbulá Stefanotɔ, olotsu ansí fúá, ɔde ɔsósó kí. Olowun Bulu numnyam, Yesu líi Bulu gyɔpɔsɔ. 56 Móbó ɔlebláa amó ɔbɛɛ, “Mlɔki, nawun ání ɔsósó lafinkí, Nyankpɔsa-Mu-Bi ámu líi Bulu gyɔpɔsɔ.”

57 Bréá bonu íni á, bɔpɔ ibi tin asɔ. Inu amó fɛɛ bɔsɔrá okitikítí tú bun mɔsɔ, 58 bebítia mu dalí wúlu amɔtɔ beyéda mu abwi mó. Adansífo ámu bɔwáí amó awunso atadie tswi ɔyasubi ɔkwá botetí mu Saulo wá. 59 Bude mu abwi da alu, olokpólí aní Wie ɔbɛɛ, “Mí Wie Yesu, hɔ mí ɔɣé.” 60 Inu á, ɔleɔa akpawunu, kplón kɔklókóbó ɔbɛɛ, “Mí Wie, si lakpan ánti kie amó.” Olenya blí alí pé, olomu ɔnó.

8

1 Saulo é lótsulá dínká Stefano mɔsɔ.

Saulo Ɔpasua Amɔsɔ Dínká

Tsú eke ámɔsɔ á, bedínká ɔpasua ámóu ibɔ Yerusalem amɔsɔ, wá amó mɔ bi. Mó sɔ ɔpasua ámu fɛɛ bedasáin wá Yudea pɔ Samaria ɔmátɔ, sí sumbí ayɔpɔ ámu nkɔle pé wá inu. 2 Táme Bulu asúmpɔ akɔ bosu Stefano, bun mu.

3 Saulo mó léfi ɔpasua ámu bwie así. Oletsia kí ahá wóyítɔ, bitia ahógyipɔ atsi móa ayin fɛɛ yówa obu.

Filipo Bulu Asón Ɔkanda Samaria Wílutɔ

4 Ahógyipɔ amɔ beda Bulu asón wankláán ámu ɔkan ɔtinegyiɔtíné aní bedasáin yó. 5 Mó sɔ Filipo lóyo Samaria wúlu yilé kɔtɔ yébláa amó Kristo, (ɔhá ámóu Bulu ladá mu ofúli amɔ) iwí asón wankláán ámu. 6 Afiaɔpɔ amɔ fɛɛ bonu mu asón blihé, bowun osúna aní ɔlobwe é. Mó sɔ bɔhɔ mu asón ámu. 7 Ɔɣe laláhe lósrá okitikítí dalí ahá tsɔtsɔtsɔtɔ. Ahá aní amó ífón lawú pɔ tsukɔle asinpu tsɔtsɔtsɔ é benya lɔtsá. 8 Mó sɔ ansí lehie gyi Samariafo ámu.

9 Alí bré ámɔtɔ á, ɔfáɔpɔ kpɔnkpɔnti ɔkwá botetí mu Simon bu wúlu amɔtɔ. Bréá Filipo mókóba inu á, ɔtɔbwé túmíla suná mu pi amɔ, itɔwá amó ifú. Ɔtɔpɔ ibi sí kántɔ blí ɔbɛɛ, ɔtúmípu kpɔnkpɔnti mogyi. 10 Nyebí ahande fɛɛ bɔtóbú mu, blí beɛ, “Oyin ánti dé Bulu túmí kpɔnkpɔnti ámu.” 11 Iná ɔdepu mu asuma bwé ofúla suná amó, ilawá ɔpá sɔ á, amó fɛɛ bɔhɔ mu gyi. 12 Táme bréá Filipo léba beda Bulu iwíegyi pɔ Yesu Kristo iwí asón wankláán ámu ɔkan a, atsi móa ayin bɔhɔ mu asón ámɔsɔ gyi, ɔlobɔ amó asú. 13 Simon onutɔ é lóhogyi, ɔleha Filipo lóbɔ mu asú. Mɔ asúbɔ ɔma a, ɔlɔpɔ iwí mantáa Filipo. Bréá olowun alá Filipo dé ofúla móa osúna bwe á, ɔnó lobwie mu.

14 Sumbí ayɔpɔ ámóu bɔbɔ Yerusalem amɔ bonu aní Samariafo baho Bulu asón ámu. Mó sɔ bɔwa Petro móa Yohane amó wá. 15 Bréá boyówie inu á, bɔbɔ mpáí há Samariafo ahógyipɔ amɔ beɛ, bɔnyáa Ɔɣe Wankihé. 16 Tsúfɛ asú keke babó amó aní Wie Yesu dátɔ, támé amótɔ ɔkɔkɔ mókónyá Ɔɣe Wankihé amɔ. 17 Inu Petro móa Yohane bɔpɔ ibi dínká amó nwunso, Bulu léha amó Ɔɣe Wankihé amɔ.

18 Simon lówun aní ibi keke sumbí ayɔpɔ amɔ bapó dínká ahógyipɔ amɔ nwunso, Bulu lahá amó Ɔɣe Wankihé. Mó sɔ ɔlele kóba há Petro móa Yohane, 19 ɔlebláa amó ɔbɛɛ, “Mliha mí túmí ánti ku, méní ní mí é napó ibi dínká ɔku nwunso á, Bulu ɔbɛha mu Ɔɣe Wankihé.”

20 Táme Petro lébláa mu ɔbɛɛ, “Fúá fú kóba ámu nyo fɛɛ mlihu. Tsúfɛ fokí fɛɛ, fétalí pɔ kóba hɔ Bulu itokiehé ánti. 21 Foma ogyikpá ntéɛ ɔlúkpá aní gymagyihe anfitɔ, tsúfɛ fú klɔntɔ metɔn Bulu ansítɔ. 22 Damli klɔntɔ tsu fú lakpan ánti, afokɔli aní Wie Bulu. Fialí obési agyiwun laláhe anfi fabwé ánti kíe fú. 23 Tsúfɛ nawun aní fuhíé fóbɔ ɔnsupe, lakpan lagyi fusɔ.”

24 Simon lébláa Petro móa Yohane ɔbɛɛ, “Nobwíí ipa, mlɔkokoli mli Wie Bulu ha mi, méní ɔmɛɛha asón ánti fablí ánti kɔkɔ méɛba mɔsɔ.”

25 Bréá Petro móa Yohane begyi adánsie, dá Yesu iwí asón ámu ɔkan tá á, beyinkí yó Yerusalem. Bréá bɔna boyó á, beda asón wankláán ámu ɔkan Samaria nkuda tsɔtsɔtsɔtɔ asɔ.

Etiopia Owie Sikasu Okipɔ Klɔntɔdamli

²⁶ Alɪ brɛ ʔmɔta ʔ, Bulu-ɔbɔpu lɛblʔa Filipo ɔbɛɛ, “Kusu pu ʔsaasi dimbɪsɔ ʔkpa ʔmɔu ɪda tsu Yerusalem ɪyɔ Gasa amu.” ²⁷ Mɔu Filipo lɔkɔsɔ pu ʔkpa. Brɛʔ ʔyɔ ʔ, ʔlɔtu Etiopia ʔmʔ ʔhandɛ ʔkɔʔ baflo mu. ʔhandɛ amu gyɪ Etiopia owie tshɛ Kandake sikasu ʔkipɔ. Oyin ʔnfi layɪ Yerusalem yɔsum Bulu, ²⁸ yɪnkɪ ʔyɔ wɔyɪ, ʔtsie mu kekɛtɔ, mpɔnkɔ bɔdɛ mu butɪ. ʔdɛ Bulu ʔnɔsɔ ʔtɔɪpɔ Yesaia ʔwɔlɔ ʔmu klʔa. ²⁹ Mɔu ʔɔɔ Wankihɛ lɛblʔa Filipo ɔbɛɛ, “Kpɔkpe manta kekɛ ʔnfi.” ³⁰ Filipo lɛsrɪ tɔ kekɛ ʔmu wun ʔni Bulu ʔnɔsɔ ʔtɔɪpɔ Yesaia ʔwɔlɔ ʔmu oyin ʔmu dɛ klʔa. Mɔ su lɛfitɛ mu ɔbɛɛ, “ʔhandɛ, fɔdɛ ʔsɔn ʔmɔu fɔdɛklʔa amu asi nu?”

³¹ ʔhandɛ amu lɛlɛ mɔ ʔnɔ ɔbɛɛ, “Nkʔli ɪbɔbwe nɔnu mɔ asi nɪ ʔku mɛlɛ mɔ asi sɪnʔa mɪ?” Mɔ su ʔlɛblʔa Filipo ɔbɛɛ, “Du tsia mɪ wʔ ʔyɔ.” ³² Bulu ʔsɔn ʔni ʔdɛklʔa ʔwɔlɔ ʔmɔtɔ gyɪ: “ʔlɔbwe dɪfn fɛ kufa ʔni bapɔ beya ʔmʔkpa. ʔmɔbwiɪ mu nnonyɔ.

ʔlɔbwe dɪfn fɛ ʔliʔ kufa tɔbwe
nɪ bɔdɛ mu ɪwɪ imi dɪnkɪ.

³³ Bɔkpɔɪ mu, bɔmegyi mu ʔsɔn ʔnɔkwɔlɔsu.

ʔhaa mɛɛtalɪ sɪnʔa mu ʔbi-ʔnʔ,
tsɪfɛ beka mu nkpa tin ʔsɔlɔv ʔnfi.

³⁴ Mɔu ʔmʔ ʔhandɛ amu lɛfitɛ Filipo ɔbɛɛ, “Ma ɪwɪ ʔsɔn Bulu ʔnɔsɔ ʔtɔɪpɔ ʔnfi dɛblɪ, mu onutɔ ntɛɛ ʔha bambʔ?” ³⁵ ɪnu Filipo lɛliʔ Yesaia ʔsɔn wanlinhɛ ʔnfi ʔsɔn blʔa mu Yesu ɪwɪ ʔsɔn wanklʔa ʔmu. ³⁶⁻³⁷ Bɔpu bɔyɔ ʔ, bɔtu ntsu kv. Mɔu ʔmʔ ʔhandɛ amu lɛfitɛ Filipo ɔbɛɛ, “Ntsu dʔ a, ntɔ lɛtin mɪ ʔsɔbɔ ʔkpa?”*

³⁸ Mɔ su ʔmʔ ʔhandɛ amu lɛha mu kekɛ ʔmu ʔbitɪpɔ lɛliʔ. Mwa Filipo bekplɪ wie ntsu ʔmɔtɔ, Filipo lɔbɔ mu ʔsɔ. ³⁹ Brɛʔ bɛdalɪ ntsu ʔmɔtɔ ʔ, ʔni Wie ʔɔɔ lɔtsu Filipo nʔti. ʔmʔ ʔhandɛ amu mɛtrʔ wun mu, tʔmɛ ʔlɔpu ʔnʔsigyɪ nʔti ʔyɔ wɔyɪ. ⁴⁰ Filipo ɛ lɛyɛdalɪ ʔsɔtɔ wɔlɔtɔ. ʔlɛnʔti kɪ ɪnu ʔwɔlɔsu dʔ ʔsɔn wanklʔa ʔmu ʔkan ʔli, oloyɔwie Kaesarea wɔlɔtɔ.

9

Saulo Klɔntɔdamli

(Gyumagyihe 22:6-16; 26:12-18)

¹⁻² Alɪ brɛ ʔnfi tɔ fɛɛ ʔ, Saulo mʔkɔsɪ Yesu ʔkasɪpɔ amu blʔa ɔbɛɛ, mɔmɔ amɔ. Mɔ su ʔlɔyɔ Bulu igyɪ ʔhapɔ dɛhɛn wʔ yɔkɔli mu ɔbɛɛ, ʔwanlɔn ʔwɔlɔ pulɛ mu suna Damasko Yudaɔ ofiakpa ʔhandɛ, mɛnɪ nɪ mu ɪbɪ da oyin ntɛɛ ʔtsɪ ʔku, ʔna ʔni Wie ʔkpa ʔmusu a, mɛkitʔ mu, kpʔa mu ba Yerusalem.

³ Saulo lɔpu ʔkpa ʔyɔ Damasko. ʔlɛta wie tʔ ʔ, nsantɔ lekpa ogyʔ wa mu. ⁴ ʔlɛdida ʔsɔlɔtɔ kpla. ɪnu olonu ʔmɛ kv. ʔmɛ amu lɛfitɛ mu ɔbɛɛ, “Saulo, Saulo, ntogyɪ sɔ fɔdɔn misɔ alɪ?”

⁵ Saulo lɛfitɛ ɔbɛɛ, “Fɔ ma nɪ, mɪ Wɪɛ?” Mɔu ʔmɛ amu lɛblʔa mu ɔbɛɛ, “Mɪ Yesu nɪ. Misɔ fɔdɔn nɪ. ⁶ Kusu, ʔfuyɔ wɔlɔtɔ ɪnu. ʔku ʔbɔsɔnʔa fɔ tʔʔ lehiʔn ʔni fɔbwe.”

⁷ Saulo ʔba ʔni mwa ʔmɔnyɔ bɔna besi lɪ dɪfn. Bonu ʔmɛ amu, tʔmɛ bɔmowun ʔhaa. ⁸ Saulo lɔkɔsɔ lɪ. Olobwiɪ ʔnsɪbi, tʔmɛ ʔmɛdɛ ʔtɔ wɔlɔn. Mɔ su bekɪtʔ mu ɪbɪ, kpʔa mu ʔba Damasko wɔlɔtɔ. ⁹ Oletsɪʔ nkɛnsʔa owɪtɔ omowun ʔtɔ. Omegyi ʔtɔ, omonu tɔtɔ ɛ alɪ brɛ ʔmɔtɔ.

¹⁰ Alɪ brɛ ʔmɔtɔ ʔ, Yesu ʔkasɪpɔ ʔku bɔ Damasko, butɛti mu Anania. Olowun ʔtɔ. Mɔtɔ ʔ, ʔni Wie Yesu lɔkpolɪ mu ɔbɛɛ, “Anania!”

Olotsulʔ ɔbɛɛ, “Mɪ Wɪɛ, mɪ nɪ.”

¹¹ Mɔu ʔni Wie lɛblʔa mu ɔbɛɛ, “Kusu, ʔɔ brɔnu ʔmɔu butɛti mɔ ʔkpa Tswɪhɛ’ amusu. Wie Yuda wɔyɪtɔ, ʔfɔfite oyin ʔmɔu ʔtsu Tarso, butɛti mu Saulo amusu. Alaba, ʔbɔ ɪnu ʔdɛ mpʔa bɔ. ¹² Alawun ʔni oyin ʔkɔʔ butɛti mu Anania laba bɔpu ɪbɪ dɪnkʔ mɔsu, mu ʔnsɪbi labwiɪ.”

¹³ Mɔu Anania lɛblʔa ʔni Wie ɔbɛɛ, “Mɪ Wɪɛ, nanu oyin ʔnfi ɪwɪ ʔsɔn. ʔliʔ ʔdɛpu lalaha gyɪ fɔ ʔhʔ ʔni bɔbu Yerusalem. ¹⁴ Igyɪ ʔhapɔ dɛhɛn amu ɛ bahʔ mu tɔmi bɛɛ, ʔbʔ Damasko bekɪtʔ ʔhʔ ʔni butɔbɔ mpʔa fɔ dʔtɔ fɛɛ.”

¹⁵ ʔni Wie lɛblʔa mu ɔbɛɛ, “Ya, mɪlalɛ mu mbɛɛ, ʔbweɛ mɪ ʔsɔmpɔ, ʔha ʔmʔ bʔmbʔtɔfɔ, ʔmɔ awie pu ɪsraɛlɔ fɛɛ ʔbɔbɪ mɪ. ¹⁶ Mɪ onutɔ nɔsunʔa mu ʔliʔ ʔbɔkɔku wun ɪpiʔn mɪ su.”

¹⁷ Mɔ su Anania lɔyɔ Yuda wɔyɪtɔ, ʔɔpu ɪbɪ dɪnkʔ Saulos, blʔa mu ɔbɛɛ “Opiɔ Saulo, ʔni Wie Yesu ʔmɔu ʔlɛlɛ ɪwɪ ʔwan sɪnʔa fɔ brɛ ʔmɔu fɛbʔ nfi ʔmu lʔwʔa mɪ fɔ wʔ. ʔbɛɛ, mbɛha fɔ ʔfulawun ʔtɔ, ʔɔɔ Wankihɛ ʔbɔla fɔtɔ.” ¹⁸ Tɔkwʔ igyɪ fɛ klemɛti ʔfwi lɛmʔn lɛ mu ʔnsɪbɪsu kpʔadʔ ɪnu. Mɔ su ʔlɛla ʔdɛ ʔtɔ wɔlɔn. ɪnu ʔlɔkɔsɔ, bɔbɔ mu ʔsɔ. ¹⁹ Beha mu ʔtɔ olegyi, ʔwɔnlin lɛlawie mu.

Saulo Bulu ʔsɔn ʔkanda Damasko

Saulo lɛtsɪʔ ʔkasɪpɔ amu wʔ nkɛ kpalɔbɪ. ²⁰ ɪnu ʔlɛnʔti ʔyɔ ʔmɔu ofiakpa, yɛfi Yesu ɪwɪ ʔsɔn ʔkan da ʔni ɔbɛɛ, “Yesu gyɪ Bulu mu bi ʔmu nɪ.”

* **8:36-37** Mɔtɔ yɛɛ 37 bɔ nwɔlɔ dada amu ʔkɔtɔ: Filipo lɛblʔa mu ɔbɛɛ “Nɪ fahɔ Kristo gyɪ tsɪ fɔ ɪklɔn fɛɛtɔ a, nɛtalɪ bɔ fɔ ʔsɔ.” ʔlɛblʔa Filipo ɔbɛɛ, “Ee, nahogyɪ mbɛɛ Yesu Kristo gyɪ Bulu mu Bi.”

²¹ Ahá ání bonu mu ason blíhé anfi fée onó lobwie amó. Mú su befité bee, “Megyí modé Yesu asúmpó má Yerusalem ní? Megyí amó okítákpá òlèba nfi, òkpa amó ya igyí ahapú dehen amó?”

²² Táme Saulo lélanya túmi blí asón ámu òwonlínso òbée, lélé Yesu gyí Kristo, (òhá ámóú Bulu ladá mu ofúli amó). Alá òlèhíe lé asón ámúto lèha Yudafo ání búbu Damasko inu bóbwe basaa. Búmowun móá bótsu.

²³ Nke tsòtsòtsò òma a, Yudafo ámu befia kíta agywun bee bómmo Saulo. ²⁴ Mú su betsiá gyó wúlu amó onó òpa onyé, méní bénya mu mó mu. Táme akú bowi tsá Saulosu bee, alí Yudafo ámu babwé agywun ní. ²⁵ Mú su èke òku onyé á, Saulo abúòpò amúto akú bòtsu mu wá lakpátó, pò mu tson ikwító kplí mu yi iban òma, òlèsrí náti.

Saulo Yerusalem Yo

²⁶ Bréá Saulo lówie Yerusalem a, òlòtsón òkpa kugyíkòsò ání obówie Yesu akasípó amúto. Táme bumohogyi ání alabwé akasípó. Mú su benya mu ifú. ²⁷ Inu Barnaba lékpa mu ya, yéle mu súná sumbí ayòpò amó. Òlèbláa amó alá aní Wíe léle iwí òwan súná Saulo Damasko òkpatá, mwa Yesunyo bató; pò alá Saulo lówa klón dá Bulu asón ámu òkan òwonlínso Yesu dátó Damasko wúluto. ²⁸ Mú su Saulo lówie amótó, beki Yerusalem wúluto. Òlòwa klón blí Bulu asón ámu Yesu dátó. ²⁹ Mwa Yudafo ámúto boteblí Griiki òblí amó betsiá tóí, gyi aba nwéen. Táme alí bré ámúto fée á, bode agywun bwe ání bómmo mu. ³⁰ Bréá mó afú lówóli ahógyipò amó a, bekpa mu yá Kaesarea, há mu òlenatí yó Tarso.

³¹ Mú su iwí lolwíí òpasua ání bú Yudea, Galilea pò Samaria òmátó. Òje Wankíhé lékpa amó bekleí, dan hógyito, betsiá tsiátá ílegyi aní Wíe Yesu ansí.

Aha Aku Ilo Tsa

³² Petro lénatí ki Samaria nkudasí. Èke òku òlèyékí Bulu ahá ání búbu Lida wúluto. ³³ Inu á, òlèyéfia oyin òkúá botetí mu Enea, òlesin tsukòle nfikwe ní. ³⁴ Petro lébláa mu òbée, “Enea, Yesu Kristo latsá fú ò. Kòsò kunta fú òklan.” Inu Enea lókòsò. ³⁵ Ahá ání bòtsie Lida wúluto pò Saron nsáinta fée bowun oyin ámu. Mú su bohogyi, bobuo aní Wíe.

³⁶ Òtsí òku bú Yopa wúluto, ogyi akasípó. Botetí mu Tabita. Mú dá ámu así Griiki òblíto gyí, “Dorka.” Mú así gyí, “Abre.” Yilé òbwepó ogyi. Òbu awítòle há ahíánfó. ³⁷ Bréá Petro bú Lida a, òlèda Tabitasò. Olowu, bebie mu ntsu, sí mu tswí abansóru kuto. ³⁸ Yopa móá Lida awúlu òmáfó aba wá. Mú su bréá akasípó amóú búbu Yopa amó bonu lowu ánfí á, bowa abi anyò sísí Petro bee, bobwíí ipa há mu, òwáa òsa tó amó. ³⁹ Inu Petro lówa òsa bwé, móá amónyo benatí. Bréá òlòbowie inu á, bekpa mu ya abansóru amúto. Wúlu amúto asorapú fée búbu fúli amó así. Bekpa pútá Petro bodesú, bode atadíeá Dorka lóbwe bréá otsie nkpa pòsúná mu. ⁴⁰ Petro légya asorapú amó fée lé òbu amúto. Mú òlèda akpawunu bó mpá, asa òlèdamlí kí fúli amó blí òbée, “Tabita, kòsò.” Inu Tabita lóbwií ansí. Bréá òlowun Petro a, òlòkòsò tsíá. ⁴¹ Inu Petro lékúá mó bu, òlòkòsò líí. Petro létí asorapú amó pò ahógyipò atráhe amó. Mú òlèpò Tabita súná amó ání alatsínkí. ⁴² Asón ánfí lekleí wá Yopa wúluto. Mú su ahá tsòtsòtsò bòho aní Wíe gyi. ⁴³ Petro létsíá Simon ání òtòyó òwóló-kpákpá iwí agyómá wá Yopa inu wá òpá.

10

Konelio Abi Wa Petro Wá

¹ Oyín òku létsíá Kaesarea inu, botetí mu Konelio. Ogyi Romafó isá akòpó òpasua kúá botetí mú Italia òhande. ² Òbu nsi Bulusúm iwí. Mwa mu wóyítófó fée bútosúm Bulu. Konelio tekíé Yudafo ahíánfó ató. Òtòbó mpáí há Bulu brégyíbré. ³ Èke òku Konelio lówun ató ntòpwe òsata. Mú atowunhe amúto á, òlowun Bulu-òbòpò ansí káín, Bulu-òbòpò amó lókpolí mu òbée, “Konelio!”

⁴ Ifú lekúá mu. Mú su òlesi òde Bulu-òbòpò amó kí. Mú òlèfité Bulu-òbòpò amó òbée, “Mí Wíe, nkálí igyi?”

Bulu-òbòpò amó lébláa mu òbée, “Bulu lahó fú mpá. Fú ahá ató kie é lagyi mu ansí. ⁵ Wa abi abuyo Yopa yetí Simon Petro ba. ⁶ Òlòyóswíí òwóló-kpákpá iwí agyómá òyòpó Simon wóyító, mantáa òpò onó.” ⁷ Bréá Bulu-òbòpò amó lénatí á, Konelio létí mu asúmpó abanyó ání búbu mu wóyító pò mu òbísufe ání ogyi isá òkòpó, otenyá Bulu ifú. ⁸ Òlèbláa amó asón ání òlaba fée, òlòwa amó sísí Yopa.

⁹ Mú òyi kèhe bókòsú báyó Yopa. Beta inu wie tá á, òbóbwe fé òpa dódíanyòto. Petro é dédu òyó òbu awunso mpáí òbòkpá. ¹⁰ Akón ihíe de mu. Mú su òlekle ání òbénya tóku wá onó. Bréá bode ató ámu nhrá há mu a, Petro lówun ató. ¹¹ Atowunhe amúto á, òlowun ání òsósó lafinkí, tókúá igyi fé òhráda téhíe, bode mu nsiébí ana, òlèkplí íbá òsólòsò. ¹² Òyító mbwí òtsan-òtsan, mbwíá búbu ayín, táme boteká abòno pò òyító mbubwí fée búbu òhráda amúto. ¹³ Mú òlonu òme kú lédalí òbée, “Petro, kòsò má mbwí ánfí afòwí.”

¹⁴ Táme Petro léle mú onó òbée, “O-o! Mí Wíe, bókúwí mí òpá á, mmakógyi tsá Yudafo amándíe lekisí ntée mú iwí metn kí.”

¹⁵ Ɔme amu léla bláa mu obée, “Máti tóá Bulu latu mu iwí atokisihé.” ¹⁶ Atowunhe amu pò òme amu léba tse sa. Mu ansítò mu á, botsu òhráda ámu ya osósú òtsáwule pé.

¹⁷ Bréá Petro dé nwuntò bu tsú atowunhe anfi iwí á, Konelio abí ámu é bafité wun Simon wóyítò, ba bulí òkpa ònó. ¹⁸ Konelio abí ámu bokpolí fité be, “Ɔfò òku tsie nfi, bütetí mu Simon Petro?”

¹⁹ Petro trá òde nwuntò bu tsú atowunhe amu iwí, Ɔhe Wankíhé lébláa mu obée, “Simon, ahá abasá ako baba bode fò dunká. ²⁰ Kusu bwe, afokpli yefia amó amlinatu. Mágyi nwéen, tsúfé mlawá amó fú wá.” ²¹ Inu Petro lékplí yótu amó, bláa amó obée, “Mígyi óhá ámuó mlidédunká ámu ni. Ntogyi só mliná?”

²² Ahá ámu bele mú ònó be, “Anumédé tsitsa. Isá akapó òhande Konelio aní otenyá Bulu ifú, Yudafo féé bütetí mu idayilé lówa aní fú wá. Bulu-òbòpu òku labebláa mu obée, óhá beti fú afuba mu wóyítò, méní obónu asón aní fòbu blí.” ²³ Mú Petro lékpa amó wá wóyítò, òleha amó òdikpa.

Ɔyi kehe a, Petro mua amónyo bokosó pò òkpa bòyo Kaesarea. Bréá bòyo á, ahógyipu akvá bobu Yopa un é bobuo amó yó. ²⁴ Mú Ɔyi kehe a, boyówie Kaesarea wúluto. Botsutsúa abowie un á, Konelio latí mu wóyítò ahá pò mu anyawie kláklá befia, òde amó òkpa kí. ²⁵ Bréá Petro lówie wóyí ámu ònó á, Konelio lókósó yefia mu, dá akpawunu mu ayabito súm mu. ²⁶ Táme Petro léha mu òlokosó. Ɔlebláa Konelio obée, “Kusu, máda akpawunu há mí. Nyankpasa mí é ngyi.” ²⁷ Petro mua monyò bona bütetó alu olowie wóyítò. Inu olowun aní ahá tsòtsòtsò bafia. ²⁸ Mú òlebláa amó obée, “Mli onutó mlyin aní Yudafo mbia meha òkpa aní Yudayin mua ómá bámbátóyin bobwée anyawie ntée òbòyo mu wá kpán. Táme Bulu lahá mí nabí aní mmáki mbéé òku iwí metin ntée amómu amándíé òkpasu. ²⁹ Mú só bréá fowa abí féé bóbéti mí á, mmòkpòkpò nwuntò ní. Amansu igyi? Bla mi.”

³⁰ Mú Konelio lébláa mu obée, “Nde eke náási, ntópwe òsato mbu wóyítò nde mpáí bò. Ɔsáwule pé á, nowun oyin òku lí mí ansítò. Oyin ámu lówa atadie fututú. ³¹ Oyin ámu lébláa mi obée, ‘Konelio, Bulu lanú fú mpáí. Fò ahá ató kie é lagyi mu ansí. ³² Mú sò wa abí aboyo Yopa wúluto yeti Simon Petro ba. Ɔwòlò-kpákpá iwí agyómá ayapó Simon wóyí òsowí. Otsie mantáa òpu ònó.’ ³³ Mú sò ununu nòwa abí sisi fò. Ibo aléá faba. Séí á, aní féé anlafia Bulu dátó. Anigyo aní Wie asón aní alapóhá fò obée, fubláa aní.”

Petro Asón Blíhé

³⁴ Mú Petro lótsu ònó blí obée, “Nawun aní lélé Bulu tamaki óhaa ansítò. ³⁵ Mboún óhá aní otenyá mu ifú, òtóbwé yilé asón otekle ómágyíómátò. ³⁶ Mlyin asón wankláán aní Bulu lóphá Israelfò. Asón ámu gyí, Bulu lapó iwílwí ba tsun Yesu Kristo, ahá féé Owie amosu. ³⁷ Mlyin asón kponkponi aní leba Yudea ómátò féé. Ilotsu así tsú Galilea ómátò, bréá Asú Ɔbapó Yohane léda asúbò òkan óma. ³⁸ Mlyin aní Wie Yesu Nasaretyin amu. Mlyin aní Bulu lópu mu Ɔhe Wankíhé pò túmi wá muto, oleki ótínegyíótíné bwé yilé, tsá ahá aní bobu òbonsám túmi asi ílò, tsúfé Bulu buo mu. ³⁹ Anigyi ahá aní anilówun mu bwéhé aní òbòwé Yudea pò Yerusalem ómátò féé ní. Beda mu mantá oyikpalíhesu mú mu. ⁴⁰ Táme mú eke saási a, Bulu lókósó mu, lé mu òwan, ahá bowun mu. ⁴¹ Megyi óyítò ahá féé lówun mu, táme aní ahá ámuó Bulu léle yáí obée, abwée mu adansífo ámu mú anilówun mu. Mu kósó tsú afúlitò óma a, ania monyo légyi, anilówí ní. ⁴² Ɔlehe aní obée, adáa mu ason wankláán ámu òkan suna ahá, agyi mu iwí adansie aní mogyí óhá aní Bulu laléá obégyi akiankpapu pò awupó féé asón ní. ⁴³ Bulu ònósó atópó amu féé beblí be lélé, óhagyíóha aní òlòhò Kristo gyi a, Bulu obési mu lakpan féé kíé mu Kristo dátó.”

Ómá Bámbátófo Ɔhe Wankíhé Nya

⁴⁴ Bréá Petro dé asón anfi blí á, Ɔhe Wankíhé lébá ahá ámuó bode mu asón ámu nu ámu féésó. ⁴⁵ Ɔnó lobwie Yudafo ahógyipu amó bobuo Petro ba uní ámu aní Bulu lapó mu Ɔhe Wankíhé amu kíé ahá aní òmegyi Yudafo. ⁴⁶ Tsúfé bowun aní ahá ámu bode òblí bámbá blí, buhéí bode Bulu kanfó. Mú sò Petro lébláa amó obée, ⁴⁷ “Bulu lahá ahá anfi é Ɔhe Wankíhé fé aní. Ɔku obétalí tin amó òkpa obée bómábò amó asú?” ⁴⁸ Mú sò òleblí obée, bubó amó asú Yesu Kristo dátó. Mú óma a, bokokóli Petro be, otsia amó wá kpalobí.

11

Petro Iwí Asón Ɔnóle Yerusalem

¹ Yesu sumbí ayapó ámu pò ahógyipu amó bobu Yudea ómátò ámu bonu aní ómá bámbátófo é bahò Bulu asón ámu. ² Mú sò bréá Petro lóyo Yerusalem wúluto á, mua ahógyipu akvá bütékéá ahá butin keté asa abowie opasua ámuto hebutí asón. Befité mu be, ³ “Ntogyi sò fayó ahá aní bometin keté wóyí, fóa amónyo mlílawá íbì gyi ató?” ⁴ Mú sò Petro léle asón aní òlebatò súná amó ikole-kole obée,

⁵ “Mbu Yopa wúluto nde mpáí bò nowun ató. Mótó á, nowun aní tókóá igyi fé òhráda téihé, bode mú nsiebí ana lékplí tsú osósó bá mí wá. ⁶ Nowun pututò-mbwi pò wúluto mbwi, mbwíá

bubu ayin, táme buteká abono pò oyító mbubwi fée óhráda ámòtò. ⁷ Ino nonu òme ku ledali bláa mi óbée, ‘Petro, kòsò ma mbwí ánfí afowí.’

⁸ “Móó nēblí mbée, ‘Mí Wíe, ekekeke. Bòkwí mí òpá á, mmàkògyi tóá Yudafo amándíé lekisi ntée mó iwí metun ku.’

⁹ “Móó òme amò lótsu òsòs lálbláa mi óbée, ‘Mátí tóá Bulu latin mó iwí atokisihé.’ ¹⁰ Tsesa sòón nowun atowunhe anfi. Mó òma a, ilelayínkí yó òsòs.

¹¹ “Alí bré ámòtò kén á, ayin abasá aková bowa mí wá tsú Kaesarea baba bolí wóyí ámóú ntsie mótó ámu ònó. ¹² Òhe Wankíhé lébláa mi óbée, mbúto amó yo, mmágyi nwéén. Apíó abasié ánfí bòtsú Yopa anfi é bobuo mi yó Kaesarea, aní fée anilóyo Konelio wóyító. ¹³ Konelio lébláa aní óbée, mowun Bulu-òbòpò òku mu wóyító, òlebláa mu óbée, ‘Wa abí aboyo Yopa yeti oyin òková botetí mu Simon Petro ba. ¹⁴ Òbēbláa fò asón aní fóa fú wóyító ahá fée mlòtsón mósó nyá nkpa.’

¹⁵ “Nenya tsú ònó ndetáí alí, Òhe Wankíhé léba amósó fē alíá íleba aniso eke gyankpapò amò.

¹⁶ Ino nekáín aní Wíe ason blíhésú. Óbée, ‘Yohane lópò ntsu bó ahá asú. Táme mli mó á, Bulu òbòpò Òhe Wankíhé bó mli asú.’ ¹⁷ Mó sò ní Bulu lapò mu atokiehé ámu kíé amó, fē alíá òlòpòkíé aní ahá ámóú anilóhò aní Wíe Yesu Kristo gyi amò a, mígyí ma aní nétin Bulu òkpa?”

¹⁸ Bréá sumbí ayópò ámu bonu asón ánfí á, besi Petro tóí wa, bekánfó Bulu bée, “Mómó Bulu lahá ahá aní bomegyí Yudafo òkpa óbée, amó é bódámli klòntò, abunya nkpa.”

Kristo Ọpasua Aní Ibo Antiokia

¹⁹ Stefano lowu òma a, bēdinká ahógyipò amòsò. Mó sò bēdasáín yó Foinike móa Kipro òsulòsò pò Antiokia wílutò. Yudafo nkule bēbláa Bulu ason wankláán ámu. ²⁰ Táme amótó áku mó bòtsu Kipro pò Kirene òmátó ba Antiokia bēbláa Griikifó ámu aní Wíe iwí ason wankláán ámu. ²¹ Aní Wíe Bulu lélí amó òma. Mó sò amótó ahá tsòtsòtsò bohogyi, dámli klòntò ba aní Wíe Yesu wá.

²² Yerusalem ọpasua ámu bonu asón ánfí. Mó sò bowa Barnaba sísí Antiokia. ²³⁻²⁴ Barnaba gyí òha wankláán, Òhe Wankíhé pò hógýí é itsò m̀tò. Bréá olowie Antiokia, olowun ahá Bulu lagyi amó buale a, ansí legyi mu. Mó òlòtáí kplá amó óbée, bopóv amó klon fēé òkula aní Wíe Yesusò, abogyi mu mblasò. Iní sò ahá tsòtsòtsò bòtsón mu asón ámòsò hò aní Wíe gyi. ²⁵ Mó òma a, Barnaba lóyo Tarso wílutò yódunká Saulo. ²⁶ Bréá olowun mu a, òlekpa mu ba Antiokia. Betsiá inu ofi òkole, tsíá fia ọpasua ámu, súná amó ató. Antiokia begyankpá tí akasípò amò bēe “Akristófó” ní.

²⁷ Bulu ònósó atópò áku bòtsu Yerusalem ba Antiokia alí bré ámòtò kén. ²⁸ Amótó òkole dá gyí Agabo. Òlokosó líí, blí Òhe Wankíhé túmító tswí óbée, “Akón k̀p̀nk̀p̀ntí ku bēba Roma òmátó fēé.” Ileba mótó bréá Roma Owíe Klaudio tsie obiásó. ²⁹ Akasípò amò bəbwe agywun bēe, amótó okugyiòku obòdunká tóá obénya, abopu yekie apíó ahógyipò aní bubu Yudea òmátó. ³⁰ Begyi dúnká mósó, bopohá Barnaba mu Saulo bopuya ọpasua ámu ahandé.

12

Petro Obudi

¹ Alí bré ámòtò á, Owíe Herode lédunká ọpasua ámòtò akòsò, wá amó amumoyo. ² Òleha betin Yohane mu pio Yakobo odayító. ³ Herode lówun aní ibo Yudafo ámu ódwe. Mó sò omesi, òleyékítá Petro é. Alí bré ámòtò bode Israelfó Bodobodo Mátúhénkē gyi. ⁴ Mó sò bréá òlekítá Petro a, òlòpò mu tswí obu, òlele isá akòpò dúasie óbée, bòtsiá gyo mu iwí abaná-abaná. Òlòbwe agywun óbée, begyi Nkē ámu tá á, mégyi Petro asón dunsò. ⁵ Bowa Petro obu, táme ọpasua ámu bəbò mpái kinkínkín há mu.

Petro Obule

⁶ Onyé asa oyí óbēke Owíe Herode óbēle Petro ba dunsò begyi mu asón á, bowa Petro ikan anyò kéké, óda ódēdidi isá akòpò abanyò nsiné. Isá akòpò áku é bulí bode obu ámu ònó gyo. ⁷ Òtsáwòle pé á, Bulu-òbòpò òku lébelí amó wá obuto inu, inu fēé lówankí. Bulu-òbòpò amò lópò ibí da Petro abuntò, oletsinkí. Òlebláa Petro óbée, “Wa ọsa kòsò.” Inu ikan amò lówóí lé mu ibí. ⁸ Móú Bulu-òbòpò amò lébláa mu óbée, “Kòsò pò òfé klí osiétó, afòtsu fú ntókota wa.” Petro lóbwe. Móú òletrá bláa Petro óbée, “Tsu fú ligá wa afoba ayò.” ⁹ Petro lóbuo Bulu-òbòpò amò dáli obu ámòtò. Inòwankí Petro ní akiankpato ntée atowunhetò Bulu-òbòpò amò dé mu asón bláa. ¹⁰ M̀ba Bulu-òbòpò amò bòtsón obu-ònó gyankpapò pò nyòsò agyópòsò. Bēba bətò dátò iklon aní f̀p̀udáíí wie wílutò. Iklon amò onutó lefinkí há amó bòtsón. Bòpòtsón brənu kusu bəyá á, Bulu-òbòpò amò lófwí sí Petro.

¹¹ Bréá Petro ansító letití mu a, òlèbí óbée, “Séi mó nawun aní lélé Bulu lawá mu òbopu, alabelé mí Owíe Herode ibí pò tóá Yudafo bode òkpa kíto.”

¹² Iníá Petro lówun mó alí sò á, òlenatí yó Yohane aní butetráa tí mu Marko mu yin Maria wóyí. Alí bré ámòtò á, ahá tsòtsòtsò bafia inu bode mpái bə. ¹³ Petro léda amó iklonsò, osúmbi tshé òková botetí mu Rode lēbēki óhà aní ogyi. ¹⁴ Bréá Rode lēbú aní Petro òme ní á, ansí lehē

gyi mu. Mú sɔ ɔletan obu ámu finki. Mbóun oleyinkí srí yébláa amó ɔbée, “Petro laba ɔlí obu-ɔnɔ.” ¹⁵ Ahá ámu bebláa mu bée, “Fó nwun layintá.” Táme ɔlayɔ mósó, ɔdeblí ɔbée, “Lélé a.” Mú sɔ bebláa mu bée, “Mómó fiáli Bulu-ɔbɔpɔá ɔteki Petrosɔ ní.”

¹⁶ Alí bré ámɔtɔ féé á, Petro trá ɔde ikɔn amósɔ da. Bréá bɔyɔ yéfinki mú, bowun Petro a, ɔnɔ lobwie amó. ¹⁷ Petro lóbwe ibi súná amó ɔbée bokásɔ, ɔdebláa amó alí aní Wíe lalé mu obu. ɔlebláa amó ɔbée, “Mlɔbla Yakobo mɔa apíó ahógyipɔ atráhe amu asón ánfí.” Mú ɔlenatí amó wá yó ɔtɔne bambá á.

¹⁸ Bréá ɔyí lɛke a, isá akɔpó ámu féé begyigyáa, fité aba bée, “Nkú Petro me?” ¹⁹ Owíe Herode léha bodunká Petro ɔtinegyiɔtíné, táme bɔmowun mu. Mú sɔ ɔleti obu adɔpósó akípɔ amu, fité amó asón, ɔleha bɔmɔ amó.

Mú ɔma a, ɔlenatí Yudea ɔmátó yétsiá Kaesarea wúluto nkensá kɔ.

Owíe Herode Lowu

²⁰ Bré kɔtɔ á, ɔblí lehie kítá Owíe Herode Tiro mɔa Sidonfɔ sɔ. Mú sɔ awúlu anyɔ ánfí bele abí bée buyókokólí mu, iwílwíi itsia amó nsuné. Tsúfé Owíe Herode ɔmátó bɔtenyá atogyihe tsú. Ahá ámu begyankpá yéle asɔntó súná Owíe Herode wóyísɔ ɔkípɔ ɔkɔá butetí mu Blastɔ, olɔtsulá gya amó nkpá bɔyɔ Owíe Herode wá yókokólí mu.

²¹ Owíe Herode léhie amó ɛke. ɛke ámu lɔfon a, ɔlehihie iwí dalí betsiá mu obiásó, bláa amó asón. ²² Ahá ámu bɔkplón blí bée, “Megyí nyankpɔsa détoí, mbóun ɔkpi détoí o!” ²³ Inu Bulu-ɔbɔpɔ léda Herode, anyambi bɔwí mu, olowu. Tsúfé ɔmɔpɔ numnyam há Bulu.

²⁴ Bulu asón layɔ mósó, kléi yó tsútsúútsú.

²⁵ Barnaba mɔa Saulo bɔyɔ amó agyómá tá Yerusalem, bekpa Yohane ání butetráa tí mu Marko buo iwí yínkí yó Antiokia.

13

Barnaba Mva Saulo Sumbi Wa

¹ Bulu ɔnásó atáipɔ pɔ ató asunápo akɔ betsiá Antiokia ɔpasua ámɔtɔ. Amógyí: Barnaba, Simeon ání butetí mu Obibi, Lukio ání otsú Kirene ɔmátó, Manaen ání beyai mɔa Galilea ɔmásó ogyípɔ Herodenyɔ tsukɔle pɔ Saulo. ² Bréá beklí ɔnɔ, bɔde aní Wíe súm á, ɔhe Wankíhé lébláa amó ɔbée, “Mlɔle Barnaba mɔa Saulo ha mí, abɔyɔ agyómá ámúɔ neti amó mbée bubɔyɔ ámu.”

³ Mú sɔ bréá beklí ɔnɔ ámu bó mpáí tá á, bɔpɔ ibi dínká amó nwunso, sí amó ɔkpa.

Barnaba Mva Saulo Kipro ɔsolóv Yo

⁴ ɔhe Wankíhé lɔwa Barnaba mɔa Saulo sumbí. Bɔyɔ Seleukia wúluto yótsu ntsusu-yibi fá yó ɔsolóv kɔá ibu ntsu nsuné, butetí mú Kiprosɔ. ⁵ Bréá bowie wúlu kɔá ibu ino, butetí mú Salamisɔ á, bɔyɔ Yudafo ofiakpa yéda Bulu asón ámu ɔkan. Yohane ámúɔ butetráa tí mu Marko amó é lóbua amó yétsa amó agyómá yɔ.

⁶ Bedali Salami wúluto, benatí alu bowie ɔsolóv kɔá butetí mú Pafosɔ. Inu befia ɔfápɔ kpɔnkpɔnti ɔkɔá butetí mu Bar-Yesu. Ogyi Yudayin, ɔtɔwá afunu ɔbée Bulu ɔnásó ɔtáipɔ mogyi. ⁷ Mu nyawie gyí ino ɔmásó ogyípɔ Sergio Paulo. ɔmásó ogyípɔ anfi létun ansí. ɔlɔwa beyéti Barnaba mɔa Saulo ba mu wóyító. Tsúfé odekléá mónu Bulu asón. ⁸ Táme ɔfápɔ Bar-Yesu anfi mu dá asi gyí, Elima Griiki ɔblítɔ anfi méha amó ɔkpa abɔbla ɔmásó ogyípɔ amu Bulu asón ámu. ɔlɔbɔ mbódí ání ɔmásó ogyípɔ amu mánu Yesu iwí asón ámu, fówun ɔmóɔho mósó gyí. ⁹ Inu ɔhe Wankíhé lɔbulá Saulo ámúɔ bɔde mu tí Paulo ámɔtɔ, olesi ɔlí ɔde ɔfápɔ amu ansító kí. ¹⁰ Mú ɔlebláa ɔfápɔ amu ɔbée, “ɔbɔnsám mu bi, fotekísí ití wankláán kugyiko. Fapɔ ahámlé pɔ lalahégyí bwé fó agyómá. Mú sɔ foméesi Bulu ɔnkwalí amu afunuto wa?” ¹¹ Kí, Bulu ɔbébutí fó isɔ. Fó ansíbi bóbwie. Fóméetrá wun ɔyí kehetɔ owí alu yófon bré kɔ.”

Inu Elima ansító lokɔn mu. Mú sɔ ɔlɔwa tatápu bi, ɔde ɔko dunká ɔkita mu oyító. ¹² Bréá ɔmásó ogyípɔ amú lówwun tɔá ilaba a, ɔlɔho aní Wíe gyí. Aní Wíe iwí asón ámúɔ bɔde mu suná ámu léha ɔnɔ lobwie mu.

Barnaba Mva Paulo Antiokia Aní Ibv Pisidia ɔmátó Yo

¹³ Paulo mɔa mu aba ámu bɔtsu ntsusu-yibi tsú Pafɔ wúluto yó Perge ání ibu Pamfilia ɔsolóvɔ. Táme Yohane Marko mú léyinkí amó ɔma tsú inu yó Yerusalem. ¹⁴ Bɔkɔsɔ tsú Perge yó Antiokia ání ibu Pisidia ɔsolóvɔ. ɔkpúnɔ ɔdaké á, bɔyɔ inu Yudafo ofiakpa yétsiá asi. ¹⁵ Bekla ató tsú Mose Mbla pɔ Bulu ɔnásó atáipɔ nwlótó ta á, ofiakpa amu ahande bɔwa abí beyébláa Paulo aná bée, “Apíó, ní mlidé asɔvankɔá mléblí pówá ahá ánfí ɔwɔnlín á, ɔkpa da.” ¹⁶ Mú Paulo lɔkɔsɔ líí, ɔlɔbwe amó ibi ɔbée bokásɔ. Mú ɔlebláa amó ɔbée,

“Apíó Israelfɔ pɔ ɔmá bámbásófɔá mlitenyá Bulu ifú, mliyaa asɔ amlɔnu. ¹⁷ Israel Bulu léle aní anáin bwé mu ahá. ɔleha bekléi bréá bɔgyi afɔsɔ Egipte ɔsolóvɔ. ɔlɔpɔ mu túmí kpɔnkpɔnkpɔnti kpá amó dalí ɔmá ámɔtɔ. ¹⁸ Olenya kɔn kpá amó nfi adɔana (40) kéké

dimbí ámuvu. ¹⁹ Oleyintá omá asienó kéké Kanaan osolóso, oleye amó osolóso amu póbwé siadé há aní anáin. ²⁰ Nfi lafana aduenu (450), olapubwé iní fée há amó.

“Mú oma a, oleha asón agyíró bekpa amó alu bətu Bulu onósó otáíró Samuel. ²¹ Bréá bebláa Bulu beé oyáí awíe ha amó á, Bulu léyáí Kis mu bi Saulo owíe há amó. Saulo otsú Benyamin abusuanto. Olegyi iwíe nfi aduana (40). ²² Bréá Bulu lékplí mu a, oleha beyáí Dawid obíasó há amó. Asón ánti Bulu léblí tsú mu iwí ní. Obéé, ‘Yisai mu bi Dawid gyí ohá aní mí klón dun muvu, tsúfě obóbwe tógýtáá nébláa mu mbéé obwéé.’

²³ “Dawid anfi abí-anátó Bulu labelé Yesu tsú há Israelfo obéé, obwéé amó Olepó fě alíá olehie yáí. ²⁴ Asa Yesu lébá a, Asú Obəpó Yohane légyankpá dá okan súná Israelfo fée obéé, budámli klontó, aboha mu obó amó asú. ²⁵ Bréá Yohane obá bəmə mu agyómá onó á, olefité ahá ámu obéé, ‘Ma mlidésusú mhaa ngyi? Megyi mígyí ohá ámóú mlidé okpa kíu amu. Mu mú obéba mí oma. Mməfon aní nówóí mu ntókota.’

²⁶ “Mí apíó, Abraham abí-aná pó omá bámbásófá mlitenyá Bulu ifú, mlyaa asu amlinu. Anigyi ahá aní Bulu ləpə nkpahó asón ámu sísí. ²⁷ Yerusalem atsiápó pó amó ahande bəməbi aní Yesu gyí Olepó. Bəmenya Bulu onósó otáíró amu asón aní bəwanlín tswí asu. Butekla mú okpónó odaké kugyíkə. Táme begyi Yesu asón, há mu ipón, mó mu; oleha Bulu onósó otáíró amu asón ánti leba mótó. ²⁸ Bəmenya Yesu iwí asón kukwá bélí mósó mó mu, táme bebláa Pilato beé ohá abəmə mu. ²⁹ Mó su bréá bəbwe tsá bəwanlín tsú mu iwí fée tá á, bele mu tsú oyikpalíhe aməvu yópulá mu. ³⁰ Táme Bulu ləkəsóa Yesu tsú afúlitó. ³¹ Mó oma a, oletsíá le iwí súná ahá ámóú mva amónyə benatí tsú Galilea yó Yerusalem amu bré tsətsətsə. Ahá ánti gyí ahá aní bude mu iwí adánsie gyí suná Israelfo ní.

³²⁻³³ “Aní mú anidé mli ason wankláán ámu bláa. Mógyí, Bulu labwé tó ámóú olehie aní anáin amu há amó abí-aná. Amógyí aní á. Tsúfě alakósóa Yesu tsú afúlitó há aní, fě alíá bəwanlín wá Israelfo lə nyətsətsə beé, ‘Mí Bí gyí fú.

Nde nabwé fú Sí.’

³⁴ Bulu létrá tóí tsú Yesu kosó tsú afúlitó pó mu oyolóv amóú imóopló wá obótó ekekeke ámu iwí obéé,

‘Nópo mí oyúla wankíhé amóú nehie mbéé, ibwé alígyialíá nópohá Dawid amu há mli.’

³⁵ Owíe Dawid é létrá lawánlín wá Israelfo lə bámbátó obéé, ‘Fómécha fú osúmpó wankíhé mósopló wá fúli obótó.’

³⁶ Owíe Dawid lósum Bulu mu nkpato, bwé Bulu apé tá á, olowu, bopulá mu mu anáinto, oləpló. ³⁷ Táme Yesu anfi Bulu ləkəsóa tsu afúlitó ánti mó móspl. ³⁸⁻³⁹ Mó su apíó, mlunu asón ánti anidé mli bláa anfi asu. Yesu anfi nkolesu mlótsəon nya lakpansikié. Mose mbla métalí há amlygyí asu Bulu ansító. Táme ohagyíloha aní alaha Yesu anfi gyí obégyi asu Bulu ansító. ⁴⁰ Mó su mlíkí wankláán, méni asón ámóú Bulu onósó otáíró beblí tswí amu méeba mlisú. ⁴¹ Asón ámu gyí,

‘Asón ámu iwá mli

ahá aní mlitwá Bulu asón nyányáa ifú, amlíwu.

Tsúfě ní nde oku oblí gyoma aní ndegyí mlitə kóráá á, mlimóohogyi.’ ”

⁴² Bréá Paulo mva Barnaba bədədalí Yudafó ofiakpa inu á, ahá ámu bəkolí amó beé bubá okpónó odaké ámóú íbá ámu, abətra bətəí tsu asón ámu iwí suna amó. ⁴³ Bréá ahá ámu bədalí Yudafó ofiakpa inu á, Yudafó tsətsətsə pó omá bámbátó abí aní bawíe Yudafó osúmtó bekplá buo Paulo mva Barnaba. Mó su sumbí ayəpó ánti bətəí kplá amó beé, bəpəv ansí dinka Bulu awitəlesu.

⁴⁴ Okpónó odaké amóú bebláa amó beé bubá amu lófəon á, ileisi kpalobí tekí ahá beta wúlu amotə. Amó fée beba Bulu asón onukpá Yudafó ofiakpa inu. ⁴⁵ Bréá Yudafó bowun odəm amu a, Paulo aná iwí lówa amó olu. Iní su begyi Paulo ason blíhé amu nwéen, síá mu. ⁴⁶ Táme Paulo mva Barnaba bəwa klən bláa ahá ámu beé, “Tekí mli lehián aní abégyankpá bláa Bulu asón ánti. Táme inuá mlilékíná mó nu, mlidé mli iwí kíu mhaa, mliméhián nkpa aní itamatá ámu su á, anulayínkí ayó omá bámbásófó wá. ⁴⁷ Tsúfě alí Bulu lówa aní ní. Obéé, ‘Nápó fú bwé okandíe há omá bámbásófó.

Jyító ahá fée bətsəon fəsvə nyá nkpa aní itamatá.’ ”

⁴⁸ Bréá omá bámbásófó ámu bonu asón ánti á, ansí legyi amó, békankfó aní Wíe asón ámu. Inu ahá aní Bulu lalé obéé, bunyáa nkpa aní itamatá bəhə asón ámuvu gyí.

⁴⁹ Aní Wíe asón ámu ilekleí wíe omá ámótə otínegyíotíné. ⁵⁰ Táme Yudafó ámu pó atsiá bubu Yudafó osúmtó, obú bu amósó pó wúlu ahande bəkəsó líí Paulo mva Barnabasə, gya amó lé omá ámótə. ⁵¹ Sumbí ayəpó ámu bekpakpáa amó ayabito-isi wólí amó nwunso, benatí yó lkonion wúlutə. ⁵² Táme Jhe Wankíhé pó ansigyí lobulá Antiokia akasípó amotə.

14

Paulo Mwa Barnaba Bulu Asón Bli Ikonion Wúlutu

¹ Ikonion wúlutu é á, alí kén Paulo mwa Barnaba bəyo Yudafu ofiakpa ni. Beblí Bulu asón unu wankláán. Mú so Yudafu pú Griikífu tsətsətsə bəho Yesu gyi. ² Táme Yudafu amóu bəmohogyi amu bətoí wá amátəfu ámu asətu, há amú bəkusu líi ahógyipə amusu. ³ Ifú mekitá Paulo mwa Barnaba. Betsiá unu wá əpá bli aní Wíe Yesu asón ámu wankláán. Yesu é léli amú əma, so bəbwe ofúla pú osúna pəsúná áni mu awitəle asón amóu bədebli ámu igyi ənakwal. ⁴ Mú so wúlu amotə iləboí anyə. Ako bobuo Yudafu ámu, ako é bobuo sumbí ayəpə ámu.

⁵ Mú əma a, Yudafu, amátəfu pú amú ahandə bəbwe agywuun bəe, bəwa sumbí ayəpə ámu iwətsuntə, dá amú abwi mú. ⁶ Sumbí ayəpə ámu bonu asón ánfí. Mú so bəsrí yó Likaonia awúlu yilé Lистра mwa Derbe pú awúluá ɪbu mantáa inusu. ⁷ Bəda ason wankláán ámu əkan unu é.

Paulo Mwa Barnaba Gyumagyihe Lистра Mwa Derbe

⁸ Oyin əku létsiá Lистра wúlutu, bəkwí mu ɪbu. Əmókókósú líi mu ayabisu ki. ⁹ ɪbu anfi tsie əde Paulo ason blihé nu. Paulo lési líi ki mu alu, olowun áni alahogyiá Bulu əbətali tsá mu. ¹⁰ Mú so ələkplón kəklókúu bli əbée, “Kosu lu fú ayabi anyəsu.” Inu oyin ámu lókusu ətsáwəle pé, wá natí bu. ¹¹ Bréá ədam amu bowun tsá Paulo labwé á, bəkplón bli Likaonia əblitə bəe, “ɪkpi ámu badámli anyánkposə kplí ba aní wá.” ¹² Mú so bəpu amú əkpi kponkponti dá tí Barnaba bəe, “Seus.” Bəpu mu ətsiámu dá tí Paulo bəe, “Hermes,” tsúfə Paulo líi amú ənə, ədətəi ní. ¹³ Əkpi Seus ətswékpa bu wúlu ənə. Seus igyi əhapú lóyopu nnantswie pú oyí ntswítswí ba wúlu ənə unu. Tsúfə mwa ədam amu bədekléa bətswe sumbí ayəpə ámu.

¹⁴ Bréá Barnaba mwa Paulo bonu tsá bebá bəbwe á, bəkitá amú atadiə bálí. Ilosuná áni bəmotsulá dinká itə amóu bebá bəbwe amusu. Bəsrí wíé ədam amotə bli bəe, ¹⁵ “Ntogyi mlidé inu bwe? Aní é anyánkposə anigyi fé mlí. Bulu ason wankláán abá bebláa mlí, amlisi atəkpan ánfí əmagyáa bobuo aní Wíe Bulu Əkiankpapu. Məlóbwe əsə mwa asi, əpu pú mótə atə féé. ¹⁶ Bímí ámu a, olesi əkpa há əmagyíamá áni bəbwéé tsá bədeklé. ¹⁷ Táme mú ó á, Bulu mókósi atə wankláán tsətsətsə bwe, pəsúná áni mbəu unu. Mutéhá nyankpu tətswie, mlí ndətə atə təwá alé. Mutéhá mlí atogyihe, ətəhá ansí tegyi mlí.” ¹⁸ Paulo aná ason blihé anfi féé əma a, ɪbwa ənlun asa bətali ká ədam amu tin bəe, bəmatin mbwi wólí amú ayabiasí tswe amó.

¹⁹ Mú əma a, Yudafu ako bətsu Antiokia áni ɪbu Pisidia əmátə pú Ikonion wúlutu ba beblí asón pótse ədam amu agywuun, bəkusu líi Paulosu. Bəda Paulo abwi, bítiá mu dáh wúlu amotə. Buki bəe alawú, so bəsi mu tswi. ²⁰ Táme bréá akasípú amu bebə bobomlí Paulo a, ələkúsu yinkí yó wúlu amotə. Mú əyi kəhe a, mwa Barnaba bənati yó Derbe wúlutu.

Antiokia Aní ɪbu Siria Əmátə Yinkí Bá

²¹ Paulo mwa Barnaba bəda ason wankláán ámu əkan Derbe. Ahá tsətsətsə bədamli kləntə mlí Yesu akasípú. Múu bəlayínki yó Lистра, tsəy yó Ikonion alu bəbədali Antiokia áni ɪbu Pisidia əmátə. ²² Inu Paulo mwa Barnaba bəwa akasípú amu atətə-ənlun bəe, bəkíta hógyi amotə. Bebláa amú bəe, “ɪlehián áni abətsəun ipian tsətsətsətsə asa abówie Bulu iwiegyi ámuotə.” ²³ Botú əpasua kugyíku á, bətəkí ənə bə mpái, yáí ahandə há amú, pú amú wá aní Wíe amóu amú ansí dín muəsu ámu ɪbitə.

²⁴ Beki Pisidia əmátə əpasua ámuəsu tá á, bebə Pamfilia əmátə. ²⁵ Bəda Bulu ason wankláán ámu əkan Perge wúlutu. Bəkusu tsú unu yó Atalia wúlutu. ²⁶ Paulo mwa Barnaba bəlatsiá ntsusu-yibitə tsú unu bowie Antiokia. Inu gyí ətínéá ahógyipə amu begyankpá klí ənə bə mpái, áni Bulu əwáa awitəle ha amú, méni bəyo agyómá ánfí bamú ənə ánfí ní.

²⁷ Bréá bowie Antiokia a, bəti əpasua ámu féé fia. Bebláa amú alíá Bulu lapú amú gyi gyoma, pú alíá Bulu lahá ahá áni bəmegyi Yudafu é bahə mu gyi. ²⁸ Betsiá akasípú amu wá nke tsətsətsə.

15

Sumbí Ayəpə Pú Əpasua Amu Ifta Yerusalem

¹ Bréá Paulo mwa Barnaba bəbə Antiokia a, ayin ako bətsu Yudea əmátə ba unu. Bosuná ahógyipə amóu bəmegyi Yudafu ámu atə bəe, ní bəməkótin keté Mose mbəla ənə á, Bulu mətəho amú nkpa. ² Paulo mwa Barnaba bəkusu líi asón ánfisu. Mú so amúá atə asunápú amu begyi mú nwéen kinkíinkín. Inu so beblí bəe, bəwa Paulo mwa Barnaba pú Antiokia ahógyipə amu ako Yerusalem, abəyowun Yesu sumbí ayəpə pú unu əpasua ahandə amu tsú asón ánfí ɪwi.

³ Əpasua ámu bəsi ahá ámu əkpa bənati. Bréá bəyó á, bəna Foenike pú Samaria əmátə. Bebláa unufə ámu bəe, ahá áni bəmegyi Yudafu é bədamli kləntə ba Bulu wá. Asón ánfí lehiə wá ahógyipə amu féé ansigyi. ⁴ Bréá bowie Yerusalem a, əpasua ámu, amú ahandə pú sumbí ayəpə ámu bəho amú atúu. Paulo aná bebláa amú tsá Bulu labwé tsun amósó féé. ⁵ Táme ahógyipə amu akwá bətsu Farisifətə bəkusu líi bli bəe, “ɪlehián áni əmá bəmbásófə ámu bətin keté, gyi Mose mbəla əsú.”

⁶ Sumbí ayǎpó ámu pú ɔpasua ahande amu befia yɔ asón ánfito. ⁷ Bɛbutí asón ánfí wá ɔpá. Mú ɔma a, Petro lǎkɔsó líí, bláa amó ɔbée, “Mí apíó, mliyin ání tsú bré koto á, Bulu léle mí tsú mlíto ɔbée, mbláa ahá ání bomegyí Yudafo mu ason wankláán ámu, méní amó é bónu, ho músó gyí. ⁸ Bulu yín nyankpusa klɔntɔ. Ɔɔpɔ Ɔɔɛ Wankíhé amu há amó, fɛ alíá ɔpɔháhá aní pɔsúná ání alahó amó. ⁹ Olosuná ání bomegyí ɔsan há aní, tsúfɛ ɔleha amó klɔntɔ letun bréá amó é bohogyí. ¹⁰ Ntogyí su mlidé Bulu sɔo kí? Ntogyí sɔ mlidépu Mose mbla ánfí ania aní anáin anumétalí gyí músó ánfí han akasípó anfi? ¹¹ Ɛkɛkɛkɛ! Anilahogyí ání Bulu ɔbɔtsɔn aní Wíe Yesu awítólesu ho aní nkpa fɛ amó.”

¹² Bréá Petro lǎtɔí tá á, aɔfapɔ amu fɛé bɔbwe díín. Mú Paulo muá Barnaba bebláa amó alíá Bulu lǎtsun amósó bwé ofíla pú osúna tsɔtsɔtsɔ ahá amósó bomegyí Yudafo ámu. ¹³ Bréá Paulo muá Barnaba bɔtɔí tá á, Yakobo lóyo músó ɔbée, “Apíó, mliyaa asu amlínu. ¹⁴ Simon Petro labláa aní ɔbée, Bulu légyankpá lé súná ání otekle ahá amósó bomegyí Yudafo ámu asón. Mú su ɔlele amótó ako bwé mu ahá. ¹⁵ Asón ánfí pú Bulu ɔnásó atáipó amu ason bíhíe labwé kole. Tsúfɛ bɔwanlín wá Bulu asón ámu bɛe,

¹⁶ “Bulu ɔbée. Iní ɔma a, nélatsú Dawid iwíegyí amóú iladida ámu kósó.

Nélayi mú abuntíí fɛé,

há mú béli wankláán,

¹⁷ méní aha tráhe amu pú amóá bomegyí Yudafo, mí dá dun amósó fɛé bódunká míá ngí amó Wíe, wun mí.

¹⁸ Alí mí, mli Wíe Buluá

nele iní súná tsú bímbí ndeblí ní.’

¹⁹ “Iní su tsá mí Yakobo ndeblí gyí, mli máha apu asoanso kíklí ahá ánfí bomegyí Yudafo, badámlí klɔntɔ ba Bulu wá ánfí. ²⁰ Mboún mliha awanlín ɔwóló bláa amó aniaa, bómágyí atogyihéá bapóhá ikpí, tsúfɛ mú iwí metun. Bómáwa atsí múa ayin asón. Bómágyí ɔbwiá bɔpúsáa mu mósó obugya. ²¹ Tsúfɛ bímbí ɔpá á, bɔtɛdá Mose mbla ámu ɔkan wúlugyiwúluto, bɔtekle mú Yudafo ofiakpa kugyíko ɔkpónó ɔdaké é.”

Ɔwóló Pɔsísí Ahógyipá Bomegyí Yudafo

²² Mú su sumbí ayǎpó ámu, ɔpasua ahande amu pú ɔpasua ámu bɔbwe agywun bɛe, bele ayin ako tsú amótó abɔbuo Paulo muá Barnaba yɔ Antiokía. Bele Yuda ání bɔtɛtí mu Barsaba muá Silas. Amó fɛé bɔgyí akpapó há ahógyipɔ amu. ²³ Ɔwóló ání bɔpóhá amó bɔpuyáto asón gyí:

“Ahógyipá mli mégyí Yudafo, mli bu Antiokía, Siria pú Kilikía ɔmátó. Mli apíó sumbí ayǎpó pú ɔpasua ahande dé ɔwóló ánfí wanlín sísi mli.

“Anidé mli itsiá ha.

²⁴ “Anilónu ání aní apíó ako bɔtsu anito ba mli wá unu, bɔpɔ asoanku kíklí mli, póyintá mli agywun. Anumókówá amó. ²⁵ Iní su anilafia, tsúlá ání abéle aha ako abɔkpa aní apíó adwepó Barnaba muá Paulo ba mli wá. ²⁶ Ahá ánfí lási amó nkpa há aní Wíe Yesu Kristo agyómá ámu su ní. ²⁷ Mú su anidé Yuda muá Silas wa aniaa, bɔpú ɔnó bebláa mli asón amósó andawánlín wá ɔwóló ámu ámu kɛn. ²⁸ Ɔɔɛ Wankíhé lalé súná aní, aní é anilahó mú ání una aléá abɔpɔ atɔ dwindwín kuku sórá mli, dun mbla ánfí mú iwí dehián anfi. ²⁹ Mbla ámu gyí, ‘Mli mágyí atogyihéá bapóhá ikpí. Mli mágyí ɔbwiá bɔpúsáa mu mósó obugya. Mli máwa atsí múa ayin asón.’

“Ní mlidé mbla ánfisɔ gyí a, ibówa alé há mli. Anilafon nfi.”

³⁰ Bɔwanlín ɔwóló ánfí há amó tá á, besi amóá sumbí ayǎpó ámu ɔkpa bɔpuya Antiokía. Boyówo unu tí ahógyipɔ amu fɛé fía, pú ɔwóló ámu wá amó ibɔ. ³¹ Bekla ɔwóló ámu a, ansí lehie gyí amó, tsúfɛ mótó asón leha klɔn ledí amó asi. ³² Yuda muá Silas, bɔgyí Bulu ɔnásó atáipó amu bɔtɔí kplá amó wankláán pówá amó ɔwanlín, wá amó atɛto-onlín. ³³⁻³⁴ Betsiá amó wá nke kpalóbí, ɔpasua ámu lési amó ɔkpa iwílwíito, beyinkí yó ahá amósó bɔwa amó sumbí ámu wá.*

³⁵ Paulo muá Barnaba é betsiá Antiokía unu yófon bré ku. Amóá unu ahógyipɔ amu ako betsiá súná ató, tsíá dá aní Wíe ason wankláán ámu ɔkan.

Paulo Muá Barnaba Abasómáin

³⁶ Bré ku ɔma a, Paulo lébláa Barnaba ɔbée, “Ha ayinkí yɔ awúlúá anladá aní Wíe ason wankláán ámu ɔkan fɛésó, ayekí alíá bɔtsie.” ³⁷ Barnaba lékléá békpa Yohane ání bɔtɛtí mu Marko buo iwí. ³⁸ Táme Paulo léblí ɔbée, uma aléá Marko obóbuo amó, tsúfɛ ɔmetrá buo amó abuyɔ Bulu agyómá ámu. Oleyinkí amó ɔma tsú Pamfilia wúluto ɔpá. ³⁹ Paulo muá Barnaba bepríu asón ánfí kinkínkín, íleha bemaín abaso. Barnaba lékpa Marko buo iwí, bɔtsu ntsusuyíbi yó Kípro ɔmátó. ⁴⁰ Paulo é lékpa Silas buo iwí, Antiokía ahógyipɔ amu bɔpɔ amó wá Bulu

* 15:33-34 15:34 Mótó yéé 34 bu nwóló dada amu akoto: Táme Silas mú lóbwe agywun ání obésin Antiokía unu.

ibitò, bɔpu ɔkpa. ⁴¹ Paulo lɔyɔtson Siria mɔa Kilikia ɔmátɔ; ɔlɔwa ɔpasua ámóu ububu inu ámu ɔwɔnlín.

16

Timoteo Léyetsiá Paulo Mva Silastɔ

¹ Paulo mva Silas benatí yɔ Derbe pɔ Lистра. Ohógyipu ɔkɔá botetí mu Timoteo bu Lистра wúluto inu. Mu yin gyí Yudayin ání ɔlɔho Yesu gyí, táme mu sɔ gyí Griikiyin. ² Apíó ání bubu Lистра pɔ Ikonion beti Timoteo idayilé. ³ Paulo lékléá ɔbékpa Timoteo náti. Mú sɔ ɔleha betin Timoteo keté, tsúfɛ Yudafɔ ámóu bubu inu ámu fɛé buyin ání Griikiyin Timoteo mu sɔ gyí. ⁴ Bréá bɔyɔ á, bowié wúlugyiwúlusu botosúná inu ahógyipu mbla oduá Yesu sumbí ayɔpó ámu pɔ ɔpasua ahandɛ amóu bubu Yerusalem amu bawá bɛɛ bugyíi mósó. ⁵ Inu sɔ ɔpasua ámu benya ɔwɔnlín hógyito, kléi ekekegyíke.

Paulo Makedonia ɔmátɔ Yɔ

⁶ Paulo mva mu aba ámu bɔtsɔn Frigia pɔ Galatia ɔmásó. Tsúfɛ Ɔɣe Wankíhé méha amó ɔkpa ɔbɛɛ, bodáa Bulu asón ámu ɔkan Asia ɔmátɔ. ⁷ Bréá bowie Mísia ɔsólóu ɔka á, bɔbwe agywun bɛɛ béyinkí tson yɔ Bitinia ɔmátɔ, táme Yesu Ɔɣé méha amó ɔkpa. ⁸ Mú sɔ bɔtsɔn Mísia ɔsólóu kplí yɔ Troa wúluto. ⁹ Mú onyé á, Paulo lówwun ató. Olowun ání Makedoniayin ɔku líi mu ansítɔ, ɔde mu kokólí ɔbɛɛ, “Fa ɔpu amu ba Makedonia, afubegyí anu bɔale.” ¹⁰ Paulo lénya wun ató ámu alí, úwankí mu ání Bulu dé aní wa ɔbɛɛ, ayɔ yɛda asɔn wankláán ámu ɔkan inu. Mú sɔ anúlpu ɔkpa yɔ Makedonia.

Lidia Klwɛdamli Filipi Wúluto

¹¹ Anúlówie ntsusu-yibitò tsú Troa, fá ɔpu yɔ Samotrake ɔsólósu. Mú ɔyi kehe a, anuléatsiá yɔ Neapoli wúluto. ¹² Anúlópu ayabitò tsú Neapoli yɔ Filipi wúluto. Filipi gyí Makedonia wúlu yilé ní. Romafɔ búb wúlu anfító. Anulétsiá inu nke kpalobí. ¹³ Ɔkpúnó ɔdaké á, anulédalí wúluto yɔ ɔpu ɔnɔ ɔtunkɔá anikí aniaa, abówwun ɔtínéá Yudafɔ butefia bɔ mpáí. Anulétsiá inu bláa atsi akɔá bebefia inu Bulu asón. ¹⁴ Atsiá bonu asón ámuto ɔkole gyí Lidia. Tiatirayin ogyi, ɔtɛfɛ tatiá mú ntsu lepe, ibu bíá. Bulu osúmpó ogyi. Aní Wíe léha mu olonu Paulo asɔn blíhé amoto. ¹⁵ Mú sɔ bréá anúlóbɔ mva mu wóyítɔ ahá asú á, olobwíi ipa há aní, blí ɔbɛɛ, “Ní mlílahogyi ání nahɔ Yesu gyi á, mlíbetsiá mí wóyítɔ.” Ɔtsi ání bu aniso alí anúlóbuo mu yɔ mu wóyítɔ.

Paulo Mva Silas Obudi Filipi

¹⁶ Eke ɔku ayɔ Yudafɔ mpáí ɔbékpa inu á, anúlótu otsibi ɔkɔá ogyi ɔkpábi inu. Atóla ɔɣé bu musu, ɔtelá ató, blí asón ání ibéba. Ɔtɔbwé kɔba tsɔtsɔtsɔ há mu awíe tsú mótó. ¹⁷ Otsibi anfi lékplá buo ania Paulonyɔ. Ɔna ɔdeklɔn blí ɔbɛɛ, “Ahá ání gyí Ɔsósóúsó Bulu ámu asúmpó ní. Amóde mlí nkpa hɔ ɔkpa suná ní.” ¹⁸ Ɔlobwe mú nke tsɔtsɔtsɔ. Inu lehan Paulo. Mú sɔ ɔledamli bláa otsibi amu ɔbɛɛ, “Atóla ɔɣé, nde mbla wa há fú Yesu Kristo dátɔ, dalí mto!” Inu ɔɣé ámu lédalí mto.

¹⁹ Ɔkpábi amu awíe bowun ání amó kɔba ɔkpa latin. Mú sɔ bekítá Paulo mva Silas, bitía amó ya wúlu ahandɛ ansítɔ. ²⁰ Bɔpu amó ya Romafɔ asón agyípu bɛɛ, “Yudafɔ ahá ání bugyi, bɔde asón klée wa aní wúlu anfító. ²¹ Bɔde amándié laláhe ání aní mbla meha mú iwí ɔkpa suná. Romafɔ aní mú anigyí. Anumétalí hɔ amó amándié ámu gyi mósó.” ²² Inu ɔɔm amu botu bun Paulo mva Silasɔ.

Asón agyípu amu beha bɛɛ buwóí amó atadie, abɔnwen amó mplí. ²³ Bepítí Paulo mva Silas ató wankláán tá á, beha bɔpu amó tswí obu. Bebláa obu adípósó ɔkípu bɛɛ, ogyóo amó wankláán. ²⁴ Asón ámóu bebláa obu adípósó ɔkípu amu sɔ ɔlɔpu amó yétswí obutótó, wá amó ayabi kplakitsi.

Obu Adípósó Ɔkípu Yesu Hógyi

²⁵ Mú ɔyí-nsuné á, Paulo mva Silas bɔde mpáí bɔ, bɔde ilu wa kánfú Bulu. Obu adípó atráhe amu é buɔa bɔdenú. ²⁶ Ɔtsáwle pé á, ɔsólóu lékpunkí ɔwɔnlínsó, ilekpunkí obu ámu ntswiasí. Mú aklon fɛé lefinkí. Obu adípó ámu íkan pɔ amó kplakitsi amu fɛé lɔwɔí. ²⁷ Obu adípósó ɔkípu amu létsinkí, wun ání aklon amu fɛé lafinkí. Inu ɔlele ɔdayí iya anyɔ ɔbɛɛ amuwa iwí, tsúfɛ ɔku ɔbɛɛ obu adípó ámu fɛé badalí srí. ²⁸ Táme Paulo lɔkplɔn kóklókóu bláa mu ɔbɛɛ, “Mábwe iwí tɔtɔ. Aní fɛé anubu inu.”

²⁹ Obu adípósó ɔkípu amu léha bɔtsu ɔkandíe ba mu, ɔlɔwa ɔsa wíe obu ámuto. Ifú de mu, sɔ ɔdeklɔnkí kpakpakpakpa. Ɔleyéda akpawunu Paulo mva Silas ayabitò. ³⁰ Inu ɔlekpa amó dalí yéfité amó ɔbɛɛ, “Mí awíe, nto mbwéé asa Bulu ɔho mɔ nkpa?”

³¹ Mú Paulo mva Silas bebláa mu bɛɛ, “Hɔ Yesu gyi, méní Bulu ɔbáho fúa fú wóyítɔ ahá fɛé nkpa.” ³² Mú bebláa mva mu wóyítɔ ahá fɛé aní Wíe Yesu asɔn wankláán ámu. ³³ Onyé-onyé ámu a, oyin ámu léyiá amó iwí nɔ ámóu benya bré ámóu bepítí amó ató ámu. Ɔleha amó bɔbɔ mva mu wóyítɔ ahá ámu asú inonu. ³⁴ Obu adípósó ɔkípu anfi lópu amó ya mu wóyítɔ, ɔleyéha benúná ató há amó begyi. Iná ámu mu wóyítɔ ahá fɛé bahɔ Bulu gyi sɔ á, ansí lehie gyi amó.

³⁵ Mú ɔyi kehe a, asón agyíró amu bɔwa ahá akítápó ako beɛ boyébláa obu adírósó ɔkírɔ amu beɛ, ɔsii ahá ámu abɔnati.

³⁶ Mú sɔ oyin ámu lébláa Paulo ɔbéɛ, “Asón agyíró amu bapó ɔme sísi mí beɛ, nsii fúa Silas amlnati. Mú sɔ mlnati iwilwiita.”

³⁷ Táme Paulo lébláa ahá akítápó amu ako ɔbéɛ, “Bomegyi aní asón, táme banwén aní ató ɔbɔntɔ. Romafɔ anagyi, táme bawá aní obu. Ntogyi sɔ bodekléá bési aní nǎinto? Ekekeke! Asón agyíró amu onutó bɔbá bele aní.”

³⁸ Ahá akítápó amu beyinkí yó yébláa asón agyíró amu. Bréá bonu ání Romafɔ Paulo mwa Silas bɔgyi á, ifú lehé kítá amú. ³⁹ Mú sɔ boyóbwii ipa há Paulo aná, bekpa amú dalí yókokóli amú beɛ bɔdálí wúlu amú. ⁴⁰ Inu Paulo mwa Silas benatí yó Lidia wóyítɔ. Befia apíó ahógyipɔ amu inu, tói kplá amú, wá amú ɔwɔnlín asa benatí.

17

Paulo Tesalonika Yɔ

¹ Bréá Paulo mwa Silas benatí tsú inu bɔyó á, bɔna Amfipoli pó Apolonia awúlusu beba Tesalonika. Yudafɔ ofiakpa kɔ bu inu. ² Fé ahá Paulo tɔbwé brégyíbré á, ɔbɔyɔ ofiakpa inu ɔkpónó ɔdaké, mwa amúnɔyɔ bɔyɔ Bulu asɔn wanlínhé amú. Ɔbɔbwe mú alí tse sa són. ³ Ɔlele Bulu asón ámú súná amú, dínká íbwi mósó ɔbéɛ, “Ilehían ání Kristo, (ɔhá ámú Bulu ladá mɔ ofúli amú), obówwun iwɔɔsun wú, lákósú tsú afúlitɔ.” Ɔbɔyɔ mɔ asón ámú ɔbéɛ, “Yesu aní nde mɔ iwí asón blí ání gyí Kristo amú nu.” ⁴ Paulo asón ání lɔwankí Yudafɔ ámú ako. Mú sɔ bobuo mwa Silas. Alí kén Griikífo Bulu asúmpó pó tsiá obú bu amósó tsɔtsɔtsɔ é bobuo amú ní.

⁵ Iní léha Paulo mwa Silas iwí lówa Yudafɔ ámu olu. Mú sɔ bekpa aha laláhe ako buo iwí tsú brɔnɔsɔ, bɔpɔ ahá tsɔtsɔtsɔ yéhan agywwun wúlu amú. Betsii yó oyin ɔkwá bɔteti mɔ Yason wóyítɔ, bɔde Paulo mwa Silas dúnká abubitia amú ba ɔɔm amú ansítɔ. ⁶ Táme bɔmowun Paulo mwa Silas. Mú sɔ bebítia Yason mwa ahógyipɔ amu ako yá wúlu ahande ansítɔ, bɔde okitiikiti beɛ, “Ahá ání ná bɔde agywwun háan ɔyító fée ní. Bawíé ní, ⁷ Yason laho amú yáí mɔ wóyítɔ. Amú fée bɔdekɔsú líí Roma Owíe Dehen mblasu. Tsúfée bɔde ahá bláa beɛ, owíe bambá ɔkɔ bu inu, mɔ dá gyí Yesu.” ⁸ Bréá wúlu ahande pó ɔɔm amú bonu asón ání á, lehie han amú. ⁹ Táme bebítí Yason mwa mɔ aba ámu isu, beka ikɔ, ká ntam beɛ bóméetrá han agywwun, besi amú benatí.

Paulo Mwa Silas Beroia Yɔ

¹⁰ Besi owí leta, ahógyipɔ amú beha Paulo mwa Silas benatí yó Beroia wúlutɔ. Benya wíé inu alí, bɔyɔ Yudafɔ ofiakpa. ¹¹ Yudafɔá bɔbu wúlu anfitɔ bɔtsulá hɔ asón ámu ɔn amúá bɔbu Tesalonika. Bɔpɔ ansigyi hɔ Bulu asón ámu, tsiá yó Bulu asɔn wanlínhé amú ekekegyíeke ki beɛ, ɔnakwali Paulo dé amú bláa. ¹² Yudafɔ tsɔtsɔtsɔ pó Griikífo atsi mwa ayin ání obú bu amósó é bɔhɔ asón ámú gyi. ¹³ Yudafɔ ámú bɔbu Tesalonika amú bonu ání Paulo layó ɔde Bulu asón ámu ɔkan da Beroia. Iní sɔ begya ɔkpa yó inu bɔde inufo ámu agywwun yintá. ¹⁴ Ɔsasɔ, ahógyipɔ amú bele Paulo lé wúlu amú ya ɔpɔ ɔnó, táme Silas mwa Timoteo mú besi bɔbu inu. ¹⁵ Ahá ámú beyési Paulo ɔkpa amú bekpa mɔ alí yówie Atene wúlutɔ. Bréá bodeyinkí á, Paulo lɔpɔ ɔme sísi Silas mwa Timoteo ɔbéɛ, bɔwáa ɔsa bɔto mɔ.

Paulo Atene Yɔ

¹⁶ Bréá Paulo lési otsie ogyo Silas mwa Timoteo Atene wúlutɔ á, inu tsiá lehie han mɔ. Tsúfée olowun ání ikpi sónn bu wúlu amú. ¹⁷ Mú sɔ ní ɔyɔ Yudafɔ ofiakpa inu á, mwa Yudafɔ pó Griikífo ámú bɔde Bulu súm ámu bɔtetsiá lé asóntó há aba. Alí kén mwa dɔnsu atsiápó é betsiá tói tsú mú iwí ní. ¹⁸ Mwa atiansipɔ akwá bɔtsu Epikuro pó Stoak ɔpasuato* ba inu é betsiá bíti asón ání. Amúts ako befité beɛ, “Ntɔ ɔkan ɔnótó ɔkapó ání déda?”

Aha ako bele mú ɔnó beɛ, “Idebwe fé ikpi ako iwí ɔdetoi tsú.” Tsúfée Paulo dé Yesu mwa afúlikósú iwí asón ɔkan da. ¹⁹ Mú bokitá Paulo, kpá mɔ ya Areopago, igyi amú wúlu ahande ofiakpa. Ahande amú bebláa Paulo beɛ, “Anidéklé aniaa, futi tsu fú atosunáhé pɔpwe amu iwí suna aní. ²⁰ Anumókónú asón ání ki. Mú sɔ anidéklé aniaa, fulée mótó suna aní.” ²¹ Tsúfée Atenefo pó afɔsá bɔbu inu fée bɔtamabwé tɔtɔ ɔn asón ání uba nu pó mú bli.

²² Inu Paulo lókúsó líí afiapɔ amú ansító ɔbéɛ, “Atenefo, nawun ání mlitehíé tswé ikpi. ²³ Tsúfée iná ndeki wúlu anfitɔ fée á, nawun ntobi oduá mlitɔtswe. Nawun afɔde-asubwi kwá bɔwanlín dínká mósó beɛ, ‘BULUÁ ANIMÉYÍN Mú.’ Mú sɔ Bulu ámú mlidésu, mliméyín mɔ dá ámu iwí ɔkan ndeda súná mli á. ²⁴ Bulu lóbwe ɔyí pó mótó ató fée. Mɔgyí ɔsú móa así Owíe. Ɔtamatsiá ɔtwékpa ání anyánkɔsa íbɔ léyi mótó. ²⁵ Ɔtamadúnká tɔtɔ tsú ɔhaa wá, ménú íbwe fé tɔko tehian mɔ. Tsúfée mótéhá ahá fée nkpa, ɔnjé pó tógyítá itehian amú. ²⁶ Móléha su

* 17:18 Epikuro ɔpasuatofo bɔgyi aha akwá bɔtebli beɛ, ilehían ání ansí bégyi anu. Fowú á, ílatá. Stoak ɔpasuatofo é beɛ, mehían ání ansí bégyi aní dubidubi, awirho é mákítá anu dɔbɔ.

ahá fée belun tsu obakóle pétó, óleha bekleí wá oyító fée. Moléha ómá kugyíko ótínéá bótisie pó bréá futúú yófon. ²⁷ Olóbwe mó alí, méní nyankpósa obódunká mu wun mu. Táme tekí óma ífó anúto okoko wá. ²⁸ Tsúfée oko léblí obéé, ‘Bulu so anitsie nkpa. Mu só anitekán iwí, anigýí alá anigýí.’ Fée alá mlí íbú awapó ako beblí bée, ‘Bulu ahá aní é anigýí.’

²⁹ “Iná Bulu ahá anigýí so á, anumáki aníaa, Bulu gyí fée tunkuá nyankpósa lapó sika pepe, sika futúú ntée íbwi pwe mó alá odeklé. ³⁰ Bímí ámu a, ahá bomebí alá Bulu gyí. Bulu lóbun ansíbi mósó, táme séi mó á, alabláa anyánpósa fée obéé, bodámli klóntó. ³¹ Bulu lalé éke yáí aní obótson óhá ámóó alalé yáí ámu so gyí oyító óhagýíoha asón onokwalíso. Odeklé obéé ahá bobí aní onokwalí igyi. Mó só okokosó óhá ámu tsú afúlitó ní.”

³² Iná Paulo lótoí tsú afúlikosó iwí so á, ako bómósí mu. Táme amóté ako beblí bée, “Anúdeklé aníaa, fotráa ba afubebláa aní asón ánfí ko é.” ³³ Inu Paulo lókosó dáli ofiakpa inu. ³⁴ Táme ahá kpalobí ko báhó Paulo asón ámu so gyí, bobuo mu. Amótó okole dá gyí Dionisio, oletsíá wúlu ahandé amotó. Mva ótsi okóá bótetí mu Damari pó aha ako é.

18

Paulo Korinto Yó

¹ Inu óma a, Paulo lókosó tsú Atene yó Korinto wúluto. ² Olóyótu Yudayin okóá bótetí mu Akwila, bókwi mu Italia ómanti kóá bótetí mó Pontotó. Akwila mva mu ka Priskila beba Korinto inu makówá ópá. Tsúfée alí bré ámóto á, Roma Owíe Klaudio lagya Yudafó fée lé Roma wúluto. Paulo lóyo amó wá. ³ Tati-obubí abwepó amó é bogyi. Mó so Paulo létsíá amó wá, mva munyo betsiá bwé tati-obubí ámu fée. ⁴ Okpónó adaké kugyíko á, Paulo tóyo Yudafó ofiakpa yéle Bulu asón ámóto wankláán súná Yudafó pó Griikifó ámu, méní bóho Yesu gyi.

⁵ Bréá Silas mva Timoteo bóté bóté Makedonia bóté Paulo a, olesi agyómá ámu yo, pó Bulu asón ámu okanda kóún bwé mu gyumagyihe. Oletsíá gyi adánsie súná Yudafó ámu obéé, Yesu gyí Kristo, (óhá ámóó Bulu ladá mu ofúli ámu) ní. ⁶ Táme bumhó mu asón ámu. Bókosó líí mu so, síá mu. Mó so Paulo lófwi íbú lé amó asóntó, bláa amó obéé, “Tsu nde póya a, nalé íbú mlí asóntó. Ní lowu mlídeklé a, íbá mlíso. Néyébláa ahá aní bumegyí Yudafó mboún Bulu asón.” ⁷ Inu so Paulo lédali Yudafó ofiakpa inu yétsíá oyin okóá bótetí mu Tito Yustus wóyító. Megyí Yudayin oyin ámu gyí, táme ogyi Bulu osúmpó. Mu wóyí íbú mantáa Yudafó ofiakpa inu. ⁸ Táme Krispu aní ogyi Yudafó ofiakpa inu óhandé mva mu wóyító fée mó bóho aní Wie Yesu gyi. Korintofó ámu tsótsótsó é bohogyi, bóho amó asú.

⁹ Éke oko onyé á, Paulo lówun ató. Mótó á, aní Wie lébláa mu obéé, “Mánya ífú. Yó mósó afoda asón ámu okan wole. Mákpa ónó bun. ¹⁰ Tsúfée mía funyo ná. Óhaa méetalí bwé fó tótó. Mí ahá bóté wúlu anfitó.” ¹¹ Mó so Paulo létsíá Korinto inu súná ahá ámu Bulu asón ofi okole móa ífon.

¹² Bréá Galio létsíá Roma owíe otsiákpá, óde Griikifó ósaasi ómanti kóá bótetí mó Akaiaso kú a, Yudafó ámu bobwe onó-okole, kítá Paulo, pó mu ya mu ansító. ¹³ Bée, “Oyin ánfí dé ahá asokpan súná obéé bóté Bulu tson okpa aní ilakosó líí aní mblasóso.”

¹⁴ Paulo lénya bwíí onó obéé amotó; alí Galio lébláa Yudafó ámu obéé, “Ní tsitsa ntée lakpan ko oyin ánfí labwé á, tekí íbú alá néyaa aso nú mlí asón. ¹⁵ Táme iná adá pó mlí onutó mbli iwí asón iwí nwéén mlídegyí so á, mlyó amlíyebli mó. Mméggyi asón ánfí odu.” ¹⁶ Móó óleha begya amó lé asón ogyíkpá inu á. ¹⁷ Ahá ámu fée bowunáa kítá Sostene aní ogyi Yudafó ofiakpa inu óhandé, dá mu inu. Táme Galio mótsu kóko lé móótó.

Paulo Yínkí Yó Antiokia

¹⁸ Paulo létsíá ahógyipó amó wá Korinto yófon bré ko. Móó óleklá amó, mva Priskila pó Akwila benatí yó Kenkrea wúluto. Paulo lékpa mu nwun Kenkrea inu, pósúná aní alamó ntam kóá óleka onó. Móó bóté ntsusu-yibi pó bóyo Siria ómátó á. ¹⁹ Bréá bowie Efeso wúluto á, Paulo lénatí sí Priskila mva Akwila, yó Yudafó ofiakpa, mva Yudafó ámu bode asóntó le há aba. ²⁰ Bokokóli mu bée, ótráa tsia amó wá kpalobí, omotsulá. ²¹ Táme bréá ódedali óyo á, ólebláa amó obéé, “Ní Bulu lótsulá á, néyínkí ba mlí wá.” Inu olowie ntsusu-yibitó tsú Efeso inu náti.

²² Bréá óleklí Kaesarea a, óbódo yó Yerusalem yéha ópasua ámu tsíá. Móó oleyínkí kplí yó Antiokia a. ²³ Oletsíá Antiokia inu kpalobí. Mó óma a, ólenatí inu beki Galatia pó Frigia ósólóso, óde akasípó amó Bulu asón bláa, pówá amó ówonlín.

Apolo Bulu Asón Okanda Efeso Móa Korinto

²⁴ Alí bré ámóto á, Yudayin okóá bótetí mu Apolo laba óbo Efeso wúluto. Bókwi mu Aleksandria, wúlu aní íbú Egipte ómátó. Oyin tóí, oyin Bulu asón wanlínhé amó é wankláán. ²⁵ Bosuná mu aní Wie okpa ámu. Mó so Yesu iwí onokwalí amó blí tēhié wá mu ansigýí. Táme Asú Óbópó Yohane asúbo ámu pé oyin. ²⁶ Apolo ménya ífú. Ólowa klón súná ató Yudafó ofiakpa inu wankláán. Bréá Priskila mva Akwila bonu mu asón blíhé a, bekpá mu yáa wóyító yósuná mu Bulu okpa ámu wankláán dun alá oyin yai. ²⁷ Bréá Apolo lóbwe agywun obéé,

ob̄yɔ Akaia ɔsolɔsu á, ahógyipɔ amu bɔwa mu ateto-onlin. Bowanlín ɔwolɔ sísi unu ahógyipɔ beɛ, buhɔ́ mu wankláán. Bréá oloyówie unu á, ɔlehɛ búa ahá ání ina Bulu awitalɛsu bahɔ Yesu gyi. ²⁸ Apolo muva Yudafɔ ámu begyi Bulu ason wanlínhé amu iwɔ n̄wɛɛn, ɔlɔtɔí lé asóntɔ túmisu pógyi amósó. Ɔlɔpɔ Bulu ason wanlínhé amu súná amó ání Yesu gyi Kristo, (ɔhá ámóú Bulu ladá mu ofúli amu).

19

Paulo Bulu Asón Okanda Efeso

¹ Bréá Apolo bu Korinto a, Paulo lɔdu yótson ɔsósú awúlusu bedali tíi Efeso. Ɔlɔtu akasípó aku unu. ² Móbú ɔlefíté amó ɔbéɛ, “Mílénýa Ɔɲe Wankíhé bréá mlílohogyi?”

Bele mú ɔnɔ́ beɛ, “Anumókónú kɔ ání Ɔɲe Wankíhé ku bu unu.”

³ Paulo létrá fité amó ɔbéɛ, “Asú m̄m̄m̄ bɔbɔ mlí?”

Bele mú ɔnɔ́ beɛ, “Yohane asú ámu bɔbɔ aní.”

⁴ Paulo lébláa amó ɔbéɛ, “Yohane lɔbɔ ahá ání badámlí klɔntɔ asú. Ɔlebláa amó ɔbéɛ buhɔ́ ɔhá ámóú obuɔ mu ɔbá ámuɔsu gyi. Mogyí Yesu.”

⁵ Bréá ahá ámu bonu asón ánfɔ á, beha bɔbɔ amó asú aní Wíe Yesu dátó. ⁶ Mú ɔma a, Paulo lɔpɔ ubi dínká amó n̄wunso, Ɔɲe Wankíhé leba amósó. Beblí ɔblíú bámbá, blí Bulu ɔnɔ́ asón é.

⁷ Amó féé b̄b̄wɛ ayin dúanyo.

⁸ Paulo lélatsiá yó Yudafɔ ofiakpa unu. Ɔlɔwa klun t̄s̄í lé asóntɔ súná amó tsra asa kéké. Omenya ifú, ménú b̄h̄ɔ asón ámóú ɔdeblí tsú Bulu iwíegyi iwɔ ámuɔsu gyi. ⁹ Támɛ amó aku bowa kluntɔ odwin, būm̄ɔhɔ mu asónsú gyi. Bɔtɔí wɔ aní Wíe Ɔkpa ámóú Paulo dé amó súná ámu ahátó unu. Mú su Paulo lékpa akasípó amu náti, oletsíá súná amó ató oyin ɔkuá botetí mu Tirano atá ɔkasíkpá. ¹⁰ Paulo lósuná amó ató n̄fɔnyɔ kéké. Mú su Yudafɔ pó Griikifɔ ání bubu Asia ɔmátó féé bonu aní Wíe asón ámu.

Skewa Abi Asón

¹¹ Bulu lótsun Paulosu bwé ofúla akpɔnkpɔnti ku. ¹² Ahá b̄ɔkɔlá mu adúkubi pó mu iwɔsu ató yédinka ɔlɔpɔsu, benya lɔtsá, ɔɲe laláhe é ledali ahátó. ¹³ Yudafɔ aku é bubu nsuné unu buna budekí gya ɔɲe laláhe lé ahátó. Bowa klun beɛ, b̄p̄pu aní Wíe Yesu dá gya ɔɲe laláhe lé ahátó. Mú su b̄ɔkplón wa ɔɲe laláhe beɛ, “Dalí Yesu amóú Paulo dé mu iwɔ asón ɔkan da ámu dátó.”

¹⁴ Igyí ahapú ɔhande ɔkuá botetí mu Skewa abi yinhé abasiénó létsiá bwé iní.

¹⁵ Eke ɔku ɔɲe laláhe léfité amó ɔbéɛ, “Nyin Yesu, nabí Paulo, mlí é mé, amendí mligyi?” ¹⁶ Ɔhá ámóú ɔɲe laláhe bu mutá ámu lótu wíé amótó, dá amó, títi amó atade féé. Inu amó féé b̄p̄pu amó yayá pó amó iwɔ n̄lɔ srí dalí wóyí ámutɔ. ¹⁷ Yudafɔ pó Griikifɔá bubu Efeso unu féé bonu asón ánfɔ. Ifú lekítá amó. Mú su b̄p̄pu obú há aní Wíe Yesu. ¹⁸ Ahá ámóú bohogyi amutɔ tsɔtsɔtsɔ beɛ amó lakpan blí. ¹⁹ Amótó aku b̄gyi okó alepó. Botsu okó ámu n̄wolɔ ba bɔwa mú féé ogyá ahá ansítú unu. Bobu amó n̄wolɔ ámu ibíá á, ɔlobwɛ sika futútú mpím-aduenu (50,000)*. ²⁰ Ina aní Wíe Yesu túmisu mu asón ámu lenya ɔkpa kléi wankláán.

Demetrio Mva Mu Aba Ikó Le Wá Efeso

²¹ Asón ánfɔ féé ɔma a, Bulu Ɔɲé ámu léha Paulo lóbwɛ agywun ání ɔb̄yɔ Makedonia pó Akaia ɔsolɔsu, fówun yɔɔ Yerusalem. Móbú Paulo léblí ɔbéɛ, “Ní nowíé unu á, ilehián ání néyékí Roma wúluto é.” ²² Mú su ɔlɔwa mu abv̄ápu abanyó, b̄gyi Timoteo muva Erasto sísi Makedonia. Mu onutó olesi tsiá Asia ɔmátó kpalobí.

²³ Alí bré ámutɔ á, aní Wíe Ɔkpa ámóú bude ahá suná ámu su asón kpɔnkpɔnti ku leda Efeso unu. ²⁴ Oyin ɔkuá ɔtɔbwé sika futútú ató, botetí mu Demetrio bu unu. Oyin ánfɔ topó sika futútú bwé ɔkpi yílé Artemi† ɔtswékpa akusubi ání ilehan mu ɔtswékpa yílé ámu fé. Mva mu aba agyómá ánfɔ ayɔpó butenyá k̄b̄ha tsɔtsɔtsɔ tsú mótó. ²⁵ Ɔleti mu aba ámu pó ahá ání butɔbwé agyómá ámu odu fia. Móbú ɔlebláa amó ɔbéɛ, “Mí apíó, m̄lyin ání agyómá ánfɔ só aní féé anilawá alé ní. ²⁶ Yéɛ ml̄tsiɛ ml̄dɛnú, ml̄dɛwúun t̄s̄á Paulo débwɛ? Alatá ahá bláa ta Efeso wúluto pó Asia ɔmátó féé fia ɔbéɛ, ikpi ání ahá bapú ubi pwé bomegyí tɔtɔ. Alatá ahá ɔnɔ́ mlé tá, bude mu asónsú hógyi. ²⁷ Megyi áni agyómá wole ibéyintá. Ɔhaa méétrá bu ɔkpi tsíhé Artemi ɔtswékpa yílé ámu. Ɔkpi ámu dá é b̄ɔfwí lé ɔyító. Támɛ tekí mogyí ɔkpiá ahá féé b̄tɔtswɛ Asia ɔmátó pó ɔyító féé ní.”

²⁸ Bréá ɔdam amu bonu asón ánfɔ á, benya ɔblí, sórá okitikíti beɛ, “Ɔkpi kpɔnkpɔnti aní Efeso ɔkpi Artemi gyi!” ²⁹ Kpokiti leda wúlu amutɔ féé. Ahá ámu bekítá Paulo abúɔpɔ Gaió muva Aristarko ání botsú Makedonia srí pó amó ya wúlu ofiakpa. ³⁰ Paulo onutó lékléá ɔb̄yɔ ofiakpa unu, ɔyɔtɔí kpla ɔdam amu, támɛ akasípó amu būm̄ɛha mu ɔkpa. ³¹ Ɔmá ámutɔ ahande akpɔnkpɔnti ɔkuá b̄gyi Paulo anyawíé é bɔwa obí lóyóbwií ipa há mu beɛ, ɔmáyo ofiakpa unu. ³² Kpokiti léda ofiakpa unu. Aní beɛ alí, aní é beɛ alí. Amótó ahá tsɔtsɔtsɔ būm̄ɛbi t̄s̄á svá

* 19:19 Sika futútú mpím-aduenu (50,000) b̄b̄wɛ ɔbakóle n̄fi lafakole-aduasa (130) ikóká. † 19:24 Artemi gyí ɔkpi kpɔnkpɔnti ɔku dá.

befia unu. ³³ Yudafɔ ʔmɔ akɔ bɔyɔ ofiakpa unu. Bowutá Aleksandro sísí ɔbɔntɔ, bɔde mu asón ʔní ɔyéblí bláá. Iní su Aleksandro lótsu ibi fúá, ɔbéé amole mu ɔnɔ. ³⁴ Táme bréá bowun ʔní Yudayin ogyi á, belasórá okitíkítí, blí asɔn kua kolé dɔnɔhwírí anyɔ kéké béé “Ɔkpi kɔnkpɔntɔ aní Efesofɔ ɔkpi Artemi gyí!”

³⁵ Iní fée ɔma a, wúlu ató ɔwanlínpó léha ɔdɔm amu bekpa ɔnɔ bun. Móó ɔlebláa amó ɔbéé, “Efesofɔ ayin, ma méyín ʔní Efeso nfi gyí aní ɔkpi kɔnkpɔntɔ Artemi pó mu ibwí ʔmóó ilekpa tsú ɔsósó ʔmɔ nwnun? ³⁶ Ɔhaa má inuá ɔbéétálí gyí asón ʔnfi iwí nwéén? Mlunya klɔn, méni mlumóoko mli. ³⁷ Ahá ʔnfi mlilakpá ba nfi ʔnfitɔ ɔkokɔ mókówí tɔtɔ tsú ɔtswékpa unu. Bɔmókóblí asɔansɔ kósó lífí aní ɔkpi tsíhé Artemisɔ. ³⁸ Táme ní Demetrio mua mu aba agyómá ayɔpɔ amu béé bubu ɔku iwí asón á, asón agyípó bubu unu, asón ogyíkpa é bu unu. Béétálí pó asón ʔmɔ ya unu kpéblí mó. ³⁹ Ní mlubu asɔn bambá ku tsía inuá mó á, béétálí yéblí mó ɔtíné ʔmóó aní fée anitefia gyi asón ʔmɔ. ⁴⁰ Tsúfée ní anumékí wankláán á, abénya asón ʔní anilahan wúlu amu agywun nde. Ní befíté aní é á, anuméenyá asɔansɔ pólé mó ɔnɔ.” ⁴¹ Olenya blí asón ʔnfi tá alí, ɔleha amó fée bedasáán.

20

Paulo Yinki Yɔ Makedonia Múa Griikifɔ

¹ Kpokiti amu ɔma a, Paulo léba betí akasípó amu fée fia, tóí kplá amó, wá amó ateto-ɔnlɔn. Ɔléklá amó asa ɔlɔpɔ ɔkpa yɔ Makedonia ɔsólósu. ² Oleki nsiné unu ɔpasua ʔmɔsu tóí kplá amó asa olobowie Griikifɔ ɔsólósu. ³ Oletsíá unu tsra asa. Bréá ɔlɔbwe agywun ɔbéé, méfa ɔpu yɔ Siria ɔsólósu á, olowun ʔní Yudafɔ bɔde mu téé abókíta mu. Mó su ɔlɔbwe agywun ɔbéé mélayótson Makedonia ɔsólósu. ⁴ Ahá ʔní bekpa mu ya unu gyí Beroiayin Sopater, ogyi Piro mu bi; Tesalonikafɔ Aristarko mua Sekundo pó Derbeyin Gaio; amó Timoteo pó Asiafɔ Tihiko mua Trofimo. ⁵ Alí ahá ʔnfi begyankpá yógyo aní Troa wúlu. ⁶ Israelfɔ begyi amó Bodobodo MátúhéNke ɔma a, anilétsíá ntsusu-yibitɔ tsú Filipi wúlu. Anilénatí nkená owítɔ. Eke nútsí a, aniláɔtɔ nkpa agyápu amu Troa wúlu. Aní fée anilétsíá unu nkeniésón.

Eutiko Tsinki Tsú Lowtɔ

⁷ Kwasiada, igyi ndawótswí ʔmɔtɔ eke gyankpapu ntópwesu á, anléfia abégyi ató abato fé alá aní Wie lósuná aní. Iníá Paulo dékléá ɔbénatí ɔyi kehe su á, ɔlɔtɔí kplá amó alí yéha ɔyínsuné. ⁸ Nkandíe tsɔtsɔtsɔ bu ɔsósó obu ʔmóó aniléfia mótɔ ʔmɔtɔ. ⁹ Oyimbi ɔkɔá bɔtétí mu Eutiko lódu bian nfánsrítɔ ɔnɔ, ɔde asón ʔmɔ nu. Iníá Paulo lótsí wá ɔpá su á, didí lowie mu, fóru mu. Ɔlekpa tsú ɔsósó abansóru saasi nfánsrítɔ unu beda ɔsólótɔ. Bréá boyótsu mu a, alawú fée. ¹⁰ Móó Paulo lékplí yɔ unu, yémlí bun muɔsu, látá mu pútá, blí ɔbéé, “Oputíni mátsí mli, ɔhé bu mɔtɔ.” ¹¹ Paulo léyinkí dó yɔ ɔsósó unu, mua mu aba ʔmɔ nyɔ bebiabía bodobodo gyi. Ɔlɔyɔ mu tóí amɔsu alí yófun ɔyi kehe, ɔlenatí. ¹² Móó ahá ʔmɔ bekpa kebi ʔmɔ ya wóyí á. Ansí lehie gyi amó ʔní ɔbu nkpa.

Paulo Troa Tsu Yɔ Mileto Wúlu

¹³ Anlégyankpá yówie ntsusu-yibi ʔmɔtɔ ayɔ Aso wúlu yótsu Paulo unu. Tsúfée Paulo léha aní ibi ɔbéé, ɔbótson ayabitɔ ɔkpa ká tífí unu. ¹⁴ Bréá ania mɔnyɔ anléyéfia aba Aso wúlu unu á, olowie ntsusu-yibi ʔmɔtɔ, anléfa yɔ Mitilene wúlu. ¹⁵ Anilénatí unu ɔyi kehe, anilákusó unu yówie Kio. Eke nyɔɔsi a, anilákusó unu yówie Samo wúlu. Mó eke sáásí é á, anilétrá kósó unu yówie Mileto wúlu. ¹⁶ Paulo mékléá obéyintá bré Asia ɔmátɔ. Mó su ɔmekplí Efeso wúlu, tsúfée ɔdekɔsí ʔní ní ɔbéétálí á, obóyówie Yerusalem asa abogyi Pentekoste nke ʔmɔ.

Paulo Efeso Ɔpasua Ahande Klá

¹⁷ Bréá anlóyowie Mileto wúlu á, Paulo lówa abí sísí Efeso ɔpasua ahande ɔbéé, bubá bɔtu mu. ¹⁸ Bréá ahande amu bebefia mu a, ɔlebláa amó ɔbéé, “Mliyín alíá mía mlunya anilápsútsíá tsú eke gyankpapu ʔní neba Asia ɔmátɔ. ¹⁹ Mliyín alíá neba iwiasí yɔ agyómá há mí Wie, pó alá Yudafɔ bókósó lífí mísó, nowun ipian, su kóráá. ²⁰ Mliyín ʔní mmɔpu asón ʔní ibékpa mli njáin mli bréá neda Bulu asón ʔmɔ ɔkan dunsu pó mli wóyítɔ. ²¹ Alíá nɔtɔí kplá Yudafɔ pó Griikifɔ fée mbéé, busii lakpan bwe abɔdamli ba Bulu wá, abubɔhɔ aní Wie Yesu gyi.

²² “Séi ʔnfi á, nɔyɔ Yerusalem, fé alíá Ɔhe Wankíhé labláa mli. Mmeyín tɔá ibéba misu unu. ²³ Táme móá Ɔhe Wankíhé tebláa mí wúlugyíwúlusɔ, nyin gyí, asun wunhe pó obudi da gyo mí. ²⁴ Táme mmotsu mó asɔnbogya. Mbouún alíá nómɔ agyómá ʔmóó aní Wie Yesu léha mí ʔmɔ ɔnɔ. Agyómá ʔmɔ gyí, nébláa ahá Bulu awítale asón wankláán ʔmɔ.

²⁵ “Séi ʔnfi a, nyin ʔní mli ahá ʔnfi nebeda Bulu iwígyí iwí asón ɔkan mlitɔ ʔnfitɔ ɔkokɔ méétrá wun mi ekekeke. ²⁶ Mó su nde mli bláa mbéé, ní mlitɔ ɔku ménya nkpa ʔní itamatá á, megyí mí su omenya. ²⁷ Tsúfée nabláa mli tógyítá Bulu déklé ɔbéé mlubí.

²⁸ “Mó su mlíkí mli iwí pó ahá ʔmóó Ɔhe Wankíhé lópuwá mli ubitɔ ʔmɔsu wankláán. Mlíkpa Bulu ɔpasua ʔmóó ɔleyáí tsɔn mu onutó mu bi lowusu ʔmɔ wankláán. ²⁹ Nyin ʔní nenatí á, akɔá bɔgyi fé nkpataku, bubu iyun béba bowie mlitɔ, dá ɔpasua ʔmɔ sáín. ³⁰ Mlitɔ akɔ óó

bákwosó, dámlí onokwali amó póbítia mlító akó buo iwí. ³¹Mó sò mlída iwí sò. Mlúkaun ání netsiá mlí wá nfinsa sósón, pó ansí ntsú yírí iwí súná mlí ató ɔpa onyé.

³²“Mó sò séí á, ndepu mlí wá Bulu mba mɔ awítale asón ámòtò. Mɔ awítale asón ámò iwá mlí ɔwonlín, íha amlídan, talí lu kinkín, amlinya ató ámóú ɔlehie yáí há mɔ ahá ámóú bamlí mɔ klé amó. ³³Bréá mba mlí wá á, mmepé ansí ɔhaa sika pɛpɛ, mɔ sika futútú ntée mɔ atósó. ³⁴Mlí onutó mlyín ání mí íbì anfí nɔpuyó agyómá nyá tásá íde mía mí aba ámò hián fée. ³⁵Natsun ɔkpagyíɔkpasò súná mlí alíá mlápu íbì yó agyómá, pógyí ahá ání iwí ma amó onlín bɔale. Mlúkaun aní Wíe Yesu onutó ason blíhésú. Ǫbée, ‘Bulu toyúlá ɔhá ání otekíé ató dɔn ɔhá ání botekíé mɔ.’ ”

³⁶Bréá Paulo léblí asón ánfí tá á, mba amónyó fée bɛda akpawunu bó mpáí. ³⁷Amó fée bosu bréá belatá aba pútá, klá aba. ³⁸Tásá ídɔwa amó ahómítí gyí mó ámóú ɔleblí ɔbée, móméétrá wun amó ekekeke ámò. Besi mɔ ɔkpa yówie ɔpu ɔnó, olowie ntsusú-yíbitò.

21

Paulo Yerusalem Yo

¹Bréá anlégýí nkla tá á, anlówie ntsusú-yíbitò, náti laa yó Ko wúluto. Eke nyɔsú a, anlóyo Rodo. Tsú unò á, anlé bá Patara otsubúno. ²Anlénýa ntsusú-yíbi kwá iyó Foinike otsubúno, anlówie mótó. ³Bréá ayó á, anlówun ɔsolóú kwá botetí mó Kipro sísi. Anlési mó tswí bunasó ifón, tson yo Siria ɔmátó. Anlégýekplí Tiro otsubúno, tsúfí unò béle ntsusú-yíbi ámòtò ató ní. ⁴Anlótò akasípó akó unò, anlétsiá amó wá nkensiénó. Ǫhe Wankíhé léle súná amó ɔbée, Paulo máyo Yerusalem wúluto. ⁵Aní nke lɔfon, anlótóá aní ɔkpasú. Bréá anidénatí á, akasípó amó, amó aká pó amó abí fée beyésí aní ɔkpa alu yówie ɔpu ɔnó. Inu á, aní fée anlédá akpawunu bó mpáí. ⁶Anlégýí nkla, anlówie ntsusú-yíbi ámòtò pú ayó, amó é beyinkí yó wóyí.

⁷Anlédinká ɔpusò tsú Tiro alu bowie Ptolemai otsubúno. Bréá anlówie unò á, anlégýeha ahógyípu ání bɔbɔ unò itsiá, anlétsiá amó wá ekewóle. ⁸Ǫyí kehe a, anlókusó tsú unò ba Kaesarea otsubúno. Anlégýoswí Bulu asón ɔkan ɔdapó Filipo wóyí. Oyin ánfí gyí ahá abasíwé ámó béle Yerusalem bɛe, bɔtsáa ahande agyómá yó ámòtò ɔkole. ⁹Filipo bu abí tshé abaná, bómákóyó ayin wá kí. Bulu ɔnósó atáípó mɔ abí tshé ánfí bɔgyí. ¹⁰Anlégýí nke kpalobí unò. Eke ɔko Bulu ɔnósó ɔtáípó Agabo lótsu Yudea ɔmátó ba unò. ¹¹Olenya bowie laa alí olotsu Paulo osiétó ɔfé klí mɔ onutó íbì pó mɔ ayabi. Móú ɔleblí ɔbée, “Ǫhe Wankíhé ɔbée, ‘Alí Yudafo bɔbɔ Yerusalem béklí ɔhá ámóú ɔbò ɔfé ánfí, pó mɔ wá ahá ání bumegýí Yudafo íbìtò ní.’ ”

¹²Bréá anlónu asón ánfí á, ania ahá ámóú bɔbɔ unò ámò fée anlókókólí Paulo aniaa ɔmáyo Yerusalem. ¹³Ino Paulo léfité aní ɔbée, “Ntogyí sò mlídesú, mlílahá iwí lawú mí alí? Mí mó á, megýí klí ámóú békíklí mɔ Yerusalem amó pé nalá iwí yáí há. Mbouñ nalá iwí yáí ání nówu aní Wíe Yesu sò é.”

¹⁴Paulo ɔnó lɔdon aní. Mó sò anlési mɔ tɔí wa. Móú anléblí aniaa, “Íbá mótó alíá aní Wíe déklé.”

¹⁵Inú ɔma a, anlókólá aní ató dɔ yó Yerusalem. ¹⁶Ania Kaesareafó akasípó akó lóyo unò. Bekpa aní ya oyin ɔkwá botetí mɔ Mnason wóyító bɛe, aswí mɔ wá. Akasípó agyankpapu amòtò ɔkole ogyí, otsú Kipro ɔmátó.

Paulo Yerusalem Wíe

¹⁷Bréá anlówie Yerusalem unò á, ahógyípu amó bɔhò aní atúu. ¹⁸Ǫyí kehe ania Paulonyo anlégýekí Yakobo. Ǫpasua ahande amó fée beba unò. ¹⁹Paulo lówa amó ɔnó, ɔlebláa amó tógýításá Bulu latsun mɔsɔ bwé ahá ání bumegýí Yudafo. ²⁰Bréá bonu Paulo asón ánfí á, amó fée bekanfó Bulu. Móú bebláa mɔ bɛe, “Opíó nu, Yudafo mpím-mpím ání badámlí klɔntò fée bɔde Mose mbla ámòtò kinkíínkín. ²¹Támɛ akó babláa amó bɛe, fasúná Yudafo ání bɔbɔ ɔmá bábásó fée fɛe, bumágyí Mose mbla ámòsɔ. Ǫma é á, fɛe bómátun amó abí keté, bumágyí aní amándíé ésó. ²²Ibwébwéébwé é á, ahá bónu ání faba nfí. Nkálí abóbwe tsú mó iwí? ²³Abébláa fɔ tásá fɔbwé. Ayin abaná akwá bɔbɔ anitò baká ntam há Bulu. Ilehían ání bógýoráa iwí. ²⁴Kpa amó ya, amlíyogýoráa iwí. Ka amó ató yintáhé fée íko, méní békpa amó nwun. Inú ɔbéha ahá fée bébì ání fɔtegyí Mose mbla ámòsɔ. Inú sò fɔ iwí asón ámóú bonu ámò ima mótó. ²⁵Anlwanlín ɔwóló sísi ahógyípuá bumegýí Yudafo dodo. Anlówanlín aniaa, anlábli ání bumágyí atogyíheá bapóhá íkpi. Bumágyí obugya pú ɔbɔwá bapósa mɔ. Bumáwa atsi móa ayin asón é.”

²⁶Mó sò bréá ɔyí leke a, Paulo lékpa ayin abaná ámò ya, mba amónyó bógýogýoráa iwí. Ǫlɔyo Bulu ɔtswékpa unò yéblí ekeá amó iwígyoráa amó íbómó ɔnó, ɔbéba bɔbɔ afadie há amótó okugyíko.

Paulo Kitá Bulu Ǫtswékpa

²⁷Bréá nkensiénó ámò íbá bɔfon a, Yudafo akwá bɔtsú Asia ɔmátó bowun Paulo Bulu ɔtswékpa unò. Ǫdɔm amóú bɔbɔ wunsúnésú unò ámò fée benya ɔbló Pauloso, bekitá mɔ.

28 Bəsurá okitikíti bəe, “Israelfon ayin, mlıdali ba oo! Oyin ámuó ɔna ɔde ahá ató suná, yíntá amó agywwın ámu nı. Mudékwósó líı ɔmá ánfı, Mose Mbla pú Bulu ɔtswékpa amosu nı. Alakpá Griikifó kórará ba Bulu ɔtswékpa wunsınésó nfi. Mó sɔ alapó ifın da ɔwankíkpa amú.” 29 Bəbli mú alı, tsífé bowun Efesoyin ɔkwá botetı mú Trofimo mva Paulo wılu amɔta dodo. Inı sɔ bəki bəe Paulo lópu oyin ámu yáa Bulu ɔtswékpa inu.

30 Wılu amɔta fée leda kpokiti. Ahá bedalı tsu amó wóyıtó srı ba bekıtá Paulo, bebıtıa mu dáli ɔtswékpa wunsınésó inu, fin iban ámu. 31 Bréá bɔde mu da, bɔdekléá bómɔ mu a, ɔku léyebłáa Romafó isá akəpó ɔhande ɔbée, “Kpokiti ladá Yerusalem wıluto.” 32 Inonu ɔhande amú lékpa isá akəpó ámu aku pó amó ahande aku besrı yó inu. ɔdam amú benya wun amó alı besi Paulo dá. 33 ɔhande amú lénatı yótu Paulo, ɔleha mu isá akəpó ámu bekıtá mu, wá mu ikan anyo. Móó ɔlefıté ahá ámu ɔbée, “Ma gyı oyin ánfı? Nto alabwée?” 34 ɔdam amú bɔde okitikítı, bɔdetótı. Aku bəe alı, aku é bəe alı. Okitikítı amú ɔnó lɔwa ɔnlın. Mó sɔ ɔhande amú mébi ɔnakwalá ibɔ asón ámu. Inı sɔ ɔleha ɔbée, bokpá Paulo ya isá akəpó ámu otsiákpá. 35 Bréá bowie obu-ɔnó ɔbukpá á, ɔdam amú bɔde ıyın wa. Mó sɔ isá akəpó ámu bɔtsu Paulo wá nkənkə. 36 Ahá ámu fée bɔbuo Paulo, bɔde okitikítı bəe, “Mlıha awuna mɔ mu! Mlıha awuna mɔ mu!”

Paulo Inı ɔnóle

37 Bréá bowie obu ámu ɔnó, bódw wıé amó otsiákpá inu á, Paulo lébláa ɔhande amú ɔbée, “Nobwıı ıpa, mbláa fɔ asɔankɔ.”

ɔhande amú léfıté mu ɔbée, “Fotonú Griiki ɔblı? 38 Mó sɔ megyı fógıyı Egypteyin amóó ɔleha kpokiti leda bré koto, ɔlekpa ahá aməpó mpım-na (4,000) buo inı ya dimbısó ámu nı?”

39 Inu Paulo léle mú ɔnó ɔbée, “Yudayin ngıyı mí mú. Tarso ání ibɔ Kilikia ɔmátó bəkwıı mí. Megyı wılubıtɔ notsú. Nobwıı ıpa, ha mí ambla ahá ánfı asón.”

40 Isá akəpó ɔhande amú léha mu ɔkpa. Mó sɔ Paulo léyeli obu-ɔnó ɔbukpá inu, bwe ahá ámu ibı békaso. Inu lóto diin. Móó Paulo lébláa amó asón Hebrı ɔblıtó ɔbée,

22

1 “Mı ası, apıó aba, mlıyaa asu mí anle mí ɔnó amlunu.” 2 Bréá bonu ání Hebrı ɔblıtó Paulo détı á, inu lóto diin. Móó Paulo lóyo mu asónsɔ ɔbée,

3 “Yudayin ngıyı. Tarso wıluto bəkwıı mí Kilikia ɔsolósu, táme Yerusalem nfi beyaı mí. Gamaliel lósuná mı anı anáın mbla ámu wankłáan. Nɔwa nsi Bulusım inı fə alıa mlı é mlıde mu sım nde. 4 Ahá ání bɔna anı Wıe ɔkpa ánfısu á, nednká amúsú. Nɔmɔ aku kórará. Nekıtá amótó atı mɔa ayin aku, kıkı amó yótwsı obu. 5 Bulu igıyı ɔhapó dehen pó Yudafó asón agyıpı amú fée bétalı gyı asón ánfı inı adánsıe. Amó wá nɔho ɔwuló tsú pó neya apıó ání bɔbu Damasko wıluto, mı anyekıtá alı ahá ámu wa amó ikan, pu amó ba Yerusalem, abɔbıtı amó ısu.

Paulo Klɔntɔdamlı Inı Asón Blı (Gyumagyihe 9:1-19; 26:12-18)

6 “Ekéá nəpu ɔkpa nəyó, neta Damasko wıluto wie tá, ibɔbwé fə ɔpa dóduanyɔto á, ɔsáwɔle pé, wankı kwá mú ɔnó ihé bu ɔnlın, itsú ɔsúsó lɔwankı wólı mísó. 7 Móá nówun a, nda ɔsolóto. Inu nonu ɔme ku. ɔme amú léfıté mı ɔbée, ‘Saulo, Saulo, ntogyı só fɔdın mísó alı?’ 8 Inu nefıté mbée, ‘Fó ma nı, Owıé?’ Móó ɔme amú lébláa mı ɔbée, ‘Mı Yesu, Nasaretyin amóó fɔdın mísó amú nı.’ 9 Mı aba ámuó mıa amónyo anıná ámu bowun wankı amú, táme bɔmonu asón ání ɔme amú dé mı bláa. 10 Nefıté mbée, ‘Owıé, nto mbwée?’ Anı Wıe lébláa mı ɔbée, ‘Kusɔ, afɔyo Damasko wıluto. Bəbláa fɔ tógıyıtá Bulu lahá fú ɔbée fɔbwée.’ 11 Wankı amú ɔnó bu ɔnlın. Mó sɔ mmétrá wun tɔto. Inı sɔ mı aba ámu lékıtá mı ibı, kpá mı ya Damasko wıluto.

12 “Oyin ɔkwá botetı mu Anania, otenyá Bulu ifú bu wılu amɔta. Otegyı Mose mbla ámuɔ wankłáan. Mó sɔ Yudafó ání bɔbu wılu amɔta fée botetı mu idayılé. 13 Oyin ánfı léba belı mı ansıtó, bláa mı ɔbée, ‘Opıó Saulo, bwıı ansıbı afɔkı ató.’ Inonu mı ansıbı lobwıı, nowun mu. 14 ɔlebláa mı ɔbée, ‘Anı anáın Bulu ámu léle fú yáı ɔbée, fɔbélı mu apé, afɔbı mu Bı Yılé ɔbwepó ámu, afonu mu ɔme. 15 Tsífé fəba begıyı mu inı adánsıe, bláa ahá fée asón ání fonu pó móá fowun. 16 Nto futráa fuygo? Kusɔ kokolı anı Wıe, afɔha abɔbo fú asú, ofwı fú lakpan fée le.’

Paulo Bulu Asón ɔkanda ɔmátófoto

17 “Bréá neyinkı yó Yerusalem wıluto nde mpáı bə Bulu ɔtswékpa inu á, nowun ató. 18 Mótó á, nowun anı Wıe Yesu, ɔlebláa mı ɔbée, ‘Wa ɔsa bwe, afɔdali Yerusalem nfi. Tsífé bɔmáɔho fú adánsıe ání fégıyı tsu mı inı.’ 19 Inu nebláa mı mbée, ‘Mı Wıe, amó onutó buyın ání netsıa yó Yudafó ofiakpa yékıtá ahá ání bɔho fú gyı, dá amó, wá amó obu. 20 Boyın ání bréá bɔmɔ fú ɔdansıyın Stefano a, mɔbu inu. Nelıı amó ɔma mbée bɔmáso mu, nɔho ámu atadie kórará kıtá.’ 21 Táme anı Wıe lébláa mı ɔbée, ‘Nati, nɔwa fú fúyo tsútsútsú, ahá ání bomegyı Yudafó wá.’”

²² Ahá tsatsaotsa amu beya asu nú Paulo ason blíhé alu bətu bréá əleblí əbé, Bulu lówa mu ahá áni bomegyi Yudafə wá. Inu basorá okitikiti kóklókú, bli bəe, “Múle mu unu! Ima alá obétsiá əsulúv anfisə!” ²³ Inu basorá okitikiti, nyá əbló wóí amó atadiə tswi tsalífwi, kpá isi tswi wá afútú. ²⁴ Múó isá akəpó əhande amu lébláa mu ahá əbé, “Múkpa Paulo, amliwu mu ya mli otsiákpá. Mliwiti mu ató əbli ənakwali, abí tsá swá ahá ámu bode okitikiti swá mu nwunsw ali.” ²⁵ Bréá beklí Paulo tá, bəe abuda mu a, əlefíté isá əkəpó əhande əkwá alí mu wá əbé, “Mbla leha əkpa áni mliwiti Romayin oduá bəməkógyi mu asón, há mu ipón ató?”

²⁶ Bréá isá akəpó əhande amu lónu asón ánfí á, əleyébláa mu əhande amu əbé, “Fakle afəse wəlu manta iwí. Sáa Romayin oyin ámu gyí oo!”

²⁷ Múó əhande amu léba Paulo wá, bəfité mu əbé, “Bla mi, lélé Romayin fəgyi?”

Paulo lébláa mu əbé, “Romayin ngyi.”

²⁸ Múó əhande amu lébláa mu əbé, “Mí mú á, ikə kpənkpənti neka asa nemli Romayin.”

Táme Paulo lébláa mu əbé, “Mí mú á, Romayin onutónutó ngyi.”

²⁹ Inu nu ahá ámuó bəe abufite Paulo asón ámu fəé badásáin. Ifú lekítá əhande amu onutó ó, bréá əleblí áni Romayin Paulo gyí asa alahá bawá mu ikan.

Paulo Yudafə Asón Agyipó Ansító Lí

³⁰ Gyí kehe a, əhande amu lékléá əbébi tsá Paulo lóbwe, só Yudafə bode asón kláa dinká musu. Mú su əleha bəwóí Paulo lé ikan amoto, əleha bəti Bulu igyi ahapó dehen pú Yudafə asón agyipó amu befia. Múó əleha bəkpa Paulo belí amó ansító.

23

¹ Paulo lótsu ansí ki Yudafə asón agyipó amu díin. Múó əlebláa amó əbé, “Mí apió Israelfə, nyin mí kləntə áni mənəkótsiá nkpa laláhe Bulu ansító bətu nde.” ² Múó igyi əhapó dehen Anania lébláa ahá ámuó bulí mantáa mu amu əbé, budáa mu ənósó. ³ Inu Paulo lébláa mu əbé, “Fó Bulu əbéda. Fabwé iwí fə buntíiá bakpá mú afá futútú, fabetsiá asi fəe fəpə Mose Mbla gyi mí asón. Fəde ahá bláa fəe budá mí ansító. Fó mú megyí mbla ámu fatón a?”

⁴ Aha akóá bulí mantáa Paulo bəfité mu bəe, “Bulu igyi əhapó dehen fudesia ali á?”

⁵ Paulo lébláa amó əbé, “Mí apió, mmeiyin mbé, mogyi Bulu igyi əhapó dehen. Tsúfə bəwanlín wá Bulu asón ámuoto bəe, ‘Máblí əhá áni əde fó əmásó gyí iwí ason laláhe.’ ”

⁶ Bréá Paulo lówun áni Yudafə asón agyipó amoto ako bəgyi Sadukifə, ako é bəgyi Farisifə á, ələsorá okitikiti asón ogyíkpa mu əbé, “Mí apió, mí ánfí nli á, Farisiyin ngyi. Mí anáin é á, Farisifə bəgyi. Mí é nohogyi áni awupó bəlakósó. Mú ndeblí su bakpá mí ba asón ogyíkpa nfi ní.”

⁷ Olenya blí ali pé, ahá tsatsaotsa amoto leye anyə. Farisifə ámu pú Sadukifə ámu bəwa aba nwéengyi bi. ⁸ Tsúfə Sadukifə botebli bəe, kusó tsú afúlitə koku má unu. Bulu-əbəpə pú əhe laláhe koku é ma unu. Táme Farisifə mú bohogyi áni inu fəé bu unu. ⁹ Inu léha nwéen amu ənó lehe wá ənlín. Mbla asunápóá bəgyi Farisifə bəkusó lí bli bəe, “Anumákówun tsitsa koku oyin ánfí iwí. Fialə əhé ku ntéə Bulu-əbəpə əku lébláa mu.”

¹⁰ Nwéen amu ənó lehe wa ənlín, ideklé imli ikó. Inu isá akəpó əhande amu lénya ifú áni bəbwe titi Paulo. Mú su əlebláa isá akəpó ámu əbé, “Mliwa əsa kpa Paulo ya mli otsiákpá unu.”

¹¹ Mú onyé á, aní Wie lébelí Paulo wá, bláa mu əbé, “Wa klón! Ali ánfí fəgyi mí iwí adánsie Yerusalem nfi á, ali kén fuyégyi mú Roma wúlutə é ní.”

Paulo Mə Iwí Agywun Kitá

¹² Mú əyíkəhe a, Yudafə ámu ako befia, kítá Paulo iwí agywun. Beka ntam bəe ní bəməkómó Paulo bəméegyi ató, bəməónu ntsu. ¹³ Ahá ámuó beka ntam amu bədon adəana (40). ¹⁴ Bəyo Bulu igyi ahapó dehen pú Yudafə əhande wá, yébláa amó bəe, “Anilahíé ká ntam aniaa, ní anumákómó Paulo anuméeda tətə ənó. ¹⁵ Mú su tsá anidéklé aniaa fəa Yudafə asón agyipó amu mliwéə ha aní gyí, mliki ansí wa abí sisi isá akəpó əhande amu mliwa, əpóv Paulo ba, amliwanu mu asóntó. Anladá iwísw aniaa, obótsutsúa obowie nfi andamó mu.”

¹⁶ Paulo mu bitəpə əku lónu asón ánfí fəé. Mú su ələsrí yó isá akəpó otsiákpá unu yówi tsá Paulosu. ¹⁷ Inu Paulo léti isá akəpó əhande əku, bláa mu əbé, “Kpa əyasubi ánfí ya mli əhande wá. Əde asəanko, əbébláa mu.” ¹⁸ Isá akəpó əhande amu lékpa əyasubi ámu ya amó əhande wá, yébláa mu əbé, “Obu ədipó Paulo əbé, nkpa əyasubi ánfí ba fu. Əde asəanko, əbébláa fu.”

¹⁹ Əhande amu lékutá əyasubi ámu ibi, kpá mu yáa itsétó yéfité mu əbé, “Amanso fəbu áni fəbláa mi?”

²⁰ Əyasubi ámu lébláa mu əbé, “Yudafə əhande babwé agywun bəe bəpina wa abí fó wá bəe, fəkpá Paulo ba obowun amó əke, abəlanu mu asón ámuoto wankláán. ²¹ Táme máhə mósó gyí, tsúfə amó ayin áni bədon adəana (40) bəe bənjəin əkpatə gyo Paulo, mú mu. Amó fəé baká ntam bəe, tətə méeda amó ənó, kpəfəv bréá bamó mu. Fó nkole bəgyo séi áni fótšulá kpá mu ba.”

22 Múú ðhande amu léda ðyasubi ámu olá ðbéé, “Máyébláa ðhaa fée fawí asón ánfí tsá mísó.” Olesi mu ðkpa.

Paulo Le Ya Kaesarea

23 Inu ðhande amu léti isá akápú ahande abanyó, ðlebláa amú ðbéé, “Mlile isá akápú lafanyo (200), mpònkòso adunkápú aduesienó (70) pú pía atswípú lafanyo (200) abókòso onyenu dokwebátó yo Kaesarea. 24 Mliha Paulo mpònkò, odínká amósó yo. Mlukpa mu, amlha mu oyowie ðmásó ogyípó Felike wá pisii.” 25 ðhande amu lówanlín ðwoló mántá musu ðbéé,

26 “Mí Klaudio Lisia dé ðwoló ánfí wanlín sísí fú, ðmásó ogyípó onumnyampu Felike. Nde fú itsiá ha. 27 Nde fú ibi ha ání Yudafó lékitá oyin ánfí, bodekléá bómò mu, táme míá isá akápú tsòtsòtsò anilýóhò mu lé amó ibi. Tsúfè nonu ání Romayin ogyi. 28 Ndeklé mbéé, nébí tsá ðlòbwe. Mó su nòpu mu ya amó Yudafó asón agyípó ansító. 29 Inu nowun ání amó mbla iwí nwéén bodegyí. Mó su ðmókòbwe lakpan kòkòá bómò mu, ntéé bówá mu obu. 30 Táme ðku laba bowi tsá mísó ðbéé, Yudafó ámu aku babwé agywuin bée bómò mu. Inó nòbwe agywuin mbéé, nòpu mu sísí fú. Nabláa mu anyabá ámu é mbéé buyúbu amó asón ba fú. Nafon nfi. Nehá fú itsiá gyágyágyá.”

31 Isá akápú ámu bòbwe dínká amó ðhande ason blíhésu. Onyé-onyé ámu bekpa Paulo kònkònkòn alu yówie Antipatri wúluta. 32 Bréá oyí leke a, beha mpònkòso adunkápú amu bekpa mu yáa Kaesarea, ayabitò anátípó amu beyínkí yó amó otsukpá. 33 Bréá mpònkòso adunkápú amu boyówie inu a, bəpu Paulo pú ðwoló ámu wá ðmásó ogyípó amu ibi. 34 ðmásó ogyípó amu lékla ðwoló ámu, ðlefíté Paulo ðbéé, “Nkónò yin fúgyi?” Bréá ðlebi ání Kilikia ðmátó Paulo otsú á, 35 ðlebláa Paulo ðbéé, “Ní fú anyabá ámu bebá á, nónu fú ðnó asón.” Inu ðlebláa amú ðbéé, buyúbu Paulo yowa Owíe Herode wóyító, abogyo mu iwí.

24

Paulo Ìnótín

1 Nkenú ðma a, igyí ðhapó ðehen Anania muva Yudafó ahande aku pú Mose mbla ðbípó ðkuá botetí mu Tertulo beba Kaesarea. Bebá bekla asón ání bóbú tsu Paulo iwí síná ðmásó ogyípó Felike. 2 Bèti Paulo belí. Múú Tetulo lékla mu asón ðbéé,

“Onumnyampu Felike, fahá iwilwii laba ðmá ánfíto. Fú nyánsa lalá ató tsòtsòtsò bwé aní ðmá ánfíto. 3 Fú bwehé legyi aní ansí ðtíngyíatíné. Fúdé ató bwe. 4 Mmedéklé mbéé néyintá fú bré tsòtsò. Mó su nokókóli fu, nya klón ha aní, afunu aní asón tinbí ánfí. 5 Andawun ání ató oyintápó oyin ánfí gyí. Ìtehá kpokiti tedá Yudafó ðyító ðtíngyíatínéá ðtoyó. Ìtráa ogyi Nasaret ðpasua ámu Bulu igyí ðhapó. 6-7 Alakle ðpu ifin da Bulu ðtswékpa inu, asa ðkláa ogyá anilékitá mu. * 8 Ní fú onutó fefíté mu a, fówun ání asón ánfí anidéblí tsú mu iwí ánfí fée bu mótó ntéé ima mótó.” 9 Inu ámu fée bòtsulá mósó bée, asón ámuó alablí ámu bu mótó.

Paulo Ìnóle Felike Ansító

10 ðmásó ogyípó Felike lóbwe Paulo ibi ðbéé, olé mu ðnó. Inu Paulo léblí ðbéé, “Nyin ání fode asón gyí ðmá ánfíto ilawá ðpá. Inu su ibu mu ðdwe ání néle mí ðnó fú ansító. 11 Nóbwíí ipa, fétalí fité nú ání ibu mótóá ngyo Yerusalem yósum Bulu, imókòdòn nke dúanyo. 12 Mí anyabá ánfí bómowun míá ðhaa agyi nwéén Bulu ðtswékpa inu. Bómowun mí anha kpokiti ida Yudafó ðfiakpa kòkò ntéé ðtinetine wúlu amotó. 13 Boma asòanswá bópugyi adánsie ání amó asón ánfí bu mótó. 14 Táme natsúlá ání ntosum aní anáin Bulu tsòn aní Wíe Ìkpa ámuó bode mó ti ðpasua laláhe amòsu. Nòhò Mose Mbla ámu pú móá Bulu ðnósó atópó amu bəwanlín tswí é féesó gyí. 15 Nde ðkpa kí fè alíá amó é bode ðkpa kí ání Bulu ðbókòsòá aha yilé pú aha laláhe fée tsú afúlitó eke kú. 16 Inu su ntóbó mbódí ání mí klón méetsia há mí pón Bulu muva anyánpòsa fée ansító brégyíbré.

17 “Inúá nedalí Yerusalem ilawá ðpá á, nayínkí ba inu, napó atokiehé nebá mí ahá abopuha ahíánfó, mí anha Bulu igyí. 18 Mó ðbwekpá mbu Bulu ðtswékpa inu. Bréá ngyovráa iwí tá amándíé ámu ðnó á, beba bòtu mí inu. Megyí míá ðdòm kòkò lóyo inu. Kpokiti kòkò é meda inu. 19 Yudafó aku bòtsu Asia omátó ba bóbú inu. Ní nòbwe ito laláhe kú á, tekí amó kóráá ðbéba bebláa fu, míá amúnýo abéblí mó. 20 Ní íbówa alé kóráá á, ha ahá ánfí onutó abòbli tsitsa oduá Yudafó asón agyípó amu bowun mí iwí, bréá bopu mí ya amó ansító. 21 Ason kua kole péá nòkplón blí bréá nlií Yudafó asón agyípó amu ansító gyí, ‘Mlídé mí asón gyí nde, tsúfè nohogyi ání awupó belákósó tsú afúlitó.’”

22 Inúá onumnyampu Felike yin aní Wíe ðkpa ámu wankláán su á, olotu asón ámu híé. Ìleblí ðbéé, “Ní isá akápú ðhande Lisia ðbá nfi á, nówun ahá nómò asón ámu ðnó.” 23 Ìlebláa isá akápú ðhande ámu ðbéé, ogyóo Paulo iwí wankláán, ðha mu otsia iwilwiitó. ðhá mu aba ðkpa abókú musu.

* 24:6-7 Inu bu nwóló dada amó akotò: Anilóbwe agywuin ání abópó aní onutó mbla gyi mu asón. Táme isá akápú ðhande Lisia lópu mu túmi bəhò mu lé aní ibi. Mó ðma a, ðlebláa aní ðbéé, apó mu asón ba fu.

Paulo Felike Mva Mv Ka Drusila Ansító Lú

²⁴ Nke kpalobí kv oma a, Felike mva mv ka Drusila ání ogyi Yudayintse beba. Felike léha beyékpá Paulo ba, òlòbòtòí tsú mv hógyi ání òv Kristo Yesutò iwí súná amó. ²⁵ Táme bréá òdètáí tsú yilèbwe, iwusogyi pò Bulu asón ogyíké amóú íbá ámv iwí á, ifú lèkitá Felike. Mú sv òlèbláa Paulo òbée, “Kv yinkí asa. Nenyá bré wankláán kv á, nèlatí fò.” ²⁶ Bré ámòtò féé Felike léki òkpa ání Paulo obòdunká tòko beha mv ònó. Mú sv ìbù ìbù ìbù ìbù á, alapina wa abí bayéti Paulo, mva mvoño batóí.

²⁷ Nfínyò oma a, Felike lénatí. Porkio Festo lèbetsiá mv obíásó. Imá Felike déklé òbée, mv asón iwá Yudafò ámv òdwe sv á, olesi Paulo wá obu náti.

25

Paulo Roma Owíe Okpa Wá Yò

¹ Omásó ogyípò Porkio Festo lèbetsiá obíásó Kaesarea. Mú eke sáásí a, òlòdò yó Yerusalem. ² Inu Bulu igyí ahapó dehen pò Yudafò ahande akv bopu Paulo iwí asón yótswí mv ansító. ³ Bòbwe agywun ání bòyowa obúun òkpatò, mó Paulo. Mú sv bòyòkolí Festo bée, òpòv Paulo ba Yerusalem. ⁴ Táme Festo lèbláa amó òbée, “Paulo da obu Kaesarea wílutò dodo. Imòwa òpá mí é néyinkí yó ìbù. ⁵ Mliha mli ahande amò akv abòbuo mli yò ìbù, aboyèblí tsitsa oduá alabwé.”

⁶ Festo létrá tsíá Yerusalem nkekwe ntée nke dú asa oleyinkí yó Kaesarea. Olowie ìbù á, òlòwa bòyòpò Paulo ba, oletsíá asón ámòsv òyi kehe. ⁷ Paulo lénya wíé ìbù alí, ahande amóú botsu Yerusalem ba amò bekafia mv, kla asón tsòtsòtsò dínká mòsv. Táme bometalí nyá tòtò pòsúná ání asón ámv ìbù mótò. ⁸ Mú Paulo léle mv ònó òbée, “Mmòkòtòn Yudafò mbla kòko, ntée bwé tòko pò ifin da Bulu òtswékpá amò ntée pò lalaha kòko é gyi Roma owíe dehen.”

⁹ Festo déklé òbée mv asón iwá Yudafò ámv òdwe. Mú sv òlèfité Paulo òbée, “Fùdeklé féé fòyò Yerusalem, mí anyegyí fò asón ìbù?”

¹⁰ Paulo léle mv ònó òbée, “Roma Owíe Dehen asón ogyíkpa nli. Nfi ilehián ání bégyi mí asón. Fò onutó foyin ání mmòkòbwé Yudafò tòtò. ¹¹ Ní natòn mbla, ilehián lowu á, mmòkòtìn òkpa mbée bumámò mí. Táme ní asón ání Yudafò bablí dínká mísó anfi ma mótò á, zhaa má òkpa ání òbòpò mí wá amó ìbitò. Mú sv mótò bopòv mí asón ya Roma Owíe Dehen onutó ogyi mótò.”

¹² Inu Festo mva mv ahande bòyò abriwa wá. Mú òlèbèbláa Paulo òbée, “Fò onutó féé, Roma Owíe Dehen ogyíí fò asón. Mú sv abòpò fò ya mv wá.”

Festo Agripa Paulo Iwí Asón Bláa

¹³ Nke kv oma a, Owíe Agripa mva Berenike beba Kaesarea. Beba beha Festo nwunkpa. ¹⁴ Betsiá ìbù wá òpá. Mú sv Festo lèbláa amó Paulo iwí asón. Òbée, “Felike lówa oyin òko obu nfi, olesi mv wá náti. ¹⁵ Bréá nòyò Yerusalem a, Bulu igyí ahapó dehen pò Yudafò ahande beba beblí asón tsòtsòtsò dínká mòsv, bláa mí bée nháa mv ipón, abòmò mv. ¹⁶ Táme nèbláa amó mbée, ‘Ima aní Romafò amándiétò ání béha òko ipón, nkéti mva mv anyabá bafia gyi asón.’ ¹⁷ Mú sv ekeá mía Yudafò ámv anilòbowie Kaesarea nfi á, mmesi wá obíátó. Òyi kehe kótóó neha bòyòpò oyin ámv ba, netsiá asón ámòsv. ¹⁸ Nkí mbée mv anyabá ámv bénya tsitsa kv tsú mv iwí, táme bumenya. ¹⁹ Mboún amó Bulusúm pò Yesu òkóá alawú tsòn, táme Paulo òbée, òtráá otsie nkpa iwí asón bodebití. ²⁰ Mú sv mmowun aliá nòyò asón ámòtò. Nèfité Paulo mbée, obòtsulá aboyò Yerusalem, yégyi asón ámv ìbù. ²¹ Táme òlèblí òbée, mudekléá mv asón iyó Roma Owíe Dehen ansító. Mú sv neha bòwa mv obu yòfòn bréá nòpò mv sísi Roma Owíe Dehen.”

²² Mú Agripa lèbláa Festo òbée, “Mí é ndeklé mbée nónu asón ání tsú mv onutó ònótó.” Festo lèbláa mv òbée, “Òke néha bòpò mv ba, òbele asón ámòtò suna fò.”

Paulo Agripa Ansító Lú

²³ Òyi kehe a, Agripa mva Berenike behíhe iwí, isá akòpò pò wúlu ahande bobuo amó ba. Festo léha bekpa Paulo ba ìbù. ²⁴ Mú òlèblí òbée, “Owíe Agripa mva ahá ání bafia nfi féé, mliawun oyin ání òlí? Yudafò ání bòbò nfi pò Yerusalem féé bopu mv asón ba mv. Bée, mehían ání òbétrá tsíá nkpa. ²⁵ Bréá nòyò asón ámòtò á, mmowun tóá alabwé sv bómò mv. Táme mv onutó òbée, mpòv mv asón ya Roma Owíe Dehen. Mú sv nabwé agywun mbée, néha bòpò mv ya. ²⁶ Táme mmowun tsitsa kòko mv iwí ání nówanlín mántá mòsv bòpò mv ya. Mú só nakpá mv ba mli ansító ní, títríu fò Owíe Agripa. Ndeklerá atéte asón ámòtò, òtínéá íleyéyi a, mí anya aswanko wanlín sísi mv. ²⁷ Tsufé nawun ání ima aleá bopò obu òdipó sísi, bómòwanlín tóá alabwé mántá mòsv.”

26

¹ Móó Owíe Agripa lébláa Paulo ábée, “Nahá fú ákpa, koso le fú ónó.” Paulo lótsu íbì fóa, lé mu ónó ábée,

² “Owíe Agripa, nawun ání ókláa lawá mí ogyá nlí fú ansító, nde mí ónó le tsú asón ánfí Yudafó bakla dínká mísó anfi íwí. ³ Móa íbù ansígyí kórará gyí, foyin Yudafó amándíé pú tásá botegyí mó íwí nwéén fée. Iní sù kókoli, nya klón afónu mí ónó.

⁴ “Yudafó fée òuyin mí tsiátó. Búyin alá nàpòtsiá mí ómátó tsú mí nyebítá pú alá nàpòtsiá Yerusalem wúlutó. ⁵ Amó fée òuyin mí dodoodo. Ní bodeklé a, amó onutó bétalí bláa fú ání Farisiyin ngi wankláán. Farisífo é botegyí Yudafó Bulusúm mbíla ámusu wankláán dun ópasua kugyíko. ⁶ Tásá swá nde nlí nfi, fúde mí asón gyí gyí, nde ákpa kí ání Bulu ábóbwe dínká mu asón ámúó òleka mó íwí ntam há aní anání ámusu. ⁷ Aní abusuan dúanyo ámu fée bəpə aní dínká ntam aníswá aní íbēba mótó há amó. Mó sù bode Bulu súm ekekegyíleke ní. Nanán, ntam anfi sù Yudafó bode asón kláa dínká mísó ní. ⁸ Ntogyí sù mlí Yudafó ánfí mó mlímétalí hógyí ání Bulu ábétalí kósóa ahá tsú afúlitó?

⁹ “Teki mí óó nohogiyá nóbwe tógýtásá nétalí pótín Yesu Nasaretyin amó gyumagyihe ákpa. ¹⁰ Iní gyí tásá nóbwe Yerusalem ní. Bulu igyí ahapó dehen amó beha mí túmí bæ, nkíta Bulu ahá ámu tswí obu. Ní bómó amó é á, mí é ntotsúlá mbée bumó amó. ¹¹ Netsiá yó Yudafó ofiakpa kugyíkoto, ntehá botekítá amó, bití amó íswá, híé amó boteblí Yesu íwí abususo. Amó íwí óbló sù ntedínká amósó yó ómá bámbásó yékítá amó, bití amó íswá.

Paulo Iklontadamli Iwi Asón
(Gyumagyihe 9:1-19; 22:6-16)

¹² “Mó ákpa eke áko Bulu igyí ahapó dehen amó beha mí náyó Damasko wúlutó yóbwe ní. ¹³ Bréá nna ókpató náyó á, Nanán, íbwe fè ópa dóduanyoto, wankí ko lówankí tsú ósósó wólí mísó. Ilowankí dun owí. Ilowankí wólí mía mí aba ámúó anuná ámusu. ¹⁴ Inu aní fée anlédida. Nonu óme ko Hebrí óblító ábée, ‘Saulo, Saulo, ntogyí sù fódun mísó ahí? Íwí tóí fúdewa.’ ¹⁵ Móó nefíté mbée, ‘Owíé, fú ma ní?’ Móó aní Wíe lébláa mí ábée, ‘Mí Yesu ní. Mísó fódun ní. ¹⁶ Nabele íwí ówan súná fú, méní fóbwe mí osúmpó. Koso, afoyébláa ahá tásá fawun tsu mí íwí nde, pú móá néle súná fú. ¹⁷ Nókó hə fú tsú ahá ámúó nde fú wa síí, bugyí fú onutó ahá Yudafó pú amóbá bomegyí Yudafó íbítá. ¹⁸ Fóbwií amó aní, bédalí tsu oklúntó ba wankíto. Féele amó tsú Satan túmí así ba Bulu wá, méní obési amó lakpan kíé amó, fówun bénya otsiákpá ahá ámúó Bulu latsun amó hógyisú bwé amó mó ahá amúto.’

Paulo Gyumagyihe Iwi Asón

¹⁹ “Nanáin Agripa, ínu sù nóbwe dínká ató ámúó nowun itsú ósósó ámusu. ²⁰ Gyankpapu a, náyó Damasko wúlutó. Mó óma a, náyó Yerusalem pú Yudea ómátó fée. Náyó ahá ámúó bomegyí Yudafó ámu é wá. Neyébláa amó mbée, busii lakpan bwe, abudamli ba Bulu wá, abutsiá tsiátó ání ilosuná ání badámli klóntó. ²¹ Iní sù Yudafó ámu bekítá mí bréá mbu Bulu ótswékpá ínu bæ bómó mí ní. ²² Táme Bulu dé mí kpa alu bəfun nde. Mó sù nlí nfi nde, nde mlí nyebí-ahande fée tásá nawun bláa ní. Asón ání Mose muá Bulu ónósó atáíró amó bebli bæ íbēba mótó kén ndeblí. ²³ Bæ, ‘Ilehíán ání Kristo, (ohá ámúó Bulu ladá mu ofúli amó) obówun íwəsin wú, méní ábóbwe óha gyankpapu ání ábókoso tsú afúlitó. Óbopo wankí ba Yudafó pú ahá ání bomegyí Yudafó é.’”

²⁴ Bréá Paulo léblí ínu á, ómásó ogyíró Festo lóklplon wa Paulo ábée, “Paulo, fú nwwun layíntá! Fú ówolóbí dúbídúbi amú lahá fúde gbedé lo.”

²⁵ Móó Paulo lébláa mu ábée, “Onumnyampu Festo, mmédé gbedé lo. Ónəkwali onutónutó nde mlí bláa. ²⁶ Nanáin Agripa yin asón ánfí fée íwí. Nétalí bláa mu faan. Nahogyí ání megyí ason nainhé igyí há mu, tsúfíe bóməbwe mó nain. ²⁷ Nanáin Agripa, fəhə Bulu ónósó atáíró ason wanlínhé amúó gyí? Nyin ání fəhə móúsó gyí.”

²⁸ Inu Owíe Agripa lébláa Paulo ábée, “Fahogyí fée fétalí dámlí mí bwé Okristoyin bré tinbí ánfító?”

²⁹ Paulo lébláa mu ábée, “Bré tinbí o, bré tsətsətsə o, mí mpái ání ndeəbó há Bulu gyí, fúa ahá ánfí mlídé mí ason blíhé nu nde ánfí fée mléba bəbwe fè mí. Táme bumáwa mlí íkan anfi mó.”

³⁰ Inu á, Owíe Agripa muá ómásó ogyíró Festo pú Berenike muá ahá ámúó butsié ínu ámu fée bókoso dáli. ³¹ Bəyélí útsétó, amó wolewole bodeblí bæ, “Oyin ánfí mókóbwe tətəá ilehíán ha mu lowu ntéé mu obuwa.” ³² Móó Owíe Agripa lébláa Festo ábée, “Teki ní oyin ánfí méblí ábée, Roma owíe dehen kóún ogyíí mu asón á, teki fétalí sí mu.”

27

Paulo Poya Roma Wúlutó

¹ Bréá bebli alí tá á, bekítá agywwun bæ, abótsun ópusu yó Italia ómátó. Bəpu Paulo muá obu adípó akú é wá Romafó ísá akəpó óhande ókoá botetí mu Yulio íbító. Óhande anfi bu Roma Owíe Dehen Augusto ísá akəpó ópasuato. ² Anlówie ntsusu-yibi koá itsú Adramitio fón, iyó ópu ónó

awúlúa ibu Asia ómát. Makedoniayin Aristarko, otsú Tesalonika amu é bu anito. ³ Jyi kehe a, aniléi Sidon opu ónó. Isá akópó ðhande Yulio lówun Paulo nwe, oleha mu aloyo mu aba wá, méni béha mu atá íbéhián mu. ⁴ Anilókoso tsú inu, afú lefia aní opu amoso. Múó anilóyotsun Kipro osóló awunso fón, tsúfí afú ámu medétsún inu mó. ⁵ Anilótsun opuso yótsun Kilikia pó Pamfilia fónso yówie Likia osóló, Mira wúluta. ⁶ Isá akópó ðhande amu lówun ntsusu-yibi kwá itsú Aleksandria wúluta iyó Italia ómát, ólele aní wá mót.

⁷ Anidín opu amoso potoo. Mú so anilégyí nke tsótsótsó okpato. Ilepian aní asa anilówie Knido. Afú ámu méha aní okpa. Mú so anilópu yótsun mantáa Kreta ómá. Inu á, anilópokplí tsun Salmone wúlu ósaasi fón. Tsúfí afú medétsún inu mó. ⁸ Iná anilótsun opu ónó-ónó kórará ó á, ilepian aní asa anilóbowie ótnekóá botetí inu “Otsubúno Wankláán,” ibu mantáa Lasea wúluta.

⁹ Nke tsótsótsó lóbótsun, nkeá botópóklí ónó kólí lakpansikíé é ðlòtsun. Nke ámóto é á, opu amu ideá. Mú so mósó tsun lowa ifú. Inu so Paulo lótoí kplá amó óbée, ¹⁰ “Mí awíé, nawun ání ní anuméki wankláán aní okpa ání natít á, abóhólú ató tsótsótsó. Megyí ató pó ntsusu-yibi ámu wole, aní onutónútó é abésin mót.” ¹¹ Táme isá akópó ðhande amu lóho ntsusu-yibi ámóto ðhande pó mu wie asón sí Paulo. ¹² Iná otsubúno inu ima alá abétsiá inu nyankpotswiebi so á, amótó ahá tsótsótsó beblí be abénati mu. Amó ansí dun ání abóyówie Foinike, igyi Kreta otsubúno, ibu owí okplíwíékpa fón, tsíá inu nyankpotswiebi amu.

Atsufú Kpónkpónti Opuso Tsótsun

¹³ Inu afú kwá itsú gypiso lówa tsótsun brébu bi. Inu so ahá ámóto ako bosusú ání amó agywuun ámu békaná. Mu so belatsu símpíá ítehá ntsusu-yibi telí tsukole wá ntsusu-yibi ámóto, bopótsun Kreta opu ónó-ónó. ¹⁴ Táme inowa ópá koku afú kpónkpónti ku lókoso tsú Kreta ífónso. Afú ámu dá gyí “Binaso-owí-ódalokpa-afú.” ¹⁵ Afú ámu lébefia aní. Iná anumetalí sánkia ntsusu-yibi ámu so á, anlési iwí há afú ámu, ðapu ntsusu-yibi ámu náti. ¹⁶ Iapu mó srí yótsun mantáa opu nsiné osóló kwá botetí mó Kauda asi. Ilaw onlu asa betalí tsú oklonbi ámóto botópólé ahá ání bode ntsu wie, isian ntsusu-yibi ámu óma amu wá yibi ámóto. ¹⁷ Inu ntsusu-yibi ámóto agyómá ayópó bebítia oklonbi ámu wá ntsusu-yibi ámóto. Bapu ófé klí ntsusu-yibi ámu kinkínkin, méni imémain. Benya ifú be afú ámu íbótsvan ntsusu-yibi ámu yówie Libia otsubúno osublúta. Mú so bele tati ání isian ntsusu-yibi ámu, méni ntsusu-yibi ámu bénati potoo. Mú óó á, afú ámu lótsvan ntsusu-yibi ámu náti ówónlínso. ¹⁸ Mó jyi kehe a, afú ámu ónó lehié wá onlu. Mú so bowa amó ato soráhé le wá opoto bi. ¹⁹ Óke sáási a, bele ntsusu-yibi ámu iwí ntobí kugyíkwá amó ibi léda wá opu amóto. ²⁰ Anitráa anuméde owí mó ntsrakpabi wúun nke tsótsótsó, afú ámu ónó é ítráa bu onlu. Mú so aní ansí metrá dinká tótso dun lowu.

²¹ Nke tsótsótsó lótsun, ahá ámu botráa bumedé ató gyí. Inu Paulo lókoso lí amó fée ansító, bláa amó óbée, “Mí awíé, teki ní mlónó mí óme, anuménati Kreta otsubúno á, teki anumókó befia ipian, hólí aní ató áli. ²² Táme séí á, mbláa mlí amliun. Mliwa klun, tsúfí anito okoku móowu, ntsusu-yibi ání wole obéyintá. ²³ Igye onyé á, mí Buluá ntosúm lówa mu óbapu mí wá. ²⁴ Ólebláa mí óbée, ‘Paulo, mánya ifú. Ibwebwéébwé á, féli Roma Owíe Dehen ansító. Bulu lawá awítóle há fú. Mú so alahó ahá ání fúa amónyo mliná ání fée nkpa.’ ²⁵ Mó so mí awíé, mliunya klun, tsúfí mí ansí dun ání Bulu óbéha íbéba mótó fé alá mu óbapu labebláa mi. ²⁶ Táme ibwebwéébwé á, afú ámu íbéda aní ya opu nsiné osóló kusu.”

²⁷ Eke dúanasí onyé á, afú ámu bu mósó ide anida yáa nsiné inu opuá bótetí mó Adriasu. Mú óyinsiné á, ntsusu-yibi ámóto agyómá ayópó bosusú ání anilatá osóló tu tá. ²⁸ Mó so bapu ófé kápó opu amu oklú ki. Benya ayabi lafakole adwanyó (120). Bré kpalobí óma betrá kápó mó ki a, benya ayabi adukwebá (90). ²⁹ Ifú lekítá ntsusu-yibito agyómá ayópó ámu ání abódu abotásó. Mú so beda asímpí ání botópókítá ntsusu-yibi líí ana kéké sián mó óma, sí mó wá opu amóto. Bokokólí Bulu beé jyi ikée amó. ³⁰ Agyómá ayópó amu ako bekleá bésrí dalí ntsusu-yibi ámóto. Mú so beki ansí lé oklon kusubi ámu dinká opu amoso híéé, fé símpí ámu bodepsíán oklon ámu ónósó. ³¹ Táme Paulo lébláa isá akópó ámu pó amó ðhande óbée, “Ní ntsusu-yibi ámóto agyómá ayópó bometsiá mótó á, mli ménya nkpa.” ³² Mó so isá akópó amu beka oklon kusubi ámu ófé tun, há afú lótsvan mó náti.

³³ Jyi íbá beke a, Paulo lóbwií ipa há amó fée óbée, bogyií ató. Óleblí óbée, “Kwasieda anyo sósón ní, atogyihe medinká mlí ówólí. Mli mókógyi tótso. ³⁴ Nobwíí ipa há mlí, mli gyi ató ngya, méni mli móowu. Mli to okoku nwunso-imi kole kórará móófwi.” ³⁵ Paulo lótoí tá á, ólele bodobodo ípín, dá Bulu ipán amó fée ansító, ólemain ku wá gyí bi. ³⁶ Inu anito okugyíaku lówa klun gyi ató. ³⁷ Aní ahá lafanyó aduesienó-sie (276) bu ntsusu-yibi ámóto. ³⁸ Bréá amó fée begyi ató ahá betalí á, bele ayó ámóto ibu ntsusu-yibi ámóto ámu fée wá opoto, há ntsusu-yibi ámu leta odwin.

³⁹ Bréá ɔyi deké a, agyómá ayópó ámu bowun ání ɔpu amó bámbi lowie ɔsolóu koso, táme bomebi otsubúno oduá igyi. Inu bobwe agywun bee békan ntsuso-yibi ámu ya inu. ⁴⁰ Mó so bekakáa simpí ámu tuntun wa ɔpoto. Besankí ntsuso-yibi ámu mpaí é. Móbó botsu tati yilé ámuó isian ntsuso-yibi ámu ansító ámu fóa, fia afú ámu, bɔpu bɔyó ɔpu ɔnó. ⁴¹ Táme ntsuso-yibi ámu loyódo nsesu, sin inu, ɔpu amó leda wólí ɔklon amu ama máin-máin mó.

⁴² Isá akópó ámu bobwe agywun bee bómá obu adupó ámu fée, méni ɔkoku méesipítí dali, sri. ⁴³ Táme amó ɔhande léklé ání ɔbóhɔ Paulo nkpa. Mó so ɔmeha amó ɔkpa ání bumáso obu adupó ámu. Táme ɔlebláa amó ɔbéé, ɔhagyíɔha ání ɔbétalí á, otúu wie ɔpu amota, ɔpiti dali. ⁴⁴ Oma a, ɔleha atráhe amó é bɔdo dínká ntsuso-yibi ámu afunso yówie ogbémgbesu. Amó fée begyi mbla ámusu, bɔyɔ ogbémgbesu inu.

28

Malta Wúluɔ Asón

¹ Aní fée anuléduká ogbémgbe amosu. Oma asa anulébi ání ɔpu nsiné ɔsolóu koá botetí mó Malta ni. ² Nyankpu détswíe, so atsali bu inu. Táme inu atsiápó amu begyi aní bɔale dódá ogyá ɔpu ɔnó inu há aní, aní fée anulétsiá mó así. ³ Paulo lékpa ngyayibí ɔbéé amopowa ogyá ámota. Sáa ibe bu móts. Ogyá ámu okunkúu so ibe ámu lótswi yi Paulo ɔbiweto. ⁴ Bréá inu atsiápó amu bowun ání iwɔ ámu yí mu a, bebláa aba bee, “Ahá ɔmpɔ oyin ání gyí. Ibo móts ání aladál ɔpu amota, táme aní ɔkpi ámuó ɔtebítí isɔ ámu médekle ɔbéé otsiá nkpa.” ⁵ Inu Paulo lówonáa ibi, iwɔ ámu lékpa wíé ogyá, táme tɔtɔ móbwe Paulo. ⁶ Amó fée besi bolí bodekú. Boki bee Paulo obópunya, ntée ɔbétun wu. Táme bréá belí wá ɔpá tɔtɔ méba a, beladámli amó agywun bli bee, “Ɔkpi ɔku ɔhá ání gyí.”

⁷ Ɔhande ɔku bu ɔsolóu ku ɔpu nsiné inu. Mu dá gyí Publio. Ɔlɔhɔ aní atúu, kpá aní ya mu wóyító, anulétsiá mu wá nkensá kéké. ⁸ Alí bré ámota á, owísó lakítá ɔhande amu mu si, mu iwɔta latú; ɔda. Paulo léyekí mu, ɔlɔpu ibi dínká musu bɔ mpáí há mu, iwí lowa mu ɔnlin. ⁹ Mó oma a, bɔpu alɔpá ámu ɔsolóu amosu fée ba, Paulo létsa amó ibi. ¹⁰ Anulétsiá inu tsra asa, unfo ámu bɔwa aní numnyam, kíé aní ató tsɔtsɔtsɔ. Bréá anidénatí á, bɔpu atáá ibéhián aní ɔkpatɔ fée sí aní ɔkpa.

Roma Wúluɔ Yɔ

¹¹ Anulóyɔ ɔpu ɔnó yótsu ntsuso-yibi koá ilatsiá inu nyankpɔtswíebi amu fée. Itsú Aleksandria wúluɔ. Besré atabí akóá bɔgyi ikpi yi ntsuso-yibi ámu ansító. ¹² Aniléyelí ɔpu nsiné ɔsolóu ku otsubúno, botetí mó Sirakus, anulétsiá inu nkensá. ¹³ Tsú inu á, anulóbmli tsun bowie wúlu yilé koá botetí mó Regiosɔ. Mó ɔyi kehe a, afú ku lówa tsóon bi tsu ayasi fón. Nkenyó oma a, anulóyowíe otsubúno koá botetí mó Puteoli. ¹⁴ Aniléfia ahógyipu aku inu. Bokokóli aní bee, atsiá amó wá nkensíno. Anilókusó tsú inu á, anulóyɔ Roma wúluɔ. ¹⁵ Apíó ání bɔbu Roma wúluɔ bonu ání abá. Mó so amótó aku beba ibiá ogyikpá, botetí inu Apia. Ako é beba ɔtnekoá botetí inu Afós Ɔswíkpa Asa, ibi ɔkpatɔ befia aní. Bréá Paulo lówwun amó á, mu ansí legyi, ɔleɔda Bulu ipán.

Bulu Asón Ɔkanda Roma Wúluɔ

¹⁶ Bréá anulóyowíe Roma wúluɔ á, Roma aban léha Paulo ɔkpa ání ɔbétalí yétsiá ɔtínéá odeklé, táme isá ɔkópó ɔku obógyo mu iwí brégyíbré.

¹⁷ Eke saási a, Paulo létí Yudafɔ ahandea bɔbu inu fée fia. Móbó ɔlebláa amó ɔbéé, “Mí apíó, ibu mótsá mmɔpu laláhe kukukuku gyi mí ɔmátófo, mmeyintá aní anáin amándíé koku é. Táme aní ahandé ání bɔbu Yerusalem bekítá mí ya Romafɔ. ¹⁸ Bɔyɔ mí asóntó á, teki bekleá besi mí, tsúfé bomowun tsitsa koku mí iwí asa bee bumáso mí. ¹⁹ Táme Yudafɔ ámu bumotsulá ání busii ni. Amó bwéhé so nɔkolí ɔkpa mbée, Roma Owíe Dehen onutó ogyii mí asón. Megyí bee mbu mí ɔmá iwí asansu. ²⁰ Mó so natí mli fia ni. Tsúfé ɔhá ámuó Israelfɔ bode mu ɔkpa kí amu só nda ikan anfito.”

²¹ Amó é bebláa Paulo bee, “Anumókóhɔ ɔwóló koku tsú Yudea ɔmátó tsú fú iwí. Aní apíó Yudafɔ ámota ɔkoku é mákótsú inu bebláa aní ason laláhe koku tsú fú iwí. ²² Táme ha aní abí fú agywun. Tsúfé anyin ání ahá botebli ason laláhe tsú Bulusúm ɔpasua ání fóbu móts ání iwí ɔtínegyíɔtíné.”

²³ Mó so muɔ Yudafɔ ámu behie ekeá béfia. Eke ámu lófun a, Yudafɔ tsɔtsɔtsɔ beba befia Paulo wóyí inu. Paulo lótsí kplá amó. Ɔlɔpu Mose Mbla pó Bulu ɔnósó atáipó amu ason wanlínhé lé Bulu iwíegyi ámu iwí asóntó súná amó tsú nyanki pan owí. Ɔlɔbɔ mbódí ání ɔbédámli amó abohɔ Yesu Kristo iwí asón ámusu gyi. ²⁴ Amótó aku bohogyi, táme aku bomohogyi. ²⁵ Amó wolewole amu ɔnó mɔbwe kole, bɔwa asón ámu prí bi. Táme Paulo létrá bláa amó ason kua kole asa bedasáin. Ɔlebláa amó ɔbéé, “Ɔhe Wankíhé lébláa mli anáin ɔakwali amu tsun Bulu ɔnósó ɔtáipó Yesaiasu. Ɔbéé,

²⁶ Yɔ ahá ání wá afyebláa amó fée, Bónu lánú, táme bumóonu mó así.

Béki láki, táme boméebi mó.

²⁷ Tsúfí kluntá bu amó odwin.

Batílá aso, bun ansibi é.

Ní megyí alí á, teki bówwun ató

bónu asón,

amó agywwun bóbbwi.

Bédamlí ba mí wá,

nétsa amó ilo.’ ”

²⁸⁻²⁹ Paulo lómá mu asón onó obéé, “Mó su ndekléá mlúbí aní Bulu nkpahóo asón ámu lawíé ahá aní bomegyí Yudafo é wá dodo. Amó mó bóhó asón ámu.”* ³⁰ Paulo létsiá unó nfinyo kéké. Oletsíá mu onutó obu háiheto. Oletsíá ho afóó aní beba besunáa mu fíé. ³¹ Olówa klón dá Bulu iwíegyi ámu iwí asón okan, olosuná aní Wíe Yesu Kristo iwí asón é ahá fíé ansító. Ohaa métin mu okpa.

* **28:28-29** Mótó yéé 29 bu nwoló dada amó akoto: Bréá Paulo lébílí asón anfi tá á, Yudafo ámu bókoso náti, amó wolewole buna bode asón ámu nwéen gyí.

Ọwúlọ́ Paulo Lówanlín Sísí Romafọ

¹ Mí Yesu Kristo osúmbi Paulo dé ọwúlọ́ ánfí wanlín sísí mli Romafọ. Bulu létí mí ọ́bée, mbábwe mu sumbí ọ́yọ́pọ. Ọ́lẹlẹ mí yáí ání nẹ́dà mu ason wankláán ámu akan.

² Bulu léhúe ason wankláán ánfí yáí tson mu ọ́sọ́sọ atọ́pọ́sọ dodoodo, bọwanlín mu wá mu ason wanlínhé amoto. ³ Ason wankláán ámu lotoí tsú mu Bi, ogyi aní Wíe Yesu Kristo iwí. Anyánkọ́pọ́sa ọ́kpaso á, ọ́lẹlẹn Owíe Dawídwí abusuanto. ⁴ Bulu léle súná ání lẹ́lẹ́ mu Bi ní. Ọ́lọ́tson Ọ́jẹ Wankíhé túmító kọ́sọ́a mu tsú afúlitọ. Múgyí aní Wíe Yesu Kristo. ⁵ Ina muso Bulu lawá awítọle lé mí mu sumbí ọ́yọ́pọ, méní nẹ́kpa ọ́má bámbásọ́fọ bọ́họ mu gyi, nú mu ọ́me. ⁶ Mli Romafọ ánfí Bulu latí ọ́bée, mlibábwe Yesu Kristo klé é mlibu mótó.

⁷ Iní so mí Paulo nde ọwúlọ́ ánfí wanlín sísí mliá mlibu Roma fẹ́. Bulu lahíé dwé mli, tí mli, pọ́ mli b́wé mu ahá. Nde aní Sí Bulu mua aní Wíe Yesu Kristo kokóli mbée, bọgyí mli buale, abọha mli iwílwii.

Paulo Bulu Ipáná

⁸ Gyankpapọ a, nna Yesu Kristosọ nde mí Bulu ipán da mlító okugyíọkọ nwunsọ. Tsúfẹ́ mli Kristo hógyi sọ mli dá de ọ́yítọ́ fẹ́. ⁹ Napọ́ mí klon fẹ́ nde Bulu sıḿ tson mu Bi Yesu iwí ason wankláán akan ámuó ndeda ámusọ. Obégyi mli adánsie ání ntekáin mli sọ brégyíbréá nde mpáí bọ. ¹⁰ Ntetsiá kokóli mu ekekegyíeke mbée, otsúla fínki ọ́kpa ha mli, antali besúnáa mli nke ánfító. ¹¹ Tsúfẹ́ idin mí ọ́wúlọ́a mía mlunyo abéfia, méní nẹ́bẹha mlénya Ọ́jẹ Wankíhé atokíehé ání ibọ́wa mli ọ́wonlín. ¹² Mọ́a ndeblí gyí, ní nẹ́bá mli wá á, mí hógyi bówa mli ọ́wonlín, mli klé é ibọ́wa mí ọ́wonlín.

¹³ Mí apító, ndekléá nẹ́ha mli bí ání nabwébwéébwé agywuín ání nẹ́besúnáa mli, táme tọ́kọ de mí ọ́kpa tíin bọ́fon nde. Ndekléá nẹ́ba un bọ́tọ́i kplá ahá, méní bóhọ Yesu gyi, fẹ́ alá nahá ahá bahọ́ mu gyi ọ́má bámbátọ. ¹⁴ Iní gyi tóá ilehián ání nóbwe ahá fẹ́tọ́ ní. Ilehián ání nóbwe mu Griikífọ́ pọ́ ọ́blí bábmbá ablípọ́, atiansọ́ pọ́ aha mimláhe fẹ́tọ́. ¹⁵ Iní so mí ansí lapé ání nẹ́bláa mli ahá ání mlibu Roma wílutọ́ é ason wankláán ámu.

Bulu Ason Wankláán Ámu Túmí

¹⁶ Bulu ason wankláán ámu uma mí péli. Tsúfẹ́ mógyí Bulu túmí ání ọ́depońhọ ọ́hagiyísha ání ọ́lẹhọ Kristo gyi nkpa ní. Yudafo gyánkpa, asa ahá ání bomegyí Yudafo bọ́buo. ¹⁷ Tsúfẹ́ ason wankláán ámuo Bulu léle alá ọ́tóbwé sha yilé ọ́bwepọ́ súná. Mú ọ́sọ́-asi fẹ́é ilí hógyisọ. Iní Bulu ason wanlínhé amọ́ leblí ní. “Ọ́há ání mu hógyi sọ Bulu latsú mu ání mu asón da ọ́kpa obénya nkpa.”

Lakpan Ọ́bwepọ́ Ọ́hagiyísha Gyí Bulu Ansító

¹⁸ Bulu léle mu ọ́blọ́ súná tsú ọ́sọ́sọ. Olenya ọ́blọ́ ahá ání bọ́tamanyá mu ifú, bode lalahé bwe, bapọ́ amọ́ owuntọ́lun bode Bulu asón ání igyi ọ́nọ́kwali ọ́kpa tíin. ¹⁹ Bulu ọ́bẹ́bití amọ́ isọ. Tsúfẹ́ tóá ilehián ání bẹ́bí tsú Bulu iwí ida amọ́ ansító dodo. Bulu onutọ́ léle mó ọ́wan súná ámu. ²⁰ Ibo mótó ání shaa tamawun Bulu túmiá itamatá pọ́ alá ogyi. Táme tsú bréá Bulu lóbwe ọ́yí ọ́pá á, Bulu tsiátọ́ mejaní. Tsúfẹ́ mu atọ́ bwehé léle mó súná wankláán ání ahá bétali wun mó, pọ́bí mu. Iní so shaa má ọ́nọ́ kọ́kọ lé. ²¹ Bọ́yin Bulu, táme bọ́mọ́wa mu numnyam ání iletsiá mu, bọ́mọ́pọ́ ipán kọ́kọ é há mu. Mboún tóá uma asi bótọ́gywuín tsu Bulu iwí. Botamatráa nu mu asón ámu asi. Basin oklúntọ. ²² Bọ́teki amọ́ iwí beẹ betun ansí, táme bemimláa. ²³ Basí Bulu ọ́kpankpapọ́ amọ́ tswi, yó bode ikpí ání boma nkpa sıḿ. Bopwe amọ́, ntée sré amọ́ fẹ́ nyankpọ́sa ání otowú, ntée mbubwí, ntée mbwí pọ́ awọ́ akọ.

²⁴ Iní so Bulu ladámli ọ́ma há amọ́, basí bode atọ́ laláheá bodeklé tsu amọ́ klontọ́ bwe, amọ́ amọ́ aba bode iwí sọ́páa. ²⁵ Bọ́tamatráa họ Bulu ọ́nọ́kwali amọ́sọ gyi. Asón ání uma mótó mboún bodehógyi. Iní so bayọ́ bode Bulu atọ́ bwehé mboún sıḿ, sí atọ́ fẹ́é Ọ́bwepọ́ ámu onutọ́. Kanfọ́ letsiá mu bré fẹ́é! Amen.

²⁶ Amọ́ bwehé ánfí so Bulu lédámli ọ́ma há amọ́, bọ́na bode hakpanla bwe. Amọ́ atsi kóráá besi ayin wá dí, fẹ́ alá ida yáí, amọ́ wolewole boda aba wá. ²⁷ Alí kén ayin é besi atsi wá dí fẹ́ alá bọ́tóbwé mó yáí, buda aba wá ní. Hakpanla anfi bwe sọ Bulu lébití amọ́ isọ ání lekanáa ha amọ́, bode mó wúun ní.

²⁸ Iníá bakíná Bulu bí sọ á, Bulu ladámli ọ́ma há amọ́, bode asokpan susúu, bode tóá uma aleá sha ọ́bóbwe bwe. ²⁹ Lalahé sọ́n bọ́ amótọ́. Iko gyí; lakpanbwe, opotsuawa, olu, ọ́nsípe, aháma, mblikpée, ahámli, agywuín lalahé bwe pọ́ ahátsíí. ³⁰ Ahá ọ́nótun, Bulu asónkiná, atómábú, iwítsú, iwí adábi da. Lakpan ọ́kpagyáa, akwíwípsọ́ kọ́sólíí. ³¹ Botamagywuín, botamagyí amọ́ ason blíhésọ. Bọ́tamadwé ahá, bọ́tamawun ahá nwe. ³² Iníá bọ́yin ání Bulu mbli ámu losuná ání shá ání otsiá atsiábi anfi odu obowó ọ́ ó á, megyí iní ánfí nkọ́le bodebwe. Bọ́tráa bode lalahé abwepọ́ é ateto-onlun wa dínká mósó.

2

Bulu Tamakɔ Jha Ansítɔ

¹ Inɔ sɔ fɔ́a futsie fude fɔ́ aba alá le, foma onó koku lé Bulu ansítɔ. Tsífé fude ako ulá le, táme fude mó odu kén bwe. Mó sɔ ní fude amó ulá le á, iwɔ pón fúdeha. ² Anyin ání Bulu obéha ahá ání bode inɔ odu bwe ipón. Anyin é ání mɔ asón da okpa. ³ Mó sɔ ní fúde ahá ulá le lakpan ání fɔ onutó fúde bwe sɔ á, bi ání Bulu é obéha fú ipón. Fómétali kɔli dalɔ mɔ ibi. Ntée fómeyín ali? ⁴ Bulu lalé mɔ yilé pó mɔ awitale owan súná fú, alanyá klɔn há fú, táme fomobu mɔ. Ntée fómeyín ání alá fédamli klɔntɔ yínki ba mɔ wá sɔ alalé mɔ awitale súná fú? ⁵ Táme klɔntɔ bu fɔ odwin, asoto bu fɔ onlin. Mó sɔ isotobiti ání ida gyo fú ekeá Bulu Onokwalɔpɔ obégyi asón itráa démoni tsía. ⁶ Bulu obéka ohagyioha ɔko mɔ bwehé onó. ⁷ Ako bapó ansí dínká ání bénya nunnyam, idayilé pó nkpa ání itamatá. Mó sɔ banyá klɔn bode yilé bwe ekegyéke. Amó Bulu obéha nkpa ání itamatá ní. ⁸ Táme akwá bobu onsipe, bakiná onokwali amɔ pó yilé bwe, bobuo lalahe mó á, Bulu obópu obló gyi amó asón, bití amó iso wankláán. ⁹ Asón wunhe móa iwɔasɔn béba lalahe abwepó féesó. Ibégyankpá tó Yudafɔ, asa ibító ahá ání bomegyi Yudafɔ. ¹⁰ Táme Bulu obéwa yilé abwepó nunnyam, há amó iwiliwi, trá há amó aye. Obégyankpá há Yudafɔ, asa ibító ahá ání bomegyi Yudafɔ. ¹¹ Tsífé Bulu tegyi asón onokwalɔ, otamakɔ ohaa ansítɔ.

¹² Ahá amóú bomeyín Mose Mbla ámu, bode lakpan bwe ámu óó bófwɔ. Táme Bulu móɔpu mbla ámu gyi amó asón. Ahá amóú boyin mbla ámu asa bode lakpan bwe ámu mó á, Bulu obélí mbla ámu sɔ há amó ipón. ¹³ Tsífé megyi ahá ání boyin Mose Mbla ámu asón da okpa Bulu ansítɔ. Mbotin ahá ání botegyí mósó. ¹⁴ Ibo mótsá ahá amóú bomegyi Yudafɔ bomeyín Mose Mbla ámu. Táme ní amó onutó bode mbla ámu sɔ gyi a, bodesuná ání boyin yilé móa lalahe amó klɔntɔ. ¹⁵ Amó bwehé ání desuná ání Bulu lówanlin mbla ámu dínká amó klɔnsɔ. Amó klɔn de adansie gyi ání lélé boyin mó. Tsífé bré koto á, amó agywun tehá amó ipón, bré koto é á, itché amó asu. ¹⁶ Alí kén íbéba eke amóú Bulu obótsɔn Yesu Kristosɔ gyi tsá ahá babwé njáintɔ iwɔ asón ní. Alí Kristo iwɔ asón wankláán amóú nde mó okan da ámu idesuná ní.

Yudafɔ Pó Mose Mbla

¹⁷ Fó fée Yudayin fúgyi, fú ansí dun Mose Mbla ámu sɔ, fúdepu ibi sí kántó fée Bulu mɔ bi fúgyi. ¹⁸ Foyin Bulu apé, tsífé fakási Mose Mbla ámu. Mó sɔ foyin tsá ibo alé. ¹⁹ Futeki fú iwɔ ansibi abwiepó okpapó, fúgyi fée okandie há ahá ání bomeyín Bulu, basin oklúntɔ. ²⁰ Fó fée fugyi aha mimláhe ansí otinpu. Fétali súná ahá ání bomeyín olala tsá ibo alé. Tsífé fatsulá fée Mose Mbla ámu sɔ fabi tógyít, fabi onokwali kugyíko é. ²¹ Táme iná fúde ahá yilé súná á, ntogyi sɔ fomóosuná fú iwɔ mó? Fúde okan da bláa ahá fée bomáwi ató, táme fú onutó fúdewi? ²² Fée bomáto mbua, táme fúde mbua tó? Fée bomásun ikpi, táme futowí okpiasi ató. ²³ Fototú iwɔ Mose Mbla ámu sɔ, táme futepán mósó. Inɔ sɔ fúde Bulu kpó. ²⁴ Bulu asɔn wanlinhé amó lébli obé, “Mli Yudafɔ bwehé sɔ ahá ání bomegyi Yudafɔ bode Bulu iwɔ asɔn laláhe bli.”

²⁵ Ní mlidé Bulu mbla ámu sɔ gyi á, mli ketétin bu labi. Táme ní mlitamagyi mósó á, mligyi fée ahá ání bometin keté. ²⁶ Ní oku metin keté, ode Mose Mbla ámu sɔ gyi a, ogyi fée keté otinpu Bulu ansítɔ. ²⁷ Mli Yudafɔ mliyin mbla ámu, tsífé bowanlin mó tswi mli, betin mli keté é, táme mlitepán Mose Mbla ámu sɔ. Mó sɔ ohá ání metin keté kóráá, táme ode mbla ámu sɔ gyi obéle mli ulá. ²⁸ Tsífé megyi keté otinpu gyi Yudayin onutó. Ketétin onutónutó bu imo. Megyi ayulúso ketétin keke. ²⁹ Ní oku gyi Yudayin onutónutó á, mɔ klɔntɔ tósúná. Ketétin onutó itsú klɔntɔ. Bulu Oné ámu tóbwé mó, megyi mbla ámu bowanlin tswi amosɔ gyi. Ohá ání Bulu Oné ámu letin mɔ keté á, Bulu onutó tékánfɔ mɔ, megyi nyankpɔsa.

3

¹ Mómó labi mɔmo Yudafɔ bobu dun ahá ání bomegyi Yudafɔ? Ntée labi mɔmo ketétin bu? ² Ibo mótsá labi ámu ihé itsó! Gyankpapu gyi, Bulu lópu mɔ klɔnsɔ asón wá Yudafɔ ibito. ³ Ibo mótsá ání amótó ako bomohɔ Bulu asón ámu sɔ gyi. Táme amó tsiátó anfi odu íbétali há Bulu obési tsá ohehe ání obóbwe lóó? ⁴ Ekekeke! Megyi ali igyi! Ní afunupu ahá fée bugyi óó á, Bulu mó á, onokwalɔpɔ ogyi. Igyi fée alá Owie Dawid lébláa Bulu obé, “Ní fatóí á, ahá bubli beɛ fú asón igyi onokwali.

Ní begyi fú asón é á, bubli beɛ fú asón da okpa.”

⁵ Ní anɔ tsiátó laláhe lalé Bulu tsiátó wankláán súná á, mómó ní ode anɔ iso bití anɔ tsiátó laláhe sɔ á, nkáli abéblí? Abéblí aniaa, Bulu má okpa bití anɔ iso? (Nyankpɔsa asón blihé ndeblí á.) ⁶ Ekekeke! Ima mótsá alí. Ní Bulu asón meda okpa á, nkáli obégyi ayító ahá fée asón?

⁷ Oku obéfíté obé, ní mí onokwalimáwá lalé súná ání Bulu bu onokwali, ulatsú mɔ dá fúá á, mómó nto sɔ Bulu obétrá há mɔ pón obé lalahe obwepó ngyi? ⁸ Ní igyi ali á, mómó nto sɔ anuméblí aniaa, “Mliha abwe lakpan, fówun Bulu tsiátó wankláán dun owan?” Fée ali amóú ako bode mí onó tun beɛ, nna ndeblí ámu, Bulu obéha amó ipón alá lekaná.

Jhaa Mégyi Yilé Obwepó

⁹ Nkálí mee abéblí pómó mó onó? Mó sɔ aní Yudafo anidɔn ahá á móó bomegyí Yudafo á mó lóó? Ekekeke! Anumódɔn amó okpagyíokpasɔ. Nablí bətsɔn mbéé, ikole Yudafo pú ahá á móó bomegyí Yudafo á mó fée bɔgyi. Tsúfée lakpan lagyi amó féesé. ¹⁰ Bulu asón leblí əbée, “Ŋhaa asón meda əkpa Bulu ansító. Ŋbakóle kóráá médalí mótó.

¹¹ Ŋhaa tamanú Bulu asón asi; əhaa tamadúnká Bulu əkpa.

¹² Amó fée badámlí əma há Bulu, amó fée bafwí.

Yilé əbwepó əkoko má ɔnɔ. Ŋbakóle kóráá médalí mótó.”

¹³ Bulu asón á mó létrá blí əbée,

“Botekle asukpan blí.

Bətəpó amó onó mlé ahá.

Amó onótó asɔn blíhé támó fée ɔwə elín.”

¹⁴ Bulu asón á mó létrá blí əbée,

“Ilwí pú asɔn-sɔnsín blí botegyí dɔ.”

¹⁵ Ŋletrá blí əbée,

“Ahámɔ ma amó opá.

¹⁶ Ŋtíngyíətínéá bɔna á, bɔde ahá yintá, bɔde ahá ipiantɔ wa.

¹⁷ Bomeyín əkpa aní itəpó iwílwii ba.”

¹⁸ Bulu asón á mó kɔ é leblí əbée,

“Botamanyá Bulu ifú.”

¹⁹ Séi á, anyin aní asóngyiasón aní Mose Mbla á mó losuná á, ɔda ha Yudafo á móó bəpɔ mbla á mó há á mó. Mó sɔ əkoko méenya əkpa lé asɔnsɔ onó bréá Bulu dé ahá fée asón gyí.

²⁰ Tsúfée Mose Mbla á mó sɔ gyí méetalí há əha ogyi asɔ Bulu ansító. Há mbla á mó itəhá anitebí aní lakpan abwepó angyí.

Alá Ŋha Tegyi Asɔ Bulu Ansító

²¹ Séi á, Bulu lasúná əkpa aní ətətsɔn mósó há əha asɔ. Imená Mose Mbla á mó sɔ gyisɔ. Táme Mose Mbla á mó pú Bulu onósó atəpó amó asɔn wanlínhé léblí əkpa á mó ɔwí asón yáí.

²² Əkpa á mó gyí əkpa aní Bulu tətsɔn há əha asɔ mɔ ansító ní. Yesu Kristo hógyisɔ Bulu tətsɔn hə əhagyíəha. Ma fɔgyi o, ma fomegyí o, nkónɔ fotsú o, nkónɔ fumotsú o, əhaa mótɔn ətsan Bulu ansító. ²³ Tsúfée ahá fée babwé lakpan. Mó sɔ bahóli Bulu numnyam. ²⁴ Awítəle Bulu lawá há aní. Mó sɔ nyankpɔsa obégyi asɔ mɔ ansító ní. Awítəle anfi ina Kristo Yesusɔ. Móléka nyankpɔsa nɔwunsɔ ikɔ. ²⁵⁻²⁶ Anyánkpɔsa bɔde lakpan bwe tsú bré opá, támé Bulu lénya klɔn há amó, əmɛbtí amó ɔsɔ. Séi á, Bulu labəpɔ Yesu bə afɔdié, pú mɔ obugya lé aní ɔwí mɔbusuo, méni abótɔn mɔ hógyisɔ nyá lakpansikíé. Bulu ləbwe mó alí pósúná aní mɔ asón da əkpa, méni ibósuná nke anfi tɔ aní yilé əbwepó ogyi. Ototsú ahá aní bəhə Yesu gyi aní amó asón da əkpa mɔ ansító.

²⁷ Séi mé, təkɔ bɔ ɔwá abótɔ ɔwí mósó? Tətə má ɔnɔ. Ntogyi sɔ anuméetalí tsú ɔwí? Mose Mbla á mó sɔ lóó? O-o! Aní hógyi sɔ anuméetalí tsú ɔwí. ²⁸ Megyi atə wankláán á móó Mose Mbla losuná aní bwe á mó sɔ anitegyi asɔ Bulu ansító. Ina Kristosɔ hógyisɔ abégyi asɔ Bulu ansító. ²⁹ Yudafo nkole Bulu ógyi? Megyi ahá aní bomegyí Yudafo mó Bulu ogyi? Ee! Amó é amó Bulu ní. ³⁰ Bulu əkole pé bɔ ɔnɔ. Mó sɔ ina hógyisɔ olotsulá aní Yudafo asón da əkpa. Ina hógyi kénsó ələhə ahá á móó bomegyí Yudafo á mó é aní amó asón da əkpa. ³¹ Mó sɔ ilehián aní abəhə Yesu gyi, sí Mose Mbla á mó sɔ hógyi lóó? Ekekeke! Megyi alí igyi. Yesu hógyi təhá anitekítá mbla á mó tə kínkíínkín.

4

Abraham ɔwí Asón Lasúná Alá Hógyi Bɔ Labi

¹ Séi á, amansɔ aní Yudafo abéblí tsú aní náin Abraham ɔwí? Ntə olowun tsu Bulu aháhə asón anfi ɔwí? ² Ní yilébwe sɔ Abraham légyi asɔ Bulu ansító á, mómó əbɔ tá əbópɔtsú ɔwí, támé megyí Bulu ansító. ³ Nkálí Bulu asɔn wanlínhé amó léblí? Ŋleblí əbée, “Abraham ləhə Bulu gyi. Mó sɔ Bulu lótsu mɔ aní mɔ asón da əkpa.” ⁴ Ní əkɔ əyó agyómá á, bɔteká mɔ ikɔ. Megyi atokiehé ikóká á mó gyí. Igyi tóá ilehián aní obénya tsú mɔ agyómá yətó. ⁵ Táme megyí ahá bwehé sɔ, mbouin amó hógyi sɔ Bulu tɔtsú amó aní amó asón da əkpa. Tsúfée Bulu təhá lakpan abwepó aní bəhə mɔ gyi botegyí asɔ mɔ ansító. ⁶ Owíe Dawid léblí oyúla asón anfi kén dodo. Ŋlətó tsú ahá aní Bulu méki amó bwehé asa olotsu amó aní amó asón da əkpa ɔwí. Ŋəwanlín mó wá Bulu asɔn á mó tə əbée,

⁷ “Bulu layúla ahá aní alási amó lakpan kíé amó, alagyóra amó!

⁸ Ahá á móó Bulu lasí amó lakpan kíé amó, əméétrá kain mósó á mó bégyi ədwe!”

⁹ Keté atínpọ nkole bó ọdwegyí anfí Owíe Dawid dé mó ịwá asón blí anfí? O-o! Ahá ámóó bometin keté ámu é bobó mótó. Kain ání anilakla aswankọ Bulu asón wanlínhé amọta. Ania, “Abraham lóhọ Bulu gyi. Mó sọ Bulu lótsu mó ání mó asón da ọkpa.” ¹⁰ Bré mọmọ Bulu lótsu mó ání mó asón da ọkpa? Oletin keté asa lóó? Ekekeke! Bulu lótsu mó ání mó asón da ọkpa dodoodo. ¹¹ Ọma-ọma asa ọlebetin keté pọhie mó nsọ. Ilosuná ání mó hógýi sọ Bulu lótsu mó ání mó asón da ọkpa. Iní sọ ogyi fé ahá ámóó bometin keté, táme bọhọ Bulu gyi, Bulu lótsu amó ání amó asón da ọkpa ámu. Mó sọ ogyi amó fée ọsị ní. ¹² Ogyi keté atínpọ amó é ọsị. Tsúfẹ megýi amó ketétín sọ, mboún amó Buluhógýi sọ. Fé alí ámóó Abraham lóhọ Bulu gyi asa betin mó keté ámu.

Táá Bulu Léhúe Yáí Mọ Ahógýipọ

¹³ Bulu léhúe Abraham mọ mọ abí-aná ání ọyító fée ibóbwe amó klé. Megýi bẹe Abraham légyi Mose mblasọ, sọ Bulu léblí asón anfí. Táme ịniá ọlọhọ Bulu gyi, Bulu é lótsu mó ání mó asón da ọkpa mó ansító sọ. ¹⁴ Ní ahá ání bọde Mose Mbla amọta obégýi Bulu ató á, mómó ọha Bulu hógýi igyi kpaali. Bulu nńhúe há ọha é ma labi kọkọ. ¹⁵ Tsúfẹ Bulu ọbls mbla ámu tetí. Táme ní mbla má unọ á, mblatun é ịma unọ.

¹⁶ Mó alí sọ ịna hógýisọ ahá bétalí nyá atáá Bulu léhúe yáí há amó. Atokiehé ámóó ọbópohá Abraham abí-aná ámu ibéda amó ibi. Megýi ahá ání bọtegyi mblasọ nkole bó, táme ahá ání bọhọ Bulu gyi fé Abraham é. Tsúfẹ Abraham gyi aní fée ọsị. ¹⁷ Fé alí ámóó Bulu asón wanlínhé amọ ọleblí ọbée, “Napó fọ bwe ọmá tsọtsọtsọ ọsị ámu. Abraham gyi aní fée ọsị Bulu ansító.” Tsúfẹ olohogýi ání Bulu téhá awupọ nkpa, ọtehá tóá ịma unọ yáí iteba mótó fé tóá ibọ unọ yáí. ¹⁸ Bréá tótó má unọá Abraham ọbópọ mó ansí ọńká mósú á, ọlọhọ Bulu gyi ání ọbóbwe mó ọmá tsọtsọtsọ ọsị alí ámóó ọleblí yáí ámu. Bulu lébláa mó ọbée, “Fọ abí-aná békłéí fé ntsrakpabi.” ¹⁹ Alí bré ámọta á, Abraham lóhọ nfi lafakole (100). Mó sọ aladan tson kwíisí. Alí kén mó ka Sara é ọkwúpúni lawú, ọmétrá kwíi ní. Oyin ịni fée, táme ọmekpa mó hógýi ọma. ²⁰ Iní fée ọma a, ọmegýi nwéen ọbée, itó ámóó Bulu léhúe mó amọ ıméeba mótó. Mboún ọkkitá mó hógýitọ kinkíinkín, ọlekanfó Bulu mó sọ. ²¹ Tsúfẹ ọhie oyin ání Bulu ọbétalí bwe itó ámóó aláhié há mó amọ. ²² Mó hógýi anfí sọ Bulu léblí ọbée, mó asón da ọkpa ní. ²³ Megýi mó nkole sọ bowanlín wá Bulu asón ámọta bẹe, “Bulu lótsu mó ání mó asón da ọkpa.” ²⁴ Aní é, aní sọ bọwanlín mó. Ní anilóhọ Bulu gyi a, obótsu aní ání aní asón da ọkpa. Mogyi ọhá ání ọlọkọsúa aní Wíe Yesu tsú afúlító. ²⁵ Aní lakpan sọ Bulu léha bele mó há bọmọ mó. Bulu lókosúa mó tsú afúlító, méní obótsu aní é ání aní asón da ọkpa.

5

Isgyí Bulu Ansító

¹ Aní hógýi sọ Bulu latsú mó ání aní asón da ọkpa. Mó sọ aní Wíe Yesu Kristo lalá ania Bulunyo nsiné. ² Hógýi sọ ọkpa lafínkí há aningya. Iníá aní Wíe Yesu sọ Bulu awítọle anfí laba aniso, anlapọ hogyi nyá ọlúkpá ngya a, ihíé bọ aní ọdwe. Tsúfẹ anudin ansí ání abébenya mó numnyam amọ kọ. ³ Ansí ịtráa de aní gyi ání anidé ipian wúun. Tsúfẹ ipian téhá anitwá nsí. ⁴ Nsiwa téhá anitebí tsíá alá ileyi Bulu ansí. Ní abí tsíá alá ileyi mó ansí á, abédinká ansí mọsọ. ⁵ Ansí pọdínká Bulusọ méha péli méekítá aní. Tsúfẹ Bulu lótsun Ọjhe Wankíhé ámóó ọlọpohá aní ámọsọ pọ mó ọdwe wá aní klontọ.

⁶ Bréá anitráa anigýi lakpan abwepó, anumá ọwonlín á, Kristo lóbowu há aní lalaha abwepó bréá Bulu onutó léhúe. ⁷ Ní ọkọ asón da ọkpa kóráá á, ibówa ọnlín asa ọkọ obótsulá wú há mó. Fialí ọha yilé mó á, ọkọ ọbówa klọn wú há mó. ⁸ Táme tóá ilosuná ání Bulu téhié dwé aní gyi, bréá anigýi lakpan abwepó á, ọleha Kristo lóbowu há aní. ⁹ Ina Yesu Kristo obugya amóó ọlọwólí así ámọsọ Bulu lési aní lakpan kíé aní, tsú aní ání aní asón da ọkpa. Kristo sọ ọbée aní kokooko. Ọméebítí aní ịsọ lakpan abwepó ịsọ-ọbitíké amọ. ¹⁰ Teki Bulu alupọ anigýi. Táme tsónun mó Bi ámu lowusú á, alabwé aní mó anyawíe kláklá. Iníá anlabwé mó anyawíe sọ á, ọbóhọ aní nkpa kokooko. Tsúfẹ Kristo é bọ nkpa. ¹¹ Megýi mó wọle. Móá ịtráa dun kóráá gyi, anidé ọdwe gyi. Tsúfẹ aní Wíe Yesu Kristo lalá ania Bulunyo nsiné. Mó sọ anlabwé Bulu anyawíe.

Adam Mọa Kristo

¹² Adam nkole bwehé sọ lakpan léba ọyító. Mọ lakpan ámu sọ lowu léba ọyító. Iní sọ lowu lényá tǔmí ọhagyíọhasọ, tsúfẹ ahá fée babwé lakpan. ¹³ Lakpan bọ ọyító asa Bulu lópo mó mbla ba Mose. Táme bréá Bulu mókópọ mbla ámu ba mó a, olobun ansíbi lakpansọ. ¹⁴ Tsú Adam brésó bọtu Mose brésó lowu legyi iwíe anyánpọsa féesó. Ibo mótó ání bọmaton mbla kọkọ fé Adam, táme amó é bowu.

Akí alá Adam léklé ọlian ọmapọ amọ. ¹⁵ Adam ná ọtsan há Yesu Kristo. Tsúfẹ Bulu awítọle amọ megýi fé Adam lakpan ámu. Adam nkole lakpan sọ ahá fée bowu. Táme Yesu Kristo nkole awítọlewa sọ Bulu laláwá awítọle, pọ mó atokiehé há ahá tsọtsọtsọ. Mọ atokiehé ámu ibọ bíá dun lowu ámu. ¹⁶ Táá anyánpọsa benya tsú Bulu atokiehé ámọta ịna ọtsan há tóá

benya tsu Adam lakpan amoto. Mo lakpan kole pe amo leha ohagyioha legyi pon Bulu ansito. Moloru lowu ba, tame lakpan tsotsotsa ama a, Bulu atokieh kole pe leha Bulu lotsu aha fee ani amo ason da okpa mo ansito. 17 Obakole lakpan so lowu legyi iwie ahaso. Tame alia Bulu lahie wa awitole ha aha ibu wanwan. Alatsun Yesu Kristo nkoleso tsu ani ani ason da okpa, ania monyo abegyi iwie ani nkpato fee.

18 Inu so alu amoo obakole lakpan so Bulu leha aha fee pon amu a, alu ken obakole yilebwe so Bulu laha aha fee bagyi asu mo ansito, alaha amo nkpa ani itamatá e ni. 19 Alu amoo ina obakole asuta-onlun so aha fee bemli lakpan abwepo amu a, alu ken ina obakole obu so Bulu obotsu aha tsotsotsa ani amo ason da okpa ni.

20 Bulu lopy mbla amu ba, menu aha bowun lakpan ani budebwe wanklaan. Tame brea lakpan deklei a, Bulu awitole e ideklei tsia. 21 Lakpan legyi ahaso, leha aha bowu. Alu ken Bulu lawa awitole tsu aha ani amo ason da okpa mo ansito ni. Inu laha aha batsun anu Wie Yesu Kristoso nya nkpa ani itamatá.

6

Kristo So Anibu Nkpa

1 Nkali abebli sei? Iehian ani aboyo anu lakpanbwe, menu Bulu awitole bomonu tsia? 2 Ekekeke! Igyi fe anlawu, mo so lakpan ma tumi aniso. Ntogyi so abetra tsia bwe lakpan?

3 Bre amoo bobo anu asu amu a, ania Kristo Yesuno anlobwe kole. Mlyin mo alu? Alu bre amoto a, ania Kristonyo lowu, 4 popula anu, tsufe ania monyo anlabwe kole. Mo so alu amoo anu Si Onumnyambu amu lokosua mo tsu afulito amu a, alu ken anu e abetsia itsia papweto ni.

5 Mo so inu ania monyo anlobwe kole mo lowuto a, alu ken ania monyo lobwe kole mo kosu tsu afulito e ni. 6 Mliu ani brea beda Yesu mantá oyikpalibe amoso a, moa anu tsiato dada amu lowu, menu anumetra bwe lakpan nkpa. 7 Tsufe ni oha owu a, otamatraa bwe lakpan. Lakpan ma mosu tumi. 8 Inu ania monyo anlawu so a, anibu hogyi ani ania monyo abetsia nkpa. 9 Anyin ani Bulu lokosua Kristo tsu afulito. Ometra wu ekekeke. Lowu itraa ma mosu tumi. 10 Yesu lowunaa wu atsawole, menu obele lakpan inu. Tame inu otsie nkpa a, otsie ha Bulu. 11 Mli e mliki mli iwu ani mlilawu ha lakpan, amlile mli iwu le mo tumi asi. Mlitsia nkpa ha Bulu, tsufe mli Kristo Yesuno mlilabwe kole.

12 Inu so mlumaha lakpan igyi mli nyankpusa-oyi anfi ibowu anfisw, menu imeha owoli lalaha igyi mli, amlibwe tsá idekle. 13 Mlumapu mli nyankpusa-oyi iwu ató ha lalaha bwe. Mboúu mlpu mli iwu fee ha Bulu, fe aha ani alakosua amo tsu afulito ba nkpatu, opu mli bwe tsá ida okpa. 14 Ima alea lakpan obetra gyi mli, tsufe sei mlitraa mlumá Mose Mbla amu asi. Bulu awitole asi mboúu mli.

Yilebwe Nkpabi Anigyi

15 Inu ama a, amanso abebli? Ibo alea abetra bwe lakpan sei anfi anumá mbla amu asi, anibu Bulu awitole mboúu asi? Ekekeke! 16 Mlumeyin ani ni mleba iwasi ha toko, mlide mo ape bwe, mlide mo sum fe mli wie a, mlilabwe mo nkpa? Ni mleba iwasi ha lakpan a, momo mlówu, tame ni mleba iwasi ha Bulu a, mlegyi asu mo ansito. 17 Mlibwe nkpa ha lakpan bre koto. Sei a, mlilap mli klon fee ha atosunáhe amoo bapoha mli amu, mlide moso gyi. Mo so nde Bulu ipan da. 18 Bulu laha mlilagyi iwu le lakpan ibu, mlilabwe nkpa ha yilebwe. 19 Alia ibobwe mlónu ason anfi asi, so napo nkpa tsiato nde mli suna. Bre koto a, mlibwe mli iwu nkpa ha hakpan moa lalaha bwe. Alu ken ilehian ani lobwe mli iwu nkpa ha yilebwe, menu mlifon yi ni.

20 Bre amoo mlyi nkpa ha lakpanbwe amu a, yilebwe ma tumi mli. 21 Labi mamo mlilénya tsu lakpan amoo mlibwe, nde ibu mli peli amoto? Mo labi gyi lowu. 22 Tame sei mo a, Bulu laha mlilagyi iwu lakpanbwe tumi asi. Mlilamli mo nkpa. Labia mlénya tsu motó gyi; mlétsia tsiatá ifon yi, nya nkpa ani itamatá. 23 Tsufe lakpanbwe ikoka gyi lowu, tame Bulu atokieh gyi nkpa ani itamatá. Mo olopyi anu buale tsun ania anu Wie Kristo Yesu ikolebwe so ni.

7

Mbla Amu Itraa ma Tumi Akristofosu

1 Mi apio, mli fee mlyin Mose Mbla amu. Mlyin ani brea oha tsie nkpa a, obu mbla asi. 2 Fe ni otsi tsia okulu, mo kulu amu mokowu a, obu mo kulu amu asi. Tame ni mo kulu amu owu a, alagyi iwu, okulu woyi mbla koko itraa mede mo. 3 Mo alu so ni mo kulu amu mokonyá wu, odali mo ama a, alatá mba. Tame ni mo kulu amu owu mo a, otraa ama okulu woyi mbla asi. Mo so ni olayetsia oyin bambá a, omakotó mba. 4 Mi apio, alu ken igyi ha mli ni. Mli e brea mlidha Kristo gyi a, mli monyo mlilowu. Mo so mlitraa mlumá Mose Mbla asi. Sei a, mlilabwe oha amoo Bulu lokosua tsu afulito amo kle, menu lobwe yile ha Bulu. 5 Tsufe brea anbu anu tsiato dada amoto a, mbla amu leha anu owoli lalaha legyi aniso. Mo so anlobwe tsá

itɔpɔ lowu ba. ⁶ Táme séi mó á, Bulu lahá anlagyi iwɔ tsú mbla ámóó tekɩ anubɔ mó asɩ ámu ibitɔ. Ania Kristonyɔ lówu. Mó sɔ mbla ámu itráa ma túmi anisɔ. Anlagyi iwɔ, anidé Bulu súm tson ɔkpa pɔpwe ání Ɖɛ Wankíhé dé anɩ sunásɔ. Megyi ɔkpa ání mbla wánlínhé amu lósuná anisɔ.

Mbla Ámu Mɔa Lakpanbwe

⁷ Mó sɔ anidéblɩ aniaa, itɔ laláhe Mose Mbla ámu gyi? Ekekeke! Mbla ámu ibéha abébi tɔá lakpan gyi. Tekɩ ní mbla ámu imeblɩ obéé, “Mápe ansí fú bá atósó” a, tekɩ mmɛbi tɔá gyi ɔnsípe. ⁸ Ina alɩ mbla ání sɔ lakpan lénya ɔkpa pɔ ɔnsípe kugyíko wá mítɔ. Tsúfé ní mbla ámu má inu á, tekɩ lakpan má túmi mísó. ⁹ Mí onutó netsiá bré koto, mmɛbi mbla ámu. Táme bréá nebebi mó á, nowun ání napán mósó. Lakpan ɔbwepó gyi. Mó sɔ nówu. ¹⁰ Nowun ání mbla ámóó nkɩ mbéé, ibéha mí nkpa ámu lópu lowu ba mɩ. ¹¹ Tsúfé lakpan lénya ɔkpa tson mbla ámusɔ mlé mí, mó mí.

¹² Tsiátɔ mbla ámu mó á, tsitsa kɔko ma mó iwɩ. Mó nhuhé kugyíko lɔwankɩ, ida ɔkpa, ibu alé é. ¹³ Mó sɔ idesuná ání Bulu mbla ánífɩ ibu alé ánífɩ lópu lowu ba mɩ? Ekekeke! Megyi alɩ gyi. Lakpan lótsɔn itɔ wankláán ámusɔ pɔ lowu ba mɩ. Ina mbla ámusɔ lakpan léle iwɩ súná ání itepɩ ma ale.

Atɔá Idéko Nyankpɔsato

¹⁴ Anyin ání ɔɛtɔ atɔ mbla ámu gyi, táme mí mó á, nyankpɔsa gyi. Nabwé lakpan ɔkpábi. ¹⁵ Mmetalɩ bí mí tsiátɔ, tsúfé megyi tɔá ndeklé ntɔbwe, tɔá mmedéklé mbouín ntɔbwe. ¹⁶ Ní tɔá mmedéklé ndebwe mó á, natsúlá ání Mose Mbla ámu ibu alé. ¹⁷ Idesuná ání megyi mí dé alɩ atɔ ánífɩ bwe. Mbouín lakpan túmiá ibu misɔ téhá ntɔbwe mó. ¹⁸ Nyin ání bré ánífɩ mbɔ mí tsiátɔ dada anfitɔ á, itɔ wankláán kuko má mítɔ, tsúfé nyankpɔsa gyi. Ntekleá nɔbwe yilé, táme nakásián. ¹⁹ Mmedé yiléá ndeklé bwe. Lalahé amóó mmedékléá nɔbwe ámu mbouín ndebwe. ²⁰ Ní nde lalahé amóó mmedékléá nɔbwe ámu bwe á, mómó idesuná ání megyi mí onutó dé mó bwe. Mbouín lakpan túmi ámóó ibu mitɔ ámu dé mó bwe.

²¹ Mó sɔ nawun ání mbla ánífɩ lagyi misɔ. Ní ndekléá nɔbwe yilé á, lalahé kóun ntɔbwe. ²² Tsúfé nhíé ndekléá négyi Bulu mbla ámusɔ tsú mí klɔntɔ. ²³ Táme ntowun ání mbla kɔ dé mbla ámóó ibu mí klɔntɔ ámu isá kɔ, gyi mósó, bwé mí lakpan ɔkpábi. Ilahá lakpan ámóó ibu mitɔ ámu ide mí bwehé kugyíkosɔ gyi. ²⁴ Kɩ ipian kɔnkɔpɔnkɔntá mbɔ mótɔ! Ilapó mí iya lowuto. Ma obéle mí tsú mótɔ? ²⁵ Táme anɩ Wíe Yesu Kristo sɔ nde Bulu ipán da ání alalé mí!

Mí klɔntɔ mó á, tekɩ ndekléá nɔbwe Bulu mbla ámu ɔkpábi. Táme tsiátɔ laláhe amóó ibu mitɔ ámu lahá nabwé lakpan ɔkpábi mbouín.

8

Nkɔpsitiá Dínká Bulu Ɖɛ Ámu Asónsɔ

¹ Inɩ sɔ séi á, Bulu mɛétrá ha ahá ání amóa Kristo Yesunyɔ babwé kole ipón. ² Tsúfé Kristo Yesu sɔ Ɖɛ Wankíhé túmi ání itehá nkpa lahá anlagyi iwɩ tsú lakpanbwe mɔa lowu ibitɔ. ³ Mose Mbla ámu metalɩ lé anɩ tsú anɩ lakpantɔ. Tsúfé anɩ tsiátɔ dada amóó itehá anitɔbwe lakpan ámu imeha anumégyi mbla ámu atosunáhésɔ. Táme Bulu lótsɔn ɔkpa pɔpwe sɔ ho anɩ. Ɖɔwa mo Bi onutó lébá fé nyankpɔsa ání ɔbwe lakpan, táme mo mó ɔbwe lakpan. Bulu lótsɔn mo lowusɔ mó anɩ tsiátɔ dada amóó lakpan legyi mósó ámu. ⁴ Ɖɔbwe mó alɩ, ménɩ ní anubɔ Ɖɛ Wankíhé amu a, abétalɩ tsiá tsiátɔ wankláán ámóó tekɩ mbla ámu lósuná ámu, anumétrá tsiá anɩ tsiátɔ dada amu. ⁵ Tsúfé lalahé ahá ání tsiátɔ dada ámóó itɔbwe lakpan ide amósó gyi butɔgywín. Táme ahá ání bubuo Ɖɛ Wankíhé amu a, tɔá Ɖɛ ámu tekle butɔgywín. ⁶ Ɖhá ání lakpan lagyi mo tsiátɔso tenyá lowu tsú mótɔ. Táme ɔhá ání Ɖɛ Wankíhé lagyi mo sɔ mó tenyá nkpa mɔa iwílwíi. ⁷ Tsúfé ɔha ání lakpan lagyi mo tsiátɔso tolú Bulu. Ɖtamagyi Bulu mblasɔ, tsúfé ɔmɛétalɩ gyi mósó ekekeke. ⁸ Ahá ání lakpan lagyi amó tsiátɔso bumɛétalɩ gyi Bulu ansí.

⁹ Táme Bulu Ɖɛ bo mlɩto lélé. Mó sɔ mlɩmétrá tsiá mlɩ tsiátɔ amóó lakpan legyi mósó ámu. Mlɔbwe tɔá Ɖɛ Wankíhé amu tekle. Ní ɔko má Kristo Ɖɛ ámu a, omegyí mo kle. ¹⁰ Ibo mótɔá lakpan sɔ mlɩ nyankpɔsa-oyí ánífɩ obówu. Táme ní Kristo bo mlɩto á, mlɩkláa bo nkpa. Tsúfé Bulu latsú mlɩ ání mlɩ asón da ɔkpa mo ansítɔ. ¹¹ Bulu lókusɔa Kristo tsú afúlitɔ lélé. Mó sɔ ní mo Ɖɛ bo mlɩto á, mómó obótson Ɖɛ ámusɔ há mlɩ nyankpɔsa-oyí ámóó ibówu ámu nkpa pɔpwe.

¹² Inɩ sɔ mí apíó, imehián ání abétrá tsiá anɩ tsiátɔ dada amu, bwé tɔá anɩ ɔwólɩ laláhe tekle. Mbouín lehián ání abóbwe tɔá Ɖɛ Wankíhé tekle. ¹³ Tsúfé ní mletsíá mlɩ tsiátɔ dada amotɔ á, mlówu tsítsá. Táme ní mlɩtsɔn Bulu Ɖɛ ámusɔ kíná mlɩ nyankpɔsa-oyí ámu apé bwe á, mlétsiá nkpa ání itamatá. ¹⁴ Tsúfé ahá ání bahá Bulu Ɖɛ de amó kpa gyi Bulu abí. ¹⁵ Megyi Ɖɛ ání ibéha mlɔbwe nkpábi, tsiá nyá ifú Bulu lópuwá mlɩto. Mbouín Ɖɛ ámu lɔbwe mlɩ Bulu abí. Ɖɛ ámu sɔ anitétalɩ sɔ kpólɩ lakpan aniaa, “Abba, mí Sí!” ¹⁶ Ɖɛ ámu totsúlá há anɩ ání lélé

á, Bulu abí anigyi. ¹⁷ Ní Bulu abí anigyi á, múmó anigyi mu ató agyíró. Ana Kristonyo obégyi mu ató. Tsúfɛ ní awun Kristo ipian ámu ko á, múmó abénya mu numnyam amu é ku.

Numnyam Aní Abénya Ekekó

¹⁸ Ní nekí numnyam ání ída gyo aní, Bulu obéle súná aní á, ipian ání anidéwúun bré ánfítò ɔmfɔn mú ɔtɔnɛtɛ. ¹⁹ Bulu ató bwehé fɛé bohíe bode ɔkpa kí ha ekeá Bulu obéle mu abí numnyam ɔwan. ²⁰ Tsúfɛ Bulu ató bwehé fɛé lasí ída keke. Megyi mú onutó apé igyi. Mbóun mólóbwe mú alí, íha mu ató bwehé fɛé íkí ɔkpa ²¹ ání ekekó á, obéha amó fɛé bégyi íwí, bómétrá yintá ekekéke. Mu ató bwehé ámu íbénya mu abí íwígyi pó amó numnyam amu ko. ²² Aniyin ání bɔtɔ nde á, Bulu ató bwehé fɛé íde íwíɔsin wúun. Idekúmi fɛ alá íkwí todwíin ɔtsi. ²³ Megyi Bulu ató bwehé ámu nkole dékúmi. Aní ámóú alapó mu ɔɔɛ, igyi mu atokiehé gyankpapo wá anito ámu é anidékúmi aní klɔntɔ. Anihíe anitsie anigyo ekeá Bulu obéha aní nyankpasa-oyí ání obégyi íwí, obóbwe aní mu abí. ²⁴ Tsúfɛ ɔkpakú anfi sɔ ɔlɔhɔ aní nkpa. Botamaki tásá fóbɔ ɔkpa, tásá foma ɔkpa bɔteki. ²⁵ Ní anidé tásá anumá ɔkpa kí a, anitenyá klɔn tsíá gyo mú.

²⁶ ɔɔɛ Wankihé amu tetsá aní aní pɔntɔ. Tsúfɛ anuméyin alá abókólí Bulu ató, íbégyi mu ansí. ɔɔɛ ámu onutó tɛhíe kímí pókólí Bulu ató há aní, dun alá aní onutó abétalí. ²⁷ Bulu yin ɔhagyíɔha klɔntɔ asón. Mú sɔ oyin mu ɔɔɛ ámu agywun. Tsúfɛ ɔɔɛ ámu tokókólí Bulu há mu ahá alá Bulu onutó dé mú klé.

²⁸ Aniyin ání Bulu tɛhá tógýító tɔwá alá há mu adwepó. Amúgyi ahá ání mu onutó ɔleti mu nhíe ɔnó ní. ²⁹ Tsúfɛ ahá ámóú Bulu yin yáí ámu a, amó ɔlele. Ahá ámóú ɔlele ámu ɔleti obéé, bobéhan mu Bi ámu. Fówun mu Bi ámu obóbwe ɔdéhɛn mu abí tsɔtsɔtsɔtsɔ. ³⁰ Ahá ámóú Bulu yin yáí dodo amu ɔleti. Ahá ámóú ɔleti ámu olotsu ání amó asón da ɔkpa mu ansító. Ahá ámóú olotsu ání amó asón da ɔkpa ámu ɔlɔwa numnyam.

Yesu Bulu ɔdwe ɔwan

³¹ Aman sɔ anitráa anɔbɔ blí tsú íní íwí? Ní Bulu bu aní wá á, ma obétalí kósó líí aniso? ɔhaa má íno! ³² Bulu mékiná mu onutó mu Bi ámu si há lowu aní fɛé nwnuso. Olesi mu há faan. Nkálí sɔ ɔmáɔpɔ ató tráhe fɛé tsia mu Bi ámɔtɔ há aní? ³³ Ma obétalí ká asón dínká ahá ámóú Bulu lalé ámɔsɔ? Bulu lóó? Ekekéke! Múgyi ɔhá ání alatsɔ aní ání aní asón da ɔkpa mu ansító. ³⁴ Ma obétalí há aní ípón? ɔhaa má íno! Tsúfɛ Kristo Yesu gyí ɔhá ání olobowu há aní, Bulu lókɔsɔa mu tsú afúlitɔ. Alayó ɔtsie Bulu gyoɔpɔ, ɔde mu kokólí aní nwnuso. ³⁵ Ma ntɛɛ nɔ obétalí tíí aní Kristonyo nsíné ɔdwɛtɔ? Asɔn wunhe lóó, ntɛɛ íkplán? Ní bɔdɔn aniso lóó, ntɛɛ akón? Yayá natí lóó, ntɛɛ lowu? ³⁶ Tsúfɛ bɔwanlín wá Bulu asɔn wanlínhé amɔtɔ beɛ, “Fó sɔ bode aní mɔ ekekegyíɛke.

Bode aní kí fɛ akúfa ání bapɔ beya ɔmɔkpá.”

³⁷ Táme íní fɛéttɔ a, ɔdwe ámóú Kristo bu ha aní ámu sɔ anlagyi ísɔ dáfa. ³⁸ Tsúfɛ nhíe nyin ání tɔtɔ méetalí ká ɔdwe Bulu bu ha anito. Lowu o, nkpa o, Bulu-abɔpɔ o, túmí kugyíkwá ítráa de íwíe gyí ɔsósó o, atásá íbɔ nu séi pó múá íbéba o. ³⁹ Tógýításá íbɔ ɔsɔ pó así ntɛɛ ɔslóbɔ ayasí kokɔkɔ méetalí ká ɔdwe ámóú Bulu ladwé aní tson aní Wíe Kristo Yesuso ámɔtɔ ekekékeke.

9

Ahá Aní Bulu Lalé

¹ Mía Kristonyo anilabwé kole. Mú sɔ ɔnɔkwálí asón ndeblí séi. ɔɔɛ Wankihé dé mí kpa. Mú sɔ mí klɔn é de mí bláa ání mmédé afunu wa. ² Mí pí Israelfo sɔ asón ihíe de mí háan, ahómítá ímeká ítin de mí. ³ Ní íbɔwá alá nénya ílwí, mía Kristonyo nsíné báyintá, méní bénya nkpa ání ítamatá kórásá á, tekí nɔpɔ íwí há. ⁴ Mí pí Israelfo gyí ahá ání Bulu lélé póbwé mu abí. Amó ɔlele mu numnyam súná. ɔleka ntam há amó, pó mu mbala wá amó íbɔtɔ. Olosuná amó ɔkpa ání bɔpɔtswe mu. ɔlebláa amó tásá alahíe ání ɔbɔpɔhá amó fɛé. ⁵ Amó lélun tsu Israelfo anán akpɔnkpɔntí amɔtɔ. Múá ídɔn kórásá á, amótɔ Kristo amó lèbelin ɔslóbɔ anísisɔ. Kanfó letsíá Kristo, (ɔhá ámóú Bulu ladá mu ofúli amó), ogyi Bulu, ató fɛéssó ogyíró amó bré fɛéttɔ! Amen!

⁶ Ínɔ imosuná ání Bulu asón ámóú ɔleblí tswí amó ímɛɛba mótɔ. Tsúfɛ megyi Israelfo ámu fɛé gyí Israelfo onutónutó. ⁷ Megyi Abraham abí fɛé gyí mu abí onutó. Tsúfɛ Bulu lèbláa Abraham obéé, “Isakto fó abí-aná bédalí tsu.” ⁸ Ínɔ lósuná ání megyi ahá ání bɔtsú Abraham abí fɛéttɔ gyí Bulu ahá. Abraham abí-aná ámóú Bulu lèhíe há mu amó nkole gyí Bulu ahá. ⁹ Tsúfɛ tásá Bulu lèhíe Abraham gyí, “Néyinkí bá ofíébá sesebre. Néba a, fó ká Sara lakwí obiyímbi.”

¹⁰ Megyi ínɔ wole. Rebeka lókwí atabí há aní náin Isak. ¹¹ Táme bréá ɔmókónyá kwíí amó, abudan bi yilé ntɛɛ lalahaɛbwe á, Bulu lèbláa Rebeka amó íwí asón. Bulu lóbwe mú alí, méní íbɔsuná aní ání ɔkpa ámóú ɔtɔtsɔn mósó hɔ ahá ámu ímená aní bwehésó. Mbóun ína mu nkole pé apé pó alá ɔtelé mu ahásu. ¹² Asa Rebeka ɔbókwií nyebí ámu a, Bulu lèbláa mu obéé, “ɔdéhɛn obósum ɔkɔsɔ.” ¹³ Fɛ alá bɔwanlín wá Bulu asɔn wanlínhé amɔtɔ beɛ, “Ntɔdwé Yakob dun Esau.”

¹⁴ Sɛi á, nkáli abéblí? Abéblí anuaa, Bulu asón meɗa ɔkpa lóó? Ekekeke! ¹⁵ Tsúfɛ Bulu lébláa Mose obéɛ, “Ahá ání nówun amó nwe á, amó nówun nwe. Amó ahíɛá négyi boale á, amó négyi boale.” ¹⁶ Mó sɔ megyí ɔha apé ntée mɔ nsiwa Bulu teki. Mbóúin mɔ onutó nnewwúin igyi. ¹⁷ Bɔwanlín wá Bulu asón wanlínhé amɔtɔ beɛ, Bulu lébláa Egypte owíe Farao obéɛ, “Atoku anyɔ ání sɔ neyaí fɔ iwíe, alá nátsɔn fɔsɔ lé mí túmi súná, pɔ alá ɔyítɔ ahá fɛé bónu mí dá, kanfó mí.” ¹⁸ Iní sɔ ní Bulu ohíé ání obówun ɔkɔ nwe á, otowun mɔ nwe. Ní ohíé ání obéha ɔkɔ obówa klɔntɔ odwin é á, ɔtehá mɔ ɔtɔwá klɔntɔ odwin.

Bulu Obłɔnya Pó Mv Ahá Nnewwúin

¹⁹ Mlɔtɔ ɔkɔ obéfíté obéɛ, “Ní alí igyi ní mú á, ntogyi sɔ Bulu dé nyankpɔsa ipón ha? Ma obétalí tin Bulu ɔkpa?” ²⁰ Táme nde mli fité mbéɛ, fɔgyi ma ání fɛle Bulu dá? Ɔlɔ obétalí fité mɔ ɔpwepɔ obéɛ, “Ntogyi sɔ fapwé mí alí?” ²¹ Alíagyíalíá igyi á, atɔ ɔpwepɔ tɔpɔ obón pwé tɔá odeké. Obétalí pɔ obón ipin kole pwé nlonyɔ. Ɔbɔpɔ kole bwé ɔlɔ nu ntsu, kpa nsúw wá koleto. ²² Alí kén igyi há Bulu ní. Ɔbɔ ɔkpa lé mɔ obłɔ súná, méní ahá bówun mɔ túmi. Táme ɔlehie nyá klɔn há ahá ámóú olenya obłɔ amósú amɔ. Teki ɔlɔfon ání obéhu amó. ²³ Bulu bɔ ɔkpa lé mɔ numnyam kpɔnkpɔnti ámɔ ɔwan ahá ámóú ɔlele yáí ání obówun amó nwe, ɔwa amó numnyam amɔsɔ. ²⁴ Angyí ahá ámóú ɔlele yáí ámɔ ní. Megyí Yudafo nkoletɔ ɔlele ahá. Ɔlele ahá ání bomegyí Yudafo akɔ é. ²⁵ Bulu léblí mɔ ɔnósú ɔtɔipú Hosea ɔwolótɔ obéɛ, “Néti ahá ámóú teki bomegyí mí ahá ámɔ mí ahá.

Ahá ámóú teki ntamakle amó asón ámɔ obóbwe mí adwepɔ.

²⁶ Ɔtíné ámóú teki nebláa amó mbéɛ, ‘Megyí mí ahá mligyí’ ámɔ á, unofɔ néti mbéɛ, ‘Bulu Ɔkiankparɔ abí’ ní.”

²⁷ Bulu ɔnósú ɔtɔipú Yesaia lɔkplɔn bláa Israelfɔ obéɛ, “Ní Israelfɔ bekléí fɛ ɔpɔ ɔnɔ ɔsɔ kóráá á, amótɔ ahá kpalobí pé nòho nkpa. ²⁸ Tsúfɛ ɔbisasɔ aní Wíe obégyi ɔyítɔ ahá fɛé asón, búa mɔ wankláán.” ²⁹ Tsúfɛ Bulu ɔnósú ɔtɔipú Yesaia légyankpá wanlín wá Bulu asón wanlínhé amɔtɔ obéɛ, “Ní mí Wíe Bulu, túmi fɛé Owíe mési aní abí-aná akɔ yáí á, teki aní fɛé abéhu fɛé Sodom mɔa Gomorafɔ.”

Israelfɔ Bulu Mähogyi

³⁰ Nkáli anidéblí ngya? Anidéblí anuaa, ahá ámóú bomegyí Yudafo ámɔ bɔmɔbɔ mbódí kɔkɔ, asa Bulu léha amó asɔ! Hógyi sɔ benya mú. ³¹ Táme Israelfɔ ámóú amó ansí lepe, bɔde mbla ámɔsɔ gyí, Bulu ɔha amó asɔ ámɔ bɔmetalí. ³² Ntogyi sɔ? Tsúfɛ bomepe ansí pɔ hógyi dɔnká mú. Iɔbwe amó fɛ mbla ámɔsɔ gyí sɔ Bulu ɔbótɔn ha amó asɔ. Iní sɔ bosutiin ‘Ibwi ámóú itelé ahá dá’ ámɔsɔ dida kpla. ³³ Ibwi ání iwí asón bɔwanlín wá Bulu asón wanlínhé amɔtɔ beɛ,

“Bulu obéɛ, ‘Mliki!
 Ndeɔ Ibwi* tswi Sion wúluto.
 Ahá bósutiin ibwi ámɔsɔ dida.
 Péli méékítá ɔhagyíɔha ání ɔlɔhɔ mɔ gyi.’ ”

10

¹ Mí apíó, tɔá ntekle mí klɔntɔ, pɔ mpái ání ndeɔ gyí, Bulu ɔbóhɔ mí ahá Israelfɔ. ² Nétalí gyi amó iwí adánsie mbéɛ, amó ansí lahié pé Bulusúm iwí, táme bomeyín ɔkpa ání bótɔn mósó súm mɔ wankláán. ³ Tsúfɛ bomeyín ɔkpa ání Bulu tatsun mósó há ahá asɔ. Mó sɔ beyirí iwí bɔde amó ɔkpa dɔnká, méní béggyi asɔ Bulu ansítɔ. Mó alí sɔ bomeba iwiasí há ɔkpa ámóú Bulu tatsun mósó há ahá asɔ ámɔ. ⁴ Ɔnɔkwali amó gyí, Kristo lómɔ Mose Mbla ámɔ fɛé ɔnɔ. Mó sɔ ɔhagyíɔha ání ɔlɔhɔ mɔ gyi obégyi asɔ Bulu ansítɔ.

Nkpaħɔ Bɔ Inw Há Ɔhagyíɔha

⁵ Mose lɔwanlín tsú ɔhagyíɔha ání ɔteki mbla ámɔ ání mósú Bulu ɔbótɔn tsu mɔ ání mɔ asón da ɔkpa iwí obéɛ, “Ɔhagyíɔha ání otegyi mbla ámɔsɔ ɔbótɔn mósó nyá nkpa.” ⁶ Táme hógyisɔ bɔtɔtsɔn gyi asɔ Bulu ansítɔ. Bulu asón wanlínhé amɔ léblí obéɛ, “Máfité iwí fɛɛ, ‘Ma ɔbódo yó ɔsósó?’ ” (Fɛfité alí á, ilosuná ání fýɔpɔ Kristo tsúa ɔsósú ba.) ⁷ Ntée fité iwí fɛɛ, “Ma obékpí yó ɔsólɔv ayasi?” (Fɛfité alí á, ilosuná ání fýɔpɔ Kristo tsúa afúlitɔ ba.) ⁸ Mbóúin asón ání Bulu asón wanlínhé amɔ léblí gyí, “Bulu asón ámɔ uma ifɔ fɔ wá. Ibo fɔ ɔnótɔ, ibo fɔ klɔntɔ dodo.” Asón ámɔ gyí hógyi asón ámóú anidéblí ámɔ ní. ⁹ Ní fobwí ɔnɔ bli fɛɛ, “Yesu gyí aní Wíe,” fɔpɔ fɔ klɔn fɛé hógyi ání Bulu lɔkusúa mɔ tsú afúlitɔ á, Bulu ɔbóhɔ fɔ nkpa. ¹⁰ Tsúfɛ ikɔn ɔha tɔpóhɔ Kristo gyi. Fówun Bulu obótɔn mɔ ání mɔ asón da ɔkpa. Ɔnɔ é ɔha tɔpóblí obéɛ, Yesu gyí mɔ wie, méní Bulu ɔbóhɔ mɔ nkpa. ¹¹ Alí kén Bulu asón wanlínhé amɔ léblí obéɛ, “Péli méékítá ɔhagyíɔha ání ɔlɔhɔ mɔ gyi ekekeke” ní. ¹² Iní sɔ umefáħon ání Yudayin fɔgyi, ntée bomegyí Yudayin. Tsúfɛ owíe ɔkole pé así amó fɛé bɔbɔ. Ɔbɔpɔ mɔ yilébwe gyi ahá ání

* 9:33 Ibwi ámɔ gyí Kristo.

bosu kpoli mo fɛɛ boale. ¹³ Alɩ kɛn Bulu ason wanlinhɛ amɔ lɛbli obɛɛ, “Ɔhagyiɔha anɩ otosu kpoli anɩ Wie obɛnya nkpa” nɩ.

¹⁴ Tame nkali betali su kpoli oha anɩ bomohɔ mo gyi? Nkali betali ho oha anɩ bomokonu mo iwɩ ason gyi? Nkali bonu mo iwɩ ason ni ohaa meda mo okan suna amɔ? ¹⁵ Nkali betali da mo okan suna amɔ, ni bomokowa amɔ? Bulu ason wanlinhɛ amɔ lɛbli obɛɛ, “Thie bo akile anɩ fowun anɩ oha oba beda Bulu ason wanklaan okan!” ¹⁶ Tame megyi Israelfo fɛɛ lɔho Bulu ason wanklaan amɔ. Tsufɛ Bulu onosɔ otɔipɔ Yesaia lɔwanlin wa mo owolɔtɔ obɛɛ, “Mi Wie, ohaa mɔho anɩ ason blɩhɛ amuso gyi.” ¹⁷ Tame ason wanklaan amɔ tɛha botohogyi. Ina Kristo ason anfi blɩsɔ aha botonu mo ason. Mo nu so aha botɔho mo gyi.

¹⁸ Mbɛɛ, bɛɛ nu bomonu ason amɔ? Bonu! Tsufɛ Bulu ason wanlinhɛ amɔ lɛbli obɛɛ, “Amo ome lawie oyitɔ fɛɛ, amo ason e lawie tsutsutsu.”

¹⁹ Ntraa fite. Israelfo bomonu mo ason asi? Mɔa Mose lɛblaa amo gyankpapo gyi, “Bulu obɛɛ, ‘Nɔpu oma anɩ megyi Israelfo wa mli ansipepe.

Nogyula oma mimlaha pɔwa mli obli.’ ”

²⁰ Brɛ bambatɔ a, Yesaia lɔwa klun blaɔ amo obɛɛ, “Bulu obɛɛ, ‘Aha anɩ bomede mi dunka lementi mi.

Aha anɩ bomefite miso nele iwɩ owan suna.’ ”

²¹ Tame Israelfo amɔ mo a, Bulu lɛbli amo iwɩ ason obɛɛ, “Inia natɛi ibito brɛ fɛɛ anɩ noho amo atuu o a, butraa bode asoto-onlun wa. Bomede mi bu.”

11

Bulu Israelfo Nwewulun

¹ Nde mli fite mbɛɛ, mo so Bulu lakina mo onuto aha lele? O-o! Mi onuto anfi oo Israelyin ngyi. Abraham abi-anatɔ notsu. Benjamin abusuanto obi ngyi. ² Megyi bɛɛ Bulu lakina mo onuto aha amosɔ oɛle amo yai amɔ. Mlikaun alɩ amoo Bulu ason wanlinhɛ amɔ lɛbli tswi obɛɛ, Bulu onosɔ otɔipɔ Elia lekla Israelfo iwɩ ason suna Bulu amuso. ³ Obɛɛ, “Mi Wie! Israelfo bamɔ fo onosɔ otɔipɔ fɛɛ. Babwie fo afodie-asubwi e fɛɛ. Uasi mi nkukonu nkole. Bodeklea bomo mi e.” ⁴ Bulu leha Elia mbuaɩ obɛɛ, “O-o! Megyi fo nkole lasi. Tsufɛ nale aha mpim-sienɔ (7,000) anɩ bomakotswe okpi Baal* ki ha mi iwɩ.” ⁵ Alɩ igyi nde nke anfito e ni. Bulu lawa awitole le Israelfo kpalobi ako yai. ⁶ Ni alawa awitole le aha ako a, mo moom itraa megyi oha bwehe so obɛle mo. Tsufɛ ni ina aha bweheso mo a, tekɩ mo awitole amɔ iesian.

⁷ Mo nkali ilegyi? Israelfo ibi meda itɔ amoo bepe ansi bodedunka amɔ. Amotɔ aha kpalobi akwa Bulu lele yai nkole ibi leda mo. Oɛha atrahɛ bowa asoto-onlun brɛa oɛ aha ti. ⁸ Bulu ason wanlinhɛ amɔ lɛbli obɛɛ, “Bulu leha ileln amo owoli. Mo so botu nde bometalɩ po amo ansibi wun atɔ, po amo aso e nu ason.” ⁹ Owie Dawid e lɛbli obɛɛ, “Amo odwe ogyikpa ibweɛ mpɔsa abuda motɔ. Ibweɛ agblaɔ, ikpa kita amɔ.

Ibweɛ ima, abusrei dida motɔ, ibwe isobiti ha amɔ.

¹⁰ Ansitɔ iklun amo, menɩ bometrɔ wun atɔ.

Ha abutsia ipiantɔ brɛ fɛɛ.”

¹¹ Mo so ntraa ndefite mbɛɛ, Yudafo basrei dida, bometalɩ tra kosɔ? Ekekeke! Amo lakpan so Bulu lɔho aha anɩ bomegyɩ Yudafo nkpa. Fowun ure amo ansi. ¹² Sei a, anyin anɩ Yudafo lakpan so oma fɛɛ banya atɔ wanklaan. Amɔ dida lawa labi ha aha anɩ bomegyɩ Yudafo. Ni belanya nkpahɔ mo a, momo labi anɩ aha anɩ bomegyɩ Yudafo benya uma blitɔ.

Aha Anɩ Bomegyɩ Yudafo Nkpahɔ

¹³ Aha anɩ mli megyi Yudafo, mli nde ason anfi blaɔ nya a. Kristo sumbi oyopɔ ngyi. Olwa mi sumbi mli wa. Mi gyumagyihe legyi mi ansi. ¹⁴ Fiali netali ha mi aha Yudafo ansi bepe, fowun Bulu obɛnya okpa ho amotɔ ako nkpa. ¹⁵ Brɛa Bulu ledamli oma ha Yudafo a, ileha oma atrahɛ fɛɛ bobwe Bulu anyawie. Ni igyi alɩ mo a, bregyibrɛa Bulu obɔho amo e a, ibobwe fe afuli fɛɛ bakosɔ tsu afulitɔ.

¹⁶ Ni belɛ tokoto gyankpapo ha Bulu igyi a, momo itɔ amɔ fɛɛ igyi mo kle. Ni Bulu bo oyi nlin a, idesuna anɩ oyi amɔ abambi e igyi mo kle. ¹⁷ Bekpali oyi bambi po bambɔ tsu mosɔ. Yudafo gyi oyi amɔ. Mli aha anɩ mli megyi Yudafo gyi bambi bambɔ amoo bapɔ betsa mosɔ amɔ, menɩ mlenya oyi amotɔ ntsu wanklaan amɔ ko. ¹⁸ Mo alɩ so a, mli maki mliha mli dun oyi amɔ onuto abambi amoo Bulu lekpalɩ le amɔ. Mli matsu iwɩ amo ansitɔ, tsufɛ oyi amɔ nlin tamanu ntsu le mliɔ. Mli mboun tonu ntsu le motɔ podan.

¹⁹ Fiali mli ako mli mli mliha, “Bekpali abambi amɔ, menɩ anɩ e abɛnya oyikpa.” ²⁰ Ibo motɔ alɩ. Itsu alɩ Israelfo bomohogyi so Bulu lekpalɩ amo tsitsa. Mli e mli hogyi so Bulu lapo mli tsɔ mosɔ. Mo so mli mliha nwuntɔ iwa mli odwe. Mliha ifu ikita mli. ²¹ Tsufɛ Israelfo amoo bogyi

* **11:4** Baal gyi okpi akwa aha amoo begyankpa tsiɔ owolɔv amuso asa Israelfo beba betsiɔ amɔ bosum.

oyi ámu onutó abámbi kóráá bəbwe lakpan, Bulu lébití amó iso, mó mlí? ²² Séí á, mldawun ání Bulu bu awitəle, táme mu asón bu onlun. Ǫbu onlun ahá ání badida hógyitəsu. Táme alawá awitəle há mlí. Ǫbówa awitəle há mlí ní mlí ansí dun mɔsɔ. Ní megýi alí á, əbɛbití mlí iso mlí é. ²³ Táme ní Yudafɔ ámuó besi mu hógyi amu beyinkí bəhə mu gyi a, Bulu əbɛlapó amó tsá oyi ámuɔ. Tsúfɛ ɔbu túmi ání obéyinkía amó tsá. ²⁴ Mlí ahá ámuó mldmégýi Yudafɔ ámu mó á, oyi laləhe bámbi mlgyí, bəpɔ mlí tsá oyi ámuɔ. Tekí ma mu alí. Israeləfɔ mó á, oyi wankláán ámu onutó abámbi bugyi, bəkpálí amó tsítsá. Mó sɔ amó yinkía yi mó yintisɔ mósəwa onlun há Bulu.

Bulu Towun Ahá Fɛé Nwe

²⁵ Mí apíó, ason nainhé kv bu inová ndekléá mlibí, méní mldmékí mlí iwí ání mldétun ansí dɔbi. Asón ámu gyí, Yudafɔ ámu aku bəbu asotə-onlun. Bówa asotə-onlun alí bəfon bréá Bulu lahá ahá ání bomegyí Yudafɔ fɛé baba mu wá. ²⁶ Mó ɔma a, Bulu əbɔhə Yudafɔ fɛé nkpa. Bulu asón ámu léblí əbɛe,

“Sion wúluə Nkpa Ǫhəpɔ amu əbélun tsu.

Ǫbéba beha Yakob abí-aná fɛé bési laləhe bwe.

²⁷ Iní gyí ntam ání néka há amó bréá néle amó tsú amó lakpantə ní.”

²⁸ Iníá Yudafɔ ámu bəmhə ason wankláán ámuɔ gyi sɔ á, bemlí Bulu alupó, méní ibówa labi há mlí ámuó mldmégýi Yudafɔ ámu. Táme iníá bugyi ahá ání Bulu léle sɔ a, amó anáin sɔ otekle amó asón. ²⁹ Ní Bulu əlé əku ntée əpɔ mu atokiehé há əku á, ɔtamatráa tse mu agywun. ³⁰ Bré kvə á, mlí ání mldmégýi Yudafɔ ání mldmóbu Bulu. Táme séí á, Yudafɔ bəmedé Bulu bu. Mó sɔ Bulu lawun mlí nwe. ³¹ Alí kén Bulu əbéba bowun Yudafɔ ámuó bəmedé mu bu ámu é nwe fɛé alá alawun mlí nwe ní. ³² Tsúfɛ Bulu lótsu mó ání ahá fɛé bəbu asotə-onlun, alí ibóbwe obówun amó fɛé nwe sɔ.

Mliha Akərɔfɔ Bulu

³³ Oo, mlíkí Bulu awitəle wole! Mu nyánsa pɔ mu asónbu ma əka! Ma əbétalí bí mu əkpa pɔ mu asóngýitə? ³⁴ Bəwanlín wá Bulu ason wanlínhé amotə bɛe,

“Ma yín aní Wie nwuntə?

Ma əbétalí súná mu asón? Ǫhaa má mu.

³⁵ Ma lápɔ toku há mu, əde əkpa kíá əbélaka mu ikə?”

³⁶ Bulu ləbwe tógyitə. Móbɔ tógyitə. Tógyitə bu mu há mu. Kanfú ibwée mu kle bré fɛétə. Amen!

12

Tsiátá Bvəpɔsum Bulu

¹ Iníá Bulu híe əde aní nwe wúun alí sɔ á, mí apíó, nde mlí kokólí mbée, mlpɔ mlí iwí fɛé ha Bulu mlí nkpatə. Ibwée fɛé igýi ahatə wankihé ha mu. Iní gyí osum ání itsú klontə, ilegyi mu ansí ní. ² Mldmáha əsuləb anfisɔ atsiábi igýi mlɔ. Mliha Bulu ətse mlí agywun, iha mlí tsiátə itse. Fəwun mlétalí bí ání Bulu apé bu alé, ibə ədwe, ləfon.

³ Bulu agyómá ámuó alawá awitəle púhá mí ámuɔ nde mltə okugýáku bláa mbée, əhaa máki mu iwí dáfá alíá ogyi. Ǫhagyíəha əbá ansí asi, əki ání əmɔdɔn hógyi amóó Bulu lapóhá mu amu. ⁴ Nyankpəsa-oyí iwí atə aní fɛé angyí. Ntobi ámuə kugýíku bu mó gýoma ání itegyí nyankpəsa-oyí ámuɔ. ⁵ Alí kén ibə mótə ání anitsə, táme ania Kristonyə anidabwé əyóləb əkole ní. Mó sɔ angyí ntobí ɔtsan-ɔtsan ání anitsátsáa abasə, anidəbwe əyóləb əkole amu. ⁶ Bulu atokiehé ámuó əleha aní ámu ina ɔtsan-ɔtsan. Ilehían ání aní fɛé abəpɔ mu atokiehé ámu yə agyómá atə ámuó əleha aní ámu onə. Mó sɔ ní əku atokiehé gyí Bulu onə asónblí á, əhá ámu əbwée mó alá mu hógyi losuná mu. ⁷ Ní əku klé gyí mu aba ahógyipɔ buá a, əbóa amó. Ní əku klé gyí atə suná á, osúna mó. ⁸ Ní əku klé gyí ahá atətə-onlun wa á, əwá ahá atətə-onlun. Ní əku é klé gyí atə kie á, əlé iwitə okie mó. Ní əku klé gyí ahá onə líí á, əwáa nsi əbwe mó. Ní əku klé é gyí ahá nwe wúun a, əbwée mó ədwetə.

⁹ Mldwə ahá tsu mlí klontə. Mlkisi laləhe kugýíku. Mlkita yiləbweə kinkíinkín. ¹⁰ Mliha mlí ansí ipé mlí aba Akristofɔ dwəsu, amlibu aba wankláán. ¹¹ Mldmáha mlí nsiwa bwé atə onə ibə asi. Mliha Ǫhə Wankihé amu əwa mlí əwonlín, amlisum aní Wie. ¹² Mlí əkpakí amu sɔ mlunya ansigyí, amlibu kínkín mlí ipiantə. Mlibə mpáú bré fɛétə. ¹³ Mlibəa mlí aba Bulu ahá ání bəbu ikplántə. Mliyurí iwí hə afɔ.

¹⁴ Mliyula ahá ání budún mlisɔ. Mliyula amó, mldmálwí amó. ¹⁵ Ní aku bɔde ansigyí nya á, mliá amónyɔ mlunya ansigyí. Ní aku bodesú é á, mliá amónyɔ mlisɔ. ¹⁶ Mlí fɛé mltisia wankláán. Mldmátsu iwí. Mlpɔ iwí manta ahá ání ahá butamabú amó. Mldmáki mlí iwí ání mldon aku.

¹⁷ Ní əku əpɔ laləhe gyi mlí á, mldmápu laləhe ká mu ikə. Mlibə mbódí amlibwə tsá ibə alá ahá fɛé bótəsulá dínká mós. ¹⁸ Alahgyíalíá igýi mlí mó á, iwílwii ítsia mliá əhagyíəha nsuné. ¹⁹ Mí apíó adwəpɔ, mldmápu laləhe ká mlí aba ikə. Mlísi tógyitə ha Bulu. Tsúfɛ bəwanlín wá

Bulu asɔn ʔmɔtɔ bɛɛ, “Bulu ɔbɛɛ, ‘Mí, mli Wíe tɛká ɔkɔ. Mí ɔbɛka ahá akɔ amó lakpan sɔ.’ ”
²⁰ Bulu asɔn wanlínhé lɛtrá blí ɔbɛɛ, “Ní akón dɛ fú olupó á, ha mu ató ogyi. Ní ɔmɛwólú dɛ mu a, ha mu ntsu onu. Ní fɔbɔwé mó alí á, ɔbɛha péli békutá mu ɔbɛtse.”* ²¹ Mlumáha lalahɛ igyi mliɔ, mbóun mliɔwɛ yilé pógyi lalahɛsɔ.

13

Iwasibá Ha ʔmá Akpapó

¹ Ilehían ání ɔhagyíɔha ɔbɛba iwasí há ʔmá akpapó. Tsúfɛ Bulu téhá ʔmá akpapó túmi. ʔmá ɔkpapó ɔkɔkɔ má ɔnɔ́ megýí Bulu léyai mu. ² Iní sɔ ní ɔkɔ ɔkósó líí ʔmá ɔkpapó ɔkɔsɔ á, alakósó líí Bulu túmiso. Mó sɔ ɔhá ámu dɛ isobití klé ha iwí. ³ Tsúfɛ ʔmá akpapó bɔmegyá yilé abwɛpó, lalahɛ abwɛpó bɔgya. Mó sɔ ní fomedékleá fonyáa ʔmá akpapó ifú á, mómó bɛɛ yilé abɔkanfɔ fú. ⁴ Bulu osúmbi ɔhagyíɔha ání bapó mu yáí ʔmá ɔnó gyí. Mli yilé sɔ bɔdɛ agyómá yɔ. Táme ní ɔkɔ dɛ lalahɛ bɛɛ á, mómó obénya amó ifú, tsúfɛ bɔbɔ ɔkpa bití ahá isɔ. Bulu asúmbi bɔgyí, ɔbɛha amó ɔkpa ání bɔbití lalahɛ abwɛpó isɔ ha mu. ⁵ Iní sɔ ɔhagyíɔha ɔbá iwasí ha ʔmá akpapó. Megýí bɛɛ bɔdɛ ifú nya ání bɛbití amó isɔ nkɔlɛ sɔ. Mbóun amó klon dɛ amó bláa ɔbɛɛ, ilehían ání bóbu amó.

⁶ Iní kén sɔ ilehían ání mléka tswitswí é ní. Bulu asúmbi ʔmá akpapó bɔgyi. Bapó amó bré fɛ́ɛ bɔdɛ ʔmásó kí. ⁷ Mlika ɔkɔ kugyíkɔá idin mliɔ. Mlika tswitswí móa lampóo. Obú ɔkpasɔ á, mliɔ amó fɛ́ɛ. Ní igyi kanfó é á, mlikanfó amó fɛ́ɛ.

Abadwɛ

⁸ Mlumákítá ɔhaa ɔkɔ dɔn mli abadwɛ. Ní ɔkɔ dɛ mu aba dɛɛ á, ɔdɛ mbla ámu fɛ́ɛsɔ gyí. ⁹ Mose Mbla ámu léblí ɔbɛɛ, “Mátɔ mbɔa.” “Mámɔ ɔha.” “Máwí ató.” “Mápe ansí fú ba atósó.” Iní pó mbla tráhe amó fɛ́ɛ nɔwun gyí mbla kɔlɛ ámu ɔlɛblí ɔbɛɛ, “Dwɛ fú bá fɛ́ fú iwí” ámu. ¹⁰ Ní ɔkɔ dɛ mu ba dɛɛ á, ʔmósɔpɔ lalahɛ gyi mu ekekekeke. Iní sɔ ɔhá ání ɔtɔdwé mu aba lagyi mbla ámu fɛ́ɛsɔ.

¹¹ Mli onutó mliyin bré oduátɔ anɔbɔ. Bré lafɔn ání mlétsinkí, tsúfɛ aní nkpahó lafɔn ta dɔn bré ámu ɔnulégyankpá hɔ Kristo gyi amó. ¹² Onyé detsɔbɔn, ɔyi lake ta. Mó sɔ mliha asi ɔklúntɔ bɛwéhé fɛ́ɛ bɛɛ, atsu aní ɔyi kehɛtɔ akótɔ tsan. ¹³ Mliha aní tsiátɔ ibwɛ fé ahá ání bɔtsie wankɔtɔ. Mlumáha ayinta aní bré yetsiá ɔdwɛ ogyíkpa, anidɛ atɔ dɛdɛ gyí, anidɛ ntá nɔbɔ. Anumáwa atsi móa ayin asón. Anumáwa ɔnsípe, anumátre kó. ¹⁴ Mbóun mliɔpɔ aní Wíe Yesu Kristo tin mli iwí. Mlumátrá tsiá tsiátɔ dada amó mli ɔwólú laláhe tekle amó.

14

Akristofɔ Iláɛ ʔkpa Laláhesɔ

¹ Mliha mli aba Akristofá bɔma ɔwɔnlín hógýitɔ wa mlitɔ. Ní bɛɛ tɔkɔ bu alé ntéɛ uma ale a, mliámágyi amó nwɛɛn. ² ʔkɔ lóhogyi ání ɔbɔ ɔkpa gyi tógýitɔ, táme ɔkɔ é hógýi ɔnó uma ɔnlɔn. Mó sɔ ɔtamagyi iye. ³ ʔkpa má ɔnɔ́ ɔhá ání otegyi tógýitɔ ɔbɛ́ɛ ɔhá ání ɔtamagyi tɔkɔ ilá. Alí kén ɔhá ání ɔtamagyi tɔkɔ é ɔmálɛ ɔhá ání otegyi tógýitɔ ilá ní. Tsúfɛ Bulu laho amó. ⁴ Fógýi ma ání fɛ́ha ɔkɔ osúmbi pón? Mu wíe nkɔlɛ pé búbɔ ɔkpa ání ɔbɛ́blí ɔbɛɛ, ɔtsie wankláán ntéɛ ometsie wankláán. ʔbétalí tsiá wankláán, tsúfɛ Bulu ɔbétalí há mu ɔbétisiá wankláán.

⁵ ʔkɔ ɔbétalí blí ɔbɛɛ, eke kɔ dɔn mó aba, ɔkɔ é ɔbɛ́blí ɔbɛɛ nke ámu fɛ́ɛ igyi kɔlɛ. ʔhagyíɔha ɔyɔ mu klɔntɔ wankláán, ɔtsu móa ɔbɔ alé. ⁶ Ní ɔkɔ ɔlɛ eke ɔkɔ ɔbɛ́ɛ igyi eke yilé á, ɔdɛ mósó gyí pɔtsú Bulu fɔá. Ní ɔkɔ é tegyi tógýitɔ á, ɔdɛ mó gyí pɔtsú aní Wíe fɔá. Ní ɔkɔ é tamagyi iye a, mu é ɔdɛ mó kisi pɔtsú aní Wíe fɔá. Tsúfɛ amó fɛ́ɛ bɔtɛdá Bulu ipán mósó. ⁷ Anitɔ ɔhaa métsie nkpa há mu iwí, anitɔ ɔkɔkɔ é móowu há mu iwí. ⁸ Ní antsie nkpa á, antsie ha aní Wíe. Awú é á, anilawú há mu. Mó sɔ ní anilawú o, antsie nkpa o, aní Wíe bó aní. ⁹ Tsúfɛ Kristo lówu, yínkí kósó ba nkpatɔ, méní ɔbɔbɔwɛ akankpapɔ pó awupó fɛ́ɛ Owíe. ¹⁰ Iní sɔ imehían ání fɛ́ha fú bá ipón ntéɛ fɛ́kí fú bá ansítɔ kótíkótí. Tsúfɛ aní fɛ́ɛ abéyélí Bulu ansítɔ, obégyi anitɔ okugyíɔkɔ asón. ¹¹ Bɔwanlín wá Bulu asón ʔmɔtɔ bɛɛ, “Aní Wíe Bulu ɔbɛɛ,

‘Nanyá mbɔ nkpa ánfí á,
ɔhagyíɔha ɔbɛ́ɛda akpawunu mí ansítɔ;
ɔhagyíɔha ɔbɛ́ɛ blí ɔbɛɛ, Bulu ngýi.’ ”

¹² Mó sɔ anitɔ okugyíɔkɔ ɔbɛ́ɛ mu asón ɔnó Bulu ansítɔ.

Máha Fú Bá ʔdida Mu Hógýitɔ

¹³ Mó sɔ mliha asi aba ilá lɛ. Mbóun abwɛɛ agyɔwun ání anumóɔbɛɛ tɔtɔá ɔbɛ́ha aní bá ɔkɔkɔ mɛ́ɛsrɛí ntéɛ dida. ¹⁴ Séí iná namlí Okristoyin sɔ nabí ání atogyíhe kuko má ɔnɔ́ mu iwí metin. Táme ní Kristoyin ɔkɔ lóhógýi ání tɔkɔ iwí metin a, mómó mu wá mó iwí metin. ¹⁵ Ní fótɛgyi tɔkɔ, idɛ fú bá háan a, mómó fú bɛwéhé medɛ ɔdwɛ suná. Máha fú atogyíhe ina fú bá ání Kristo lówu há mu ɔfwí. ¹⁶ Mó sɔ máha tɔ́á fuyin ání ɔbɔ alé ɔbɛɛ tsitsa ahá ansítɔ. ¹⁷ Tsúfɛ Bulu

* 12:20 Igyi fé fakpá ogyá wólú mu ɔntátra.

iwiegýí ámo imegyí atogyihe ntée atonuhe asón, mbóun yilébwe, iwilwii pó ansigýí áni ítsú Ɔɣe Wankihé amuto asón igyi. ¹⁸ Ɔhagýiɔha áni otosúm Kristo ɔkpa ánfus á, mu asón tegyi Bulu ansí. Ahá é botobú mu.

¹⁹ Iní sɔ mlíha aní ansí ipe tásá íbópu iwilwii ba, íbówa apíó aba ɔwónlín hógyitáso brégyíbré. ²⁰ Máyintá Bulu gyumagyihe fú atogyihe sɔ. Ɔkpa bu íwá abétali gyi tógyítá, táme ní ɔko dé tásá íbéha mu ba ɔbóbwe lakpan bwe mú á, ima ale. ²¹ Ní ɔko tamagýi iye ko, ntée nu ntá ntée bwé tásá íbéha mu ba ɔbédida á, íbu alé. ²² Mú sɔ tógyításá fohogyi tsu ntóbí ánfí iwí á, ha mú íbwe fóá fú Bulunyo nsiné asón. Ní ɔko opúni medé mu tsíí mu bwehésó á, múmú ɔkláa lawá mu ogyá. ²³ Táme ní mu klón medí mu así mu atogyihe ko gyí sɔ, ogyi mú á, Bulu lahá mu ipón dodoodo. Tsúfɛ mu ató ámu gyí melíí hógyisɔ. Tógyításá ɔha mápu hógyi bwé igyi lakpan.

15

Ahá Ansísó Ató Bwe

¹ Ilehían áni aní ahá áni aní hógyi ɔnó bu ɔnlún abénya klón há ahá áni amó hógyi ɔnó ima ɔnlún. Megýi tásá íleisialí aní wole abóbwe. ² Ilehían áni anito okugýiɔko ɔbóbwe tásá íbu alé há mu ba, méní íbéha mu ɔbédan hógyitá. ³ Tsúfɛ Kristo kóráá móbwe tásá mu onutó otekle. Mu iwí asón bɔwanlín wá Bulu asón ámuto beɛ, “Asiabí ámúó besia fú ámu fɛé ídebednká mísó.” ⁴ Asón kugýikóá bɔwanlín wá Bulu asón wanlínhé amuto tsú tituti a, bɔwanlín mú áni íbósuná aní ató, wá aní ateto-ɔnlún, atomi lu kínkínkín. Fówun abénya klón kɔ ɔkpa ha ató ámúó aní ansí dín múso ámu. ⁵ Bulu téhá ahá botenyá klón. Mutówá ahá ateto-ɔnlún. Nde mu kolí mbéɛ, ɔhá amlíbwe kole, fɛ alíá Kristo Yesu lósuná aní. ⁶ Iní ɔbéha mlí fɛé mlópu ɔme kole kánfú Bulu, ogyi aní Wíe Yesu Kristo mu Sɔ ámu nɔ.

Ahá Aní Bomegyí Yudafo Asón Wankláán Bláa

⁷ Iní sɔ mlího aba atúú fɛ alíá Kristo lóho mlí, méní íbówa Bulu numnyam. ⁸ Tsúfɛ nde mlí bláa mbéɛ, Kristo labwé Yudafo osúmpó, méní íbósuná áni Bulu obégyi mu tó ámúó ɔlehe amó anáin amosɔ. ⁹ Kristo léba, méní ahá áni bomegyí Yudafo bétí Bulu idayilé, nwe ámúó olowun amó ámu sɔ. Fɛ alíá Bulu asón wanlínhé amó ídeblí. Asón ámu gyí, “Aní Wíe Bulu, íní sɔ nówa fú numnyam ahá áni bomegyí Yudafo ansító.

Nówa íbu kánfú fú.”

¹⁰ Bulu asón ámu létrá blí ɔbéɛ,

“Mlí ahá áni mlímegýi Yudafo, mlia Bulu ahá mlunya ansigýi!”

¹¹ Betrá wanlín beɛ,

“Ahá áni mlímegýi Yudafo fɛé, mlíkanfo aní Wíe Bulu.

Ɔmá fɛé abí, mlíkanfo mu.”

¹² Bulu ɔnósó ɔtópó Yesaia é léblí tswí ɔbéɛ,

“Ɔha ɔko ɔbéln tsu aní náin Yisai* abí-anátó.

Mú obébegyi iwíe ahá áni bomegyí Yudafo sɔ ní.

Múso bédnká ansí ní.”

¹³ Buluá bɔteki ɔkpa há ogyi. Nde mu kokolí mbéɛ, ɔhá iwí lwii mlí, ansí igýi mlí amlího mu gyi. Mu Ɔɣe Wankihé ɔháa mlí túmi, méní mu ɔkpakú mósokpon mlí.

Tásá Sɔá Paulo Léle Iwito Wánlín Ató Alí

¹⁴ Mí apíó Akristofá, mí onutó nhíe nyin áni aha wankláán mlígyí, mlílabí asón tsotsɔtsɔ, mlétalí tóí kplá aba. ¹⁵ Táme nawá klón nhíe nde mlí asón bláa ɔwóló ánfuto pókáin mlí. Tsúfɛ Bulu lawá awitole pó agyómá ánfí wá mí íbuto ɔbéɛ mbwéɛ. ¹⁶ Múgyí, mbóbwe Kristo Yesu osúmbi ahá áni bomegyí Yudafo. Mú sɔ nde osum agyómá ánfí yo fɛ Bulu igýi ɔhapó. Nde ahá áni bomegyí Yudafo ámu Bulu asón wankláán ámu bláa, méní bémlí igýi aható áni Ɔɣe Wankihé latin mú iwí, ilegyi Bulu ansí. ¹⁷ Iníá mía Kristo Yesunyo anilabwé kole sɔ á, mbu ɔkpa tsú iwí agyómá ánfí ndeyó há Bulu ánfí sɔ. ¹⁸ Tsúfɛ mméetalí blí asoanso tsia atásá Kristo latsun mí asón blíhé pó mí bwehésó bwé ahá áni bomegyí Yudafo, méní bóbu Bulu. ¹⁹ Ina ofúla móa osúna amób nɔbwe Bulu Ɔɣé ámu túmito ámu sɔ netaalí dá Kristo asón wankláán ámu fɛé ɔkan, tsú Yerusalem alu yédalí Ilirikó ɔsolóso. ²⁰ Tásá ídún mí klonsɔ bré fɛé, ndekléá nóbwe gyí, nénatí dá Bulu asón wankláán ámu ɔkan ntínéá bómokónyá nú Kristo asón kɔ. Mmedekléá nótóá ɔko gyumagyihe sɔ. ²¹ Tsúfɛ bɔwanlín wá Bulu asón ámuto beɛ,

“Ahá áni bómokónú mu nka kɔ bówun mu,

ahá áni bómokónú mu asón kɔ é bónu mú así.”

Paulo Roma Ɔpasua Yésinda

²² Iní láchá mmókónyá ɔkpa ba mlí wá bɔtu nde ní. ²³ Táme séi mú á, mí agyómá lámó ɔnó nfi fónsó. Nfi tsotsɔtsɔ ní ndekléá néba mlí wá beki mlí. ²⁴ Mú sɔ nabwé agywuin áni ní ndetsóon

* 15:12 Yisai lókwá Owíe Dawid áni ogyi Yesu Kristo mu nain.

nɔyɔ Spania a, nɔtsɔn kɪ mlɪ. Agyi ɔdwe kpalobɪ á, mlɪlasɪ mí ɔkpa nayɔ unu. ²⁵ Séi á, nabwé agywin ání négyankpá yó Yerusalem, yóbuá Bulu ahá ání bubu unu. ²⁶ Tsúfɛ Akristofáá bubu Makedonia pɔ Akaiia ɔsolóso bapú ɔdwe dúnká ató bodepusísí Bulu ahá ání bogyi ahíánfɔ Yerusalem. ²⁷ Ibo amú ɔdwe ání bóbúá ahíánfɔ. Bawun ání ilehián ání bóbúá Yudafɔ é ká ikɔ. Tsúfɛ banya Ɖɛtót ató, nú nkpahóó asón ámu tsú amú wá. Mú sɔ ilehián ání bódunká ɔyít ató kɔ há amú é. ²⁸ Ní nɔpó kóba ání bɔtswitswi ha mí fɛé wá amú ibitɔ á, nóbɔtsɔn mlɪ wá yó Spania. ²⁹ Nyin ání ní nebá á, nɔpɔ Kristo oyúla kpɔnkpɔnkpɔntɪ ba mlɪ.

³⁰ Mí apíó adwepó, ndɛpɔ anɪ Wíe Yesu Kristo pɔ ɔdweá Bulu Ɖɛé lahá mlɪ há mlɪ aba kókólí mlɪ mbéé, mlɪlú mí ɔma, amlɪbɔ mpáí ha mɪ kínkínkín. ³¹ Mlɪbɔ mpáí mliha, Bulu ɔléé mí tsu Yudafɔ ámuó bumɔhɔ mu gyi amu ibitɔ. Mlɪbɔ ha mɪ, Bulu ahá ání bubu Yerusalem unu abuhɔ ató ámuó napó neya amú ámu. ³² Fówun ní Bulu lótsulá á, néba mlɪ wá ansigyí kpɔnkpɔnkpɔntɪtɔ, beda ɔkpónó. ³³ Buluá ɔtɛhá iwílwii, otsia mlɪ fɛé wá. Amen!

16

Itsiaha

¹ Nde opio tshé Foibe le súná mlɪ. Kenkrea wúlutɔ ɔpasuatɔ ahande ɔbuápu ogyi. ² Mlɪhɔ mu anɪ Wíe Yesu dátɔ alá ilekanáa ání Bulu ahá bóbwe, amlɪbɔa mu ɔkpagyiákpaso alá odeklé. Tsúfɛ mu onutó alabóa ahá tsɔtsɔtsɔ, alabóa mɪ é.

³ Nehá Priska mua mu kulu Akwila fɛé tsia. Mía amónyo létsiaá bwé anɪ Wíe Kristo Yesu agyómá. ⁴ Bɔpu amú iwɪ há ání bówu mí sɔ kóráá. Nde amú ipán da wankláán. Megyi mí nkule. Akristofáá bumegyí Yudafɔ ɔpasua fɛé bode amú ipán da. ⁵ Nehá ɔpasua ámuó betsiá fia amú wóyít ámu é fɛé tsia.

Nehá mí ɔdwepó Epaineto tsia. Mólégankpá hɔ Kristo Asia ɔmátɔ fɛé ní. ⁶ Nehá Maria ámuó olowun ipian mlɪ sɔ ámu tsia. ⁷ Nehá mí aba Yudafɔ Androniko mua Yunia tsia. Bawá mía amónyo obu kɪ. Bogyi Kristo sumbí ayɔpó ání obú bɔ amósó. Begyankpá hɔ Kristo asa natá bɔhɔ.

⁸ Nehá mí pió ɔdwepó Kristotɔ Amplia tsia. ⁹ Nehá anɪ Kristo agyómá ɔyɔbá Urbano mua mí nyáwíe kláklá Staki tsia. ¹⁰ Nehá Apele amú alalé súná wankláán ání alapó mu iwɪ há Kristo amu mua Aristobulo abusuanfɔ fɛé tsia. ¹¹ Nehá mí bá Yudayin Herodion tsia. Nehá Narkiso abusuanfɔ ání bogyi Akristofɔ tsia.

¹² Nehá Trifaina mua Trifosa, bogyi atsɪ ámuó bode Kristo agyómátɔ kínkínkín ámu tsia. Nehá mí ɔdwepó tshé Persi, ɔde Kristo agyómá yɔ kínkínkín ámu é tsia. ¹³ Nehá Rufo mua mu yin ámuó mí é ntetɪ mu mí yín ámu tsia. Rufo gyi anɪ Wíe agyómá ɔyɔpó ání alahɔ dá agyómá ámuó. ¹⁴ Nehá Asinkrito, Flegon, Herme, Patroba, Herma pɔ apíó Akristofɔ ámuó bubu amú wá ámu fɛé tsia. ¹⁵ Nehá Filologo, Yulia pɔ Nereo mua mu pio tshé pɔ Olimpa mua Bulu ahá ámuó bubu amú wá ámu fɛé tsia.

¹⁶ Mlɪlata aba puta Bulu ɔdwetɔ. Kristo ɔpasua ámu fɛé bode mlɪ tsia ha.

Tɔá Roma Ahógyipɔ Amu Bobwé

¹⁷ Apíó, nokókólí mlɪ, mlɪkɪ wankláán, ménɪ mlɛtalɪ wun ahá ání bubu mlɪtɔ, bode mlɪ dasáin. Alí ahá ámu bɔtshá ahá bɔtɛdida hógyitɔ. Amú atosunáhé tedá mú ámuó nosuná mlɪ ámu mó. Mlɪkola iwɪ le amósó. ¹⁸ Tsúfɛ ahá ámu odu á, megyi anɪ Wíe Yesu Kristo bodesúm. Amú ɔwólí laláhe bodesúm. Bapú amú ɔnɔwankɪ pɔ ahákanfɔ buna bode ahá ání bumeyin ɔlala mlé. ¹⁹ Táme mlɪ mó á, ahagyíɔha lanú alá mlɪlapó mlɪ iwɪ há Kristo. Mú sɔ ibɔ mɪ ɔdwe, ansí de mí gyi wankláán mlɪ sɔ. Táme ndekléá mlítin ansi, amlɪbɪ tɔá ibɔ alé. Mlumáwa ibɪ lalahetɔ. ²⁰ Bulu téhá anɪ iwílwii. Imáɔwa ɔpá á, ɔbétsa Satansu mántá ɔsolóbu tántántán, mlɛlú musu.

Anɪ Wíe Yesu Kristo ogyíi mlɪ buale, ɔlu mlɪ ɔma.

²¹ Mí bá agyómá ɔyɔpó Timoteo dé mlɪ tsia ha. Alí mí aba Yudafɔ Lukio mua Yason pɔ Sosipatro é bode mlɪ tsia ha ní.

²² Mí mlɪ pió Okristoyin Tertio ání nɔwanlín ɔwoló ánfí há Paulo, nde mlɪ tsia ha.

²³⁻²⁴ Mí wóyí mu wie Gaio amú ɔpasua ámuó bɔtefia mu wóyít amú dé mlɪ tsia ha. Erasto, ogyi wúlú kóbasu ɔkírpu mua anɪ pió Kwarto é behá mlɪ tsia.*

Paulo Bulu Kanfɔ

²⁵ Mlɪha akanfɔ anɪ Bulu! Mu ɔbétalɪ tsɔn Yesu Kristo asón amúó nablí ámuó mu há mlɛlú kínkínkín hógyitɔ. Ɖɔpɔ ɔnɔkwali anfi nán tsú ɔyí ɔpá. ²⁶ Séi mó á, alatɔn mu ɔnásó atɔípɔ amú atɔ wanlínhéso lé mú ɔwan. Fé ahá Buluá ɔbu unu bré fɛétɔ lahá ɔmá-ɔmá babí mó, ménɪ ahá fɛé bóhɔ mu gyi, bú mu.

²⁷ Bulu nkole gyí Bulu. Mu nkole bóu nyansa. Numnyam ání ilekanáa itsɔɔn anɪ Wíe Yesusu itɔ mu bré fɛétɔ. Amen!

* **16:23-24** Mótɔ yéé 24 bu nwóló dada amú akotɔ: Anɪ Wíe Yesu Kristo ɔwáa awítale ha mlɪ fɛé. Amen!

Ɖwóló Gyankparúá Paulo Lówanlín Sísí Korintofó

¹ Mí Kristo Yesu sumbí ɔyɔpó Paulo ání Bulu létí mu apétó pó aní pió Sostene dé ɔwóló ánfí wanlín.

² Anidé mó wanlín sísí Bulu ɔpasua ání íbɔ Korinto wúluto, Bulu lalé amó, bɔwé amó mu ahá. Amóa Kristo Yesu babwé kole, fɛ aní Wíe Yesu Kristo asúmpóá bɔbɔ ɔyító fɛé, Yesu Kristo gyí aní fɛé Owíe.

³ Aní Sí Bulu muá aní Wíe Yesu Kristo bɔgyí mli bɔale, abɔha mli iwilwii.

Ana Kristo Ikolébweto Oyíla

⁴ Ntedá Bulu pán brégyíbré, alá mliá Kristo Yesu kolébwé sɔ alawá awítalé há mli. ⁵ Tsúfɛ mó sɔ mlíanyá iwí tógyítótó. Móá idɔn gyí mli tói pó mli asónbɔ fɛé. ⁶ Iní lasúná ání asón ámóó anidébláa mli tsú Kristo iwí ámu bɔ mó. ⁷ Iní sɔ ɔhétó atokiehé kugyíkɔ medé mli hián séi ánfí mlihié mli dé ekeá aní Wíe Yesu Kristo obótsu ɔsósó há bele iwí ɔwan ɔkpa kí anfi. ⁸ Mu onutó ɔbówa mli ɔwónlín yófun eke ámóó ɔbésankí bá begyi aní asón ámu, méní asɔansɔ méetsiá mli iwí. ⁹ Ɖnɔkwaliɔ Bulu gyí. Mólétí mli ɔbɛé, mliá mu Bi, ogyí aní Wíe Yesu Kristonyɔ mli bɔbɔwé kole.

Ɖpasua Amoto Ikolémábwe

¹⁰ Apíó, nɔpó aní Wíe Yesu Kristo kókóli mli ání mli fɛé mli bɔwéé kole, méní mli mɛédasaín. Mlihá mli agywíun íbwe kole mli ason blíhé kugyíkɔ. ¹¹ Mí apíó, tsá swá nde asón ánfí blí gyí, akwá bɔtsú Kloe abusuanto babláa mli bɛé, asón bɔbɔ mli nsíné. ¹² Beblí bɛé, mliá akw mliáa, “Paulo anibuo.” Abambá bɛé, “Apolo anibuo.” Akw é bɛé, “Petro, bɔtetráa tɔ mu Kefa anibuo.” Akw é bɛé, “Kristo anibuo.” ¹³ Nfite mli, beye Kristotó? Paulo beda mántá oyikpalíhe amosɔ há mli, ntéé mu dátó bɔbɔ mli asú?

¹⁴ Nedá Bulu ípán ání Gaio muá Krispu ɔma a, mmétrá bɔ mliá ɔkɔkɔ asú. ¹⁵ Mó sɔ ɔhaa méetalí blí ɔbɛé, mí idátó nɔbɔ mu asú. ¹⁶ Ké! Nakáin, nɔbɔ Stefana muá mu wóyító ahá é asú. Amó ɔma a, mméekáin ání netrá bɔ ɔhaa asú. ¹⁷ Kristo mówa mí ahá asúbɔ. Mboun ɔbɛé, mbéda ason wankláán ámu ɔkan. Megyí ɔnɔwankí pó anyánkpósa agywíun nɔpɔbli mó, tsúfɛ ní nɔpó mó blí mó á, túmi kɔkɔkɔ ímétrá tsíá Kristo oyikpalíhe amoto.

Bulu Túmí Pó Mu Nyánsa

¹⁸ Aní Wíe Yesu oyikpalíhesɔ lowu iwí asón ámu igyi mimlála há ahá ání bɔdehi. Táme igyi Bulu túmí há aní ahá ání Bulu dé nkpa ání ítamátá ha. ¹⁹ Tsúfɛ bɔwanlín wá Bulu asón ámoto bɛé, “Néyintá anyansapɔ nyánsa.

Mmáɔhɔ amó agywíun wankláán kuku.”

²⁰ Ní igyi alí á, mómó nto onyansapɔ gyí? Nto Mose mbla osunápó gyí? Ɖyí ánfíto nwéen agyípó mɛ? Ɖyító ansítin mɛ, imegyí mimlála Bulu ansító?

²¹ Bulu lópu mu onutó nyánsa bɔwé mó. Nyankpɔsa méetalí pó mu nyánsa bí mu ekekeeke. Mó sɔ alapó aní mimlála ɔkan amóó anidéda ámu hɔ ahá ání bahɔ mu gyí nkpa. ²² Tsúfɛ osúna ání itsú Bulu wá Yudafɔ bɔtekleá bɔpɔbí ání asón ámu bɔ mó. Griikifɔ é á, nyánsa bɔtekleá bɔpɔbí ání íbɔ mó. ²³ Mó sɔ ní adá ɔkan aniaa, beda Kristo mántá oyikpalíhesɔ á, itakósó líí Yudafɔsɔ, igyi mimlála ɔmá bámbásófó é ansító. ²⁴ Táme ahá ání Bulu lalé, bɔgyi Yudafɔ pó Griikifɔ mó á, Kristo gyí Bulu túmí kponkpontí pó mu nyánsa há amó. ²⁵ Tsúfɛ Bulu mimlála igyi ansítinla don nyankpɔsa nyánsa. Mu pón é kóráá don nyankpɔsa ɔwónlín.

²⁶ Apíó, mlihan alá mli gyí bréá Bulu létí mli. Ahá botamabú mli ɔbɔbɔ ání mli létin ansí. Mli ɔbɔbɔ mli mégyí iwí anyapó, ɔbɔbɔ é bɔmotsu abusuan kpiikplíto. ²⁷ Bulu léle ahá ání bɔma nyánsa ɔyí ánfíto, méní ɔbɔpu amó sópa atiansipɔ. Ɖlele ɔyí ánfíto apɔnpɔ é, méní ɔbɔpu amó wá awónlínpó pélito. ²⁸ Ɖlele ahá ání obú ma amósó, pó amóá bɔma labi kuku ɔyí ánfíto, méní ɔbɔpu amó wá amóá obú bɔ amósó pélito. ²⁹ Ɖlabwe mó fɛé alí, méní ɔhaa mli mótósu iwí mu ansító. ³⁰ Bulu sɔ mliá Kristo Yesunyɔ mlílabwé kole, alapó Kristo bɔwé aní nyánsa. Mólátú aní aní aní asón da ɔkpa mu ansító, alabwé aní mu ahá. Alahɔ aní lé lakpan nkpábító, há anílagyi iwí. ³¹ Mó sɔ fɛ alá Bulu asón ámu léblí á, “Ɖhagyíɔha ání ɔbɛé, mótsu iwí á, ɔpú tsá aní Wíe labwé tsu iwí.”

2

Kristo Da Mántá Oyikpalíhesɔ

¹ Mí apíó, bréá neba beda Bulu ason nǎinhé amó ɔkan súná mli á, mmɔpu ɔnɔwankí ntéé nyánsa kuku bebláa mli Bulu asón ámu. ² Tsúfɛ bréá mbɔ mli wá á, nɔbɔwé agywíun ání nótó

tsú Yesu Kristo pò mò oyikpalíhèsu lowu nkòlè iwí. ³ Bréá neba a, mí awútò yáyóyóyó. Ifú de mí, ndèkpínkí. ⁴ Megyí mí nyánsa pò mí ɔ̀nɔ̀wankí nɔ̀pɔ̀dá asón ámu ɔ̀kan súná mlí. Mboún Ɔ̀gè Wankíhé ámu túmí léha asón ámu ìdɔ̀wankí mlí. ⁵ Uleba ahí, méní mlénya mlí hógyi tsú Bulu túmíto, megyí nyankpɔ̀sa nyánsato.

Bulu Nyánsa

⁶ Táme ní nowíe ahá ání badan hógyi amòto wá á, nɔ̀pò Bulu nyánsa bláa amó asón amó. Megyí nde ɔ̀yí keheto nyánsa, ntée ɔ̀yí ánfíto isò agyípo ání bɛ̀ba bɔ̀holú amó túmí klé. ⁷ Nyánsa ání amíde mó iwí asón blí ání igyi nyánsa ání Bulu lóponjín asa ɔ̀yí lebelun, ání ɔ̀bɔ̀pɔ̀wá aní numnyam. ⁸ Ɔ̀yí ánfíto otúmípo ɔ̀kòkò mébi nyánsa ání. Ní bɛ̀bi mó á, tekí bɔ̀meda aní Wíe Onumnyam pò amó mántá oyikpalíhèsu. ⁹ Táme fè alá bɔ̀wanlín wá Bulu asón amòto á, “Tóá ansíbi m̀akówwun kí, asò m̀akónú kí,

im̀akóba nyankpɔ̀sa agywuntò é kí a,
mó Bulu lalá yáí há mò adwepó ní.”

¹⁰ Táme anilábí ínì, tsúfè alalé mó súná aní tson mò Ɔ̀gè Wankíhé amòsu. Ɔ̀gè ámu tokwí tógyítótó kí, otélé Bulu ason n̄ainhèá íbò ɔ̀tótótótó kóráá súná aní. ¹¹ Ɔ̀haa tamawun mò ba n̄wuntò, nkéti mò onutó ɔ̀gè. Alí kén Bulu Ɔ̀gè ámu nkòlè tówwun Bulu n̄wuntò ní. ¹² Aní mó á, Bulu lópo mò Ɔ̀gè wá anito, megyí ɔ̀yí ánfíto ɔ̀gè bɔ̀ anito. Mboún Ɔ̀gèá itsú Bulu wá, méní abétalí nú itó ámóú Bulu lapókíe aní faan amó asi.

¹³ Mó sò megyí aní onutó nyánsa asón aníde mlí bláa. Mboún asón ání itsú Ɔ̀gè Wankíhé ámu wá. Mó anidépólé Ɔ̀gèto ɔ̀nokwalí asón asi ní. ¹⁴ Ɔ̀há ání ɔ̀ma Ɔ̀gè Wankíhé méetalí hɔ̀ tsá itsú Bulu Ɔ̀gè ámu wá, tsúfè igyi mimlála mò wá. Ɔ̀há ání Ɔ̀gè Wankíhé bɔ̀ m̀otò tónú asón ání Ɔ̀gè ámu déblí asi. ¹⁵ M̀otetalí tété tógyítótó nú mó asi. Táme mò mó á, ɔ̀haa méetalí tété mò asóntó, nú mò asi ekekekeke. ¹⁶ Nkálí íbɔ̀bwe asa bétalí nú mó asi? Igyi fè alá Bulu ason wanlínhé amó léblí ɔ̀bée,

“Ma ɔ̀bétalí bí aní Wíe agywun?

Ma ɔ̀bétalí súná mò asón?”

Táme Kristo agywun bɔ̀ anito. Mó sò aní mó abétalí bí mò agywun.

3

Bulu Asúmpò

¹ Apíó, bréá neba mlí wá á, mmetalí tóí mlí ansító fè ahá ání Ɔ̀gè Wankíhé bɔ̀ amótó. Nebláa mlí asón fè ahá ání amó agywun idin ɔ̀yí ánfíto atósó, bɔ̀m̀akódan Kristoto. ² Nyópo-ntsu neha mlí. Mmeha mlí atogyihe onutó. Alí bré amòto á, mlím̀akófon atogyihe onutó gyí. ³ Tsúfè ɔ̀yí ánfíto tsiátò útráa bɔ̀ mlíto. Mlídè aba lu, mlídétré. Ní mlídè ínì bwe mé, imosuná ání mlí agywun trá dun ɔ̀yí ánfíto atósó, mlígyí fè ɔ̀m̀átófo? ⁴ Mlító ako mlíaa, “Paulo mbuo.” Mlító ako é mlíaa, “Apolo mbuo.” Mbée, ínì medésuná ání mlígyí fè ɔ̀m̀átófo?

⁵ Mbée, ma gyí Apolo, ntée ma gyí Paulo, só mlídétré aní sò? Bulu asúmpò keke anígyí, mlílatson aní íbòto mlí mò ahógyipò. Anito okugyíɔ̀kò légyi gyoma ání Bulu léha mò. ⁶ Mílódu, Apolo lówolí mó n̄tsu, táme Bulu léha mó ìedan. ⁷ Megyí odupó móa n̄tsu ɔ̀wolípó lóbwe tótó. Bulu nkòlè tóbwe, tsúfè m̀otéhá mó itedan. ⁸ Odupó móa n̄tsu ɔ̀wolípó fèé bɔ̀gyi kékéé Bulu ansító, ɔ̀béka okugyíɔ̀kò íkò mò bwehé ɔ̀nó. ⁹ Agyómá ayəpó mía Apolo anígyí há Bulu. Mlígyí Bulu ndò, mlígyí mò obu é ní.

¹⁰ Bulu lówa awítale há mí, bwe mí obu oyípo ɔ̀tiansipò. Mó só n̄pò abwi wá obu ámu n̄tswiasí, aha bambá betalí bɔ̀dɛ̀pwe dínká m̀osó ní. Táme ɔ̀hagyíɔ̀ha ɔ̀kí wankláan obu ámu pwetó. ¹¹ Tsúfè ɔ̀haa méetalí wá n̄tswiasí bambá don mó ámóú ida yáí, igyi Yesu Kristo amó. ¹² Ní ɔ̀kò ɔ̀pò sika pepé o, sika futútú o, abwi ání íbò bíá o, nyí o, afítáa ntée ipí yí dínká n̄tswiasí ámu sò á, ¹³ ɔ̀bú ání kugyíko íbélun ɔ̀wan eke ámóú Bulu obégyi aní asón ámu. Ogyá ɔ̀bɔ̀pɔ̀sò mó kí nkòlè, ɔ̀bɔ̀bwe mó wankláan. ¹⁴ Ní ogyá ámu m̀ahò obu ámu yíntá á, Bulu ɔ̀béda mò ipán. ¹⁵ Táme ní obu ámu lóhò a, ɔ̀béhie hólí ató. Bulu ɔ̀bóhò mò nkpa, táme obófuflu fè ɔ̀há ání alasarí dalí ogya plenplento.

¹⁶ Mlíméyín ání Bulu ɔ̀tswékpa mlígyí, Bulu Ɔ̀gè ámu tsie mlító? ¹⁷ Ɔ̀hagyíɔ̀ha ání oleyíntá mò ɔ̀tswékpa a, Bulu é obéyíntá mò, tsúfè Bulu ɔ̀tswékpa lowankí. Mò ɔ̀tswékpa amó gyí mlí á.

¹⁸ Ɔ̀haa mámlé mò iwí! Ní mlító ɔ̀kò dé mò iwí tɔ̀tiansipò nde ɔ̀yí ánfíto á, ilehián ání ɔ̀bɔ̀bwe mò iwí ɔ̀ha mimláhe, méní ɔ̀bɔ̀bwe ɔ̀tiansipò onutó. ¹⁹ Tsúfè ɔ̀yí ánfíto ansítúin igyi mimlála Bulu ansító. Fè alá bɔ̀wanlín wá Bulu ason wanlínhé amòto bɛ̀e, “Ɔ̀tiansipò agywun laláhe Bulu tɔ̀pókítá mò.” ²⁰ Bulu ason wanlínhé amó letrá blí ɔ̀bée, “Bulu yin ání ɔ̀tiansipò agywun itépi ma labi.” ²¹ Iní sò ɔ̀haa mápò ansí dínká ɔ̀haasò tsú iwí. Mlító tógyító. ²² Paulo o, Apolo o, Petro o, ɔ̀yí ánfí o, nkpa ntée lowu o, nde o, ɔ̀ke o, mlíobó mó fèé. ²³ Kristo bó mlí, Kristo é gyí Bulu klé.

4

Kristo Sumbi Ayapó

¹ Iní sù ohagiyísha otsú mó ání Kristo asúmbi keke mía Apolo anugyí, Bulu lapó mu ason nainhé amu agyómá wá aní ɔ̀bita. ² Tóá ihíé dehián gyí, ohá ání bapó agyómá wá mu ɔ̀bita obégýi ɔ̀nɔ̀kwali. ³ Mí mó á, ní mlɛ̀to ako ntée aha bambá bode mí pón ha kóráá á, imegyí tɔ̀to mí ansító. Mí onutó ó mmókóhá iwí pón ntée asu. ⁴ Nyin mí klɔ̀ntɔ̀, táme imosuná ání mí asón da ɔ̀kpa. Aní Wíe Yesu gyí mí asón ogyípó. ⁵ Iní sù m̀m̀m̀akósi lé mlí aba ɔ̀lá k̀p̀f̀on aní Wíe ɔ̀báke amu. Mú ɔ̀bɔ̀wankí wóli oklúnto atósó, lé aní agyiwun ɔ̀wan, asa Bulu ɔ̀békánfó ohagiyísha alá ilehián nù.

⁶ Mí apió, mlí sù ndepu mía Apolo tsiátó súná mlí ató, méní m̀lónu mó ámóó ahá botɛ̀bli bɛɛ, “M̀m̀m̀anyankí t́á b̀wanlín tswiso” amu asi, fówun m̀m̀m̀óowun ohaa tsú iwí. ⁷ Ma lébláa fú ɔ̀b́éé fudon ɔ̀ko? Ntɔ̀ fobwá imegyí Bulu léha fú? Ní Bulu léha fú tógýtá á, ntogyi sù fúde iwí tsu f́é megyí ha bɛ̀ha fú?

⁸ M̀h̀d̀ékú ání m̀l̀m̀lamwé! M̀l̀m̀lanyá iwí! M̀l̀m̀lawína m̀h̀d̀é iwíe gyí. Mí sù mó á, tɛ̀ki m̀h̀d̀é iwíe amu gyí lélé, méní ania m̀lunyo abégýi iwíe amu. ⁹ Ide mí bwe f́é Bulu lahá aní sumbí ayapó ání anilabwé oma agyápu f́é ndoun bakpá boyóma. Tsúf́é anilamlí ató kuhé há ɔ̀yító f́éé, Bulu-abɔ̀pu móa anyánkpósa f́éé. ¹⁰ Kristo sù anilabwé aha mimláhe, mlí mó m̀l̀latun ansí. Anugyí apónpu, mlí mó m̀l̀bu ɔ̀wonlín. Ahá bode mlí bu, aní mó ohaa tamabú aní. Megyí alí m̀h̀d̀é aní kí nù? Ntée megyí alí? ¹¹ B́f̀on séi á, akón móa ɔ̀mewóli de aní, atatidato anida. Bode aní atswé folí, anumá ɔ̀dkpa. ¹² Aniteyíri iwí pó aní ɔ̀bita yó agyómá pónyá aní ató hiánhe. Ní bɔ̀lwí aní á, anitoyúlá amó. Ní bɔ̀din aniso é á, anitotomi. ¹³ Ní bebli aní iwí ason laláhe a, anitapó ɔ̀dwe lé mó ɔ̀nó. B́f̀on séi á, anilabwé wúna, bode ipí putsítsá aniso ɔ̀yí ánfító.

¹⁴ M̀m̀edé iní wanlín pósopa mlí, m̀boun ndepútó kplá mlí f́é mí abí adwepó. ¹⁵ Tsúf́é ní ahá mpím-dú (10,000) lósuná mlí Kristo iwí asón kóráá á, ɔ̀bakóle pé abí m̀l̀gyí ɔ̀jé́tó. Nɔ̀bwe mlí sí Kristo Yesuto bréá neda ason wanlálán amu ɔ̀kan súná mlí. ¹⁶ Mó sù nde mlí kokóli, m̀l̀kasí mí tsiátó. ¹⁷ Iní sù nde Timoteo wa sísí mlí. Mí bí ní, ntadwé mu. ɔ̀bu ɔ̀nɔ̀kwali Kristoto. Mú ɔ̀b́éba bekain mlí tsiátó oduá nɔ̀pu mbuo Kristo, ndepusúná ɔ̀pasua kugyíkwa ɔ̀bu ɔ̀t́négýi ɔ̀t́níné nù.

¹⁸ Mlɛ̀to ako bode iwí tsu. Bókí bɛɛ, fiálí m̀m̀étrá ba mlí wá ekekekeke. ¹⁹ Táme ní aní Wíe Yesu lótsulá á, imóowa ɔ̀pá kòko néba mlí wá beki bɛɛ, asón keke iwí atsupó ání bodebli lóó, ntée lélé bobu Bulu túmi. ²⁰ Tsúf́é megyí ason blihé keke Bulu iwíegýi amu igyi, m̀boun Bulu túmi. ²¹ Ní nébá mlí wá á, ntó mpóba? Mpó m̀plí ba lóó, ntée ɔ̀dwe móa iklon lwíihé?

5

M̀bvató Iwí Asón

¹ Bahíé bebláa m̀i bɛɛ, mlɛ̀to ako bode atsi móa ayin asón wa. ɔ̀mátó kóráá bome dé mó odu bwe. Mlɛ̀to ɔ̀ko mó kóráá laswíí mu sí mu ka, ² ɔ̀bu mlí ansigyí! Ima mlí awurehó. Péli m̀edé mlí, méní m̀l̀gya ohá ánífí odu lé mlí ɔ̀pasuató. ³ Iní m̀m̀m̀édé mí wúun ó á, mbu mlɛ̀to ɔ̀jé́tó. Nahá ohá ánífí ɔ̀bu tsiátó anfi odu ipón dodoodo, f́é mbu ɔ̀bu. ⁴ Mlɛ̀to ɔ̀pasua amu fia aní Wíe Yesu Kristo dátó. Nétsiá mlɛ̀to ɔ̀jé́tó, aní Wíe Yesu Kristo túmi é ibétsiá mlɛ̀to. ⁵ Inu á, m̀l̀pu mu wa ɔ̀bɔ̀nsám ɔ̀bita, oyinta mu ɔ̀yóló, méní Bulu ɔ̀b́éha mu ɔ̀kláa nkpa aní Wíe Yesu ɔ̀báke amu.

⁶ Kpaali m̀h̀d̀é iwí tsu. M̀m̀m̀yín ání bodobodotu-afá kpalobí t́há bodobodo amu f́éé itotú? ⁷ Iní sù mlíle laláhe ɔ̀bwepó anfi mlɛ̀to, méní mlí iwí b́tun f́é bodobodoá bɔ̀m̀owa afá mótó, tsúf́é alí m̀l̀híé m̀l̀gyí ní. Megyí bodobodoá bɔ̀m̀owa afá mótó, imotu bɔ̀tápógýi Katsón Nke? Bamó aní Israelf́os Katsón Nketo Okúfabi, ogyi Kristo amu, lé aní ǹwunso mbusuo há aní dodoodo. ⁸ Mó sù m̀l̀ha apó bodobodoá imotu, igyi iwítin móa ɔ̀nɔ̀kwaliwa gyi Katsón Nke amu. M̀m̀háha apó bodobodoá ɔ̀latú, igyi tsiátó laláhe móa lakpan gyi mó.

⁹ Nɔ̀wanlín wá ɔ̀wóló kwá nɔ̀pósisí mlɛ̀to mb́éé, m̀m̀m̀ápu mbua atapó gyi mba. ¹⁰ Megyí ɔ̀yító mbua atapó, ɔ̀nsipe awapó, awikplu ntée ikpí atswépu iwí asón nebli. Mómó tɛ̀ki m̀lédalí ɔ̀yí ánfító asa m̀m̀óowa amó mba ní. ¹¹ Tóá nɔ̀wanlín sísí mlí gyí, m̀m̀m̀ápu ohá ání ɔ̀b́éé Okristoyin m̀gyí, táme ɔ̀tátó mbua ntée ɔ̀bu ɔ̀nsípe, ɔ̀tatswe ikpí, otesiá mu aba, ɔ̀tóbó ntá ntée otowí ató gyi mba. Mlha ohá amu nyó m̀m̀m̀áwa ɔ̀bita gyi ató kóráá.

¹² Ntó sù négyí ahá ání buma ɔ̀pasua ám̀to asón? Megyí ahá ání bobu mótó, bode lakpan ánífí odu bwe m̀boun asón lehián ání m̀l̀gyí? ¹³ Bulu obégýi ahá ámóó buma ɔ̀pasua ám̀to amu mó asón. Táme b̀wanlín wá Bulu ason wanlínhé ám̀to bɛɛ, “Mlí mó m̀l̀gya laláhe ɔ̀bwepó lé mlɛ̀to.”

6

Bulu Ahá Wolewole Nsiné Asóngyi

¹ Ní mlítɔ ɔku mwa mu ba Okristoyin benyá á, ntogyi só mlítɔwá klɔn pɔya ɔmátɔfɔ asón ɔgyíkpa, mlítamapó ya Bulu ahá abubli mó? ² Mlméyín aní Bulu ahá obégyi ɔyítɔ ahá fɛ́é asón? Ní mli obégyi ɔyítɔ ahá asón á, mó ntogyi só mliméetali gyi mli wɔlewɔle nsinɛ asón? ³ Ntée mliméyín aní aní obégyi Bulu-abɔpu é asón? Ntogyi só anuméetali gyi ekekegyíeke asón mó? ⁴ Ní asón idá mli nsinɛ á, ntogyi só mlítɔpɔya ɔmátɔfɔ asón agyípɔ amóó mli ɔpasuafɔ botamabú ámu? ⁵ Nde asón ánfɔ wanlín sísí pósɔpa mli. Mó su ɔtiansipɔ ɔkole kóráá má mli ɔpasuato aní ɔbétali gyi mu aba nsinɛ asón? ⁶ Ntogyi só ohógypɔ ɔbésamáa mu ba, móa idon kóráá pɔ mu yélu ɔmátɔfɔ ansítɔ?

⁷ Alí ámuó asón ibɔ mli Akristofɔ wɔlewɔle nsinɛ ámu kóráá ilosuná aní mldagyi pɔn dodo. Ntogyi só mli bá ɔpɔ idá gyí mli, ntée osísi mli, mliméésikíé? ⁸ Mli mboún latsɔn gyankpá mliɛé mli aba sísí, mliɛé laláhe pɔgyi mli aba? ⁹ Ntée mliméyín aní aha laláhe bɔmóowie Bulu iwíegyi ámu? Mlimámli mli iwí. Ahá aní butɔwá atsi móa ayin asón, ikpi atswépu, mbɔa atɔpɔ, ayin aní bɔtekle amó aba ayin, ¹⁰ awikplu, ɔnsípe awapɔ, ntá abɔpɔ, ahá asiapɔ pɔ ahá asísipɔ bɔménya ɔgyíkpa Bulu iwíegyi ámu? ¹¹ Teki bré ámu a, alí mlítɔ akɔ mligyi ní. Táme Bulu labie mli ntu, alabwé mli mu ahá. Alatsɔn mu Ɔɣé ámu pɔ mu Wíe Yesu Kristosɔ tsú mli aní mli asón da ɔkpa mu ansítɔ.

Mli Ɔyɔlɔv Pɔwá Bulu Numnyam

¹² Mlítɔ ɔku ɔbétali bli ɔbée, “Mbɔ ɔkpa bwé tótógyítɔ.” Ee! Táme nde mli bláa mbée, “Megyi mó fɛ́é ɔbɔwa labi.” Ɔku é ɔbɛbli ɔbée, “Mbɔ ɔkpa bwé tótógyítɔ, támé mméeha tɔtɔ méegyí musɔ.” ¹³ Ibo mótsá ɔku ɔbétali bli ɔbée, “Atogyihe bu mu há ipu, ipu é bu mu há atogyihe.” Ee! Táme mó fɛ́é ibéhi ekekó. Bulu móbwe nyankpɔsa há atsi móa ayin asón wa. Mboún aní Wíe bó aní ɔyɔlɔv, aní ɔyɔlɔv é bó aní Wíe. ¹⁴ Bulu lókwosá aní Wíe Yesu tsú afúlitɔ. Ɔbɔpu mu túmí ámu kósɔa aní é.

¹⁵ Ntée mliméyín mlihaa, mli ɔyɔlɔv igyi Kristo nyankpɔsa-oyí ámu iwí atɔ? Mó nkáli só mpɔv Kristo ɔyɔlɔv yeda obu-ɔnɔ otsiápu ɔyɔlɔv? Itsɔvɔn musɔ! ¹⁶ Ntée mliméyín mlihaa, ní ɔku ɔpɔ ibi da obu-ɔnɔ otsiápu a, mwa munyɔ ɔyɔlɔv labwé kole? Tsúfɛ́ Bulu asɔn wanlínhé ámu lébli ɔbée, “Oyin ámu mwa ɔtsi ámu babwé ɔyɔlɔv kole.” ¹⁷ Táme ní ɔku mwa Kristo babwé kole a, mwa munyɔ babwé kole kole ɔɣétɔ é.

¹⁸ Mlimáplei atsi ntée ayintɔ. Lakpan kugyíkɔá ɔha tɔbwé tamakósó líi mu ɔyɔlɔv. Táme ní ɔku ɔwá atsi móa ayin asón mó á, alabwé lakpan aní ɔkwosó líi mu onutó ɔyɔlɔv. ¹⁹ Ntée mliméyín mlihaa, mli ɔyɔlɔv gyí Ɔɣe Wankíhé ámu ɔtswékpa obu? Bulu lɔpu mu há mli, otsie mlítɔ. Mó su megyi mlínb mli iwí. ²⁰ Ibiá kpékpélékpé Bulu lóhɔ mli. Mó su mlɔpu mli ɔyɔlɔv wa Bulu numnyam.

7

Akulu Mwa Aká, Akpanko Pó Asɔrapu Atosundhé

¹ Nayɔ asɔn fitéhé amóó mliɔwanlín sísí mí ámu? kɔ a, Ee! Ibo aléá oyin mɔɔpu ibi da ɔtsi. ² Táme mbɔvɔtɔ ladɔvɔ sɔ oyinyíoyin onyá mu onutó ɔká, ɔtsigyíɔtsi é onya mu onutó okúlu. ³ Ilehían aní okúlu obégyi ɔkátsiá mbla fɛ́ésó ha mu ka, ɔká é ɔbɔbwe mó alí ha mu kulu. ⁴ Megyi ɔtsi bó mu iwí, mu kulu bó mu. Alí megyi oyin é bó mu iwí, mu ka bó mu ni. ⁵ Mó su mlimákiná aba ɔdikpa ha, nkéti mli abanyɔ ámu mliɔtsúlá aní mlétsiá nke kpalobí, ménu mlétsiá bó mpá, asa mlélayɔ aba wá. Mliɔwun aba mó ɔma, ménu Ɔbɔnsám méetali sɔ mli kɔ, ní mliméetali kítá iwí.

⁶ Ɔkpa ida aní mlɔbwe mó alí, támé megyi ɔhíé igyi. ⁷ Mí nkole su mó á, tekí mlétsiá kpanko fɛ́é mí, támé ɔhagyíɔha bu móá Bulu lɔpókíé mu. Ɔmɔbwe aní fɛ́é kékée. Ɔhagyíɔha mwa mu kle.

⁸ Séi nde akpanko móa asɔrapu bláa mbée, ní bótsulá tsíá mí atsiábi a, tekí ibɔ alé. ⁹ Táme ní mliméetali kítá iwí ntée gyi mli iwíso mó á, mlítsia akúlu móa aká, don aní mlénati dá tsɔn.

¹⁰ Táme akúlu móa aká awíé mó á, mbla kɔ bu muwá megyi mí, mboún aní Wíe Yesu lówa há amó. Ɔbée, ɔká mákiná mu kulu. ¹¹ Táme ní ɔmáin mu kulusu a, ɔkita iwí ntée oyínki yɔ mu kulu wá. Okúlu é mákiná mu ka.

¹² Mli aha tráhe mó á, mí onutó dé mli iní bláa. Megyi aní Wíe Yesu dé mó bli. Ní ohógypɔ yínhé tsia ɔtsiá omegyí ohógypɔ, támé ɔtsi ámu latsúlá aní mwa munyɔ bétsiá á, ɔmákiná mu. ¹³ Ní ohógypɔ tsíhé é tsia oyin aní omegyí ohógypɔ, támé alatsúlá aní mwa munyɔ bétsiá á, mu é ɔmákiná mu. ¹⁴ Tsúfɛ́ ohógypɔ tsíhé ámu su Bulu ɔbɔhɔ mu kulu. Alí kɛn ohógypɔ yínhé ámu su Bulu ɔbɔhɔ mu ka é ní. Ní megyi alí á, Bulu móotsu amó abí aní amó asón da ɔkpa mu ansítɔ, támé iní su Bulu latsú amó aní amó asón da ɔkpa mu ansítɔ. ¹⁵ Táme ní okúlu ntée ɔká aní omegyí ohógypɔ dékléá obékiná mu tsíaba ohógypɔ a, ohógypɔ amu osíi mu ɔnati. Mbala kuku meklí mu, tsúfɛ́ Bulu létí aní ɔbée, abétsiá iwílwíiti. ¹⁶ Ohógypɔ tsíhé, fuyin ní fú ɔbɔhɔ fú kúlu nkpa? Ntée ohógypɔ yínhé, fuyin ní fú ɔbɔhɔ fú ká nkpa?

¹⁷ Mò sò òhagýíoha èpòv tóá aní Wíe Yesu léha mò asa Bulu létu mò tsia. Mógýí tóá ntebláa èpasua kugýíko ní. ¹⁸ Ní òko létu keté asa Bulu létu mò a, àmáláyínkí yébwè mò iwí tótòtò. Ní òko é mètín keté asa Bulu létu mò é á, àmáyéítín. ¹⁹ Ketétíun ntéé ketémátún megýí tòtò. Bulu mbla àmùsò gyí mbòún gyí asón. ²⁰ Òhagýíoha otsia alíá ogyí asa Bulu létu mò. ²¹ Òkpábi fúgyi asa Bulu létu fò? Umáhan fò. Táme ní òkpa íbá àní fégyi iwí á, kòsò mósò. ²² Tsúfè ní òkpábi fúgyi asa aní Wíe létu fò á, alahá fagyí iwí. Alí kén óhá àní otsie mò iwí sò asa aní Wíe létu mò é gyí òkpábi séi há Kristo ní. ²³ Bulu lóhò mli íbíá kpekplékpeé. Iní sò mímábwè mli iwí nkpábi há anyánpòsa. ²⁴ Mí apíó, alíagýialíá òhagýíoha gyí asa Bulu létu mò a, èpòv mò alí tsia.

Mbítebi Móa Asorapo

²⁵ Mli mbítebiá mlimókòtsia akúlu kí mò á, mma mbla kòkòá itsú aní Wíe wá há mli. Táme aní Wíe mòa mò nwewúun, alahá mí nyánsa àní mlétalí hò mli gyí. ²⁶ Asón àní nde há mli gyí, óyítò lawá onlún séi. Mò sò nahogýiá íbò aléá òhagýíoha obétsiá alíá otsie yaí. ²⁷ Ní fòbò óká á, mákiná mò. Ní kpanko fúgyi é á, mátepi tsia. ²⁸ Táme ní fetsiá óká á, fòmókòbwé lakpan. Ní obítebiá omókòtsia okúlu kí é otsia a, omókòbwé lakpan. Asón wunhéá íbèba tekí ndetsu kósò akúlu mòa akásò. Mò sò nde iní blí.

²⁹ Mí apíó, mòá ndeblí gyí, bré itinbí ílasí. Iní sò tsú séi á, óhá àní èbò óká èbwéé fè óhá àní óma. ³⁰ Ósún ígyi o, ódwe ígyi o, iwunya ígyi o, èbwéé iwí fè asòansò medín musò. ³¹ Ahá àní bode óyí ànfító atò pòbwé tókò bómápu amó ansí fèé dínká mósò. Tsúfè óyí ànfi pò mótò atò fèé bèba bòtsón.

³² Mmedékléá asón iháan mli. Óhá àní óma óká tòpò mò ansí dínká aní Wíe agyómásò, méní obégyi mò ansí. ³³ Táme óká mò wie mò tòpò ansí dínká óyítò atósò, méní obégyi mò ka ansí. ³⁴ Mò sò mò agywún tóbwé anyò. Alí kén ótsi kpanko é tesí mò iwí há aní Wíe, óyulòv mòa onjètò fèé, méní obégyi Bulu ansí ní. Táme okúlu mò wie mò tòpò mò ansí dínká óyítò atósò, méní obégyi mò kulu ansí.

³⁵ Mli yilé sò nde asón ànfi blí. Mmedé mli itin ka. Mbòún ndeekléá mliwbéé tóá ída òkpa, amlisi mli iwí fèé há aní Wíe Yesu.

³⁶ Ní oyín ófítè ótsisò, owun àní oméetalí kítá iwí, ótsi ámò é déklé ódan tsón a, óyékpáin mò. Megýí lakpan igyí. ³⁷ Táme ní ólábwé agywún àní oméetsiá mò, èbétalí kítá iwí tsíá kpanko á, èbò òkpa bwé tóá odeklé. Ní èbétalí kítá iwí á, mómò ókita iwí. Íbò alé òun. ³⁸ Íbò aléá obétsiá óká, támé ní ometepí tsíá a, íbò alé òun.

³⁹ Mbla léklí ótsi àní oméekiná mò kulu yòfòn mò owuké. Táme ní oyín ámò owú á, èbò òkpa tsíá oyín àní odeklé. Táme ilehián àní óhá ámò èbòbwè Okristoyin. ⁴⁰ Mí nkòle sò mò á, ní otsie kpanko á, ansí ègyi mò òun. Nyin àní Bulu Òjé ámòv íbò mító ámò só natálí nde mli asón ànfi bláa.

8

Òkpító Atogyihe

¹ Mliha abli òkpító-atò gyí iwí asón ámòv mliòwanlín sísí mí ámò.

Mliðéblí mlihaa, “Aní fèé anyin asón.” Íbò mótò, támé mlibí àní asónbí tehá óha tòtsú iwí, ódwe é itehá óha tedan. ² Ní òko èbèé, moyin asón dóbí a, omókònyá bí tóá idehián. ³ Óhá àní ótòdwé Bulu á, Bulu é yin mò.

⁴ Mò sò nkálí anidéblí tsú òkpító atò gyí iwí? Aní fèé anyin àní òkpi mégyí tótòtò. Anyin àní Bulu ókòle pé é bò unv, ókòkò trá óma ótunetúne. ⁵ Iníá ikpi móa túmí tsòtsòtsò bòbò ósò móa así ó á, ⁶ aní mò anyin àní Bulu ókòle pé è bò unv. Mógýí aní Sí, ósò móa así Óbwepò. Mò anitsie nkpa há. Aní Wíe ókòle pé é bò unv. Mógýí Yesu Kristo. Mòsò Bulu lótsón bwe tógýítò. Mò kén sò anitsie nkpa ní.

⁷ Táme megýí Akristofó fèé yín alí asón ànfi. Ikpísúm lamántá amó dodo. Iní sò ní begyi òkpító-atò á, bode mò tsu àní basúm òkpi ámò ní. Mò sò ifin lada amó, tsúfè bómókòdan hògyi. ⁸ Megýí tóá antegyi só ania Bulunyo nsiné bówá alé. Ntò anilégyí o, ntò anumégýí o, tótò meyintá aní iwí.

⁹ Táme mliki wankláan àní òkpa ànfi mliwò gyi òkpító-atò ànfi uméeha óhá àní omókòdan hògyi. ¹⁰ Ní óhá àní omókòdan hògyi. ¹¹ Mómó yéé fode mò atetò-onlún wa fèe, ogyíi òkpító atò ànfi mò onutò oyín àní ma ale anfi ní o. ¹² Mómó fapò fò asónbí mlé fò píó wá. Fahá fò píó ànfi omókòdan hògyi, Kristo lówu há mò anfi lafwi. ¹³ Ní fòpò ilá gyi fò píó Okristoyin àní omókòdan hògyi, fèhá mò èbwé tóá oyín àní ma ale á, Kristo fapò ilá gyi a. ¹⁴ Mò sò ní tóá négyi íbèha mí píó Okristoyin èbòbwé lakpan á, mméetepí trá gyi iye ekekèkè, méní uméeha mò ódida.

9

Sumbi Óyapò Túmí Pó Mò Gyumagyihe

1 Mlika mhaa mmetsie mi iwiso? Ntee megyi sumbi ayapb ngyi? Mmakowun anu Wie Yesu ki? Megyi mi gymagyihe so mlilamli anu Wie kle nde? 2 Ni mmegyí sumbi ayapb há aku á, mli mó mhyin áni sumbi ayapb ngyi. Tsúfè íniá mhygi Akristofa á, ilegyi adánsie áni anu Wie sumbi ayapb ngyi.

3 Inu gyi tsa ntapóle mi iwi onó suná ahá áni botelé mi lá ní. 4 Mía Barnaba mó anumágyi ató, nu ntsu? 5 Anumá okpa tsía ohógyipb, kpá mu buo iwi, fé sumbi ayapb atráhe amu pó anu Wie apió móa Petro aná? 6 Ntee mía Barnabanyo mó ayáso agyómá ki anu iwiso? 7 Isá okpó onutó téká iwi ikó? Ekekeke! Odotapu omom tamagyi mu ndoto-ató? Mbwi ayáipó omom tamagyi mu obwi yáihé?

8 Anyánkpósa agyiwun ndepóblí inu? Yée Mose Mbla óó ilebli alí á? 9 Tsúfè bowanlín wá Mose Mbla ámutó bee, “Botamawá onantswieá ode ayó da onó ikan.”* Fahogyi fé nnantswie iwi dé Bulu hián só olebli asón ánfí? 10 Megyi anu só ode asón ánfí blí? Anu só ode mó blí a. Bowanlín wá Bulu asón ámutó bee, “Ifé owópu mu ató okpátípó féé bogyo tsa bénya tsú agyómá ámutó bayó ámutó.” 11 Ni anilabláa mli ason wankláán ámu, igyi onétó abía anladú wá mlúto á, anu mó anumá okpa nyá anu ayító atohiánhe tsú mli wá? 12 Ni aku bobo okpa nyá ató tsú mli wá á, anumá okpa don amó?

Táme anumótsu koku lé inu. Anlapó klontó pisií ho tógyító, méni anumópu tótótó tin Kristo ason wankláán ámu okpa. 13 Mluméyín mhaa, Bulu óswékpá unu agyómá ayapb é bobo ogyíkpa unu? Ntee mluméyín áni afóde-asubwi amu asi asúmpó butegyí mó asi ató? 14 Alí kén anu Wie léhúe áni mu ason wankláán ámu okan adapó é bogyi ató tsu ahá áni bode labi nya tsú asón ámutó wá ní.

15 Táme mi mó mmakópó alí okpa ánfí mbu anfi nyá tótó tsú mli wá. Megyi bee ndekléá néfi mó asi, só nde asón ánfí wanlín sísí mli. Ibo mi alá nówu, don áni nóhulí itó ánfí nópótsú iwi ánfí. 16 Táme ní nde ason wankláán ámu okan da a, imegyí tsa nópótsú iwi. Tsúfè ohíe igyi há mí. Bulu obébití mí iso ní mméda mó okan. 17 Ni mí onutó lébli mbéé nóbwe mó á, teki Bulu obéda mí ipán. Táme megyí mí onutó apétó nde mó bwe. Okpábi ngyi, Bulu lóbu mí onakwalipu pó agyómá ánfí wá mí ibúto. 18 Ikaká mamu nénya tsú mótsó ngya? Mógyi néda ason wankláán ámu okan, boméeka mí tótó. Teki mbu okpa púkle tókó há mí iwi, táme mmáobwe mó alí.

19 Ntsie mi iwiso. Mma ohaa asi, táme nabwé iwi okpábi há ohagyiáha, méni nékpa ahá tsótsótsó ba Kristo. 20 Ntóbwé iwi fé Yudayin ní mbu Yudafóto, méni nétalí nyá amótó ako. 21 Alí kén ní mía omátófá boma Mose mbla asi anuná á, ntóbwé iwi fé amó, méni nétalí kpá amó ba Kristo ní. Inu medesuná áni mma Bulu mbla ámu asi, tsúfè ntobú Kristo mbla ámu. 22 Ntóbwé iwi fé ahá áni amó hógyi onó ma onlu, méni nétalí há amó bédan Kristoto. Ntedamli iwi okpa ótsan-ótsanso há ahá féé, méni nétalí kpá amótó ako ba Kristo.

23 Ason wankláán ámu só ntóbwé inu féé, méni mí é nénya ogyíkpa móts. 24 Mlika inu áni ní ahá búsí a, okugyiáko tseyiri iwi, táme obakóle tégyi iso, botekie mu ató? Mli é mhyiri iwi srí, méni mlégyi iso, békie mli ató. 25 Osrí otsiípó okugyiáko tekítá iwi, méni obésrí púho idá áni itamatsiá yó. Táme anu mó anidé inu bwe, méni abóho idá áni imófwi ekekeke. 26 Inu so megyí kpaali nsrí. Mí ansí dun tókoso. Ntamatswi atswé wá afútó. 27 Ntesen ansító, bwé mí iwi okpábi, méni ní nedá asón ámu okan suná ahá ta á, Bulu méébláa mi obéé, nabwé tsítsá.

10

Ikpiisum Iwi Oláda

1 Mí apió, ndekléá mliúbí tsa Bulu lóbwe há anu anáin amu féé bímbí ámu. Oheha agyinde lobun amó féésó, oheha opu pepe bonkpató lése, okpa amó féé tson opu amoto. 2 Bulu lópu agyinde móa opu amu bó amó féé asú, púsúná áni bogyi Mose abúopu. 3 Amó féé begyi onétó atogyihe oloku okule amu. 4 Bonu onétó ntsu oloku okule amu tsú butá ámutó ilekpa amó ámutó. Kristo gyi butá ámu ní. 5 Táme inu féé oma a, Bulu ansí megyi amó ododobo iwi, ohehú amó dimbí ámu so unu.

6 Ntobí ánfí ileba amósó ánfí féé igyi atosuanhe há anu, méni amó lalahé amu odu bwe méédunká anu owólu, 7 anumóosum ikpi é fé amó. Tsúfè Bulu ason wanlinhé amu ilebli obéé, “Ahá ámu betsiá asi gyi ató, nu ntá, kúsó kóm.” 8 Mlimáwa atsi móa ayin asón fé ahá amótó ako bobwe, ileha amótó mpim adwanyo-sa (23,000) benya lowu ekewóle. 9 Mlimáha aso Kristo ki fé alí ámutó amótó ako bobwe, awo bodundun amó mó ámu. 10 Mlimále Bulu lá fé ahá amótó ako bobwe, Bulu lópu obopu sísí, olobomo amó.

11 Ntobí ánfí ileba amósó féé igyi atosuanhe há anu. Bowanlín mó tswi, pódá anu ahá ánfí oyi onómobi lató anu ánfí olá.

* 9:9 Deut. 25:4. Ki ato táanheá bo ifon XXX, (1 Ti. 5:18). Mó asi gyi, “Botamalé okwén pó ibi tsítsi osolóta.”

¹² Mò sò ní fòkí fée folú kinkíúnkín Kristo hògyító á, kí wankláán, méní foméédida. ¹³ Bì ání fò isòkí amò mòtsòn ọtsan há aha tráhe klé. Ọ̀nàkwálipò Bulu gyí. Ọ̀mééha isòkíá idun fò ịba foso. Táme ní fowíé isòkító á, Bulu obósuná fò ọ̀kpa ání fàtsòn mósó tálí líí mó ọ̀nó, méní fédalí mótó.

¹⁴ Mò sò apíó adwepó, m̀m̀m̀wáa iwí ikpísúmtó ekekeke. ¹⁵ Atiansipò m̀hgyí. Mò sò m̀l onutó m̀hgye asón ánfító amlíkí. ¹⁶ Ní adá Bulu ipán, anu aní Wíe Yesu ọ̀pónbási ewe ámwò ntá á, imosuná ání ania Kristo obugya labwé kole? Ní abíá bodobodo amò é ye aba á, mó é imosuná ání ania m̀v ọ̀yolób labwé kole? ¹⁷ Iná aní tsó ó á, bodobodo ipin kole antegyí. Mò sò aní fée anlabwé ọ̀yolób kole fè bodobodo ipin ámu.

¹⁸ M̀lípókí Israelfó, megyí ahá ámuó b̀tegyí afodíe-ató ámu tóbwé kole afodíe ámu b̀tót? ¹⁹ Mò sò nkálí mí asón ání desuná? B́lí ndeblí mbée, ikpí ntée atogyíhe amóú b̀póh́á amó igyí amò ịbò labí? ²⁰ Ekekeke! T́sá ndeblí gyí, ní akpípó b̀eh́á ikpí igyí a, ọ̀je laláhe b̀póh́á, megyí Bulu. Mò sò m̀medékléá m̀ha ọ̀je laláhe m̀lóbwe kole. ²¹ M̀m̀m̀éetalí pó aní Wíe ewe tin ọ̀nó, láyópu ọ̀je laláhe ewe é tin ọ̀nó. M̀ha Kristo m̀m̀m̀éetalí wá ịbò gyí ató, m̀ha ọ̀je laláhe é amlíwá ịbò gyí ató. ²² Ní abwé mó alí á, anumóowa Bulu ọ̀bló fè Israelfó? Ntée anukíá anubv ọ̀wonlín d̀n Bulu?

²³ Ahá b̀teblí b̀e, “Anubv ọ̀kpa b̀wé tógyító.” Ịbò mótó alí, táme megyí mó fée b̀v labí. F̀deblí f̀e, “Anubv ọ̀kpa b̀wé tógyító.” Táme megyí mó fée tóbóa aní. ²⁴ M̀m̀m̀ákí m̀l nkole klé, mbóun m̀l kí m̀l aba é klé.

²⁵ T́sá m̀lwbée gyí, m̀l wí ịb́ásíy ịye kugyíko. M̀m̀m̀áfíté mó iwí asvansv, m̀l kl̀n é imáha m̀l pón. ²⁶ Tsúfè b̀wanlín wá Bulu asón ámwò b̀e, “Bulu b̀v ọ̀yí móa mótó ató fée.”

²⁷ Ní ọ̀mátóyín ọ̀tí fò ató ogyíká, iletsiá fò á, fayó. Táme ní foyó á, m̀áfíté mó iwí asvansv, f̀v kl̀n é imáha f̀v ipón. ²⁸ Táme ní ọ̀kò ọ̀bláa fò ọ̀bée, “Ọ̀kító-ató igyí” á, alíá ọ̀ḿehan ọ̀há ámu sv mágyí ató ámu. ²⁹ Megyí alíá ịb́ehan fò sv, mbóun ọ̀há ámu sv. Móú ntogyí sù t́sá ọ̀kò d́esusúu ịb́étín mí iwígyí ọ̀kpa?

³⁰ Ní ntedá Bulu ipán atogyíhesv asa ntegyí mó á, ntogyí sù ọ̀kò ọ̀bée mí ịlá ató ámu sv?

³¹ Mò sò ní fodegyí o, fodenúu o, b̀we mó fée p̀owa Bulu numnyam. ³² M̀m̀m̀háa m̀l tsiátó itin Yudafo pó Griikífo ntée Bulu ọ̀pasua ámu Kristo wá ba ọ̀kpa. ³³ Ntamakle mí nkole yilé. Tógyítóá ntóbwé á, ntóbó mbódí ání néha ahá ansí b́gyí amó, méní Kristo ọ̀bóh́o amó nkpa.

11

¹ M̀l kásí mí tsiátó, fè alíá mí é nekásí Kristo klé.

Alíá Atsí B̀pótsiá Ọ̀pasuato

² Mí apíó, ntekanfó m̀l, tsúfè m̀l ansí d̀n m̀só. M̀l d́ebwé d́nká Kristo atosunáhé amóú ǹpóh́á m̀l ámu sv. ³ Táme ndekléá m̀l núnú mó así ání oyingyíoyin b̀v Kristo así, ọ̀tsyíyíatsí b̀v oyin así, fè alíá Kristo é b̀v Bulu así. ⁴ Iní sv oyingyíoyin ání obun ató nwun asa ọ̀de mpá b̀v ntée ọ̀de asón ání Bulu lapówá mó ọ̀nó blí m̀dédé Kristo bu. ⁵ Táme ọ̀tsyíyíatsiá ọ̀mekĺ nwun asa ọ̀de mpá b̀v ntée ọ̀de asón ání Bulu lapówá mó ọ̀nó blí é m̀dédé mó kulu bu. Igyí fè alakpá nwun. ⁶ Ní ọ̀móópó ató klí nwun á, mómó ọ̀kpáa mó. Táme ní ọ̀tsí ọ̀kpá nwun, ịbò m̀v péli á, ọ̀pó ató klí mósó. ⁷ Bulu lóbwe oyin fè m̀v iwí, p̀wá mó iwí numnyam. Mò sò mehían ání ọ̀bópó ató bun nwun asa obósum Bulu. Táme ọ̀tsí mó á, Bulu lóbwe mó p̀wá oyin numnyam. ⁸ Tsúfè oyin m̀dalí tsu ọ̀tsito, ọ̀tsí mbóun lédalí tsú oyinto. ⁹ Megyí ọ̀tsí sù Bulu lópwe oyin, mbóun oyin sù ọ̀p̀pwe ọ̀tsí. ¹⁰ Iní sv ilehían ání ọ̀tsí ọ̀békł́ nwun, p̀súná ání ọ̀bò túmí así, tsúfè Bulu-abópó b̀de mó ḱ. ¹¹ Iná ania Kristonyo anlabwé kole sv á, ọ̀tsí léhían oyin, oyin é léhían ọ̀tsí. ¹² Tsúfè alí ámuó ọ̀tsí gyankpapu lédalí tsu oyinto ámu a, alí kén ọ̀tsí é lókwí oyin ní. Táme Bulu lóbwe tógyító.

¹³ M̀l onutó m̀hgye asón ánfító amlíkí. Ịbò aléá ọ̀tsí m̀éekł́ nwun asa ọ̀bóbó mpá há Bulu? ¹⁴ Fè alíá Bulu léle ọ̀yító á, ana aléá oyin obési mó imí ịb́wá iswí fè ọ̀tsí klé. ¹⁵ Imí t́ntín igyí numnyam há ọ̀tsí, tsúfè Bulu lópó mó há mó fè nwun-abúntó. ¹⁶ Táme ní ọ̀kò dé mó iwí nwéen gyí a, asón ání mbv blí gyí, m̀m̀m̀sulá d́nká kòkòsv d̀n iní. Alí kén Bulu ọ̀pasua atráhe fée b̀m̀m̀sulá d́nká mósó ní.

Ọ̀pónbásiyó

(Mateo 26:26-29; Marko 14:22-25; Luka 22:14-20)

¹⁷ M̀m̀éekanfó m̀l asón ání nebá bebláa m̀l ání mótó. Tsúfè yilé kòkò tamadalí tsu m̀l ifiáto. Laláhe kóún itetí há m̀l. ¹⁸ Gyankpapu a, babĺa m̀l b̀e m̀ltamabwé kole ní ọ̀pasua ámu befia. Nahogyí ání asón ání kò b̀v mótó. ¹⁹ Lélé mó á, ilehían ání nwéengyí b́etsiá m̀lto, méní m̀lówun ọ̀nàkwálá ịbò mótó. ²⁰ Táme beblí b̀e, ní m̀lefia a, megyí ọ̀pónbásiyó sv m̀llefia. ²¹ Tsúfè m̀ltamagyo aba. Ako b̀tegyí amó ató, b̀tamahá aba. Mó sv ako b̀tonu b̀v, ako é b̀tsie akón. ²² M̀l onutó m̀m̀m̀ wóyíá m̀ltegyí ató, nu ntá mótó? Ntée m̀l d́ekléá m̀l s̀páa Bulu ọ̀pasua ámu, amlíwá ahíanfó ámu pélító? Amansv m̀blí tsu iní iwí? Nkánfó m̀l? Inú mó á, ekekeke, m̀m̀éekanfó m̀l!

²³ Tsúfě t́á nosuán tsu aní Wíe wá kén nde mli bláa a. Aní Wíe Yesu léle bodobodo ipín onyé ámbó bele mu há ámu, ²⁴ ɔleda Bulu ipán, bíábíá mót, bí ɔbéé, “Mí ɔyolóá ndepuhá mli ní. Mlitsia bwe ínı pòkain mıs.” ²⁵ Alı kén atogyihe amó ɔma a, olotsu ntá-ewe ámu, bí ɔbéé, “Ntá-ewe ánfı gyı mí obugya ání Bulu dépusı nıam pəpwe amóú ıbu mlia munyo nsıné ámuvo ní. Brégyıbréá mlónu mó á, mlınu mó pòkain mıs.”

²⁶ Tsúfě brégyıbréá mlıde bodobodo anfi gyı, nu ntá tsú ewe ánfıto á, mlıde anı Wíe lowu ámu ɔkan da kpéfɔn bréá obéyinkı bá. ²⁷ Mó su ɔhá anı obégyı alı bodobodo anfi, nu ntá tsú anı Wíe ewe ánfıto mábú okpasu á, alagyi anı Wíe ɔyolóú pú mu obugya amó ıwı pón. ²⁸ Inı su ilehián anı mlóyo mli nwuntu wankláán, asa mlégyı bodobodo anfi, nu ntá-ewe ánfıto. ²⁹ Tsúfě ní mlımbóu anı Wíe Kristo ɔyolóú, mlılégyı bodobodo amó, nu ntá ámu é dınká ifınsı á, Bulu ɔbéha mli ipón mó su. ³⁰ Mó só mlıto ahá tsɔtsɔtsɔ bapɔn, akó bodele, akó mó kóráá bawú ní. ³¹ Nı anıtáyó anı nwuntu wankláán asa a, tekı Bulu méeha anı pón. ³² Táme ní anı Wíe ɔlé anı lá, bítı anı ısu á, ɔméeha anıa ɔyıtó ahá fěé ipón kole.

³³ Inı su mı apıó, ní mleyefıa ɔpónú ámu ası á, mlıtsia gyo aba. ³⁴ Nı akón de ɔku á, ogyıı ató tsu wóyıtó asa ɔba, méni mli ifıa amó ıméeti ısubtı há mli. Mı onıtó néba bebláa mli t́á mlıbwée tsu ason tráhe amó ıwı.

12

Ɔhe Wankihé Atokiehé

¹ Séı á, apıó, ndekléá néle Ɔhe Wankihé atokiehé asón amó ası wankláán súná mli.

² Mlyın anı bréá mlgyı ɔmátáfo á, bosuná mli asunakpan, ıleha mlılóyo mlıde ıkpiá botamatóı sum. ³ Mó su ndekléá mlıbíı móá ıtsú Bulu wá. Ɔhagyıɔha anı ɔdepu Ɔhe Wankihé t́ı méetalı ıwıı anı Wíe Yesu. Ɔhá anı Ɔhe Wankihé dé mu kpa nkole ɔbétalı bí ɔbéé, “Yesu gyı mı Wíe.”

⁴ Bulu atokiehé ɔtsan-ɔtsan bu ınu, táme Ɔhe Wankihé ámu kén teye mó fěé. ⁵ Bulusúm agyómá igyi ɔtsan-ɔtsan, táme anı Wíe amó kén anı fěé anıdesum. ⁶ Ɔkpa ɔtsan-ɔtsansı Bulu tayó agyómá tsɔn anıso, táme Bulu amó kén dé mó fěé bwe tsɔn anı fěésú. ⁷ Bulu telé mu Ɔhé ámu ɔwan tsɔn ɔkpa ɔkusı anıtó okugyıokoto, méni abópokpá aba. ⁸ Ɔhe Wankihé tehá ɔku tapú nyansa t́ı kplá ahá, ɔtehá ɔku é tebí asón. ⁹ Ɔtehá ɔku tehéle ha Bulu gyı, ɔtehá ɔku é tetsá ahá ıb. ¹⁰ Ɔhe Wankihé amó kén tehá ɔku túmi ɔtəpúbwé ofúla, ɔtehá ɔku é teblı asón anı Bulu ləpəwá mu ɔnó. Ɔtehá ɔku tetalı bí ɔhéá ıtsú Bulu wá pú móá ıtsú ɔhe laláhe wá. Ɔtehá ɔku teblı ɔblıı bambá, ɔku é tonú mó ası. ¹¹ Ɔhe Wankihé amó nkole tóbwé ıni fěé, oteye atokiehé ánfı há ɔhagyıɔha ahá odekle.

Ɔpasua Amó Igyı Nyankpusa-oyı Ɔkole

¹² Nyankpusa-oyı ıwı ató ıtsu, táme mó fěé lóbwe nyankpusa amó. Alı kén igyi Kristo é ní. Mu ɔpasua ámu gyı mu nyankpusa-oyı ámu ni. ¹³ Anıtó akó anıgyı Yudafó, akó Griikfó, akó nkpábi ntée adıhe, táme bəpu Ɔhe Wankihé amó bó anı fěé ası wá Kristo ɔyolóú kole amótó, Bulu ləpu Ɔhé ámu kén núná anı fěé.

¹⁴ Táme megyı toku kole lóbwe nyankpusa-oyı ámu, mboun ıwı ató ɔtsan-ɔtsan. ¹⁵ Nı yabi ɔblı ɔbéé, “Mma nyankpusa-oyı ámu ıwı, tsúfě megyı ıbı ngyi” á, ılosuná anı megyı nyankpusa-oyı ámu ıwı ató ogyı? ¹⁶ Nı ısu é ɔblı ɔbéé, “Mma nyankpusa-oyı ámu ıwı, tsúfě megyı nsıbi ngyi” á, ılosuná anı megyı nyankpusa-oyı ámu ıwı ató ogyı? ¹⁷ Nı nsıbi nkole gyı nyankpusa-oyı ámu fěé á, nkálı ɔbóbwe obónu asón? Ntee ní ısu nkole gyı nyankpusa-oyı ámu fěé á, nkálı ɔbóho ató afú? ¹⁸ Táme Bulu ləpu ıwı ató tsɔtsɔtsɔ bwé nyankpusa-oyı ámu, ɔləpu kugyıkó yi ɔtınéá odekle. ¹⁹ Nı ıwı ntóbı ámu igyi toku kole a, nkálı nyankpusa-oyı ámu ıbóbwe? ²⁰ ıwı ntóbı ámu ıtsu mó, táme mó fěé lóbwe nyankpusa-oyı ámu ni.

²¹ Mó su nsıbi méetalı bláa ıbı ɔbéé, “Foma labı há mı!” ekekeke. Nwun é méetalı bláa yabi ɔbéé, “Foma labı há mı!” ²² Nı akı a, ıwı ató ámbó anıdékıı anıaa ılɔpɔn amó ıwı téhián ni. ²³ Mó ámbó anıdékııá ɔbúı ma mósó ámu anıtóbú dɔn ni. Ɔtıné ámbó anıtamakléá ahá buwıun amó é anıtəpó ató tin ni. ²⁴ Táme anıtəpəpó ató tin anı ıwı ntóbı ámbó ıbu akıle amó. Bulu lóbwe anı ıwı ató ámu alı, méni abóbu mó ámbó ıma numnyam amó, kı mósó wankláán. ²⁵ Fowun ıkolebwe bétsıá amótó, méni gyəpı okpıtá bına a, bına é lakpıtá gyəpı. ²⁶ Nı nyankpusa-oyı ámu ıwı təkó dé ɔsun wıun a, nyankpusa-oyı ámu fěé towun mó. Nı bekánfó mótó ku é á, ansı tegyi nyankpusa amó.

²⁷ Yoo, ayó nkpá. Kristo ɔyolóú kole amó mli fěé mlgyı. Mlgyı mu ɔpasua ámu ni. Mlıto okugyıokó gyı mu nyankpusa-oyı ámu ıwı təkó. ²⁸ Bulu léhihie ıni fěé wá mu ɔpasua ámótó. Gyankpəpı, sumbí ayəpó. Nyɔɔsı, Bulu ɔnósú atəpı, saası, ató asunápó. Mó ɔma a, ofúla abwəpó. Amóá bubu ılatsá túmi, buale agyıpó, ahande pó ɔblıı bambá ablıpó. ²⁹ Amó fěé gyı sumbí ayəpó? Ekekeke! Amó fěé gyı Bulu ɔnósú atəpı, ntee ató asunápó, ntee ofúla abwəpó? ıméeba mótó alı! ³⁰ Amó fěé bu ılatsá atokiehé? Amó fěé teblı ɔblıı bambá, ntee amó fěé tetalı nı ɔblıı bambá ámu ası? ³¹ Mlıbo mbódı amlıdunka atokiehé ámótó móá idehián dɔn.

Nélasúná mli okpa ání idon inu tsía mótó.

13

Ɔdwe

¹ Ní ntetáli blí anyánpósa pò Bulu-abəpə əblí fée, táme ntamadwé mí aba á, ngyi fə əkan ntée gbémgbléin ání bəde mó da, idelín kóklókóó. ² Ní mbə Bulu ənó asónblí, Bulu ason njanhé bɪ pò hógyi kponkpontíá ntetáli pópúlí abə, táme mma mí bá iwí ədwe á, mómó mma labi koku. ³ Ní nəpó mí ató fée kíe ahíánfə, nəpó mí iwí há mbée bəwáa mí ogyá, táme mma mí bá iwí ədwe á, mma labi há əhaa.

⁴ Ahá ədwepó tenyá uklon, əbə awítəle. Ɔma olu, ətamaká ənótó, ətamatsú iwí. ⁵ Otobú ató, əma ənsipe. Ɔtamakósi nyá əbló, ətamahə asón wá iwíto. ⁶ Ɔtamatsúlá asokpan, ənəkwali otobuo. ⁷ Otényá klon há tógýtó, ətəhə asónsú gyi. Mə ansí tedínká asónsú, ototomí é.

⁸ Ɔdwe mó itamatá, táme Bulu ənó asónblí bómə ənó. Ɔblí bámbá blí bəka itin, asónbɪ é ibéba bətsən. ⁹ Tsúfə anumókónyá bí tógýtó tá, anumókónyá blí Bulu ənó asón é yi. ¹⁰ Táme əjətó atokiehé ánfí fée iməfon. Ní móá iməfon yi ibá á, inu fée bəfwí.

¹¹ Igyi fə inu. Bréá ngyi kebi á, nətóí fə kebi. Mí atə bwehé pú mí ason susúhe fée ləbwe fə kebi. Táme séi ánfí nadan a, nasí nyebitə bwehé ámu fée bwe. ¹² Séi á, anidé ató kí fulaa fə ogyásitə anidé mó kí. Bré ɪko bəba a, abówun mó wankláán. Séi á, aní atóbɪ məfon. Ɔma a, abéba bebí mó fə ahá Bulu yin anu.

¹³ Ɔnəkwali a, atoku asa ánfí obétsiá ní. Hógyi, əkpakí pò ədwe, táme ədwe dən mó fée.

14

Ɔhe Wankíhé Atokiehé Bámá

¹ Mlidunka ədwe okpa, amlidunka əjətó atokiehé é. Móá idon a, Bulu ənó asónblí. ² Tsúfə ní əko dé əblí bambá blí á, megyi anyánpósa ədebláa, Bulu ədebláa. Əhaa tamanú mó asi, tsúfə mó əjé dé ason njanhé blí. ³ Táme əhá ání əde Bulu ənó asón blí mó á, ahá ədebláa, ədepubəa amó abudan hógýtə. Ɔdepuwá amó əwonlín, ədepuwí amó uklon é. ⁴ Əhá ání əde əblí bambá blí nkole tenyá əwonlín Bulusúmtó. Táme əhá ání əde Bulu ənó asón blí mó təwá əpasua ámu əwonlín.

⁵ Təki ndekléa mli fée mléblí əblí bambá, táme ní mli dé Bulu ənó asón blí á, ibə mɪ alé dən. Tsúfə Bulu ənósú ətəípó dən əblí bambá əblípó. Nkétu ní əblí bambá əblípó ámu tetáli lé mó asi, mənɪ əpasua ámu bénya təkə tsú mótó. ⁶ Mí apíó, ní naba mli wá séi beblí əblí bambá kə, mməle mó asi á, labi mómə ibəwa há mli? Táme ní neblí asón, nehá mlébi asón, ntée neblí ason ləstúnáhə kə, ntée neblí Bulu ənó asón kə, ntée súná mli ató á, ibəwa labi há mli dən.

⁷ Mlipokí itáá fedá mó itotsúlá, fə ɪkwə, ətəntə ntée əkpe aná. Ní fóməda mó itsula wankláán á, bətamánú mó asi. ⁸ Ní klunsi ədapó mēbi dá mó á, əhaa tamanú mó asi, dídá ató yó isá. ⁹ Alí kén ní mli dé əblí ání əhaa mēde mótó nu blí á, mli dé tətó wá afútó ní. ¹⁰ Ɔblí tsətsətsə bə əyító. Kugyíkə ilafon, ibə mó ablipó anulé. ¹¹ Táme ní əko dé əblí kə blí, mí é mmedé mótó nu á, ntamanú mó asi, mó é ətamánú mí asi. ¹² Mó sv iníá mli híe mli dé Ɔhe Wankíhé atokiehé ámu dunká á, mlikulí móá ibəwa əpasua ámu əwonlín.

¹³ Inu sv əhá ání əteblí əblí bámbá əkólí Bulu mó asunu, mənɪ əbétalí lə mó asi súná mó anupó. ¹⁴ Tsúfə ní ndepə əblí bámbá bə mpáí á, mí əjé dé mó bə, táme mmedé asón ání ndeblí así nu. ¹⁵ Nkálí mɛə nəbwe? Nəbə mpáí əjətó bré kətsə, pò mí agywun é bə mó bré bámbátó. Alí kén nəwa ibə əjətó, pò mí agywun wá mó bré kətsə é ní. ¹⁶ Tsúfə ní fode Bulu kánfó əjətó pé á, nkálí ibəbwe əhá ání əmedé mó asi nu əbetsa fə? Nkálí bətsa fə Bulu ipán dá ní bəmedé asón ání fudeblí así nu? ¹⁷ Fialí fode Bulu ipán dá wankláán, táme itamawá fə bá əwonlín.

¹⁸ Nedá Bulu ipán ání nteblí əblí bambá dən mli to okugyíəko. ¹⁹ Táme ní afia a, ntekleá neblí asón anu pé ání əhagýíəha obónu mó asi, ibəbwa amó é dún ání neblí asón mpím-dú (10,000) əblí bámbátó ání əhaa mónu mó asi.

²⁰ Mí apíó, mli mbəwe agywun fə nyebí. Mli bwe iwí fə kebi-bəbwe lakpanbwe to, táme mli gywun fə ahande. ²¹ Bəwanlín wá Bulu asón ámu to bəe, “Nətóí tsən afósó, bəbláa mí ahá əblí bambá.

Mó ó á, mí ahá bəmóonu mí əme.” Anu Wíe léblí.

²² Inu sv əblí bambá blí igyi osúna há əmátófo, megyi ahógýipə. Bulu ənó asón blí é igyi osúna há ahógýipə, megyi əmátófo.

²³ Ní əpasua ámu ifia, əhagýíəha dé əblí bambá blí, əha bambá pò əmátóyín bebá mli to á, bəméəblí bəe, mli nwan layítá? ²⁴ Táme ní mli fée mli dé Bulu ənó asón blí, əmátófo ntée ahá ání bətamánú mótó bebá mli to á, amó onutó bəyó asón ámu to, nú iwasi ání babwé lakpan. ²⁵ Ibéha amó kləntə asón bəlín əwan, bədə akpawunu, kánfó Bulu bəe, “Lélé, Bulu bə mli to.”

Ɔpasua Ámu to Nihíé

²⁶ Mí apíó, ní mléba befia Bulu osúmkrpá, mlíto oko tawá ilo, oko tosúná ató, oko towun ató, oko tebli óblí bábmbá, oko é tonú mó así á, bobwée mó pwa apasua ámu awonlín. ²⁷ Ní ako bébli óblí bábmbá á, bobwée ahá abanyó. Ní bwtso kórará á, abasá. Boblí mó ikole-kole, ménú oko óbéle mó así. ²⁸ Ní ahaa má ofiakpa uná óbéle mó así mó á, bukpa onó bun, amóa amó Bulu abwtai nklobító. ²⁹ Bulu onósó atáipó abanyó ntée abasá bwtó, atráhe abuyó amó ason blíhé amwó. ³⁰ Táme ní Bulu ólé ató súná okwá otsie ofiakpa uná á, Bulu onósó atáipó ámu osíí tóí, óhá ámu óblí tásá alawun. ³¹ Mlí féé mlétalí blí Bulu onó asón ámu ikole-kole, ménú mli féé mlósuán tko tsú mótó pówá iwí awonlín. ³² Bulu onósó atáipó amu bonyáa túmí oné ámóú ide amó kpa amósó, ménú bwtóí há amó aba okpa. ³³ Tsúfé Bulu asón lolwíí, omegyi basabasa.

³⁴ Ní apasua ámu ifia a, atsi bobwée díín. Boma okpa tóí. Bobá iwiasí fé alá Mose Mbla lébli. ³⁵ Ní bodekléa bónu aswankwó á, bwtíte amó akúlu wóyító, tsúfé ibw péliá ótsi óbwtóí ofiakpa.

³⁶ Mlilahogyi mlíaa, mli wá Bulu asón ámu ilotsuá asi? Ntée mli nkole látsó mó nu? ³⁷ Ní oko dékú ání Bulu onósó atáipó mogyi, ntée óbwtó oné tókiehé kó á, iwánkú mu ání aní Wíe onutó mbla igyi ndewanlín sísí mli. ³⁸ Ní omohó asón ání á, mli é mlumáho mu asón.

³⁹ Mí apíó, ínú sù mlíprí ání mlébli Bulu onó asón, táme mlumábláa ahaa mlíaa, omáblí óblí bambá. ⁴⁰ Mlúwé tógyító dinka mó okpasu wankláán, ifun.

15

Kristo Kosó tsú Afúlitó

¹ Mí apíó, séí á, nkáun mli ason wankláán ámóú neda mó okan súná mli, mlílóho móso gyí, mli hógyi líí móso ámu. ² Asón ání óbéha mli nkpa ání itamatá, ní lélé mlílóho móso gyí n. Táme ní mlekíná móso hogyi mó á, mli hógyi labwé kpaali!

³ Tsúfé asón ání ihé dehián bopohá mí nwpba mli igyi. Mógyi, Kristo lóbowu aní lakpan so, fé alá Bulu ason wanlínhé amó lébli. ⁴ Bopolá mu, Bulu lókusóa mu tsú afúlitó eke sáási fé alá Bulu ason wanlínhé amó lébli. ⁵ Ólele iwí owan súná Petro. Mó óma a, ólele iwí owan súná sumbí ayópó dúanyó ámu féé. ⁶ Inú óma a, ólele iwí owan súná mu abúopó tsotsotsóá bwtón ahá lafanu (500) ótsáwóle. Amótó ako bawú, táme ódwtó bwtóráa bwtíse nkpa. ⁷ Ólele iwí owan súná Yakobo é. Óma a, ólele iwí owan súná sumbí ayópó ámu féé.

⁸ Itráhe-tráhe a, ólele iwí owan súná mí onutó ání nesin óma ba anfi. ⁹ Tsúfé mígyi sumbí ayópó ámwtó okosu n. Teki mmáfon ání bwtí mí sumbí ayópó kórará, tsúfé nedunká Bulu apasua ámwtó. ¹⁰ Táme Bulu awítale só nde namlí alí. Mu awítale amu imóbwe kpaali. Tsúfé nayó agyómá dwtón amótó okugyíakó. Táme megyi mí awonlín nwpoyí mó. Mu awítale amu dé mí kpa. ¹¹ Inú sù ní mlétrá da asón ámu okan o, amó o, móá idehián gyí mlílóho aní asón ámwtó gyí.

Aní Kosó Tsú Afúlitó

¹² Ní amtedá Bulu asón ámu okan aníaa, Bulu lókusóa Kristo tsú afúlitó á, ntogyi só mlíto ako mó beé, awupó bwtómkosó tsú afúlitó? ¹³ Ní awupó bwtómkosó mó á, idesuná ání Bulu mókusóa Kristo é. ¹⁴ Ní Kristo mókusó tsú afúlitó á, teki aní ason wankláán amu okanda igyi kpaali. Mli móso hogyi é igyi kpaali. ¹⁵ Ní Bulu tamakósóa awupó mó á, mó mó afunu anidéwa tin Bulu onó, blí aníaa alakósóa Kristo tsú afúlitó. Ní ótamakósóa awupó á, mó mó asón ání ma móú. ¹⁶ Ní ómókusóa mó mó á, mó mó ómakósóa Kristo é ní. ¹⁷ Ní ómakósóa Kristo a, mó mó kpaali mlílahó mu gyi. Idesuná ání mlílasin lakpantó. ¹⁸ Mó mó ítráa desuná ání Kristo ahógyipóá bawú é bafwí. ¹⁹ Ní óyi áníftó nkpa nkólesó aní ansídun Kristosó mó á, mó mó aní ilá bwtó nwe dwtón ahagyíáha.

²⁰ Táme ónkwalí ida gyí, Bulu lakósóa Kristo tsú afúlitó. Kristo labwé ahá ání Bulu óbwtóóató ogyankpapu. ²¹ Alí ámóú lowu léba tson nyankpwasu ámu a, alí kén kosó tsú afúlitó é léba tson nyankpwasu ní. ²² Tsúfé alí ámóú ahá bwtowí amóa Adam ikólebwe sù ámu a, alí kén amóa Kristo ikólebwe sù amó féé bénya nkpa ní. ²³ Táme anitó okugyíakó bwtó mu bwtó. Kristo Bulu légyankpá kósóa tsú afúlitó. Ní Kristo oyínkí bá a, mó é óbwtóóa mu ahá féé. ²⁴ Mó óma a, Kristo obégyi oné tó túmí laláhe, iwíegyi pó túmíá ide óyísó gyí féésó asa óyí óbwtó onó. Mó óma a, obéyínkí iwíegyi ámu wá aní Sí Bulu íbwtó. ²⁵ Tsúfé ilehián ání Kristo obégyi iwíe kpéfón bréa alagyi mó alupó féésó, pó mu ayabi tsá amósó. ²⁶ Olupó tráhe ání óbéhí gyí lowu. ²⁷ Tsúfé Bulu ason wanlínhé amu lébli óbéé, “Bulu lópu tógyító wá mu así.” Inú imosuná ání Bulu bwtó Kristo asi. ²⁸ Ní Kristo ogyi tógyító tá á, óbwtó iwí wá Bulu asi. Moléha mu túmí dínká tógyító, fówun Bulu é obégyi tógyítóá ibw ótínegyíótínéso.

²⁹ Ní Bulu mókusóa awupó á, ntogyi só ahá bwtó asú bwtó há ahá ání bawú? Ntogyi só béha bwtó amó asú há amó? ³⁰ Ntée ntogyi só aní mó abópu aní nkpa pléí brégyíbré? ³¹ Mí apíó, nekáse, ntefia alowusó ekekegyíeke! Igyi tásá ntápótsú iwí ání mlíaa aní Wíe Kristo Yesu mlílabwé ikole. ³² Mó sù kpaali náko Efesofáá bwtó fé mbwtíkítá-ató? Ní Bulu mókusóa awupó mó á, “Mó mó mlíha agyi, awí, anu, tsúfé óke sesebré anlawú.” Fé alá bwtwanlín wá Bulu asón ámwtó.

³³ Mlumáha ahá ání buteblí asón ánfí odu abómle mlí! Tsúfě ahande bee, “Mba laláhe gyí teyíntá zha.” ³⁴ Mlilabwe agywun wankláán, amlisi lakpan bwe. Tsúfě mlíto aku butepí bumeyín Bulu. Nde asón ánfí wanlín sísí mlí púsópa mlí.

Oyólóvó Abópukósó Tsú Afúlitó

³⁵ Oku obéfíté obée, “Nkálí Bulu obókúsóa awupó? Oyólóvó mómó bópukósó?” ³⁶ Zha mimláhe! Bi ání ní fodú ató-abí á, itopló asa itakwe. ³⁷ Megyí itóbí ámóó fopowá osólótó ámu gyí obán amóó itedan amó. ³⁸ Bulu tēhá mó oyólóvó pəpwe ání mō onutó odeké. Ztehá ató-abí kugyíku mó oyólóvó otsan.

³⁹ Alí ámóó ató-abí otsan-otsan búv unv ámu a, alí tógýító oyólóvó igyí otsan ní. Anyánkpwasa, mbwí, mbubwí pō ntsutso aye fěfětó okugyíokvó oyólóvó otsan.

⁴⁰ Osósó-ató bv unv, osólósv-ató é bv unv. Mó fěé ibv oyólóvó otsan-otsan. Osósó klé numnyam otsan, osólósv klé é numnyam otsan. ⁴¹ Owí numnyam igyí otsan há ztsra. Ztsra klé é igyí otsan há ntsrakpabi. Ztsrakpabi kugyíku ná otsan, mó numnyam é ina otsan há mó bá.

⁴² Alí ibóbwe bréá Bulu obókúsóa awupó ní. Aní osólósv-oyólóvó anfi itowú, pló ánfí ibótson otsan há móá Bulu obókúsóa tsu afúlitó, tsúfě mó mó imóowu ekekekeke. ⁴³ Aní oyólóvó anfi təpon bréá bopúlá mó, táme ní Bulu okósóa mó á, itenyá əwənlín, wá numnyam. ⁴⁴ Osólósv-oyólóvó igyí séí, táme ní Bulu okósóa mó á, ibóbwe zjéto oyólóvó. Tsúfě alí ámóó osólósv-oyólóvó bv unv ámu á, alí zjéto klé é bv unv ní. ⁴⁵ Bulu ason wanlínhé amu lébláa aní obée, “Adam gyankpapu amu lóbwe əkiankpapu.” Táme Adam tráhe, ogyi Kristo amu mó gyí Zjéá ztehá nkpa. ⁴⁶ Osólósv-oyólóvó anitegyankpá nyá asa anitebenya zjéto klé. ⁴⁷ Osólótó-isi Bulu lópupwé nyankpasa gyankpapu, ogyi Adam amu. Kristo, amóó obuó amu mó otsú osósó. ⁴⁸ Nyankpasa okugyíokvó bv osólósv-oyólóvó fě Adam, táme aní osósóv-oyólóvó mó bóbwe fě Kristo klé. ⁴⁹ Alí ámóó angyí fě osólósv Adam amu a, alí kén abóbwe fě Kristo amóó otsú osósó ámu é ekekó ní.

⁵⁰ Apíó, tóá ndeblí gyí, aní oyólóvó anfi igyí oyólóvó móa obugya anfi iménya ogyíkpá Bulu iwíegýí ámótó. Tóá iteyíntá iméetalí nyá ogyíkpá tóá itamayíntátó.

⁵¹ Táme mlíyaa asv amlunu ason njanínhé kvá Bulu lalé suná mí. Obée, megýí aní fěé obówu, táme aní fěé oyólóvó bétse. ⁵² Ní əkpe tráhe ifólí pé á, aní fěé abétse ətsáwəle pé. Bulu obókúsóa awupó ámu. Amó oyólóvó iméetrá yíntá, obétse aní nkpa atsiápó é fěé. ⁵³ Tsúfě ilehián ání Bulu obétse aní oyólóvó anfi itowú pló ánfí, há aní oyólóvó itamawú, itamapló. ⁵⁴ Ní ibá mótó ání Bulu latse tóá itowú, bwé mó tóá itamawú, tóá itopló é lábwe tóá itamapló á, unv Bulu ason wanlínhé anfi ibéba mótó ní. Obée, “Batú lowu así plíplíplíplí. Isugýí onutó laba.”

⁵⁵ Bulu ason wanlínhé kv é léblí obée, “Oo lowu, nkónv fó əkpe bv?”

Nkónv fó isugýí bv?”

⁵⁶ Lakpan igyí əkpe ání itomó, Mose mbla ámu é itehá lakpan túmí. ⁵⁷ Nkálí kóráá abókukvó da Bulu ipán? Móláhá anlatson aní Wíe Yesu Kristosv gyi asv.

⁵⁸ Mó su apíó adwəpə, mlílu kínkínkín, młumákpinkí. Młisi mlí iwí fěé ha Bulu agyómá brégyíbré, tsúfě mlíyín ání mlí gymagýihe móóbwe kpaali.

16

Itswitswí Ha Yerusalem Ahíánfə

¹ Itswitswí ha Bulu ahá ání búbv Yerusalem asón ámu é á, młibwe mó fě alí ámóó nəbláa əpasua ámóó ibóbv Galatia əmátó mbée búbwée mó ámu. ² Zhagyíəha əkí mō kóba alíá otenyá ənó, əle kv yaí Kwasiədagyíkwasieda. Młumágyo młíaa mbá asa amlitswitswí mó. ³ Ní nəbá á, nówanlín nwló há ahá ání mlí onutó młéle młíaa, búbvú ató ámu ya Yerusalemfó ámu, plóé amó suná amó. ⁴ Ní ibv aléá nývó á, mó mó búbvú młí yó.

Paulo Əkpatu Nłihíé

⁵ Ní nókósó tsú Makedonia a, nəba mlí wá, tsúfě ndekléá nótson unv asa nəba. ⁶ Fialí nétsíá mlí wá kpalóbí. Fialí kóráá nétsíá unv nyankpə móa atsali bré ámu fěé, fówun młílasí mí əkpa nayó ətínegýíətínéá nývó. ⁷ Séí mó á, mmedékléá nəba beka tsvn mlí wá keke. Ní Bulu lótsulá á, nétsíá mlí wá kpalóbí.

⁸ Táme nétsíá Efeso nfi kpəfvn Pentekoste eke ámu. ⁹ Tsúfě əkpa kpənkpəntí lafínkí há mí ání nývó agyómá ání ibówa labí. Ibv mótóá mí alupó tsotsətsə búbv nfi mó.

¹⁰ Ní Timoteo owíe mlí wá á, młumáha ifú ikta mō, tsúfě aní Wíe agyómá ámu kén ədeyo fě mí. ¹¹ Młumáha əhaa əkí mō ansító kótíkótí. Młisi mō əkpa wankláán oyínkí bəto mí, tsúfě ntsie ngyo mva aní apíó atráhe amv.

¹² Aní pió Apolo asón ámu a, nalíí mōsv mbée, obuó apíó ámu ba mlí wá, táme omedékléá əbéba séí. Ní onyá əkpa á, əbéba.

Asón Tráhe

¹³ Młída iwísv, amlílu kínkínkín mlí hógýító. Młíwa kləv, amlíwa iwí əwənlín. ¹⁴ Młipv ədwe bwe mlí tógýító.

¹⁵ Mí apíó, mliyin ání Stefana mva mvo wóyító ahá gyí agyankpapová bedamlí klontó Akaia nsáuntó. Basí iwí há, bode Bulu ahá ámu súm. ¹⁶ Nokókóli mli, mliwa iwiasí ha amóa ahá ání béba betsiá amótó, bópo nsi yó agyómá ámu.

¹⁷ Ansí lagi mli ání Stefana mva Fortunato pó Akaiko baba mí wá. Tsífé bode mli obwekpá bwe. ¹⁸ Bawá mí ateto-onlun wankláán, fé alí amóó bowa mli ámu. Mlibu ahá ánfí odu.

¹⁹ Opasua amóó ibu Asia amu fée bode mli tsiá ha. Akwila mva Priska pó opasua amóó ibu amó wóyító amu é behá mli tsiá wankláán aní Wíe idátó. ²⁰ Apíó aba ámu fée behá mli itsiá gyágyáágyá.

Milata aba puta Kristotó.

²¹ Mí Paulo onutó lapó mí ibí wanlín íní, ndepohá mli tsiá.

²² Ní oko tamadwé aní Wíe Yesu a, iwí dín mvo!

Marana-ta! (Mó así gyí, “Aní Wíe, ba!”)

²³ Aní Wíe Yesu Kristo ogyí mli boale.

²⁴ Ania aní Wíe Kristo Yesu ikolebwe so ntehié dwé mli fée. Amen!

Ɔwɔlɔ Nyɔɔsiá Paulo Lɔwanlín Sísi Korintofɔ

¹ Mí Paulo ání ina Bulu apétɔ nabwé Kristo Yesu sumbí ɔyɔpɔ mva aní pió Timoteo dé ɔwɔlɔ ánfɔ wanlín.

Anidé mó wanlín sísi Bulu ɔpasua ání ɔbu Korinto wílutɔ pɔ Bulu ahá ání bobu Akaia ɔsɔlɔsu fɛ́ɛ.

² Aní Sí Bulu mva aní Wíe Yesu Kristo bɔgyíi mlɛ bɔale, abɔha mlɛ iwílwíi.

Paulo Bulu Ipánda

³ Mliha akanfɔ Bulu. Mɔgyí aní Wíe Yesu Kristo mu Sí pɔ mu Bulu. Mɔgyí aní Síá otowun aní nwe pɔ aní Buluá otolwíi aní klɔn ɔkpagyíɔkpasu! ⁴ Otolwíi aní klɔn aní asɔn wunhe kugyíkɔtɔ, ménɛ aní é abétalí pɔ klɔn lwiíhɛ ámóú anilanyá tsú mu wá ámu lwíi aní aba klɔn amó asɔn wunhetɔ. ⁵ Alí ámóú Kristo léhie wun ipian kpɔnkpɔnkpɔnti, aní é anidé mó ku wúun amó a, alí kén Bulu ná Kristosɔ ohíé ɔde aní klɔn lwíi ní. ⁶ Mó sɔ ní anidé ipian wúun a, mlɛ iwílwíi pɔ mlɛ nkpahóɔ sɔ anidé mó wúun. Tsúfɛ Bulu dé aní klɔn lwíi, ménɛ aní é abólwíi mlɛ klɔn, fówun mlétalí nyá klɔn, tomi wun aní ipian ámu odu kén. ⁷ Ifú medé aní mlɛ sɔ, tsúfɛ anyin ání ania mlɔnyɔ dé ipian ámu wúun. Mó sɔ Bulu obólwíi mlɛ klɔn fé aní.

⁸ Apɔlɔ, ɔbu aláá mlébi ání iwɔsɔn ámóú anilówun Asia ɔmátɔ ámu ɔnɔ lehie wá ɔnɔn. Ilekɛ dun aní. Ifú lekítá aní, aníkí ání abówu kokooko. ⁹ Ɔnɔkwali asón, ɔbɔwe aní fɛ bahá aní lowu ipɔn. Táme aláá anumóɔpɔ aní dínká aní iwɔsɔ, mbouín Buluá ɔtɔkɔsúa awupóɔ, sɔ leba alí. ¹⁰ Lélé mó á, ɔlele aní tsú lowutɔ. Anilahogyí ání obétsiá lé aní brégyíbré. ¹¹ Ɔbéle aní, tsúfɛ mlidé mpáí bɔ aní nwunso. Iní sɔ ahá tsɔtsɔtsɔ bɛda Bulu ipán aní nwunso, tsúfɛ alawá awitɔle há aní, mpáí ámóú ahá tsɔtsɔtsɔ bɛdeba há aní ámu sɔ.

Paulo Nhíhíé Tse

¹² Abétalí pɔ ɔbɛ sí kántɔ aniaa aní klɔn mókóhá aní pón aní nkpatɔ, títriu ania mlɔnyɔ nátuto. Megyí aní ɔsɔlɔ anfisɔ nyánsa anilópɔ anidé aní agyómá yɔ, mbouín Bulu awitɔle sɔ anilatálí lé iwɔtɔ anidé tóggyítɔ bwe ɔnɔkwali sɔ. ¹³⁻¹⁴ Tsúfɛ megyí asón ání mlíméetalí kla, nu mó así anitɔwánlín sísi mlɛ. ɔbu mótáá mlímédé mó así nu yi, támé nahogyiá mlóbonu mó así wankláán ɛkekó. Fówun mlɛ é mlétalí pɔ aní tsú iwɔ, fɛ aláá aní é abópɔ mlɛ tsú iwɔ aní Wíe ɔbáke amɔ.

¹⁵ Mí ansí dun asón ánfisɔ. Mó sɔ nabwe agywíun ání néba mlɛ wá, ménɛ mlénya oyúla anyɔ. ¹⁶ Móggyí, nátsɔn mlɛ wá yɔ Makedonia. Ní neyínkí é nélatɔn mlɛ wá; fówun mlétalí sí mí ɔkpa, néyínkí ba Yudea ɔmátɔ. ¹⁷ Mléfité mlihaa, ntogyi sɔ nalátse mí agywíun. Ntée nabwé fɛ ɔyítɔ ahá ámóú bɔteblí bɛɛ, “Ee” latsé amó ɔnɔ bɛɛ “O-o” amɔtɔ ɔku? ¹⁸ Alí ámóú Kristo bu ɔnɔkwali, ɔtamawá afunu amó a, alí mí “Ee” igyi mí “Ee” ní. ¹⁹ Tsúfɛ Bulu mu Bi Yesu Bulu amó tamablí ɔbɛɛ “Ee” latsé mó ɔbɛɛ “O-o.” Mó mó á, “Ee” kóún ototsúlá. Mu iwɔ asón ɔkan mía Silas pɔ Timoteo aniléda súná mlɛ ní. ²⁰ Tsúfɛ mótótúlá “Ee” há Bulu nhíhíé kugyíko iteba mótɔ. Mó sɔ akánfɔ Bulu tá á, aniteblí aniaa, “Amen!” ní. ²¹ Bulu téhá ania mlɔnyɔ anitetalí líi kinkíínkín ania Kristonyɔ ikolebwetɔ. Mɔgyí ɔhá ání ɔleɔa aní ofúli. ²² Mó kén lópɔ Ɔye Wankihé amó wá aní klɔntɔ, póhie aní nsɔ; isuna ání mubɔ aní, ɔbóbwe táá ɔlehie há aní.

²³ Bulu ɔbiti mí iso ní megyí ɔnɔkwali nde mlɛ bláa. Alíá mméɛba bowun tsitsa koku blí tsú mlɛ iwɔ sɔ mmétrá bɔtsɔn inu. ²⁴ Anumédékléá ɔbóbwe fɛ anidé mlɛ hie aláá mlópɔ mlɛ hóggyi yɔ agyómá. Mbouín aláá ansí bégyi mlɛ sɔ ania mlɔnyɔ anidé agyómá yɔ. Anyin ání mlɛ hóggyi sɔ mlíli kinkíínkín dodo.

2

¹ Mó sɔ nabwé agywíun ání mméétrá ba bɔwa mlɛ awíreho. ² Tsúfɛ ní nebá bɔwa mlɛ awíreho á, ma ɔbéha ansí bégyi mí dun mlɛ ámóú nawá awíreho ámu? ³ Mó sɔ nɔwanlín ɔwɔlɔ gyankpapɔ amó sísi mlɛ ní. Fówun ní nebá á, mlɛ ámóú mléha ansí bégyi mlɛ ámu mlíméɛla há awíreho mbouín ikita mí. Tsúfɛ mí ansí dun mlɛ fɛésú ání ní ansí de mí gyí a, mlɛ é ansí bégyi mlɛ. ⁴ Megyí ansigyí nɔpɔwánlín ɔwɔlɔ ámu. Asón ihíé de mí háan, ndesú asa nɔwanlín mó! Táme megyí aláá néha mlégyi awíreho sɔ nɔwanlín mó. Mbouín aláá mlébi ání ntehié dwé mlɛ sɔ.

Lakpansikié

⁵ Ɔhá ámóú ɔlɔpɔ asón ba ɔpasua ámɔtɔ ámu mókópɔ ɔlala gyi mlɛ. Ní bɛɛ bokú mó á, ɔpasua ámu fɛ́ɛ alapɔ asón gyi. (Mmedékléá nɔdɔn mó blí.) ⁶ Isɔbiti ámóú mlɛ ɔdɔdɔ mlɛ mlílébiti mu amó itso mu. ⁷ ɔlafon ání mlésikíé mu, yíá mu klɔn ngya. Fówun asón mɔɔdɔn mu, iwɔ mɔowu mu. ⁸ Mó sɔ nokókóli mlɛ, mlíle suna mu ání mlítráa mlíbu mu iwɔ ɔdwe. ⁹ Ndekléá nébi ní mlítegyi

mí asón ámu féesó. Mú sɔ nɔwanlín ɔwɔlɔ ámu nɪ. ¹⁰ Ní mlesikíé ɔko á, mí é nasikíé mu. Ní nesikíé mu é á, mli sɔ nasikíé mu Kristo idátó, ní ilehián nɪ, ¹¹ ménɪ ɔbunsám oméenya anɪ iwɪ ɔkpa, tsúfɛ anyin ɪkpa ání ɔtɔtsɔn mósó fɛé.

Paulo Klɔn Mɛdi Mɔ Asɪ

¹² Bréá neba Kristo asɔn wankláán ámu ɔkan ɔdakpá Troa wúluta á, nowun ání anɪ Wíe lafinkɪ ɔkpa há mí. ¹³ Táme mí klɔn mɛdi mí asɪ, tsúfɛ mmɔtɔ mí pió Tito unɔ. Mú sɔ neklá amó ká tsɔn yɔ Makedonia nsáintɔ.

Isoyí Kristo Idátó

¹⁴ Táme nde Bulu ipán da ání Kristo isoyí sɔ alabwé anɪ ndoun, alakpá anɪ buo iwɪ, anidé mu isoyí amɔ nke gyí. Ní ayó ɔtinegyíɔtíné á, ɔtɔtsɔn anɪsɔ bláa ahá ámu Kristo asɔn wankláán ámu, fɛ alá ofobɪ fánfán tɔwá ɔfan yó tsútsúútsú. ¹⁵ Lélé mú á, Kristo gyí atɔ tɔhé, angyí mú ɔfan ání idekusó há Bulu, há ahá ání bɔde nkpa nya pó amóá bɔdefwɪ fɛé. ¹⁶ Itobon ahá ání bɔdefwɪ, kpá amó yá lowuto, itɔwá ahá ání ɔde amó nkpa hɔɔ ɔfan, kpá amó yá nkpatɔ. Ma mɛe lɛfɔn ha gyoma ání odu yɔ? ɔhaa má unɔ. ¹⁷ Anɪ mú anumégyí fɛ ahá ɔdɔdɔá bɔde Bulu asón ámu fɛ pókɛ kóba. Ináá Bulu lówa anɪ sɔ á, aniteblí mú ɔnɔkwalisɔ fɛ Kristo asúmɔ ání bulí Bulu ansító.

3

Bulu Ntam Pɔpwe Asúmpó

¹ Asón ání anidéblí ání ítráa desuná ání anidé iwɪ kanfó súná mli lóó? Ntɛe ilehián ání abópu anɪ adánsɛ nɔwɔlɔ bá mli, ntɛe abóhɔ mú tsú mli wá fɛ alá akɔ bɔtɔbɔwé? ² Ekekeke! Mli onutó tsiátó gyí adánsɛ nɔwɔlɔá bawánlín dínká anɪ klɔnsɔ, ɔhagyíɔha dé mú wúun kla, póbí ání anidé agyómá wankláán yɔ. ³ Mli gyí ɔwɔlɔá Kristo lówanlín, idɔtsɔn anɪsɔ ba. Táme megíyí oyípe ɔlɔpɔwánlín mú, Bulu ɔkiankpapɔ amɔ ɔhɛ ɔlɔpɔwánlín mú. Megíyí abwi pétéplé anyɔsɔ* é ɔlɔwanlín mú dínká, mbouín anyánkpósa klɔnsɔ.

⁴ Anɪbɔ ɔkpa blí alɪ, tsúfɛ Kristo sɔ anɪ ansí dɪn Bulusɔ. ⁵ Anyin ání anumófɔn ání abétalí bɔwé tɔtɔ anɪ onutó iwɪsɔ. Bulu sɔ anidéfɔn ha tógyítɔ bɔwé. ⁶ Móláhá anɪlabwé mu ntam pɔpwe amɔ asúmpó. Megíyí ɪbɪ Bulu lópɔwánlín mú mú, mbouín ɔhɛ Wankíhé amɔ. Tsúfɛ mbla wanlínhé amɔ itɔpó lowu ba, támɛ ɔhɛ Wankíhé klé amɔ mú itɔpó nkpa ba.

⁷ Mbla dada amóú Bulu lówanlín dínká abwi anyɔsɔ ámu idɔpɔ lowu ba. Táme mú numnyam léha Mose ansító lehe wankí asa ɔlɔpɔba Israelfɔ. Bréá numnyam amɔ ɔnó ide asubá ó á, bɔmetalí kɪ mú ansító. ⁸ Ináá mbla wanlínhé amɔ lénya numnyam alɪ á, mómó ɔhɛ Wankíhé amɔ gyumagyíhe numnyam ibéhe dɔn mú! ⁹ Mbla wanlínhé amóú itehá anitegyí ipán ámu kóráá ɪbɔ numnyam. Mómó nkálí ɔhɛ Wankíhé gyumagyíhe amóú ihíe bɔ numnyam dɔn mú ámu ibóbwé? Tsúfɛ itehá anitegyí asɔ Bulu ansító! ¹⁰ Mómó idesuná ání Bulu mbla dada amɔ ítráa ma numnyam kóráá. Pɔpwe anfi numnyam lagyí mósó. ¹¹ Tsúfɛ ní Mbla dada amóú imetsiá wá ɔpá ámu ɪbɔ numnyam alɪ á, mómó pɔpwe anfi íbetsiá bré fɛé ání klé ibéhe dɔn mú!

¹² Anɪ ansí dɪn ntam pɔpwe anfisɔ. Mú sɔ anɪbɔ ɔkpa tóí faan. ¹³ Anumégyí fɛ Mose ání oleisiá pó tati bun nwun, ménɪ Israelfɔ bɔmóowun mú ansító wankí, bréá mú ɔnó ide asubá. ¹⁴ Táme mú óó á, Bulu léha amó klɔntɔ lówa odwin bɔfɔn nde. Mú sɔ ní bɔde Bulu mbla dada amɔ kláa amó ofiakpa á, bɔtamanú mú asɪ, tsúfɛ tati ámu létin amó agywɪun. Tɔtɔ méetalí bwíí tati ámu lé amó agywɪunsɔ, nkétɪ amóá Kristo babwé kole. ¹⁵ Bóto nde kóráá ní bɔde Mose mbla ámu kláa á, tati ámu ítráa bun amó agywɪunsɔ. Mú sɔ bɔtamanú mú asɪ. ¹⁶ Táme ní ɔha onyá dámlí klɔntɔ ba anɪ Wíe wá pé, Kristo labwíí tati ámu lé mú agywɪunsɔ. ¹⁷ Anɪ Wíe amóú asón ání idetɔí tsú mú iwɪ ámu gyí ɔhɛ Wankíhé amɔ nɪ. ɔtinegyíɔtínéá ɔhɛ ámu ɪbɔ á, iwígyí tétisiá unɔ. ¹⁸ Anɪ Wíe dé tati ámu bwíí lé anɪ fɛé ansító. Mú sɔ anidé mu numnyam amɔ le súná ní. Mú ɔhɛ ámu lahá anidé mu lían, tsúfɛ mú numnyam amɔ ítráa dɛwankí anitɔ tsíá.

4

Olótó Siadie

¹ Bulu láwan anɪ nwe pó agyómá ání wá anɪ ɪbɔtɔ. Mú sɔ abato tamawú anɪ. ² Anɪlakíná tɔá ɪbɔ péli pó oklúntɔ ató fɛé. Anumédé ahá mlé, anumédé Bulu asón ámu é damlí bun. Mbouín anidé ɔnɔkwali amɔ onutó blí pólé iwɪ súná ahá fɛé, iwankɪ amó alá angyí Bulu ansító. ³ Ní tɔko ɪbun asɔn wankláán amóú anidéblí ámɔsɔ kóráá á, ahá amóú bɔdefwɪ ámu nkɔle ɪbun há. ⁴ ɔbunsám gyí oyí laláhe anfisɔ ogyípó. Mólápó ató tin ahá ání bɔtamahɔ Bulu gyí anfi ansíbi. Mú sɔ bɔmedé asɔn wankláán amóú igyí wankɪ amɔ asɪ nɪ ní. Wankɪ amɔ gyí Kristo. Móléhe lian Bulu numnyam nɪ. ⁵ Tsúfɛ anuméná anumédé anɪ onutó iwɪ asón ɔkan da. Yesu Kristo iwɪ asón ɔkan anidéda aníaa, mugyí anɪ Wíe. Tɔá aniteblí tsú anɪ iwɪ gyí, Yesu sɔ anɪlabwé mli

* 3:3 Abwi pétéplé anyɔ amóú Bulu lówanlín mú Mbla dú dínká mósó há Mose amɔ.

asúmpó. ⁶ Tsúfě Bulu á móó òlẹ̀bí ọ̀bẹ́e, “Wanki idáí tsu oklúnta!” á mó kén lahá mó wanki á mó idewanki aní klónta. Ilahá anilabí aní mó numnyam á mó idewanki Yesu Kristo ansító.

⁷ Táme anigyi fẹ̀ nló pwehé aní siadié bọ́ mó́t. Siadié á mó gyi wanki mó́a túmí ánfí idewanki aní klónta. Idesuná aní túmí kponkpónkpóntí ánfí imotsú aní, Bulu wá itsú. ⁸ Bude aní háan okpagyiákpaso, táme bómakótálí sá aní tin. Iwí de aní klí, táme imakókpon aní. ⁹ Bọ́din aniso, táme Bulu mákósi aní há. Bọ́tefin aní dá, táme Bulu sọ́ animákówú. ¹⁰ Anilatsúlá ide aní ọ̀yọ̀lọ́w anfi ipian brégyibré, anidéwu fẹ̀ Yesu, méní mó nkpa á mó ibélu ọ́wan anito. ¹¹ Yesu súm sọ́ aní nkpa atsiápo anfi anutefia lowu brégyibré. Alá ibóbwe mó nkpa bélu ọ́wan aní ọ̀yọ̀lọ́w anfi idewu ánfito sọ́. ¹² Iní désuná aní lowu dé aní aláa, mlí é mlídé nkpa aní itamatá nya.

¹³ Táme anibọ́ móso anidé Bulu asón á mó ọ́kan da. Tsúfě aniláho mó gyi fẹ̀ alá Israel ibọ́ ọ́wapó á mó lówanlín wá Bulu asón á mó ọ́bẹ́e, “Nàho Bulu gyi. Móláhá sọ́ nde mó ọ́kan da ní.” ¹⁴ Anyin aní alí á móó Bulu lókosó a ní Wíe Yesu tsú afúlitá á mó a, alí kén ọ́bókosó a ní, ọ́békpa ania mlínyo fẹ́ ba mó iwí wá ní. ¹⁵ Iní fẹ́ bọ́wa labi há mlí, méní ní Bulu híe ọ́de awítóle wa, kpá ahá ọ́dudọ́ ba Kristo wá á, béhíe dá mó ipán, wá mó numnyam.

Hógyi Pwtsiá

¹⁶ Mó sọ́ abato tamawú aní. Ibo mó́tá aní ọ̀yọ̀lọ́w anfi idewu mó, táme Bulu dé aní ọ́kláa ọ́wonlín wa ekekegyiáke. ¹⁷ Tsúfě iwíwosin kpalobí ánfí anidéwúun séi ánfí ibéha abénya numnyam kponkpónkpóntí itamatá, idon iwíwosin ánfí. ¹⁸ Mó sọ́ anumédé iwíwosin ánfí anidéwúun anfi bu. Móá nyankpusa ansíbi tamawun okpa anidékú. Tsúfě iwíwosin ánfí ibéha bọ́tsun. Ansigyi á móó ibọ́ ọ́ma, ibétsiá bré fẹ́ á mó okpa anidékú.

5

¹ Aní ọ̀yọ̀lọ́w anfi igyi fẹ̀ kantankpa aní anitsie mó́t. Ní bobwíe mó á, Bulu ọ́béha aní obu bámbá ọ́sósó. Mó mó á, megyi nyankpusa léyi mó. Mó onutó léyi mó, imóobwíe ekekekeke.

² Tsúfě séi kóráá ide aní ipian ọ̀sólọ́sọ́-ọ̀yọ̀lọ́w anfito. Anihíe anigyo ekeá ọ́bọ́p aní ọ́sósó-ọ̀yọ̀lọ́w wá aní fẹ́ atadié. ³ Mó mó animóobwe fẹ́ ọ́jẹ́ ima ọ̀yọ̀lọ́w, aniná yayá. ⁴ Ide aní ipian, anidékumí bré ánfí anitráa anibọ́ aní ọ̀yọ̀lọ́w dada anfito. Megyi beé anidéké alá awí, adalí ọ̀yọ̀lọ́w anfito. Mboún anidéké alá Bulu ọ́wáa aní ọ́sósó klé á móó itamawú pló á mó, méní ibégyi mó ánfí itowú pló ánfisọ́. ⁵ Bulu onutó léla aní yáí há mó, ọ́lọ́pọ́ Ọ́jẹ́ Wankíhé á mó wá anito. Mógyi ibwíá ọ́ledunká móso ní.

⁶ Mó sọ́ anitwá klón brégyibré. Ibo mó́tá bré ánfí anibọ́ ọ̀sólọ́sọ́-ọ̀yọ̀lọ́w anfito á, anibọ́ ifọ́ aní Wíe wá. ⁷ Iní sọ́ hógyi anilapó anitsie nkpa, megyi t́á ansíbi dewúun. ⁸ Ee! Anihíe anidé klón wa, tsúfě t́á anihíe anidédunká gyi abówa ifọ́ ọ̀sólọ́sọ́-ọ̀yọ̀lọ́w anfi wá, ayetsiá aní Wíe wá. ⁹ Mó sọ́ ní anibọ́ ọ̀sólọ́sọ́ nfi o, ọ́tuné bambá o, t́á idun aní klonsọ́ bré fẹ́ gyi, abóbwe t́á ibégyi aní Wíe ansí. ¹⁰ Tsúfě aní fẹ́ abéyélí Kristo ansító, obégyi anito okugyíko asón, ká mó ikọ́ aní ọ̀sólọ́sọ́-ọ̀yọ̀lọ́w anfi bwehé ọ́nó. Yílé igyi o, lalaha igyi o.

Bulu Onyawíe

¹¹ Anihíe anyin aní ilehián aní abénya aní Wíe ifú. Mó sọ́ anidétóí kplá ahá aniaa, á mó é bunyáa mó ifú. Bulu híe oyin aní. Nahogyi aní mlí é mlyin aní mlí klónta. ¹² Megyi iwí anitráa anidétu súná mlí. Mboún anidé mlí okpa suná, méní mlótsu iwí aní sọ́. Fówun ní ahá bude iwí tsu t́á ọ́ha tapó ansíbi wun sọ́, imegyi t́á ibọ́ ọ́ha klónta sọ́ á, mlénya kọ́ bláa á mó. ¹³ Tsúfě ní beé aní nwun layintá kóráá á, Bulu asón igyi. Táme ní beé aní ansító da mó á, ida ha mlí. ¹⁴ Ọ́de á móó Kristo bọ́ ha aní á mó dé aní kpa, tsúfě anilanú iwiasí aní mó nkole lówu há ahá fẹ́. Mó sọ́ mó a há fẹ́ bawú. ¹⁵ Olowu há ahá fẹ́ lélé, méní ahá aní bénya nkpa pọ́pwe á mó bómétrá tsiá nkpa alá bodeklé. Mboún bétsiá nkpa há Kristo á móó olowu, Bulu lókosó a mó há á mó á mó.

¹⁶ Iní sọ́ anitráa animédé ọ́haa kú fẹ́ alá ọ́yító ahá bọ́teki mó. Ibo mó́tá bré á mó anilétsiá kú Kristo fẹ́ alá ọ́yító ahá bọ́teki mó, táme anitráa animédé mó kú alí. ¹⁷ Mó sọ́ ní ọ́ha mó a Kristo bọ́bwe ikole a, alabwé ọ́ha pọ́pwe. Mó tsiátó dada á mó fẹ́ ilatsun. Mó tsiátó labwé pọ́pwe! ¹⁸ Nkpa pọ́pwe anfi itsú Bulu wá. Mólótsọ́n Kristosọ́ bwé aní ánfí anigyi mó alupó ánfí mó anyawíe. Alapó agyómá ánfí wá aní ibito, ọ́bẹ́e aléé aha bambá é anyawíe ha mó. ¹⁹ Tsúfě Bulu lótsọ́n Kristosọ́ ọ́de ọ́yító ahá damlí bwé mó anyawíe. Ọ́tráa ọ́medé á mó lakpan iwí akúnta bu há á mó. Iní ọ́lọ́pọ́wa aní ibito ọ́bẹ́e, ábláa ahá ní.

²⁰ Kristo atsiámí anigyi, Bulu détsí tson aniso há mlí. Mó sọ́ anilí Kristo ọ́lúkpá anidé mlí kokóli aniaa, “Míha Bulu ọ́bwe mlí mó anyawíe!” ²¹ Tsúfě Kristo móbwe lakpan kuko! Táme Bulu lópo mó bó afódié aní lakpan sọ́, méní ọ́bótsọ́n ania mọ́nyo ikolebwe sọ́ tsú aní aní aní asón da okpa mó ansító.

6

¹ Ania Bulunyọ́ anidé agyómá yọ́. Mó sọ́ anidé mlí kokóli aniaa, mlímáha Bulu awítóle á móó mlilanyá á mó ibwe kpaalí. ² Tsúfě Bulu lébí mó ason wanlínhé á mó ọ́bẹ́e,

“Bréá mí bré lɔfɔn ání nówun ahá nwé a,
nonu mlí ɔmɛ.

Mí nkpa ɔhóke amɔ ɔfɔn é á, negyi mlí bɔale.”

Mlinu! Bré ámɔ láfɔn a. Nde gyí mlí nkpa ɔhóke amɔ nì!

³ Anumédékléá abétin ɔhaa aní Wíe wá ba ɔkpa, méní ɔhaa méenya asoanso blí tsú aní agyómá ánfí iwí. ⁴ Mboún aní bwehé féétó a, anitelé súná ání Bulu asúmbi anigyí ɔnɔkwalsɔ. Anitotomi aní iwiasɔn, aní uklán pó aní asɔn wunhe kugyíko étó. ⁵ Bepítí aní ató, wá aní obu, bekpa bun aniso dá aní. Anilóyo agyómá ání ɔdon aní. Nkekó anitamadídi, nkekó é anitetsiá akón. ⁶ Anilótsɔn aní tsiátóso lé súná ání ifin kòkò má aní iwí. Aniyin asón, anutenyá uklɔn. Anub awitole, Ɔje Wankihé amɔ tsie anitá. Anitehié dwé ahá é tsú aní klɔnto. ⁷ Anitedá Bulu asón ámɔ ɔkan ɔnɔkwalsɔ pó Bulu túmito. Yilébwe gyí isá-akotá anidépókó ahá, anidépútín aní iwí é. ⁸ Ako bɔtobú aní, ako é bɔtósɔpa aní. Ako bɔtekánfú aní, ako é bɔtákpó aní. Aní asón da ɔkpa, táme bɔde aní bu afunupó. ⁹ Fé anumégyí tɔtɔ ahá ansító, táme ahá anigyí. Fowun aní fɛe anidéwu ní, táme ki, anub nkpa. Bɔtesian aní mɔ, táme anitedá míótó. ¹⁰ Anub iwiasɔntɔ, táme Kristo sɔ anub ansigyító. Ahiánfɔ anigyí, táme anilahá ahá bamlí iwí anyapó. Anumá tɔtɔ, táme anub tógýtó Kristo sɔ.

¹¹ Korintofó! Anitehié nyá mlí iwí ansigyí, lé iwíto bláa mlí asón. ¹² Anitamakólá iwí mɔsɔ, táme mlí mó mlidé iwí kolá anisɔ. ¹³ Nde mlí asón bláa fé mí onutó abí. Mlí é mlímápu asoanso njáin aní.

Ɔmátófo Pɔgyi Mba

¹⁴ Mliha ɔmátófo mlímágyi mba. Nkálí yilé móa lalahe bétalí tsiá tsukole? Nkálí wanki móa oklún é bóbwe kole? ¹⁵ Kristo mɔa Ɔbɔnsám* bétalí bwé agywun kole? Ekekɛke! Nkálí ohógyipɔ mɔa ɔhá ání ɔma hógyi bóbwe kole? ¹⁶ Nkálí bótswé ɔkpi Bulu ɔtswékpa? Tsúfé anigyí Bulu Ɔkiankpaɔ amɔ ɔtswékpa nì. Igyi fé alíá bɔwanlín wá Bulu asón ámɔto bɛɛ,

“Bulu ɔbéɛ, ‘Nétsiá mí ahátó,
mía amónyo abénati.
Nóbwe amó Bulu,
amó é bóbwe mí ahá.’ ”

¹⁷ Bɔwanlín wá Bulu asón ámɔto é bɛɛ,
“Aní Wíe Bulu ɔbéɛ,
‘Mlidalí amótó, amlíman iwí le amósó.’ ”

Betrá wanlín wá Bulu asón ámɔto bɛɛ,
“Mlímáwa ibi lalahetó,
mí anhɔ mlí.”

¹⁸ Betrá wanlín wá Bulu asón ámɔto bɛɛ,
“Bulu ɔbéɛ, ‘Nóbwe mlí Sí,
mlí é mlóbwe mí abí.’
Alí aní Wíe Otúmípu déblí ní.”

7

¹ Mí apíó adwepó, Bulu lahié ntobiá igyi alí yáí aní. Mó sɔ mlíha afwí ibi le tógýtíá íbókpoí aní ɔyolób pó aní okláa féétó. Mliha anya Bulu ifú, méní íbéha aní iwí bétin, ifin kòkò méétrá tsiá aní iwí.

Paulo Ansigyi

² Kókoli, mlímákolá iwí anisɔ! Anumókópó lalahe gyi ɔhaa. Anumókóyintá ɔhaa, anumókósisi ɔhaa é. ³ Megyi ipón nde mlí ha sɔ nde asón ánfí blí. Tsúfé nablí bɔtsɔn mbéɛ, anitekile mlí asón. Lowuto o, nkpató o, anuméetan mɔsɔ ekekɛke. ⁴ Ntetáli bla mlí mí klɔnto asón, nde iwí é tsú mɔsɔ wankláán. Aní ipian féé ɔma a, mlilawá mí atetɔ-ɔnlín. Ansigyi kponkpontí kɔ labólá mí klɔnto.

⁵ Tsúfé bréá anilówie Makedonia a, anuménya ɔkpa dá ɔkponó. Atsɔn nfi asón, ayínki nfi itré. Mó sɔ ifú letsiá aní ayetó. ⁶ Táme Buluá otolwíí ahá amóó iwí lawú amó uklɔn amɔ lékpa Tito ba aní, pólwíí aní uklɔn. ⁷ Megyi mɔ ibá amɔ nkolé léha uklɔn lolwíí aní, mboún asón ání ɔlɔpúsúa unɔ ba é. Ɖlebláa aní ɔbéɛ, mlíhié mlidékléá mlówun mɔ. Alíá asón ámɔ lahan mlí, mlílanú iwiasí aní mlímébi bwé pó alíá mlílahié tsúlá dínká mí kléso, sɔ ansí letrá gyi mɔ tsía.

⁸ Tsúfé ní mí ɔwoló ámɔto asón lehan mlí kóráá á, mí mó umehan mɔ. Ibo mótsá ilehan mɔ bré kɔto, tsúfé nowun aní ileha awirehɔ lékitá mlí kpalobí. ⁹ Ansí de mí gyí séi. Megyi alíá ɔlwa mlí awirehɔ sɔ. Mboún alíá awirehɔstú amɔ ilahá mlíladámli klɔnto sɔ. Tsúfé mlí awirehɔstú anfi odu Bulu tekle nì. Mó sɔ mí asón ámɔ imeyintá tɔtɔ tsú mlí iwí. ¹⁰ Tsúfé awirehɔstú igyi Bulu apé tɔpó klɔntɔdamli bá. Itéhá antenyá nkpa. Mó odu bɔ ɔsɔn, táme uma ɔsɔn.

* 6:15 Paulo létí Ɔbɔnsám ɔbéɛ, ‘Belial.’

Ɔyítɔ awurehɔsú mɔ á, lowu itɔpɔba. ¹¹ Mlɔkɔ tɔá awurehɔsúá igyi Bulu apé latí há mlɔ! Ulahá mlɔlatsú iku lé asón ámɔtɔ, mlɔdésuná ání mlɔ asón da ɔkpa sɔ ɔblɔ é de mlɔ. Ulat sí mlɔ opúní, ilahá mlɔhíé mlɔdékkléá mlɔwun mɔ, mlɔlatsúlá dínká mí klésɔ. Mlɔhíé mlɔdédunká ání mlébutí lalahé ɔbwepɔ ámu isɔ. Lélé, mlɔlalé súná ání mlɔmégyi pán asón ánfɔtɔ.

¹² Nɔwanlín ɔwolɔ sísí mlɔ, támé megyi áhá ánfɔ sɔ. Megyi áhá ámóú ɔɔbwe ilá, ntée áhá ámóú ɔɔpɔ ilá gyi mu amu sɔ. Alá nálé súná mlɔ Bulu ansítɔ ání mlɔlatsúlá dínká mí klésɔ mbóun sɔ. ¹³ Inɔ lahié wá anɔ atetɔ-ɔnlɔn.

Móá idun kórará á, ansí legyi anɔ, bréá anɔwun ání mlɔ fée mlɔlahá ansí de Tito gyi, tsúfée mlɔlahá iklɔn ladí mu asɔ. ¹⁴ Ní nekanfɔ mlɔ mu ansítɔ kórará á, mlɔméha péli mekítá mí. Alá ámóú asón ámóú anilébláa mlɔ ámu fée igyi ɔnokwali amu a, alí kanfɔ ámóú nekanfɔ mlɔ mu ansítɔ ámu é laba mótɔ ní. ¹⁵ Ní Tito ɔkám alá mlɔ fée mlɔteyaa asɔ há mu, hɔ mu asɔn blíhé, pɔ alá mletenyá ifú kpínkí mu ansítɔ á, ɔtetráa nya mlɔ iwɔ ɔdwe tsía. ¹⁶ Ansí ihíé de mí gyi ání nétalí pɔ ansí dínká mlɔsɔ ɔkpagyiɔkpasɔ.

8

Akristofɔ Atɔkie

¹ Apíó, anidékkléá mlɔbú awitɔléá Bulu lawá há ɔpasua ámóú bobu Makedonia ɔmátɔ ámu. ² Iná bobu ipian móa asɔn wunhe tsɔtsɔtsɔ kórará á, bɔpɔ amó ohian futúúúúú lé amó awitɔle kpɔnkpɔnkpɔntɔ súná ansigyísɔ tsɔn amó atokiehétɔ. ³ Néblí mbéé, bekie atɔ dun alá bétalí kórará, tsú amó klɔntɔ. ⁴ Betsiá kólí anɔ ɔkpa bée, áhá amó é abonya ɔkpa wa awitɔle ha Bulu áhá ání bobu Yerusalem. Fówun amó é amó ibi bówie osum agyómá ánfɔtɔ. ⁵ Bobwe dun alá anɔlɔsusú. Gyankpapu a, besi amó iwɔ há anɔ Wíe, belasi amó iwɔ há anɔ Bulu apétɔ. ⁶ Mó sɔ aniláhá Tito amó olegyanpá beha mlɔlɔwa nsi ámu aniaa, ɔtráa yinkí beha amlwa nsi mɔ mlɔ awitɔle agyómá ámu ɔnɔ wankláán. ⁷ Mlɔlafɔn ɔkpagyiɔkpasɔ, tsúfée mlɔhíé mlɔbu hógyi, mlyin tó, mlɔlétɔn ansí. Tɔtɔ tamakpɔn mlɔ, mlɔtehié dwé anɔ é. Ndekléá mlɔbɔ mbódí awitɔle agyómá ánfɔ étɔ dun ɔhagyíáha.

⁸ Mmedé mlɔ hie mbéé, mlɔbwéé mó. Mbóun ndepu mlɔ ɔdwe kápó akvá bɔdeprú ání amó é bɔbɔá. ⁹ Tsúfée mlyin alá anɔ Wíe Yesu Kristo lódwé áhá, wá awitɔle. Iwɔ onyapó ogyi teki, támé anɔ sɔ ɔɔbwe iwɔ ohianí, ménɔ abótɔn mu ohian ámusɔ bwé iwɔ anyapó.

¹⁰ Mí agywiun gyi, ní mlɔmɔ agyómá ámóú mlɔléfi asɔ ofikɔ ámu ɔnɔ á, ibówa labi há mlɔ. Tsúfée mlɔgyi ɔpasua gyankpapu ání mlɔlɔbwe agywiun ámu, mlɔ kén léfi mó asɔ. ¹¹ Mlɔwuna bwe mó mɔ ɔnɔ. Mlɔle iklɔntɔ bwe mó, fée alá mlɔléfi mó asɔ. Mlɔkie mó mlɔ ɔwɔnlín ɔnɔ, ménɔ ibékanáa agywiun ámóú mlɔlɔbwe ámu. ¹² Ní ihíé igyi mlɔ apéá mléha á, mlɔkie tɔá mlɔbu. Mótgyi Bulu ansí, megyi móá mlɔmá.

¹³ Megyi bée, anidékkléá abéha iwɔ bólwíi aku, iwɔ ukl mlɔ mó; mbóun alá iwɔ bólwíi mlɔ amónyɔ fée kékée. ¹⁴ Séi mlɔbu atɔ tsɔtsɔá mlétalí póbɔá amó. Mómó ní iwá alé há amó, iwɔ leklí mlɔ é á, amó é bétalí bóa mlɔ, ménɔ mlɔ amónyɔ fée mlénya kékée. ¹⁵ Mlɔkan ání Bulu asɔn wanlínhé amó léblí ɔbée, “Áhá ámóú ɔlekpa tsɔtsɔtsɔ ámu ménya mó dɔbɔ. Áhá ámóú ɔlekpa kpalobí ámu é klé lɔfon mu.”

Tito Mwa Mu Aba

¹⁶ Adá Bulu ipán ání alahá Tito é latsúlá dínká mlɔ klésɔ fée mí. ¹⁷ Bréá anɔlɔwa mu aniaa ɔbá mlɔ wá á, olɔsulá. Mu onutɔ óó, ibu mu ɔdwe ání ɔbétrá ba inu. ¹⁸ Anidé mwa opíó ɔku wa sísí mlɔ. Ɔpasua ámu fée bɔde mu kanfɔ, asɔn wankláán ámu ɔkan da sɔ. ¹⁹ Makedonia ɔpasua ámu fée léle mu ání anɔ amónyɔ anáti kí, áhɔ atokiehé ámu ya Yerusalem. Anidé atɔ ánfɔ bwe pówá anɔ Wíe numnyam, ménɔ ibósuná ání anɔ onutɔ latsú dínká iwɔsɔ ání abóbwe mó.

²⁰ Anidé anɔ iwɔ kí wankláán, ménɔ áhaa mééle anɔ ilá, tsú alá anɔlɔpɔ anidé atokiehé ámusɔ kí. ²¹ Tɔá anidésusú gyi, alá abóbwe móá ida ɔkpa Bulu mwa anyánkpasá fée ansítɔ.

²² Inɔ sɔ anɔlapó anɔ apíó ámɔtɔ ɔku mántá Tito anásɔ. Anlasɔ mu kí, anɔlawun ání áhié ɔbu nsi. Alahɔ mlɔ gyi séi. Mó sɔ áhié odekléá ɔbétɔ anɔ agyómá ámu yɔ. ²³ Ní ɔku léfité musɔ á, mlɔbla mu mláa, mlá munya dé agyómá yɔ púsúm mlɔ. Makedonia ɔpasua lɔwa apíó atráhe amóú mwa amónyɔ bebá ámu. Inɔ désuná ání Kristo bɔde numnyam wa. ²⁴ Mó sɔ mlɔle mlɔ ɔdwe suna amó. Isuna ɔpasua ámu fée ání mlɔ sɔ anɔbu ɔkpa tsú iwɔ.

9

Akristofá Boma Tɔta Bɔá

¹ Imehián ání nɔwanlín mlɔ ɔwolɔ tsú alá mlɔdé Bulu áhá ání bobu Yerusalem bɔá iwɔ. ² Tsúfée nyin ání mlɔhíé mlɔdékkléá mlɔbɔá amó. Nagyi mlɔ iwɔ adánsie súná amó mbéé, tsú ofikɔ ɔpá Akristofá bobu Akaia ɔsɔlósɔ beda iwɔsɔ yáí ání bóbɔá. Mlɔ nsiwa lahá ogyá ku lawíé amó ɔdɔbɔtɔ. Mó sɔ amó é bafi mó asɔ. ³ Támé nde apíó ánfɔ wa sísí mlɔ, isuna ání megyi kpaali negyi mlɔ iwɔ adánsie súná amó. Mlɔda iwɔsɔ, fée alá nebláa mlɔ yáí, amlɔka mlɔ tswitswɔ fée. ⁴ Tsúfée ní Makedonia Akristofá ámɔtɔ aku bobuo mɔ ba inu, bowun ání mlɔmókódá iwɔsɔ

fé alá nebláa amó á, abósopáa amó ansító, táme mlósopáa don mi. ⁵ Mó so nabwé agywun ání néha Tito mva mu aba ámu abogyanpka ba mli wá, iha amlidunka tóá mliléhe ání mléha yái. Táme mliha mó tsú mli klonto, megýi ohíé igyi.

⁶ Mlikan ání ohá ání odú kpalobí á, kpalobí otákpótí, táme ohá ání odú tsotsa otákpótí tsotsa. ⁷ Mlito okugyíokó oháa móá obétali tsu mu klonto. Imábwe ohíé, tsufé ohá ání otápo adwe kíé ató asón Bulu tekle. ⁸ Bulu téhá mli tóá mlidéhián brégyíbré, don alá ilehián mli. Mó so mlénya tóá ide mli hián brégyíbré. Ibófon mli sian, mlápbwé yilé há aha bambá. ⁹ Fé alá bəwanlín wá Bulu asón ámuto bee,

“Bulu oha telé iwito kíé ahianfo ató.

Mu yilébwe tamatá.”

¹⁰ Bulu téhá adotəpo ató-abí botodú, otéhá ahá atogyihe. Mligyí fé amó. Obéha mli ató-abíá mlápo iko kíé ahá, atogyihe tsotsotsa bédali tsu mli yilébwe ámuto. ¹¹ Obéhe yulá mli okpagyíokpasu, méní mlówa awitole há ahá brégyíbré. Iní ibéha ahá ámu bédá Bulu ipán, ató ámó mliapótsən aniso há amó ámu so. ¹² Tsufé atoku anyo obédali tsu mli ato hahé ánfito. Megýí ató ámó mliapóhá Bulu ahá ámó ató de amó hián, bəbu Yerusalem amu nkole, mbouín ibéha ahá tsotsotsa béhe dá Bulu ipán. ¹³ Tsufé ní mlehá amó á, ibéha békánfo Bulu. Ibosuná ání lélé mlidé Kristo ason wankláán ámó mlólóho amoso gyi, mlidé awitole é wa há amó aha bambá. ¹⁴ Béhe káin mli so, bó mpái há mli, tsú awitole kponkponi ámó Bulu lapóhá mli ámu so. ¹⁵ Adá Bulu ipán há mu atokiehé ání idon bí ání!

10

Paulo Gyumagyihe Inóle

¹ Ibo mótóá mlito aku mlitebli mlihaa, ní mbo mli wá á, mí asón lolwií, táme ntəwánlín mí nwoló túmisə. Táme mí Paulo nde mli kokóli mbéé, mli pókí alá Kristo asón lolwií, oeba iwiasə. ² Mlito aku bədebli bee, mí bwehé lalian oyító ahá. Mó so ní netrá ba un ə, nawun ání ilehián ání mí ansító bəwa onlin. Kókoli, mli máha ampo tsíatí anfi odu ba un. ³ Ibo mótóá oyí ánfito anibo, táme megýí oyí ánfito agywun anidépukó isá. ⁴⁻⁵ Megýí oyító akotó anidépukó. Bulu akotóá ibo túmi anidépukó okpikplikpa kugyíokó itəkósú lí Bulusu. Anitəpóyintá afunu asón kugyíokó ahá botəpótsú iwí, itéhá amó butamabí Bulu. Anitəpódámli agywun laláhe kugyíko, há itobú Kristo. ⁶ Ní mli aha tráhe amu mliapó iwí há Kristo, mlidé mu asónso gyí a, abébití ahá ámó bəde asoto-onlin wa ámu é asu.

⁷ Mliki onəkwali ámó ida mli ansító ámu. Ní mlidékiá Kristo bó mli á, mó mó mliki mó wankláán, amlibi ání mubó aní é. ⁸ Ní nde iwí tsu túmi ámó aní Wie lapóhá aní ámu so dóbí a, una mí péli. Tsufé onəpohá aní obéé, apóba mli amlidan. Megýí obéé, apóyinta mli. ⁹ Imábwe mli fé nde nwoló wanlín, pówá mli ifú. ¹⁰ Tsufé ako bee, “Mákpla Paulo. Mu ason wanlínhé bu odwin, otəpóhíé ahá. Táme ní mu onutó əbu aní wá á, lolwií, mu ason bíhé é ma íbíá!” ¹¹ Iwánkí ahá ámu ání asón ání anitəwánlín sísí ahá kén anitəbwé ní anibo amó wá ní.

¹² Lélé mó á, amendi anigýiá abópo iwí kápó ahá ání bəde iwí kanfó ání? Amó wolewole dépo iwí kápó aba, bəde ansí podínka abasu. Mímlá igyi amó. ¹³ Aní mó anumóotsu iwí dáfá, mbouín okpa ámó Bulu léhe há aní ámu onə abótsu iwí fon. Mógyi agyómá ání anilabwé bətu mli ní. ¹⁴ Anilégyankpá pú Kristo ason wankláán ámu ba mli. Mó so ní anidé mli asón bláa a, anumókótí dáfá. ¹⁵ Animédépo ohaa agyómá é tsú iwí. Mbouín anidé okpa kí ání ní hógýi bédan. Agyómá ámó anidéyo mlito ámu é ibékéí tsia. ¹⁶ Mó mó abétali dáfá mli so yéda ason wankláán ámu okan əmá bambá ésó, méní unáəbwe fé anilapó otínéá oko lagyanpka yó agyómá tsú iwí.

¹⁷ Táme Bulu ason wanlínhé amu lébli obéé, “Ohagyíoha ání obéé, mótsu iwí á, əpú tóá aní Wie labwé tsu iwí.” ¹⁸ Tsufé ní Bulu okánfó fó gyí ason, iwí kanfó mó kpaali igyi.

11

Paulo Mva Sumbi Ayəpó Afunupu

¹ Mli nya klən, amlinu mí mímlála kpalobí ání asi! Kókoli, mli nya klən ha mi. ² Mmesi mli tswí fé alá Bulu tamasi mli tswí. Tsufé mligyí fé obitebiá omeyin oyin, napó mli há oyin okole, ogyi Kristo. ³ Táme alá ámó iwə ámu ləpo mu alape mlé Hawa amó á, ifú de mí ání əku obémlé mli, mli ansí bédunkí onəkwaliwa pú ədwe wankíhé ámó mli so ha Kristo amoso. ⁴ Tsufé nyin ání ní əku obá bəda Yesu bambá əku iwí asón okan súná mli, imegyí əmóámó aniléda mu iwí asón okan súná mli ámu a, mlókosi hógýi. Ní mlenyá əpé bambá kuá una otsan há móámó mlidégyankpá nyá ámu é á, mlóló mó gyi. Alí kén ní mlonú ason bambá ání una otsan há móámó anilébláa mli ámu é á, mlókosi hə móso gyí ní!

⁵ Mmedéhógýiá ahá ánfí bode iwí tì “Sumbí ayòpò akpònkpòntì” ánfí bòdòn mí òkpa òkòkòsù. ⁶ Ní mmeýìn tǎi kóràá á, nyìn asón ání ndèblí. Nahogýiá aniláhá asón ánfító ìlawánkí mlí òkpagýìòkpasò.

⁷ Iná nòpò iwiasibá pò obú há mlí bréá neda Bulu asòn wankláán ámu òkan súná mlí, mmòhò mlí tòtò sù yéé tsitsa nòbwe á? ⁸ Ọpasua bámbá átò nàswí, pòbá bọyọ agyómá há mlí. Mú sù netaí sùmm mlí, mmòhò mlí tòtò nù. ⁹ Bréá mbò mlí wá, iwí lekí mlí á, mmesi ipian tsuí mlí tòtò òkòkòsù. Mboúìn apíó ámuò bòtsu Makedonia ba ámu léha mí mí atohiánhè. Iní sù mmesi ipian dínká mlí tòtò òkòkòsù, mméesi dínká é. ¹⁰ Iná ònòkwálí nenyà ndèblí tsú Kristo iwí mú á, òhaa méetalí ká mí itin òbèé, mmáppò asón ánfí tsú iwí Akaià òsòlòsò fèé. ¹¹ Ntogyi sù? Ntamadwé mlí lóó? Èkekekèkè! Bulu yìn ání ntòdwé mlí!

¹² Nóbwe mí agyómá fè alá nde mú bwe dodo. Nóbwe mú pòtìn ámu òkpa, ní bode iwí tsu bèé, gyoma kole ania amónyò anidèbwe. ¹³ Afunupò bogyi. Bapina bwe iwí fè Kristo sumbí ayòpò, bona bode mlí mlé. ¹⁴ Táme ima wánwan! Tsúfè Ọbònsám kóràá tèkí ansí bwé iwí fè Bulu-òbòpò wankíhè! ¹⁵ Mú sù ima wánwan ání mò asúmpò anfi é bapina bwe iwí fè yilé abwepò. Ámò ònómò bèle ámu bwehè kugyíko òwan.

Paulo Asòn Wunhe

¹⁶ Ntráa nde mlí bláa mbéé, òhaa mábu mí òha mimláhe. Táme ní mlidé mí bu alí óó á, mlítsu mó alí, mí é anya òkpa tsú iwí kpalobí. ¹⁷ Aní Wíe tamatǎi alí, támè nabwé iwí fè òha mimláhe. ¹⁸ Ahá tsòtsòtsò bótòtsú iwí fè ayító ahá, sù mí é nòtsu iwí. ¹⁹ Ee á, iná mlíaa atiansipò mlígyí óó á, mlítòtsúlá há aha mimláhe. ²⁰ Tsúfè ní òkò òpò mlí bwé nkpábi kóràá á, mlítòtsúlá. Ní òpò mlí nyá iwí, ogyi iwíe mlí sù, obú mlí tǎkò odu, ódá mlí isotò kóràá á, mlítòtsúlá há mò. ²¹ Mlía nma ansítò-ònlùn. Ee, natsúlá. Mí klé ma inu.

Táme tógýítá òkò labwé òdepòtsú iwí á, mí é nétalí pò mí klé tsú iwí. (Táme nahogýi ání igyi mimlála.) ²² Ní bèé Hebrifò bógýi á, mí é Hebriyin ngýi. Ní Israelfò é bógýi á, Israelyin mí é ngýi. Ní bèé bótòtsú Abraham abí-anatá a, inu mí é nòtsú ní. ²³ Bèé Kristo asúmpò bogyi? Mblí mó mimlásò, ndòn ámó! Nayí iwí yí agyómá òdòn ámu. Nadí obu òdòn ámu. Badá mí òdòn ámu. Nesian wu bré tsòtsòtsò. ²⁴ Yudafo banwén mí mplí tsé aduasa-kwebá (39) tse nu kéké. ²⁵ Romafò é bapítí mí átò tse sa kéké. Beda mí abwi òtsáwòle. Tse sa kéké ntsusù-yibi labun mí, nasin ntsutso èkewòle owítá. ²⁶ Mí òkpa tsòtsòtsò tutó á, nafá ntsu akpònkpòntì, natsòn ogyo atswapò ibò dálí. Natsòn ómá bámbásòfò pò aní pì Yudafo fèé ibò dálí. Natsòn awúlusò pò adimbisò, nafá òpò. Natsòn ahá ámuò bode ámu iwí tì bèé, Akristofò ámu aná fèé ibò dálí. ²⁷ Nayó agyómá kpékplé, ìlapián mí kí. Ntamadidí nkekò. Ntetsiá akón móa òmewòlì, nteklí ònó, ntedí atsali, náti yayá aná fèé. ²⁸ Iní fèé óma a, tǎá ìdìn mí klònsò, ntogywíun mó iwí ekekegyíeke gyí òpasua ámu fèé aláwa. ²⁹ Ma lópòn, mmòtsu kòkò lé mò asóntò? Ma bekpa wá lakpantò, imòwa mí òblá.

³⁰ Ní bèé ntsú iwí á, ntobíá itehá mí hógýi tēba así nòpòtsú iwí. ³¹ Bulu, ogyi aní Wíe Yesu mò Sì, òlekanáa kanfò bré fèfétó ámu yìn ání mmedé afunu wa. ³² Owíe dehen Areta léha mò ómásù òkípo léyete mí Damasko wúlú ònó, òkita mí. ³³ Táme bòpò mí wá lakpátó, lé mí tsòn ikwitò, kplí mí yì buntíi ání bopwe wá wúlú ámu òma, nesrí sí mò.

12

Paulo Atowunhe Pó Mò Atò Lésúndhè

¹ Ilehíán ání nòtsu iwí, támè tòtòtò ima iwítsútò. Táme mblí tǎá nowun pò tǎá aní Wíe lalé súná mí. ² Nfí dúana (14) ní, bòwan mí ya òsósò saasitò. (Mí nyankpòsa-oyí lǎyò inu o, mí òkláa o, mméetalí bí. Bulu nkòle yín.) ³⁻⁴ Fè alá nakòblí á, bòwan mí ya Paradiso. (Mí nyankpòsa-oyí lǎyò inu o, mí òkláa o, mméetalí bí. Bulu nkòle yín.) Nonu asón ání ima blítò, òhaa é má òkpa blí mó. ⁵ Nétalí pò itò ámuò nowun ámu tsú iwí, támè mmòòpò mí átò bwehè tsú iwí. Ntobíá itehá mí òwonlín ònó tēba así ntòpòtsú iwí. ⁶ Ní mbéé nòtsu iwí kóràá á, mmòòtsu iwí fè òha mimláhe, tsúfè néblí ònòkwálí. Táme mmòòbwe. Mmedékléá òhaa òkú mí dafa alá mí tsiató gyí, ntée asón ámuò nòpoba ámu.

⁷ Alá mmòòpò ntobí ánfí ibú ifú, ibò wánwan, Bulu lalé súná mí ánfí tsú iwí sù á, òlòpò owu kò wá mí awútó, igyi Ọbònsám-òbòpò. Itédá wò mí, ménì mmòòtsu iwí. ⁸ Nakókólí aní Wíe Yesu tse sa kéké mbéé, òlé itó ámu mító. ⁹ Táme asón ání òtebláa mí brégyíbré gyí, “Mí awítale pé gyí tǎa fehíán. Tsúfè òhá ání mò òwonlín ònó laba asitò mí túmì tēhíé lùn òwan.” Iní sù ibò mí ansigýí ání nòpò tǎá itehá mí òwonlín ònó tēba así tsú iwí, ménì Kristo túmì ámu íbèhe bun misù. ¹⁰ Kristo sù ansí bégýi mí brégyíbré. Ní mí òwonlín ònó iba asù, bode mí sia, mbò òkplántò, budìn misù, ntée iwí de mí òsìn, tsúfè ní mí òwonlín ònó iba así á, mó ntelányá òwonlín ní.

Korinto Ọpasua Iwí Asón

¹¹ Nabwé iwí fè òha mimláhe, támè mlídhá daba alí. Tèkí ilehíán ání mléblí asòn wankláán tsú mí iwí. Tsúfè ibò mòtǎa mmeýí tòtò, támè ndòn “sumbí ayòpò akpònkpòntì” ánfí mó.

12 Bréá mbu mli wá á, notomi bwé tóá ibu wánwan pó osúna móa ofúla otsan-otsan, póstúná mli ání lélé sumbí ɔyópó ngyi. 13 Ntò dé mli háan? Tóá nòbwe mlitò, mmòbwe ɔpasua bámbátó gyí, mmesi iwí tswí mliṣu. Kókoli, mliṣikie mí!

14 Séí á, otse saasi ndebwéá néba mli wá á. Mmèba besi iwí tswí mliṣu, tsúfè mmèdé tətò fité tsú mli wá. Mli onutó ndehián. Kebi tamatsú mu sí wá akonkò, mu sí tótsú mu wá akonkò. 15 Ibu mli ɔdweá néyintá tógyítá mbu mli su, sí mí iwí fèé kóráá há mli. Iníá nde mli dwe dúbí alí á, ntogyi su ɔdweá mli mó mliṣu há míṣó dèdinkí?

16 Fialí mliṣawun ání lélé, mmèba besi iwí tswí mliṣu, táme mliṣéblí mliáa, nofwiwí aní. Ndepu ató tson mli omuá wá mli ɔnó. 17 Ɔkpa ɔmòmúsu? Nòtson ahá ámóú nòwa mli wá ámòtò ɔkusu sísi mli lóó? 18 Bréá nokokóli Tito, nòwa móa aní pío Okristoyin amu mli wá mé, olebesisí mli? Ekèkèkè! Tsúfè agywuun kole mía mɔnyo anidèpúbwé toku kole.

19 Fialí mliṣé mó tsu bré ánfítò fèé mliáa, anidétóí póká iwí lé. Megyí alí ígyi. Akristofò angyí, anidétóí Bulu ansító. Mí adwepó, anidé tógyító bwe pówá mli ɔwónlín. 20 Tsúfè ifú de mí ání néba mliṣéṣie wankláán. Músu mí ason blihé bówò mli asoto. Fialí nòbòtu itré, ɔnsipe, ɔbló, olu, ahásia, ahá iwí asónblí, iwítsú pò abasòda mlitò. 21 Nhíé nde ifú nya ání ní nebá inu á, mí Bulu ɔbétrá ba mí asi mli su. Nòsu, tsúfè mlitò ako mliṣókósi mli lakpan dada amu bwe, dámlí klòntò sí mboato, hakpanla pò ɔwólí laláhe amu.

13

Iká Pó Oláda

1 Otse saasi nebá mli wá á. Bulu asón lèblí ɔbée, “Asa mléha ɔku ipón á, mliṣu adansifò abanyò ntée abasá ɔnó.” 2 Bréá neba mli wá otse nyɔɔsi a, neda ahá ámóú bode lakpan bwe ámu fèé olá. Ntráa nde amòba aha tráhe fèé olá da, tsúfè ní nebá inu á, néhíe bíti amó isu. 3 Tsúfè mliṣékléá mlébi ání lélé Kristo détoí tson mliṣu. Kristo ɔwónlín ɔnó məkóba asi mlitò. Mú túmi é ihíe tso mlitò. 4 Ibu mótóá mɔ oyikpalíhesu lowu ilosuná ání alapòn, táme séí á, otsie nkpa Bulu túmitò. Bréá ania mɔnyo anilóbwe kole a, anilòpòn, táme séí ania mɔnyo anitsie nkpa Bulu túmitò. Mó anidèpukpá mli ní.

5 Mliṣu mli nwuntò kí bée, ahógyipò onutó mliṣyí? Mliṣapò mli iwí kí bée, lélé Kristo Yesu bu mlitò? Mliṣawun ání ɔbu mlitò? Ní mliṣókówun mu mlitò mó á, mó mó megyí ahógyipò onutó mliṣyí. 6 Nahogyiá mléba bebí ání Kristo ahógyipò onutó anigyí. 7 Anidé Bulu kokóli aniaa, mliṣátrá bwe laláhe kòkò. Megyí alá ibòsuná ání anigyí Kristo ahógyipò onutó su. Táme ní ahá bodekú bée megyí Kristo ahógyipò onutó anigyí ó á, ɔhá mli mó amlibwe tóá ida ɔkpa. 8 Tsúfè aní mó anuméetali kòsú líi ɔnəkwalí asón ámòsu, don ání abéha mó ibóyò nkpa wòle. 9 Ní aní mó aní ɔwónlín ɔnó laba asi, mli klé ilawá ɔnlín á, ansí bégyi aní. Tóá anidé Bulu kolí gyí, ɔhá amlilalu kinkíinkín, amlidan Kristo hógyito. 10 Iní sù nagyankpá nde ɔwóló ánfí wanlín sísi mli, asa amba inu ní. Mèni ní nebá á, mmòbòtsu ibí mliṣu. Tsúfè ndekléá nòpu túmi ámóú aní Wíe lapóhá mí ámu bóa mli amlidan. Mmòpoyíntá mli.

11 Apío, itráhe a, ansí igyí mli. Mliṣò mbódí amlilú kinkíinkín, amlidan Kristo hógyito. Mliwa aba ɔwónlín. Mli agywuun úwé kole, amlitsia iwilwiiti, mèni Bulu ámóú ɔtòdwé aní, ɔtéhá aní iwilwii amò obétsiá mlitò bré fèé. Nehá mli itsiá gyágyáágyá.

12 Mliha aba itsiá, amlilata aba puta ɔdwèsu.

Bulu ahá ámóú bóbò nfi ámu fèé behá mli itsiá gyágyáágyá.

13 Aní Wíe Yesu Kristo bòalegyí, Bulu ɔdwe pò Ɔhe Wankíhé kolebwe itsiá mli fèésó.

Ɔwɔlɔ́á Paulo Lɔ́wanlín Sísí Galatiafɔ

¹ Mí sumbí ɔyɔpɔ Paulo dé ɔwɔlɔ́ ánfí wanlín. Megyí anyánkɔ́sa ntée ɔhaa lɔ́wa mí. Yesu Kristo mɔa aní Sí Bulu ámbú ɔlɔ́kɔ́sɔ́a mu tsú afúlitɔ́ ámu lɔ́wa mí. ² Nde mó wanlín sísí ɔpasua ání ɔbu Galatia ɔsɔ́lɔ́sɔ́ fée. Mía Akristofɔ́a bɔbɔ nfi fée anidé mli itsiá ha ana,

³ “Aní Sí Bulu mɔa aní Wíe Yesu Kristo bɔgyí mli bɔale, aboha mli iwílwii.”

⁴ Yesu anfi lési iwí há bɔmɔ́ mu aní lakpan sɔ, méní ɔbélé aní tsú ɔyí laláhe anfitɔ; fɛ alí ámbú aní Sí Bulu léhe yáí ámu. ⁵ Akánfɔ́ Bulu bré fée. Amen!

Asɔn Wankláán Kɔkɔ Má Iní Oma

⁶ Mli Galatiafɔ, mli iwí lawá mí ifú ání mliawúna yinkí Bulu ɔma. Bulu lɔ́tsɔn Kristo awitalesɔ́ tí mli ɔbée, mliɔ́bwe mu ahá. Mliki alíá mliawúna mliɔ́de asɔn bambá hɔ́o mliaa, mógyí asɔn wankláán ámu. ⁷ Táme una ɔtsan há asɔn wankláán ámu. Aha ako dékléá béyintá mli agywun, abɔtse Kristo asɔn wankláán ámu. ⁸ Táme ní aní, ntée Bulu-ɔbɔpɔ ɔkɔ kóráá lótsu ɔsɔ́sɔ́ bá, bɛda asɔn wankláán bambá kɔ ɔkan súná mli, una ɔtsan há mó ámbú anilébláa mli ámu a, Bulu ɔlwí mu. ⁹ Nakó blí asɔn ánfí, táme ntráa nde mli bláa mbée, ní ɔkɔ ɔbá bɛda Bulu asɔn wankláán bambá kɔ ɔkan súná mli, una ɔtsan há mó ámbú anilébláa mli ámu a, Bulu ɔlwí mu.

¹⁰ Megyí bɛɛ, ndekléá ahá bɔdwée mí. O-o! Bulu mboún ndekléá ɔdwée mí. Ní ntráa ndekléá ahá bɔdwée mí á, tekí mmegyí Kristo osúmbi.

Paulo Sumbi Ɔyɔpɔ Bwe

¹¹ Mí apíó, ndekléá iwánkí mli ání Bulu asɔn wankláán ámbú nde mó ɔkan da ámu imotsú nyankɔ́sa agywuntɔ. ¹² Megyí ɔhaa wá nɔtsúa mó, ntée ɔkɔ lósuná mí. Yesu Kristo onutó léle mó súná mí.

¹³ Tsúfɛ mliánú mí tsiátɔ asɔn, alíá ngyi bréá mbuo Yudafo-osum ámu, pɔ alíá nehe dínká Bulu ɔpasua ámu, nɔbɔ mbódíá néhi amó fée. ¹⁴ Nɔhɔ gyankpa mí abatɔ Yudafo-osum ámɔtɔ, pɔ alíá nɔwa nsi gyi mí anáin amándíé kugyíkɔsɔ.

¹⁵ Táme Bulu lɔ́wa awitale há mí. Ɔlele mí yáí tsú bréá mbu mí yín iwíɔ, ɔleti mí ɔbée, nyó mu agyómá. ¹⁶ Ɔlele mu Bi ámu súná mí, méní néda mu iwí asɔn wankláán ɔkan ahá ání bumegyí Yudafo. Mmɔyɔ ɔhaa wá mbée, osúna mí asɔn alí bré ámɔtɔ. ¹⁷ Mmɔyɔ Yerusalem mbée, noyówun Kristo sumbí ayɔpɔ ámbú bɔbɔ mu asa neba amu é. Mboún nenatí laa yó Arabia ɔsɔ́lɔ́sɔ, neyinkí ha Damasko wílutɔ. ¹⁸ Yesu léle iwí súná mí, mó ofi-saasitá á, nɔyɔ Yerusalem yowun sumbí ayɔpɔ Kefa ání bɔtetráa tí mu Petro, netsiá mu wá nke dúanu (15). ¹⁹ Mmetrá wun sumbí ayɔpɔ ɔkɔkɔ dɔn aní Wíe Yesu mu gyama Yakobo.

²⁰ Ɔnɔkwali asɔn ndewanlín sísí mli. Bulu yin ání mmedé afunu wa.

²¹ Mó ɔma a, nɔyɔ Siria pɔ Kilikia ɔsɔ́lɔ́sɔ. ²² Alí bré ámɔtɔ á, Akristofɔ́ ɔpasua ámbú ɔbɔbɔ Yudea ɔsɔ́lɔ́sɔ ámu bɔmɔ́kɔnyá bí mí. ²³ Múá bɔdenú tsú mí iwí fée gyí, ahá bɔdeblí bɛɛ, “Oyin ámbú ɔdn anisɔ ámu ná ɔde hógyí amó anidé mó asɔn blí, ɔde aní itin ka ámu kén ɔkan da.” ²⁴ Ina mí sɔ bekanfɔ́ Bulu.

2

Paulo Mɔa Sumbi Ayɔpɔ Atráhe Amu

¹ Nfi dúana ɔma a, mía Barnaba anilékpá Tito buo iwí, yínki yó Yerusalem. ² Bulu léle súná mí ání nyó mu, sɔ nɔyɔ. Alíá mí agyómá mɔ́bwe kpaalí sɔ á, negyankpá lé asóntɔ súná ɔpasua ahande amu nkɔle itsétɔ. Nebláa amó asɔn wankláán ámbú nna nde mó ɔkan da ahá ání bumegyí Yudafo. Bɔtsulá dínká mósú. ³ Ibo mótá Grikkiyin Tito amó anilékpá buo iwí ámu gyí, táme bɔmehie mu bɛɛ, ɔtín keté. ⁴ Ibo mótá Akristofɔ́ afunupu akvá beki ansí bowie anitɔ bekleá ɔtín keté. Tsúfɛ bodunká ání béyintá iwisɔtsiá amó Kristo Yesu lahá aní ámu; abɔbwe aní amlí nkɔpábi ha Yudafo mbla ámu. ⁵ Táme animesi iwí há amó kpalobí kóráá, méní ɔnɔkwaliá ɔbu asɔn wankláán ámɔtɔ imétsɛ ha mli.

⁶ Ɔpasua ahande amó bɔbɔ mu ámu bɔmebláa mi asɔansɔ bɛɛ, mpótsia asɔn wankláán ámbú ndeblí ámɔtɔ. (Iná nde amó tí ahande kóráá á, megyí bɛɛ, amó hande amu ɔbu mi labí, tsúfɛ Bulu mó tamakí ɔhaa anstítɔ.) ⁷ Táme ahande amu bowun ání Bulu lɔ́pɔ asɔn wankláán ámu há mí ɔbée, ndáa mó ɔkan ahá ání bumegyí Yudafo, * fɛ alíá ɔlɔ́pohá Petro é ɔbée, ɔdáa mó ɔkan Yudafo. ⁸ Tsúfɛ Bulu léha Kefa ání bɔtetráa tí mu Petro túmí, ogyí mu sumbí ayɔpɔ Yudafo. Mu kén láhá mí túmí, ngyi mu sumbí ayɔpɔ ahá ání bumegyí Yudafo é ní. ⁹ Inu á, ɔlɔ́wankí Yakobo mɔa Petro pɔ Yohane amó bɔhíé bɔgyí ɔpasua ámu ɔtan ámu ání Bulu lɔ́pɔ

* 2:7 Ahá ání bumegyí Yudafo támatn keté. Yudafo gyí keté atínpu.

alɔ agyómá ánfɔ kíé mí. Mò sɔ bɔwa mía Barnaba ɔbɔ, pòsuná ání anɔlabwé kole. Botsulá ání mía Barnaba anɔ agyómá ahá ání bomegyí Yudafo, amó é abɔyo agyómá Yudafo. ¹⁰ Móbá bodunká tsú anɔ wá gyí, akáin amótó ahá ání bɔma tótɔsɔ. Mò kén gyí tóá ndekléá nóbwe é ní.

Paulo Iynwa Wá Petro

¹¹ Táme bréá Petro léba Antiokia wúluto á, nɔwa iyun wá mu ahá ansító, tsúfé tóá ɔlabwe itépi ma ale. ¹² Bréá ɔleba a, mwa ahógyipɔ́á bomegyí Yudafo bɔtɔwá ɔbɔ gyi ató, támé Yudafo ako benya tsú Yakobo wá ba pé, ɔlebiti iwi lé ahá ámɔtɔ, tsúfé ɔde ahógyipɔ́ amóó beɛ botín keté ámu ifú nya. ¹³ Iná ndeblí á, Yudafo atráhe amó é bɔbuo Petro apinabwebí ánfɔ. Barnaba óó léyinki yó obuo amó. ¹⁴ Nowun ání amó bwéhé ámu imekanáá ɔnokwalá ɔbɔ ason wankláán ámɔtɔ. Mò sɔ nebláa Petro ahá ámu féé ansító mbéé, “Petro, Yudayin fɔgyi, támé fɔmedé Yudafo amándíésú gyí. Ɔmátófɔ amándíésú fudegyi. Ntogyi sò fude ahá ámóó bomegyí Yudafo ámu hie féé, bɔbwéé Yudafo amándíé ání fakíná?”

Hógyisó Bulu Tɔtsɔn Hɔ Yudafo Pó Ɔmá Bámbásífo Nkpa

¹⁵ Yudafo lókwí mía fonyo. Megyí ahá ámóó bomegyí Yudafo, bomeyín Bulu mbla ámɔtɔ atsu. ¹⁶ Táme anɔ Yudafo Akristofɔ ámu mó anyin ání megyí Mose mbla ámɔsɔ gyí sɔ Bulu tɔtsú ɔha ání mu asón da ɔkpa mu ansító, nkéti Yesu Kristo hógyi. Mò sɔ anlaho mu gyi, ménɔ Bulu ɔbótson mu hógyi amɔsɔ há anɔ asu ní. Tsúfé ní mbla ámɔsɔ gyí sɔ mó á, tekɔ ɔhaa méegyí asu Bulu ansító. ¹⁷ Anidédunká ání Bulu ɔtsón anɔ Kristo hógyisɔ, otsu anɔ ání anɔ asón da ɔkpa mu ansító. Táme ní Yudafo ako bɔde anɔ mboún kí lakpan abwépó á, mó mó imosuná ání asokpan Kristo dé anɔ suná a? Ekékeke! ¹⁸ Ní nakíná Mose mbla ámu, láyó nde mósó gyí a, mó mó ilosuná ání ito laláhe nɔyo ndebwe á. ¹⁹ Tsúfé Mose mbla ámu ilosuná ání nawú. Ileha negyi iwi, ménɔ nétsiá nkpa pɔpwe há Bulu. Mía Kristonyo beda mántá oyikpalihésu ɔhétó. ²⁰ Mò sɔ ntsie nkpa séi, támé megyí mí onutó tsie nkpa ɔsulóv anfisɔ. Kristo, ogyi Bulu mu Bi ámu tsie mta. Molódwe mí, bowu há mí. Mò hógyi sò ntsie nkpa. ²¹ Mò sɔ mmedé Bulu awitole amu kiná. Tsúfé ní Mose mbla ámu sɔ ɔha obégyi asu Bulu ansító á, mó mó kpaali Kristo lówu!

3

Mbla Amɔsɔ Gyí Ntéé Kristo Hógyi

¹ Oo Galatiafɔ aha mimláhe! Ma lálé mlɔ ansí alɔ? Megyí mlɔ onutó ansító behie lé suná mlɔ alá beda Yesu Kristo mántá oyikpalihésu, mó mu? ² Nfite mlɔ ason kua kole. Mose Mbla ámɔsɔ gyí léha mlɔlénya Ɔhe Wankíhé amɔ lóó, ntéé ason wankláán ámóó mlɔlónu, mlɔdé mósó hógyi amɔ sɔ? ³ Aha mimláhe mlɔlókoko mlɔgyi alɔ á? Iná mlɔlúpo Ɔhe Wankíhé amɔ tsúa mlɔ Kristotɔtsiá asɔ mé, mlɔ onutó túmi mlɔaa mlɔpómó mó ɔnó nyga? ⁴ Kpaali sò mlɔlówun ipian ámu féé ason wankláán ámu sɔ? Megyí kpaali sɔ! ⁵ Ntráa fite mlɔ. Mlɔ Mose mbla ámɔsɔ gyí sɔ Bulu lapó Ɔhe Wankíhé ámu há mlɔ, ɔde ofúla é bwe mlɔtɔ? Ekékeke! Alá mlɔlónu ason wankláán ámu, hɔ mósó gyí sɔ ɔlɔpohá mlɔ.

⁶ Mlɔpɔki anɔ náin Abraham. ɔbɔ Bulu ason wanlínhé amɔtɔ ání, “Abraham lóhɔ Bulu gyi. Mò sɔ Bulu lótsu mu ání mu asón da ɔkpa.” ⁷ Mò sɔ ilehián ání mlébiá ahá ámóó bahɔ Bulu gyi amɔ gyí Abraham abí onutó ní. ⁸ Bulu ason wanlínhé amɔ léblí yáí ání Bulu ɔbótson ahá ámóó bomegyí Yudafo ámu hógyisɔ, tsú amó ání amó asón da ɔkpa. Inɔ sò Bulu lébláa Abraham ason wankláán ámu dodoodo ɔbéé, “Fósó nótson yulá ɔsulósɔ ahá féé.” ⁹ Abraham lóhɔ Bulu gyi. Mò sɔ Bulu lóyulá mu. Mò sɔ séi ánfɔ á, Bulu ɔbɔpo oyúla amóó ɔlɔpuyúlá Abraham amu yulá ahá ání bahɔ Kristo gyi.

¹⁰ Táme ɔlwí dun ahá ání amó ansí dun Mose mbla ámɔsɔ gyí sɔ. Tsúfé bɔwanlín wá Bulu asón ámɔtɔ beɛ, “Bulu lalwíí ɔhagyíɔha ání omegyí mbla ámóó bɔwanlín wá Bulu mbla ɔwolótó ámu féésú.” ¹¹ Séi á, ɔlawánkí ání ɔhaa má muá mu mbla ámɔsɔ gyí sɔ Bulu obótso mu ání mu asón da ɔkpa. Tsúfé Bulu ason wanlínhé amɔ léblí ɔbéé, “Ɔhá ání mu hógyi sɔ Bulu latsú mu ání mu asón da ɔkpa obénya nkpa.” ¹² Mbla ámɔsɔ gyí mená hógyisɔ, támé Bulu ason wanlínhé amɔ léblí ɔbéé, “Ɔhagyíɔha ání otegyi mbla ámɔsɔ ɔbótson mósó nyá nkpa.”

¹³ Táme anɔ sò Kristo lémlí ɔha ɔlwíhé bréá beda mu mántá oyikpalihé amɔsɔ. Mò sɔ ɔléle anɔ tsú ɔlwí ámóó mbla ámu létí há anɔ ámu asɔ. Tsúfé Bulu ason wanlínhé ámu léblí ɔbéé, “ɔlwí dun ɔhagyíɔha ání beda mántá oyísú.” ¹⁴ Kristo lówu, ménɔ Bulu ɔbɔpo oyúla amóó ɔlehie há Abraham amu kén yulá ahá ání bomegyí Yudafo, ménɔ abótson anɔ Kristo Yesu hógyisɔ nyá Ɔhe Wankíhé amóó ɔlehie ámu.

Mbla Amɔ Pó Bulu Nuhé

¹⁵ Mí apíó, mpóu nde tsiátó asón kɔ flo asón ánfɔ ha mlɔ. Alɔ ámóó ɔha ɔdínká ɔlwí mu asónsú ɔbéé, ɔko ogyí mu ató, ɔhaa má ɔkpa tse mó, ntéé lé ɔko mótó ámu a, alɔ igyi ntam amóó Bulu léka há Abraham amu é ní. ¹⁶ Anɔ náin Abraham mwa mu nanyo Bulu léka ntam há. Alɔ asón

ánfi imosuná ání mu aná tsɔtsɔɔtsɔ, mboūn mu na okole pé. Mɔ na ámu gyí Kristo a. ¹⁷ Asón ání ndeblí gyí, Bulu léka ntam há aní náin Abraham, aledunká ibwi mósó púsúná ání obégyi mósó. Mbla ámuó ɔlɔwa há Mose nfi lafana adɔasa (430) ɔma amɔ méetalí ká ntam amóó ɔledunká ibwi mósó ámuɔ, ntée tse mó ekekekeke. ¹⁸ Tsúfɛ ní mbla ámuɔv gyí sɔ ɔha ibi bɛda agyapadɛ ámuó Bulu léhɛ yáí ámu a, mómó megýi hɛ Bulu léhɛ mó yáí Abraham. Táme ɔnakwali amɔ gyí, kie ɔlɔpukíe mu.

¹⁹ Mómó labi mɔmɔ mbla ámu bu? Bulu lópu mó é mántá mósó, ménɔ ibósuná ahá tóá lakpan gyí. Táme ɔlɔwa mbla ámu ání ibétsiá alu yófun bréá Abraham mu na ámu obéba. Mogyí mu ató ogyípó nɔ. ɔlɔpu mbla ámu há mu abɔpu bɔpu bɔwa Mose ibito. Mólóbwe Bulu móa Israelfɔ nsuné ɔlapó ní. ²⁰ Nsiné ɔlapó tamalíí há ɔbakóle, táme ɔbakóle Bulu gyí.

Labi Mbla Amɔ Iɔu

²¹ Bulu mbla ámu ɔakósó líí mu nhuhie ámuó ɔlehɛ yáí ámuɔv? Ekekekeke! Ní mbla ku ibétalí há aní nkpa ání utamatá á, tekɔ abétalí gyí asɔ Bulu ansítá, ní anilégyí mósó. ²² Táme Bulu asɔn wanlínhé amɔ ɔleblí ání lakpan lagyi ɔyító ahá fɛésó plíplíplíplí. Mó sɔ ató ámuó Bulu léhɛ yáí ámu igyi Kristo ahógyipo klé.

²³ Táme asa Yesu Kristo hógyi lébá ɔyító á, mbla ámu ɔleklí aní fɛ obu adípó. ɔhaa ménya mu ɔwi, bɔfun bréá Bulu lébele Kristo hógyi owan. ²⁴ Mó sɔ mbla ámu lóbwe anisɔ okípu bɔfun bréá Kristo léba, ménɔ Bulu obótsu aní ání aní asón da ɔkpa mu ansító, tsɔun aní Kristo hógyisu. ²⁵ Ináí Kristo hógyi laba sɔ á, imehián ání mbla ámu ɔbɛrá bwe amɔ akípu.

²⁶ Tsúfɛ mlí Kristo Yesu hógyi sɔ mlí fɛé mlɔlabwé Bulu abí. ²⁷ Mlɔ ahá ání mlɔha Yesu Kristo mlɔlabwé kole tsɔn asubɔso mlɔlatsú mu tsiátó fɛé. ²⁸ Mó sɔ Yudayin ntée Griikiyin trá ɔma unɔ. ɔkpábi ntée ɔdihɛ, ɔtsɔ ntée oyin trá ɔma unɔ. Tsúfɛ mlí fɛé mlɔlabwé kole mlɔha Kristo Yesunɔ ɔkolébwɛtɔ. ²⁹ Ináí mlɔlabwé Kristo klé sɔ á, mlɔlabwé Abraham abí-aná onutó, pó mu ató agyípó. Inɔ sɔ itó ámuó Bulu léhɛ yáí Abraham amɔ igyi mlí klé.

4

¹ Mlɔyɔ asón ánfítɔ ki. Ní ɔha owú, sí mu agyapadɛ yáí mu abí bréá bɔmɔkódan a, bogyi fɛ nkpábi. Iɔu mótóá amóbó amó sí ató fɛé, ² táme ilehián ání bɛba ɔwasɔ há amósó ɔkípu alu yófun nfi oduá amó sí lósuná ání bɔhó, asa abɔpu ató ámu wa amó ibito. ³ Alɔ aní é angyí asa Kristo léba nɔ. Anilóbwe nkpábi há ɔɔɔ, ntée túmiá ide ɔyí ánfisɔ gyí. ⁴ Táme bréá bré ámu onutó ɔlɔfun a, Bulu lówa mu Bi sísí, ɔha tsihé lókwíí mu wá mbla ámu asi. ⁵ Bulu lówa mu ání ɔbá bɔhɔ aní ahá ámuó angyí nkpábi há Mose mbla ámu tsu nkpábito, ménɔ ɔbóbwe aní mu abí onutó.

⁶ Bulu lóduka ání obósuná ání mlɔlabwé mu abí. Mó sɔ ɔlɔpu mu Bi ámu ɔɔɔ wá aní ɔkɔntɔ ní. ɔɔɔ ámu téhá anitokpólí mu aniaa, “Abba, mí Sí!” ní. ⁷ Mó sɔ opíó, futráa fume gyí ɔkpábi, mboūn Bulu mu bi. Ináí mu bi fogyi sɔ á, mu ató fɛé igyi fú klé.

Galatiafɔ Iɔu Ipián

⁸ Bréá mlɔmókónyá bí Bulu á, mlɔlóbwe nkpábi há ɔkpáí bomegyí tɔtɔ. ⁹ Táme séi mlɔlabí Bulu, ntée néblí mbéé, alabí mlí. Ntogyi sɔ mlɔdekléá mléyinkí yósum túmi ánfɔ uma labi kɔkɔkɔ? Ntogyi sɔ mlétrá yinkí yóbwe amó nkpábi fɛ bré ámu? ¹⁰ Mlɔde ámándíé kɔ bwe nke kɔtɔ, tsra kɔtɔ, bré kɔtɔ pó nfi kɔtɔ. ¹¹ Mlɔ bwehé ánfɔ sɔ ifú bɔ mɔtɔ. Ide mí bwe fɛ ipián ámuó ndewúun mlí sɔ ámu fɛé ɔbóbwe kpaalɔ.

¹² Mí apíó, nokókólí mlí, nabwé mí ɔwi fɛ mlí. Ntráa mma mbla kɔkɔ asi. Mó sɔ mlɔtsia mí atsiábi. Megýi bɛɛ mbéé, mlɔlapó lalaha kɔkɔ gyi mu, sɔ nde inɔ blí. ¹³ Mlɔlakáin ání ɔwi ma mí ɔnlɔn asa neba unɔ bɛda Bulu asɔn wankláán ámu ɔkan eke gyankpapɔ? ¹⁴ Isókí kpɔnkpɔntɔ mí ɔlɔ ámu lóbwe há mlí, táme mó óó á, mlɔmóbu mí tɔkɔ. Mboūn mlɔlóbɔ mí fɛ Bulu-ɔbɔpu, ntée Kristo Yesu onutó kóráá. ¹⁵ Ansí lehɛ gyi aní alɔ bré ámuɔtɔ! Ntɔ lébá? Mí onutó nowun ání ní mlétalí á, tekɔ mlɔlólótí mlí ansibi wá mí alɔ bré ámuɔtɔ. Mó ntɔ de mlí séí? ¹⁶ Alɔ ámuó nde mlí ɔnakwali bláa amɔ sɔ namlí mlí olupó?

¹⁷ Ahá ámuó bɔdekléá mlgyí Yudafɔ mblasɔ ámu bɔma mlí ɔwi agywuun wankláán kɔkɔ. Tóá bɔdeklé gyí bɛmain mlí lé mísó, ménɔ mlékle amó asón. ¹⁸ Iɔu aléá ahá bódunká ání mlɔde é amó, agywuun wankláán ɔkpasɔ. Megýi bréá mbo mlí wá wole. ¹⁹ Mí abí adwɛpó! Iɔu trá ide mí ɔsin há mlí, fɛ ɔtsiá ikwíí de mu dwíin. Nkétí mlɔlanyá Kristo tsiátó mlɔtɔ asa ɔwi bési mí ɔsin. ²⁰ Thíé de mí háan ha mlí. Ní mí nkole sɔ mó á, tekɔ mbo mlí wá séí, ménɔ nɛtse mí tóitɔ.

Hagar Mɔa Sara Nfántóhɔn

²¹ Nfíte mlí ahá ámuó mlɔdekléá mlóbɔuo Mose mbla ámu. Mlɔmónu asón ání ɔleblí asi? ²² Bɔwanlín wá Bulu asón ámuɔtɔ bɛɛ, Abraham lókwíí abi yinhé anyɔ. ɔkole mu yin gyí ɔkpábi, onyɔɔsɔ mu yin gyí ɔdihɛ. ²³ ɔkpábi amɔ lókwíí mu bi keke, táme ɔdihɛ ámu mó á, Bulu léhɛ mu yáí ání méha mu obí asa ɔlɔkwíí. ²⁴ Mlɔha anu asón ánfɔ asɔ tsɔn ɔkpa ánfisɔ. Atsɔ abanyɔ ánfɔ bulíí há ntam anyɔ ání Bulu léka. Hagar líí há Sinaibɔsu klé, tsúfɛ nkpábi mu abí bogyi.

²⁵ Sinaibu ámu bu Arabia ɔmátɔ. Ili há nde Yerusalem wúlu. Yerusalem pɔ móts ahá fɛ́é bogyi nkɔ́pábi, Mbla ámu su. ²⁶ Sara mú gyí ɔdihie, ɔli há ɔsósó Yerusalem. Mogyi anɔ yin ní. ²⁷ Tsúfɛ́ Bulu asón wanlínhé amó lébɛ́l ɔbɛ́ɛ,
 “Ɔtsɔ mákwííró, nya ansigyí!

Ɔtsɔá ikwíi mɔ́kɔ́dwíin mu kí, kplɔn, afɔsɔra okitikiti ansigyísɔ.

Tsúfɛ́ ɔtsɔ ámuó mu kulu lési mu tswi amó obénya abí tsɔtsɔtsɔ,
 dun ɔnuvámóó mu kulu da mu wá ekekegyíɛke ámu.”

²⁸ Mí apíó, séi á, mlɔlabwé Bulu ahá tsɔn mu tɔá ɔlehie yáísó; fɛ́ ahá ɔlehie yáí asa bɔkwíi Isak. ²⁹ Alí bré ámuó á, obí ámuó bɔkwíi mu keke, ogyi Ismael amó lédunká Isak amóó bɔkwíi mu Ɔɛ Wankíhé túmitá ámuó. Alí kén igyi há anɔ nde ní. ³⁰ Táme nkálí Bulu asón wanlínhé amó lébɛ́l? Ɔbɛ́ɛ, “Gya ɔkpábi amó mu bi, tsúfɛ́ megyí ɔkpábi mu bi ámu muvɔ ɔdihie mu bi ámu obégyi amó sí ató.” ³¹ Mó su apíó, megyí ɔkpábi amó abí anigyí. Ɔdihie ámu abí anigyí.

5

Mlikɔ Mli Iwígyísɔ

¹ Anɔ iwígyí su Kristo lahá anɔlagyi iwí! Mó su mlilu kinkíinkín. Mlɔmátrá tsulá abubwe mli nkɔ́pábi ha mbla ámu.

² Mlɔnu! Mí Paulo dé mli bláa ání ní mlesí iwí há, betɔn mli keté a, ilosuná ání tó ámuó Kristo lɔbwe ámu ima mli labi kɔkɔ. ³ Ntráa nde mli ɔlá da mbéɛ, ɔhagyíɔha ání ɔleha betɔn mu keté á, ilehián ání obégyi Mose mbla ámu fɛ́ɛsú. ⁴ Nde mli bláa mbéɛ, mli ahá ámuó mlidé mbla ámuó gyí, ménɔ Bulu obótsu mli ání mli asón da ɔkpa mu ansítá ámu mlɔlamáin iwí lé Kristoso. Bulu awitole amó ɔlatswí mli pan. ⁵ Anɔ mú anɔ ansí dun ání Bulu obótsu anɔ ání anɔ asón da ɔkpa mu ansítá. Inɔ gyí tɔá anidé ɔkpa kí tsɔn Ɔɛ Wankíhé amóó ɔde agyómá yɔ anitɔ, tsɔn anɔ hógýisú ámuó ní. ⁶ Tsúfɛ́ ní amia Kristo Yesu anigyí kɔle a, ketétin ntee ketémátɔn mehián. Móá idehián gyí anɔbu hógýiá itehá anitɔdwé Bulu pɔ anɔ aba.

⁷ Teki mlidé mbódi bɔ asa. Ma kóúɔn latin mli ɔkpa ɔbɛ́ɛ, mlɔmátrá buo ɔnɔkwali amó? ⁸ Megyi Bulu bwehé igyi, tsúfɛ́ mléle mli. ⁹ Mlikaun ání bodobodotu-afá kpalobí téhá bodobodo amó fɛ́ɛ itotú. ¹⁰ Anɔ Wie lahá nahogyí, ání mlɔmɛ́strá hɔ odu ha bambá atosunáhé dun mí nkɔle klé. Bulu ɔbɛ́bití ɔhá ámuó ɔde mli agywɔn damlí ámu isu.

¹¹ Mí apíó, ní ntráa nde ɔkan da bí mbéɛ, ilehián ání ahá botin keté á, mómó ntogyi sɔ Yudafo butráa bodɔn mísó? Mómó ní nde Kristo oyikpalihesɔ lowu ámu é ɔkan da á, yéɛ ɔhaa méedunká mísó o. ¹² Mí su mó á, teki ahá ámuó bɔde mli háan bɛɛ, ilehián ání mlétin keté ámu mwáuna flo amó iwí.

¹³ Mí apíó, Bulu léle mli ɔbɛ́ɛ, mlihbégyi iwí. Táme mlɔmátsɔn mli iwígyí amóó láyótsu mli tsiátá dada amó. Mbouɔn mlɔpɔ ɔdwe sum mli aba, ¹⁴ tsúfɛ́ Mose mbla ámu fɛ́ɛ ɔli mbla kɔle pé ámuó idebí ɔbɛ́ɛ, “Dwe fɔ bá fɛ́ fɔ iwí.” ámuó. ¹⁵ Táme ní mlɔlabwé mli iwí fɛ́ mwikítá-atɔ, mlidé aba fin, mlidé aba lalá a, mómó mlikɔ wankláán; ní megyí alí mléhi aba.

Tsiátá Dada Pó Ɔɛtá Atsiábi

¹⁶ Mó su nde mli bláa mbéɛ, mliha Ɔɛ Wankíhé amó ɔkpa mli. Mómó mlɔmáɔbwe tɔá mli tsiátá dada tekle. ¹⁷ Tsúfɛ́ tɔá anɔ tsiátá dada tekle ihíe na ɔtsan há tɔá Ɔɛ Wankíhé amó tekle. Tɔá Ɔɛ Wankíhé amó tekle é ihíe na ɔtsan há tɔá anɔ tsiátá dada tekle. Atoku anyɔ ání ɔkɔsɔ lí abaso, ménɔ mlɔmáɔbwe tɔá mlitekle. ¹⁸ Ní Ɔɛ Wankíhé amó dé mli kpa á, mómó mlɔmá Mose mbla ámu asu.

¹⁹ Tsiátá dada bwehé telɔn ɔwan. Mógýi; atsi múa ayin asónwa, agywɔn laláhe bwe, ifintotsiá, ²⁰ ikpitswéɛ, afátóplei, olu, tré, fɔ nkɔle klé dunká, ɔblɔkpán, ɔnsɔpɛ, aba asumánú, iwumáin lé fɔ abaso, ²¹ ɔkabágyáa, ntábu, pléikpada pɔ móá ilehan inɔ aná. Mó aná iwí asón nde mli bláa, fɛ́ alá nebláa mli yáí. Mbéɛ, ahá ání botɔbwe inɔ odu bóméenyá Bulu iwígyí ámuó agyapade kɔkɔ.

²² Táme ní Ɔɛ Wankíhé amó dé anɔ kpa á, mó abi swiehé ání ibétsiá anitɔ gyí, ɔdwe, ansigyí, iwílwíi, iklonya, awitole, yilébwe, ɔnɔkwali, ²³ ilwíi pɔ iwísgyí. Mbla kɔkɔkɔ má inɔá illetin alí ntobí ání ɔkpa. ²⁴ Ahá ání bogyi Kristo klé bamó amó tsiátá dada pɔ amó ɔwólí laláhe Kristo Yesu oyikpalihé amó. ²⁵ Ɔɛ Wankíhé amó lahá anɔ nkpa papwe. Mó su mliha agyi mu asónsɔ. ²⁶ Anumátsu iwí suná aba, ntee wá aba ɔbló, ntee pé ansí aba atósó.

6

Iko Tsu Lé Aba Asóntɔ

¹ Mí apíó, ní mlitɔ ɔkɔ ɔbwe lakpan kɔ á, mli ahá ámuó Ɔɛ Wankíhé de mli kpa ámu mlɔnya klɔn tɔi kpla mu putɔ. Táme mlikɔ mli iwí wankláán, ménɔ mli é mlɔmɛ́ɛdada isókɔ amó odutɔ. ² Mlitsɔ iko lé mli aba asóntɔ. Ní mlidé mó bwe alí á, mlidé Kristo mbla ámuó gyí ní. ³ Ní ɔkɔ dé mu iwí kí ɔbɛ́ɛ mɔfɔn tógýítótɔ, táme omegyí tɔtɔ a, ɔde mu iwí mlé. ⁴ Mlikaɔpɔ mli onutó

tsiátɔ́ kɪ. Ní ɪ̀bɔ́ alé á, mómó mlétalí pɔ́ ɪ̀bɪ́ sí kántɔ́ mlɪ́ bwehé sɔ́, mɪ́mɔ́ɔ̀pɔ́ kápɔ́ ɔ́ha bambá klé. ⁵ Tsúfɛ́ anɪ̀tɔ́ okugyíɔ̀kɔ́ ɔ́bɔ́sɔ́rɔ́ mɔ́ onutó atɔ́ sɔ́rɔ́hɛ́.

⁶ Bulu asón ámu akasípó bɔ́yɛ́e atɔ́ wankláán ání bɔ́bɔ́ ɪ̀kɔ́ ha amó asunápó.

⁷ Mɪ́mámɪ́lé mlɪ́ ɪ̀wɪ́. ɔ́haa tamamlé Bulu. ɔ́hagyíɔ́ha ɔ́bɔ́kpɔ́tí t́sá olodu. ⁸ Ní ɔ̀kɔ́ lódu tsiátɔ́ laláhe wá mɔ́ klɔ́ntɔ́ á, lowu ɔ́bɔ́kpɔ́tí tsú mótɔ́. Táme ní ɔ́leha ɔ́ɣɛ́ Wankíhɛ́ amɔ́ lódu tsiátɔ́ wankláán wá mɔ́ klɔ́ntɔ́ á, ɔ́bɔ́kpɔ́tí nkpa ání ɪ̀tamatá tsú mótɔ́. ⁹ Mó sɔ́ yilébwe mákpɔ́n anɪ́, tsúfɛ́ ní abato mowu anɪ́ á, abɔ́kpɔ́tí nkpa ání ɪ̀tamatá mó brétɔ́. ¹⁰ Mó sɔ́ brégyíbréá anyá mó ɪ̀wɪ́ ɔ̀kpa á, mlɪ́ha abwe yilé ha ɔ́hagyíɔ́ha, títriu anɪ́ apíó ahógyipu.

Itsíáha Pó ɔ́láda

¹¹ Mɪ́kɪ́ atɔ́ wanlínhé akpɔ́nkpɔ́ntíá napó mí onutó ɪ̀bɪ́ wánlín sísí mlɪ́! ¹² Ahá amóó bɔ́dedunká ání bégyi asɔ́ ahá ansítɔ́ ámu líí mɪ́sɔ́ beɛ, mlɪ́háa abɔ́tɪ́n mlɪ́ keté ní. Megyí tɔ́tɔ́ sɔ́ bɔ́de ɪ̀nɪ́ bwe. Ahá Yudaɔ́ bɔ́mɛ́edɪ́nká amósó beɛ, bɔ́deblí beɛ Kristo oyikpalíhɛ́sɔ́ lowu ámu pésó ɔ́ha ɔ́bɔ́tsɔ́n nya nkpa. ¹³ Keté atɪ́npɔ́ amɔ́ onutó óó bɔ́tamagyí Mose mbla ámɔ́sɔ́. Táme bɔ́dekléá mlɪ́tɪ́n keté, ménɪ́ bɔ́pɔ́tsú ɪ̀wɪ́ súná amó aba ání bahá mlɪ́latɪ́n keté. ¹⁴ Mí mó á, umába mótɔ́ ání nótɔ́sɔ́ ɪ̀wɪ́ ɔ́yí ánfɪ́tɔ́ tɔ́tɔ́ɔ́tɔ́sɔ́, dɔ́n anɪ́ Wíe Yesu Kristo oyikpalíhɛ́sɔ́ lowu ámu. Tsúfɛ́ mɔ́ lowu ámu sɔ́ ɔ́yítɔ́ tsiá ɪ̀tráa ma mí labi, mí é mma labi kɔ́kɔ́ há mó. ¹⁵ Ketétɪ́n ntéɛ ketémátɪ́n megyí tɔ́tɔ́. Móá idehián gyí ɔ́ha obémlí ɔ́ha papwe. ¹⁶ Iwɪ́lwíi móa nwewúún ɪ̀tɔ́ ahá amóó bɔ́de mbla ánfɪ́sɔ́ gyí amɔ́, pɔ́ ahá ání bohíé bɔ́gyi Bulu ahá!*

¹⁷ Asa nékpa mí asón opulu á, mbláa mlɪ́. Mlɪ́tɔ́ ɔ́haa mátrá wa mí t́tí. Tsúfɛ́ mí ɪ̀wɪ́ apɪ́ná ánfɪ́ idesuná ání Yesu ɔ̀kpábi ngyi.

¹⁸ Mí apíó, anɪ́ Wíe Yesu Kristo ogyíi mlɪ́ bɔ́ale. Amen!

* **6:16** Ahá ání bohíé bɔ́gyi Bulu ahá gyí Israel papwe amɔ́ nɪ́.

Ɖwólóá Paulo Lówanlín Sísí Efesofó

Itsiáha

¹ Mí Paulo ání Bulu apé sù nabwé Kristo Yesu sumbí ayópó, dé ɔwóló ánfí wanlín sísí mli Bulu ahá ání mllahó Kristo Yesu gyi, mliha mɔnyó mllabwé kole, mliɔ Efeso wúluto. Nde mli itsiá ha.

² Aní Sí Bulu mɔa aní Wíe Yesu Kristo bogyií mli boale, aboɔha mli iwilwii.

Tsósó Oyúla Aní Anibv Kristotó

³ Mliha akanfó aní Wíe Yesu Kristo mɔ Sɪ pó mɔ Bulu. Tsífé tson ania Kristonyó ikolebwetó á, alapó ɔhétó atá íbékpa aní fée yúlá aní tsú ɔsósó. ⁴ Asa Bulu lóbwe ayí á, ɔlele aní bwé mɔ klé tson ania Kristonyó kolebwesó, ání abwée ahá ání amó iwí letu, ifin kòkò má aní iwí mɔ ansító.

⁵ Iná Bulu tɔdwé aní sù á, ɔlobwé agywun yáí ɔbée, mópó aní bwé mɔ abí tson Yesu Kristosó. Iní gyí tóá olekle, igyi mɔ apé ní. ⁶ Mliha akanfó Bulu, mɔ awítale anfi ibv numnyam, ɔlwa tson mɔ Bi ɔdwepósó há aní faan anfi sù. ⁷ Ɖlópó mɔ Bi ámó obugya ká aní nwunso ikó, sí aní lakpan kíé aní. Awítale anfi Bulu léhíe wá há aní anfi ibv ifú dɔbi. ⁸ Mɔ nyánsa pó mɔ asón-asinu lalé mó fée ɔwan súná aní tson ɔkpa tsɔtsɔtsosó.

⁹ Alahá anilabí mɔ ason nǎínhé ání ɔlekiklí yáí dodoodo ɔbée, móbwe tson Kristosó. ¹⁰ Mɔ ason nǎínhé amó gyí, ní bré ámó ifon a, móbwe mɔ ató bwehéá ibv ɔsú móa asi fée kole, pówá aní Wíe Kristo asi.

¹¹ Bulu tɔhá mɔ nwuntó asón pó mɔ apé tɔba mótó brégyíbré. Mɔ onutó léle aní ɔbée abwée mɔ abí tson ania Kristonyó ikolebwetó. Tsífé alí ɔlobwé agywun yáí dodoodo ní. ¹² Ɖlele aní agyankpapó ámó aní ansí dín Kristosó ámó ɔbée, abékanfó mɔ numnyam.

¹³ Alí ílegyi ha mli é ní. Bré ámó mllónu ɔnakwalí asón, igyi ason wankláán ámó ɔlɔhó mli nkpa ámó, hɔ mósó gyi ɔpá mliha Kristonyó mllóbwe kole. Bulu lópu mɔ Ɖhe Wankíhé amó hie mli nso, púsúná ání móbó mli, fée alí ámó ɔlehe yáí ɔbée móbwe ámó. ¹⁴ Ɖhe Wankíhé amó gyí ntswasíá ídesuná ání aní ibí bédá agyapadié ámó Bulu léla yáí há mɔ abí ámó ní. Ídesuná ání alaká aní nwunso ikó, pówá mɔ numnyam.

Paulo Mpá

¹⁵ Mó alí sù, tsú bréá nonu ání mllahó aní Wíe Yesu gyi, pó alíá mltɔdwé Bulu ahá fée á, 16 mmókósi Bulu ípán da mli nwunso. Ní nde mpá bó á, ntekáin mli. ¹⁷ Ntokókólí aní Wíe Yesu Kristo Bulu, numnyam Ɖsí ámó mbée, ɔhá mɔ Ɖhé ámó sha mli nyánsa. Ie mɔ ɔwan súná mli, méní mlébi mɔ wankláán. ¹⁸ Ntokólí mɔ mbée, obwíí mli ansí, amliwun ató wankláán ámó ɔbée, mlibékí ɔkpa ha ámó, méní mlébi ání ató ámó ɔlelayáí há mɔ ahá ámó ihíe bu bíá. ¹⁹ Ɖhá amli bi ání mɔ túmí dɔn túmí kugyíko há aní ahógyipó. Mɔ túmí ánfí ɔma á, kòkò má mɔ. ²⁰ Mó kén ɔlele súná bréá ɔlokosía Kristo tsú afúlitá, pó mɔ yéyáí mɔ gyɔpɔs ɔsósó mɔ ní. ²¹ Inó Kristo dé iwíe gyí awíe fée, túmí kugyíko, ɔhe laláhe pó ɔmásgyí túmí féesó ní. Mɔ dibia dɔn dibia kugyíko á ibv nɔ séí pó ayí ámó ɔbéba amotó. ²² Bulu lópu tógyító wá mɔ asi, ɔlópó mɔ bwé tógyító nwun há mɔ ɔpasua. ²³ Ɖpasua ámó gyí Kristo ayóló. Kristo wá ɔpasua ámó tenyá túmí kugyíko tsú. Mutéhá tógyító tɔwá alé yi ɔtínegyíótíné.

2

Tsú Nkpa Dadató Ba Pópwetó

¹ Asa mllémlí Akristofó á, asotó-onlun móa lakpanbwe sù mligyi ɔhétó aha wuhé. ² Alí bré ámó á, mllétsiá ɔmátófo atsiábi. Mllóbuo ɔhe laláhe fée owíe Ɖbunsám. Mogyí ɔhe laláhe ání ide agyómá yó ahá ámó ɔbotamabú Bulu ámó ní. ³ Lélé mó á, aní fée anulétsiá amó atsiábi, bwé laláhe ání ɔwóló léklé. Anilóbuo tóá aní ayóló pó aní agywun létsiá súná aní. Tsiátó anfi só tekí Bulu ɔbébití aní isó fée aha atráhe ní.

⁴⁻⁵ Táme iná Bulu nwewúun itso, ɔtéhíe dwé aní sù á, ɔlɔtson ania Kristonyó ikolebwesó há aní nkpa, bré ámó anigyí aha wuhé Bulu ansító aní lakpan sù ámó. Mɔ awítale sù ɔlɔhó aní nkpa. ⁶ Ania Kristo Yesunyó ikolebwe ánfí sù Bulu lakósúa ania mɔnyó tsú lowuto, alahá aní otsiákpá Kristo wá. Ania mɔnyó abégyi iwíe ɔsósó. ⁷ Bulu léle mɔ awítale kponkponkponntí ánfí súná aní tson Kristo Yesuso, méní ahá ání bétrá lun fée bówun ání mɔ awítale lomóní dɔn tógyító. ⁸ Bulu awítale pó mli Kristo hógysó Bulu lótsón hɔ mli nkpa. Iní motsú mli, Bulu atokiehé igyi. ⁹ Megyi mli bwehé wankláán kòkò sù, méní mli ɔkòkò mópó ibí sí kántó. ¹⁰ Bulu lóbwe aní alí ánfí anigyí. Alabwé aní aha papwe tson ania Kristo Yesunyó ikolebwesó, méní abóbwe yilé ání mɔ onutó ɔlela yáí há aní ɔbée abwée.

Kristoto Ikolébwé

¹¹ Mú sù mlkain ání tekí omátófó mligyí. Bré ámu a, Yudafó botetí mlí bée, “Ahá ání bumetin keté,” bótetí amó iwí keté atínpu. (Táme ketétíun amó ó á, nyankpósa oyólóso pó ibi onó ató igyi.) ¹² Mlikain ání alí bré ámuto á, mliméyín Kristo. Afóó mligyí. Mliméyí Yudafó okpagyíokpasu. Mlumá ogyíkpa Bulu nhuhé ámóó òleka mó iwí ntam há Yudafó ámuto. Móá idon kórará á, mlí ansí medín tótoso, mliméyín mu é. ¹³ Táme séí á, mlá Kristo Yesunyo mlabwé kole. Iní sù Kristo latson mu obugya amóó òletseí wólí há ania mlinyo ámusu, kpá mlí ahá ánfí tekí mlibu ifó ánfí ba Bulu wá. ¹⁴ Tsúfè Kristo onutó lapó iwílwii wá Yudafó pó omá bámbásófo nsiné, bwé aní afonka anyo ámu fée kole. Alalé olu ámóó òbwe buntíi wá aní nsiné ámu. ¹⁵ Òleka Yudafó mbla pó amó amándíétó, méní afonka anyo amó bóbwe opasua pópwe ikole moto. Fówun mu amónyo bóbwe kole, iwílwii bétsiá amó nsiné. ¹⁶ Òlatsón mu oyikpalíhesu lowu ámusu lé olu lé amó nsiné. Oyikpalíhe amosu òlatsón tswí amóá Bulunyo onó ntsu. ¹⁷ Bréá Kristo lébá a, òleka Bulu iwílwii asón ámu òkan há ahá fée. Mlí omátófo ání mlá Bulunyo nsiné bu ifó pó Yudafó ání amóá Bulunyo nsiné ma ifó féeétó. ¹⁸ Kristo sù okpa latíí há aní afonka anyo ámu fée. Òje Wankíhé ámu sù abétalí ba aní Sí Bulu ansító. ¹⁹ Iní sù mltráa mliméyíí afóó. Mlíá Bulu ahá mlabwé ikole, mligyí Bulu wóyí abí. ²⁰ Mligyí fè obuá bayi. Yesu sumbí ayópó ámu pó Bulu onósó atóipó amó gyí mó nkpabí. Kristo Yesu onutó gyí obu ámu òtan. ²¹ Mú sù obu ámu itsa aba hógyito. Motéhá mó itomóní bwé Bulu òtswékpá obu wankíhé. ²² Iníá mlá Kristonyo mlabwé ikole sù á, òde mlá Yudafó ámu pútsá abasu, òde obu ání Bulu obétsiá mótt òjéttó yíi.

3

Paulo Omá Bámbásófo Bulu Asón Bláa

¹ Mí Paulo nda obu Kristo Yesu ason wankláán amóó nde òkan da mlí ahá ání mliméyí Yudafoto ámu sù. ² Nyin ání mlilan awítaléá Bulu lówa há mí, pó agyómá ánfí wá mí íbító òbée, mbwée, iwa labí ha mlí. ³ Bulu léle mu ason ñáinhé amóó òlekuklí yaí ámu òwan suná mí. Mó nawánlín kútúklú á. ⁴ Ní mlekla ówoló ánfí a, íbówankí mlí ání nanú Kristo iwí ason ñáinhé amó así. ⁵ Tsú óyí opá á, Bulu mókólé ason ñáinhé anfi suná nyankpósa okoko. Táme séí ánfí á, alabele mó òwan tson mu Òje ámusu suná ahá amóó alalé, bugyi mu sumbí ayópó pó mu onósó atóipó wankíhé amó. ⁶ Mu ason ñáinhé amó gyí, Bulu layúlá omá bámbásófo é fè Yudafó, tson mu ason wankláán ámusu. Amóá Yudafó bamlí òlepe òkuleto ató agyípo, alabwé amóá Yudafó kole. Mó sù babwé oyólóso kole. Amó é bénya ató amóó Bulu léhie ání òbéha Yudafó tson Kristo Yesusu ámu ku. ⁷ Ina Bulu awítale pó mu túmisu óbówe mí mu ason wankláán ámu osúmpó. ⁸ Ibo móttá kebikoso ngyi Bulu ahá féeétó. Táme Bulu lówa awítale há mí òbée, ndáa Kristo oyúla amóó idon blí ámu iwí òkan ha ahá ání bomegyí Yudafó. ⁹ Mólówa mí òbée, nháa anyánpósa fée abubu alá òdepu mu ason ñáinhé amó yó agyómá. Mólóbwe osó móa así, òlpu mu asón ánfí ñáín tsú óyí opá. ¹⁰ Òlóbwe mó alí, méní òbótson mu opasua ámusu lé mó nyánsa òtsan-òtsan suná òje laláhe awíe pó atúmipwá bubu òtínéá bode iwíe gyí fée. ¹¹ Iní gyí tóá Bulu léhíhe yaí asa òlele óyí ní. Alahá mó òlaba mótt séí tson aní Wíe Kristo Yesusu. ¹² Iníá anílaho mu gyi, ania munyo anílabwé ikole sù á, abétalí wá klon yó mu ansító faan, anumétrá nya ifí. ¹³ Mó sù nde ípa bwíí há mlí mbée, mlumáha abato iwu mlí, iwíwosin ánfí ndewúun ha mlí ánfí sù, tsúfè íbówa labí há mlí.

Kristo Odwe

¹⁴ Iní sù mí akpawunu iyi así, nde aní Sí ámu kokóli. ¹⁵ Mutó abusuan kugyíkwa íbo osó móa así lelín tsu. ¹⁶ Mubóu oyúla akpónkpóntí há mu abí. Mó sù nde mu kokóli mbée, mu Òje ámu òhie wa mlí òkláa òwonlín tsu mu oyúla kpónkpóntí atokíehé ámuto, ¹⁷ Kristo òtsón mlí hógyisó tsia mlí klonto brégyíbré. Nde mu kolí mbée, óhá amlíle nlin yo óttó, Buludwe pó mlí abadweto, amlilú kinkíínkín. ¹⁸ Fówun mlá Bulu ahá atráhe mlétalí bí ání Kristo òdwe léhé móni, léhe téí, ihíé bu íswí, léhe fóá, léhe wíé óttó. ¹⁹ Ntráa nde mu kokóli mbée, óhá amlilú Kristo òdwe amóó nyankpósa okoko méetalí nú mó así yi amó. Fówun mlí tsiátó bóbwe fè Bulu klé. ²⁰ Iníá Bulu túmi de agyómá yo anito sù á, ótetalí bwé ató há aní don alá anitokóli mu, ntée anitosúsu. ²¹ Iní sù mlíha akanfo Bulu. Anyánpósa línto fée bokánfo mu ató akpónkpóntí amóó òdebwé Kristo Yesu pó opasua ámuto ámu sù, tsú séí yófon bréá ítamató. Amen!

4

Ana Kristonyo Ikolébwé

¹ Iní sù mí ánfí nda obu aní Wíe agyómá yo sù ánfí nde ípa bwíí há mlí mbée, mltsiá tsiátó oduá òlekanáa alá Bulu léle mlí òbée, mlíbétsiá. ² Mlíba iwíasi, amlílwii. Mlinya klon ha aba, amlídwé aba. ³ Òje Wankíhé amó lahá mlabwé kole. Mó sù mlibo mbódi amlitsia iwílwíito,

méni ukolebwe ámu íbetsiá mlito yó. ⁴ Ɔyulú kole iwí ntobí aní fée anigyi. Ɖɛ Wankíhé kole pé bu inu. Alí kén Bulu léle aní fée obée, abéki toku kole pé okpa ní. ⁵ Owie okole; hógyi kole; asúbo kole. ⁶ Bulu okole. Mogyí aní fée Ɔsí. Modé aní féesó gyí, ɔde agyómá yó tson aní féesó, otsie aní féeót.

⁷ Kristo lówa awítale ye atokiehé há aní fée obée, apóyo mu agyómá, ⁸ fé alá bəwanlín wá Bulu asón ámoto bee,

“Bréá ɔlɔyɔ ɔsósó á,
oklepa ndoun buo iwí,
kíe ahá ató.”

⁹ Ní bəwanlín wá Bulu asón ámoto bee, “Ɖlɔyɔ ɔsósó” á, idesuná aní Kristo légyankpá kplí wíe ɔsolóto. ¹⁰ Mómó idesuná aní ɔhá á móó ɔlekplí wíe ɔsolóto ámu kén lóyo ɔsósó, ɔtínéá íbfoá don ní, méni ɔbóbulá ɔsú móa asi fée, há mó ifon. ¹¹ Kristo onutó lóbwe anito akw mu sumbí ayópó. Akw Bulu ɔnósó atóipó. Akw mu ason wankláán ámu ɔkan adapó. Akw é akpapó pó asunápó. ¹² Kristo léle amó alí, méni Bulu ahá bétalí yó mu agyómá, pówá Kristo ɔyulú ikole; igyi mu ɔpasua ámu ɔwonlín, ¹³ méni aní fée abóbwe kole hógyito, bí Bulu mu Bì ámu. Fówun abédan, fon okpagyiákpaso fé Kristo. ¹⁴ Iní so anuméetrá bwe fé nyebíá ahá aní amó ɔnó bu ɔdwe bétalí pó amó atosunáhé pəpwe kugyíko bemlé, fé alá ntsu tedá oklon ya ɔtíneyíótínéá ideklé. ¹⁵ Mboún mlíha abláa aba ɔnokwalí asón ámu ɔdwe, méni abédan tógýtótó, bwe fé Kristo, ogyi ɔpasua ámu nwun. ¹⁶ Ina muɔso ɔyulú, igyi ɔpasua ámu ɔtíneyíótíné itsa aba, ide aba wankláán. Ní nyankpəsa-oyí iwí ntobí ámu fée ide mó agyómá yó wankláán á, Kristo tehá mó itedan ɔdwe.

Nkpa Dada Mwa Pəpwe

¹⁷ Mó so nde mlí ɔlá da aní Wie idátó mbée, mlumátrá tsiá fé ahá aní bəmeyín Bulu. Itáá mósəwa labí há amó iwí butogyiún. ¹⁸ Amó nwunto lóklun. Mó so buma nkpa pəpwe amóó itsú Bulu wá ámu, tsufé bəmeyín tótó. Iklontó bu amó odwin. ¹⁹ Lalahəbwe tamawá amó péli, botekle hakpanla kugyíko bwe. Butəbwe lalahə kugyíko, butamatálí kítá iwí.

²⁰ Táme mlí mó á, megyí tsiátó anfi odu mlíékasi tsú Kristo iwí. ²¹ Nyin aní mlílanú Yesu iwí asón, basúná mlí ɔnokwalí ámu mótó é. ²² Mó so mlísi mlí tsiátó dada amóó mlílétsiá ámu. Mlí ɔwólí lalahə lémlé mlí alí bré ámoto, íleha mlí tsiátó leyintá. ²³ Mlíha Bulu ɔbwe mlí klon pó mlí agyiwun pəpwe. ²⁴ Mlitsia tsiátó pəpweá igyi Bulu atsiábi, mó iwí letin, ina dínká ɔnokwalí okpa ámuɔo.

²⁵ Mó so mlito okugyíko ɔmátrá wa afunu. Ɖhagyíɔha ɔbláa mu ba Okristoyin ɔnokwalí. Tsufé aní fée anigyi nyankpəsa-oyí okole amó iwí ató. ²⁶ Ɖbló íkítá mlí á, mlímáha mó íha amlibwe lakpan. Imátsiá mlito yófon owi tahé. ²⁷ Mlumátepi há Ɖbunsám okpa ɔmlé mlí, amlibwe lakpan. ²⁸ Owikplu mátrá wí ató. Ɖpóo mu íbɔ yó agyómá, méni obénya təkó kpá mu iwí, nyá ɔkó é há ahá aní buma koku. ²⁹ Mlumáha ason lalahə koku idali tsu mlí ɔnó. Mboún móá íbóboá ɔha, íbóbwe yilé, wá labí, wá mó anupó ɔwonlín. ³⁰ Mlumábwe tóá íbéhan Ɖɛ Wankíhé amó. Tsufé mu Bulu lópohie mlí nso, púsúná aní mubó mlí, máhə mlí nkpa eke ámu ní. ³¹ Mlíle ɔnsipekan, olu pó ɔblókpán, ítré, isia pó lakpan kugyíko agyiwun le mlito. ³² Mboún mlíwa awítale ha aba. Mlíwun aba nwe, amlísi lakpan kie aba fé alá amóó Kristo so Bulu lési mlí klé kíe mlí ámu.

5

Akrístofə Atsiábi

¹ Iná Bulu abí aní ɔtehié dwé mlígyí so á, mlitsia mu atsiábi. ² Mlídwé aba ɔkpagyíokpasu, fé alá Kristo lódwe aní, tsulá bəmə mu aní so. Ɖlɔpə mu iwí bwe ató hahé pó afədie-abótáá íbu ɔfan fánfáánfán há Bulu, ilegyi mu ansi.

³ Bulu latin mlí iwí. Mó so mlímáwa atsi móa ayin asón, wá hakpan, ntée ɔnsípe. ⁴ Mó ɔma a, uma aleá mléblí asón aní íbu péli pó móa uma anulé, ntée wá ɔplakpan. Mboún mlída Bulu ípán brégyíbré. ⁵ Íwánkí mlí aní mbəa ɔtəpó, ɔhakpan ntée ɔnsípe ɔwapó ɔkoku méenya ogyíkpá Kristo mwa Bulu iwíegyí ámoto. (Tsufé ɔnsípe ɔwapó gyí fé ɔkpí ɔtswépo).

⁶ Mlumáha okpa ɔhaa ɔpóo asón aní uma labí koku mlé mlí. Tsufé tsiátó lalahə anfi odu so Bulu tenyá ɔbló bíti ahá aní búbo asoto-ɔnlun iso ní. ⁷ Mó so mlumápo amó gyi mba. ⁸ Bré ámu a, oklúntó mlitsie mlíde lakpan bwe, támé séi á, mlía aní Wíenyə mlílabwé ikole. Mó so mlitsie wankito. Iní so mlí tsiátó istína aní mlitsie wankito. ⁹ Tsufé ɔhá aní ɔbu wankito təbwe yilé. Mu asón da okpa, ɔbu ɔnokwalí. ¹⁰ Mó so mlíbo mbódí amlikasi tóá Bulu tekle. ¹¹ Mlumágyi mba. Labí koku uma mótó. Mboún mlíle amó bwehé ɔwan. ¹² Íhié bu péli aní béblí ntobíá ahá botəbwe njántə iwí asón kóráá. ¹³ Táme ní ito wankíhé íwánkí wólí tóá íbu oklúntəso á, itemlí itowunhe. ¹⁴ Tsufé ató wankíhé telé tógýtó ɔwan. Mó súbéblí bee,

“Ɖdídípó, tsinki.
Kusə tsu afúlitə,

Kristo òwanki woli fòsò.” ni.

¹⁵ Ini so mlíkí mlí tsiátò wankláán. Mlumátsiá nkpa fè aha mimláhe, mbóun mlítsia fè atansipò. ¹⁶ Ní mlenyá bréá mlòpòbwé itò wankláán á, mlumáyintá mó. Tsúfè lalahaewe lamóní alí bré ánfító. ¹⁷ Mó so mlumábwe mimlála. Mbóun mlibò mbódí amlibí t́á aní Wie tekle, amlibwe mó.

¹⁸ Mlumánu ntá bó, tsúfè iteyintá òha. Mbóun mliha Òjé Wankíhé amò òbòla mlí brégyíbré. ¹⁹ Mliwò Bulu asón wá ìbò, amlíwa ìbá Òjé Wankíhé lópòwá mlí klòntò pòtò kpla aba; amlíwa ìbò é tsu mlí klòntò kanfò aní Wie. ²⁰ Mlída aní Sí Bulu ipán tógýtátò brégyíbré, aní Wie Yesu Kristo idátò.

Akristofò Akúlu M̀ba Aká Tsiátò

²¹ Mliba iwiasí ha aba fè alíá mlíteba iwiasí há Kristo. ²² Òtsí, ba iwiasí ha fò kúlu fè alíá futeba iwiasí há Kristo. ²³ Tsúfè okúlu b̀ò túmí mò kasò, fè alíá Kristo b̀ò túmí òpasua ámuwò. Òpasua ámu gyí mò òyolòb̀ò, Kristo amò onutó gyí mó Òlepó. ²⁴ Alí ámuò òpasua ámu teba iwiasí há Kristo amò a, alí kén òká é òbá iwiasí ha mò kulu tógýtátò ni.

²⁵ Akúlu, mlidwe mlí aká fè alí ámuò Kristo lódwe òpasua ámu, tsúlá b̀òmò mò mó so ámu. ²⁶ Kristo lótsulá b̀òmò mò pótun òpasua ámu iwí há Bulu. Olebie òpasua ámu ntsu, pò mò asón ámu gyóra mó iwí. ²⁷ Omekleá ifin pò asòwans bétsiá òpasua ámu iwí, ntéé mò òtunekò ìb̀òkpòkp̀òwò t́á, méní ìb̀òwa mò onutó ámu akilé fè obitebí, òb̀ékpá mò ba mò iwí wá. ²⁸ Alí kén lehíán aní oyin òb̀òdwe mò ka fè mò iwí ní. Oyin aní òtòdwe mò ka tòdwe mò onutó iwí. ²⁹ Tsúfè òhaa tamalú mò iwí, bulá òtebòlá mò iwí, kí mò iwisò wankláán fè alíá Kristo é t̀òbwé há òpasua ámu. ³⁰ Tsúfè aní f́éé anigyi Kristo òyolòb̀ò iwí ntobí. ³¹ Fè alíá b̀òwanlín wá Bulu asón ámuòtò b̀éé, “Iní so oyin òb̀énatí sí mò sí m̀wa mò yin, yéamantá mò kasò. Fòwun amò abanyò ámu b̀òbwe òyolòb̀ò kòlè” ni. ³² Ònəkwalí, Bulu asón yéainhé anfitò b̀ò odwin. Ndekú mbéé, Kristo m̀wa òpasua ámu iwí asón igyi. ³³ Mlí é mlí asón igyi. Mó so ntráa nde mlí bláa mbéé, oyinyíoyin òdweé mò ka fè mò onutó iwí, òtsí é obu mò kulu.

6

Abí M̀ba Akwípò

¹ Abí, mlía aní Wíenyò mlilabwé kòlè. Mó so mlibu mlí akwípò. Tsúfè mógyí t́á ìda òkpa aní mlòbwe ní. ² Iní gyí mblá ámuòtò gyankpapòá òlèhíe oyúla mantá m̀sòsò ní. “Bù fò sí móá fò yin, ³ méní ìb̀òwa alé há fò. Fòwun f̀édan fulí nwan fò nkpa ánfító.”

⁴ Abí así, mlumátsiá wá mlí abí òbló. Mbóun mliyaí amò, amlisuna amò ató alíá aní Wie tekle.

Nkpábi Pó Amó Awie

⁵ Nkpábi, mlibu mlí awíe. Mlunya amò ifú, amlibu amò tsu mlí klòntò fè alíá mlitobá Kristo. ⁶ Mlumábwe yilé amò ansítò alíá b̀ékanfò mlí so. Táme fè Kristo nkpábi a, mlibwe ató tsu mlí klòntò fè alíá Bulu tekle. ⁷ Mlibé iwíto yò agyómá ansigiyísò há amò, fè Kristo mlidé mó yò há, megyí nyankpòsa. ⁸ Mlídunka ansí aní aní Wie òb̀éka òhagyiòha ìkò, itò wankláán kugyíkòá òlòbwe so. Ní òkpábi f̀ogyi ó, futsie fò iwisò ó.

⁹ Awíé, mlí é mlíkita mlí nkpábi wankláán, fè alíá nablí b̀òtsò. Mlumábwe amò kpònkpòun. Mlikaan aní mlía amònyò f́éé owíe ámu b̀ò òsòsò. M̀wò mó òtamakí òhaa ansítò.

Bulu Akòtò

¹⁰ Mí asón tráhe-tráhe gyí, apíó, mlítsun ania aní Wíenyò ìkòlèbweeso amlíha mò òwa mlí òwonlín tsu mò túmí kpònkpòntí ámuòtò. ¹¹ Mlídida isá-akòtò f́ééá Bulu lahá mlí òb̀éé, mlípòkò Òbònsám, méní mlétalí líí mò òmlè ámu ònò. ¹² Tsúfè megyí ania anyánpòsa dèkò. Mbóun ania òjétsò túmí laláhe, atúmipò pò òjé laláheá b̀òbò òyí klúnhe anfitò pò òtíneyíòtíné dèkò. ¹³ Mó so mlídida Bulu akòtò ámu f́éé, méní ekeá lalaha kò ifwíé mlíto á, mluméesrí, mlétalí líí mò ònò, trá nya òjé wá òwonlín líí kinkínkín.

¹⁴ Mó so mlíkòsò, amlída iwíso. Ònəkwalíwa ìbwéé òf́éá ìklí mlí osiésò. Yilébwe ìbwe mlí kántò-atíntò. ¹⁵ Iwisuda há iwílwíi asón wankláán ámuòtò kutá pò mó blí ìbwéé mlí isátò ntòkòta. ¹⁶ Iní f́éé òma a, mlíkita Kristo hógyi ámuòtò brégyíbré. Ìbwéé mlí atíntòá mlòpòtin mlí iwí, méní Òbònsám mbun p̀ìsòp̀ìsòn ámuòtò ìdetsòun ámuòtò kòkò umòòwò mlí. ¹⁷ Mliwò Bulu nkpháò amò bwe mlí kòtòpa. Mlíkita Bulu asón ámuòtò, ìbwe mlí isátò òdayí aní Òjé Wankíhé amò tehá mlí. ¹⁸ Mliha Bulu Òjé ámu òkpa mlí, amlibò mpáí brégyíbré. Mlikihí Bulu, òtsa mlí òkpagyíòkpaso. Mó so mlídunka ansí iwisò. Mlumási mpáí b̀ò há Bulu ahá f́éé. ¹⁹ Mlibò mpáí ha mlí. Ní nobwíí ònò á, Bulu òpòb̀ò mò asón ámu wá mí ònò; òha mí antalí wa klòn blí asón yéainhé amò ìbò mò asón wankláán ámuòtò ámu f́éé. ²⁰ Asón ámu iwí sumbí òyòpò ngyi. Mó òkanda só nda obu ní. Mlibò mpáí mlíaa, Bulu òhá mí antalí wa klòn blí mò alíá ìlehíán.

²¹ Osúmbi ɔ̀nɔ̀kwahɔ̀ anɔ̀ pɔ̀ ɔ̀dwepó Tihiko gyí anɔ̀ Wíe agyómá ámɔ̀tɔ̀. Ɔ̀bɛ̀bláa m̀lɔ̀ mí ɔ̀wɔ̀ asón f́éé, ḿenɔ̀ m̀lébɔ̀ alíá ngɔ̀l pó t́á ndɛ̀bwɛ̀. ²² Inɔ̀ kóún sɔ̀ ndɛ̀ m̀w wa m̀lɔ̀ wá ní. Ndeklé mbéɛ, ɔ̀bɛ̀bláa m̀lɔ̀ alíá t́ógýítɔ̀ ɔ̀dɛ̀ m̀úsó yɔ̀ nfi. Ɔ̀tɔ̀ kplá m̀lɔ̀ p̀wáa m̀lɔ̀ ɔ̀wonlín.

²³ Ɔ̀sɔ̀ Bulu m̀wá anɔ̀ Wíe Yesu Kristo boháa m̀lɔ̀ ahógýipɔ̀ am̀w f́éé iwílwii. Boháa amlɔ̀tsia dwɛ̀ aba, m̀lɔ̀ ansí ɔ̀dɔ̀nka Bulusɔ̀ bré f́éé. ²⁴ Ogyíi ahá ání b̀tamasí anɔ̀ Wíe Yesu Kristo dwɛ̀ f́éé b̀wale.

ᾠωλοῖά Paulo Λῶwanlín Sísí Filipifó

Itsíðha

¹ Mí Paulo pó aní pió Timoteo aní anigýi Kristo Yesu asúmpó dé ᾠωλοῖ aní wanlín sísí mli Bulu ahá aní mliḅo Filipi wúluto, mliha Yesu Kristo mliḅawé kole. Mliha mli ᾠpasua ahande pó amó abóapo fée anidé mó wanlín sísí.

² Aní Sí Bulu moa aní Wíe Yesu Kristo ḅogyíi mli ḅoale, aboḅha mli iwílwii.

Paulo Atáskoli Pó Ipánda

³ Ntédá mí Bulu ipán ní nekáin mliḅo brégyíbré. ⁴ Brégyíbréá nde mpáí ḅo há mli fée á, ansí tegyi mli. ⁵ Tsúfē tsú ekeá mliḅótsḅo ason wankláán ámu nu á, mliḅé aní tsa anidé mó okan da ḅoto nde. ⁶ Nyin aní Bulu ámóó olefi agyómá wankláán ámu así mliḅo ámu kén obóyo mósó alu yófon Kristo Yesu obáke amó. ⁷ Ulekanáa aní nósusúu mli fée iwí alí, tsúfē ntehié dwé mli. Iníá nda obu, ntéé ndeko ason wankláán ámu nwnusḅo, mliḅíí mí oḅa a, aní fée Bulu dé ḅoale gyí. ⁸ Bulu yin aní ntosúsu mli iwí, ntehié dwé mli fē alíá Kristo Yesu tḅdwé mli.

⁹ Nde Bulu kokóli mbéé, áhá amlidwe aba don alí, amlitun ansí, nú asón ámu é así wankláán, ¹⁰ méní mlébi tḅá ihé iḅu alé, amlitsia nkpa aní mó iwí letun, olala uma mó iwí, alu yófon ekeá Kristo obélabá. ¹¹ Yesu Kristo áhá mo yiléḅwe iḅola mliḅo fē alíá oyí toswíé abí, ipḅo numnyam móa kanfó ha Bulu.

Paulo Ikantódi Léha Bulu Asón Lekléi

¹² Mí apíó, ilehián aní mlébi aní ukplán anfi ilató mí anfi lahá ason wankláán ámu laktéi tsía. ¹³ Tsúfē ohagyíðha aní obḅo nfi, pó isá akapóá ḅotogyo owíe wóyí aná fée babí aní Kristo-ḅúo su nda ikantó. ¹⁴ Mí ikantódi su apíó tsḅotsḅotsḅo bapó ansí dínká aní Wíeso. ḅohíé ḅode klḅon wa dá ason wankláán ámu okan, ifú medé amó.

¹⁵ Iḅo mótóá mí iwí olu pó mí iwí ahin só ako ḅode Kristo iwí asón ámu okan da. Táme amó ako é balé klḅonto ḅode mó ḅwe. ¹⁶ Alí ahá anfi ḅodeḅo mí iwí ḅdwe dá ason wankláán ámu okan. Tsúfē ḅoyin aní Bulu lóḅo mí ba nfi aní mbéḅri mo asón ámu nwnun. ¹⁷ Ahá ámóó ḅomedé Kristo iwí asón ámu okan da tsú amó klḅonto ámu mó á, amó nkole inya su ḅode mó ḅwe. Nda ikantó su ḅodekléá béyintá mí iwí tsía.

¹⁸ Táme imedé mí han, ní yilé só ḅode mó ḅwe o, lalahe su o. Móá ide mí hián gyí, banyá ḅode Kristo asón ámu okan da ni. Iní só ansí ihé de mí gyí ní. ¹⁹ Tsúfē nyin aní mli mpáí pó Yesu Kristo ḅḅé ámu obékpá mí, nédali ukplán anfitó. ²⁰ Nhié nyin, mḅo ḅogyí aní mmóḅḅwe tḅá iḅéha péli békítá mí. Mḅouin nétrá wa iwí ᾠwanlín, méní ní lowu ígyi o, nkpa ígyi o, mí tsiát fée iḅówa Kristo numnyam. ²¹ Tsúfē ní ntsie nkpa á, ntsie ha Kristo. Ní nowú é á, iḅówa mli labi don. ²² Táme ní ntráa ntsie oytít á, négyi gyoma aní iḅówa labi há mí. Iní su mmowúun móá nléé. ²³ Nagyígyáa, táme iḅo mí aléá néyétsiá Kristo wá mḅouin. Móḅo alé don. ²⁴ Táme mli su iḅo aléá nétsiá nkpa. ²⁵ Nyin alí. Mó su nétsiá mli wá abóyo agyómá ámu, méní mlédan, nya ansigýi mli Kristo hógýi su. ²⁶ Mó mó bréá neyínki bá mli wá á, mlénýa okpa kánfó Kristo Yesu, itó ámóó alabwé há mí ámu su.

²⁷ Tḅá idehián séi gyí, mliha mli tsiátó ikana Kristo ason wankláán ámu. Mó mó ní neḅá mli wá ó, mmeba ó, nónu aní mliḅí kinkíinkín ikoleḅweto; mliḅé hógýi amóó iḅo ason wankláán ámoto ámu é nwnun príi. ²⁸ Mliḅmánya ahá aní bókóso líi mliḅo ifú okpa okokosḅo. Mli uklḅonwa iḅóḅwe osúna há amó aní Bulu onutó obéhi amó fée, táme obóḅo mli mó nkpa. ²⁹ Tsúfē megýi Kristo hógýi nkole só Bulu lóḅohá mli. Mḅouin alíá mlówun ipian há mo é. ³⁰ Isá ámóó mliḅówun aní ndeko ámu kén mliḅéko á. Mó kéntó ntráa mḅo ni.

2

Mlikasi Kristo Iwasíḅá

¹ Mliha Kristonyo mliḅawé kole. Mó su alawá mli ateto-onlun. Mo ḅdwe lalwíi mli klḅon. Mliha mo ḅḅé ámu koleḅwe su alahá mliha mli aba mliḅawé kole, mliḅé iko tsu lé mli aba asóntó, mliḅé aba nwe wúun. ² Mó su mliḅwe kole, amlitsula dwe aba tsa mli klḅonto. Mliḅwe agywun kole, amliyó agyómá wa abatḅo pḅha mí ansigýi ifon. ³ Mliḅmábwe awónsipó. Mliḅmátsu iwí. Mḅouin mliḅa iwasí, amlitsu mó aní mli aba ḅudḅon mli. ⁴ Mliḅmádunká mli nkole klé. Mliḅdunka mli aba é klé. ⁵ Mliha mli agywun iḅwe fē Kristo Yesu klé.

⁶ Iníá oléhan Bulu okpagýiokpasó o á, ᾠmḅḅwe agywun aní obótsu mo iwí aní moa Bulu ḅogyi kékéé.

⁷ Mḅouin olesi mo tógýitó ᾠmagýáa, ḅwé mo iwí osúmpó.
Bokwí mo fē alíá bokwí ohagyíðha.

- 8 Mv nyankpɔsabwetɔ á, ɔleba iwasi. Olobu atɔ alu wu oyikpaliheso, fɛ lalahɛ ɔbwepɔ.
- 9 Inɩ su Bulu lɔtsu mv fɔá ya ɔsɔsɔúsɔ, há mv dá ání idɔn adá fɛé,
- 10 ménɩ ntobíá bɔbɔ ɔsɔ mɔa asi pɔ ɔsɔlɔv ayasi béda akpawunu há mv;
- 11 ɔhagyíɔha ɔbéle blí ání “Yesu Kristo gyí Owíe!” pɔwá anɩ Sɩ Bulu numnyam.

Mliwankɩ Fɛ Ntsrakpabi

12 Inɩ su apíɔ adwepɔ, alɩ ámóú mliɔbú mí bré ámóú mbv mli wá ámv a, iná mma mli wá ó á, mliɔ mbódí amlibwɛ mɔ alu. Mliɔv ifú mɔa kpunkí ya mli nkpahɔv agyómá ámv mɔ ɔnɔ. 13 Tsúfɛ Bulu onutó dé agyómá ya mliɔv. Alahá mliɔv tsúlá mlidɛ mv apé mɔa tɔá otekle bwe. 14 Mliɔv ntéɛ gyi tógyítá mlɔbwe iwɩ nwéɛn, 15 ménɩ alala méetsiá mli iwɩ; mli iwɩ bétɩn, fɛ Bulu ahá bré ání mliɔv lakpan kugyíkɔv abwepɔ ɔyí ánífɔ. Mliwankɩ fɛ ntsrakpabi ámó ansítɔ. 16 Mliɔv mɔsú amlibla ahá asón ámóú itehá nkpa ámv, ménɩ mli su nétalí pɔ ibi sí kántɔ ekéá anɩ Wíe Kristo ɔbéleba, ání mí mbódí ntéɛ mí gymagyihɛ mɔbwe kpaalɩ. 17 Táme ní ibéba mótɔ ání bɔpɔv mí obugya wólí asɩ fɛ ntá mli hógyi iwɩ afɔdɛ pɔ Bulu agyómá ání mlidɛyɔsv kórará á, ibɔwa mí ɔdwe. Ansi bégyi mɩa mliɔv fɛé. 18 Mv su iwá mli ɔdwe, ansi igyi anɩ fɛé.

Timoteo Mva Epafrodito

19 Ní anɩ Wíe Yesu lɔtsulá á, imɔɔwa ɔpá nɔwa Timoteo mli wá. Ní oyínkí bebláa mɩ ání mliɔv wankláán á, ansi bégyi mɩ. 20 Mma ɔhá ání olotsu ikv lé mli asúntɔv dɔn mv. 21 Tsúfɛ atráhe amv fɛé bɔdɛ amv onutó klé kí, megyí Yesu Kristo klé. 22 Táme mliɔv alíá Timoteo lagyi mɩ iwɩ adánsɛ wankláán. Alatsá mí anladá ason wankláán ámv ɔkan fɛ obí mɔa ɔsí. 23 Mv su nde ɔkpa kí ání ní nenyá wun tɔá ibéba msv nfi pé á, nɔwa mv mli wá. 24 Nahogyiá anɩ Wíe ɔbékpa mí, imɔɔwa ɔpá mí onutó néba mli wá. 25 Táme nɔbwe agywɩn ání nélayínkíá Epafrodito sísí mli. Anɩ pío ání mɩa mɔvɔv anidɛ agyómá ya, anidɛkɔv ason wankláán ámv nwunsv. Mvgyí mli bí ání mliɔv mliáa, ɔhá beki msv nɩ. 26 Tsúfɛ ɔdɛ mliɔv kaín dɔbɩ. Ihíe de mv háan, tsúfɛ mliɔv mliɔv mli. 27 Lélɛ mɔ á, alalɔ sian wu, táme Bulu lɔwun mv nwe. Megyi mv nkole, mɩa mɔvɔv fɛé, ménɩ awirɔhɔ mɔɔdɔv mɩ kitá. 28 Mv su nhíe ndekléá nɔkɔsí wá mv mli wá, ménɩ ní mliɔv wun mɩ a, ansi bégyi mli. Mí é mí ason susúhɛsv békalá kúká. 29 Mliɔv pɔ ansigyí hɔ mɩ fɛ mli bá Okristoyin, amlɩv obú ha mva ahá ání bɔgyi fɛ mv. 30 Tsúfɛ olesi mv nkpa há Kristo agyómá ámv. Olekle owu mótɔ bréá ɔlɩ mli dátɔ, mv nkole ɔdɛ tógyítá tekɩ ní mliɔv nfi mlɔbwe há mí bwe.

3

Yesu Lówu Hɔ Anɩ Nkpa

1 Itráhe a, mí apíɔ, anɩ Wíe sv mliɔv ansigyí. Imɔkókɔpɔn mɩ ání nétrá wanlín ason kua kole anfi sísí mli. Igyi asón ání ibékpa mli é. 2 Mliɔv aha lalahɛ anfi bɔgyi fɛ akíá anfi wankláán. Lalahɛ abwepɔ bɔgyi, bɔdɛ ahá háan beɛ bɔtɩn keté kpaalɩ. 3 Tsúfɛ anɩ ahá ámóú anitɔpɔ ɔɔɔɔ Wankihɛ sɩm Bulu ámv gyí keté atɩnpɔv onutó ní. Mv su abétalí tsú iwɩ itɔ ámóú Kristo Yesu labwé há anɩ ámv sv. Anitamapɔv ansi dínká tɔá nyankpɔsa lapɔv ibi bwésv. 4 Mí onutó ɔv mbv ɔkpa pɔ ansi dínká mɔv anású. Ní ɔkɔ ɔbéɛ, mɔvɔv ɔkpa pɔ ansi dínká mɔsú á, mí mbouín bɔv ɔkpa pɔ ansi dínká mɔsú dɔn. 5 Tsúfɛ bɔkwíá mí, tun mɩ keté eke kwési. Israelyin gyí. Benyamín abusuantɔv nɔtsú. Mv sv Hebriyin onutónutɔv ngyi. Mose mbla ámɔsv gyí ɔkpasv é á, Farisiyin ngyi. 6 Nehɛ wá nsi, dínká Kristo ɔpasua ámɔsv. Negyi Mose mbla ámɔsv wankláán, alala metsiá mí iwɩ. 7 Táme ntobí ání bré ámv ntekiá ibv mli labi ání fɛé á, Kristo sv nde itráa megyi mí totɔ. 8 Mɔá idɔn mɔv kórará gyí, ní nɔpókɩ alíá nɔpɔbí mí Wíe Kristo Yesu a, nawun ání ibv labi dɔn tógyítɔ. Nawun ání nahólɩ ntobí ání ntekiá ibv mli labi ání fɛé, alíá Kristo ɔbéda mɩ ibi sv. 9 Inɩ su iná mbv mv wá sv á, megyí Mose mbla ámɔsv gyí ɔbéha négyi asv Bulu ansítɔ. Kristosv hógyi mbouín ɔbéha négyi asv Bulu ansítɔ. 10 Mí agywɩn gyí, ndekléá nébɩ Kristo pɔ túmí ámóú Bulu lɔpukúsɔa mv tsú afúlitɔ ámv tsia. Ndekléá nɔwun ipian fɛ alíá Kristo lɔwun ipian wú, 11 ménɩ ɔkpagyiákpasv á, mí é Bulu ɔbókúsɔa mɩ tsú afúlitɔ!

Sri Bulo Kristo

12 Mmedéblí mbéɛ, mí ibi lada ntobí ání fɛé ntéɛ Bulu labwé mí nafon. Ntráa nde nsi wa alíá ibɔbwe mí ibi béda tɔ ámv sv ámóú Kristo Yesu ibi lada mɩ ámv. 13-14 Mí apíɔ, mmedéblí mbéɛ, mí ibi lada mɔ. Nde mɔv ámóú idetsɔvɔn amsv táan. Mɔá ida mí ansítɔ ɔkpa ngya. Mí ansi lapé, ménɩ nenyá siadiɛ ámóú Bulu ɔbótsɔn Kristo Yesusv tí mí nɔyɔ mv wá ɔsɔsɔ ámv.

¹⁵ Ilehían ání aní ahá ámbú anladan hógyitò ámò fée abòhò alí asón áñfi. Ní ụkò mówankí mli á, Bulu óbówankí mótó súná mli. ¹⁶ Táme mliha akita ọ̀nkwálí amó Bulu lasúná aní ámòtò.

¹⁷ Mí apíó, mlikasí mí tsiátó. Mlikasí ató tsu ahá ámbú bakásí aní tsiátó ámò wá. ¹⁸ Tsúfée ntetsiá bla mli asón áñfi. Nápó ntsú ntráa nde mli bláa mbéé, ahá tsòtsòtsò tsiátó losuná aní Kristo oyikpalihésò lowu ámò alupó bogyi. ¹⁹ Ahá áñfi béhí. Amó apu gyí amó Bulu. Amó numnyam é gyí péli. Ọ̀súlòsò ató ịwí pé botosúsu. ²⁰ Táme aní m̀b̀ á, ọ̀sòsò gyí aní otsiákpá. Ọ̀tíné ámbú anidé aní Ọ̀hópò, ogyi aní Wíe Yesu Kristo ọ̀kpa kú aní obòtsu ba amò. ²¹ M̀b̀b̀b̀b̀ t̀m̀i, otegyi t̀g̀yít̀s̀. M̀b̀ ọ̀b̀éba betse aní ọ̀ỳl̀l̀ẁ wuhé áñfi, b̀ẁé m̀ó f̀é m̀v̀ numnyam ọ̀ỳl̀l̀ẁ amò.

4

¹ Iní sò apíó adwepò, ntòdwé mli. Idu mí ọ̀ẁl̀í aní nówun mli, tsúfée mli sò ansí de mí gyí, nénya ipánda é! Mí adwepò, alí ilehían aní mlélí kinkin mli Kristo hógyitò ní.

Táa Bobwée

² Nde mí apio tsihé Euodia mva Sintike kokóli aní b̀ǹǹùù aba asi, tsúfée aní Wíe abúopu bogyi. ³ Mí agyómáyòbá onutò, nde fú é kókoli mbéé, fotó kpla amó abóbwe kole. Tsúfée bawá nsi tsá mía Klement pò atráhe amò anladá ason wankláán ámò ọ̀kan. Bulu lawánlín amó adá wá nkpa aní itamatá atsiápó ọ̀ẁl̀l̀t̀.

⁴ Mlihié nya ansigyí aní Wíe sò brégyibré! Ntráa nde mli bláa mbéé, mlihié nya ansigyí!

⁵ Mliha ọ̀hagyíọ̀ha owun aní mlilólwíí. Aní Wíe ịbábi lafon. ⁶ Tòtò imáhan mli. Mboun kugyíkòá igyí á, mli b̀m̀p̀á kòkòli Bulu dunka m̀s̀s̀, amlida m̀v̀ ipán. ⁷ M̀ǹi Bulu ọ̀b̀éha mli iwílwíí aní idon bí, ịbékpa mli klon pò mli agywun, mliha Kristo Yesu ịkolebwe.

⁸ Itráhe a, mí apíó, mli pò mli agywun dunka tóá igyí ọ̀nkwálí, tóá ịb̀t̀í ọ̀b̀ú, tóá ịda ọ̀kpa, tóá m̀ó ịwí letin, tóá itegyi ahá ansí pò tóá ahá b̀ékanf̀s̀. Mli gywun tóá ịb̀ẁ alé, ahá b̀t̀ékanf̀ó aná ịwí. ⁹ Mli ọ̀ m̀s̀s̀ amlipò ntobí áñfi nasúná mli áñfi, móá mlilónu tsú mí wá pò móá mlilówun mli nòbwe fée wa mli tsiátó, m̀ǹi Bulu ámbú ọ̀téhá iwílwíí amò ọ̀b̀ékpa mli.

Ipánda

¹⁰ Bulu lahá ansí ihíe de mí gyí, tsúfée mlidatráa kaín m̀s̀s̀. Nawun aní mli m̀d̀k̀s̀í mí ịwí gywín, táme talí mli m̀t̀alí lé mó súná. ¹¹ Mmedé asón áñfi, bí p̀s̀s̀úná aní m̀b̀ẁ ịkplántò, tsúfée nakási, nabí ahá tóá m̀b̀ẁ ịb̀f̀on mli, ní m̀b̀ẁ óó, mma óó! ¹² Nasúan ahá ǹp̀t̀s̀iá ní m̀b̀ẁ óó, mma óó. Nabí ahá tsiátó kugyíkòtá m̀b̀ẁ ịb̀égyi mli ansí. Ní ntsie akón o, namwé o, m̀b̀ẁ o, mma o. ¹³ Ntetalí b̀ẁé t̀g̀yít̀s̀, tsúfée Kristo t̀ẁwá mí ọ̀ẁonlín.

¹⁴ Mó alí óó á, ịb̀ẁ aléá mlilatsú ịkò lé mí ịkplán anfitò. ¹⁵ Mó ọ̀ma a, Filipifó, mliyin aní bréá nòtsò mli Yesu Kristo ịwí ason wankláán ámò bláa, nedalí Makedonia ọ̀mátá á, mli ọ̀pasua áñfi nkolé dé mí b̀ẁá, mli dé mí ató sísí ní. ¹⁶ Bréá ntráa m̀b̀ẁ Tesalonika wúluta kóráá, ịwí lékplan mli á, mlilétsiá sísí mí. ¹⁷ Megyí b̀eé nde t̀k̀k̀ kólí tsú mli wá. Mboun ndekléá mli nýá t̀k̀k̀ dunka awítalé amó mli d̀éwa há mí ámòsò. ¹⁸ Mí ịb̀ lada t̀g̀yít̀s̀á mlil̀p̀h́á Epafrodito mli aa ọ̀p̀ẁ ba mli. Itso kóráá d̀b̀i. Mó sò nanyá t̀g̀yít̀s̀á ịb̀h́ián mli. Itó áñfi mlilabwé áñfi igyí fée mlilahá Bulu igyí aní ịb̀ẁ ọ̀fan fánfánfán, ịlagyi m̀v̀ ansí. ¹⁹ Mí Bulu ọ̀b̀éha mli t̀g̀yít̀s̀á ịd̀e mli hián tsú m̀v̀ numnyam ató tsòtsòtsòá ịb̀ẁ amia Kristo Yesunyò ịkolebwe. ²⁰ Numnyam ịb̀ẁé aní Sí Bulu klé bré fée. Amen!

Ikla

²¹ Nehá Bulu ahá aní bogyi Kristo Yesu klé fée itsiá. Apíóá b̀b̀b̀ mí wá nfi é behá mli itsiá. ²² Bulu ahá atráheá b̀b̀b̀ mí wá nfi fée b̀d̀e mli itsiá ha. Titriu amóá b̀ts̀ú Roma owíe dehen wóyító.

²³ Aní Wíe Yesu Kristo ogyi mli buale.

Ɔwolóá Paulo Lówanlín Sísí Kolosefo

Itsídhá

¹⁻² Mí Paulo ání Bulu apé sɔ nabwé Yesu Kristo sumbí ɔyɔpɔ pó aní pió Timoteo dé ɔwoló ánfí wanlín.

Anidépɔsísí aní apíóá bɔgyi Bulu ahá, bɔbɔ Kolose wílutɔ, bɔbɔ ɔnɔkwali há Kristo Yesu, mɔa amónyɔ é babwé kole.

Aní Sɪ Bulu mɔa aní Wíe Yesu Kristo bɔgyii mli bɔale, abɔha mli iwílwii.

Ipánda Mpáí

³ Amtedá aní Wíe Yesu Kristo mɔ Sɪ Bulu ipán brégyíbréá anidé mpáí bɔ mli nwunso. ⁴ Tsúfɛ anílanú ání mlílóhɔ Kristo Yesu gyi, mli bɔ ɔdwe é há Bulu ahá fɛé. ⁵ Mli dé ɔkpa kí ha t́á bapóyáí há mli ɔsósó; fɛ ahá mliyin tsú bréá mlilégyankpá nu ɔnɔkwali asón ámbó igyi Bulu ason wankláán ámu. ⁶ Ason wankláán ámu kén déklei wá ɔyító, ide ahá tsiátó tséé ɔtinegyiótíné; fɛ ahá detse mli tsú ekeá mlílónu mó, mlilébí ání lélé Bulu tegyi ahá bɔale. ⁷ Aní osúmɔa ɔdwepɔ Epafra gyí ɔhá ání ɔlɔpɔ ason wankláán ámu ba mli. Yesu Kristo osúmbi ɔnɔkwali pɔ ogyi, ɔde mli bɔá aní ɔfansu.* ⁸ Móléba bebláa aní ɔdweá Ɔye Wankíhé amu lapówá mlítɔ.

⁹ Mó sɔ anumókósi mpáí bɔ mli nwunso tsú ekeá anílónu mli iwí asón ánfí. Anidé Bulu kokólí aniaa, ɔháa amlíbi mɔ apé kugyíko wankláán. Ɔháa mɔ Ɔye Wankíhé amu ɔha mli nyánsa mɔa asón asunu fɛé. ¹⁰ Méné mlétali tsíá tsiátáá íbówa aní Wíe numnyam, amlígyi mɔ aní ɔkpagyiɔkpasu. Ɔháa amlíbwé yilé brégyíbré, trá bɪ Bulu tsia. ¹¹⁻¹² Ania ɔháa mɔ túmiá mó ɔnɔ bɔ ɔnlín iwa mli ɔwonlín, amlítali tomí, nya klɔn, pɔ ansigyi da aní Sɪ Bulu ipán. Móláhá mlílafɔn ání mli mɔ ahá mlénya agyapadié ámbó alalá yáí mɔ iwíegyi wankíhéto ámu íko. ¹³ Tsúfɛ mólálé aní tsú ɔhá ámbó ɔde oklúnso gyí amu túmi asu, pó aní ba mɔ Bɪ ɔdwepɔ ámu iwíegyi amɔtɔ. ¹⁴ Mɔ Bɪ ánfisɔ ɔlɔtsɔn hɔ aní, alási aní lakpan kíe aní ní.

Kristo Don Tógyító

¹⁵ Ɔhaa tamawun Bulu, Kristotɔ ɔlelín ɔwan. Ɔbɔ mɔ asa Bulu lóbwe tógyító, ɔdon Bulu itɔ bwehé kugyíko. ¹⁶ Mósó Bulu lótsɔn bwe tógyítáá íbɔ ɔsó mɔa asi. Mɔá botowun pó mɔá botamawun fɛé, ɔjéto awíe, ɔmásogyi túmi, atúmipɔ, pó isɔ agyípo fɛé. Mósó Bulu lótsɔn bwe ɔyi fɛé, pówá mɔ numnyam. ¹⁷ Ɔbɔ mɔ asa tógyító lefi asi. Mósó ató ámu fɛé ide agyómá yɔ wá abato. ¹⁸ Mogyi nwun há mɔ nyankpɔsa-oyí, igyi ɔpasua ámu, ɔde mó nkpa ha. Mólégyankpá kósó tsú afúlítɔ, ogyi tógyító nkpa ogyápo. ¹⁹ Tsúfɛ íbɔ Bulu ɔdwe ání mɔ tsiátó fɛé bétsiá mɔ Bɪ ámɔtɔ. ²⁰ Mósó Bulu lótsɔn yinkia tógyítá ba mɔ iwí wá. Ɔlɔtsɔn mɔ obugya amóú ídɔwólí asi bréá beda mɔ mantá oyikpalíhe amosɔ pó iwílwii wá mɔa tógyító nsuné. Mɔa íbɔ ɔsósó pó mɔá íbɔ ɔsolóso fɛé.

²¹ Teki mli é mlíédamli ɔma há Bulu, mli gyi mɔ alupó mli asón susúhe pó mli bwehé láláhe sɔ. ²² Táme séí á, útráa megyi alí. Kristo lóbwe nyankpɔsa, olowu. Bulu lótsɔn mɔ oyikpalíhesɔ lowu ámosɔ lá mli mɔnyɔ nsuné. Mó sɔ ifin pó asɔansu má mli iwí, ɔbékpa mli ba mɔ ansító. ²³ Táme ilehián ání mlíhɔ asónsɔ ánfí gyi, líí kinkíínkín. Mlí máha abɔtse mli agywuɔn le itó ámbó mli dé mó ɔkpa kí, ason wankláán ámu lapóba mli ámosɔ. Ason wankláán ánfí osúmpɔ mí Paulo ngyi ní. Asón ánfí ɔkan bɔdɔda ɔyító fɛé é ní.

²⁴ Íbɔ mɔ ansigyi ání nde ipian wúun mli sɔ. Tsúfɛ nde iwíwɔsɔn ámbó Kristo lówwun sian amu ko wúun ha mɔ ɔpasua, igyi mɔ nyankpɔsa-oyí ámu. ²⁵ Bulu lópo mɔ asón wankláán ámu wá mí íbɔtɔ, ání ndáa mó fɛé ɔkan suna mli, ampɔsum ɔpasua ámu. ²⁶ Ɔlɔpɔ asón ánfí njáín bímbí ɔpá, táme alalé mó ɔwan súná mɔ ahá séí. ²⁷ Íbɔ Bulu ɔdwe ání ɔbélé mó ɔwan súná mlíá mlímégyi Yudafo. Ason njáínhé amu gyi, Kristo tsie mlítɔ. Íbɔ íbíá, íbɔ numnyam é. Módesuná ání abénya mɔ numnyam amu íko ní. ²⁸ Mɔ iwí asón anidé ahá fɛé bláa, anidé amó ɔlá da, pó nyánsa ámbó Bulu lahá aní ámu súná amó ató; méní b́fɔn, abékpa amó ba Bulu, amóa Kristo íkolebwetɔ. ²⁹ Ínɔ sɔ nahíe ndeprí, pɔ Kristo túmi ámbó íbɔ mlítɔ ámu yó agyómá ní.

2

¹ Ndekléa mli bí uprí ání ndeprí ɔwonlínso, mli ɔpasua ámbó íbɔ Laodikea pó ahá ámbó bɔmókówwun mli kí amu fɛé nwunso. ² Nde mó bwe pówá amó ɔwonlín, abɔbwé kole, dwe aba, nu asón asi wankláán, méní bónu Bulu asón njáínhé ámbó igyi Kristo amu fɛé asi. ³ Kristotɔ Bulu lópo mɔ atonyahéá igyi mɔ nyánsa pó mɔ asónbí fɛé wá.

* 1:7 Mli ɔfansu bɔ nwóló dada amu akotɔ.

⁴ Nde mli asón ánfí bláa, méni ohaa mɔɔpɔ asón ání ibɔ anulé kɔkɔ bɛmlé mli. ⁵ Ibo mótóá mbɔ ífó mli wá, táme ntosúsu mli iwí brégyíbré. Ansí é ide mí gyí ání mlitsie wankláán, mlilí kinkíinkín Kristosɔ hógyito. ⁶ Iná mlilahɔ Kristo Yesu gyi ání mogyí mli Wíe sɔ á, mliyo mósó mlia mɔnyɔ amlibwɛ kole. ⁷ Mli é mlíhe lu kinkíinkín Kristo hógyito, amlunya ɔwonlín tsu mlia mɔnyɔ ikolebwɛto. Mliyo mósó amlíhɔ mɔ iwí asón ámóó bɔde mli suná, igyi ɔnkwalí amɔ, fé alá oyi nlin tayɔ ɔtótótó, yódúnká ntsu há mó itedan, amlida Bulu ipán é brégyíbré.

⁸ Mlumáha ɔkpa ohaa ɔmle mli, pɔ mɔ ansítún móa afunu asón ání igyi amándiéá anyánkɔpɔsa bɔwa kɔkɔ, itsú ɔhé ntée túmiá ide ɔyi ánfisɔ gyí, imotsú Kristo wá beha amlumli mɔ nkpábi. ⁹ Tsúfé Kristotɔ Bulu tsiátó onutónutó ámɔ féé ibɔ nyankɔpɔsa ɔkpasɔ. ¹⁰ Iná mlia Kristonyɔ mlilabwé kole sɔ mlilafon. Mogyí ohá ání ɔbɔ túmi ɔhéto atúmipɔ pɔ iso agyípo féésó.

¹¹ Mlia mɔnyɔ ikolebwɛ sɔ aladínki mli tsiátó dada amɔ lé mli sɔ fé alí ámóó botetin keté, dínki awólí lé mósó ámɔ. ¹² Bréá bɔbɔ mli asú á, bopolá mli tsiátó dada amɔ fé alá bopolá Kristo; Bulu lókosúa mli ba nkpatɔ fé alá ɔlɔkosúa Kristo, tsúfé mlilóhogyi ání Bulu bɔ túmi kósúa mɔ tsú afúlitɔ. ¹³ Teki mli lakpan pɔ mli tsiátó dada amóó bɔmáokódínki lé mli sɔ ámɔ sɔ mlilówu fé ohá ání ɔmáokótin keté. Táme séi á, Bulu lakósúa ania Kristonyɔ ba nkpa pɔpwɛto, alási aní lakpan féé kíé aní. ¹⁴ Oledínki asón ámóó bɔwanlín wá Mose mblato, ide aní ulá lé ámɔ lé anisɔ, yéda mó mántá Kristo oyikpalíhe amɔsɔ. ¹⁵ Bulu lóswí ɔhéto atúmipɔ pɔ iso agyípo túmi, ɔlékitá amó ndoun, lé amó ɔwan, wá amó pélitɔ, bré olegyi amósó Kristo oyikpalíhe amɔsɔ.

¹⁶ Mó sɔ mlumáha ohaa ɔle mli ulá mli atogyihe, mli atonuhe, nkegyí, ɔtsra pɔpwɛ nke, ntée Yudafo ɔkɔpónɔ ɔdaké aná sɔ. ¹⁷ Yiyi kéke iní féé igyi há ató ámóó íbɛba amɔ onutó. Mó onutónutó ámɔ lélun ɔwan Kristotɔ. ¹⁸ Mlumáha ɔkpa ohaa ɔmle mli amliba iwiasí sum Bulu-abɔpɔ, amlíhɔlu ipán ání Bulu léhie yáí mli. Ní ɔbée alawun tɔkɔ tsú mó iwí kóráá pó á, ɔyító ansítún láhá mɔ ɔde iwí tsu. ¹⁹ Ohá ánfí odu lamáin iwí lé Kristo amóó ogyi ɔpasua ámɔ nwun ámɔsɔ. Tsúfé ɔpasua ámuto aní féé anidétisa abaso, Kristo amóó ogyi nwun ámɔ dé aní ɔwonlín wa, méni abédan alá Bulu déklé.

²⁰ Mlia Kristonyɔ lówu. Mó sɔ mlitráa mli má ɔyító túmi kɔkɔ asi. Ntogyi sɔ mlitráa mlidé mbla ánfí anásó gyí? ²¹ Bɛɛ, “Mágyi iní. Mápɔ ibi da iní, mátsu iní é!” ²² Ní bopó ntobí ánfí féé bwé ató tá á, iteyíntá. Anyánkɔpɔsa onutó mbla pɔ amó atosunáhé igyi. ²³ Anidé mbla ánfí kíí fé t́á nyansa bɔ mótó, íbɛha abówa alé Bulu ansító, abéba iwiasí há mɔ, wá iwí ɔsin aniaa íbɛha abébi gyí iwí sɔ. Táme iní aná féé iméetalí há anuméegyí iwí sɔ.

3

Nkpa Pɔpwɛ Tsiá

¹ Mó sɔ ní Bulu lakósúa mlia Kristonyɔ ba nkpa pɔpwɛto á, mlidunka at́á ibɔ ɔsósó, ɔtíné ámóó Kristo tsie Bulu gyɔpɔsɔ ámɔ. ² Mliha agywun inɔ ató iwí, megyí ɔsulósó klé. ³ Tsúfé mlilawú, Bulu lapó mlia Kristonyɔ nkpa onutó nájín mɔtɔ. ⁴ Ekéá ɔbéele Kristo amóó ogyi mli nkpa onutó ámɔ ɔwan suná ɔyi á, eke ámɔ kén ɔbéele mlia mɔnyɔ ɔwan mɔ numnyamto ní.

Tsiátó Dada Móa Pɔpwɛ

⁵ Mó sɔ mli mɔ tsiátó dada amóó ibɔ mlito ámɔ. Mogyí; atsi móa ayin asónwa, ifintotsiá, ɔwólí laláhe móa példa. ɔyi ánfito ató wankláán imápe mli ansí, tsúfé ɔnsipe igyi fé ɔkɔpísúm. ⁶ Ntobí ánfí odu abwepósó Bulu tehíe nyá ɔblí ní. ⁷ Mó aná mlitɔbwé bréá mli gyí ɔmátósó ní.

⁸ Séi gyí bréá mléle ɔblí, ɔblíkpán, olu, abakpói, asokpan blí aná lé mlito ní. ⁹ Mlumáwa afunu suná aba, tsúfé mlilási mli tsiátó dada amɔ pɔ mó bwehé féé. ¹⁰ Mlilalátsú tsiátó pɔpwɛ. Bulu gyí mó ɔbwepó, ɔde mó bwe pɔpwɛ lian mɔ iwí bré ánfí mlidé mɔ bi ánfí. ¹¹ Tsiátó pɔpwɛ anfi mó á, imefáhon ání Griikiyin ntée Yudayin fogyi. Fetn keté ntée fomɛtin, ɔkɔpótɔpɔ ntée okudasíyin, ɔkpábi ntée ɔdíhe fogyi. Kristo gyí tógýító, ɔbɔ amó féétó.

¹² Mó sɔ iná Bulu lalé mli póbwé mɔ ahá ání amó iwí latn pɔ mɔ adwepó á, mliha nwewúun, awítolɛwa, iwiasíabá, ilwii pɔ klɔnya itsia mlito. ¹³ Mliha iklɔn ha aba. Ní ɔkɔ mɔa mɔ ba benya á, mlisikie aba fé alá Kristo lési mli klé kíé mli. ¹⁴ Móá idun a, ɔdwe tóbwé aní féé ikole. Ibweé mli tati didáhé. ¹⁵ Mliha Kristo iwílwii igyi mli klɔnsɔ, tsúfé mótó Bulu latí mli bɔwa; mliha mɔ nyankɔpɔsa-oyí ámɔ mlilabwé kole nɔ. Mliha mɔ ipán é brégyíbré. ¹⁶ Mliha Kristo asón ámɔ ihie bɔla mli klɔntɔ, íha mli nyansa. Mli pɔtɔ kpla aba, suna aba ató. Mliwa Israelfɔ ibɔ, ɔsankuosɔ ibɔ pɔ ɔhéto íbɔ mli klɔntɔ pɔtsu Bulu fɔa, pɔda aní Sí Bulu ipán. ¹⁷ Mli ató bwehé pɔ mli asɔn blíhé féé íbwéɛ aní Wíe Yesu idátó, amlipɔ ipán ha aní Sí Bulu tson mɔsɔ.

Akristofɔ Tsiátó

¹⁸ Aká, mliha iwiasí ha mli akúlu alá ilekanáa ha ahá ání bogyi Kristo klé.

¹⁹ Akúlu, mli é mlidwe mli aká. Mlumábwɛ amó kpóunkpóun.

²⁰ Abí, mliha mli akwítópó, tsúfé mó Bulu tekle nɔ.

²¹ Akwítópó, mli mliha mli abí ɔblí, méni iwí móowu amó.

²²Nkpábi, mlibu mli ɔsɔlɔsɔ awíe tógyítá mlɔbweto. Mliha amó ansí igyi mli iwɔ brégyíbré, megyí amó ansítɔ wɔle. Mlibwɛ mɔ tsú klɔntɔ, tsúfɛ mlɔtɔbú aní Wíe. ²³Mlibwɛ tógyítɔ tsu mli klɔntɔ, fɛ aní Wíe mlidɛ mɔ bwɛ há, megyí anyánkɔpɔsa. ²⁴Mlikam aní aní Wíe ɔbɔ mlénya mli ikáká aní alalá yáí mɔ abí. Tsúfɛ Kristo gyí Owíe aní mlidésu. ²⁵Támɛ ní fɔbwé tɔá ma alɛ a, ɔbéka fɔ ikɔ, tsúfɛ ɔtamakɔ ɔhaa ansítɔ.

4

¹Nkpábi awíe, mliɔ tɔá ɔbɔ alɛ, igyi ɔnɔkwali kpa mli nkpábi, tsúfɛ mli é mlibɔ Owíe ɔsɔsɔ. ²Mlikita mpaɔbɔtɔ. Mlidunka ansí iwɔsɔ, ipánda é itsia mli klɔntɔ. ³Mlibɔ mpáí ha aní é. Bulu ofinkɔ ɔkpa ha aní atali da Kristo iwɔ asɔn nǎínhé amɔ ɔkan. Mɔ sɔ nda obu ní. ⁴Mlibɔ mpáí mliha, ndáa mɔ ɔkan wankláán, alá ilehián. ⁵Mlikɔ mli náttɔ ɔmátɔfɔtɔ. Ní ɔkpa ifinkɔ há mli á, mli máyintá mɔ. ⁶Mli itɔi iwa anulɛ, iwa labi, méní mlétalí lé ɔhagyíɔha asɔn fitéhé ɔnɔ wankláán.

Tklá

⁷Ania opíó ɔdwɛpɔ Tihiko dé aní Wíe agyómá yɔ. Osúmpɔ ɔnɔkwaliɔnɔ ogyi. ɔbébláa mli alá mí iwɔ gyí fɛé. ⁸Nawá mɔ mli wá mbéɛ, ɔbébláa mli alá aní iwɔ gyí, ɔwa mli atɛtɔ-ɔnlɔn. ⁹Mɔa aní píó ɔdwɛpɔ ɔnɔkwaliɔnɔ Onesimo, ogyi mli pi amɔ ɔbéba bebla mli asɔn aní ilaba nfi fɛé.

¹⁰Aristarko, mí bá aní mía mɔnyɔ anɔda obu ɔhá mli itsiá. Alí kén Marko, ogyi Barnaba mɔ pio ámɔ é ɔhá mli itsiá ní. Mliho Marko ɔfɔ wankláán, ní ɔlɔtsɔn ba mli wá fɛ alá nebláa mli yáí. ¹¹Opíó Yesu, ɔtɛtráa tɔ mɔ Yusto é ɔhá mli itsiá. Ahá abasá ánfɔ pé gyí Yudafɔá mía amónyɔ anidɛ Bulu iwíegyi ámɔ iwɔ agyómá yɔ ní. Amó tɛkítá klɔn wá mí iwɔtɔ ní.

¹²Epaфра, ɔtsú mli wá, ogyi Kristo Yesu osúmbi amɔ é ɔhá mli itsiá. ɔtɛhíé ɔ mpáí há mli aní Bulu ɔwáa mli ɔwɔnlɔn, ɔha amlifɔn, amlitali bwɛ Bulu apɛ kugyíko. ¹³Nétalí gyí mɔ iwɔ adánsɛ aní ɔhíé ɔde agyómá yɔ mliha Akristofɔá ɔbɔ Laodikea pɔ Hierapoli idátɔ. ¹⁴Ani ɔdwɛpɔ Luka, ogyi ilo ɔtsapɔ mɔa Dema behá mli itsiá.

¹⁵Nɛhá aní apíó Laodikeafɔ ámɔ itsiá. Nɛhá Nunfa mɔa ɔpasua ámɔ ɔbɔ mɔ wóyítɔ amɔ é itsiá. ¹⁶Ní mlekla ɔwɔlɔ ánfɔ súná ɔpasua ámɔ tá á, mliɔsɔsɔ Laodikeafɔ é. Mlikla amó klé ámɔ ɔnɔpɔsɔsɔ amó ámɔ é. ¹⁷Mlibla Arkipo mliha, ɔmɔ agyómá ámɔ ɔbɔ Bulu lɔpɔwá mɔ ɔbɔ ámɔ ɔnɔ wankláán.

¹⁸Mí Paulo, onótɔnɔtɔ lawá ɔbɔ ɔwɔlɔ ánfɔ asɔ. Mli mátan aní nda obu. Bulu ogyi mli ɔwale.

Ɔwɔlɔ Gyankpapɔ Paulo Lɔwanlɔn Sɔsɔ Tesalonikafɔ

1 Mɔ Paulo, mɔa Silwano pɔ Timoteo dɛ ɔwɔlɔ anfi wanlɔn sɔsɔ ɔpasua anɔ igyi anɔ Sɔ Bulu mɔa anɔ Wie Yesu Kristo klɛ, ɔbu Tesalonika wɔluto.

Anɔ Sɔ Bulu mɔa anɔ Wie Yesu Kristo bogyi mli bɔale, abɔha mli iwilwii.

Tesalonikafɔ Hɔgyi

2 Nɔ anidɛ mpɔi bɔ hɔ mli brɛgyibrɛ á, anitɛdá Bulu ipán mli fɛɛ nwunso. 3 Anitɛsɔ káin anɔ Sɔ Bulu mli hɔgyi gyumagyihe. Ahá mliɛ mbɔdɔ bɔ dwɛ aba, pɔ ahá mliɛlatomi há mli ansɔ dɔn anɔ Wie Yesu Kristoso kinkinkín. 4 Apɔ, aniyin anɔ Bulu tɔdwɛ mli, alalɛ mli pɔbwɛ mli klɛ. 5 Tsúfɛ megyi ɔnɔ keke anilɔpɔ bebláa mli ason wankláán ámv. Mboún mliɛwun Ɔhe Wankihé amv túmi é. Inɔ léha mliɛbɔ wankláán anɔ ason ámv igyi ɔnɔkwali. Mliɛwun tsiátɔ oduá anilɔpɔtsɔi mliɛ é, ahá ɔbɔbɔa mli so. 6 Mliɛkasɔ ania anɔ Wie tsiátɔ. Tsúfɛ ason ámv so mliɛwun iwɔasɔn tɔsɔtɔsɔ, táme mliɛwun ansigyɔ anɔ itsú Ɔhe Wankihé wá hɔ mó. 7 Mó so dɛha ahɔgyipɔa bɔbɔ Makedonia ɔsɔlɔso pɔ Akaia ɔmátɔ fɛɛ beki mli bwɛhé, buo mó. 8 Tsúfɛ megyi Makedonia pɔ Akaia wole anɔ Wie ason ámv lekli tsú mli wá yɔ. Mboún mli Bulu hɔgyi ason é lekli yɔ ɔtɔnegyɔtɔnɛ. Mó so asoanso má ɔnɔ abɛtrá bli tsú mó iwɔ. 9 Tsúfɛ amó onutɔ bɔdɛ ahá mliɛwunpɔkɔtá anɔ brɛá anilɛbá mli wá bli. Ahá mliɛsɔ ikpi súm ba mliɛdɛ Bulu Ɔkiankpapɔ Ɔnɔkwaliɔ amv mboún súm. 10 Pɔ ahá mliɛgyɔ brɛá Bulu mɔ Bi Yesu ámvɔ ɔkɔsɔa tsu afúlitɔ ámv ɔbɛlatsú ɔsɔsɔ bá. Mgyi ɔhá anɔ ɔdɛ anɔ le tsú Bulu ɔblɔ ámvɔ ɔbá ámvɔ nɔ.

2

Paulo Tsiátɔ Tesalonika Wɔluto

1 Apɔ, mli onutɔ mliyin anɔ anɔ mli wá bá mɔbwe kpaali. 2 Mliyin ahá bɔwa anɔ amumvɔ, sɔpa anɔ Filipi wɔluto asa anidɛbá mli wá. Mliyin anɔ akɔ bɔmotsulá, behe kɔsɔ lí anɔso; táme anɔ Bulu lɔwa anɔ ɔwɔnlɔn, anilɛbláa mli ason wankláán ámv. 3 Tsúfɛ megyi afunu ason anidɛbli. Mó so ndɛ mli kokóli. Megyi agywun laláhe kɔkɔ igyi, anumédɛ mli mlɛ é. 4 Bulu lɔhɔ anɔso gyi, ɔlɔpɔ mli ason wankláán ámv wá anɔ ɔbitɔ. Mó anidɛbli ní! Megyi anyankpɔsa ansɔtɔ anidɛkɔ bli mó, Bulu yin anɔ klɔntɔ. 5 Mlihié mliyin anɔ megyi ɔnɔ dɛdɛ anilɔpɔ ba mli. Anumɛba bɔwa afunu kɔkɔ é súná mli, pɔnyá tɔkɔ tsú mli wá. Bulu gyi anɔ ɔdansyɔn. 6 Anumódunká kanfɔ tsú nyankpɔsa ɔkɔkɔ, mli, ntɛɛ ɔha bambá wá. Kristo sumbɔ ayɔpɔ angyi. Mó so tekɔ anɔ ɔkpa sí iwɔ tswɔ mliɔ, 7 táme anilólwií há mli, kɔ mli fɛ ahá abɔ-oyɔn tekɔ mli onutɔ abɔsɔ. 8 Anitɛhié klɛ mli ason. Mó so megyi Bulu ason wankláán ámv nkɔle anilɔpɔ ba mli, mboún anilɛsɔ anɔ iwɔ é há mli, tsúfɛ mliɛlamli anɔ adwɛpɔ. 9 Apɔ, yɛ mlɛkafɔn agyómá anɔ anilɔyɔ ɔpa mɔa onyɛ pɔnyá tɔá ilehián anɔ? Ahá anumɛsɔ ipian tswɔ mliɔ brɛá anidɛ Bulu ason wankláán ámv ɔkan da súná mli sɔ anilɔbwe mó ali.

10 Mli ahɔgyipɔ amv pɔ Bulu gyi anɔ adansɔfɔ ahá anilɔpɔtsɔi mliɛ. Anɔ iwɔ letin, anɔ ason da ɔkpa, ɔlala é metsiá anɔ iwɔ. 11 Mliyin anɔ anilɛkpa mliɛ okugyɔkɔ fɛ ahá abɔ-ɔsɔ tekpá mli abɔ. 12 Anilɔwa mli atɛtɔ-ɔnlɔn, lwí mli klɔn, tɔi kplá mli aniaa, mliɛtsiá tsiátɔá ilegyi Bulu ansɔ. Mlɛtɔ mli ɔbɛɛ, mliɛbɛnya mli iwɛgyi pɔ mli numnyam amv ikɔ.

13 Tɔá sɔá anitɛdá mli ipán brɛgyibrɛ é gyi, brɛá anilɔpɔ mli ason ámv ba mli á, mliɛmɔtsu mó anɔ nyankpɔsa wá itsú. Mboún mliɛlɔhɔ mó anɔ lélé, itsú Bulu wá; tsúfɛ mó Bulu dɛpɔyɔ agyómá mli ahɔgyipɔ amvɔ nɔ. 14 Apɔ, mliɛlamli fɛ Bulu ɔpasua anɔ ɔbɔbɔ Yudea ɔmátɔ, bogyi Kristo Yesu klɛ amv. Mliɛwun ipian mli pɔ ɔbitɔ, fɛ ahá ámvɔ amv é bowun ipian amv pɔ Yudaɔ ɔbitɔ ámv. 15 Yudaɔ lɔmɔ Bulu ɔnɔsɔ atɔpɔ pɔ anɔ Wie Yesu. Amv kɛn lagya anɔ lé ɔmá ámvɔ. Botamakle ahá ason, botamagyɔ Bulu ansɔ. 16 Bɔkɔsɔ lí anɔso ká anɔ itin beɛ, anumábla ahá anɔ bɔmegyi Yudaɔ nkpaɔhɔ ason ámv, Bulu ɔhɔ amv nkpa. Inɔ bwe lahá amv lakpan labiayi. Mó so lahá Bulu lanyá ɔblɔ, ɔbɛbitɔ amv ɔso.

Paulo Léklɛá Ɔbɛlayɛkɔ Tesalonikafɔ

17 Apɔ, anilɛnatɔ mli wá ɔpa anumɔkɔsɔi mliɔ káin. Mó so anihé anidɛ ɔkpa dunká anɔ abɛla bowun mli ansɔtɔ, tsúfɛ anidɛ anilɔso káin dɔbɔ. 18 Anilɛklɛá abɛlaba mli wá. Mɔ Paulo onutɔ ɔ nabwɛ agywun anɔ néyinkɔ bá ɔnɔ ita tsefinɔ, táme Ɔbɔnsám mɛha ɔkpa. 19 Ma sɔ anɔ ansɔ dɔn? Megyi mli so ansɔ dɛ anɔ gyi anɔ abɛnya ɔkpa tsú iwɔ anɔ Wie Yesu ansɔtɔ brɛá ɔbɛba? 20 Lélé mó á, mliɛgyi anɔ numnyam pɔ anɔ ansigyɔ.

3

¹ Mɔ sɔ brɛá anumébí alá mlí tsiátɔ igyi, ide aní háan a, anúlɔbwe agywun aniaa, aní mó abétsiá Atene wíluta, ² awa aní pió Timoteo, ogyi aní Bulu agyómáyɔbá Kristo asun wankláán ámu ɔkandata sɔsɔ mlí, ɔbɔwa mlí ɔwɔnlín. Ɔtɔ kpla mlí amlulú kínkíínkín hógyito, ³ méní mlíto ɔkoko méeyínkí ɔma asun wunhe anfi sɔ. Mlí onutó mlyin aní igyi tɔá ida yáí há aní Akristofɔ dodo. ⁴ Tsúfɛ brɛá anubɔ mlí wá á, anulébláa mlí aní bédunká mlíso. Lélé bédunká mlíso fé alá mlyin. ⁵ Iní sɔ brɛá netsiá mmetsiá á, nɔwa Timoteo mlí wá mbɛɛ, ɔbékí alá mlídé hógyi amɔtɔ. Tsúfɛ íbétalí ba aní Ɔbɔnsám lasɔ mlí kí, há aní gymagiye labwé kpaali.

⁶ Timoteo layínkí pɔ asun wankláán tsúa mlí wá ba aní séi, tsú mlí hógyi pɔ mlí abadwe iwí. Alabláa aní ɔbɛɛ, mlí é mlídé anisɔ kaín dɔbɔ. Mlídékléá mlówun aní, fé alí ámúú aní é anidékléá abówun mlí ámu. ⁷ Mó sɔ apió, mlí hógyi lawá aní atetɔ-ɔnlun, aní ipian pɔ aní asun wunhe féétɔ; ⁸ tsúfɛ mlílí aní Wíe hógyito kínkíínkín. Mó sɔ aní klɔn ládi aní así. ⁹ Ipán mɔmɔ abókoku da Bulu mlí sɔ, anisiá ide aní gyí mɔ ansítɔ sɔ? ¹⁰ Anitehíé bó mpáí kókóli Bulu ɔpa móa onyé aniaa, ɔhá ayínki bowun mlí, méní abósuná mlí tɔá íbɛha mlí hógyi bófon.

¹¹ Aní Sí Bulu onutó mɔa aní Wíe Yesu bófiníki ɔkpa ha aní aba mlí wá. ¹² Aní Wíe ɔhá mlí apió aba pɔ ahá féé dwe ɔnɔ iwa ɔnlun, fé alí ámúú anitɔdwé mlí ámu. ¹³ Ɔwá mlí ɔwɔnlín, méní aní Sí Bulu omóowun ɔlala mlí iwí, ifin kòkò é méetsiá mlí iwí mɔ ansítɔ, aní Wíe Yesu mɔa mɔ ahá féé ɔbáke amɔ.

4

Tsiátɔ Ilegyi Bulu Ansi

¹ Apió, ítráhe a, anúlɔsuná mlí tsiátɔ, méní Bulu ansi bégyi mlí iwí. Lélé mó á, alí mlí tsiátɔ gyi ní. Séi á, anihíé anidé mlí kókóli aní Wíe Yesu dátɔ aniaa, mlíwbɛɛ mó dɔn alí. ² Tsúfɛ mlyin mbla ámúú anúlɔwa há mlí aní Wíe Yesu ídatɔ ámu. ³ Bulu dékléá mlíháa mlí iwí itn. Mó sɔ mlímáwa atsi móa ayin asón. ⁴ Mlító okugyíɔkɔ ɔbí alá ɔbékítá iwí, iwítin pɔ obú ɔkpasɔ. ⁵ Imábwe ɔwólí laláhe ɔkpasɔ, fé alá ahá aní bomeyín Bulu bɔtɔbwé. ⁶ Mlító ɔkoko másisií mɔ ba, swíí mɔ mɔ ka. Tsúfɛ aní Wíe ɔbébítí ahá aní bɔtɔbwé mó odu iso. Anidé mlí ɔlá da, fé alá aniláko bláa mlí yáí. ⁷ Tsúfɛ Bulu méti aní ɔbɛɛ, abá bɔtɔ mbwa; mbóún ɔbɛɛ, ifin kòkò mátsiá aní iwí. ⁸ Mó sɔ ɔhagyíɔha aní omegyí atosunáhé anfi sɔ á, megyí nyankpɔsa omédébu. Mbóún Bulu ámúú ɔlɔpɔ mɔ Ɔje Wankihé há mlí ámu.

⁹ Imehián aní abówanlín asɔansɔ tsú mlí aba akristofɔ dwe iwí sísí mlí. Tsúfɛ Bulu onutó lasúná mlí alá mlídwé mlí aba dodo. ¹⁰ Ɔnɔkwali a, mlídé apió ahógyipɔá bɔbɔ Makedonia ɔmátɔ féé dwe dodo. Mó sɔ apió, anidé ipa bwíí há mlí aniaa, mlítráa dwe aba dɔn alí. ¹¹ Mlípɔdunka iwíso aní mlétsiá tsiátɔ wankláán. Mlípɔ mlí íbɔ yó agyómá pòki mlí iwíso, fé alá anilébláa mlí, ¹² méní mliha ahá aní bomegyí ahógyipɔ mlétsiá wankláán, mlíméetrá pɔ ansi dínká ɔhaasɔ.

Aní Wíe Yesu Yínkí Bá

¹³ Apió, anidéklé aniaa mlííbɔ ɔnɔkwali aní íbɔ Akristofɔá bawú iwí, méní mlíméetsiá gyi awrɛhɔ fé ahá aní amó ansi medín tɔtɔsɔ. ¹⁴ Anúlóhogyi aní Yesu lówu kósɔ tsú afúlito. Alí kén anulóhogyi aní Bulu ɔbékpa ahá ámúú bóhɔ mɔ gyi asa bowu ámu ba ní.

¹⁵ Aní Wíe onutó atosunáhé anidé mlí suná séi á. Aní ahá aní anitráa anitsie nkpa asa aní Wíe ɔbáke íbɔfon a, anuméegya awupó ámu nkpa yéfia mɔ. ¹⁶ Tsúfɛ aní Wíe ɔbókplɔn tímiso, Bulu-ɔbɔpɔ dehen ɔbɛle ɔnɔ, bófolí Bulu ɔkpe é brɛá aní Wíe onutó dékplí tsú ɔsósɔ ɔbá. Ahógyipɔá bawú bégyankpá kósɔ. ¹⁷ Mɔ ɔma a, aní akiankpaɔ é féé abýyɔtɔ amó nwólótáatɔ, aní féé abéyefia aní Wíe afútɔ. Tsú eke ámu a, abétsiá aní Wíe wá bré féé. ¹⁸ Mó sɔ mlípɔ asón ánfí kita íklɔn wa aba iwíto.

5

Iwísoɔda Gyo Aní Wíe Ibá

¹ Apió, imehián aní abówanlín bré pɔ ekeá asón ánfí íbɛba sísí mlí. ² Tsúfɛ mlí onutó mlyin aní aní Wíe ɔbáke amɔ íbɛba bofwie anitɔ, fé alá owikplu teba onyé. ³ Brɛá ahá bɛɛ, “Owí latá, asón latá” á, alí bré ámúú bɛhí ní. Ibófwie amúú fé alá íkwí tekan ɔtsí ɔtsáwɔle pé. Ɔhaa méedali mótɔ. ⁴ Táme apió, mlí mó mlyin asón ánfí. Mó sɔ mlímétsié oklúntɔ, méní eke ámu méeba bofwie mlíto fé owikplu. ⁵ Wankí móa ɔyi kehɛtɔ abí mlí féé mlyíyí. Megyí onyé ntéé oklúntɔ abí angyí. ⁶ Mó sɔ mliha agyo, anumádíyí fé aha bambá. Mliha adínka ansi iwíso, akí iwíso wankláán. ⁷ Onyé, adidípó bɔtedídí. Onyé, nta abɔpó é bɔtɔbó ntá. ⁸ Táme aní mó á, wankítɔ abí angyí. Mó sɔ mliha agyi iwíso. Mliha Kristo hógyi pɔ aní abadwe íbwe kántɔ-atíntɔ tin aní kántɔ. Mɔ ɔkpakí aní ɔbóhɔ aní nkpa íbwéé kɔtɔpa aní íbun aní nwun. ⁹ Megyí alá Bulu obénya ɔblɔ wa aní, bití aní iso sɔ ɔlele aní. Mbóún alá ɔbótson aní Wíe Yesu Kristoso hɔ aní nkpa sɔ. ¹⁰ Kristo lówu há aní, méní mɔ bábí a, ní anilawú o, anubɔ nkpa

o, ania mɔnyɔ abɛtsiá. ¹¹ Mlɔpɔ asɔn ánfɔ kɪta klɔn wa aba iwɪtɔ, pɔwa aba ɔwɔnlɪn, fɛ alá mlɪdɛ mú bwɛ dodo.

Ikla

¹² Apíó, abwíí ipa há mli, mlibu mli ɔnɔ ahípóá buhíé buɔɔ agyómá yɔ mlɪtɔ, buɔɔ mli anɪ Wíe tsiátɔ suná. ¹³ Gyɔma ámóú buɔɔgyí amɔ sɔ mlɪhɛ bu amó, amlɪdwe amó. Iwilwii itsiá mlia mli aba nsuné.

¹⁴ Apíó, anɪdɛ mli ɔlá da anɪaa, mlɪtɔ kpla awɔlɪyɔpó. Mlɪwa afúpó atɛtɔ-ɔnlɪn. Mlibua amóá bapɔn, amlɪnya klɔn ha ɔhagyíɔha. ¹⁵ Mlɪkɪ ání ɔhaa mɔɔpɔ lalaha ká mɔ ba ikɔ. Mboun mlibwe yilɛ há aba pó ahá fɛé.

¹⁶ Ansí igyí mli, ¹⁷ amlɪbɔ mpái brégyíbré. ¹⁸ Mlɪda Bulu ipán tógyítɔtɔ. Mógyí tɔá Bulu dédunká tsú mli wá mli nkpatɔ, bré ánfɔ mlia Kristo Yesunɔ mlɪlabwé ikole anfi ní.

¹⁹ Mlumákiná tɔá Ɔɣɛ Wankíhé amɔ tekle bwɛ.* ²⁰ Mlumábu Bulu ɔnɔsɔ atɔpó asɔn ámɔ tɔkɔ odu. ²¹ Mlɪsɔ tógyítɔ kɪ, amlɪkɪta móá ɪbɔ alɛtɔ kinkíinkín. ²² Mlɪkina lalaha kugyíkɔ.

²³ Bulu tɛhá anɪ iwilwii. Ɔtɪn mli iwɪ ɔkpagyíɔkpasɔ. Ɔkú mli nyankpɔsa-oyí, mli ɔɣé pó mli ɔklásɔ tsú lalaha kugyíkɔtɔ, ménɪ ɔlala méetsiá mli iwɪ anɪ Wíe Yesu Kristo ɔbáke amɔ.

²⁴ Bulu létɪ mli. Ɔnɔkwalɔpɔ ogyi, ɔbɔbwɛ mú.

²⁵ Apíó, mlibɔ mpái ha anɪ é.

²⁶ Ahá ahógyipɔ amɔ fɛé itsiá gyágyáágyá. Mlɪlata aba puta ɔdwɛsɔ.

²⁷ Ndɛ mli bláa anɪ Wíe ɪdátɔ mbéɛ, mlɪkla ɔwɔlɔ ánfɔ suna ahógyipɔ amɔ fɛé.

²⁸ Anɪ Wíe Yesu Kristo ogyí mli buale.

* 5:19 Ntée Mlumáɔun Ɔɣɛ Wankíhé ogyá ámɔ.

¹ Itráhe-tráhe a, apíó, mlibɔ mpái ha anɪ. Anɪ Wíe asón ámu ikósi klei. Ahá abɔpɔ obú hɔ mó fɛ alɪ ámóú mli é mlilóhɔ mó ámu. ² Mlibɔ mpái, Bulu ðe anɪ tsu awuntɔlɔnpɔ pɔ aha laláhe ibɪtɔ. Tsúfɛ megýi ahá fɛé lóhɔ anɪ Wíe gyi.

³ Táme anɪ Wíe bu ðɔɔkwali. Ɖbɔwa mli ɔwɔnlín, hɔ mli lé lalahɛ Ɖbwepú ámu ibɪtɔ. ⁴ Anɪ Wíe lahá anulahogyi ání mlidɛ ntóbí ámóú anilósuná mli ámu fɛé bwe, mlu méesi bwe é.

⁵ Ɖkpáa mli, amlinu ɔdweá Bulu bu asi yɔ ɔtótótó, ɔha amlitomi fɛ Kristo.

Tsidɔ Wankláán

⁶ Apíó, anidɛ mli ɔlá da anɪ Wíe Yesu Kristo idátɔ aniaa, mlu mápɔ Akristofɔ ámóú buna budɛtsɔɔn, butamakle agyómá, bumedé atosunáhé ámóú anilósuná mli ámuɔ gyi wa mba.

⁷ Mli onutɔ mliyin ání ilehián ání mlétsiá anɪ atsiábi. Tsúfɛ anumówa ɔwɔliyɔ, natí tsontsɔn bréá anubɔ mli wá. ⁸ Anumégýi atɔ ɔhaa wá, kíná mó ɪkɔ ka. Mboún anilóyɔ agyómá ɔpa móa onyé kinkíinkín, ménɪ anuméesi ipian tswɪ mlitɔ ɔkɔkɔkɔɔ. ⁹ Megýi bɛɛ, anumá ɔkpa bláa mli aniaa, mlikí anɪɔ, só anilóbwe mó alɪ. Mboún anilóbwe mó súná mli, ménɪ mli é mlóbwe mó odu. ¹⁰ Bréá anubɔ mli wá kóráá á, anilówa mbli há mli aniaa, “Ɖhá ání ɔmɔyɔ agyómá mágyi atɔ.”

¹¹ Anlanú ání mlitɔ akɔ bɔtsie kpaali, bumedé agyómá kɔkɔkɔ yɔ. Okéngyé buna budɛwa tsɔn. ¹² Anidɛ ámó ɔlá da anɪ Wíe Yesu Kristo idátɔ aniaa, busfi natí tsɔn, abuyɔ agyómá nya ámó atogyihɛ.

¹³ Táme apíó, mli mó á, yilébwe imáta mli ɔhé. ¹⁴ Ní ɔkɔ mégyi asón ání anilawánlín sísi mli ánfɪsɔ á, mlikí mɔ wankláán. Mli mɔnyɔ mlu mágyi mba, ménɪ péli békítá mɔ. ¹⁵ Táme mlu málu mɔ, mboún mlitɔ kpla mɔ fɛ mli píó.

Ikla

¹⁶ Iwilwii Owíe ámu onutɔ ɔhá mli iwilwii bré fɛéɔ ɔkpagýiɔkpasɔ. Anɪ Wíe otsiá mli fɛé wá.

¹⁷ Mí Paulo onutɔ lapó mí ibɪ wanlín ínɪ. Mí dá ání ntɔwánlín wá mí nwɔlɔ fɛé asi, púsúná ání itsú mí onutɔ wá ní.

¹⁸ Anɪ Wíe Yesu Kristo ogyíi mli fɛé boale.

Ɖwóló Gyankpapá Paulo Lówanlín Sísí Timoteo

Itsidha

1-2 Mí Paulo ání aní Nkpa Ɖhópú Bulu m̀̀wa Kristo Yesuá aní ansí dun m̀̀su lóbwe mí sumbí ɔ̀̀p̀̀p̀̀, dé Ɖwóló ánfí wanlín sísí f̀̀ó Timoteo ání f̀̀óg̀̀yí mí bí onutó Yesu hóg̀̀yí am̀̀t̀̀.

Aní Sí Bulu m̀̀wa aní Wíe Kristo Yesu b̀̀og̀̀yí f̀̀u b̀̀waale, ab̀̀owun f̀̀u nwe ha f̀̀ó iwílwii.

Afunu Atosunáhé

3 Bréá ndenatí ǹ̀oyó Makedonia nsáuntó á, nebláa f̀̀u mbéé, f̀̀utsia Efeso ɔ̀̀mató, af̀̀oka ahá ám̀̀ó b̀̀ude afunu ató suná ám̀̀o itin. 4 M̀̀ó ɔ̀̀ma a, da am̀̀ó olá ab̀̀osi bré yintá há ɔ̀̀tewa p̀̀ó anáin ilínta kláa tintíntín. Nwéeng̀̀yí keke it̀̀óp̀̀ba. Itamahá ahá ab̀̀otsia nkpa Bulu hóg̀̀yí. 5 T́́sá s̀̀wá aníaa fokáa am̀̀o itin gyí, alíá Okristoyin okug̀̀yíákẁ̀o ɔ̀̀b̀̀ódwe m̀̀u ba, m̀̀u kl̀̀on mééha m̀̀u ip̀̀ón, obénya agywiun wankláán m̀̀wa hóg̀̀yí onutó. 6 Ako b̀̀umobuo alí ɔ̀̀kpa ánfí. M̀̀ó su bafwí yó b̀̀ude asón ání una así blí. 7 Bodekléá b̀̀óbwe Mose mbla asunápó, táme b̀̀omedé itó ám̀̀ó b̀̀odesuná ám̀̀o así nu. Ide am̀̀ó bwe f̀̀é buyin m̀̀ó, táme b̀̀umeyin m̀̀ó.

8 Aniyin ání mbla ám̀̀o bu alé, ní b̀̀ap̀̀súná ató ɔ̀̀kpa wankláánsó. 9 Táme iwánki aní ání megyí yilé abwepó su Bulu lówa mbla ám̀̀o. M̀̀b̀̀ouin ahá ání b̀̀otamagyi m̀̀ósó, ahá ání am̀̀o asotó bu am̀̀o ɔ̀̀nlun, ahá ání b̀̀otamanyá m̀̀u ifú, lakpan abwepó, ahá ání am̀̀o iwí métin, ahá ání b̀̀otákpó Bulu, ahá ání b̀̀otámó am̀̀o akwiípó p̀̀ó aha bambá, 10 mbwa atópó, ayin ání b̀̀otekle am̀̀o aba ayin p̀̀ó atsiá b̀̀otekle am̀̀o aba atsi, anyánkpósa ibíá agyípó, afunupó, ahá ání beká ntam b̀̀otamagyi m̀̀ósó p̀̀ó tsiátóá imekanáa atosunáhé wankláán ám̀̀ó 11 Bulu Onumnyampú, íkanfó gyi m̀̀u kle am̀̀o lóphá mí ɔ̀̀béé, ndáa m̀̀ó ɔ̀̀kan am̀̀o.

Bulu Paulo Bwalegyi

12 Nedá aní Wíe Kristo Yesu ipán ání alawá mí ɔ̀̀wonlín, bú mí ɔ̀̀nkwaliyo ɔ̀̀béé, nyóo agyómá ánfí p̀̀osum m̀̀u. 13 Teki mítéblí m̀̀u iwí ason laláhe, ntedínká m̀̀u aháso, sópa am̀̀o ní. Táme olowun m̀̀u nwe, tsífé mm̀̀ohó m̀̀u gyi alí bré ám̀̀t̀̀, mmeyín t́́sá ndebwe é. 14 Oo, hie kí alíá ɔ̀̀hié ɔ̀̀bu awítale! Ɖleha mí nenyá m̀̀u hóg̀̀yí p̀̀ó m̀̀wa mí abadweá iwu ania Kristonyo ikolebweto. 15 Asón ánfí iwu m̀̀ótó, ilehián ání ɔ̀̀hagyíoha ɔ̀̀b̀̀ohó m̀̀ósó gyí. M̀̀ógyí, Kristo Yesu léba ɔ̀̀yító bele lakpan abwepó. Mígyí am̀̀ótó alaláhe ní. 16 Táme iní su Bulu lówan m̀̀u nwe, há Kristo Yesu léle mí ánfí ngi lakpan abwepó kp̀̀onkp̀̀onkp̀̀onnti ánfí ní. M̀̀éni ɔ̀̀hagyíoha ɔ̀̀bébi ání Bulu t́́héé nyá kl̀̀on há ɔ̀̀há ání ɔ̀̀béba b̀̀ohó m̀̀u gyi, nyá nkpa ání itamatá. 17 Mliha awa Bulu numnyam, akanfó m̀̀u aníaa, “Fóg̀̀yí Owíeá f̀̀ó iwíeg̀̀yí tamamó ɔ̀̀nó. Bulu Ɖ̀̀okóónó ɔ̀̀kole, b̀̀otamapó ansibi wun f̀̀u. Fubw inu bré f̀̀éé, futamawú! Amen.”

18 Mí bí Timoteo, ató ám̀̀ó Bulu léle súná tsú f̀̀ó iwí ám̀̀o só nde mbla ánfí wa há f̀̀ó. P̀̀o asón ánfí yo agyómá, afupokó atosunáhé wankláán ám̀̀o nwunso. 19 Kita f̀̀ó hóg̀̀yí. Bwe t́́sá f̀̀uyin f̀̀u kl̀̀ontó ání iwu alé, tsífé ako babwé t́́sá buyin ání una ale. M̀̀ó su lahá am̀̀o hóg̀̀yí lawú. 20 Am̀̀ótó ako gyí Himeneo m̀̀wa Aleksandro. Napó am̀̀o wá Ɖ̀̀bunsám iwu. Ɖ̀̀biti am̀̀o iso, méni bébiá mehián ání féblí Bulu iwí abususu.

2

Bulusum Mbla

1 Itá ndedunká ání m̀̀lgyánkpa bwe gyí, m̀̀likokoli Bulu ahá f̀̀éé nwunso, amliho mpá ha am̀̀o. M̀̀likoli Bulu ató há am̀̀o, amliha m̀̀u ipán ɔ̀̀hagyíoha nwunso. 2 Ilehian ání m̀̀lóbwe m̀̀o alí há awíe p̀̀ó ahande é, méni asotó bólwí aní, abétsiá iwílwíiti, atali sum Bulu ɔ̀̀kpagyíokpasu. 3 Iní b̀̀wó alé, aní Nkpa Ɖhópú Bulu tekle ní. 4 Tsífé odekléá ɔ̀̀b̀̀ohó ahá f̀̀éé nkpa, méni bébi ɔ̀̀nkwali am̀̀o. 5 Bulu ɔ̀̀kókónó ɔ̀̀kole bu inu. Nsuné ɔ̀̀lapó ɔ̀̀kole pé é bu Bulu m̀̀wa anyánkpósa nsuné. M̀̀ógyí Kristo Yesu, ogyi nyankpósa am̀̀o. 6 Molési m̀̀u nkpa há p̀̀ohó ahá f̀̀éé nkpa. Asón ánfí Bulu lóphá ɔ̀̀yí f̀̀éé m̀̀ó bré wankláántó ní. 7 Ɖ̀̀nkwali nde mli bíla, m̀̀medé afunu wa. Iní só Bulu léle mí ɔ̀̀béé, mbwéé m̀̀u asón ɔ̀̀kan ɔ̀̀dapó, m̀̀u sumbí ɔ̀̀p̀̀p̀̀ p̀̀ó osunápó ha ahá ání b̀̀omegyi Yudafo, mí ambla am̀̀o ɔ̀̀nkwali asón tsú Yesu hóg̀̀yí iwí ní.

8 Ndekléá ɔ̀̀pasua kugyíkẁ̀tá á, ayin ání am̀̀o iwí letin b̀̀otsúu iwu fwa b̀̀o mpá. Ɖ̀̀bló ntéé nwéeng̀̀yí mátsiá am̀̀ótó. 9 Atsi ám̀̀o é b̀̀odída tati ɔ̀̀kpa wankláánsó. Am̀̀o ató didáhé máwo ansibi. B̀̀omádón imi bwe, wá sika ató, didá atatiá iwu ibíá d̀̀ubi. 10 Atsiá bwe b̀̀utenyá Bulu ifú b̀̀obwéé yilé. M̀̀ó ɔ̀̀béha b̀̀owa akile ní. 11 Ilehian ání b̀̀étsiá así díin, ba iwasi súan ató. 12 M̀̀m̀okóhá atsi ɔ̀̀kpa mbéé, b̀̀osúna ayin ató, ntéé b̀̀og̀̀yí ayinsó. M̀̀b̀̀ouin b̀̀otsia díin. 13 Tsífé Adam Bulu légyankpá b̀̀wé asa ɔ̀̀lobwe Hawa. 14 Megyí Adam é Satan lémlé, m̀̀b̀̀ouin Hawa

olemlé, obokosó líí Bulu mblaso. ¹⁵ Táme Bulu obóhó otisi nkpa tson ikwáso. * Ní oletalí kítá mu hógyi pò mu abadweto, aleha mu iwí letin, oletsia nkpa é wankláán.

3

Opasua Ohande Bwe

¹ Asón ánfí bọ mótó. Ní oha obwé agywun ání móbwe opasua ohande a, alakle agyómá wankláán. ² Imehián ání olala bétsiá opasua ohande iwí. Obwée aka okole otsiápu, mu agywuuto da, otegyi iwíso, obú bọ musu, otáho afóó, otosúná ató é wankláán. ³ Omábwe nta obupú ntée ohá ání obo iyin. Obwée ohá ání aleba iwiasí, mu asón lolwií. Omábwe otéépó, omábwe kóba odwepó. ⁴ Obwée ohá ání otéki mu wóyísó wankláán, mu abí beba iwiasí, bọtobú mu okpagyáokpasu. ⁵ Tsífé ní oha méyín mu wóyísó kí wankláán á, nkálí obétalí kí Bulu opasua ámúso? ⁶ Omábwe ohá ání oledamli klontó makówá opá. Ní megyí alí á, íbèha mu obótsu iwí, Bulu obébití mu isó fẹ́ Obunsám. ⁷ Iní fẹ́é oma a, ilehián ání ahá ání buma opasua ámótó kóráá bétí mu idayilé. Ní megyí alí á, obékpa wíé Obunsám yibito sópa.

Opasua Ohande Obwápu

⁸ Opasua ohande obwápu é obwée ohá ání obú bọ musu, oma nnonyo, otamabó ntá, oma sika onsípe. ⁹ Ilehíán ání obékutá hógyi asón ámúbú dalun owan ámótó wankláán, mu klón é méétrá ha mu ipón. ¹⁰ Mlgyankpa pu agyómá ikú wa mu íbitó, pusu mu kí beé olala ma mu iwí, asa amlíha mu obwe opasua ohande obwápu. ¹¹ Alí kén mu ka* é obwée otsiá obú bọ musu, otamablí ahá iwí ason laláhe, otegyi iwíso, obo onokwalí tógyítótó ní. ¹² Opasua ohande obwápu obwée aka okole otsiápu, otétalí kí mu abí pò mu wóyísó wankláán. ¹³ Ahá bọtobú opasua ohande obwápu ání otáyó mu agyómá wankláán. Itchá mu otétalí tóí tsú mu hógyiá obo Kristo Yesuto.

Ason Njainhé Kpənkpəənkpənti

¹⁴ Nde owóló ánfí wanlín sísí fú, táme ndun ansí ání nókosi ba mu. ¹⁵ Mómú ní nde opá wa kóráá á, owóló ánfí íbèha fèbú tsiátó oduá ilehián ání oha obétsiá Bulu wóyí, igyí Bulu Okiankpapu opasua ámótó. Opasua ámú gyí otan pò ntswiasí kpékpékpéé há onokwalí asón ámú ní. ¹⁶ Onokwalí, aní Bulusúm iwí asón ámúbú dalun owan ámú lómoní. Mógyí, Kristo† léle mu iwí suná fẹ́ nyankpusa.

Oje Wankihé léle mu suná ání yilé obwepó ogyi.

Bulu-abəpu bowun mu,

ahá bəda mu asón okan suná omá fẹ́é.

Oyító ahá bəhə mu gyi,

Bulu lótsu mu ya osósó numnyamto.

4

Afunu Ató Asunápó

¹ Oje Wankihé amu lahíé lé bí obéé, bré tráhe amótó á, akú bési Kristosu hógyi. Bəyaa asu nú afunu oje asón pò oje laláhe atosunáhé. ² Apinabwébi abwepó afunu ató asunápó anfi bogyi. Amó klón tamatráa ha amó ipón.* ³ Amódé ahá hie beé, bukísi atogyihe kú, bomátsiá aká móa akúlu é ní. Táme Bulu onutó lóbwe atogyihe amu, ání ahógyipó babí onokwalí amu bodáa mu ipán, abogyi. ⁴ Tógyítóá Bulu léle bọ alé. Mó so ima alé abékisi kóko. Ilehíán ání abóhó kugyíko, dá mu ipán. ⁵ Tsífé Bulu asón pò mpái ámúbú anlabó wólí atogyihe amúso ámú lahá mó lamli Bulu klé.

Kristo Osúmpó Wankláán

⁶ Ní fəpó asón ánfí tswí apíó ámú ansító á, fóbwe Kristo Yesu osúmbi wankláán ání bapó hógyi amótó asón, pò atosunáhé wankláán ámú bóla fú, fode mótó. ⁷ Máyaa asu nú atsi dehen ote pò móá imotsú Bulu iwí. Mboun hie fú iwí, afosum Bulu wankláán. ⁸ Tsífé ní fode nyankpusa oyólóv anfi hie á, labí kpalobí kú bọ mótó. Táme ní fəpó Bulusúm híé fú iwí á, íbu alé don. Tsífé oyúla bọ mótó há aní séí ánfí anutsie nkpa, pò nkpa ámúbú íbèba amótó. ⁹ Asón ánfí bọ mótó, ilehián ání abóhó mó. ¹⁰ (Nkpa ánfí só anidé iwí laláa yo agyómá owonlínso), aní ansí dun Bulu Okiankpapu, ogyi ahá fẹ́é Olepó, títriu ahógyipu anfisú ní.

¹¹ Suna amó ató ánfí, afoha amó abogyi mósó. ¹² Máha ohaa obu fú kebi. Mboun fú tóto, fú nkpaatsiátó, fú ahádwe, fú Bulu hógyi pò fú iwítin íbwéé atosunáhé ha amó. ¹³ Ní mlefia a, bọ mbódí afutsia kla Bulu asón suna amó. Da asón ámú okan, afosuna amó ató alí yofon bréá néba. ¹⁴ Mákiná Bulu atokiehé ámúbú oləpohá fú tson mu onósó atópóso, bréá opasua ahande bəpu íbí dínká fósó amú. ¹⁵ Tsia bwe íní aná, afusi iwí ha mó, méní ahá bówun ání fode nkpa

* **2:15** Tson ikwáso, ntée Tson mu abi kwíhészó. Idesuná ání Tson obíá otisi ámú obókwiúso, ntée tson Yesu ikwáso. * **3:11** Mu ka ntée opasua ohande obwápu tshé † **3:16** Bulu bọ nwóló dada amú akoto. * **4:2** Amó klón labwé fẹ́ tóá bapó dátó wá ogyá, lé tó mó.

yo. ¹⁶ Tsia ki fú tsiátó pó atosunáhé amó. Torní bwe mó alí, méní fǎhǎ fǎa asón ámu anupó nkpa.

5

Tǎa Abǎbwe Há Ahógyipw

¹ Mákplon wa oyin dehen. Mboun tǎi bla mu asón fǎ fú sí. Kita nyasubi ámu fǎ alá fǎkítá fú apio yinhé. ² Kita atsi dehen amó fǎ fú yín, afukita mbitebí ámu é fǎ fú apio tshé. Máwa amó mba.

³ Ǵpasua ámu bukí asurapwá buhíe buma obwápuso. ⁴ Táme ní surapw obu bu abí ntée aná á, ha amó abubi tǎa ilehián ání bégyankpá bwé há amó akwípó ntée amó aná Bulusúm ǎkpasu, poka amó ako. Mógyí amósó ki, tsúfǎ mǎtegyi Bulu ansí ní. ⁵ Ǵsurapwá ohíe ama ohaa tǎpó ansí dínká Bulusu, tsíá bǎ mpái ǎpa onyé, kólí Bulu tǎa ide mu hián. ⁶ Ǵsurapwá mu kle gyí nkpagyí kotóó mú lawú asa ǎna ǎyító. ⁷ Bla ǎpasua ámu asón ánfí, méní ohaa méebli ǎsurapw ǎkuku iwí ason laláhe. ⁸ Ní ǎku méki mu abusuanfǎso, títriu mu wóyító ahásó á, mómó aladámli ǎma há hógyi amó. Iní su mu lakpan dun ohá ání ǎmohǎ Bulu gyi.

⁹ Ǵsurapw oduá mu idá bétsiá asurapw adá ǎwolótó gyí, ǎsurapwá alahǎ tsú nfi aduesie póya, ǎlwa ǎnǎkwali há mu kulu.* ¹⁰ Ǵbwéé ohá ání ahá buyin ání ǎlǎbwe yilé, fǎ abísóki, afǎohǎ, olosúm Bulu ahá,† ǎtǎbǎa ahá ání bode iwǎosun wúun, ǎlǎbwe agyómá wankláán kugyíku.

¹¹ Máwanlín asurapwá bumǎkǎdan adá wá ǎwoló ámuto, tsúfǎ ní amó ǎwóló ihá amó bǎbwé agywun ání bélatsiá akúlu a, buméetrá talí súm Kristo ǎnǎkwaluso. ¹² Iní ubéha bégyi pán, tsúfǎ batón amó ntam ání beka há Bulu. ¹³ Ǵma a, botébi ǎwoloyǎ wa, yíntá bré náti kí ahá wóyító. Megyí ǎwoloyǎ wole, botemlí ahá iwí asón ablípó, náti wá ǎnǎ ahá ǎsǎntó, blí asón ání imehián ání bébli. ¹⁴ Iní su ndekléá asurapw amóó bumǎkǎdan amó bǎwúna tsia akúlu kwu abí, abuki amó wóyísó, méní buméeha aní alupó‡ ǎkpa abubli aní iwí asón laláhe kuku. ¹⁵ Nde asón ánfí blí, tsúfǎ asurapw ako hadámli yǎ bǎbuo Ǵbǎnsám dodo. ¹⁶ Ní Okristoyintse ǎku bu asurapw mu abusuantǎ á, ǎkú amósó. Ǵmási amó tswí ǎpasua ámuso, méní ǎpasua ámu bénya ǎkpa kí amóá buma ohaaso.

¹⁷ Ilehián ání ǎpasua ámu béka ǎpasua ahandéá bode amó kpa ako wankláán, wá amó numnyam. Títriu amóó botǎbǎ mbǎdí Bulu asón ámu ǎkanda pó mú suná iwí. ¹⁸ Tsúfǎ Bulu ason wanlínhé amó ilebli ǎbéé, “Botamawá ǎnantswieá ǎde ayó da ǎnǎ ikan.”§ Iletrá blí ǎbéé, “Agyómá ǎyǎpó botéká iko.” ¹⁹ Ní ǎku ǎdá ǎpasua ǎhande asón suná fú á, máhǎ mó, nkéti fanú mó tsú ahá abanyǎ-abasá ǎnǎ asa. ²⁰ Wa iyn wa ǎhande ámóó ǎde laláhe bwe ámu ǎpasua ámu ansító, méní atráhe bénya ifú.

²¹ Nlí Bulu mwa Kristo Yesu pó Bulu-abǎpǎ ání alalé ansító, nde fú hie mbéé, fúgyí asón ánfiso wankláán. Mákí ohaa ansító ntée fúti fitátó ki. ²² Mákósi tsíá yái oha ǎpasua ǎhande. Máwa ibi oha bambá laláhebwetó. Ha fú iwí itun brégyíbré.

²³ Fó ǎmǎtǎ dǎ ámu so mátsiá nu ntsu wole, tsia nu ntá kpalobí-kpalobí.

²⁴ Ako lakpan menáin. Mó so botékósi wun mó bíti amó isu. Ako klé é lenjáin, ǎma asa itelin ǎwan. ²⁵ Alí kén yilébwe tamanjáin ní. Ní umákósi lun ǎwan kórará á, itebelun ǎwan ǎma.

6

¹ Ilehián ání nkǎbábiá bǎbu ǎpasua ámuto béhie bú amó awíe, méní ohaa mǎǎkpóí Bulu mwa aní atosunáhé amó. ² Ilehián ání amóá amó awíe bǎbu ǎpasua ámuto bǎbu amó awíe amó dun. Séi kórará ilehián ání bǎbu amó dun ní, tsúfǎ ahógyipw bogyí, botǎdwé amó é.

Afunu Atosunáhé Pǎ Atonyahé Onuto

Iní aná gyí tǎa fúsúna amó, afowa amó ateto-ǎnlun abubwe ní. ³ Ní ǎku lósuná ato laláhe ku, móa aní Wie Yesu Kristo ason blíhé pó Bulusúm atosunáhé amó imená á, ⁴ idesuná ání ohá ámu dé iwí tsu. Omeyín tǎto, nwéenkpanyí labólá motó. Múá itedáli tsu mótó gyí ǎnsípe, itré, isia pó agywun laláhe. ⁵ Asón ání imedéhián iwí nwéen ahá ánfí odu botenáti gyí. Amó agywun lawú, botamabli ǎnǎkwali. Amó odu botosúun ání Bulusúm igyi ǎkpa kwá fǎtsun mósó nyá iwí.

⁶ Labi kǎnkǎpǎnti bu Bulusúmtó ní tǎa anubo yái legyi aní ansí. ⁷ Tsúfǎ anumópǎ tǎto ba ǎyító, anuméetali pó tǎtǎto é náti. ⁸ Mó su ní anubo atogyihe pó ato didáhé a, mliha mó kǎn igyi aní ansí. ⁹ Ahá ání botekleá bonyáa ató á, ubwébwéébwé botekpá wíe isóki pó ayibito. Amó mimlála tǎkpá amó yówie iwǎosun móa lalaheto, hí amó. ¹⁰ Tsúfǎ kǎbadwe tǎpó laláhe kugyíku ba. Mó ǎma ako bagya alu, bafwí dalí hógyi amuto, ilahá amó bode awireho tsǎtsǎtsǎ gyí ní.

* 5:9 Ǵsurapwá ǎmǎkǎkíná okúlu ki. † 5:10 olosúm Bulu ahá ntée ǎtofwi ahógyipw ayabias. ‡ 5:14 Ntée olupó § 5:18 Deut. 25:4. Mó asi gyí, “Botamalé ǎkwén pó ibi tsísi ǎsolóta.”

Paulo Asón Tráhe

¹¹ Timoteo, fú m'ó á, Bulu ðha fúgyi. M'ó s'u ha íni aná iwa ífó fú wá. Hie fú iwi, afubwe t'áá ida ðkpa. B'ó mb'ódí af'óha yilébw'e, Bulusúm, h'ógyi, ðdwe, k'lonya p'ó iwiasibá itsiá f'ótó. ¹² K'ó h'ógyi ik'ó wankláán ámu. F'ó ibi b'éda nkpa ám'óú itamatá, Bulu obékie aní m'ó ðma amu. Nkpa ánfí s'ó Bulu létí f'ó ní. M'ó s'u fobwii ðn'ó ahá ts'óts'óts'ó ansító, gyi f'ó h'ógyi iwi adánsie ní. ¹³ Nlíí Bulu, ogyi t'ógyít'ó nkpa ðhap'ó m'óa Kristo Yesuá olegyi iwi adánsie wankláán Pontio Pilato ansító, nde f'ó hie, ¹⁴ mb'éé, f'ókíta m'bla ánfí f'éét'ó wankláán. Mási m'ót'ó kp'éf'ón ekeá aní Wie Yesu Kristo ðbéle iwi ðwan. ¹⁵ Bulu ðkokónó ðkole amu ilehián aní abékanf'ó. M'ó nkole pé gyi Otúmípu, awie f'éét'ó Owie. M'ó ðbéle Kristo súná bré wankláán ám'óú m'ó onutó ðlehe yáí ám'óú. ¹⁶ M'ó nkole pé tamawú, otsie ðwankikpá aní ðhaa tamatáli kp'ók'pé mánta m'ó. ðhaa m'ók'ówun m'ó ki, ðhaa m'óowun m'ó é ekekekeke. M'ó kle gyi obú m'óa túmi bré f'éé! Amen!

¹⁷ Bla ðyí ánf'ít'ó iwi anyap'ó f'ee, b'ómátsu iwi. B'ómápu ansí dínká k'óba anfi iméetsiá y'ó ánf'isu. M'boún b'up'óú ansí dínka Bulusu. M'ot'éhá aní t'ógyít'óá ab'óponyá ansigyí ðyí ánf'ít'ó. ¹⁸ Bla am'ó f'ee, b'up'óú am'ó k'óba bw'e yilé, am'ó yilébw'e imoni. B'osánkí ib'ít'ó ab'ók'ie at'ó. ¹⁹ Ní b'óde íni bw'e á, b'óde atonyah'é yai há bré ám'óú íbá ámu. Am'ó ibi b'éda nkpa onutó ámu.

²⁰ Timoteo, kitá it'ó ám'óú Bulu lahá f'ó ámu wankláán. Asón aní uma asi, imosuná Bulusúm mádalí f'ó ðn'ó. Máwa iwi mimlá nw'éngyí aní itamasúná Bulusúmt'ó. Ako b'ót'ówá afunu b'ee, asónbi igyi. ²¹ Tsúf'é ako bats'ón m'ósó sí Kristos'u h'ógyi.

Bulu ogyii mli b'uale.

Ἰωολύ Νυῶσιά Paulo Λώωανλίν Σίσι Timoteo

1 Μί Paulo μό ά, Bulu απέ σο νγι Kristo Yesu sumbí ὡῶρῶ. Ἰῶωα μί ὀβέε, νυέδα nkpa άμύ ὀληε τσον Kristo Yesuσο άμυ ὀkan.

2 Μιδέ ὡωολό άνφι ωανλίν σίσι φύ, μί bí ὀδωεῶ Timoteo. Ανι Σί Bulu μυα ανι Wie Kristo Yesu βοωύωυν φύ νωε, αβογγι φύ βοαλε हा φύ iwilwii.

Ipánda Pó Ateto-onlin Wa

3 Nédá Bulu ipán. Μυ ndepu klun άní imedé mí ipán हा súm, fé mí anáin. Timoteo, ní nde mpái βο ὡpa móa onyé ά, ntekáin fósó brégyíbré. 4 Ní nekáin ntsúá felu bréá ndenatí sí fósó a, ntekleá nówun φύ, méní ansigýí bóbólá mító. 5 Ntekáin hógýiá fubu ὀnákwaliso. Hógýi anfi odu légyankpá tsíá φύ ná Loito ní. Uetrá tsíá φύ yín Eunike été. Nahogyiá mó odu βο foto ní. 6 Ini σο nde φύ kaín άní fuháa Bulu atokiehé άμύ ὀleha φύ bré άμύ ὀnpu ibi dínká fósó άμυ ὀnó iwa ogyá tsíá móts. 7 Tsúfé Bulu méha ανι ὀηέά αῶῶponyá ifú, mbouin móá itehá ανι túmi, ὀdwe pó iwisogyí.

8 Mó σο máha ανι Wie asón άμυ blí iwa φύ péli. Máha mí obudi é iwa φύ péli. Mbouin wa klun Bulu túmitó, afutsula wun iwiasin άní ilehián ason wankláán άμυ σο. 9 Bulu lóho ανι nkpa. Ἰletí ανι ὀβέε, abémli μυ aha wankihé. Megýí toto anilóbwe σο. Mbouin igyi tóá μυ onutó ὀlóbwe agywun άní ὀbóbwe asa ὡýí lebelin. Ἰbέε, ὀbówa awitale há ανι, dwé ανι τσον ania Kristo Yesuno ikolebweσο. 10 Táme séi ά, Bulu lalé μυ awitale άμυ ὡwan τσον ανι Ἰhópo Kristo Yesu íbasu. Múléyintá lowu túmi, ὀlele nkpa άní itamatá ὡwan súná ανι τσον ason wankláán άμυσο.

11 Bulu layái mí μυ ason wankláán άμυ ὀkan ὀdapó, mó sumbí ὡῶρῶ pó mó osunápó. 12 Mó só nde iwiasin άnfi odu wúun ni. Táme mmedé péli nya, tsúfé nyin ὀhá άní nahogyi. Nyin άní ὀbétali gyo itó άμύ ὀlópwa mí íbto άμυ iwi alu yófun μυ ὀbáke. 13 Kita ὀnákwalí asón άμύ ὀnosuná φύ άμυto. Yo móso afuhó Kristo gyi tsia. Dwe φύ aba, tsúfé fóa Kristo Yesuno mlilabwé kole. 14 Ἰῶε Wankihé άμύ ὀbu anitó άμυ ὀtsáa φύ, afotali gyo ito wankláán άμύ ὀleha φύ άμυ iwi.

15 Foyin άní ahá άμύ ὀbubu Asia, Figelo móa Hermogene βοbu άmóts άμυ féé banatí sí mí. 16 Ανι Wie owúun Onesiforo wóyító ahá nwe, tsúfé múlétsiá wá mí ansigýí. Omenya mí obudi péli. 17 Bréá ὀleha Roma wúlutó ά, olodunká mí kpéfun bréá olowun μυ. 18 Ανι Wie owúun μυ nwe μυ ὀbáke άmó! Foyin ahá ὀlóbba μυ nkpa tsotsotsosω Efeso wúlutó.

2

Isá Ἰkópó Wankláán

1 Ini σο mí bí, हा Bulu awitale άμύ ὀlópotsun Kristo Yesuσο άμυ iwa φύ ὡwonlín. 2 Pυ asón άμύ ὀnebli, fonu ahá tsotsotsosó ansító άμυ wa ahá άní βοbu ὀnákwalí íbto, méní άmó é bétali súná aha bambá.

3 Tomi afowun iwiasin άμύ ὀanidéwúun άmó, fé Kristo Yesu ísá ὀkópó wankláán. 4 Isá ὀkópó ὀkoko tamatráa kí ὀma, tsúfé odekleá ὀbégyi μυ ὀhande ansi. 5 Ali kén ὀsrú otsípó ὀkoko tamanyá isogyí atokiehé, nkéti alagyi ὀsrú άμυ mbلاسو. 6 Ἰὀdatpwa ὀbu nsi tégyankpá dá ato pópwe ὀnó. 7 Gywun asón άnfi nabláa φύ άnfi iwi. Ανι Wie é ὀbéha fónu mó féé asi.

8 Kain Yesu Kristo, Owie Dawid μυ na άμυσο. Μυ Bulu lókosúa tsu afúlitó. Mógyí ason wankláán άμύ ὀnebli άμυ ni. 9 Asón άnfi só nde iwiasin wúun, hawá mí íkan fé lalahé ὀwepé ní. Táme bomákówá Bulu asón άμυ mó íkan. 10 Ahá άμύ Bulu lalé άμυ σο natomi ὀkpagyíokpasu nde iwiasin wúun, méní Bulu ὀbótsun Kristo Yesuσο hό άmó nkpa, άmó íbi bédá numnyam άμύ itamatá άmó. 11 Asón άnfi βο móts.

“Ní ania monyo awú ά,
ania monyo obétsiá nkpa.

12 Ní atomi wun iwiasin ά,
ania monyo abégyi iwíe.

Ní akíná μυ a,
μυ é obékiná ανι.

13 Ní anumá ὀnákwalí a,
μυ mó ά, ὀnákwalipu ogyi,
tsúfé ὀtamatú atsonó tswi, lápó μυ ὀdando tsú mó ekekeeke.”

Agyómá Ἰyópá Olegyi Bulu Ansi

14 Tsia kaun άmó asón άnfi. Tó kpla άmó Bulu ansító féε, bomátsiá tré asónsó. Labi koko uma móts, tsúfé mó odu abwepó butehí. 15 Bo mbódi afuhó idá Bulu ansító, fé agyómá ὡῶpóá

mu agyómá ma mu péli, otosúná ɔ̀nɔ̀kwali asón ámu wankláán. ¹⁶ Asón ání uma asi, imosuná Bulusúm mádali fú ɔ̀nɔ̀, tsúfɛ itehá ɔ̀ha mu Bulunyo nsiné tɔ̀wá ífú. ¹⁷ Alí ámuó ɔ̀lɔ̀ tekléí ámu a, alí asón ání ablípó asón é tekléí ní. Amó ako gyí Hímeneo mu Fileto. ¹⁸ Bafwí dalí ɔ̀nɔ̀kwali ɔ̀kpa ámušo yó bodebli bɛɛ, kusó tsú afúlitá laba bɔ̀tsun, bude ako hóggyi yintá. ¹⁹ Táme ntswiasí ámuó Bulu lówa há hóggyi amu líi kinkíinkín. Asón ání bɔ̀wanlín dínká ntswiasí ámušo gyí, “Aní Wie yin ahá ání bogyi mu kle.” Nyɔ̀ɔ̀si é gyí, “ɔ̀hagyiɔ̀ha ání ɔ̀teti mu iwí ɔ̀bɛ Okristoyin a, osíi laláhe bwe.”

²⁰ Megyí sika pepe móa sika futútú ató pé tetsiá wóyí yiléto. Oyi móa isi ató é tetsiá mu. Bɔ̀tobú ikó don ku. ²¹ Ní ɔ̀ku ɔ̀lé mu iwí lé laláhebwe to á, Bulu telé mó yái. Alabwé ɔ̀há ání alási iwí há, ɔ̀bu labi, mu Wie Bulu ɔ̀bɔ̀pu mu gyi gyoma wankláán kugyíko. ²² Iní su le fú iwí tsu nyasubi móa mbitebí mbagyíto. Fówun fɔ̀a ahá ámuó bɔ̀tɔ̀pó uklɔ̀n wankíhé kpóli Bulu ámu ansí bédunká yilébwe, hóggyi, ɔ̀dwe pú iwílwíisú. ²³ Le fú iwí tsu nwéengyí ání uma labi, itó wankláán kòku méedali tsu mótótó, tsúfɛ foyin ání itré pé iteti. ²⁴ Ima alá ání Wie osúmpó ɔ̀bɔ̀bwe ɔ̀trépo. Mbouin ilehián ání ɔ̀bɔ̀wa awitale há ɔ̀hagyiɔ̀ha, ɔ̀bɔ̀bwe osunápó wankláán, otenyá klɔ̀n há ahá ání amó asón bu ɔ̀nlun. ²⁵ Ilehián ání obénya klɔ̀n tɔ̀i kplá ahá ání bɔ̀tɔ̀kòsú líi Bulu asón ámušo. Fialí Bulu obówun amó nwe, há amó bédamli klɔ̀ntɔ̀, bí ɔ̀nɔ̀kwali amu, ²⁶ ɔ̀ha amó ansí iba asi. Fialí ibéha amó bédali tsu ɔ̀bɔ̀nsám amó ɔ̀bɛ bogyi mu asónsò, abubwe mu apé ámu ayibito.

3

Nke Tráhe Amoto Asón

¹ Táme mí bí Timoteo, bí ání ɔ̀yítá bɔ̀wa ɔ̀nlun nke tráhe amoto. ² Tsúfɛ ahá bɔ̀bwe awonsípó, bɔ̀bwe kɔ̀ba adwepó. Bóho amó iwíso gyi, bɔ̀tsu iwí, bésia ahá, bómóonu amó akwírópó asón, bóméyi ahá aye, amó iwí méetin, ³ bómóodwe ahá, bómési asón kíé, lábwe ahá iwí asón ablípó, bóméetalí gyi iwíso, bɔ̀bwe awuntɔ̀lɔ̀npó, bómóodwe itó wankláán kòku. ⁴ Bɛle ahá há, bómóosusú asón iwí, békí amó iwíá budɔ̀n ɔ̀hagyiɔ̀ha, bɔ̀dwe ɔ̀yítá ansigyí sí Bulu. ⁵ Bɔ̀bwe iwí fé Bulu bodesúm, táme békíná mu túmi. Le iwí le ahá ání odutu. ⁶ Amó odu botebítwié ahá wóyítá, dámli átsiá amó ansítá ma ɔ̀nlun agywun. Atsi ámu odu kí, lakpan lamli amó ató soráhé, ɔ̀wólí laláhe labólá amótó. ⁷ Butekleá bónu ɔ̀hagyiɔ̀ha atosunáhé, táme bóméetalí bí ɔ̀nɔ̀kwali amu ekekeke. ⁸ Alí ámuó Yane mu Yambre bókòsú líi aní náin Moseso ámu a, alí ahá ání é bakòsú líi ɔ̀nɔ̀kwali asón ámušo ní. Amó agywun lawú. Hóggyito é á, boma ɔ̀lúkpá. ⁹ Táme bómóoyo nkpa don alí, tsúfɛ amó mimlá bélin ɔ̀wan, ɔ̀hagyiɔ̀ha obówun. Alí íleba Yane mu Yambreso ní.

Paulo Asón Tráhe

¹⁰ Timoteo, fú mó foyin mí atosunáhé fɛé, mí tsiátó, tóá ɔ̀kpa ngya, mí hóggyi, mí uklɔ̀nya, mí ahá iwí ɔ̀dwe pú alá notomi wun ipian, ¹¹ alá ahá bedunká mísó pú mí ason wunhe. Móa íleba mušo Antiokia, Ikonion pú Listra ɔ̀mátó. Notomi, aní Wie léle mí tsú mó fɛéto. ¹² Léle mó á, ɔ̀hagyiɔ̀ha ání okléá obóbuo aní Wie Kristo Yesu, ɔ̀bwe Bulu apé á, ahá butedínká mušo. ¹³ Táme aha laláhe pú ahá asisípu mó á, bóyo amó laláhebwešo don alí. Bénatí mlé ahá, ahá é bémlé amó. ¹⁴ Táme fú mó á, kítá fú ɔ̀nɔ̀kwali amó fakási, fú onutó faho mósó gyí amoto kinkíinkín, tsúfɛ foyin ahá ámuó bosuná fú ató ámu wankláán. ¹⁵ Tsú fú nyebito ɔ̀pá fɛbi Bulu ason wanlínhé amó. Mó ɔ̀bétali há fú nyansa fɔ̀puho Kristo Yesu gyi ní. Mó so Bulu ɔ̀bóho fú nkpa é ní. ¹⁶ Bulu ason wanlínhé ámu fɛé itsú Bulu onutó wá. Ibo alá bɔ̀pusúná ɔ̀ha, pókíná asón há ɔ̀ha, pòtswíi ɔ̀ha, póbólá ɔ̀ha, íbɛha yilébwe bémantá mu, ¹⁷ méní íbɛla Bulu ɔ̀ha bwé wankláán, ɔ̀bɔ̀fon ha gymagyihe wankláán kugyíko.

4

¹ Nlí Bulu mušo Kristo Yesuá ɔ̀bɛba begyi akiankpapu pú awupó asón, obébegyi iwíé ansító, nde fú ɔ̀lá da mbéɛ, ² fudáa Bulu asón ámu ɔ̀kan. Ní fóbú ɔ̀kpa o, foma ɔ̀kpa o, mási mó bí. Nya klɔ̀n afutswii amó. Kina asón ha amó. Wa amó ateto-ɔ̀nlun, afusuna amó atosunáhé wankláán ámu. ³ Tsúfɛ bré ko íbá, ahá bóméetra ya aso nú atosunáhé wankláán ámu. Bɔ̀bwe tóá íletsia amó, náti dúnká ató asunápó oduá bósuná amó tóá bodekléá bónu. ⁴ Békíná ɔ̀nɔ̀kwali asón ámu yóbuo ɔ̀te. ⁵ Táme fú mó á, ha fú ansí iba asi ɔ̀kpagyiɔ̀kpasó. Tomi afowun iwíasun. Bli ason wankláán ámu wankláán, afubwe agyómá ámuó Bulu léha fú ámu mó ɔ̀nɔ̀.

⁶ Mí mó á, bré lafon ání bɔ̀pu mí obugya wólí asi fɛ ntá há Bulu fɛ afɔ̀dié-abotó. Mí lowu lafon. ⁷ Nakó ikó wankláán ámu tá. Natslí ɔ̀srú amu é tá. Nakítá hóggyi amoto kinkíinkín. ⁸ Séi á, tóá ida gyo mi gyi isogyi atokiehéá Bulu tɔ̀póhá ahá ání babwé yilé, aní Wie Yesu, ogyi asón ogyípo ɔ̀nɔ̀kwalu pu ɔ̀bɔ̀pvhá mí eke yilé ámuó obéyinkí ba amó. Táme megyí mí nkole ɔ̀bɔ̀bwe íni há. ɔ̀bɛha ahá ámuó bode mu yinkí bá ɔ̀kpa kú amu é fɛé.

Paulo Onutó Iwí Asón

⁹ Bò mbòdí afòkòsì bá mí wá, ¹⁰ tsúfè òyítò atò de Dema ansigíyí wa. Mò sò alayínkí mí òma, náti òyò Tesalonika wúlutò. Kreske òyò Galatia, Tito é òyò Dalmatia. ¹¹ Luka nkòlè bọ mí wá nfi. Mò sò ní fèbá á, kpa Marko buo iwí, tsúfè òtetsá mí agyómá yò. ¹² Nawá Tihiko sí sí Efeso. ¹³ Tsu mí ligá pò mí nwólò ámbú nesi tswí Karpo wá Troa wúlutò ámbú ba mí. Mátan nwólò ámbú idin nwólò-kpákpásó ámbú ésó.

¹⁴ Kòsòbrí atò òbwepò Aleksandro lópò lalahè kò gyi mí. Iehan mí wankláán. Aní Wíe òbèka mú ikò. ¹⁵ Kí fò iwí wankláán mú sò, tsúfè òkòsò líí aní asòn blíhè féesó.

¹⁶ Bréá ahandè beha bée nlée mí ònò á, òhaa mélé mí òma. Amó fée besrí sí mí. Bulu oskie amó. ¹⁷ Táme aní Wíe lélí mí òma, òbwa mí òwónlín. Mò sò netalí bláa amó asòn ání nde fée, méní ahá ání bomegyí Yudafo fée bónu. Alí Bulu lópólé mí tsú lowutò ní. ¹⁸ Aní Wíe òbèle mí tsú lalahè kugyíkòtò. Òbèkpa mí pòtò alu yówie mú òsósó iwíegí ámbòtò. Numnyam íbwée mú kle bré féeótò. Amen.

Uklá

¹⁹ Nehá Priska mwa mú kulu Akwila pò Onesiforo wóyítò ahá fée itsiá. ²⁰ Erasto lésin Korinto wúlutò, Trofimo é délò. Mò sò nesi mú yáí Mileto wúlutò. ²¹ Bò mbòdí afuba asa atsalbí ifon. Eyubulo mwa Pude, Lino mwa Klaudia pò apíó ámbú fée behá fò itsiá.

²² Aní Wíe òkpáa mlí, ogyi mlí buale.

Ἐπιτολὴ τοῦ Παύλου πρὸς τὸν Σίσι Τίτο

Itsidha

¹ Mí Bulu osúmbi Paulo, ngyi Yesu Kristo sumbí òyòpó dé òwóló ánfí wanlín.

Bulu léle mí òbée, mbeha ahá ámóó alalé ámó abòtra nya hógyi tsia. Mí ansuna amó abòbù ònòkwahá íbèha amó bétsiá tsíatósá ílegyi mu ansí. ² Fówun íha amó abòdunka ansí nkpa ání ítamatásó. Bulu tamawá afunu! Móléhié mó yáí asa òyí lebelun. ³ Aní Nkpa Ḑhòpò Bulu léle mu asón ánfí òwan mu onutó brétó, òlòpòwá mí íbítò òbée, ndáa mó òkan.

⁴ Nde òwóló ánfí wanlín sísi fò Tito, ání fógyi mí bí onutó Kristo hógyi amotó.

Aní Sí Bulu moa aní Ḑhòpò Kristo Yesu bugyií fò bwaale, abòha fò íwilwíí!

Tito Gumagyihe Kreta

⁵ Tósá suá nesi fò yáí Kreta òmátó gyí ahá fómó aní agyómá ònó unu, yáí òpasua ahande wúlugyiwúlusu fè alíá nèbláa fò. ⁶ Imehián ání òlala bétsiá òpasua òhande íwí. Ḑbwée òká òkole otsiáppò, mu abí bogyi ahógyipò. Bòbúu ató; bómábwe nyebí laláhe. ⁷ Iníá Bulu agyómásó òpasua òhande amu dékí su á, òlala mátsiá mu íwí. Omábwe òhá ání òtamahò ahá asón, ntée òtòkásí nyá òbló, ntée òtòbò ntá, ntée otekle íkò ntée òbò sika ònsípe. ⁸ Mboún òbwée òhá ání òtòhò afòsò, òtòbwe yilé, òbò nyánsa, mu asón da òkpa, mu íwí létin, otegyi íwí. ⁹ Ḑbwée òhá ání asón ámóó bosuná mu amu íbò mótó. Ilehíán ání òbékítá mótó kínkíínkín, méní òbétalí há ahá bóbuo atosunáhé wankláán ámu, tálí gyi ahá ání bégyi atosunáhé amu nwéén ésó.

¹⁰ Tósá suá nde íni blí gyí, ahá tsòtsòtsò bakósó líí atosunáhé wankláán ámu, bode asón ání ma labi pòmlé ahá. Titriú ketétíun mbílasò agyípó amu dé íni bwe ní. ¹¹ Ilehíán ání mléka amó itin, tsúfè bode atósá imehián ání bosunátó. Iní lahá abusuan tsòtsòtsò bafwí òkpa. Bode mó bwe é pódúnká sika òkpa laláhesò tsú ahá wá. ¹² Kretafò ámu onutó yébi òhapó òkò kórará léblí òbée, “Afunupò, mbwíkítá-atò, apotsuapò pò awóluyòpò Kretafò bogyi.” ¹³ Ḑnòkwálí asón ánfí gyí. Mó su kína ha amó kínkíínkín, méní amó Kristo hógyi ònó bòwa onlín. ¹⁴ Abusi Yudafò òte nu, si ahá ámóó bakíná ònòkwálí amu atosunáhé ésó gyí. ¹⁵ Ḑhá ání mu íwí létin Bulu ansító á, tógýtó íwí létin ha mu. Táme tòtò íwí mètun ha laláhe òbwèpóá òtamahò Yesu gyi. Lélé mó á, mu agywíun layíntá, mu klón é ílasí mó ípón ha su òtamabí yilé ntée laláhe. ¹⁶ Bòtòpò ònó blí bée buyin Bulu, támé amó bwéhé losuná ání bómeyín mu. Bòbò Bulu nyányáa, bótamabú mu, bótamatálí bwé itò wankláán kòkòkò é.

2

Atosunáhé Wankláán

¹ Táme fò mó á, suna amó tósá ílekanáa atosunáhé wankláán ámu. ² Suna ayin dehen amu abogyi íwí, abòbwe ahá ání obú bò amósó, bòtegyi íwí. Bòhié kita amó hógyitò kínkíínkín. Bòdwée ahá wankláán, abòhíe tomí. ³ Suna atsi dehen é abòtsia tsíatósá ílekanáa Bulu osúmpò. Bómábwe ahá íwí asón ablípò, ntée ntakpan anúpò. Mboún bósúna tósá íbò alé. ⁴ Amó atosunáhé íha mbítebí ámu abòdwe amó akúlu pò amó abí. ⁵ Bogyií íwí, abòha amó íwí itin. Bòbwée atsiá bòteki amó wóyísó wankláán, bòtòbwe yilé, bòtòbú amó akúlu, méní òhaa móòkpòí Bulu asón ámu.

⁶ Tòí kpíla nyasubí é abogyi íwí tógýtósá bóbwe. ⁷ Fò onutó é bò mbódí afòle tsíatò wankláán suna, fò bwéhé kugyíkòtò. Ha fò ansí ípe, afosuna ònòkwálí asón ámu tsu fò klòntò. ⁸ Suna ònòkwálí amu, méní òhaa méetalí kòsò líí fò atosunáhésò. Fówun pèlí békítá fò alupò, ní bómènya òlala blí tsú aní íwí.

⁹ Suna nkpábi é abòbù amó awíe òkpagyíòkpasu. Bòbwée tógýtó igyi amó awíe amó ansí. Bómátsiá lé amó asón ònó. ¹⁰ Bómáwí amó awíe, mboún buwáa ònòkwálí ha amó tógýtósá, méní amó bwéhé bèha ahá ansí bégyi aní nkpa Ḑhòpò Bulu atosunáhé amu íwí.

¹¹ Tsúfè Bulu lalé mu awítòle òwan. Mógyí, òdekléá òbòhò anyánkpòsa fèé nkpa. ¹² Mu awítòle amu ílasúná ání ílehíán ání abésí laláhe bwe, sí aní òwólí kaláhe òmagyáa, gyi íwí, bwé yilé, aní asón igyi mu ansí òyí ánfíto. ¹³ Bré ánfí anidé òkpa kí há eke yilé ámóó Bulu Ḑkpònkpòntí, ogyi aní Ḑhòpò Yesu Kristo òbèle mu numnyam òwan ánfí. ¹⁴ Mólòtsulá bómò mu aní su, méní òbèle aní tsú lakpan kugyíkòtò. Ḑtin aní íwí, pò aní bwe mu onutó ahá, aní ansí ípe yilébwesò.

¹⁵ Suna íni aná, afòtòí kpíla amó abogyi mósó. Fòbò òkpa wá íyin wá amó, ní bómèdébí bwé. Máha òhaa òkí fò ansító kótíkótí.

3

Okristoyin Tsiátó

¹ Tsia kain amó aboba iwiasí ha omá akpapó, abogyi ahande mblaso, abobu amó. Bokí aní bóbwe tás igyi yilé brégyibré. ² Bomáblí ohaa iwí ason laláhe, bomágyi nwéen é. Mboún bobwéé ahá aní bolwíí, aboba iwiasí ha ohagyíoha. ³ Tsúfí bré ámu a, aha mimláhe aní é anigyí. Asoto lówa aní onlin. Anulófwi, mlí nkpábi há owóli laláhe pú atásá itowá oha ansigyí. Aniléyintá bré súsu lalahé móa tás ide aní ansí pe iwí. Ahá bolu aní, aní é anulólu amó. ⁴ Táme aní nkpa Ohópú Bulu léle mu awitole pú odweá obv ha aní owan. ⁵ Olee aní, táme megyí yilé koku anulóbwe sv, mboún mu nwewúun sv. Olotson Oje Wankíhé amosv fwí aní lakpan lé aniso, olelakwíí aní, há aní nkpa pəpwe. ⁶ Olotson aní Ohópú Yesu Kristosv, tséi Oje Wankíhé amv wólí aniso. ⁷ Olobwe aní alí, méní obówa awitole há aní, tsú mó aní aní asón da okpa, fówun aní ibí bédá nkpa aní itamatá amóó anidé mú okpa kí amv. ⁸ Asón ánfí bv mótó.

Yiri iwí afosuna mó wankláán, méní ahá amóó amó ansí dun Bulusv amv bétsiá bwé yilé brégyibré. Mógýí tás ibv alé, ibówa labi há ohagyíoha ni. ⁹ Mápú iwí wá mimlá nwéengyí, anáin ilínto kláa, pú mbla ámu iwí itrétó. Labi ma mótó kugyíkoto. ¹⁰ Təi kpla ohá aní otetí itré wá ahá nsiné tse nyə pé. Mó oma a, si mu asón. ¹¹ Bv aní ohá ámu odu nwuntə bv oklún. Oyin aní lalahé modəbwe. Alahá mu iwí pón dodo.

Paulo Asón Trahe

¹² Nenyá wá Artema ntée Tihiko fú wá pé, bv mbódí afobətu mí Nikopoli wúluta, tsúfí nabwé agywun aní nétsiá unv atsalí bí. ¹³ Bv mbódí afosí mbla osunápú Sena muv Apolo okpa wankláán. Təto imáhián amó okpatə. ¹⁴ Ha aní pi amv é abobí alhá butəbóa aba agyómá yə wankláán, méní bétalí kí ahá aní boma tətəso. Fówun bomóobwe ahá aní amó iwí mówa labi.

¹⁵ Ahá amóó bobv mí wá nfi ámu féé behá fú itsiá. Ahá ahógyipv amóó butədwé aní ámu itsiá.

Bulu ogyíi mlí féé bəale.

ᾠῶλῶά Paulo Lῶwanlín Sísí Filemon

Itsíáha

¹⁻² Mí Paulo ání nda obu Kristo Yesu su pῶ aní pῶo Timoteo dé ᾠῶλῶ ání wanlín. Anidé mῶ wanlín sísí fῶ aní pῶo ᾠῶwepῶ, fῶgyi aní agyῶmáyoᾠá Filemon, fῶa aní pῶo tsíhé Apia mῶa aní agyῶmáyoᾠá ání ogyi ísá ᾠkῶpῶ Arkipo mῶa Kristo ᾠpasua ámbῶ bῶtefia fῶ wῶyítῶ amῶ fΊé. ³ Aní Sí Bulu mῶa aní Wíe Yesu Kῶsto bῶgyíi mlí bῶale, abῶha mlí iwílwii.

Filemon ᾠῶwe Pῶ Mῶ Hῶgyi

⁴ Opῶo Filemon, ntedá Bulu ipán fῶ nῶunso brégyíbréá nde mpáí bῶ. ⁵ TsúfΊe ndenu alá fῶde Bulu ahá fΊé dwe, fῶde aní Wíe Yesu hῶgyitῶ kínkínkín. ⁶ Nde Bulu kokóli mbéé, ᾠháa afῶtalí bla ahá fῶ hῶgyi iwí asón, méní íbΊha fῶnu itῶ wankláán ání anilanyá Kῶsto búotῶ asi. ⁷ Mí pῶo, ᾠῶweá fῶbῶ lahá ansí de mí onutῶ óῶ gyí, íawá mí atetῶ-onlu. TsúfΊe fῶ awitῶle lahá Bulu ahá klῶn ladi amῶ asi.

Paulo Ipabwíí Onesimo Nῶunso

⁸⁻⁹ Iní su nΊtalí wá klῶn kólí fῶ atῶ. Tekí mbῶ ᾠkpa híé fῶ mbéé, fῶbῶwéé tῶá ílehíán Kῶsto so. Táme ᾠῶwe ámbῶ mbῶ ha fῶ ámu su ndekléá nῶkolí fῶ mbouin. Mῶ su tsu mῶ ání mí oyin dehen Paulo, ngyi fῶ nyáwíe Yesu su, séi nda obu dé fῶ kolí. ¹⁰ Nde fῶ kokóli mbéé, fῶwúun mí bíá nda obu asa nakwíi mῶ, ogyi Onesimo nῶwe. ¹¹ Mῶ dá ámu asi gyí ᾠbῶ labi. Tekí ᾠmῶwa labi há fῶ bréá ᾠlesrí sí fῶ, táme séi mῶ ᾠbῶ labi há mía fonyῶ.

¹² Ntῶῶwé mῶ tsú mí klῶntῶ, táme nde mῶ yínkía sísí fῶ. ¹³ Tekí ndekléá néha mῶ otsia fῶ otsiákpá mí wá nfi, ᾠtsa mí bré ání nda obu Bulu asῶn wankláán ámu ᾠkan da su ání. ¹⁴ Táme mmedékléá nῶbῶwe tῶtῶ tsῶn fῶ ᾠma. Mmedékléá néhie fῶ é. Ndekléá itsu fῶ klῶntῶ.

¹⁵ Tsu mῶ fΊé, Onesimo lésrí sí fῶ bré ítinbítῶ, méní ᾠbéla betsiá fῶ wá bré fΊé. ¹⁶ ᾠtráa omegyí ᾠkpábi. Alamlí opῶo ᾠῶwepῶ onutῶnutῶ há mí. Mῶá íῶn a, falányá ᾠkpábi pῶ opῶo ῶn mí séi.

¹⁷ Mῶ su ní fuyin ání fῶ bá gyí mí á, mῶmῶ kpla mῶ wa iwitῶ fé alá fῶbῶwe mí. ¹⁸ Ní ᾠῶpῶ ílá kῶ gyi fῶ, ntΊé ᾠde fῶ íkῶ kῶ á, bu mῶ tswí mῶ. ¹⁹ Mí Paulo onutῶ lapῶ mí íbῶ wanlín iní, “NΊka fῶ.” (Íma aláá néblí mbéé, fῶ onutῶ ámu óῶ á, mlíshῶ fῶ nkpa.) ²⁰ Iní su mí pῶo ᾠῶwepῶ, aní Wíe su wa labi ha mῶ. Ha klῶn íῶ mí asi Kῶsto so.

²¹ Nyin ání fῶnu mí ᾠme bῶwé ῶnká tῶá nawánlínso. Nyin ání fῶbῶwe mῶ ῶn alí kῶráá. ²² Mῶ ᾠma a, bῶ mbῶdí afῶla ᾠῶkpa yaí mí, tsúfΊe nde ᾠkpa kíá Bulu ᾠῶso fῶ ᾠnῶ, néba mlí wá.

Íklá

²³ Epafra ání mía mῶnyῶ anida obu Kristo Yesu su ᾠhá fῶ itsiá. ²⁴ Alí kén mí agyῶmáyoᾠá Marko mῶa Aristarko pῶ Dema mῶa Luka é bΊhá fῶ itsiá ní.

²⁵ Aní Wíe Yesu ogyíi mlí bῶale.

⁵ Bulu mápɔ ɔyí á múbú íbá, anídé mɔ́ iwí asón blí ámu wá mu abapɔ íbɔtɔ ɔbée, bɔgyíi mósó.
⁶ Mboún fɛ alíá ɔku lówanlín wá Bulu asón ámuɔtɔ ɔtɔnɛku ɔbée,
“Óo Bulu, ntɔ nyankpɔsa gyí, sɔ́ fú ansí idin muɔɔ alí?”

Ntɔ nyankpɔsa gyí, sɔ́ fɔtɛkɪ muɔɔ?
⁷ Bré itinbí kutɔ pé feba mu asɪ dɔn fú abapɔ.
Fɔpɔ numnyam pɔ́ obú dínká muɔɔ,

⁸ fɛha mu ɔde ató fɛ́ésó gyí.”
Ní Bulu asón ánfɪ déblí ɔbée, “Ató fɛ́é” á, idesuná ání tɔtɔ mesian ání ɔmedé mósó gyí. Séi ánfɪ á, anumáskónyá wun ání ɔde ató fɛ́ésó gyí. ⁹ Táme anilawun Yesu. Bulu léba mu asɪ dɔn mu abapɔ bré itinbí kutɔ. Awítɔle Bulu lówa bwé mɔ́ alí, tsúfɛ ɔleha Yesu lówu ɔhagyíɔha nwunso. Anilábí ání séi á, Bulu lapɔ numnyam pɔ́ obú dínká muɔɔ, iwíɔsin ámuó olowun, wú ámu sɔ.
¹⁰ Bulu, ató fɛ́é ɔlepɔ pɔ́ mósó ɔkírɔ amɔ ɔbékpa mu abí tsɔtsɔtsɔ ba mu numnyamtɔ. Mú sɔ íbɔ aléá ɔlɔtsɔn Yesu ámuó ogyi amú Nkpa ɔhópɔ amɔ lowusu há mu ɔlafɔn, ménɪ ɔbɔhɔ amú nkpa.

¹¹ Yesu ámuó ɔtagyóraa ahá lé amú lakpantɔ ámu mɔa ahá ámuó alagyóra amɔ fɛ́é babwé ɔsí ɔkɔle abí. Mú sɔ una mu péli ání ɔbɛti amú ɔbée mu apíó. ¹² ɔlebláa Bulu ɔbée,
“Nékla fú bwehé súná mí apíó.
Nékanfó fú anɪ ofiakpa.”

¹³ ɔleblí bré bámbátó é ɔbée, “Nópɔ ansí dínká Bulusu.” ɔletrá blí ɔbée, “Kɪ, mía abí ámuó Bulu lapóhá mí ámu líí á.”

¹⁴ Iná anyánpɔsa abí ámuó Bulu lópuhá mu amɔ bɔgyi sɔ́ á, ɔlabwe mu iwí nyankpɔsa fɛ́ amó, ménɪ ɔbɔtsɔn mu lowusu swíí ɔbɔnsám túmɪ, yíntá mu. ¹⁵ ɔkpa ánfɪ péso ɔbétalí tsɔn há ahá ámuó benya lowu ifú, sɔ́ bɔbwe nkpábi amú nkpatɔ fɛ́é ámu bɛgyi iwí ní. ¹⁶ Tsúfɛ ida yaí ání megyí Bulu-abapɔ nkpa ɔhókpa ɔleba, mboún Abraham abí-aná. ¹⁷ Inɪ sɔ ílehíán ání ɔbélian mu apíó tógyítótó, ménɪ ɔbɔbwe amú igyí ɔhapú dehen ání obówun ahá nwe, wá ɔnɔkwali Bulu ansító. Fówun ɔbétalí bɔ́ amú lakpan iwí afɔdɛ há Bulu, obésikíé amú. ¹⁸ Bɔso mu kɪ, mu onutó é ɔlɔtsɔn iwíɔsintɔ. Mú sɔ ɔbétalí gyí ahá ání butɔsɔ amú kɪ é buale.

3

Yesu Dɔn Mose

¹ Inɪ sɔ apíó aba ání Bulu latí mlɪ wá ɔsósó ayapótó, mlɪpɔ ansí dɔnka Yesusu. Mɔgyí Bulu sumbí ɔyapɔ pɔ́ mu igyí ɔhapú dehen ámuó anídé mu iwí asón blí ámu ní. ² ɔlɔwa ɔnɔkwali há Bulu, Bulu léle mu ɔbée, ɔbýɔ mu agyómá fɛ́ alí ámuó Mose lówa ɔnɔkwali há Bulu, Bulu lópu mu wóyí fɛ́é wá mu íbɔtɔ ámu. ³ Táme obú bɔ́ Yesusu dɔn Mose, fɛ́ alíá butobú wóyí oyípu dɔn wóyí ámu. ⁴ Wóyígyíwóyí á, ɔha léyi mú, táme ató fɛ́é ɔbwepɔ gyí Bulu. ⁵ Mose lóbwe osúmpɔ ɔnɔkwali pɔ́ ɔde Bulu wóyísó kɪ. ɔlebláa amú asón ání Bulu ɔbélíí ekekó. ⁶ Táme Kristo lóbwe obí ɔnɔkwali pɔ́ ɔde Bulu wóyísó kɪ. Bulu wóyító abí anɪgyí, ní anilówa klɔn kítá mu ɔkpakító kínkínkín yófɔn mɔ́ ɔnómáké.

Bulu Ahá Bédá ɔkpónó

⁷ Mú sɔ íbɔ Bulu asón ámuɔtɔ ání ɔɣe Wankíhé léblí ɔbée,
“Nde, ní mlonú Bulu ɔme a,
⁸ mlumáwa asɔtɔ-ɔnlɔn, fɛ́ alíá mlɪ anáin Israelfɔ
bɔbwe bréá bɔkusó líí Bulusu,
sɔ́ mu kɪ dímbí ámuɔɔ.

⁹ Inú mlɪ anáin bɔso mɪ kɪ ní.
Íbɔ mótásá bowun mí bwehé nfi adɔana (40) kéké.

¹⁰ Inɪ sɔ nɛnya ɔbló wa amú, blí mbée,
‘Botédálɪ mí ɔma brégyíbré,
kíná mí asónsú gyí.’

¹¹ Mú sɔ nɛnya ɔbló ká ntam mbée,
‘Ní bówie mí ɔkpónó ɔdakpá unɔ fíin! Néká nótón!’ ”

¹² Mí apíó, mlɪkɪ wankláán ání mlɪtɔ ɔkɔku ménya klɔn laláhe ání itamahɔ Bulu gyi, ménɪ iméha mu ɔdalí Bulu ɔkiankpaɔ amɔ ɔma. ¹³ Mboún mlɪtɔ kpla aba ekekegyíekéá ɔyí leke, bɛti mɔ́ “Nde,” fɛ́ alíá Bulu asɔn wanlínhé anfi ídeblí. Fówun lakpan méemlé mlɪtɔ ɔkɔku, há mu ɔwa asɔtɔ-ɔnlɔn. ¹⁴ Tsúfɛ ní akítá anɪ hógýtɔ kínkínkín, fɛ́ bré ámuó anilótsɔ hógýi amɔ yófɔn mɔ́ ɔnámɔ a, anɪa Kristonyɔ abékan, bwé toku kɔle.

¹⁵ Fɛ́ alíá Bulu asɔn wanlínhé amɔ léblí. ɔbée,
“Nde, ní mlonú Bulu ɔme a,
mlumáwa asɔtɔ-ɔnlɔn, fɛ́ alíá mlɪ anáin Israelfɔ
bɔkusó líí Bulusu.”

¹⁶ Amendi lónu Bulu ason blíhè, táme bákoso líi muso? Megyí ahá ámóó Mose lékpa tsú Egiypte asulosó ámu fèé? ¹⁷ Amendi Bulu lénya obló wá nfi adwana (40) kéké? Megyí amó kén lóbwe lakpan, bowu sin dimbísos inu ní? ¹⁸ Amendi Bulu léka ntam há obéé, “Ní bówie mí okpónó odakpá inu fíin! Néká nótón?” Megyí ahá ámóó bákoso líi muso ámu? ¹⁹ Mómó dlawánkí aní aní amó Bulu máhógyi sò bómáyo asolúo amuso yéda okpónó.

4

¹ Nnhíé ámóó Bulu lóbwe obéé, mórú mu okpónó odakpá há aní ámu itráa da. Mú sò mliha akí wankláán, méní unéeba aní mlúto oku oménya inu yó. ² Tsúfè beda ason wankláán ámu okan súná aní, fè amó, táme bómáho asón ámuso gyi. Mú sò inu. Ahá amóó bómáho mósó gyi amu obówie mu okpónó odakpá inu. Ahá amóó bómáho mósó gyi amu mú á, Bulu léblí tswí obéé, “Nenya obló, ká ntam mbéé, “Ní bówie mí okpónó odakpá inu fíin! Néká nótón!”

Ibo mótó aní Bulu léhíé okpónó odakpá inu yáí tsú bréá olele oyí opá. ⁴ Tsúfè bəwanlín eke siénósí amu iwí asón wá Bulu ason ámuto beé, “Eke siénósí a, Bulu léda okpónó tsú mu gyumagyihe fèétó.” ⁵ Fè alíá anlanú bətsən a, Bulu obéé, “Ní bówie mí okpónó odakpá inu fíin! Néká nótón!” ⁶ Iní désuná aní ako mó bówie inu. Táme ahá ámóó begyankpá nú ason wankláán ámu bumenya inu yó, tsúfè bómobu mu. ⁷ Iní sò Bulu létrá hie eke bámbá, oletí mú “Nde.” Nfi tsətsətsə əma a, ələtsən Owíe Dawídsə tóí tsú alí eke anfí iwí, fè alíá ibo Bulu asón ámuto obéé,

“Nde, ní mlonú Bulu əme a, mlumáwa asotə-ənlun.”

⁸ Ní amó okpapó Yosua léha beda okpónó á, tekí Bulu métrá hie eke bámbá. ⁹ Iní sò okpónó odaké kwá ina otsan ida gyo Bulu ahá, fè alíá Bulu léda okpónó eke siénósí amu. ¹⁰ Tsúfè ohá aní olowie okpónó odakpá inu é ladá okpónó tsú mu é mu gyumagyihe kugyíkoto, fè alí ámóó Bulu léda okpónó tsú mu kle kugyíkoto ámu. ¹¹ Mú sò mliha abo mbádí awie okpónó odakpá inu, méní anito okoko méésin okpató fè alí ámóó Israelfo ámu bəwa asotə-ənlun, besin okpató ámu.

¹² Tsúfè Bulu asón ámu ibo nkpa, itəyó agyómá. Ibo ogyá dən ədayí iya anyə kugyíko. Itéká oha alí yówie mu əkláa pó mú oñé ofiakpa, mu ntsakpá pó mu awú nfətə. Ifegyí aní agywun pó tóá anitekle tsú aní kləntə asón. ¹³ Tətsətsə tamanjín Bulu! Tógyító da yayá mu ansító. Mu abóyóbu aní tsiátó akúnta kugyíko súná ní.

Aní Bulu Igyí Əhapó Dəhen

¹⁴ Anubo igyí əhapó dəhen kənkəntə aní aladá fá osósó yó əbu Bulu wá. Múgyí mu Bi Yesu. Iní sò mliha akita Yesu anfí anidé mu iwí adánsie gyí anfítə kinkíinkín. Anumádunkí ansí muso. ¹⁵ Tsúfè mu mú omegyí ohá aní omóonu aní así ní anumétálí gyí iwí. Ogyí ohá aní bəso mu kí okpagyíokpasu fè aní, táme əməbwe lakpan ekekekeke. ¹⁶ Iní sò mliha awa klən, ayə Awítələpə Bulu obíá asi. Fówun obówun aní nwe, wá awítələ, kpá aní aní ohíánke.

5

¹ Lé butélé igyí əhapó dəhen okugyíokú tsú mu aba anyánkposatə, otelí amó nwun Bulu ansító. Ətsəho ato hahé pú lakpan afadiə-abotó tsú amó wá, púhá Bulu igyí. ² Mu onutó é ətamatalí gyí iwí béré tsətsətsətsə. Mú sò otenyá klən há ahá aní bəmeyín əlala pó amóá bafwí okpa. ³ Mú sò ilehián aní obəbə afədiə há mu onutó lakpan, fè alíá ətabó há mu ahá. ⁴ Əhaa tamawá mu iwí numnyam obéé, Bulu igyí əhapó dəhen múgyí. Mboún Bulu tétí əha, bwé mu mu igyí əhapó dəhen, fè alíá ələbwe Aaron.

⁵ Alí kén Kristo onutó é mówa iwí numnyam aní Bulu igyí əhapó dəhen múgyí ní. Mboún Bulu lébláa mu obéé, “Mí Bí gyí fú.

Nde nabwé fú Sí.”

⁶ Bəwanlín wá Bulu asón ámu otunekə é beé, Bulu obéé,

“Bulu igyí əhapó fúgyi bré fèétó, fè Melkisedek.”

⁷ Bréá Yesu tsie nkpa asolúo anifisú á, ələpə kokóli móa isú bə mpá, kplón kóklókóó, pú mu atə kolíhè tswí Bulu aní əbétalí hə mu nkpa ansító. Mu iwíasibá sum Bulu sò Bulu lónu mu mpá. ⁸ Ibo mótóá Bulu mu Bi ogyi mó, táme ələtsən iwíəsuntə asa əletalí bí alíá Bulubu ihíé igyí. ⁹ Iníá ələbwe tógyítá Bulu lówa mu bwe sò á, olemlí okpa aní ahá aní bəto bú mu fèé bətsən mósó nyá nkpahə aní itamatá. ¹⁰ Bulu léle mu súná aní ogyi mu igyí əhapó dəhen, fè alíá əleyai Melkisedek.

Mlamási Hógyi Amoto

¹¹ Mbo asón tsotsotsóá abéblí tsú Melkisedek asón ání iwí. Táme mó asile súná mlí ibówa onlin. Tsúfè séi á, mlítráa mlamédé asón así nu osaso. ¹² Teki b́fón alí bré ánfító á, mlamlí asunápó, táme mlílétrá híán ohá ání obósuná mlí ató gyankpapuá ibu Bulu asón ámoto. Mógyí, mlíléhíán atosuanhé lópón fè nyápu-ntsu. Megyí móá ibu onlin fè ató whé ntéé atogyihe onotó. ¹³ Táme kebi b́bwe tónyópó. Omeyín tsá gyí yilébwe. ¹⁴ Jhande tégyi tsá ibu onlin, tsúfè alatsontson ntobító kí, alakási bí yilé móa lalahe.

6

¹ Mó sò mlamátrá butía aní ayabi ya oma. Mlíha akasí móá íb́éha aní abóyo nkpá, asi Kristo iwí atosunáhé gyankpapu amoto plá laplá. Mehíán ání abétrá suná ató tsú Bulu hógyi pó klontódamlí tsú bwehéá ítetí lowu iwí, ² atosunáhé tsú asúbó, íb́i podínká ohaso,* afúlikosó pó Bulu asóngyí eke tráhe amu iwí. ³ Ní Bulu lótsulá á, mó mó móá íb́éha abóyo nkpá śón abósuná mlí ngya.

⁴ Ní ahá ání bawun Bulu wanki amu kí, badá osósó atokiehé onó kí, banyá Jhe Wankíhé amu é kí, ⁵ badá Bulu asón ámóó ibu alé ámu pó bré ámóó íb́éba amoto túmi onó kí, ⁶ mó oma bediá hógyitó á, butamatálí trá damlí klontó. Tsúfè amó onotó ámu trá b́de Bulu mó Bi ámu da mánta oyikpalíhesu, tsú mó líí b́e, ahá b́wbwéé mó ahinlá ní.

⁷ Anyánkposá aku b́gyi fè osólóá itonu ntsuá nyankpu détswíe wolí móso, ató t́wá alé, wá labi há ahá ámu sò ámóó b́dó mó ámu. Bulu toyúlá alí ahá ání odu. ⁸ Táme aku é b́gyi fè osólóv ání tunkpa móa awu aná t́kwe móso, butamawá labi. Ní bumeki wankláán á, Bulu obólwí amó, wá amó ogyá.

⁹ Táme apíó adwepó, ní nde íni blí ó á, opúni medé mí tsíí. Tsúfè nyin ání mlídé ató wankláán b́we, idesuná ání Bulu lahó mlí nkpá. ¹⁰ Tsúfè tsá ida okpa Bulu t́bwé. Oméetan mlí gyumgyíhe pó odwéá mlílalé súná mó tsú mó ahátsato, mlítráa mlíbu móso. ¹¹ Nhíé ndeklé mbéé, mlító okugyíáko ob́owa iwí owonlín, b́wé mó ýfón mó onómó, f́owun itó ámóó mlí ansí dín móso ámu íb́éba móts há mlí. ¹² Mmedékléá mlí mlí onjéts awolýópó. Mboún mlíkasi ahá ámóó amó hógyi pó amó íklonya sò amó íb́i b́éda itó ámóó Bulu léhie yáí ámu.

Bulu Lédnká Ibwi T́d́á Jlehie Yáísó

¹³ Bréá Bulu léka ntam há Abraham a, ohaa má íwá odon mó Bulu. Mó sò mó onotó iwí olópóká ntam. ¹⁴ Obéé, “Nekáse, néhie yúlá f́ó. Néha f́ó abí-aná b́kéléí tsotsotsó!” ¹⁵ Abraham lénya klon. Mó sò olenya itó ámóó Bulu léka ntam ob́éé méha mó amu. ¹⁶ Ní oko ob́éka ntam a, ohá ání odon mó íd́á otópóká ntam amu. Isuna ání nwéengyí kóko má mó ntam amu iwí. ¹⁷ Iní sò bréá Bulu dékléá obósuná ahá ámóó jlehie tó ámu há ámu ání oméetse mó agywuun ekekeke á, jletano mó iwí. ¹⁸ Bulu tamawá afunu! Mó tó ámóó jlehie yáí ámu, pó ntam amu igyí atoku anyo ání unéetse ekekeke. Iní sò aní ahá ámóó anlasrí tanu mó amu anub t́á abópowá iwí owonlín, akita tó ámóó anidé okpa kí amoto kínkíínkín. ¹⁹ Aní okpakí anfi lakítá aní yáí fè alá otan tekítá obu líí. Aní okpakí anfi tekpá aní, anit́tsón tati ámóó isian osósó Jwankíkpató Jwankíkpa obu-onó ámoto wíé móts. ²⁰ Aní sò Yesu lagyankpá yó ob́o obu ámoto íno dodo. Alamlí igyí ahapó dehan ání ob́u íno bré f́ééts há aní fè Melkisedek.

7

Bulu Igyí Jhapó Melkisedek

¹ Melkisedek anfi á, owíe ogyi Salem. J́b́bwe osósósó Bulu amu igyí ahapó. Eke oku Abraham lóyóko awíe abaná aku isá, gyí amósó. Bréá oleyinkí ohá á, olefia Melkisedek. Melkisedek lóyulá mó. ² Abraham léye at́d́á olenya tsú isá ámoto idú, olópu idúsí há Melkisedek. Idá ání así gyí, “Yilébwe Owíe.” Mó íd́á kole é gyí “Iwilwii Owíe,” tsúfè Salem así gyí, “Iwilwii.” ³ Bulu asón meblí asvansu tsú Melkisedek akwípó ntéé mó ílinto, mó kwíí ntéé mó lowu iwí. Jlehian Bulu mó Bi ámu. Bulu igyí ahapó ogyí bré f́ééts.

⁴ Mlíki ahá Melkisedek gyí ohá kponkpónkpóntí oku. Aní náin Abraham kóráá léye mó at́d́á olenya tsú isátó idú, pó iku kole há mó. ⁵ Mose Mb́la léha Lewi abí-aná, b́gyi igyí ahapó ámu okpa ání b́hóó ató yéé idútó kole tsu amó ahá Israelfó wá. Íbu móts ání Abraham abí-aná amó é b́gyi. ⁶ Melkisedek anfi mótsú Lewi abí-anát, táme olóhó Abraham ató yéé idútó kole, yúlá Abraham mbóún ámóó Bulu léka ntam há ámu. ⁷ Nwéengyí ma mó iwí ání ohá ání otoyúlá don omwá b́deyulá. ⁸ Yudafó igyí ahapó ámóó bot́hó Israelfó ató idútó kole amu botowú, táme olóhó Abraham at́yeto idúsí anfi mó trá otsie nkpá fè alá Bulu ason wanlínhé amu déblí. ⁹ Ní anumóowa afunu a, abétalí blí aníaa, bré ámóó Abraham lópu mó ató idútó kole há mó amu a, Lewi abusuan ámóó bot́hó Israelfó ató idútó kole amu é beka mó tson

* 6:2 Íb́i podínká ohaso igyí amándíé ání opasua ahande bot́b́wé pówá ahá ání balé há gyoma kó gyí opasua ámoto owonlín, ntéé pót́sá ahá íb́, ntéé pókólí Bulu Jhe Wankíhé há amó.

Abrahamsó. ¹⁰ Tsúfê Lewi bô mû nain Abraham iwto, bômákónyá kwíi mû asa mû nain lópo mû ató idútó kole há Melkisedek.

¹¹ Ibo móto áni Mose mbla ámu lébli áni Bulu igyí ahapó botstú Lewi abusuantó. Ní bétali há ðha ðbón a, tekí Bulu métrá le mû igyí ahapó bámbá áni ogyi fê Melkisedek, omotsú Aaron abusuantó. ¹² Ní betse igyí ahapóle mbla ámu a, mómó ilehián áni bétse Mose mbla ámu é. ¹³ Tsúfê aní Wíe anfi anidé mû iwí asón blí áni otsú abusuan bámbát. Abusuan ánfito ðhaa mókósúm afóðie-asubwi amúso kí. ¹⁴ Ðhagyíðha yin áni Yuda abusuantó aní Wíe anfi otsú. Mose méti abusuan áni idá bréá ðde abusuan oduá bóbwe Bulu igyí ahapó iwí asón blí.

Bulu Igyí Ahapó Bambá Aní Ogyi Fê Melkisedek

¹⁵ Bulu mbla áni tséé latráa wankí aní tsia, tsúfê igyí ahapó bámbá labele iwí ðwan fê Melkisedek. ¹⁶ Mbla dada amú ilosuná áni Lewifó nkole ðbweé igyí ahapó, táme megyí bæe mû anáin botsú Lewifótó só ðbwee igyí ahapó. Mboún mû nkpa áni imóòmó ðnó ekekekeke túmitó ðna ðbwee igyí ahapó. ¹⁷ Tsúfê bowanlín wá Bulu asón ámutó bæe, “Bulu igyí ahapó fógyi bré fêétó, fê Melkisedek.” ¹⁸ Idesuná áni balé igyíha mbla dada amú ibwi, tsúfê imówa ogyá, imówa labi é. ¹⁹ Tsúfê Mose mbla ámu métalí bwé tótótó ifon. Séi á, Bulu lapó aní ðpkakí wankláán áni idon mbla dada amú yáí mó otsiákpá. Móá íbékpiá aní mantáa Bulu.

²⁰ Bulu léka Yesu iwí ntam áni ðbóbwe mû igyí ahapó bré fêétó. Ðmeká igyí ahapó bámbá ðkokokó iwí ntam. ²¹ Yesu iwí ntam áni ðleka bréá ðbwee mû igyí ahapó gyí, “Mí Bulu, naká mí iwí ntam áni igyí ahapó fógyi bré fêétó. Mmélatsé mí agywun!”

²² Ina ntam anfi sô Yesu labóbwe ðma ðlípó há Bulu nhuhé áni ihíé bô alé ðon nhuhé dada amú.

²³ Bulu igyí ahapó ámóú betsiá nhuhé dada amú ðnó ámu bohíé botso, tsúfê botowú sí agyómá ámu tswi. ²⁴ Yesu mó bô inu bré fêétó. Mó sô mû Bulu igyíha móòmó ðnó ekekekeke. ²⁵ Mó sô ðtetáli hâ ahá áni botótson musô ba Bulu wá fêé nkpa plíplíplí. Tsúfê otsie Bulu wá, ðde mû kokóli amó nwunso bré fêétó.

²⁶ Yesu gyí Bulu igyí ahapó dehen onutó áni anidéhián ní. Mû iwí letin, tsitsa koku ima mû iwí. Lalahé kokokó é ima muto. Bulu léle mû lé lakpan abwepó ðkpasu, há mû otsiákpá fúáhé ðsósósó. ²⁷ Imehián áni mû mó obégyankpá bô mû lakpan iwí afóðie, fê igyí ahapó dehen atráhe amú. Amó mó betsiá bô há amú onutó lakpan ekekegyíeke, asa bôbô há ahá atráhe. Otsáwole pé mû mó ðlóbô afóðie há ahá fêé lakpan, bréá ðlôpo mû iwí bô afóðie ahá fêé nwunso.

²⁸ Mose mbla léha ahá áni bapon bóbwe Bulu igyí ahapó dehen. Táme mbla ámu ðma a, Bulu léka ntam lé mû Bi. Alahá mû Bi ámu labwé mû igyí ahapó dehen áni ðlôfon bré fêétó.

8

Aní Igyí Ahapó Dehen

¹ Asón áni ndeblí fêé gyí, aníbu Bulu igyí ahapó dehen áni ógyi alí, otsie Bulu Otúmípo amú obíá gyapíso ðsósó. ² Ðde Bulu igyí há Ðwankíkpáto Ðwankíkpá onutó áni ibo ðsósó inu. Mó mó á, Bulu onutó léyi mó, megyí nyankpósa.

³ Bulu igyí ahapó dehen okugyíokó á, mû agyómá gyí, ðbópo ahá ámu ató hahé pó amú afóðie-abotó há Bulu. Iní sô ilehián áni aní Bulu igyí ahapó dehen Kristo é obénya tóá ðbóphá Bulu. ⁴ Ní ðsolóv anifso ðbo a, tekí imóóbwe Bulu igyí ahapó ekekekeke. Tsúfê Bulu igyí ahapó onutó bôbo ináá botéhá Bulu igyí Mose mbla ðnó. ⁵ Igyí ahapó amú botótswé Bulu igyí ahakpá áni ilehan ðsósó tati-obu ámu. Iní sô Bulu léda Mose ðlá bréá ðbóbwe tati-obu ámu ðbé, “Kí áni fóbwe tógyító fê obu ámóú nele súná fú íbusu inu ámu odu pépépé.” ⁶ Táme Yesu igyíha agyómá ámóú Bulu léha mû amú léhié fóá ðon ðsolóso igyí ahapó dehen amú klé. Ntam pópwe ámóú ibo ania Bulu nsiné, Yesu gyí mó ðma ðlípó amú é ihíé bô alé ðon ntam dada amú. Tsúfê ðlehe atoyiléá móbwe há aní wá móto.

⁷ Ntam gyankpapó amú imófon. Ní ðlôfon a, tekí nyóso métrá hián. ⁸ Táme Bulu lówwun áni anyánpósa bomebí bwé. Mó sô ðleblí ðbé, “Èke ðkó íbá. Mí mlí Wíe débli.

Mía Israelfó pó Yudafó abéka ntam pópwe.

⁹ Imóóbwe fê mó ámóú iletsiá mía amú anáin nsiné, bré ámóú nekítá amó íbi, kpá amú dalí Egiyipte ðsolóso ámu.

Tsúfê bomegyi mí ntam amúso.

Iní sô nesi amú iwí há amú.

¹⁰ Ntam anfi obétsiá mía Israelfó nsiné èke ámu ní. Mí mlí Wíe débli.

Nópu mí mbala wá amó nwunto,
nówanlín mó dínká amó klonsu.
Nóbwe amó Bulu,
amó é bóbwe mí ahá.

11 Amótó okoko méetrá suná mu pio,
ntéé mu ba obéé,
obú Bulu.

Tsúf é amó féé bébi mí.
Tsu nyebísó yófon ahandesu.

12 Nési amó lakpan kíé amó.
Mméétrá kain lalahé babwésó.”

13 Ní aní Wíe dé ntam papwe iwí asón blí á, mó mó ilosuná aní dada amó ɪtráa ma labi mu ansító. Tóá iladan bwe dáda a, wu itowú.

9

Osóló Móa Osósó Bulusúm

1 Bulusúm mbala letsíá Bulu ntam dada amoto. Bóbwe tati-obu aní bósum Bulu mó tó osólósu nfi. 2 Bapu tati tin tati-obu ámu onó, bapu ukole é ká mó tót. Beti obu gyankpapu amoto beé, Jwankíkpa. Okandíe-oyí aní butonywé nkandíe bian mó sù pò apónó aní bodobodoá bapóhá Bulu igyí idin mó sù bɔ inu. 3 Obu nyɔɔsi amó bɔ tati nyɔɔsi amu ɔma amoto botetí, Jwankíkpa Jwankíkpa ní. 4 Sika pepe afodíe-asubwí bɔ inu. Bulu Ntam-dáka aní bapu sika pepe piatá mó iwí féé é itsie inu. Botówá ohíen ogyá afodíe-asubwí ámu sɔ. Atoku asa bóu Bulu Ntam-dáka ámu tó. Mógýí, sika pepe olankabi aní atogyihe kóá beti mó mana bɔ mó tót, Aaron oyi yíahé amó bɔ pò abwi pétéplé anyá amó Bulu lówanlín mu mbala dínká mó sù amó é bɔ mó tót. 5 Bóbwe Kerubim anyá bɔ bɔ numnyam, bɔgyí ntobí akóá bɔ abámba dínká ntam-dáka ámu obuasɔsu. Amó féé betinkí amó abámba fia aba, ilobun dáka ámu sɔ. Amó nsuné inu Bulu tesi ahá lakpan kíé amó ní. Táme megyí séi abéle asón ánfí asi.

6 Alí bɛla ntobí ámu yáí inu ní. Bulu igyí ahapó ámu botowíe obu gyankpapu, igyí Jwankíkpa amoto ekekegyíeke yóyo amó agyómá. 7 Bulu igyí ahapó dehen pé towíé obu nyɔɔsi, igyí Jwankíkpa Jwankíkpa amoto. Otsáwole pé otowíé inu ofító. Ilehíán aní obópu obwí obugya aní obópobó afodíe há Bulu mu onutó nwunso pò ahá lakpan aní bóbwe, bɔmeyín su ya inu. 8 Tóá Jhe Wankíhé amó désuná tsú ntobí ánfí iwí gyí, Jwankíkpa Jwankíkpa inu okpa lefin wa amó bréá tati-obu ámu gyí amó Bulu ɔswékpá. 9 Iní igyí atosuanhé há nde oyi kehe. Idesuná aní bɔ mó tótá botópó ato hahé pò afodíe-abotó há Bulu igyí, táme iméetalí há mó ahapó ámu klon isi mu ipón ha aní mu iwí latin tsú mu lakpantó. 10 Tsúf é ntobíá igyí, atogyihe, atonuhé pò amándíé aní nyankpɔsa tɔpógýóra iwí keke mbala ámu losuná. Bulu lóbwe mbala ámu féé há nyankpɔsa, aní okíta mó tó bɔfon bré ánfí alabwé okpa papwe aní bɔpobwé mó ánfí, anuméétrá bwe dáda amu.

11 Kristo labóbwe Bulu igyí ahapó dehen há ato wankláán amó lɔba ámu. Mu tati-obu aní bɔ mó tót bɔ osósó. Inu tati-obu ámu don osólósu klé, ɔɔfon don mó é. Megyí nyankpɔsa lóbwe mó mó, imotsú oyi ánfíto é. 12 Megyí atrokpa pò nnantswie yínhé obugya Kristo lɔpuya Jwankíkpa Jwankíkpa inu. Mu onutó obugya ɔlɔpuya inu, ɔlɔpóká aní nwunso ikó otsáwole pé, anilénya nkpa aní itamatá. 13 Mose mbala ámu onó á, akpaláa pò nnantswie obugya pò onantswiebí aní bawá mu ogyá, alahé nsúó botowúnnya wólí ahá aní ifin lada amó, pógýóra amó. 14 Ní betalí bode mbwí obugya kóráá pɔtin ahá iwí á, ntogyí su Kristo obugya méetalí tin ahá iwí don? Kristo lótsɔn Jhe amó bɔ inu bré féé ámu sɔ, pò mu iwí lé mbusuo aní ɔɔfon há Bulu. Mu obugya amu íbetin aní klontó tsú bwéhéá íbékpa aní wá lowuto iwí, méní abétalí súm Bulu Okiankpapɔ amu.

15 Iní su Kristo gyí ntam papwe aní bɔ Bulu mɔa anyánpɔsa nsuné ɔma ɔlópó, méní ahá amó Bulu latí ámu bénya ató amó itamayíntá, ɔlehie yáí há amó ámu. Tsúf é Kristo lowu ámu ilahá amó bagyi iwí tsú lakpan amó bóbwe bré amó bɔ bɔ ntam gyankpapu amu así amoto.

16 Ní oko ɔwanlín nhíhé há mu atótó yéé tsuwí a, otowú asa itayo agyómá. 17 Tsúf é nhíhé ámu ma labi bréá ohá ámu onutó tsie nkpa. Mu lowu ɔma itówá labi. 18 Iní só bapu obugya sí Bulu ntam gyankpapu amu é sù asa ɔlɔyo agyómá ní. 19 Tsúf é bréá Mose lékla mbala ámu féé súná Israelfó tá á, ɔlɔpu ntsu fráa nnantswie pò akpaláa obuyato, pò kufa iwí imi pepe móa ífá kóá botetí mó Hisop wúnnya obugya fráhe amu wólí mbala ɔwoló ámu pò ahá ámu féé sù. 20 Móó ɔleblí obéé, “Obugya aní ndeposi ntam aní Bulu laká há mliso ní.” 21 Alí kén ɔlɔpu obugya amu kɔ wúnnya tati-obu pò ntobí amó bɔ botópótswe Bulu ámu féé sù ní. 22 Lélé mó Bulu mbala ámu onó á, abétalí blí aníaa, obugya botópógýóra tógýító. Ní bɔmɔpu obugya lé mbusuo á, lakpansiké tamaba.

Kristo Afodie T'ele Ani Tsu Lakpanto

²³ Ali ilehián ání bóbwe amándié ání pógyóra ntóbí ání igyi fé osósó klé amu ní. Táme osósó klé amu ilehián afodie ání ihé dun osólóso klé ání. ²⁴ Iní só Kristo mówie tati-obuá nyankpasa lópu mu ibi bwé, igyi fé osósó klé amu oduto ní. Osósó oboyo yélí Bulu ansító, ode mu kokóli ha aní. ²⁵ Omopu mu iwí yóbo afodie tsenyo-tsesa, fé alí ámóó Bulu igyi ahapó dehen amu butópó mbwí obugya ya osólóso Owankíkpáto Owankíkpá unu offigiyófi ámu. ²⁶ Ní alí igyi á, teki ilehián ání Kristo obétsiá wun iwíosun wú tsé dú tsé lafa, tsú bréá oyí lefi así opá. Mboún alalé iwí owan oyí onómóbí ání, pú mu iwí bobo afodie ótsáwole pé pólé ahá tsú amó lakpanto. ²⁷ Igyi fé alá ida yáí ání ótsáwole pé oha obówu. Mú oha a, Bulu obégyi mu asón. ²⁸ Ali kén Kristo lópu mu iwí bó afodie ótsáwole pé, pólé ahá tsotsótsó tsú amó lakpanto ní. Mú so ní alé iwí owan otse nyóosi a, imehián ání obétrá bwe toto tsú lakpan iwí. Mboún ahá ání bohíé bótisie bogyo mu nkpa obá bəho.

10

¹ Ali ámóó Mose mbla léle súná ání bupóha Bulu igyi amu ilehan mó ámóó ibéba amu keke. Mú onutó ámu Kristo labobwe á. Afodie oloku okole amu betsiá bə há Bulu offigiyófi. Táme imetalí há ahá ámóó butebeha igyi amu abufon Bulu ansító. ² Ní detalí tun amó iwí Bulu ansító ótsáwole pé á, teki besi afodie ámu bə, amó klon é ilesi amó ipón ha ání babwé lakpan. ³⁻⁴ Tsúfé nnantswíe yínhé pú atrókpa obugya méetalí lé nyankpasa tsú mu lakpanto ekekekeke. Mboún ha itehá mu ótekáin mu lakpansu offigiyófi. ⁵ Iní so bréá Kristo obá oyító á, ólebláa Bulu obéé, “Megyí ato hahé móa afodie fódedunká.

Mboún oyulúu fela yáí mí.

⁶ Fó ansí megyi mbwí tóhé pú lakpan afodie iwí.

⁷ Múó neblí mbéé, ‘Mí Bulu, mí ní.

Nebá bobwe fú apé,

fé alá bəwanlín mí iwí asón wá fú ason wanlínhé amoto.’ ”

⁸ Olegyankpá blí obéé, “Megyí afodie móa ato hahé, mbwí tóhé pú lakpan afodie fódedunká. Fú ansí megyi mó iwí.” Óleblí ali, táme mbla okpasó ilehián ání bóbwe mó. ⁹ Múó óletrá blí obéé, “Mí Bulu, mí ní. Nebá bobwe fú apé.” Mú so Bulu lalé afodie dada amú ibwí, pú Kristo afodie ámu wá mó otsiákpá. ¹⁰ Yesu Kristo lóbwe Bulu apé, pú mu iwí bó afodie aní nwunso ótsáwole pé, há bré féé. Mú so aní iwí latin.

¹¹ Igyi óhapó okugiyóku telí bó afodie oloku okole amu ekekegyíeke. Afodie-abotó ámóó otenya póbó mó tsé dú tsé lafa ámu kén ótópóbó mó ní. Táme afodie ání méetalí lé ahá tsú amó lakpanto ekekekeke. ¹² Kristo mó lénya bó lakpan iwí afodie ótsáwole pé ámu a, ileta féé, oleyétsiá Bulu gyopisu. ¹³ Tsú alí bré ámuto opá otsie unu ogyo bréá Bulu obópu mu alupó bwé mu ayabi oyíkpa. ¹⁴ Mú afodie kole pé ámu ilahá ahá ámóó Bulu lapó amó bwé mó kle amú bafon ha bré féé, alala kokokoko itráa ma amó iwí.

¹⁵ Oje Wankihé é légyi mó iwí adánsie súná aní. Olegyankpá blí obéé,

¹⁶ Aní Wíe obéé,

“Ntam anfi obétsiá mía amónyo nsiné,

bré ámóó ibá ámuto ní.

Nópu mí mbla wá amó klonto, wánlín mó wá amó nwunto.”

¹⁷ Óletrá blí obéé, “Mméétrá káin amó lakpan pú amó lalahesu ekekekeke.” ¹⁸ Mú so ní Bulu lasí lakpan kíé á, mó mó mó iwí afodie koko itráa medéhián é.

Mliha Akpokpe Manta Bulu

¹⁹ Iní so mí apíó, Yesu obugya amu so anibə okpa wíé osósó Owankíkpáto Owankíkpá unu faan.

²⁰ Mú lowu ámu so alafínkí tati ámóó bəpoká obu ámuto ámu há aní. Mógyí okpa papweá itehá aní nkpa ní. ²¹ Anubu Bulu igyi óhapó dehen kpónkpəonkpənti okwá ode Bulu ahásu kí. ²² Mú so mliha apu iklon ání ibu onəkwalí, pú hógyíá mó onó bu onlin kpokpe manta Bulu. Tsúfé alapó Kristo obugya gyóra aní. Aní klon méétrá ha aní pón, alapó ntsu wánkíhé é fwí aní iwí. ²³ Mliha akita tó ámóó anidé mó iwí adánsie gyí, anidé mó okpa kí amoto kínkín, tsúfé Onəkwalipu Bulu gyí. Obóbwe tóá ólehe ání móbwe há aní. ²⁴ Mliha akí alíá íbóbwe abówa aba owonlín, ódwe móa yilébweto. ²⁵ Mliháa asi aní offiakpa yo, fé alí ako bodebwe. Mboún mliha atra wa aba owonlín tsia. Tsúfé mlidéwúun ání aní Wíe obáke ámu ídekpokpé há.

²⁶ Mí apíó, lakpan iwí afodie koko itráa ma unu há aní, ní akí ansí bwé lakpan bréá anlabí onəkwalí amu. ²⁷ Mboún tsá ilasí gyí, abétsiá ifúsó gyo Bulu asón ogyíké pú ogyá kpónkpəonkpənti ámóó íbóho Bulu alupó ámu. ²⁸ Ní ahá abanyó-abasá begyi oko iwí adánsie, ání alakíná Mose mbla ámu so gyí a, butámó mu. Butamawun mu nwe. ²⁹ Mó mó ní oko oki Bulu

mu Bi amu ansító kótíkótí, omobu ání mu obugya amóú Bulu lóposí mu ntamsu, ògoyoráa mu iwi ámu bu ibiá, olesia Bulu awítale Ọjé ámu mó á, mu isubití ání obéhié nyá mééba kí. ³⁰ Tsúfẹ aniyin ání Bulu léblí obéé, “Mí, mli Wíe téká lalahe ikó. Mí obéka aha laláhe akó amó lakpan su.” Ọlétrá blí obéé, “Mí, mli Wíe obégyi mí ahá asón.” ³¹ Ibo ifú ání fékpa wíe Bulu Ọkiankpapu amu agbláto.

³² Mlumátan bré amóú Bulu wanki lówankí wólí mlihu ámuvo. Mlikaun ání ali bré ámutó á, mlióltsun iwíasin tsótsootsoto, táme mliéléú kinkíínkín. ³³ Betsiá síá mli, wá mli iwíasin ahá ansító. Bré kuto é á, mlilétsa ahá ání bude iwíasin ámu odu wúun. ³⁴ Mliólúsú ha obu adupó. Bréá ahá bapu awonlín swíi mli ató á, mlilési há amó ansigyisó. Tsúfẹ mliyin ání mlihu atóá ihu alé dun mó, ibétsiá bré fẹfétó. ³⁵ Mó su umákpən mli. Mlika iwi, amlilu kínkín, tsúfẹ mlihu ikaká kpənkpənkpənti Bulu wá. ³⁶ Ilehían ání mlótomi, méní mlétalí bwé Bulu apé, fówun mlénya itó amóú Bulu léhié yáí há mli ámu. ³⁷ Tsúfẹ bəwanlín wá Bulu ason wanlínhé amoto beé,

“Iméegyi nke kuko Bulu obówtíí.

Omóowa opá.

³⁸ Ahá ání amó hógyi su Bulu latsú amó ání amó asón da okpa obétsiá nkpa.

Táme ní amótó oku mówa klon kítá iwi mu hógyito, oleyinkí oma mó á, Bulu ansí méegyi mu iwi.”

³⁹ Táme anumégyí fẹ ahá ání badámli oma há Bulu, bafwí. Mboun anigyí ahá ání amó hógyi laho amó nkpa.

11

Hógyi

¹ Hógyi gyí ansí podínká tóá fomokówwun, táme fude mó okpa kisu. ² Ahá amóú betsiá bímbí ámu hógyi só Bulu ansí légyi amó iwi.

³ Aní hógyi só anulébi ání asón Bulu léblí pólé oyí. Mó su tóá ansíbi towun ledalí tsu tóá ansíbi tamawuntó.

⁴ Hógyito Habel lópu mu ato hahé ání ihu alé dun mu dehen Kain klé há Bulu igyí. Mu hógyi su Bulu ansí legyi muva mu ato hahé ámu iwi, olotsu mu ání mu asón da okpa. Ihu mótsá olowu dodoodo, táme mu hógyi amu su ọ́tráa ọ́detáí bəfon nde.

⁵ Hógyi su Enok mówu asa Bulu lótsu mu, ohaa mówwun mu. Bulu ason wanlínhé legyi mu iwi adánsié ání olegyi Bulu ansí asa olotsu mu náttí. ⁶ Mliki, ohaa méetalí gyi Bulu ansí ní omoho mu gyi. Tsúfẹ ilehían ání ohá ání obéba Bulu wá obóhogyi ání Bulu bu unu, ọ́teká ahá ání butodunká mu iká.

⁷ Hógyito Noa lónu asón ání Bulu lébláa mu tsú tóá umakónyá ba iwi. Olobu Bulu, sré dáka kpənkpənkpənti, póho muva mu wóyító ahá nkpa, bréá ntsu lobolá. Mu hógyi amu só oyító ahá begyi pón, obəbwe ohá ání mu asón da okpa Bulu ansító.

⁸ Hógyi léha Abraham lótu Bulu bréá Bulu lébláa mu obéé, ọ́dalí mu ọ́mátó, oyo ọ́solóv ání mu Bulu léhié há musu. Ọ́lenátí dáli mu ọ́mátó, omeyín ọ́tínéá oyó. ⁹ Hógyi léha obəyóbwe ọ́fó ọ́solóv amóú Bulu léhié yáí há mu amuso. Tati-obuto oletsíá mu. Ali kén Isak muva Yakob ání Bulu léhié ọ́solóv amu yáí há é betsiá tati-mbuto ọ́solóv amuso ní. ¹⁰ Tsúfẹ Abraham létsiá tati-obuto, ogyo wúlu kpənkpənkpəntiá Bulu léda, imóobwie ekekekeke.

¹¹ Hógyi léha Abraham muva mu ka Sara benya obí kwíí. Ihu móts ání badan tson ikwíusu, Sara é ménya ikwíí. Abraham lóhogyi ání Bulu obégyi tóá alahíé yáísó. ¹² Iri su omá kéin ání buma íkláto, butso fẹ ntsrakpabi ntée ọ́pu onó isi belin tsu Abraham ání aladan tson ikwíusoto.

¹³ Hógyito ahá ání fẹé bowu. Ihu mótsá amó ihi mēda atáá Bulu léhié yáí há amó asa bowu. Táme bowun mó sísí, amó ansí légyi mó iwi. Botsu mó ání afóó pó okpa atupó bogyi oyí áníftó. ¹⁴ Ahá ání botsu mó ali budele siná ání bude omá ání ibóbwe amó onutó klé dunká. ¹⁵ Ní bude omá amóú bedalí tsu móts ámu iwi susúu a, teki bodunká okpa yínkí yó unu. ¹⁶ Táme ọ́sósó omá ání ihu akilé dun mó amóú bedalí móts ámuvo amó ansí dun. Mó su uma Bulu péli ání bétí mu beé, amó Bulu. Tsúfẹ alalá wúlu kpənkpənkpənti ku yáí há amó.

¹⁷ Hógyi léha Abraham lékítá mu bi Isak oyóbo afodúe há Bulu bréá Bulu lóso mu ki. Ihu mótsá obí ání Bulu léhié mu ání obókwi ní, táme ọ́matswe mó kpókpu. Ọ́lkwusó pú mu bi okokónó okole amu oyóbo afodúe ámu. ¹⁸ Ihu mótsá ali bré ámutó á, Bulu labláa mu obéé, “Fú bí Isak abí-aná obóbwe fú abí-aná ní.” ¹⁹ Táme Abraham lótsu mó ání Bulu obétalí tsínkí Isak. Lélé mó, okpa okusu á, ọ́lalanýá Isak fẹ ohá ání Bulu lakósóa tsu afúlitó.

²⁰ Hógyi léha Isak lóyulá mu atabí Yakob muva Esau. Mu ansí dun ání Bulu obóbwe tóá ọ́lehié há amó ekekó.

²¹ Hógyito bréá Yakob obá bowu á, oloyulá Yosef abi anyo ámu, olobun mu oyi yíahésu súm Bulu.

²² Hógyi to bréá Yosef obá bowu á, obéblí obéé, Bulu obéle Israelfo tsú Egypte omátó. Mó so obéda amó alá obéé, bumási mu awú tswi mu.

²³ Hógyi léha bréá bokwí Mose a, bopu mu nán tsra asa. Tsúfé bowun áni obu akíle. Mó so bumanya owie amu mbla áni obowa tswi ifú.

²⁴ Hógyi léha Mose lékiná áni bumati mu Egypte owie mu bi tsíhé mu bi bréá obédan. ²⁵ Olotsulá áni bowáa mu Bulu ahá iwiasinto, dun áni obénya lakpanbwe iwi ansigyi bré itinbí. ²⁶ Olotsulá áni busópa mu Kristo so. Tsúfé íbéhie wá labi há mu dun áni obénya Egypte atonyahé féé. Mu ansí dun ikóá Bulu obéka mu ekekósó.

²⁷ Hógyi léha Mose lenáti Egypte omátó, omenya owie amu obló ifú. Mu ansí dun Bulu áni obaa tamapó ansíbi wunsu. Mó so olotomi, omeyinkí oma. ²⁸ Hógyi léha mu obéha Israelfo befi Katsun Nke gyí asi. Obéha amó bopu obugya kpá amó obu-onó, méní Bulu-obopuá obámó ahá obópó ibi da amó bití.

²⁹ Hógyi léha Israelfo bótson Opó Pepe amoto fé obólóu woliheso búna. Táme bréá Egyptefo é beé abotsun a, opu amu lékítá amó.

³⁰ Hógyi léha Israelfo benatí bómli abuntii áni bopogyi iban wá Yeriko wúlu nkenisienó, ilobwie bun gbloo. ³¹ Hógyi léha obu-onó otsiápó Rahab mówu tsia ahá áni bumohó Bulu gyito. Tsúfé obhó Israelfo ansí awakupu afóó wankláán.

³² Ilehian áni nétrá wanlin iko é? Bré motsó áni nowanlin Gideon mu Barak pó Samson, Yefta mu Dawid, Samuel mu Bulu onósó atáipó amu hógyi iwi asón. ³³ Hógyi léha amó bokó omá-omá gyi amósó, bobwe tsá ida okpa. Benya atáá Bulu léhie há amó, beha agyatá ndato leklí. ³⁴ Bodun ogyá kponkponi, bumesin isá. Hógyi léha amóá bopon benya owonlin, amó ako benya ikó túmi, gyi amó anyabásó. ³⁵ Bulu létsinkí atsi ako afúli há amó. Ahá bepiti amó ako ató alu mó amó. Mó óó á, bumotsulá kíná Bulu. Obwa amó obweá bómó amó dun áni béyinkí Bulu oma, méní Bulu obókúsóa amó, benya nkpa áni ibu alé dun.

³⁶ Bobwe amótó ako ahinlá, píti amó mpli. Bowa amó ako ikan, pó amó tswi obu. ³⁷ Beda amótó ako abwi mó, pó sáa bóí akoto, ako é besin obayi onó. Amó ako é bedi akúfa móa akpaláa nwóló-kpákpátó náti kí, ako bedi akón. Bedinká akusu, wá amó ako é iwiasinto. ³⁸ Teki megyi oyi áni oduto ahá áni bétsiá asa. Adimbító móa abusu benatí kí fé okon abópó, tsia dí abwi alato móa mbótó.

³⁹ Amó hógyi só Bulu ansí légyi amó féé iwi. Okoko ibi meda tsá Bulu léhie yáí. ⁴⁰ Tsúfé atáá ibu alé, íbówa labi iwi Bulu íobwe agywun yáí há ania amónyo féé. Mó so amó nkole boméetali nyá mó, yófun bréá Bulu labwé ania amónyo féé anilafon mu ansító.

12

Ani Si Bulu

¹ Anibu odam anfi bopu hógyi tsia áni odu bómli aní. Mó so mliha aní é atswi tógyitáá ide aní bitia ya oma pó lakpan áni ílakíki aní kinkínkín tsalfwi, atomi tsii osri amóó ida aní ansító ámu. ² Mliha apu ansí dinka Yesusu. Mogyi aní hógyi nfiási pó mó onómo. Inia oyin ansigyi oduá ida gyo mu so á, olotomi wun ipian oyikpaliheso wú. Omobu kpóí áni bókpoí mu toto, alayó otsie Bulu owie obia ámu gyapiso.

³ Mlipokí ipian áni olotomi wun lakpan abwepó ibito, bréá bolu mu, wá mu iwiasinto, méní obé méeta mli, mluéesi mu hógyi. ⁴ Iwá mldépri le iwi lakpantó á, mluómóktáli pri yófun bréá mlési mli nkpa há. ⁵ Mlumátan itóí áni Bulu lóti kplá mli áni mligyi mu abísó. Obéé, “Mí bí, ní nebítí fú íso á, máho mó lalaha su. Ní nówá iyun wa fu á, máha mó ikpon fu.

⁶ Tsúfé obá áni ntódwé á, mu ntówá iyun wa.

Obá áni nópóbwé mí bí á, mu ntebití íso.”

⁷ Tomi wun ipian fé íso bode fú bití. Bulu dé mli ísobiti fé mu abí. Tsúfé obí omomo bu iná mu si tamabiti mu íso? ⁸ Ní ntebití fú íso fé alá obébwé mu abí féé á, idesuná áni megyi mu bi onuto fúgyi, klétobi fúgyi mu. ⁹ Aní obólóu anfusu así botebití aní íso, anitóbú amó é. Ntogyi só anumóotsulá ba iwiasí há aní Sí Bulu dun amó, anya nkpa áni ítamata? ¹⁰ Bré itinbí pé aní obólóu así bótópóbítí aní íso alá bodeklé. Bulu mó á, alá obówa alé so obébití aní íso, méní aní é aní iwi bétun fé mu. ¹¹ Ní bode aní íso bití á, ítehan aní alí bré ámuto. Ansí tamagyi aní. Táme ísobiti ámu oma a, anitóbwé yilé, tsia íwilwiito.

Atosunáhé Pó Oláda

¹² Mó so mluháha abato iwu mli, akpawunuto ikpónki mli. Mliwa iwi owonlin! ¹³ Mliha mli tsiaátó iwa alé, méní abubúpu amu buméesin tsukole, mbóun benya ílotsá.

¹⁴ Mlibó mbódí amlíha íwilwii itsia mli obagyíoha nsiné. Mlitsia nkpa áni mó iwi letun, tsúfé obá áni mu iwi méétun móowun aní Wíe. ¹⁵ Mliki áni mlito okokoko móobhúli Bulu awitole amu. Mlito okoko é mási asón wá mu klonto, méní omópó asón wá mli nsiné, iyinta mlito ako. ¹⁶ Mliki áni mlito okoko é móobwe mu iwi mbua obópó, ntéé obá áni ítamabú Bulu fé Esau.

Mólópo mu hande tse ótsáwòlè atogyihe. ¹⁷ Fé alá mliyin yai á, óma a, olobodunká obi dehen oyilá tsú mu si wá, táme mu si lékiná mu ha. Ibo mótáá òlehie su kokóli mu si, táme omenya mótó òkpa.

¹⁸ Megyí ibová mlétalí pu ibi da así mllaba. Ótínéá oklún tuun pó afú kponkponkponnti bu, ogyá é idetsií fé Sinaibu ámóó Israelfò bogyó mó así bréá Bulu dépo mu mbla há amó ámu así mllaba. ¹⁹ Inó bonu òkpe lofolí kóklókókó, bonu óme kponkponkponnti ku lelun bláa amó asón, su bokokóli beé itsia alí, búmedékléá betrá nu asòanso. ²⁰ Tsúfé bometalí gyí mbla ámóó Bulu lówa há amó óbée, “Ní òbwi òku kóráá iwí ida ibo ámu a, budáa mu abwi m” ámuso. ²¹ Tóá bowun unu lówa amó ifú. Mó su Mose óó léblí óbée, “Ifú lahá mí ndekpínkí!”

²² Mli mó á, Sionbu así mllaba. Bulu Ókiankpanu amu wúlu yilé, igyi ósósó Yerusalem pó Bulu-abòpo mpím-mpím ansí ogyíkpa mllaba. ²³ Bulu bití ámu abí, bugyi ahá ámóó bawánlín amó adá ósósó ámu ofiakpa mllaba. Bulu, ogyi ahá féé asón ogyípó amu wá mllaba. Mllaba ahá ámóó Bulu latsú amó ání bafun amu akláa wá. ²⁴ Yesu wá mllaba. Múgyí Bulu mba anyánkpósa nsiné ntam óma ólípó ni. Yesu obugya wúnyáhe amóó ilopo yilé ba òn Habel obugya amu wá mllaba.

²⁵ Mó su mliki wankláán, méní mli méekiná Bulu ámóó òde mli asón bláa amu. Tsúfé Israelfò ámóó bekiná asón ání òlòwa Mose blí Sinaibu así nu ámu bometalí srí sí isòbutí ámu. Ní aní é akíná óhá ání òdetáí tsú ósósó ání óme nu á, aní isòbutí bódun amó klé. ²⁶ Bréá Bulu lótoí Sinaibuso á, mu óme léha ósolúo lekpiní. Táme séí á, alahíé óbée, “Nétrá kpiní ósolúo ótsáwòlè, kpiní ósósó é tsia mótó.” ²⁷ “Nétrá kpiní mó ótsáwòlè” anfi idesuná ání Bulu óbékpiní atò bwehé ámu, lé mó unu. Tóá uméekpiní ekekeke pé obésian.

²⁸ Mó su mliha ada Bulu ipán. Tsúfé iwíegyi ání uméekpiní abénya tsú mu wá. Mliha abu mu, anya mu ifú, méní abégyi mu ansí. ²⁹ Tsúfé lélé mó á, ogyá aní Bulu ámu gyí, ótòhò ató plíplíplí.

13

Alá Abégyi Bulu Ansí

¹ Mlika mli aba Akristofò dwetò kinkíínkín. ² Mli mátan afòòhòso. Tsúfé móléha aku bòho Bulu-abòpo afòó, umòwankí amó ní. ³ Mlikaan obu adípósó, fé mliha amónyò dá obu. Mlikaan ahá ání bode iwòsín wúunsò, fé mliha amónyò dé iwòsín ámu wúun.

⁴ Akúlu mó aká búbúu aba amó abatsiátò. Ókòku mádalí mu ba óma, tsúfé Bulu óbèbutí ahá ání búda ahá ání bomegyí amó akúlu ntéé amó aká wá, pó mbwa atòpó féé isu.

⁵ Kóba asón umádon mli ódwe wa. Tóá mli bu igyi mli ansí, tsúfé Bulu lablí óbée, “Mménéatí sí mli, ntéé kíná mli ekekeke.” ⁶ Mó su abétalí wá klòn blí amíaa,

“Mí Wíe Bulu gyí mí òbòápu.

Mó su tótò mósówa mí ifú.

Ntò nyankpósa óbétalí bwé mí?”

⁷ Mlikaan mli nkpa agyápu amóó begyankpá bláa mli Bulu asón ámuso. Mliki alá bòpotsiá, amlinya hógyi fé amó. ⁸ Alí ámóó Yesu Kristo gyí igye ámu a, alí ógyi nde, alí kén obétsiá bré féé é ní. ⁹ Mó su mli máha atosunáhé ótsan-òtsan igyi mli ansí, ibiita mli le òkpa wankláán ámuso. Ibo aláá mléha Bulu óbówa awítòlè há mli òhétó ówónlín, megyí atogyihe mbla, ání itamawá labi kòku há mósó agyípóso gyí.

¹⁰ Anubu afòóde-asubwi kwá igyi ahapó ámóó beha Bulu igyi ósolúso nfi ámu búma òkpa gyi mósó ató. ¹¹ Bulu igyi òhapó dehen tópo mbwí obugya wíé Ówankíkpatò Ówankíkpa unu yòbò amó lakpan iwí afòóde, bótòpó aye amu mó ya mmuátse, yówa mó ogyá. ¹² Iní sù Yesu é lówu mmuátse, méní òbòpo mu onutó obugya gyóra mu ahá, amó lakpan su ní. ¹³ Mó su mliha adalí yò mu wá mmuátse unu, abòkpòzi amíaa múnnyò. ¹⁴ Tsúfé anumá wúluá ibétsiá yó ósolúso nfi. Anígyó wúlu amóó ibá ámu. ¹⁵ Mó su mliha atson Yesuso akanfò Bulu, ibwe afòóde ání anidépohá mu ekekegyíeke. Múgyí òhótó asón ání anidépohá aní Wíe numnyam ni. ¹⁶ Mli mátan awítòlèwasò. Mli ye mli atótó ha aba, tsúfé mó aná gyí afòóde itegyí Bulu ansí ní.

¹⁷ Mli bu mli nkpa agyápu, amliba iwíasi ha amó. Tsúfé bótamadá òkpónó mli òklásókú su. Bòyin ání béyele alá bòpòki aní òklásò ónó Bulu ansító. Mliha amó abòbwe amó agyómá ansígyísó, megyí nweso. Ní megyí alí á, umósówa labi kòku há mli.

¹⁸ Mli tsia bò mpá: ha aní. Nyin ání aní klòn medé aní pón ha, táme anidékléá abétsiá tsiátó wankláán brégyíbré. ¹⁹ Nhíé ndekléá mli bòó mpá, Bulu óháa mí ansanki ba mli wá nkenyó ánfítò kótóó.

Mpá Tráde

²⁰⁻²¹ Iwílwíi Óhapó Bulu, òlòkósóa aní Wíe Yesu Kristo tsú afúlító ámu óháa amlitalí bwe yilé kugyíkóá odeklé. Nde mu kokóli mbée, ótsòon Yesu Kristoso óbwe tóá odeklé aníto. Yesu gyí

akúfa Ɔkparó kparokparntiá Bulu lóbu mu obugya ká ntam amóó ibu uno bré féeé, mba mu akúfa, bogyi mu ahá amu nsiné ní. Numnyam ibwée mu kle yófon bréá itamatá! Amen.

Iklá

²² Mí apíó, ibu mótóá owoló kútúklú nawánlín sísí mli. Táme nobwí ípa, mliyaa asu amlinu mótó asón ání ndepwá mli owonlín. ²³ Nde mli ibi ha ání balé aní pío Timoteo obu. Ní olwa asa bətu mí nfi mótó á, nəkpa mu abéba beki mli.

²⁴ Nehá mli nkpa agyápu pó Bulu ahá atráhe féeé itsiá. Akristofó amóó bobu Italia amátó ámu é behá mli itsiá.

²⁵ Nde Bulu kokóli mbée, owáa awitole ha mli féeé! Amen!

Yakobo ጋግሌ

Itsidha

¹ Mí Yakobo ání ngiyi Bulu mba aní Wíe Yesu Kristo osúmbi dé ጋግሌ áñfi wanlín sísi mli Bulu ahá* ání mliladásáín wá oyító fée. Nde mli itsiá ha.

Ansigiyina Ikplánto

² Apíó aba, ní mlowíe ikplán móa ason wunheto á, ansí ihie gyi mli. ³ Tsúfē mliyin ání ní baso mli hógyi ki a, itehá mlitotomi táli líi mli ason wunhe fée onó. ⁴ Ní mletáli tomi líi mó onó á, ibéha mlédan, wá alé, fón tógýítótó. ⁵ Ní mlito oku léhián nyánsa á, okóli Bulu. Obéha mu faan. Omówa mu péltó, tsúfē Bulu tǎpó awitole há ahá fée nyánsa. ⁶ Táme ní fókóli mu a, pu hógyi kuli mu. Másusú fēe omécha fó. Tsúfē ní fómohogyi ání obéha fó á, fogyi fē opwá idá yó nkpa, idadá yó oma. ⁷⁻⁸ Ohá ání ogyi alí, mu agywun tamalíi tsukole omádinká ansí obée, ménya tótáto tsú aní Wíe Bulu wá, tsúfē mu agywun igyi anyo.

Ohian Pó Iwinya

⁹ Ansí igyi Okristoyin ání oma tǎto, tsúfē Bulu latsú mu fóá. ¹⁰ Ní Bulu obá iwí onyapó é asi á, ansí igyi mu. Tsúfē mu nkpa bótson fē oyí ntswítswi. ¹¹ Alí ámbú owí onó iwá onlun, itó ifá, mó ntswítswi tǎbó kpákpáa; ifá ámu alé tetá ámu a, alí kén iwí onyapó déyo odeba alu obówu ní.

Isóki

¹² Bulu toyúlá ohá ání ototomi ikplánto. Tsúfē ní oledali mótó á, Bulu obéda mu ipán, há mu nkpa ání itamatá, igyi isogyi-ipa ámbú olehie obée, mópuhá ahá ámbú butódwé mu amu. ¹³ Ní baso oku ki a, omáblí obée Bulu lásó mu ki, tsúfē ohaa méetalí so Bulu ki obée, obwée lakpan. Bulu é tamaso ohaa ki obée, obwée lakpan. ¹⁴ Nyankpusa onutó ጋግli laláhe témlé mu, bitía mu wá isóki. ¹⁵ ጋግli laláhe tǎkwíi lakpan. Lakpan é igyi ohasu á, itǎpó lowu ba.

¹⁶ Mó su apíó adwepó, mlimáha ohaa omle mli. ¹⁷ Ató wankláán pó atokiehé yilé kugyíku itsú osósó. Itsú aní Sí Bulu, osósó ató wankihé Obwepó ámu wá. Otamatse fē opa móa onyé. ¹⁸ Mu apétó olpó mu onakwali asón kwíi aní, méni abóbwe agyankpapó mu ató bwehé féétó.

Asónnu Pó Mósogyi

¹⁹ Apíó adwepó, mlínu. Mlikósi nu asón asi. Mli onó máwa asa. Mlimáksí nyá obló é. ²⁰ Tsúfē obló tamabwé tóá Bulu tekle. ²¹ Mó su mlde tsiátó laláhe kugyíku le mli nkpató, amlisi lakpan bwe. Mboún mliba iwasi, amlihó Bulu asón ámbú aladú wá mlito ámu. Mó obéha mli okláa obénya nkpa ní.

²² Mlibwe dinka Bulu asón ámbú, mlimábwe mó anupó keke. Ní mlábwe mó anupó keke a, iwí mlidémlé. ²³ Ohá ání onú Bulu asón, omegyí mósó gyí fē ohá ání alaki mu iwí ahohwétó. ²⁴ Onyánáti mó asi pé á, alatan alá olowun mu iwí. ²⁵ Táme ohá ání oleyaa asu nú Kristo mbla ámbú idofon, itehá antegyí iwí ámu, ometan mósó, ode mósó gyí a, Bulu obóyulá mu okpagyíokpasu.

²⁶ Ohagyíoha ání obée mude Bulu súm, táme otamakítá iwí mu tóito á, ode iwí mlé. Mu Bulusúm igyi kpaali. ²⁷ Bulusúm oduá mó iwí letin, asoansu ma mó iwí, aní Sí Bulu tekle gyí, mléki awumbi móa asorapusu amó ikplánto. Mléki ání oyí áñfito lakpanbwe é iméegyí mlisu.

2

Fitáto Futí Ki

¹ Mí apíó, ní mlilahó numnyam Owíe Yesu Kristo gyi a, mlimáfutí fitáto ki. ²⁻³ Ní iwí onyapóá odidi tatiá ibu ibiá, olowa sika ató pó ohianiá odidi tatida bebá mli Bulu osúmpká a, mlimáha iwí onyapó ámu otsiákpá, bláa mu mlíaa, obétsiá oyilekpá nfi; bláa ohiani ámu mó mlíaa, otsiá asi otneku unu, ntée odúnka otneko lu. ⁴ Ní mlobú ahá amó iwinya su á, mlimákpó agywun laláhe gyi asón ní?

⁵ Apíó adwepó, mliyaa aso amlínu. Bulu léle oyí áñfito ahiánfo obée, bunyáa hógyi ání mó onó bu onlun, abotsia mu iwíegyi ámutó, fē alí ámbú olehie yáí obée, mópuhá ahá ámbú butódwé mu amu. ⁶ Táme mli mó á, mlitokpáí ahiánfo. Nfite mli, megyí iwí anyapó áñfi tesisi mli, tswín mli mánsu, sáma mli wúlu ahande wá ní? ⁷ Megyí amó dé Kristo idayilé ámbú idin mlisu ámu kpó ní?

* 1:1 Yakobo léti Bulu ahá obée, abusuan dúanyo ámu.

⁸ Bulu mbla ámo fée nwon, bōwanlín wá Bulu ason wanlínhé amoto gyí, “Dwe fò bá fè fò ɪwɪ.” Ní mlidé mósó gyí lélé á, mómó mlidé ɪto wankláán bwe. ⁹ Táme ní mlofúti fitátó kɪ á, mlilabwé lakpan. Bulu mbla ámo lahá mli ipón. ¹⁰ Tsúfè fòá fegyí mbla ámo féesó, táme fepán kole pé á, fagyí pón ání fatón mbla ámo fée. ¹¹ Tsúfè Bulu lébli obée, “Mátó mbwa.” Mú kén lébli obée, “Mámó oha” é ní. Mó sɔ ní fómakótó mbwa, táme famó oha á, fómakókíná Bulu mblasó gyí ní? ¹² Bulu obópu mbla ání itehá antegyí ɪwɪ ání fgyí ahá asón. Mósó mliki wankláán, mli ason blíhé pó mli bwehétó. ¹³ Tsúfè ohá ání otamawun ahá nwe á, Bulu omóowun mu nwe. Táme ní futowun ahá nwe á, Bulu obóowun fu nwe mu asón ogyiké.

Hógyi Pó Bwehé

¹⁴ Apíó aba, ní oko obée, mōho Bulu gyi, táme mu bwehé mosuná alí á, labi mōmu mu hógyi amu bu? Mó odu ɪbétalí há mu okláa obénya nkpa? ¹⁵⁻¹⁶ Ní fowun fú aba akú buma ató didáhé pó oyi keheto atogyihe, táme fomaha amó, febláa amó fée, “Nehá mli itsiá. Mlitsia wankláán. Bulu okpáa mli, oha mli tsá ɪde mli hián” a, labi mōmu fú ason blíhé amu ɪlawa? ¹⁷ Alí hógyi igyi ní. Hógyi oduá yilébwe há fò bá ɪma mótó á, igyi hógyi wuhé.

¹⁸ Oko obétalí blí obée “Fubu hógyi. Mí é ntóbwe yilé.” Néle bláa mu mbée, “Suna mí fú hógyi amó yilébwe ɪma mótó ámo. Mí é nōsuná fú mí hógyi tsú mí yilébwetó.” ¹⁹ Fó hógyi desuná ání Bulu okole pé bu ɪno? ɪbu alé! Táme bí ání oje laláhe fée bohogyi alí. Mó sɔ butenyá mu ifú, kpínkí kpakpakpakpa. ²⁰ Fó oha mimláhe, fodekléa fówun ání hógyiá ɪtamabwé yilé igyi hógyi kpaali? ²¹ Aní nánin Abraham lóbwe yilé Bulu ansító, tsúfè olotsulá kpá mu bí Isak yáa pututó, teki oyómó mu bó afódie há Bulu. ²² Mlilawun ahá nanáin Abraham hógyi pó mu bwehé lenatí? Mu bwehé sɔ mu hógyi lɔfun. ²³ Alí Bulu ason wanlínhé anfi ɪleba mótó ní. Obée, “Abraham lóho Bulu gyi. Mó sɔ Bulu lóbu mu yilé obwepó,” tí mu mu nyawie ní. ²⁴ ɪnɪ sɔ séi á, mli bí ání yilébwe téhá Bulu totsu oha ání mu asón da okpa ánsító, megyí mu hógyi pé.

²⁵ Alí ɪleba ha obu-onó otsiápó Rahab é ní. Bulu lótsu mu ání mu asón da okpa, tsú tsá obwepó sɔ. ɔlɔpu Yudafo akú beba bude ansí wa kɪ mu omátó nájín, oheha amó betse okpa sɪ.

²⁶ Alí amóó oje ɪma oható ogyi ɪtowuhé ámu a, alí ní yilébwe memá hógyisɔ é igyi hógyi wuhé ní.

3

Odando

¹ Mí apíó, mli fée mlímabwe ɪwɪ ató asunápó. Tsúfè Bulu obégyi aní ató asunápó anfi asón kinkínkín. ² Aní fée anitapán brégyíbré, táme ní oko tamapán mu tóto á, mómó ɔlɔfun. Obétalí gyi mu ɪwisu okpagyíokpasu. ³ Apóki, dátobi kɔ pé butópówá okpoko onó, pódámlí mu, súná mu okpa pó tsá obwée. ɪtehá otobú aní. ⁴ Mliki ntsusu-yibiá ɪdun ntsu ansító. ɪlomoní, afú kponkponi tópu mó náti. Táme otabu pátáplábi kɔ tédámli mó, súná otínéá iyó. ⁵ Alí aní odando é igyi ní. Igyi aní ɪwɪ ɪtó túkúríibi kɔ. Táme ɪtetálí blí asón akpónkponi pótusú ɪwɪ.

Igyi fé ogya plenpleni ání ɪwá ipó yilé ogyá. ⁶ Igyi ɪto laláheá ɪteyíntá ató fée aní ɪwɪ. ɪtákpóí nyankpɔsa, yíntá mu nkpatsiátó fée. ɪsobiti ogyá ání ɪtamaduntó odando ogyá ání tetsánkí tsú. ⁷ Nyankpɔsa tetálí bwe pututó-mbwi, mbubwi, awo pó ntsunto mbwi akugyíako botemántá. ⁸ Táme ohaa mókótálí bwe odando omanta kɪ. ɪto laláhe odando gyí. Otamatsiá díin. Elin ání ɪtamó sósón bó mó. ⁹ Anitápó aní odando kánfú aní Wie pó aní Sí Bulu. Mó kén anitápólwí ahá ní. Táme Bulu onutó lóbwe nyankpɔsa fé mu ɪwɪ. ¹⁰ Onó kole pé ámto ɪkanfó mó ɪlwí tedálí tsu. Mí apíó, ɪma aleá ɪbéba alí. ¹¹ Ntsuá ɪbu anúle pó ntsuá ɪma anúle bétalí ɪn tsu obón koleto? ¹² Mángo oyi bétalí swíé kankaba? Ntée bafé oyi bétalí swíé mángo? Ekekeke! Alí ntsuá ɪbu anúle méetalí ɪn tsu obón ání mótó ntsu ma anúleto ní.

Nyansa Aní Itsu Bulu Wá

¹³ Ní oko bu nyansa móa asón asunu mlitá á, mómó opó mu tsiátó wankláán ɛ mó suna tson mu bwehé pó mu ɪwasibá ání itsú mu nyansato. ¹⁴ Táme ní olu pó onsípe tsiátó bu muto á, mómó omápu ɪbí sí kántó, blí obée muɔb nyansa. Ní obli alí á, alawá afunu dínká onokwalí amuso. ¹⁵ Nyansa ání odu motsú osósó. Itsú oytó ató omagyáa, tsiátó laláhe, pó oje laláhe wá. ¹⁶ Tsúfè otínegyíotíné ání olu pó onsípe bu á, aba asumánú pó lalahewé tésíá ɪno. ¹⁷ Táme ohá ání mu nyansa itsú osósó á, gyankpapu, mu ɪwɪ ɪletn. Olowi, otódwé ahá, oteba ɪwasí. Otowun ahá nwe, otóbwe yilé. Otamafúti fitátó kɪ, otóbwe ató tsú mu klonto. ¹⁸ Ahá nsiné ɔlapó todú ɪwilwiá ɪtopú yilébwe ba.

4

Oyító Ató Dwe

¹ Nto tétí ikó móa ɪtré wá mli nsné? Megyí owóli laláhe ání ideklé igyi mlisɔ tápóba? ² Mlilapó onsípe mlidé ató klé, mlímédé mó nya. ɪnɪ sɔ mlidé ahá mō. Mli ansí depe ahá atósó. Mó sɔ mlidétré kó ní, táme mli ɪbí méeda mó kɪ. Tsá soá mlíményá gyí, mlitamakóli Bulu oha mli. ³ Ní mlókóli kóráá á, otamahá mli, tsúfè agyiwun laláhe mlitápókóli mu. Alí mlópowá

iwɔ ansigiyí sɔ mlidé mɔ kolí. ⁴ Mlɔdámli ɔma há Bulu. Mluméyín ání ní mlidé ɔyító ató dwe á, mlidé Bulu lu? Ní fɔdeklé fɛ fɔdwe ɔyító ató á, fɔtɔbwé Bulu olupó. ⁵ Ntée mlidékú mlɔa, kpaali Bulu asɔn wanlínhé amɔ ðeblí ɔbéé, “Bulu tamatsúlá Ɔɣé ámbó ɔɔpɔwá anitɔ ámbɔ?” ⁶ Iní sɔ ɔtɔpó awitɔle tsɔtsɔtsɔ kpá aní, fɛ alíá Bulu asɔn wanlínhé amɔ ðeblí ní. Ɔbéé, “Ɔtɔkósó líí iwɔ atsupósó,

táme ɔtɔpó awitɔle kpá iwɔasi abápu.”

⁷ Mú sɔ nde mlí bláa mbée, mlíabá iwɔasi ha Bulu. Mlɔkɔsɔ lu Ɔbɔnsámsó, ɔbésrí náti mlí wá. ⁸ Mlɔkpɔkpɛ manta Bulu, Bulu é ɔbékɔkpɛ manta mlí. Lakpan abwepó, mlífwí ibí le lakpanbwetɔ. Ahá ání mlí agywun igyi anyɔ, mlíha mlí klɔntɔ itɔn. ⁹ Mlísu, amlíha mlí iwɔ iwa mlí nwe, mlí lakpan sɔ. Mlí mósí ðámli isú, mlí ansigiyí imli péli. ¹⁰ Mlúba iwɔasi Bulu ansító, méní obótsu mlí fɔá.

Aba Iwɔ Asón Blí

¹¹ Apíó adwepó, mlumátrá blí mlí aba iwɔ asón. Mlumátrá tsii aba, kpóí aba. Ɔhagyíha ání ɔlele mɔ ba ilá ntée gyi mɔ asón á, ilosuná ání ɔdeblí ɔbéé, Bulu mbla ámbɔ ima ale. Iní désuná ání alatúsú mɔ iwɔ ání ɔdun mbla ámbɔ. Ní ɔdun mbla ámbɔ a, mómú ɔmedé Bulu mbla ámbɔ bu. ¹² Bulu lówa mbla ámbɔ. Mɔ pé ɔbétalí pó mó gyi aní asón. Mɔ pé ɔbétalí hɔ aní nkpa, ntée mó aní. Ní igyi alí mó á, fógýí ma ání fégýí fú bá asón?

Ansí Pvdínká Ɔkesv

¹³ Mlɔya asɔ amlɔnu. Mlí ahá ámbó mlíeblí mlíaa, “Nde ntée ɔke abóyɔ wúlu yilé kɔsɔ, yétsiá mɔ ofi ɔkole gyi ibíá nyá iwɔ” ámbɔ. ¹⁴ Mbée, mlyin ɔketɔ? Mlyin alíá mlí nkpatisiátó bóbwe? Mlɔgyí fɛ agyinde, itedáli dinká, támé itamawá ɔpá kɔkɔ, itɔfwí. ¹⁵ Mú sɔ tsá ilehián ání mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná ání mlidé iwɔ tsu, pó ibí sí kántó. Lakpan iwítsú ání odu gyi.

¹⁷ Mú sɔ ɔhá ání oyin itɔ wankláán, támé ɔtamabwé á, ɔde lakpan bwe.

5

Iwɔ Anyapó Asón

¹ Iwɔ anyapó, mlísu amlíɔra okitikítí, tsúfɛ ipian kpɔnkpɔntɔ íbá mlísu. ² Séí ání á, mlí atonyahé fɛé laplɔ. Atéple bawí mlí atati. ³ Mlí sika ató é ilakpáí, wí nkanu. Mú nkanu ámbɔ obégýí mlí iwɔ adánsiɛ, yíntá mlí ɔyólób fɛ alíá ogyá teyíntá ató. Mlílakle ató tsɔtsɔtsɔ yáí kpaali, bré ání ɔyí íbá bɔmɔ ɔnɔ ání. ⁴ Mlúkan ání ahá ámbó mlílóbɔ ipa, bɔyɔ agyómá mlí ndɔtɔ, támé mlídekiná amó ikɔ ka ámbɔ isú lató Bulu, túmi fɛé Owíe amɔ. ⁵ Mlídatsiá ɔsólób anfísv, gyi nkpa móa ɔdwe pówá ní fɛ nnantswie há mlí ɔmóké. ⁶ Mlíláhá ɔhá ání mɔ asón da ɔkpa ípón, mó mɔ, ɔmepriú iwɔ.

Ikɔnyá Múa Mpaábɔ

⁷ Apíó aba, mlínyá klɔn tsia gyo aní Wíe Yesu Kristo íbá. Mlúki alíá ɔdɔtɔpɔ tenyá klɔn tsíá gyo nyankpɔ gyankpɔpɔ móa tráhe, pó alíá otetsiá gyo bréá ɔsólób amɔ íbɛha atɔ pɔpwe bówie wóyí. ⁸⁻⁹ Mlí é mlínyá klɔn amlílu kínkín, tsúfɛ aní Wíe, ogyí asón ogyípó amɔ íbá lafun. Mú sɔ mlumátsiá tóí mlí abasɔ, méní ɔmɛɛha mlí ípón.

¹⁰ Apíó, mlípu Bulu ɔnósó atáípó amóú beblí Bulu asón ámbɔ bwe mlí atosuanhe. Bowun asón tsɔtsɔtsɔ, támé benya klɔn. ¹¹ Mlúki alíá anitobú amó. Itsú alíá botomi amó asɔn wunhetɔ sɔ. Mlúkan Hiob é iwɔ asónsú. Alíá olotomi mɔ asɔn wunhetɔ. Iní sɔ Bulu lóyulá mɔ mó ɔma. Lélé, Bulu bɔ awitɔle. Otowun ahá nwe.

¹² Mí apíó, ndeklé mbée mlíbú wankláán ání mlumátánú ɔsósó ntée ɔsólób, ntée ká tɔtɔtɔ. Mlí “Iní!” íbwéé “Iní!” mlí “O-o!” é íbwéé “O-o!” méní Bulu mɛɛha mlí pón.

¹³ Ní ɔkɔ dé ipian wúun mlítá á, okókoli Bulu. Ní ansí de ɔkɔ gyí é á, ɔwá ilɔ kanfɔ Bulu.

¹⁴ Ní ɔkɔ délo mlítá á, ɔtí ɔpasua ahande aboba bokokóli Bulu, abokpa mɔ ofóbí aní Wíe ídátɔ.

¹⁵ Ní bokokóli aní Wíe hógýitá á, ɔbétsa mɔ ilɔ, ɔbókúsú. Ní alabwé lakpan kɔ á, Bulu obési mó fɛé kíe mɔ. ¹⁶ Mú alí sɔ mlíle mlí lakpan blí, amlíkókoli Bulu ha aba, méní ɔbétsa mlí ilɔ. Ɔhá ání mɔ asón da ɔkpa mpáí tɔwá ogyá. Itáyó agyómá wankláán. ¹⁷ Nyankpɔsa Elia é gyí fɛ mía fɔnyɔ. Olokókoli Bulu kínkínkín ání nyankpɔ mátswie. Lélé imotswie nfinsa móa ifɔn.

¹⁸ Ɔlɛlakóli mɔ ání itswie. Lélé nyankpɔ létíí, íleha ató lelává alé ɔsólósu.

¹⁹ Mí apíó, ní mlítá ɔkɔ ɔduda hógýitá á, ɔkɔ ɔsánkia mɔ ba. ²⁰ Mlúbí ání ɔhá ámbɔ lalé ɔkláa tsú lowu ání tɛki obówutɔ. Mú sɔ Bulu obési mɔ lakpan tsɔtsɔtsɔ kíe mɔ.

Petro Ɔwóló Gyankpapu

Itsidha

¹ Ɔwóló ánfí itsú mí Petro ání ngýi Yesu Kristo sumbí ɔyópó wá.

Nde mó wanlín sísí mli ahá ání Bulu lalé bwé mó abí, mliadásáin yóbwe afóó Ponto, Galatia, Kapadokia, Asia yédaí Bitinia ɔmátó fée. ² Ɔsí Bulu lalé mli fée alí ámóó ɔlehúhé mó yáí ání íbá mótó ámu. Bulu latsón Ɔɣe Wankíhé ámušo bwé mli mó ahá, méní mlóbu Yesu Kristo, mó obugya é íbógyoráa mli.

Bulu ɔhé gyi mli buale, ɔha mli iwílwii tsòtsòtsò!

Ɔkpakú Aní Imóobwe Kpaali

³ Mliha akanfó Bulu. Mogyí aní Wíe Yesu Kristo mó Sí pó mó Bulu ní. Mó nwewúun kpònkpònkpòntí ámu sò alakósóa aní Wíe Yesu Kristo tsú afúlitò póhá aní nkpa pòpwe. Iní lahá anlanú iwiasí ání aní ɔkpakú móobwe kpaali. ⁴ Mó sò aní ansídn aní aní íbá bédá siadie yilé ámóó Bulu léhé ání ɔbópohá mó abí ámu. Alalá mó yáí ɔsósó wankláán há mli, atóá itamayíntá, itamapló, itamakpá é. ⁵ Siadie yilé ánfí igyi mli ahá ámóó mliahogyi ámu klé. Mli hógýi sò Bulu túmi bun mli sò, ide mli sò kí alí yófon ató fée nkpa ɔhóke ámóó Bulu lalá yáí ání ɔbéle mó ɔwan ɔyí ɔnómaké ámu.

⁶ Ibo mótó ání ísókí ɔtsan-ɔtsan ide mli to, mli dé asón wúun, táme itó ánfí mli ansídn mósó ánfí sò ansí mókósi mli gyí. ⁷ Tóá sòá mli dé asón wúun gyí, mó obósuná ání mliahó Yesu gyi lélé ní. Tó botótó sika pepe ání itetáí yíntá kóráá kí beé, wankláán igyi. Alí kén bópó ason wunhe sò mli hógýi ání íbó labi don sika pepe kí beé, lélé mliahó Yesu gyi, méní mlétáí líí kínkín ní. Íbá alí á, békánfó mli, wá mli numnyam, há mli idayilé eke ámóó Yesu Kristo ɔbéle íwí ɔwan ámu. ⁸ Ibo mótó ání mli mómókówun Yesu kí, táme mli tódwé mó. Mli mli dé mó wúun mó, táme mli dé mó sò hógýi. Iní sò ansigýi kpònkpònkpòntí ání ɔnó méetali bí labólá mli to. ⁹ Tsúfí mli dé mli nkpahóó ámóó mlénýa tsú mó hógýito ámu nya.

¹⁰ Bulu ɔnósó atópó ámu beblí nkpa ánfí Bulu ɔbóhó mli ánfí asón tswi. Betetéé mó awítòle asón ánfíto wankláán, méní bónu mó asi. ¹¹ Kristo Ɔɣé letsiaí Bulu ɔnósó atópó ánfíto, tsiaí súná amó, beblí yáí alíá Kristo obówun ipian. Mó ɔma a, numnyam kpònkpònkpòntí béba. Mó sò besen ansító ání bēbí bréá nkpahóó ánfí íbēba pó ɔhá oduá íbótsón mušo ba. ¹² Bulu léle súná amó ání megýi amó sò bode asón ámu ɔkan da, mbóun mli sò bode mó ɔkan da. Séi mó mli anú asón ámu. Tsúfí Bulu lówa mó Ɔɣe Wankíhé tsú ɔsósó bebláa ason wankláán ámu ɔkan adapó alí asón ánfí, amó é beda mó ɔkan súná mli. Bulu-abəpə kóráá ansí tepé ání bónu alí asón ánfí asi.

Iwítíntó Tsiaí

¹³ Iní sò mli da iwí sò amlíkita íwí. Mli pò mli ansí fée dúnka awítòle ámóó Bulu ɔbówa há mli ekeá aní Wíe Yesu Kristo ɔbékplí tsú ɔsósó bele íwí ɔwan ámušo. ¹⁴ Mli bu Bulu fée alí ámóó nyebí butobú amó akwíópó ámu. Mli máha tsiaí tó laláhé ámóó íletsiaí mli to bré ámóó mli méyín tóto tsú Yesu íwí ámu igyi mli sò. ¹⁵ Mbóun mli ha mli íwí itn mli bwehé fée tó, fée alí ámóó Bulu ámóó ɔletí mli ámu íwí létin ámu. ¹⁶ Tsúfí bəwanlín wá Bulu asón ámóto beé, “Bulu ɔbéé, ‘Mli ha mli íwí itn, tsúfí mí íwí letn.’ ”

¹⁷ Mogyí ɔhá ání mli tetí mli aa, mli Sí ní mli dé mpáí bó ní. Ɔtamakí ɔha ansító ní ɔde ahá asón gyí. Mbóun ɔhagyí ɔha bwehé ɔtópógýi mó asón. Mó sò mli pò Bulu-ífúnýa bwe mli bwehé kugyíko nke tráhe ánfí ílasi mli ɔyí ánfíto. ¹⁸ Tsúfí mli yin tsá ɔlópóká mli nwunso ɔko, há mli lagyi íwí tsú mli anáin amándíé laláhé ámóó íletin mli ɔkpa ámóto. Itó ámóó ɔlópóká mli nwunso ɔko ámu megýi fée sika pepe mó sika futútú ání itetáí yíntá. ¹⁹ Kristo obugya ání íhé bə íbíá ɔlópóká mli nwunso ɔko ámu. Kristo gyí fée okúfabiá ɔlɔfon ha mbusuo kugyíko le, púná kòko ma mó íwí. ²⁰ Asa Bulu lóbwe ɔyí á, ɔlehúhé tsá íbēba Kristosó yáí. Mli sò Bulu lalé mó súná bré tráhe ánfíto. ²¹ Kristo lahá mli ahó Bulu gyi. Bulu lókósóa mó tsú afúlitó, wá mó numnyam. Mó sò mli ansídn Bulusò, mli dé tsá alahíé ɔkpa kí ní.

²² Mli lagyi dúnká ɔnəkwalí ámóó íbó Kristoto ámušo. Mó sò mli latn mli íwí há Bulu, mli dé aba dwe fée apíó. Megýi ansító-ɔdwe mli dé púhá aba. Mli yə mósó amlidwe aba wankláán tsu mli klòntó. ²³ Bulu lakwíí mli pópwe. Megýi nyankpósa ání oméetsiaí nkpa wá ɔpásó ɔlòtsón kwíí mli. Mbóun Bulu asón ámóó íbó nkpa, íbó unu bré fée tó ámušo ɔlòtsón kwíí mli. ²⁴ Bəwanlín wá Bulu asón ámóto beé, “Anyánkpósa bogyí fée ífá. Amó numnyam é igyi fée ífá ntswítswi. Ífá towú, mó ntswítswi tóbó kpákpáa, ²⁵ táme aní Wíe asón ámu mó bə unu bré fée tó.”

Asón ánfí gyi ason wankláán ámóó mó ɔkan adapó beda súná mli ámu ní.

2

¹ Mó sɔ mlile agywun laláhe kugyíko le mlito. Mlímátrá mlé aba, ntée bwé apinabwébi. Mlímátrá pɛ ansí abasɔ, ntée tsii aba. ² Mlúbwɛ mlí ɪwí fɛ nyebí bɔbwɛ, amlíha Bulu asón ámóú ɪlɛtɛn, tɔtɔ mɛfráa mótɔ́ ámó ɪdunka mlí ɔwólí brégyíbré, fɛ alí ámóú nýsɔp-ntsɔ tɛdínká nyebí ɔwólí amó. Mɛní ɪbéha mlédan, nyá nkpahó tsú Bulu wá. ³ Mlílakápó aní Wíe amó kɪ, mlílawun aní ɔbɔ awítɔle.

Akristofɔ Babwé Aha Pɔpwe Há Bulu

⁴ Mó sɔ mlíkɔkɔpɛ ba aní Wíe Yesu Kristo wá. Mɔgyí nkpa Owíe nɪ. Kristo gyí fɛ ɪbwiá ahá bekiná mó aní ɪma labi, táme Bulu léle mó aní ɪbɔ labi mɔ ansítɔ. ⁵ ɔŋétɔ́ asón nebá beblí á. Mlúba Bulu wá bré ánfí mlíbu nkpa ánfí, ɔbwɛ mlí fɛ abwíá ɔɛpɔyí obuá bótswɛ mɔ mótɔ. ɔbwɛ mlí mɔ igyí ahapó aní amó ɪwí ɪlɛtɛn, amlítsɔn Yesu Kristosɔ ha Bulu igyí ámóú mɔ ɔŋé losusú suná mlí, ɪtegyi mɔ ansí ámó. ⁶ Tsúfɛ bɔwanlín wá Bulu asón ámóú bɛɛ,

“Bulu ɔbéɛ, mlíkɪ, nalé ɪbwi aní ɪbɔ labi,
póbwé okonkísóbwi yáí Sion wúluto.

ɔhagyíɔha aní ɔlɔhɔ aní Wíe, ogyi okonkísóbwi ámóú gyi a,
péli méekítá mɔ ɛkɛkɛkɛ.”

⁷ ɪbwi ánfí híé ɪbɔ labi há mlí ahá aní mlílóhɔ Kristo gyi. Táme há ahá aní bómóhɔ Kristo gyi mó á, Bulu asón ámó ɪleblí ɔbéɛ,

“ɪbwi ánfí obu ayípu bekiná ní.

Táme mólébe mlí ɪbwi aní ɪhíé bɔ labi ɔn mó fɛé ní.”

⁸ Asa é á,

“ɪnɪ gyí ɪbwiá ahá bósutiín mósɔ dída ní.”

Bósutiín mósɔ, tsúfɛ bomegyi Bulu asón ámóú. Alí Bulu léhɛ yáí aní ɪbá ha amó nɪ.

⁹ Táme mlí mó á, mlígyí ɔmá aní Bulu lalé. Owíe amó igyí ahapó. ɔmá wankíhé aní Bulu lapó mlí bwé mɔ onutó ahá nɪ. Mólálé mlí tsú oklúntɔ pó mlí ba mɔ ɔkandíe wánkíhé amó así ɔbéɛ, mlíbéda ofúla amóú alabwé ámó ɪwí ɔkan. ¹⁰ Tɛkɪ bré ámó a, megyí Bulu ahá mlígyí. Táme séi mó á, mlílabwé Bulu ahá. Bré ámó a, tɛkɪ Bulu nwewúun ɪma mlíɔ. Táme séi mó á, mɔ nwewúun laba mlíɔ.

Bulu Nkpábi

¹¹ Apíó adwɛpó, nhíé ndɛ mlí ɔlá da. Afóó mlígyí, mlíméetsiá ɔsólóv aníɔw wá ɔpá. Mó sɔ mlíle ɪwí tsú nyankpɔsa ɔwólí laláhe amóú ɪtáko mlí ɔkláa isá ámóú. ¹² ɪnɪá mlíla ɔmátɔ́fɔ tsíe sɔ á, mlítsia tsiátɔ wankláán, mɛní ní bɔdeblí bɛɛ mlí tsiátɔ ɪma ale a, bówun mlí yilébwɛ, fówun békánfó Bulu ɛkɛ ámóú ɔbéba beki amó gyumagyihe amó.

¹³ Aní Wíe Yesu sɔ mlíbu aban mɔa ɔhagyíɔha aní bapó túmí wá mɔ ɪbɪtɔ. Mlúbu ɔmá ɔkɔpápó aní ɔɛɛ ɔmá ámó fɛésó gyí. ¹⁴ Mlúbu ɔmá sɔ akípɔ amóú ɔmá ɔkɔpápó lalé ɔbéɛ, bɔbítɔ lakpan abwɛpó ɪsɔ, abókánfɔ yilé abwɛpó ámó. ¹⁵ Mlúbwɛ yilé pɔka asón laláhe amóú aha mímílahɛ bɔteblí mábí sɔ tsú mlí ɪwí ámó ɪtɪn. Tsúfɛ ɔkpa ánfɪsɔ Bulu déklé ɔbéɛ, mlúbwɛ mó ní. ¹⁶ Mlítsia nkpa fɛ ahá aní bɔtsiɛ ɪwíɔ, táme mlímáppó mlí ɪwíɔtsiá ámó tɪn ansíbi bwé laláhe. Mboún mlítsia nkpa fɛ Bulu asúmpó. ¹⁷ Mlúbu ɔhagyíɔha, amlídwɛ mlí aba ahógyipó. Mlɪnya Bulu ifú, amlíbu mlí ɔmá ɔkɔpápó.

Asúmpó ɪwasíba

¹⁸ Nkpábi, mlɪnya mlí awíe ifú, amlípɔ obú ha amó. Megyí amóá bolwíí, bɔbɔ awítɔle há mlí nkɔle. Mlúbu amóá bɔbɔ owuntɔlɔn mlíɔ é. ¹⁹ Ní ɪleba mótɔ́ aní behá mlɔwun ɪwíɔsɔn kókɔ kpaalí, táme Bulu sɔ mlɔtómí hɔ mó faan a, Bulu ansí bégyi mlí ɪwí. ²⁰ Labi mɔmɔ ɪbɔ ní fatómí, badá fɔ fɔ lakpan sɔ? Kókɔ ɪma mótɔ́. Táme ní fɔbwé yilé asa fotómí bɛda fɔ á, Bulu ansí tegyi fɔ ɪwí. ²¹ Asón wunhɛ ánfí aná sɔ Bulu létɪ mlí ní. Tsúfɛ mlí sɔ Kristo onutó é lótómí tson asón wunhɛtɔ póbwé mfántóhón há mlí, mɛní mlí é mlótson mósɔ. ²² Bɔwanlín wá Bulu asón wanlínhé ámóú bɛɛ, “ɔmɔbwɛ lakpan kókɔ. ɔmɛmlé ɔhaa é.” ²³ Besia mɔ, mɔ mó omesia ɔhaa. Bréá ɔɛɛ ɪpian wúun a, ɔmeká ɔhaasɔ, táme ɔlɔp mɔ ansí dínká Bulu, asón ogyípó ɔnɔkwalipó amóú. ²⁴ Yesu Kristo onutó lóhɔ aní lakpan fɛé sɔrá, bɛda mɔ mántá oyíkpalíhe amóú, mɛní abégyi ɪwí tsú aní lakpantɔ, tsíá nkpa há yilébwɛ. Tsúfɛ bɔwanlín wá Bulu asón ámóú bɛɛ, “Mɔ ɪwí nɔ ámóú mlílénɪya mlí ɪlɔtsá.” ²⁵ Tsúfɛ mlígyí fɛ akúfa fwhíé, fɛ alí ámóú bɔwanlín wá Bulu asóntɔ ámó. Táme séi mó á, mlílayínkí bá mlíbuo Yesu, mlí ɔklásɔ ɔkípɔ pó mɔ ɔkɔpápó ámó.

3

Akúlu Móa Aká

¹ Atsɪ, mlíbu mlí akúlu alí kén, mɛní ní amótɔ́ akɔ bómáhɔ Bulu asónsɔ gyi kóráá, bowun mlí tsiátɔ a, ɪbétsɛ amó, megyí mlí obétepi trá bláa amó asɔansɔ. ² Tsúfɛ bówun mlí tsiátɔ wankláán pó alíá mlítehíé bú ató. ³ Mlí alé umátsu mlí ɪmí bwɛ, atati yilé dída ntée sika atáá

ibw ibiá watw. ⁴ Mboún mlha mlí alé itsu mlí klwntw. Aléá itamayíntá gyí móá ibw alé, ilolwii. Mótehíé gyí Bulu ansí ní. ⁵ Tsífé alí kén bímbí ámw atsiá bwpw amó iwí há Bulu, pú ansí dínká mwsó bobu amó akúlu, sw bowa akílé ní. ⁶ Alí kén Sara lóbu mw kulu, oletsia tí mw obéé, “Mí wíé” ní. Mw abí mlygyí, ní mlabwé yilé, mwménya tótó ifú.

⁷ Alí kén mlí ayin é, ní mlha mlí aká mlibw iwí á, mlibwí ání boma awútó swonlín fé mlí. Mliwun amó nwe, amliwub obú ha amó. Tsífé mlha amónyó obénya Bulu atokiehé ámwó igyi nkpa ámw. Mlikita mlí aká tson okpa ánfisw, méní ní mlidé mpái bó á, tótó méetin mlí okpa.

Ipianwúun Yilébwe Sw

⁸ Itráhe-tráhe a, mlí féé mlha mlí agywúun iwé kole. Mlisu ha aba, amlidwe mlí aba Akristofó. Mliwun aba nwe, amliwub iwiasí ha aba. ⁹ Mliwápú laláhe ká laláhe ikw. Ntéé ní ahá besia mlí á, mliwásia amó ká ikw. Mboún mlyula amó, tsífé Bulu létí mlí ání mlibóyulá ahá, méní obóyulá mlí. ¹⁰ Bwanlín wá Bulu asón ámwotó beé,

“Ní okw déklé obéé, mw tsiató iwá alé,
otsia ansigyító a,

mómó osii ahá iwí ason laláhe blí,
osi afunu wa.

¹¹ Osii laláhe bwe, obwéé yilé.

Odúnka iwilwii, ogyáa mó okpa.

¹² Tsífé Bulu ansí bw yilé abwepósó.

Ɔteyaa aso nú amó ató kolíhé.

Táme otokósó lí laláhe abwepósó.”

¹³ Ma obópú laláhe gyí mlí, ní mlí ansí ipé yilébwe sw? ¹⁴ Táme ní leba ání mlidé ipianwúun yilébwe sw kóráá á, nwun lává mlí olú. Opúni mátsii mlí, mliwánya ohaa é ifú. ¹⁵ Mboún mlibwí tsu mlí klwntw ání Kristo gyí mlí Wíé, mw iwí letin. Mliwub iwiasw, méní brégyibré ní okw léfíté hógyi ámwó ibw mlto ámw iwí asón á, mlibwí lé mó onó wankláán. Táme mlwya klw, amliwub iwiasí le mó onó. ¹⁶ Mli klw máha mlí pón tótó iwí, méní ní bode asón laláhe blí tsú mlí tsiató wankláán ámwó mliwópú mliwuo Kristo amó iwí á, péli békítá amó. ¹⁷ Ní igyi Bulu apé ání fówúun ipian kóráá á, ibw aléá fówun ipian yilébwe sw, dun ání fówun ipian laláhe bwe sw. ¹⁸ Tsífé Kristo é lówu ahá lakpan sw otasáwole pé. Mw asón da okpa, táme olowu há lakpan abwepó féé, méní obékpa mlí ba Bulu wá. Bwmo mw nyankpwsa-oyí, táme Bulu lókwósá mw Ɔhétó. ¹⁹ Olotsun Ɔhétó ámwotó yéda asón ámw okan há afúli amó buda obu ámw. ²⁰ Afúli amó gyí, ahá ámwó bómobu Bulu asón, Bulu lénya klw há amó bré ámwó aní náin Noa dé daka kponkponkponi sré ámw. Ahá ikwe pé lótsun ntsubulá ámwotó nyá nkpa. ²¹ Ntsu ánfí léli há asúbó. Alí ámwó ahá ámw bótson ntsubulá ámwotó nyá nkpa ámw a, alí kén asúbó ánfí dé mlí nkpa hóó ní. Megyí mlí iwí ifin asúbó tófwi. Mboún igyi ipabwii há Bulu ání mlí klw idí mlí asi, imátrá ha mlí pón. Asúbó ánfí lahó mlí nkpa tson Yesu Kristo kwósó tsú afúlitó ámwotó. ²² Alayó asósó yétsiá Bulu gywpisw séi. Bulu-abópú, Ɔhétó awíé pú túmi kugyíko bobu mw asi.

4

Nkpatsiá Há Bulu

¹ Kristo lówun iwiasin. Mó sw mlida iwiasw mlí é, amliwub mw okpa ámw alí kén. Tsífé ohá ání owun iwiasin lalé mw iwí lé lakpantó. ² Iní sw omátrá ha swóli laláhe igyi mwsó. Mboún ohá Bulu apé bwe itsia mw klwntw mw nkpa ání ilasí gyí ánfító féé. ³ Asa mliwé bemi Akristofó á, mlidéyíntá bré tsotso tsia bwe tóá ahá ání bomeyín Bulu botekle bwe. Mó aná gyí; atsi móá ayin asónwa, ntábu, pléikpada móá ntakpan onúkpa yw pú ikpitswéé ání igyi mlí akisító. ⁴ Itobwíé omátófo ámw onó ání séi mlitráa mliwédésrí buo amó yóbwe laláhe. Mó só botesiá mlí ní. ⁵ Táme béle amó bwehé féé onó Bulu ansító. Mw obá begyi akiankpapw pú awupó féé asón ní. ⁶ Mó só beyéda Bulu asón wankláán ámw okan há awupó ní. Amó lowu ámw igyi iswá Bulu labítí amó swólób, fé alá otobítí ohagyíoha sw. Beyéda Bulu asón ámw okan há amó, méní amó okláa obénya nkpa fé alá Bulu bw nkpa.

Bulu Atokiehé Kítá Wankláán

⁷ Tógyító onómó lafón ta. Mó sw mlikita iwí, amliwub mlí agywúuntó idi, méní mlétali bó mpái. ⁸ Móá idwun mó féé gyí, mlidwe aba tsu mlí klwntw. Tsífé odwe ánfí odu obéha mlétali sí ahá lakpan kíé amó ní. ⁹ Mliwub ansigyí hó mlí aba Akristofó afós, mliwáblí mlhaa wakpan mlí. ¹⁰ Bulu lakíé ohagyíoha ató otsan-otsan. Mó sw ohagyíoha okíta mw kletó wankláán, amliwopkpa aba. ¹¹ Ní okw klé gyí Bulu asónblí á, obli asón ání itsu Bulu wá. Ní okw klé gyí ahá súm á, Ɔpúb swonlín ámwó Bulu lahó mw amw féé súm mw aba. Iní obéha ahá békánfú Bulu tson Yesu Kristosó tógyítótó. Numnyam móá túmi igyi Bulu klé bré féétó. Amen.

Akristofó Ipianwúun

¹² Mí apíó adwepó, mlimáha ason wunhe kpɔnkpɔnkpɔnti ánfí bodepuso mli kí anfi íbwie mli ɔnó. Mlimáki mó ání ason pɔpwe dé mli tɔ. ¹³ Mliha ansí mbóún igyi mli ání mli dé Kristo ason wunhe amó kɔ wúun, méni ansí betrá hie gyí mli eke ámóú mɔ numnyam bélin ɔwan ámu. ¹⁴ Ní ahá bode mli sia Kristo búo sɔ á, idesuná ání nwun lawá olú. Bulu Numnyam Ŋye Wankihé amó bɔ mlíto. ¹⁵ Mli to ɔkoko ɔmáwun asón ahámó, ntée owi, ntée lakpanbwe, ntée okéngyéwa sɔ. ¹⁶ Táme ní mligyi Akristofɔ sɔ mli dé asón wúun a, umáwa mli péli. Mbóún mlíkanfɔ Bulu ání Kristo ídá ðun mli sɔ.

¹⁷ Tsífé bré lafɔn ání Bulu obégyi ɔhagyíɔha asón. Obégyankpá gyi mɔ onutó ahá asón. Ní Bulu obéfi mó así tsú anisɔ á, mómó nkálí ahá ámóú bɔmɔho mɔ ason wankláán ámusɔ gyi amó klé bóbwe? Ibéhie wá ifú. ¹⁸ Bɔwanlín wá Bulu asóntó bɛɛ, “Ní íbɔwa ɔnlín asa Bulu ɔbóho yilé abwepó nkpa á, mómó nkálí íbégyi ha lakpan abwepó pó ahá ání bɔtamabú Bulu é? Iméetepí wá alé há amó.”

¹⁹ Mó sɔ ahá ámóú igyi Bulu apé ání bɔwúun asón ámu bɔpɔn amó íwí fée wa amó Ŋlepó ámu íbɔ, abókita yilébwetɔ kínkíínkín. Otegyi mɔ asónsɔ brégyíbré.

5

Bulu Akúfasɔ Kí

¹ Séi á, ndeklé mbée, nótáí kplá mliá mligyi ahandɛ Kristo ɔpasuato. Ɔpasua ɔhandɛ mí é ngyi. Ntráa ngyi ipian ámóú Yesu lówun amó íwí adánsie ogyípo. Mí é nénya mɔ numnyam amóú íbélin ɔwan ámu íkɔ. ² Nde mli kokóli mbée, mli kí ahá ámóú Bulu lapówá mli íbɔto amosɔ wankláán fé akúfa ɔkparó. Imábwe mli fé bode mli hie, mbóún mli bwe mó tsu mli klɔntɔ alá Bulu déklé. Megyi sika ɔnsipɛ sɔ, mbóún ɔdweá mli bɔ ha osum ámu sɔ. ³ Mlimábwe ahá ámóú Bulu lapówá mli íbɔto ámu kpɔunkpɔn. Mbóún mlítsia tsiát wankláán ání íbóbwe nfántóhɔn há amó, ⁴ méni ekeá Kristo, ogyi akúfa ɔkparó Owie amó ɔbá á, ɔbéha mli isogyi-pa ání íbɔ numnyam, iméekpa ekekekeke.

⁵ Nyasubi móa mbitebí, mli é mli pɔ obú há mli ahandɛ. Mli fée mli pɔ íwiasibá kpa aba. Tsífé bɔwanlín wá Bulu asón ámɔto bɛɛ, “Bulu tɔkósó lí íwí atsupósó, táme ɔtɔwá awítale há ahá ání beba íwiasí.” ⁶ Mó sɔ mli ba íwiasí, amlipɔ mli íwí wa Bulu túmi kpɔnkpɔnkpɔnti ámu así, fówun obótsu mli fóa mɔ bré wankláántó. ⁷ Mli pɔ mli ason wunhe fée wa Bulu íbɔto, tsífé ɔtɔgywín mli íwí.

⁸ Mli kíta íwí, amlidínka ansí íwiso, tsífé mli olupó, ogyi Ɔbɔnsám ná odekpoun, odeki fé gyatá, ɔde ɔkɔ dunká ɔkíta wí. ⁹ Iní sɔ mli kíta mli hógyito kínkíínkín, amlitín mɔ ɔkpa. Mli bɔ ání mli aba Akristofɔ ání bɔbɔ ɔyító fée bode ipian ánfí odu wúun. ¹⁰ Táme Bulu híé ɔbɔ awítale há mli tógýítótó. Mólátí mli ba mɔ numnyamto tsɔn mli Kristonyɔ ikolebwetó. Mɔ numnyam amó bɔ mɔ bré fée. Ní mlowun ipian kpalobí á, umáwa ɔpá mɔ onutó obótsu mli kósó, há mléyínkí lí. Ɔbɔwa mli ɔwónlín, há mléle nlin Kristotó. ¹¹ Móbó íwígyi bré fée. Amen!

Iká

¹² Silwano létsa mí ɔwanlín ɔwóló kútúklú ánfí sísí mli. Nyin ání opíó Okristoyin ogyi, ɔbɔ ɔnakwalí. Ndekléá nɔwa mli ɔwónlín, mí angyi adánsie suna mli ání asón ánfí nabláa mli ɔwóló ánfíto fée idesuná ání iní gyí Bulu awítale onutónutó ámu nɔ. Mli kíta mótó kínkíínkín.

¹³ Mli apíó ahógyipɔ amóú bɔbɔ Babilon ɔpasuato behá mli itsiá. Mí bí Marko é ɔhá mli itsiá. ¹⁴ Mli pɔ aba-ɔdwe ámóú íbɔ Akristofɔto ámu ha aba itsiá brégyíbré. Nde Bulu kolí mbée, ɔháa mli ahá ámóú mligyi Akristofɔ ámu fée íwilwii.

yófon ekeá obégyi amó asón. ¹⁰ Móá idon a, ahá ánfí odu botamagyi iwíso, iwítsú bu amótó, botamasúsu tótó iwí don hakpan ání amó ówólí laláhe tekle. Bulu obéhe bíti amó ísu.

Ní bode anumnyampóá bobo ósósó sia á, itamawá amó ifú. ¹¹ Bulu-abápoá bohíé bobo túmi, bobo ówonlín kóráá botamasiá anumnyampo anfi Bulu ansító. ¹² Afunu ató asunápó anfi bogyi fé pututo-mbwáa boma agywun. Botókwíí amó keke, ahá botékítá amó, mós amó. Botéblí ason laláhe tsú tóá bomonu mó así iwí. Amó laláhebwe béhi amó fé pututo-mbwí. ¹³ Alí ámóó bahá ahá bode asón wun amó so Bulu óbópo ason wunhe ká amó aka. Botegyí odwe nketó, tsúfé ansigiyáa botóbwé. Botóbwé pélla, kpóí iwí, botowíe anító aní nkeyítá. Bode iwí mlé. ¹⁴ Tótó uma amó ansigiyí don mbóató. Botamasi laláhe bwe. Botemlé ahá ání amó hógýi melíí tsukole, há bótóbwé lakpan. Bahíé bí ónsipe wa. Amó bwehé laláhe anfi su, bogyówí ní! ¹⁵ Basí ókpa wankláán ámó tswí, yó bobuo Beor mó bi Bulu ónósó ótáípó Bileam bwehé laláhe. Ólodwe sika ání obénya tsú laláhebwe. ¹⁶ Mó so Bulu léha mó afrímú lótoí wa mó, ileha olesi mó gbedéla amó bwe.

¹⁷ Afunu ató asunápó anfi boma labi kóko. Bogyi fé ntsuá ilakpi ntéé nyankpoá ilabílá tuun, afú latsvan mó náti. Iní so amó otsiákpá ání Bulu lalá yáí amó gyí oklún tuuntó. ¹⁸ Botótú iwí, ká ónótó, pó amó ówólí laláhe tun ónó, mlé ahá butelábwé lakpan ání besi bwe imókówá ópá. ¹⁹ Botehíé ahá béé, ní begyi amó atosunáhésó á, bégyi iwí. Táme amó onutó bogyi nkpábi há tsiátó laláhe. Tsúfé nyankpoa gyí ókpábi há tóá ide mosó gyí. ²⁰ Ahá ání babí ní! Wíe pó aní Ólepó Yesu Kristo, sí óyító ówólí laláheá iteyíntá nyankpoa bwe, beyínki yébitíwíé mótó, igyi amósó á, amó tsiátó teláyíntá don alíá igyi yáí. ²¹ Ní bumetepí wun ókpa wankláán ámó kóráá á, teki íbo alé há amó don ání bówwun mó yínki óma, sí mbla wankihé amóó bápohá amó ámósó gyí. ²² Amó bwehé ánfí lahá yébi anfi laba mótó. “Kíai tékpláí, lápó mó ódandó tsú” pó “Febie óprákuo ntsu alágyíalíá á, óteláyébie ódiba.”

3

Aní Wíe Óbáke

¹ Mí apíó adwepó, ínú gyí ówoló nyóosiá ndewanlín sísí mlí ní. Ndepo nwoló anyó ánfí káín mlí, ménú mlógywíín mó iwí wankláán. ² Ndekléá mlíkáín asón ámóó Bulu ónósó ótáípó wankihé amó beblí yáí ámósó. Mhikan aní Wíe, ogyi aní Ólepó Yesu Kristo mbla ámóó ólatsón mó sumbí ayópósó wá há mlí ámósó. ³⁻⁴ Gyankpapó a, ndekléá nékáín mlí ání nke tráhe amótó á, ahínlá abwepó ako bóbuo amó onutó ówólí laláhe. Bómósi mlí, fité mlí béé, “Yéé Yesu léblí yáí óbéé, mélayínki bá a? Mó nkí mó mé? Tsú aní anáín lowú brésó ópá á, tótóto mákótse. Alí ámóó ilenya igyi ámó ní.” ⁵ Bakí ansí tan ání ónó Bulu lópublí asón bímbí ámó, ósó móa así lelín, ósolóv ledali tsu ntsutso. Ntsu é ólópóbwé mó. ⁶ Ntsu kén óleha ilobólá yíntá bímbí óyí ámó. ⁷ Ónó ámó kén óletrá pubblí ání ósó móa así ánfí mó íbetsiá yófon ekeá obégyi ahá ámóó botamanyá mó ifú ámó asón, pó ogyá hí tógyító.

⁸ Táme apíó adwepó, mlumátan ínú móósó. Ekewóle igyi fé nfi-ópim, nfi-ópim é igyi fé ekewóle aní Wíe ansító. ⁹ Ahá bukí béé, Bulu tesi tsiá tóá alahíéá óbóbwe. Megyi alí igyi, mbóun klón otényá há mlí; ménú óhagyíóha obédámli klóntó sí lakpan bwe, tsúfé omedékléá óhaa óbófwí.

¹⁰ Táme aní Wíe óbáke amó íbófwíe ahátó, fé alá owikpulu tofwíé óható. Eke ámó a, ósósó bósorá okitikítí kóklóklóó ná. Ogyá bérjáín ntobíá ólópóbwé ósó móa así féé. Ósolóv móa móósó ató é féé bóho plíplíplíplí. ¹¹ Inúá léle Bulu obéyíntá óyító ató féé alí á, tsiátó mómó ilehián ání mlóptósiá, íbégyi Bulu ansí? Ilehíán ání mlí iwí bétún, mlósum Bulu. ¹² Mlútsia tsiátó anfi póki ókpa ha Kristo óbáke amó, amlíha mó ikósi ba. Bulu óbópo ogyá hí tógyító ósósó eke ámó. Mó okunkúú é íbérjáín mó ató féé. ¹³ Táme Bulu léhe ání óbóbwe ósó móa así pópwe há aní. Ótínéá ahá ání amó asón da ókpa bétsiá. Mó anígyó ní.

¹⁴ Mó so apíó adwepó, iná mlgyó iní so á, mlyíwí iwí amlútsia tsiátóá mó iwí letún, ólala méetsiá mlí iwí Bulu ansító, ménú iwílwíí bétsiá mlíha mómó nsíné. ¹⁵ Mlumátan ání ahá nkpahó só aní Wíe dé iklón nya, fé alá aní píó adwepó Paulo lópu nyánsa ání Bulu léha mó wánlín asón ánfí kén sísí mlí. ¹⁶ Asón ánfí aná iwí ólótóí tsú mó nwoló féétó ní. Táme mó asón ámó íkó asunu mó onlún. Mó so ahá ání botamakási tótó pó ahá ání amó hogyi melíí tsukole botédámli Paulo asón ámó, fé alí ámóó botédámli Bulu asón wanlínhé bun amó. Mó óbéha Bulu óbéhi amó ní.

¹⁷ Táme apíó adwepó, iná mlyíin mó alí so á, nde mlí ólá da yáí. Mlúndka ansí iwíso, ménú ahá ánfí botamagyi mblasó ánfí bomóopó amó atosunáhé laláhe amó bemlé mlí, amlíhída. ¹⁸ Mbóun mlyíó móósó, ménú aní Wíe pó aní Ólepó Yesu Kristo awítóle pó mó bi bómoní mlító. Numnyam íbwéé mó kle tsú séi póya bré féétó! Amen.

Yohane Ɔwɔlɔ Gyankpɔpɔ

Nkpa Asɔn

¹ Anidɛ ɔwɔlɔ ɔnfi wanlɔn sɔsɔ mli tsu Asɔn ɔmɔ tɛhɔ nkpa, ibɔ unɔ asa ɔyi lɛlun amɔ iwɔ. Anɔ onutɔ anilɔnu mɔ asɔn, pɔ ansɔbi wun mɔ, kɔ mɔ, pɔ ibɔ da mɔ. ² Bulu lɛlɛ Nkpa Ɔhapɔ ɔnfi ɔwan sɔnɔ anɔ, anilɔwun mɔ. Anidɛ adɔnsɛ gyi, blaa mli anɔaa, mɔtɛhɔ nkpa ɔnfi itamatɔ nɔ. Mɔa Ɔsɔ ɔmɔ nyɔ bɔ unɔ yɔi, asa alalɛ mɔ ɔwan sɔnɔ anɔ. ³ Asɔn ɔnfi anilɔnu pɔ tsɔ anilɔwun anidɛ mli blaa, mɛnɔ anɔa mlinyɔ abɔbwe kole. Tsufɛ anɔa Ɔsɔ ɔmɔ pɔ mɔ Bi Yesu Kristonyɔ gyi kole. ⁴ Anidɛ mɔ wanlɔn sɔsɔ mli, mɛnɔ anɔa mlinyɔ ansigyɔ bɔfɔn.

Bulu Lɔwankɔ

⁵ Asɔn ɔnfi anilɔnu tsu mɔ Bi ɔmɔ wɔ, anidɛ mli blaa gyi, Bulu lɔwankɔ. Oklun kokɔko mɔ mɔtɔ. ⁶ Mɔ sɔ nɔ anidɛbli anɔaa, anɔa mɔnyɔ anidɛ mbagyi, tɔmɛ anitrɔa anunɔ oklunɔ ɔ, anidɛ afunu wɔ. Anumɛdɛbwe dɔnkɔ ɔnkwali asɔn ɔmɔ. ⁷ Tɔmɛ nɔ anunɔ wankɔ amɔtɔ, fɛ alɔ ɔmɔ mɔ onutɔ ɔna ɔmɔ a, ikɔlɛbwe bɔ anɔa anɔ aba nsɔnɛ. Mɔ sɔ mɔ Bi Yesu Kristo obugya amɔ tɛtɔn anɔ iwɔ tsu anɔ lakpantɔ.

⁸ Nɔ ablɔ anɔaa, lakpan ma anɔ iwɔ ɔ, anidɛ iwɔ mlɛ. Anumɔ ɔnkwali. ⁹ Tɔmɛ nɔ alɛ anɔ lakpan blaa Bulu ɔ, obɛsikɛ anɔ, tun anɔ iwɔ tsu lalɛhɛ fɛtɔ, tsufɛ yilɛ ɔbwɛpɔ pɔ ɔnkwaliɔpɔ ogyi. ¹⁰ Nɔ ablɔ anɔaa, anumɛgyi lakpan abwɛpɔ ɔ, anilawɔ mɔ afunɔtɔ. Idɛsunɔ ɔnfi anumɔhɔ mɔ asɔn ɔmɔ.

2

Anɔ Bɔalɛ Ogyipɔ

¹ Mɔ abɔ adwɛpɔ, ndɛ asɔn ɔnfi wanlɔn sɔsɔ mli, mɛnɔ mlimɛtrɔa bwe lakpan. Tɔmɛ nɔ mlɔtɔ ɔko ɔbwɛ lakpan ɔ, anɔbɔ ɔhɔ ɔnfi otokokɔli anɔ Sɔ ɔmɔ hɔ anɔ. Mugyi yilɛ ɔbwɛpɔ Yesu Kristo. ² Tsufɛ mɔlɔwɔ, pɔ mɔ obugya lɛ anɔ nwunɔ mbusuo. Megyi anɔ nkɔlɛ pɛ lakpan, tɔmɛ ɔyɔtɔ ahɔ fɛ klɛ.

³ Nɔ anidɛ Bulu mblasɔ gyi a, mɔ ɔbɛha abɛbɔ ɔnfi anilabi mɔ nɔ. ⁴ Nɔ ɔko ɔbli ɔbɛɛ, “Nyin Bulu,” tɔmɛ ɔtamagyi mɔ mblasɔ ɔ, ofunupɔ ogyi. Ɔna ɔnkwali. ⁵⁻⁶ Tɔmɛ nɔ ɔko tegyi Bulu mblasɔ ɔ, idɛsunɔ ɔnfi mɔ Buludwe lɔfɔn. Tsɔa ibɛha abɛbɔ ɔnfi kolebwe bɔ anɔa Bulu nsɛnɛ gyi, anɔsɛ nkpa fɛ Yesu Kristo.

Mbla Pɔpwe Amɔ

⁷ Apɔ adwɛpɔ, megyi mbla pɔpwe kɔko ndɛwanlɔn sɔsɔ mli. Mbla dada amɔ mliyin tsu brɛ ɔmɔ mlɔtɔ hɔgyi amɔ nɔ. Mbla dada anfi igyi asɔn ɔnfi mlɔlanɔ dodo. ⁸ Tɔmɛ mbla pɔpwe igyi. Tsufɛ Kristo tsiatɔ pɔ mli klɛ lalɛ mɔ sɔnɔ ɔnfi mbla pɔpwe igyi. Oklun amɔ idɛtsɔbɔn. Wankɔ amɔ onutɔ idɛwankɔ dodo.

⁹ Mɔ sɔ ɔhɔ ɔnfi ɔbɛɛ, ɔna wankɔ amɔtɔ, tɔmɛ ɔdɛ mɔ ba Okristoyin lu ɔ, idɛsunɔ ɔnfi ɔtrɔa ɔbɔ oklunɔ. ¹⁰ Ɔhɔ ɔnfi ɔtɔdwe mɔ ba Okristoyin nɔ wankɔ amɔtɔ. Mɔ sɔ tɔtɔtɔ mɛhɔ mɔ ɔbwe lakpan. ¹¹ Tɔmɛ ɔhɔ ɔnfi otolɔ mɔ ba Okristoyin mɔ tsɛ oklunɔ. Ɔna oklunɔ, sɔ omeyɔn ɔtɔnɛ ɔyɔ, tsufɛ oklun amɔ latin mɔ ansɔ.

¹² Mɔ abɔ adwɛpɔ, ndɛ ɔwɔlɔ ɔnfi wanlɔn sɔsɔ mli, tsufɛ Yesu Kristo sɔ Bulu lasɔ mli lakpan kɛ mli. ¹³ Mɔ asɔ, ndɛ ɔwɔlɔ ɔnfi wanlɔn sɔsɔ mli, tsufɛ mlɔlabɔ ɔhɔ ɔmɔ ɔbɔ unɔ tsu ɔyi nfi asɔ ɔmɔ. Nyasubi, ndɛ ɔwɔlɔ ɔnfi wanlɔn sɔsɔ mli, tsufɛ mlɔlagyi Ɔbɔnsɔmsɔ.

¹⁴ Mɔ abɔ adwɛpɔ, ndɛ ɔwɔlɔ ɔnfi wanlɔn sɔsɔ mli, tsufɛ mlɔlabɔ Ɔsɔ ɔmɔ. Mɔ asɔ, ndɛ ɔwɔlɔ ɔnfi wanlɔn sɔsɔ mli, tsufɛ mlɔlabɔ ɔhɔ ɔmɔ ɔbɔ unɔ asa Bulu lɔbwe ɔyi ɔmɔ. Nyasubi, ndɛ ɔwɔlɔ ɔnfi wanlɔn sɔsɔ mli, tsufɛ mli hɔgyi ɔnɔ bɔ ɔnln, Bulu asɔn bɔ mlɔtɔ. Mlɔlagyi Ɔbɔnsɔmsɔ.

¹⁵ Mɔ sɔ ndɛ mli fɛɛ blaa mbɛɛ, mlimɔpɔ mli klɔn dɔnkɔ ɔyi pɔ mɔtɔ atɔsɔ. Nɔ ɔko dɛ ɔyi ɔnfi dwe ɔ, ɔmɛtalɔ trɔa dwe anɔ Sɔ Bulu ɛ. ¹⁶ Ɔyɔtɔ atɔ ɔmɔ iko gyi, atɔ lalɛhɔ itɛdɔnkɔ ɔhɔ ɔwɔli; atɔa ɔhɔ towun, itɛdɔnkɔ mɔ ɔwɔli pɔ ntɔbiɔ ɔhɔ tɔpɔtsu iwɔ. Inɔ ɔnfi odu kokɔko imɔtsu anɔ Sɔ Bulu wɔ, ɔyi ɔnfi itɔ. ¹⁷ Ɔyi ɔnfi pɔ mɔtɔ atɔa itɛdɔnkɔ ɔhɔ ɔwɔli fɛɛ dɛtsɔbɔn. Tɔmɛ ɔhɔ ɔnfi ɔtɔbwɛ tsɔa Bulu tekle obɛtsɔi nkpa ɔnfi itamatɔ.

Kristo Alupɔ

¹⁸ Mɔ abɔ adwɛpɔ, brɛ trɔhɛ nɔ. Mlɔkaun ɔnfi beblaa mli bɛɛ, Kristo olupɔ ɔmɔ ɔbɛba. Sɛi ɔnfi ɔ, Kristo alupɔ tsɔtsɔtsɔ baba. Inɔ dɛsunɔ ɔnfi lɛlɛ brɛ trɔhɛ nɔ. ¹⁹ Kristo alupɔ ɔnfi betsiɔ anɔtɔ asa bedalɔ. Nɔ lɛlɛ anɔ klɛ bɔgyi ɔ, tekɔ besi tsiɔ anɔtɔ. Amɔ anɔtɔdalɔ lɔsunɔ ɔnfi bɔmegyi anɔ apɔ Kristotɔ. Mɔ sɔ bedalɔ anɔtɔ nɔ.

²⁰ Tɔmɛ mli mɔ ɔ, Kristo lapɔ mɔ Ɔhɛ Wankɔhɛ amɔ wɔ mlɔtɔ. Mɔ sɔ mli fɛɛ mlɔlabɔ ɔnkwali amɔ. ²¹ Megyi bɛɛ mlimɛyin ɔnkwali amɔ, sɔ ndɛ asɔn ɔnfi wanlɔn sɔsɔ mli. Mbɔun alɔi

mlyin ɔnɔkwali amɔ, pɔ alɔ ámóó mlyin wankláán ání ɔ́tínéá ɔnɔkwali amɔ bɔ a, afunu kɔkɔkɔ ɔma ɔnu ámu sɔ.

²² Ma gyí ofunupu kpɔnkpɔnti ání? Mɔgyí ɔhá ání olekiná ɔbée, “Megyí Yesu gyí Kristo, (ɔhá ámóó Bulu ladá mu ofúli amɔ).” Idesuná ání alakíná Ɔsí Bulu mɔa mu Bi Yesu Kristo amɔ. Mó sɔ mɔgyí Kristo olupó ámu ni. ²³ Tsúfée ɔhá ání okíná Bulu mu Bi ámu lakíná mu Sɔ Bulu é ní. Táme ɔhá ání ɔlɔhɔ mu Bi ámu laho mu Sɔ ámu é.

²⁴ Mó sɔ mliha asón ámóó mlílónu tsú bré ámóó mlílɔtɔ hógyi amɔ isin mlíto. Tsúfée ní isin mlíto á, mómó ikolebwe bétsiá mliha Yesu pɔ Ɔsí Bulu nsuné. ²⁵ Ɔni gyí tóá Kristo léhɔ ɔbée méha anɔ, igyi nkpa ání itamatá ámu ni.

²⁶ Ahá ámóó bɔdekléá bémlé mli ámu sɔ nde asón ání wanlín sísi mli. ²⁷ Mli mó á, Ɔhe Wankíhé ámóó Kristo lɔpɔwá mlíto ámu bɔ mlíto. Mó sɔ imehián ání ɔhaa ɔbétrá suná mli ató. Tsúfée Ɔhe Wankíhé amɔ tosúná mli tógýító. Mɔ atosunáhé é igyi ɔnɔkwali onutó. Ɔni sɔ mlíkita tóá olusuná mlíto, amlitsia Kristotó.

²⁸ Ɔni sɔ mí abí adwepó, mlitsia Kristotó. Fówun ní ɔbá á, péli méékítá anɔ, abétali fia mu. ²⁹ Ní mlyin ání yilé ɔbwepó Yesu gyí á, mómó mli bɔ ání yilé ɔbwepó Bulu mu bi okugyíto gyí.

3

Bulu Abí

¹ Mliki alá anɔ Sí Bulu tehié dwé anɔ sɔ bɔtetí anɔ mu abí. Lélé á, mu abí anigyí. Táme tóá swá ɔyí ánfito ahá bɔmeyín anɔ gyí, bɔmeyín anɔ Sí Bulu. ² Mí apíó adwepó, séi á, Bulu ahá anigyí. Alá abébemli wole ɔmɔkónyá lé suná anɔ. Táme anyin ání Kristo ɔbá á, abélian mu, tsúfée abówun alá ogyi. ³ Ɔhagyíɔha ání ɔɔɔn ansí ání méhan mu tehá mu ɔwi tetin, fé alá mu ɔwi letin.

⁴ Ɔhagyíɔha ání ɔɔbwe lakpan á, ɔdekɔsɔ líí Bulu mblasɔ. Tsúfée lakpan gyí Bulu mblasomágyi. ⁵ Mlyin ání Kristo léba ɔyító bele anɔ tsú anɔ lakpanta, táme mu mó ɔmabwe lakpan kɔkɔ. ⁶ Ɔni sɔ ɔhá ání mɔa Kristo bɔde mbagyí tamatráa bwe lakpan. Mó sɔ ɔhagyíɔha ání ɔtráa ɔde lakpan bwe mókówun Kristo, ɔmókóbí mu é.

⁷ Mí abí adwepó, mli máha ɔhaa ɔmle mli. Ɔhagyíɔha ání ɔɔbwe yilé á, mu asón da ɔkpa Bulu ansító fé Yesu. ⁸ Táme Ɔbɔnsám mu bi, ɔhá ání ɔtráa ɔde lakpan bwe gyí. Tsúfée Ɔbɔnsám de lakpan bwe tsú bréá ɔyí lefi asɔ ɔpá. Bulu mu Bi Yesu Kristo léba ɔyító beyintá Ɔbɔnsám gymagyíhe kugyíko.

⁹ Ahá ání babwé Bulu ahá bɔtamatráa bwe lakpan, tsúfée Bulu tsiátó bɔ amótó. Mó sɔ bɔmɔetalí trá bwe lakpan. ¹⁰ Tóá abópɔbí Bulu abí pɔ Ɔbɔnsám abí gyí, ɔhagyíɔha ání ɔtamabwé yilé, ntée dwé mu ba mégyí Bulu mu bi.

Abadwe

¹¹ Asón ání mlílónu tsú bréá mlilémlí Akristofɔ gyí, adwée aba. ¹² Mli mábwe mli ɔwi fé Kain. Ɔɔbwe Ɔbɔnsám mu bi, mó mu gyama. Ntɔ léha sɔ ɔlɔmɔ mu? Ɔɔbwe ɔto láláhe, mu gyama mó lɔbwe ɔto wankláán sɔ ɔlɔmɔ mu.

¹³ Mí apíó Akristofɔ, imáwa mli wánwan ní ɔyí ánfito ahá bɔtolú mli. ¹⁴ Anɔ mó anyin ání aniladálí lowu asɔ yó nkpa ání itamatátó, tsúfée anidé anɔ aba dwe. Ɔhá ání ɔtamadwé mu aba lasin lowuto. ¹⁵ Ɔhá ání otolú mu ba gyí ahá ɔmɔpó. Mlyin ání ahá ɔmɔpó ɔkɔko má nkpa ání itamatá. ¹⁶ Alɔ ámóó Kristo lótsulá wú há anɔ ámu ɔlasúná anɔ alá ɔdwe gyí. Mó sɔ ilehián ání anɔ é abówu há anɔ aba alɔ kén. ¹⁷ Ní ɔko bɔ ató, alawun ání ko de mu ba hián, táme omowun mu nwe há mu a, mómó ɔmɔetalí blí ɔbée, mutadwé Bulu. ¹⁸ Mí abí adwepó, ní igyi alɔ á, mli mápɔ ɔnɔkpán dwé aba. Mbóun mliha apɔ anɔ bwehé pɔ ɔnɔkwali dwe aba.

Ɔklɔnwa Bulu Ansító

¹⁹ Ní anitɔdwé aba alɔ á, mó abébi ání anibuo ɔnɔkwali amɔ ni. Mó sɔ ní anilí Bulu ansító á, totó méehan anɔ. ²⁰ Ní anɔ klɔn ihá anɔ pón kóráá á, Bulu yin asón dɔn anɔ klɔn, oyin anɔ bwehé kugyíko. ²¹ Apíó adwepó, ní anɔ klɔn méha anɔ pón bréá anilí mu ansító á, ifú méékítá anɔ. ²² Bulu ɔbéha anɔ tóá anidé mu kólí, tsúfée anidé mu mblasɔ gyí, anɔ tsiátó é légyi mu ansí. ²³ Mbla ání Bulu lówa há anɔ gyí, ahá mu Bi Yesu Kristo gyí, adwe aba fé alá Yesu lébláa anɔ. ²⁴ Ɔhá ání ɔde Bulu mblasɔ gyí a, mɔa Bulu babwé kole. Bulu bɔ mu klɔntó. Tóá itosúná anɔ ání ɔbɔ anɔ klɔntó gyí Ɔhe Wankíhé ámóó ɔlɔpɔhá anɔ ámu.

4

Ɔhe Wankíhé Pó Ɔhe Laláhe

¹ Apíó adwepó, mli máha ahá féé ání bée, bɔbɔ Ɔhe Wankíhé amɔ asónsɔ gyi. Mbóun mli sɔ ɔhe ámóó bɔdeposúná ató ámu ki. Tsúfée Bulu ɔnɔsɔ atópɔ afunupu tsɔtsɔtsɔ babólá ɔyí ánfito. ² Ɔni apóbí ání ɔhe ámu itsú Bulu wá ní. Ní ɔko dé ató suná, ɔlehlí ɔbée, Yesu Kristo lélin fé

nyankpɔsa a, mómó m̀v atosunáhé amó itsú Bulu wá. ³ Táme ní ɔko léblí ɔb́ée, Yesu méln f́e nyankpɔsa a, mómó Ɔ́ɛ Wankíhé amv ima m̀tɔ. Kristo olup̀ ɔ́ɛ ámbú m̀lílónuá b́e, ẃéba amv ni. I laba ɔ́yít dodo.

⁴ Mí abí adwep̀, Bulu ahá m̀lgyí. M̀lgyi Bulu ɔ́nsó atópó afunup̀v amv. Tsífé Ɔ́ɛ ámbú ibv m̀lɔ́ ámv b̀v ɔ́nlɔ́n d̀n m̀óámó ɔ́de ɔ́yí ánfɔ́t ahásv gyí amv. ⁵ Yesu alup̀ ɔ́m̀v b̀meyín Bulu. Iní sv amó atosunáhé f́éé igyí ahá ání b̀meyín Bulu atosunáhé. Ḿ sv ahá ání b̀meyín Bulu t́hɔ amó asónsv gyí. ⁶ Aní mó á, Bulu ahá anígyí. Ḿ sv ɔ́hagyíɔ́ha ání oyin Bulu t́hɔ aní asónsv gyí. Táme ɔ́há ání omeyín Bulu tamahɔ aní asón. Iní anitópó b́i ɔ́nkwalí Ɔ́ɛ ámv p̀v afunu klé ni.

Bulu Gyí Ɔ́dwe

⁷ Mí adwep̀, m̀lha adwé aba, tsífé ɔ́dwe itsú Bulu wá. Ɔ́hagyíɔ́ha ání ɔ́tɔ́dwe ahá a, Bulu m̀v b́i ógyí, oyin Bulu. ⁸ Ɔ́hagyíɔ́ha ání ɔ́tamadwé ahá méyín Bulu, tsífé Bulu gyí ɔ́dwe.* ⁹ Alíá Bulu léle m̀v ɔ́dwe súná aní gyí, ɔ́lɔ́p̀v m̀v B́i ɔ́kokónó ɔ́kole amv sísí ɔ́yít, m̀nɔ́ abótson m̀sv nyá nkpa ání itamatá. ¹⁰ Megyí alá anitɔ́dwe Bulu gyí Buludwe ɔ́nkwalísv. Mboun alíá ɔ́dwe aní, p̀v m̀v B́i sísí aní, ání ɔ́b́p̀v m̀v obugya le aní iwí mbusuo gyí ɔ́dwe.

¹¹ Apíó adwep̀, iníá Bulu léhíe dwé aní alí sv á, ilehián ání aní é abó́dwe aba. ¹² Ɔ́haa m̀ó kóhíé wun Bulu ḱ. Ní anidé aba dwé á, idesuná ání Bulu b̀v aní klɔ́ntɔ. Ḿ sv m̀v ɔ́dwe lɔ́fn anitɔ́.

¹³ Bulu lap̀ Ɔ́ɛ Wankíhé amv há aní. Ḿ sv anlabí ání ania m̀vnyɔ́ andabwé kole, ɔ́b̀v aní klɔ́ntɔ. ¹⁴ Anlawun m̀v alí. Ḿ sv anidé adánsíe gyí aniaa, aní Śi Bulu lówa m̀v B́i Yesu Kristo ɔ́b́ée, ɔ́b́ele anyánpɔsa f́éé tsu amó lakpantɔ. ¹⁵ Ɔ́hagyíɔ́ha ání olohogyi, ɔ́leblí ɔ́b́ée Yesu gyí Bulu m̀v B́i ámv a, Bulu b̀v m̀tɔ, m̀v é ɔ́b̀v Bulutɔ. ¹⁶ Ḿ sv aniyin ɔ́dweá Bulu b̀v ha aní, anid́hɔ m̀sós gyí.

Bulu gyí ɔ́dwe. Ḿ sv ní ɔ́ko tɔ́dwé Bulu p̀v m̀v aba á, ɔ́b̀v Bulutɔ, Bulu é b̀v m̀tɔ. ¹⁷ Iní désuná ání Bulu ɔ́dwe lɔ́fn anitɔ́ ní. Ḿ sv anḿeénya péli m̀v asón ogyíké, tsífé andatsíá nkpa ɔ́yí ánfɔ́t f́e Yesu. ¹⁸ Ɔ́há ání Bulu ɔ́dwe b̀v m̀tɔ tamanyá ifí. Ḿ sv ní anidé Bulu p̀v aní aba dwé á, anḿeénya Bulu ifú. Tsífé ahá ání b̀yín ání Bulu ɔ́b́é b́tí amó iso tényá ifú. Iní sv ní ɔ́ko dé Bulu ifú nya á, ilosuná ání Bulu ɔ́dwe mafon m̀tɔ.

¹⁹ Anitɔ́dwe Bulu p̀v aní aba, tsífé Bulu légyankpá dwé aní. ²⁰ Ní ɔ́ko léblí ɔ́b́ée “Ntɔ́dwé Bulu,” táme otolú m̀v ba á, ofunup̀v ogyí. Tsífé ɔ́há ání otolú m̀v ba ání otowun, méstalí dwé Bulu ání ɔ́m̀kó́wun ḱ. ²¹ Mbla ání Yesu Kristo lówa há aní gyí, “Ɔ́há ání ɔ́tɔ́dwé Bulu ɔ́dweé m̀v ba é.”

5

Tsiát Lald́hesvgyí

¹ Ɔ́hagyíɔ́ha ání olohogyi ɔ́b́ée, Yesu gyí Kristo, (ɔ́há ání Bulu ladá m̀v ofúli amv) a, Bulu m̀v B́i ógyí. Ní f̀tɔ́dwé ɔ́kwí́p̀v a, f́dwe m̀v b́i é. ² Ḿ sv ní anidé Bulu dwé, anidé m̀v mblasv gyí a, m̀v abó́p̀b́i ání anidé m̀v abí dwé ní. ³ Ní anidé Bulu dwé á, abégyí m̀v mblasv. M̀v mbla ámvsv gyí é ima ɔ́nlɔ́n. ⁴ Tsífé Bulu m̀v b́i okugyíko tetálí gyí tsiát lald́hesv. Aní hóggyí anitópógyí m̀sós. ⁵ Ma ɔ́b́étalí gyí tsiát lald́hesv? Ɔ́há ání olohogyi ání Yesu gyí Bulu m̀v B́i ámv nkole ɔ́b́étalí gyí m̀sós.

Yesu Kristo Iwí Adánsíe gyí

⁶ Yesu Kristo gyí ɔ́há ání ɔ́lɔ́tsɔ́n ntsu móa obugyato ba. Megyí ntsu nkoleto ɔ́lɔ́tsɔ́n. Ɔ́lɔ́tsɔ́n obugyato é. Ɔ́ɛ Wankíhé amv légyí asón ánfí iwí adánsíe, ání igyí ɔ́nkwalí. Ɔ́tamawá afunu. ⁷ Ató asa légyí Yesu iwí adánsíe. ⁸ Móggyí, Ɔ́ɛ Wankíhé, ntsu p̀v obugya. Ató asa ánfí f́éé leblí toku kole. ⁹ Ní ahá begyí adánsíe súná aní, anitohogyi a, mómó ilehián ání abó́hɔ Bulu klé d̀n. Tsífé m̀v onutó légyí m̀v B́i ámv iwí adánsíe. ¹⁰ Ɔ́hagyíɔ́ha ání ɔ́lɔ́hɔ Bulu m̀v B́i ámv gyí lahɔ Bulu adánsíe ánfísv gyí m̀v klɔ́ntɔ. Alí kén ɔ́hagyíɔ́ha ání ɔ́m̀hɔ Bulu adánsíe ánfísv gyí dé m̀v afunuto wa ní. Tsífé ɔ́m̀hɔ adánsíe ámbú Bulu légyí tsu m̀v B́i iwí ámvsv gyí. ¹¹ Adánsíe ámv gyí, Bulu lap̀ nkpa ání itamatá há aní tsɔ́n m̀v B́i ámvsv. ¹² Ɔ́hagyíɔ́ha ání ɔ́b̀v Bulu m̀v B́i ámv b̀v nkpa ání itamatá. Alí kén ɔ́hagyíɔ́ha ání ɔ́ma Bulu m̀v B́i ámv má nkpa ání itamatá ní.

Asón Tráde

¹³ M̀lalahɔ Bulu m̀v B́i ámv gyí. Ḿ sv nde ɔ́woló ánfí wanlín sísí m̀l, m̀nɔ́ m̀léb́i ání m̀lɔ́ b̀v nkpa ání itamatá. ¹⁴ T́sá itehá anitwá klɔ́n yó Bulu ansító gyí, akólí m̀v tóggyítá igyí m̀v apé á, otonú aní ɔ́me. ¹⁵ Ní aniyin ání otonú aní ɔ́me a, mómó akólí m̀v tóggyító á, aniyin ání ɔ́b́éha aní.

¹⁶ Ḿ sv ní ɔ́ko owun m̀v ba Okristoyin dé lakpan bwe á, ɔ́b́ó mpá ha m̀v. Bulu ɔ́b́éha m̀v nkpa. Ahá ání amó lakpan méekpa amó wá lowutɔ́ asón ndeblí. Lakpan k̀v b̀v m̀v itekpá ɔ́há

* 4:8 Bulu gyí ɔ́dwe así gyí, ɔ́dwe itsú Bulu wá.

wá lowutɔ. Megyí ÷há ání ÷bwé lakpan ámu odu mbéε mlibóó mpáí ha. ¹⁷Lalahε kugyíko igyi lakpan, támε lakpan ko bu inóá itamakpá ÷ha wá lowutɔ.

¹⁸Aniyin ání ÷há ání alabwé Bulu mu bi ÷koko tamatsíá bwé lakpan, tsúfε Bulu mu Bi ámu togyo mu iwí. Iní sɔ ÷bonsám tamatáli bwé mu tɔtɔ.

¹⁹Aniyin ání Bulu ahá angyí, támε ÷bonsám dé ÷yító ahá féesó gyí.

²⁰Aniyin ání Bulu mu Bi ámu laba. Alahá anlanú asón asi, méní abébi Bulu ÷nɔkwaliwu amu. Ania mɔnyɔ anlabwé kole, ania mu Bi Yesu Kristo é anlabwé kole. Lélé á, mu nkole pé gyí Bulu ÷nɔkwaliwu pó nkpa ání itamatá ámu ní.

²¹Mó sɔ mí abí adwεpó, mlkí mli iwí wankláán ikpísúmsó.

Yohane ጋወሎ ነገሩ

¹ Aní yín aní Bulu lalé, mí ግpasua ግhande Yohane dé ጋወሎ áñfi wanlín sísí fúa fú abí. Ntádwé mli fée ግጎkwali amጐጐ. Megyí mí nkole pé tádwe mli, táme ግhagyíግha aní oyin ግጎkwali amጐ é. ² Tsúfée ግጎkwali amጐ bu anito, ibétsiá anito brégyíbré.

³ Aní Sí Bulu moa mo Bi Yesu Kristo boyyi aní buale. Bəwúun aní nwe, abuha aní iwilwii, aní ahá ámóó anitádwé aba ግጎkwaliጐ amጐ.

ግጎkwali Mba ጋdwe

⁴ Ansí lehié gyi mli bréá nowun aní fú abí amጐ akጐ buጐa ግጎkwali ግkpa ámጐጐ, fée alhá aní Sí Bulu lébláa aní. ⁵ Aní yín ግdweጐጐ, mliha adwe aba. Megyí mbla ጐጐpwe ndewanlín sísí fú. Mbla ámóó anilébi tsú bré ámóó aniláጐጐ hógyi amጐ ni. ⁶ Ní futádwé Bulu á, fégyi mo mblasጐ. Mbla aní anilébi tsú bréá aniláጐጐ hógyi gyi, adwée aba.

⁷ Ahá amléጐጐ tsətsəጐጐ baba ግyi áñfitጐ. Bodebli bee Yesu Kristo mélin fé nyankጐጐsa. Ahá áñfi gyi ahá amléጐጐ ጐጐ Kristo alupó amጐ ni. ⁸ Mó ጐጐ mliki wankláán, méní mli gymagyihé mጐጐbwe kpaali, fée mli mlenya mli ikaká fée.

⁹ ግhagyíግha aní ግmedé Kristo atosunáhé amጐጐ, ግlatsən mó ግma yó ግde tጐ bambá suná á, moa Bulu boጐmegyí kole. Táme ግhá aní ግde Kristo atosunáhé amጐጐ á, moa aní Sí ጐጐ Mo Bi amጐ fée boyyi kole. ¹⁰ Ní ግko ግbá mli wá, ግmedé Kristo atosunáhé anfi suná á, mli máhጐ mo wá mli wóyítጐ, mli mátsulá mo itsiá. ¹¹ ግhagyíግha aní otsúlá mo itsiá latsá mo lakpan ámóó ግdeጐwe amጐ bwe.

¹² Asón tsətsəጐጐ bu inጐá tekí nébláa mli, táme mmedékléá nówanlín mó sísí mli. Mbouin nde ግkpa kí aní néba mli wá, méní mía mliጐጐ abétsiá asi, atጐ nya ansigyí wankláán.

¹³ Fú ጐíጐ tsihé ámóó Bulu lalé amጐ abí behá fú itsiá.

Yohane Ɔwɔlú Saasi

¹ Mí ɔdwepó Gaio, ntɔdwé fú ɔnɔkwali amɔtɔ. Mí ɔpasua ɔhande Yohane dé ɔwɔlú ánfɔ wanlín sísí fú.

² Mí ɔdwepó, ndehógyiá iwɔ bɔ fɔ ɔnlɔn, tógyító é una wankláán fɛ alá fúde fú Bulu súm. ³ Ansí lehé gyi mɔ bréá apíó ako beba bebláa anɔ alá fúde Bulu mbla ámɔsɔ gyí, pó alá funa ɔnɔkwali ɔkpa ámɔsɔ. ⁴ Brégyíbréá nonú alá mí abí Akristofɔ bɔna ɔnɔkwali ɔkpa ámɔsɔ á, itehíé wá mí ansigyí.

Gaio Kanfɔ

⁵ Mí ɔdwepó, itɔ wankláán fúdebwe, fúde anɔ apíósó kí, títriu afɔsɔ ámu. ⁶ Amótó ako baba bebláa anɔ ɔpasua ámu alá fɛkɔ amósó fɛé. Bɔ mbódí afɔsi amó ɔkpa alá ibégyi Bulu ansí é. ⁷ Tsúfɛ Kristo sɔ bóna. Bɔmedé tɔtɔ hɔɔ tsu ahá anɔ bɔmegyí Akristofɔ wá. ⁸ Ilehían anɔ abéki ahá ánfɔ odusu alɔ, fɛkɔ anɔ amónyɔ abóbwe kole yó ɔnɔkwali agyómá ámu.

Diotrefe mva Demetrio

⁹ Nawánlín ɔwɔlú kɔ sísí mɔlɔ dodo, támɛ Diotrefe dékléá ɔbóbwe mɔ iwɔ ɔpasua ɔhande. Mú sɔ amedé anɔ pɔbwé tɔtɔ. ¹⁰ Ní nebá mɔlɔ wá á, nébláa mɔlɔ mɔ asɔn laláheá ɔdebli tsú anɔ iwɔ. Múá una ale kóráá gyí, ɔbéɛ, mɔmóɔhɔ apíó ámu afɔsɔ. Ɔde ahá é itin ka ɔbéɛ, bɔmáki amósó, ɔde ahá anɔ beki amósó é gyáa le ɔpasua ámɔtɔ.

¹¹ Mí adwepó, mɔlmákasi mɔ bwehé laláhe anɔ. Mɔbúnn mɔlkasi yilé abwepó ámu bwehé. Ɔhagyíɔha anɔ ɔɔbwé yilé á, Bulu mɔ bi ógyi, támɛ ɔhá anɔ ɔɔbwé laláhe mú méyín Bulu.

¹² Demetrio mú á, ɔhagyíɔha teti mɔ idayilé. Mɔ tsiátó é idesuná anɔ ɔha wankláán ogyi. Mí é nteti mɔ idayilé. Mɔiyin anɔ mí asɔn blíhé igyi ɔnɔkwali.

Iká

¹³ Tekɔ asɔn tsɔtsɔɔtsɔ bɔ unvá nébláa fɔ, támɛ mmedékléá nówanlín mú sísí fú. ¹⁴ Nde ɔkpa kí anɔ imáɔwa ɔpá kóráá néba mɔlɔ wá, abétsiá asɔ tó.

¹⁵ Bulu ɔháa fú iwílwíi.

Fó anyawíe fɛé behá fú itsiá. Nehá anɔ anyawíe amɔtɔ okugyíako é itsiá.

Yuda ጋግሪ

Itsidha

¹ Mí Yesu Kristo osúmbi Yuda, Yakobo mu pio dé ጋግሪ áñfi wanlín sísí ahá ání aní Sí Bulu létí, otadwé amó, Yesu Kristo dé amósó kú.*

² Ndé Bulu kokóli mbéé, áhíe wun mli nwe, áha mli iwilwii pó odwe.

Afunu Ató Asundá

³ Apíó adwepó, tēki nahíé bwé agywun ání nówanlín mli ጋግሪ tsú nkpa amóú Bulu laho míla mlunyó ámu iwí. Táme ilehián ání nówanlín kókóli mli, amlipri hógyi amóú Bulu lapóhá mu ahá otsáwule pé ámu nwun. ⁴ Tsúfé aha ako banjín bowie mlito. Ahá áñfi adá ida ጋግሪótó dodo há isubití, tsúfé botamanyá Bulu ifú. Budebli bee, inía Bulu tesí aní lakpan kíé aní su á, abétalí tsíá tsiátó laláhe. Bakósó líí aní Wíe pú aní Okpapó Yesu Kristo okole pé ámu፡፡

⁵ Mliyin asón áñfi féé dodo, táme ntráa kaun mli ání aní Wíe Bulu† lékpa mu ahá dáli Egypte osólóso, táme oma a, olámo amóú bomohó mu gyi féé tsálífwí. ⁶ Mlikaun ání Bulu-abopu ako bometsiá otínéá oleha amó túmi obéé botsiá. Mú su Bulu léha bowa amó ikan, botsie oklúnto bogyo mu asón ogyiké kpónkpónti ámu. ⁷ Sodom móa Gomorafó pó nkuda ání lekafia amó é betsiá wá atsi móa ayin asón. Alí kén Bulu léha ogyá ání itamadun lóho amó awúlu féé, pódá ahá féé olá ní.

⁸ Alí nkude akúnpu anfi é botokun nkude ni. Itehá amó botobwé lakpan pókpóí amó iwí, botamanyá Bulu túmi ifú. Butebli abususo pókpóí onéá ibo numnyam é. ⁹ Bulu-abopu dehen Mikael kórará mébli ason laláhe bréá muá Obonsám beprú Mose fúli. Tóá olebli gyí, “Bulu ówáa iyn wa fo!” ¹⁰ Táme ahá áñfi mú butebli ason laláhe tsú tóá bomonu mó asi iwí. Amó bwehé lehan mbwíá boma agywun. Mógyí tóá itehí amó é ní. ¹¹ Alí ahá ámu bogyówi! Tsúfé bapó Kain amóú olomo mu gyama ámu okpa. Bakola sika yóbwe tóá Bileam lóbwe, bakósó líí Bulusó fé Kora.‡ Mú su Bulu obéhi amó. ¹² Ahá áñfi butopó ifin da ikolebwe atogyihe amó. Ní mliá amónyo mlidé atógyí a, péli tamakítá amó. Akpapó bogyi, táme amó nkole klé buteki. Bogyi fé agyindeá itamatswie, afú tótsvan mó náti. Bogyi fé nyíá itamaswíé ntéé bapúli mó, tú mó asi, ilawú plíplíplí. ¹³ Amó péliá bu nyányáa fé ntsusu-afuá iteda bobun ogbémgbesu. Bogyi fé ntsrakpabiá na detsoon nwolótáasu keke. Amó otsiakpá gyí oklún tuun ání Bulu lélayái há amó bré féétó.

¹⁴ Adam oma línto sienósító obi Enok lébli amó iwí asón tswi. Obéé, “Mliki, aní Wíe muá mu abopu wankihé mpim afini-afini bebá. ¹⁵ Obá begyi oyító ahá féé asón, obiti ahá ání botamanyá mu ifú isó. Amó laláheá babwé pókósó líí mu፡፡ pó mu iwí ason laláheá babli so!”

¹⁶ Ahá áñfi butotóí ahásu, lé ahá ilá, bwé lalahe kugyíkoá bodeklé. Bototsú iwí, bun ahá kpantsapa, méní bénya tóá bodeklé.

Oláda Pó Tsíqplá

¹⁷ Táme apíó adwepó, mlikaun asón ání aní Wíe Yesu Kristo sumbi ayopó ámu bebláa mli፡፡ ¹⁸ Bebláa mli bee, “Nke tráhe amotó á, ahinlá abwepó bebá. Bóbuo amó ጋግሪ laláhe.” ¹⁹ Bobu mlito dodo. Amó dé mli nsuñ yintá ní. Amó onutó agywun dé amó kpa, tsúfé Oje Wankihé amó má amótó. ²⁰ Táme apíó adwepó, mli mó á, mlipwe mli tsiátó dinka mli hógyi wankihé am፡፡ Mli፡፡ mpáí Oje Wankihé amó túmitó. ²¹ Mli፡፡ tsiátóá Bulu odwe lasúná mli, bré áñfi mlgyó aní Wíe Yesu Kristo ání obéba bowun mli nwe, há mli nkpa ání itamatá áñfi.

²² Mliwun ahá áñfi asón ámu imeé amó wankí nwe. ²³ Mli፡፡ akole le ogyá amotó, pohó amó nkpa. Mliwun ako nwe ifúsó. Mliki wankláán ání amó laláhe amó imeétsankí mli.

Bulu Kanfó Mpá

²⁴ Mutéhá anitamadda. Mutélé lalahe lé aní iwí, kpá aní ba numnyam amóú ibo bomlí mu am፡፡ así ansigyító. ²⁵ Mu nkole gyí Bulu pó aní Ohápu. Numnyam, obú, ጋግሪlín pó túmi itsóon aní Wíe Yesu Kristosó ito mu. Tsú bréá oyí mokótsúa asi, botu nde póya bré féé. Amen.

* 1:1 Ntéé Bulu dé amósó kú ha Kristo. † 1:5 Aní Wíe Yesu ntéé Yosua bu nwoló dada amó akoto. ‡ 1:11 Kora lókosó líí Mose muá mu dehen Aaronsu.

Atóá Bɛɛ Súná Yohane

¹ Ini gyi atóá Bulu léha Yesu Kristo léle súná mu asúmpó tsú tóá íbèba nke ánfító iwí ní. Yesu lówa Bulu-òbòpú léba bele mú súná mu osúmbi Yohane. ² Yohane légyí tógyítáá olowun iwí adánsi. Olegyi Bulu asón ámu pò asón ání Yesu Kristo lébláa mu fée iwí adánsi onòkwalsu. ³ Bulu obóyulá ohá ání etekla mu onósó otópó asun wanlinhé anfi súná Kristo opasua ámu. Obóyulá ohá ání bótónú asón ámu, gyi dunká mósó é; tsúfè mó fée bábi lafon ta.

Kristo Opasua Asienó Amu Itsidha

⁴⁻⁵ Mí Yohane dé owóló anfi wanlín sísí Kristo opasua asienóá mlibu Asia omátó. Ohá ámuó oletsíá, òbu unu, òbélaba amu móa Ohé asienó ání bulí mu owíe obiá ansító pò Yesu Kristo bogyíi mli buale, aboha mli iwílwii. Mogyí odansiyin onòkwalipu, ogyankpapóá òlokosó tsú afúlitó, oytít awíe féesú ogyípó.

Mutadwé aní, òlòpú mu obugya ká aní nwunso ikó, sí aní lakpan kíe aní. ⁶ Alabwé aní mu iwíe ogyíkpa pò mu igyi ahapó ání abósum mu Sí Bulu. Numnyam móa túmí íbwéé mu kle bré fée! Amen.

⁷ Kí! Ona nwólótáasu óhá! Ohagyíoha obówun mu. Ahá ámuó bòwò mu pía amu kóráá bówun mu. Mu su oytít ahá fée bósu kóklókóó. Alí íbèba ní!

⁸ Aní Wíe Bulu lébli óbée, “Mígyí Alfa móa Omega. Otúmípu amóó oletsíá, òbu unu, òbélaba amu ní.”

Kristo Le Súná

⁹ Mí, mli pío Yohane ní. Mía mlynó dé ipian wúun Yesu pò Bulu iwíegyi ámu su, anidé ikun nya lí kínkín. Bulu asón okanda pò Kristo iwí asónbli su balé mí ya Patmo opu nsiné owólósu. ¹⁰ Eke okóá igyi aní Wíe eke á, Bulu Ohé léba misu. Nonu óme ku, ídelun kóklókóó fè okpe ótsáwòle pé mí óma. ¹¹ Óme amu óbée, “Wanlun tóá fudewúun wa owólótó, afòpuya Kristo opasua asienó, bogyi Efeso, Smirna, Pergamo, Tiatira, Sardi, Filadelfia pò Laodikea.”

¹² Bréá nedamli mbée anki ohá ání óde mí asón bláa a, nowun sika pepe okandíe-oyíá íbu abámbi asienó. ¹³ Ohá okóá òlelian Nyankpusa-Mu-Bi ámu líí okandíe-oyí ámu nsiné. Ólòwa ligá, òlòpú sika pepe ófè tsan mu kántó. ¹⁴ Mu nwun pò mu imi fée lofulí fè opulí mpútó ntée óhráda. Mu ansíbi aklambi é lówankí fè ogyá mpumpi. ¹⁵ Mu ayabi de ogyá kpa fè kóòbrí ání bafwí mú lé ogyátó unu. Mu óme idetsulá fè ntsuá idekpa yi. ¹⁶ Óde ntsrakpabi asienó mu gyòpító. Ódayí iya anyó kláklá ledalí tsu mu onótó. Mu ansító ihíe dewankí fè opawí. ¹⁷ Bréá nowun mu a, nemli bun mu ayabiasí fè óha wuhé, táme òlòpú mu gyòpí íbì dínká mísó, bílì óbée, “Mánaya ifú! Mígyí Ogyankpapu móa Ótráhe amu ní. ¹⁸ Mígyí okiankpapu amóó nowu ámu ní. Kí, mbu nkpa bré féesú! Mbu túmí lowu móa afúlitósu.

¹⁹ “Wanlun tóá fawun bótson, móá idebá séi pò móá íbèba óma wa owóló ámutó. ²⁰ Ntsrakpabi asienó amóó fowun mí gyòpító pò sika pepe okandíe-oyí abámbi asienó ámu así ní. Ntsrakpabi asienó ámu igyi opasua asienó ámu abòpú. Okandíe-oyí abámbi asienó ámu é gyí opasua asienó ámu.

2

Efeso Opasua Nkla

¹ “Wanlun asón anfi sísí Akristofó opasua ání íbu Efeso wúluto òbòpú fée,*
“Ohá amóó óde ntsrakpabi asienó mu gyòpító, óna sika pepe okandíe-oyí abámbi asienó ámu nsiné ámu óbée: ² Nyin tóá fudèbwe fée. Nawun alíá fohíe fode agyómá yó, pò alíá fode nsi wa líí kínkín. Nyin ání fotamakle aha laláhe asón. Fakápó ahá ámuó bode amó iwí tí Kristo sumbí ayópó ámu, wun ání afunupú bogyi. ³ Fotomi wun ipian mí su, fómeyinkí óma. ⁴ Táme asón kule péá mbu fú iwí gyí, ódwe ítráa ma mía funyó ntée fóa fú aba nsiné fè gyankpapu amu. ⁵ Mú su kaun alíá teki fúgyi asa fadida. Damli klontó, afolatsia fú atsiábi. Ní megyí alí a, nèba bele fú okandíe-oyí ámu lé mú aba opasua atráhe amoto. ⁶ Táme toku koleá íbu alé fú iwí gyí, fotamakle Nikolai abúòpú bwehé laláhe amu, fè alíá mí é ntamakle mó.

⁷ “Ohá ání òbu asu onúu asun ání Ohé Wankíhé amu dé opasua ámu bláa asu. Nèha ohá ání olegyi ísu obégyi Paradiso ndobító oyi-abí amóó ítehá nkpa ámu.”

Smirna Opasua Nkla

⁸ Óletrá bláa mí óbée, “Wanlun asón anfi sísí Akristofó opasua ání íbu Smirna wúluto òbòpú fée,

* ^{2:1} Óbòpú anfi gyí Bulu-òbòpúá olíí há opasua ámu ní. Íbu níí móa 2:8, 12, 18; 3:1, 7, 14 étó.

“Ọhá ámóú ogyi Ogyankpapo móa Ọtráhe, olowu lákóós tsú afúlitó ámu obéé: ⁹Nyin fọ ipian wunhe pọ ohian ání fudegyí, táme fobu ató! Nyin alá ọpasua ámóú bude iwí kú bee, Yudafo bógyi ámu bude afunu wa dínká fósó. Megyí Yudafo bógyi, Ọbunsám abúọpọ ọpasua bogyi. ¹⁰Máha ipian ání ibéba fusu iwa fọ ifú. Nde fọ bláa, Ọbunsám obéha békítá mlító aku tswi obu. Ọbósó mli kú. Bédínká fósó nke dú. Ní lowuto ígyi ó á, fú mó wa ọnọkwali. Néha fọ isogyi-ipa, igyi nkpa ání itamatá.

¹¹“Ọhá ání ọbọ asọ onúu asọn ání Ọje Wankíhé amọ dé ọpasua ámu bláa así. Ọhagyíoha ání olegyi isọ á, lowu nyọsị amọ iméeda mu.”

Pergamo Ọpasua Nkla

¹²Ọlẹtrá bláa mị obéé, “Wanlun asón ánfị sịsị Akristofọ ọpasua ání ibọ Pergamo wúluto ọbọpọ fée,

“Ọhá ámóú ọbọ ọdayí iya anyọ kláklá ámu obéé: ¹³Nyin ání fotsie ọtínéá Ọbunsám owie obiá itsie, táme fude fọ hógýitọ kínkíínkín. Bréá bọmọ mí adánsie ogyípọ ọnọkwalıpọ Antipa mli wá un kórará á, fọmkpa mí ọma. ¹⁴Táme mọ ó á, mbo fọ iwí asón kpalobí kú. Mlító aku bobuo Balaam amóú olosuná Balak† alá ọbóbwe Israelfọ bóbwe lakpan, ọleha amọ betsiá wá atsi móa ayin asón, tsía gyi akpito-atọ ámu. ¹⁵Alí kén aku bobu mlítáá bobuo Nikolai atosunáhé nı. ¹⁶Mlídamlı klontó. Ní megyí alı nọbọfwie mlító, pọ mí ọnótó ọdayí ámu kọ amọ.

¹⁷“Ọhá ání ọbọ asọ onúu asón ání Ọje Wankíhé amọ dé ọpasua ámu bláa así.

“Ọhagyíoha ání olegyi isọ obégyi atogyihe amóú bọpọhán ámu kú. Nétrá ha okugyíokọ ibwi futútúá bọwanlın idá pọpwe dínká mósó. Mọ nkọle ọbẹbı dá ámu. Ọhaa méebı mọ tsía mọto.”

Tiatira Ọpasua Nkla

¹⁸Ọlẹtrá bláa mị obéé, “Wanlun asón ánfị sịsị Akristofọ ọpasua ání ibọ Tiatira wúluto ọbọpọ fée,

“Bulu mọ Bi ámóú mọ ansibi igyi fé ogyá ọdandọ, mọ ayabiası igyi fé kọbri ání bapówá ogyá, plıú mọ iwı ámu obéé: ¹⁹Nyin fọ bwehé féé. Nyin fọ ahádwe, fọ hógýi, fọ osum agyómá pọ fọ nsiwa líı kínkín. Nyin ání fudebı bwé don gyankpapo amọ. ²⁰Táme asón ání mbo ha fọ gyı, fahá ọtsı ámóú butefı mọ Yesebel, ọde mọ iwı tı obéé, Bulu ọnósó ọtọpı amọ dépọ mọ atosunáhé mlé mí asúmpọ, bude atsi móa ayin asón wa, bude akpito-atọ é gyı. ²¹Nakı mọ ansıtó ání ọbédamlı klontó bobuo Bulu, táme omedékléá obési mbọato. ²²Mó sọ néda mọ, wá mọ ı. Obówun ipian. Nı móa ahá ámóú bude mbwa tọ ámu é bọmesi, lé iwı lé mótó á, néha amọ béhie wun ipian. ²³Nómọ mọ abúọpọ amọ. Akristofọ ọpasua féé bẹbı ání mígyı ọhá ámóú otowun ahá klontó pọ amọ nwuntó asón ámu nı. Néka okugyíokọ ikọ mọ bwehé ọnó.

²⁴“Táme mli aha tráhe ání mlıası mlıbı Tiatira wúluto, mlımóbıo ọtsı ámu atosunáhé amóú bude mọ tı ‘Ọbunsám ason ọhánhé’ amọ mọ á, mmáọpọ ato soráhé kọkọ sórá mli. ²⁵Táme mlıkıta mí atosunáhé amóú mlıbı amotó kínkíínkín yófon bréá néba. ²⁶Néha ọhá ání olegyi tógýıtósó, ọlẹtalı bwé mí apé yófon ọyı ọnómaké túmı, obégyi ọmá féésó. ²⁷⁻²⁸Ọbékpa amọ owuntóhınsı, bwiébwıe amọ blıblıblı fẹ abwa. Obénya túmı ámóú mí Sı lıpohá mí ámu odu. Nọpọ mọ bake ọsrakpabi há mọ, pósúná ání alagyi isı.‡

²⁹“Ọhá ání ọbọ asọ onúu asón ání Ọje Wankíhé amọ dé ọpasua ámu bláa ası.”

3

Sardis Ọpasua Nkla

¹Ọlẹtrá bláa mị obéé, “Wanlun asón ánfị sịsị Akristofọ ọpasua ání ibọ Sardis wúluto ọbọpọ fée,

“Ọhá ámóú ọbọ Bulu Ọje asienó pọ ntsrakpabi asienó ámu obéé: Nyin fọ bwehé féé. Fobu idá ání fọkı nkpa, táme fawú fóna. ²Mó sọ tsinki, afowa fọ ato tráhe amọ ọwonlın, tsúfẹ idekléá iwı. Nawun ání fọ bwehé lesian mí Bulu ansıtó. ³Mó sọ kaun tóá bosuná fọ pọ móa fonusu. Gyi mósó, afódamlı klontó. Táme ní fọmetsinkı á, nọbọfwie fótó fé owıkplı, fóméebı bréá néba. ⁴Táme aha aku bobu wúlu amotáá bọmókókpó amọ atadie.* Bówa atadie futútú, mıa amónyo abénatı, tsúfẹ bafon. ⁵Néha ọhá ání olegyi isı ọbówa atadie futútú. Mméetsısíı mọ idá lé nkpa ọwoló ámọto. Néblı mí Sı mwa mọ abọpọ ansıtó mbéé, mıbó mọ.

⁶“Ọhá ání ọbọ asọ onúu asón ání Ọje Wankíhé amọ dé ọpasua ámu bláa ası.”

Filadelfia Ọpasua Nkla

⁷Ọlẹtrá bláa mị obéé, “Wanlun asón ánfị sịsị Akristofọ ọpasua ání ibọ Filadelfia wúluto ọbọpọ fée,

“Ọhá ámóú ọbọwankı, ọtamawá afunu, ọde Owie Dawıd sáfı, ofınkı ọhaa tamatálı fin, ofın é ọhaa tamatálı fınkı ámu obéé: ⁸Nyin fọ bwehé féé. Kı, nafınkı obu yáı há fọ. Ọhaa méetalı fin

† 2:14 Inı bọ Numerı 22-24to ‡ 2:27-28 Israelfọ lıo 2:8-9 * 3:4 Bọmókókpó amọ atadie ası gyı bọmókóbwe lalahe.

mó. Nyin ání fuma ɔwɔnlín, táme fagyi mí atosunáhésu, fómekpa mí ɔma. ⁹ Ɖbɔnsám abúoyu amóó bɔde afunu wa bɛɛ, Yudafo bugyi ámu a, néka amó híé béba beda akpawunu fú ayabiasí. Amó fээ́ bébì ání ntɔdwé fú. ¹⁰ Fagyi mí asónsú, fanyá klɔn lí kínkínkín. Mó sɔ néle fú lẹ́ ipian amóó nɔpɔsɔ ɔyítá ahá fээ́ kí amɔtá. ¹¹ Kí, ne bá ní. Mó sɔ kítá itá amóó fúbu amɔtá kínkínkín, méní ɔhaa móhɔ fú ɔbugyí-ɔpa lẹ́ fú ɔbɔtá. ¹² Ɖhá ání olegyi ɔsɔ á, nɔpɔ mu bɔwé mí Bulu ɔswékpa obu ámu ɔtan. Ɖmээ́trá dala mu ekekekéke. Nɔwanlín mí Bulu idá dínká mɔsɔ. Nɔwanlín mí Bulu wúlu, igyi Yerusalem pɔpwe amu idá dínká mɔsɔ. Wúlu amóó ɔbékplí tsú ɔsósú mí wá ba amu, nɔwanlín mí onutó idá pɔpwe amu é dínká mɔsɔ.

¹³ “Ɖhá ání ɔbɔ asu onúu ason ání Ɖhe Wankihé amu dé ɔpasua ámu bláa así.”

Laodikea Ɖpasua Nkla

¹⁴ Ɖletrá bla mí ɔbээ́, “Wanlín asón ání sísí Akristofó ɔpasua ání ɔbu Laodikea wúluto ɔbɔpu fээ́,

“Ɖhá amóó bɔtétí mu Amen, mu sɔ Bulu asón fээ́ iteba móót, ogyi ɔdansiyin ɔɔkwalipu, ɔtamawá afunu, ogyi Bulu atọ bɔwéhé fээ́ nwon amu ɔbээ́: ¹⁵ Nyin fú bɔwéhé fээ́. Fómehli ogya, fómolwíí é. Ní febli ogya ntээ́ fómolwíí á, tekí ɔbu alé. ¹⁶ Táme fagyi bɔwíánbɔwíán, fómehli ogya, fómolwíí é. Mó alí sɔ nótu fú tsítsá. ¹⁷ Fээ́, atọ onyapó fagyi, fúbu ató. Tɔtɔ méde fú hián, táme fuma tɔtɔ, fómeyín ání ohíáni fúgyi. Fúbu nwe, fú ansibi labwíé, fúna yayá. ¹⁸ Mó sɔ ndetóí kplá fú mbээ́, pɔ kɔba bɔhɔ sika pepéá bafwí mu ogyátá mí wá. Mó ɔbéhá fénya ató onutónutó ní. Ntráa nde fú bláa mbээ́, fúbóhɔ atadie futútú, afuputin fú péli móá fú yayá ámu. Bɔhɔ afá da fú ansibisú, méní fówun ató. ¹⁹ Ahá ání ntɔdwé á, amó ntɔwá ɔyin wa, bítí amó ɔsɔ. Mó sɔ wa nsi, afúdamlí kluntá. ²⁰ Kí, nlií obu-ɔnɔ, nde agoo tswí. Ní ɔko lónu mí ɔme, olefínkí há mí á, nébitíwíé mu wá, mía mɔnyɔ abówa ɔbɔ gyi ató. ²¹ Ɖhá ání olegyi ɔsɔ á, néha mu obétsiá mí wá, mí owíe obíá ámu. Alí kén mí é negyi ɔsɔ, ntsie mí Sí wá mu owíe obíá ámu. ²² “Ɖhá ání ɔbɔ asu onúu ason ání Ɖhe Wankihé amu dé ɔpasua ámu bláa así.”

4

Ɖsósú Bulusum

¹ Iní ɔma a, nelawun ató bámbá. Nowun ání obu lafínkí ɔsósú. Nelanú ɔme amóó ilegankpá bláa mí asón ámu. Ɖme amu igyi fé ɔkpe. Ɖlebláa mí ɔbээ́, “Ɖb ba nfi, mí ansuna fú tóá ilehián ání ɔbéhá iní ɔma.” ² Bulu Ɖhé leba mísú ɔtsáwɔle pé. Móá nówun a, owíe obíá kɔ tsie ɔsósú mu, ɔko tsie mósú. ³ Ɖhá amóó ɔtsie mósú ámu ɔwí dé ogyá kpa fé abwí wankláán kóá igyi pépe móá futútú. Mó ɔtneko é igyi fé nyankpótáa, ide ogyá kpa bomlí owíe obíá ámu fé ɔbwi wankláán kóá igyi fitáa bɔbɔwé.* ⁴ Owíe-mbíá adɔvanyo-na itsie bomlí owíe obíá ámu. Ahande adɔvanyo-na bɔwa atadie futútú bɔtsie mbíá ámu, bɔbun sika pepé ɔpa. ⁵ Inu nyankpɔ lówa ɔbɔ fwi bɔ. Odekpíe, ɔpráda depótí dala owíe obíá ámu. Ibia asienó líí owíe obíá ámu ansító, idetsíí. Mógýí Bulu Ɖhé asienó ámu ní. ⁶ Nowun gláasi ɔpu kóá mósú ide ogyá kpa fé atsufofibi, ida owíe obíá ámu ansító.

Mbwí akóá bókí nkpa ana, ansibi iduadúá amó nkpá móá ɔma fээ́, bobomlí owíe obíá ámu ɔbɔn nsuné mu. ⁷ Amótá ogyankpapu gyí fé gyatá. Onyɔasí gyí fé ɔnantswie yínhé. Ɖsaasi ansító igyi fé nyankpɔsa, ɔnaasi é gyí fé oyitsu ání odefulí. ⁸ Okugyíáko bu abámba asie, ansibi iduadúá móót móá mó ɔma fээ́. Bɔde ɔwá wa ɔpa onyé bɛɛ, “Wankí, wankí, wankí gyí aní Wíe Bulu Otúmípu.

Mólétsiá, ɔtsie, ɔbélaba.”

⁹ Mbwí ámu bɔtɔwá ɔwá ámu, pú numnyam, obú móá ipán há ɔhá amóó ɔtsie owíe obíá ámu, omóowu ekekekéke ámu. Ní bɔbɔwé mó alí á, ¹⁰ ahande adɔvanyo-na ámu é bamlí bun ɔhá amóó ɔtsie owíe obíású amu ansító súm mu. Mɔbɔbɔ inu bré fээ́tá ní. Fówun babwíí amó owiepa ámu tswí obíá ámu ansító blí bɛɛ,

¹¹ “Aní Wíe pó aní Bulu!

Fólehíán ání abɔpu obú, numnyam móá túmí há, tsúfé fólóbɔwé ató fээ́. Fɔbɔwé tógýítá fú apétá.

Mó fээ́ ɔlaba móót.”

5

Okúfabi Amu Létíí Ɖwóló Amu

¹ Iní ɔma a, nowun ání ɔhá amóó ɔtsie owíe obíá ámu ɔwóló kúntáhé mu gyɔpíto. Bɔwanlín ató dínká mó nkpá móá mó ɔma fээ́, bɔpu okpin tan mó ɔnɔ tse sienó. ² Inu nowun Bulu-ɔbɔpu otúmípu ɔkóá ɔdeklplón fité ɔbээ́, “Ma lófun ání ɔbémaín ató asienó ání, tíí ɔwóló ámu ɔnɔ?” ³ Bɔmenya ɔhaa ɔsósú ntээ́ ɔsólósu ntээ́ ɔsólósu ayasí ání ɔbétalí tíí mó ɔnɔ, kla mó. ⁴ Iní sɔ nehé su, tsúfé bɔmenya ɔhá ání ɔlɔfun, obétíí ɔwóló ámu ntээ́ ɔbékla mó. ⁵ Inu ahande

* 4:3 Ibwí futútú ámu dá gyí ání yaspa. Pépe amu dá gyí kanelia. Fitáa bɔbɔwé amu é dá gyí emerald.

amuto okule lébláa mi obéé, “Mátrá su. Ki, Yuda abusuanto Gyatá, ogyi Owie Dawid mo na ámu lagi isu. Olafon ání obémaín ató asienó ámu, tíi owóló ámu onó.”

⁶ Ino nowun Okúfabi oku. Uelian ání bapó mu há igyi ki. Olí owie obiá ámu, akiankpapu ana ámu pú ahande adwanyo-na ámu nsiné. Obu nsiebí asienó pú ansíbi asienó. Mu ansíbi asienó ámu gyí oné asienó ání Bulu tawá sísí owóló anfisú otínegyíotíné ni. ⁷ Okúfabi amu lédalí ba nkpa, olobohó owóló ámu lé ohá ámóú otsie owie obiásó amu gyoópi. ⁸ Ino mbwí ámóú bokí nkpa ana ámu pú ahande adwanyo-na ámuto okugyíokó lémlí bún Okúfabi amu ansító. Okugyíokó dé osankuo pú sika pepe blanwébi ání ohién bə mó. Bulu ahá mpá gyí ohién ánfí. ⁹ Akiankpapu ana ámu pú ahande adwanyo-na ámu bode ilo papwe wa bee,

“Fólófon ání fótso owóló ámu,
máín ató asienó ámóú bəputan mó onó ámu.

Tsúfí bəpu fú há igyi, fəpu fú obugya hə ahá há Bulu.

Fəhə ahá abusuangyíabusuan, oblígyíoblí, omágyíomá pú owólósu ahá otsan-otsan fəfétó.

¹⁰ Fayá fú iwíe ogyíkpá há amó, fabwé amó fú igyi ahapó ání bétsiá há aní Bulu ámu igyi.

Bégyi iwíe owólósu.”

¹¹ Nelaki, nonu Bulu-abəpu tsotsəotsə ome. Bəhíe bətsə ání bəma íklátó. Bobomlí owie obiá ámu móa akiankpapu amu pú ahande adwanyo-na ámu. ¹² Bəpu ome kpənkpəonkpənti wá ilo bee,

“Okúfabi amóú bəpohá mu igyi ámu lófón
há túmi, iwinya móa

nyánsa pú awútó owónlín,
idayilé móa numnyam pú kanfó.”

¹³ Ino nonu atóá Bulu lóbwe fəfə ome. Móa ilo owóló móa asi, owólósu ayasi pú opoto fəfə, bode ilo wa bee,

“Kanfó, idayilé, numnyam pú túmi fəfə
iletsiá ohá ámóú otsie owie obiásó amu

pú Okúfabi amu bré fəfə!”

¹⁴ Móú akiankpapu ana ámu bəblí bee, “Amen!” Ino ahande adwanyo-na ámu bemlí bun süm Bulu móa Okúfabi amu.

6

Okpin Asienó Amu Main

¹ Mí ansító ino á, Okúfabi amu lémaín ató asienó ámóú bəputan owóló ámu onó ámuto kole. Ino nonuá akiankpapu ana ámuto okule léle onó. Mu ome lelin fə opráda obéé, “Ba!” ² Neki a, əpənkə futútú oku ní. Musu odinkápó amu dé ita, bobun mu owiepa. Oləpu əpənkə ámu kplí ba owólósu fə isu ogyípóá tráa ohá bakó isá tsotsəotsə, otra gyi iwíe.

³ Bréá Okúfabi amu lémaín ató nyəəsíá bəputan owóló ámu onó á, nonuá akiankpapu amuto onyəsəsi léblí obéé, “Ba!” ⁴ Əpənkə pepe oku lédalí ba. Beha musu odinkápó odayí iya anyo tintin ku. Beha mu túmi ání oléé iwílwíi le oyító. Mó su isá leda otínegyíotíné, ahá bəmə aba.

⁵ Bréá Okúfabi amu lémaín ató saasiá bəputan owóló ámu onó á, nonuá akiankpapu amuto əsaasi léblí obéé, “Ba!” Neki a, əpənkə bibi oku ní. Musu odinkápó amu dé skéeli. ⁶ Ino nonu ome ku lédalí tsu mbwí ámóú bətsie nkpa ana ámuto obéé, “Ayó olónká kole ntéé umə olónká asa íbəbwe ekewóle íkəká.* Táme máyintá nfə móa wáin-nyí mó.”

⁷ Bréá Okúfabi amu lémaín ató naasiá bəputan owóló ámu onó á, nonuá akiankpapu amuto əsaasi léblí obéé, “Ba!” ⁸ Ino nowun əpənkə okwá mu iwí adánsie gyí su bəmə amó. Musu odinkápó amu ídá gyí Lowu. Afúlitó é buo mu. Beha amó túmi ání ní beye oyító aku ana á, bəməó iku kole. Bəpóu odayí iya anyo móa akón, ilo móa owólósu mbwíkítá-atə mó amó.

⁹ Bréá Okúfabi amu lémaín ató nuusiá bəputan mó onó á, nowun Bulu asóntó akítápó amu okláa afədiə-asubwí amu ayasi. Bulu asón ámu iwí adánsie gyí su bəmə amó. ¹⁰ Ino bəswá okítíkítí kóklókóú bee, “Oo! Bulu Otúmípu, fú iwí ləwankí, fúbə onəkwalí. Omənke fégyi owólósu anfisú ahá asón, fíté aní obugya tsú aní aməpú ámu wá?” ¹¹ Mó əmə a, beha amó fəfə ligá futútú, bəbláa amó bee, butráa tsia kpəlobí. Bətsiá yófon bréá bamó amó aba asúmpó ahógyípu amu é, amó əduwə ləfon asa.

¹² Bréá ndekí a, Okúfabi amu lémaín ató siesiá bəputan owóló ámu onó. Owólósu ləkpunkí kóklókóú, owí lebi tuun fə tati bibi, otrsə é ləpe kəw fə obugya. ¹³ Móú ntsrakpəbi bəkpəkpáa bun owólósu, fə afú kpənkpəonkpənti látsun kpəkpáa pəntə-abíá íməkódan bun. ¹⁴ Nwólótáa lokuntá fə owóló, tsú mó náti. Abwí móa əpu nsiné owólósu fəfə lédalí mó otsiákpá. ¹⁵ Ino nowun ání oyító awie pú ahande pú isá onó alúpó pú asikafə pú atúmípu, nkpəbí móa iwísu atsiákpó beyəjəin abusu abwí alato pú abwí mbótó. ¹⁶ Bəbláa abwí móa abotá ámu bee, “Mlikpa bun

* 6:6 Ilosuná ání isá su ató bəhwe wá íbíá.

aniso, méni owie obiású otsiápó amu omóowun anu, Okúfabi amu oméébutí anu iso! 17 Tsúfě amó ahá isubití eke ámu lafon. Ma obétalí líí mó onó?"

7

Bulu Ahá Mpím Lafakole Advana-na (144,000)

1 Inu oma a, nowun Bulu-abọpọ ana, bolú oyí afonka ana ámu fěésó. Bode afú afonka ana ámọtọ kinkínkín, méni iméetrá tson ọsólọsọ, ọpọsọ ntée oyí kọkọ. 2 Inu nowun ání Bulu-abọpọ bámbá dédalí tsu owí ọdalíkpa. Ọde Bulu Ọkiankpa ọtá ọtápóhíe mu ahá nso. Mọú ọsọrá okitíkítí kóklókóú kpólí abọpọ ana ámọú Bulu léha amó túmí obéé, bọbẹyintá ọsólọ mu ọpọ amó. 3 Bulu-abọpọ amu lébláa Bulu-abọpọ ana ámu obéé, “Mlímáyintá ọsólọ ntée ọpọ ntée oyí kọkọ, yófon bréá nọpọ ató híe mí Bulu asúmpọ ọsọkpọ nso asa.” 4 Inu bekla ahá ámọú hapọ Bulu ató híe amó nso amu fěé. Amó ọdọdọ bọgyí ahá mpím lafakole advana-na (144,000). Amó fěé bọtsú Israel abusuan dúanyọ ámọtọ. 5-8 Behie ahá mpím dúanyọ (12,000) nso abusuan ámu kugyíkọtọ. Abusuan ámu ada gyí, Yuda, Ruben, Gad, Asa, Naftali, Manase, Simeon, Lewi, Isakar, Sebulon, Yosef pọ Benyamín.

Ọdam Aní Botsú Ọmá-ọmátọ

9 Inu oma a, nowun ọdam kọá ọhaa méetalí kla amó. Botsú ọmágyíomá, abusuangyibusuan, ọsólọsọ ahá ọtsan-ọtsan pọ obli gyíobli. Bolú owie obiá ámu pọ Okúfabi amu ansítọ. Bọwa ligá futútútú, bode mbláa. 10 Bọsọrá okitíkítí kóklókóú beé, “Ani Bulu ámọú otsie owie obiású pọ Okúfabi amu tóhọ ahá nkpa!” 11 Inu á, Bulu-abọpọ amu fěé belú bómlí owie obiá ámu pọ ahande advanyọ-na ámu pọ akiankpa ana ámu. Bemlí bun, pọ ansítọ bun ọsólọtọ owie obiá ámu ansítọ, sým Bulu, 12 bí beé, “Amen! Ikanfọ, numnyam, nyansa, ipán, obú, túmí pọ ọwọnlín ibwée mu kle bré fěé! Amen!”

13 Inu ahande amọtọ ọkole léfité mí obéé, “Amendí gyí ahá ánfí bọwa ligá futútútú ánfí? Nkónó bọtsú?”

14 Mọú nebláa mu mbéé, “Ọhande, fọ yín.”

Mọú ọlebláa mu obéé, “Ahá ánfí gyí ahá ání batsọn asọn wunhe kpọnkpọntí ámọtọ dalí ní. Amó láfwi amó atadi Okúfabi amu obugyatọ, ilafúli futútútú ní. 15 Mọ sọ bolú Bulu owie obiá ámu ansítọ, bode mu sým ọpa-onyé mu ọtswékpa mu ní. Ọhá ámọú otsie owie obiá ámọsọ é obétsiá amótọ, búń amósú. 16 Akón mọa ọmewọli méetrá kítá amó, owí ntée ọpawí é iméetrá tọ amó. 17 Tsúfě Okúfabi amó ọlí Bulu owie obiá ámu así ámu obóbọwe amó ọkpapọ. Obégya amó nkpa, kpá amó ya nkpa-ntsu ámu ọwíkpa, aní Wíe Bulu obétsitsii amó ansí ntsú fěé.”

8

Okpin Sienósi Amọ Main

1 Bréá Okúfabi amu lémain ato sienósiá bọpọtan ọwólọ ámu onó á, ọsósú lólá fě danhwírufon. 2 Inu nowun Bulu-abọpọ asienó ámọú bolú mu ansítọ amó. Beha amótọ okugyíáko ọkpe.

3 Bulu-abọpọ bámbá lébá belú afọdié-asubwi amu ansítọ. Ọde sika pepẹ blanwébi ání bọtawá ọhíén ogyá mótọ. Beha mu ọhíén tsọtsọtsọ, ọlọpọtsiá Bulu ahá mpáito, pọyéđunká sika pepẹ afọdié-asubwi amó iyí owie obiá ámu ansítọ ámọsọ. 4 Mu ọhíén ámu ogyási letsia Bulu ahá ámu mpáito, kósú tsú afọdié-asubwi ámọsọ yó Bulu ansítọ. 5 Inu Bulu-abọpọ amu lótsu ọhíén blanwébi ámu, ọlele ogyá afọdié-asubwi ámọsọ wá mótọ, fin mu dá ọsólọsọ. Inu nyankpọ lówa ibi fwi bi. Odekpẹ, ọpráda depótí, ọme ọtsan-ọtsan delún kóklókóú, ọsólọ é dekpínkí kpakpakpakpa.

Ikpe Asienó Amọ

6 Bulu-abọpọ asienó ámọú bode ikpe asienó ámu é beda iwiso há mó folí.

7 Bulu-abọpọ gyankpa lófolí mu ọkpe. Mọú bọtsu atsufolibi mọa ogyá ání obugya lefráa mu, tswi mu wólí ọsólọsọ. Ní beye ọsólọtọ asa á, mótọ iku kole mósú nyl pọ mósú ifá fěé lọhọ plíplíplí.

8 Bulu-abọpọ nyọsọ lófolí mu ọkpe. Inu bọtswi tọkọ fě ibu kpọnkpọntiá idehọ wá ọpọtọ, ọpọtọ yéé asatọ ikole ledamli obugya. 9 Ọpọtọ mbwíá bukí nkpa fěétọ yéé asatọ iku kole bowu, ntsusu ayibitọ yéé asatọ iku kole é lobwiebie.

10 Inu Bulu-abọpọ sáási lófolí mu ọkpe. Otsrakpabi kpọnkpọnkpọnti kọá ide ogyá tsii fě obia lékpa tsú ọsósú beda ntsu tsonhéá ibu ọyítọ fěétọyẹ asatọ iku kole. 11 Otsrakpabi amu dá gyí “Ọkítá.” Inu ntsu tsonhé amọtọyéé asatọ iku kole lówa ọkítá don ọkpín. Mọ ọkítá sọ ahá tsọtsọtsọá bonu mó bowu.

12 Ọbọpọ náási lófolí mu kle. Ilọwọ owí mọa ọtsra pọ ntsrakpabito yéé asatọ iku kole. Mọ fěé lodun. Inu sọ oyí kehe mọa owi tahétọ yéé asatọ iku kole é loklun.

13 Neki a, oyitsi ọkọ défulí, odesú kóklókóú obéé, “Ahá ání bétsiá ọsólọ anfiso asa Bulu-abọpọ asa atráhe amu bófolí amó nkpe amu bọgyọwí tsenyọ-tsesa!”

9

1 Bulu-ɔbɔpu núúsi lófoli mu ɔkpe. Nowun ání ɔtsrakpabi lékpa tsú ɔsósó beda ɔsolóso, bɔpu ilán klúklúúklúá ima ɔka ɔáafi há mu. 2 Móú olefinkí ilán klúklúúklú ámu ɔnó, ogyási leɗali mótó fé obunta. Ogyási amu ileha nsaintó féé ilebi tuun. 3 Inu atsantsanku beɗali tsu ogyási amuto ba ɔsolóso. Beha amó túmi beɛ busóra ahá fé nyankpɔkpíe. 4 Bebláa atsantsanku ámu beɛ, bómápu ɔnó da ifá ntéé nyí koku, dun ahá amóú Bulu nsohiétó meɗin amó ɔsokpu amu. 5 Bomeha amó ɔkpa ání bómóó amó, táme bohíe wa amó iwiosin tsra anu kéké. Amó iwiosin ámu ibwé fé alá nyankpɔkpíe-sorá tɔho ɔsin. 6 Ahá bódunká lowu nke ámutó, táme bóménya. Bɔbɔ mbódi ání bówu, táme bómóowu.

7 Atsantsanku ámu behan mpɔnkɔá bahíhe amó há isá, tɔku idun amó nwunso fé sika pepe ipa. Bowa anyánpósa ansító. 8 Amó nwunso-imi bu iswí fé ɔtsi klé. Amó ayin é igyi fé gyatá klé. 9 Bowa kántó atíntó ání bɔpu dátó bwé. Ní bodefulí á, amó ate totsúlá fé mpɔnkɔ móa keké tsɔtsɔtsá busrí bɔyó isá. 10 Bobu odú, itosórá fé nyankpɔkpíe. Beha amó túmi beɛ, bɔpúu amó odú ámu pilan ahá tsra anu kéké. 11 Ilán klúklúúklúá ima ɔka ɔbɔpu gyí amó owíe. Botetí mu Hebrifó ɔblító beɛ, Abadon. Griiki ɔblító é botetí mu beɛ, Apolion. Mó asi gyí, “Ató Oyintápó.”

12 Asɔn wunhe gyankpapo lámó ɔnó á. Anyo tráhe é íbá. 13 Bréá Bulu-ɔbɔpu siési lófoli mu ɔkpe a, nonu ɔme ku leɗali. Iɗeɗali tsu sika pepe afɔɗie-asubwi ámu okonkí ana ámutó Bulu ansító un. 14 Iɗe ɔbɔpu amóú ɔlɔfolí ɔkpe amu bláa ɔbéɛ, “Sanki ɔbɔpu ana ámutó beklí mántá ntsu yilé Efrate ɔnó ámu.” 15 Bulu léla amó yáí há alí bré áñfi, offí áñfi, ɔtsra áñfi, eke áñfi pó donhwírí anfi ɔbéɛ, busánkí amó abuyɔmɔ ɔyító aháto yéé asato iku kule féé. 16 Bebláa mi ání isá akapó ámu ɔduɗu bóbwe bliba lafanyo (200,000,000), bɔdin mpɔnkɔso. 17 Nowun mpɔnkɔ pó amóú adnkápó mí atowunhe amuto, bowa kántó atíntó. Aku klé lepe fé ogyá, aku klé lebi, aku é klé igyi bate-nfo. Mpɔnkɔ amó nwun igyi fé gyatá klé, ogyá móa ogyási pó atonkodu deɗali amó ɔnótó. 18 Alí asɔn wunhe aku asa, igyi ogyá, ogyási pó atonkodu amu iɗeɗali tsu mpɔnkɔ ámu ɔnó, ɗomɔ ɔyító aháto yéé asato iku kule. 19 Megyí amó ɔnótó nkuɛ asɔn wunhe túmi teɗali tsu. Iɓu amó odútó é, tsúfé amó odú igyi fé iwo, iɓu nwun, itepilan ahá. 20 Anyánpósa amóú besian ɔsolóso, bómowu asɔn wunhe amuto ámu féé bekiná bómɛdamlí klnto. Bumesi ɔɗe laláhe móa atunkuá bapó sika pepe, sika futútú, kóɔbrí, abwi móa nyí aná bwé súm. Alí ɔɗe laláhe pó atunku anfi botamawun ató, botamanú asón, botamanáti. 21 Alí kén bómɛdamlí klnto sí amó tsíató laláhe; igyi ahámó, ɔkpé, atsi móa ayin asónwa móa owi ámu é bwe ní.

10

Bulu-ɔbɔpu Mva ɔwóló Túkúríibi

1 Inu nelawun Bulu-ɔbɔpu ɔwonlínpo bambá ɔkuá ɔtsú ɔsósó. Agyinde lobomlí mu, nyankpɔtáa ilan mu awunso. Mu ansító lɔwankí fé owí, mu ayabi igyi fé ɔsɔti ání ogyá bu mótó. 2 ɔɗe ɔwóló túkúríibi kuá ɔletei mótó. Mu gyɔpi yabi iyi ɔpɔso, mu bina yabi é iyi ɔsolóso. 3 ɔlɔkpón kóklókóú fé gyatá dékpouin, ɔpráda asienó ámu lɔpotí. 4 Bréá ɔpráda asienó ámu lɔpotí, mbéɛ anwanlin asón amóú ilebli ámu a, nonu ɔme bámbá tsú ɔsósó. ɔme amó débli ɔbéɛ, “Máwanlín asón amóú ɔpráda asienó ámu ilabli ámu. Pɔwa fú kpawunuto.”

5 Móú Bulu-ɔbɔpu amóú nowun, ɔlí ɔpu móa ɔsolóso ámu lótsu mu gyɔpi ibi fɔá yó ɔsósó. 6 Inu ɔleka ɔhá amóú ɔbu nkpa bré féétó ámu ntam. Mulóbwe ɔsú móa asi, ɔpu móa mótó ató féé, ɔlebli ɔbéɛ, “Bóméetrá si tsíá! 7 Táme bréá Bulu-ɔbɔpu siénási amu ɔbófúli mu ɔkpe a, alí bré ámutó Bulu asɔn ɗaínhé amóú ɔlehiɛ yáí ɔbéɛ, móbwe ámu íbɛba mótó ní. Ibɛba mótó fé alá ɔlebláa mu asúmpó, bɔgyi mu ɔnósó atáipó amu.”

8 Inu ɔme amóú ide mí asón bláa tsú ɔsósó ámu létrá bláa mi ɔbéɛ, “Yɔho ɔwóló amóú ilafinkí ámu le Bulu-ɔbɔpu amóú ɔlí ɔpu móa ɔsolóso ámu ibito.”

9 Móú sɔ nɔyɔ Bulu-ɔbɔpu amu wá mbéɛ, ɔpúu ɔwólóbi ámu ha mi. Móú ɔlebláa mi ɔbéɛ, “Ho, afowí mó! Iɓówa fú ɔɗwe débídébi fé ɔkwén, táme iméekanáa fú iputo.”

10 Inu nɔho ɔwólóbi ámu lé mu ibito, nɔwi mó. Iɓowa mí ɔɗwe débídébi fé ɔkwén, táme imetepí kanáa mí iputo. 11 Móú ɔletrá bláa mi ɔbéɛ, “Ilehián ání félabli asón amóú íbɛba ahá féésó ámu. Ibɛba ɔmá féé, ɔbli ɔtsan-ɔtsan ablípó pó awíe féésó, fé alí amóú Bulu lalé súná fú ámu!”

11

Adansífo Abanyó Amu

1 Inu ɔma a, beha mí oyíá botɔpósúsu ató. Móú Bulu-ɔbɔpu amu lébláa mi ɔbéɛ, “Kuso afoyosusúu Bulu ɔtswékpa obu ámu pó afɔɗie-asubwi amu, afukla inu asúmpó amu. 2-3 Táme másusúu nwunsinésó amu mó. Si inu tswi, tsúfé Bulu lasí inu há ahá ání bomegyí Yudafo. Alí ahá áñfi bétsatsáa wílu wankíhé amusu tsra adwana-nyo (42), igyi nke ɔpím-ɔkole lafa-anyo

aduesie (1,260). Nêha mí adansífo abanyó bédídá akpekpe, há amó túmi, bébli mí asón ání nálé síná amó nke ámòtò.”

⁴ Amógyí nfo-nyí anyo pò okandíe-nyí anyo ámóú líí Bulu, ogyi gyí féesó ogyípo amu ansító ní. ⁵ Ní òkò obwé agywuun ání obépilán amó á, ogyá bédalí amó onó, hò mu mó. Alí ohá ání odekléá obépilán amó obówu ní. ⁶ Bulu adansífo ámu bobu túmiá bétalí há nyankpu omóotswie nkeá bápoblí Bulu asón ámu fée. Bobu túmiá bétalí há ntsu kugyíko bédamlí obugya. Bétalí lé ason wunhe kugyíko é ba osólóso brégyíbréá bodeklé.

⁷ Ní adansífo ánífí beblí amó asón tá á, obwíkitá-ato amóú otédálí tsu ílán klúklúúklúú íma okato ámu obókò amó isá, gyí amósó, mós amó. ⁸ Amó afúli bédí amó wúlu yilé brónusu. Botetí wúlu yilé ánífí beé, “Sodom móa Egyipte.”* Ino beda amó Wíe Yesu mantá oyikpalíheso, mós ní. ⁹ Ahá bótso abusuangyíabusuan, oblígyíoblí, omágyíomá pò osólóso ahá otsan-otsan féesó ba beki afúli amó nkensá móa ifon. Bomécha okpa abopula amó kóráá. ¹⁰ Bulu onósó atóipó abanyó ánífí bawú sò ansí bégyi osólóso atsiápó. Bégyi nke kpónkpón, kíé aba ató, tsífé Bulu onósó atóipó anfi bawá amó ípian kpónkpónitò kí. ¹¹ Táme nkensá móa ifon ámu oma a, Bulu léha oné lelawíe amótó, belakúsó líí ayabiso. Mú sò ifú lehie kitá ahá ání bowun amó. ¹² Ino Bulu onósó atóipó abanyó ámu bonu ome kpónkpón, kò tsú osósó, ílebláa amó obéé, “Míldo ba nfi!” Amó alupó ámu bulí bode amó kí, agyinde lotsu amó ya osósó. ¹³ Osólóso lékpunkí kpukpukpukpu alí bré ámòtò kén. Ní beye wúlu amòtò idú á, iku kolé fée lobwie bun osólóto gbloo. Ahá mpím-sienó (7,000) bowu osólókpunkí ámòtò. Ifú lehie kitá atráhe amu. Mú sò bowa osósó Bulu numnyam.

¹⁴ Ason wunhe nyóosí latsón, saasi srí íbá á.

Okpe Sienósi

¹⁵ Mós Bulu-obopu osienósi lófulí mu okpe. Ino ome akpónkpón, lèlin tsu osósó beé, “Séi á, oyító iwíegyi lamlí aní Wíe Bulu móa Kristo, (ohá ání Bulu ladá mu ofúli amu) klé. Obégyi iwíe bré fée!” ¹⁶ Ino ahande adwanyo-na ámóú botsie amó mbíásó Bulu ansító ámu fée bobun, sùmu mu, ¹⁷ blí beé,

“Aní Wíe Bulu Otúmípu, adá fò ípán.

Fólétsiá, fóbó ino bré fée.

Tsífé fapó fò túmi kpónkpón, ámu fí fò iwíegyi asi!

¹⁸ Omá-omá benya obló,

bré lafon ání fò é fénya obló.

Bré lafon ání fégyi awupó asón.

Bré lafon ání fóbwe yilé há fò astúmbi, bugyi fò onósó atóipó amu,

pó Bulu ahá ání botenyá fò ifú,

nyebí pò ahande fée.

Bré lafon ání fèhí ahá ání bamó ahá oyító fée.”

¹⁹ Ino befinkí Bulu otswékpá kpónkpón, ámóú íbu osósó ámu, bowun mu Ntam-dáka obu ámòtò. Ino nyankpu lówa íbí fwi bí. Odekpíe, opráda depotí, ome otsan-otsan lèlin kóklókóó, osólóso lékpunkí; átsufolibíá igyi fè akwebi léhie kpá.

12

Otsi Amu Mwa Bóti Amu

¹ Ino osúna kpónkpón, kò lédalí osósó. Nowun otsi okwá odídí owí, mu ayabi yí otstrasu. Obun owíepa, ntsrakpabi dúanyo ipan mósó. ² Otsi ámu dé omé, ikwíí de mu dwíin, odekikíní, ode okitikíí ogyo obi ámu kwíí.

³ Ino osúna bámbá letrá dalí osósó. Nowun bóti kpónkpónkpón, okwá olepé, obu nwun asienó pò nsiebí dú. Owíepa asienó bun nwun asienó ámòtò. ⁴ Ní beye ntsrakpabi féesó aku asa á, botí ámu lópó mu odú kíkí mla iku kolé, olobítíá mó kpá beda osólóso. Olíí otsi ámóú omé de mu dwíin ámu ansító, méni otsi ámu onyá kwíí pé á, obótsu mu bí ámu mé. ⁵ Otsi ámu lókwíí obiyímbi ání obékpá omá fée owuntólusu. Botsu kebi ámu ya Bulu wá, yéyáí mu obíásó. ⁶ Ino otsi ámu lésrí yó dimbísó otínéá Bulu léla yáí há mu. Béki mósu nke opím-okolé lafanyo aduesie (1,260).*

⁷ Ino, isá lèda osósó. Bulu-obopu dehen Mikael móa mu aba abopu bókò bóti ámu móa mu aba abopu. ⁸ Táme bóti ámu móa mu abúopu bometalí líí amó onó, begya amó lé osósó mu. ⁹ Ino bekpa bóti ámóú botetí mu iwó dada amu móa mu abopu beda osólóso. Mu botetráa tí Bulu olupó ntéé Satan pò oyító ahá fée omlepó ní.

¹⁰ Ino nonu ome kóklókóó kò lèlin osósó. Uleblí obéé,

* 11:8 Wúlu yilé ánífí dá onutó gyí Yerusaleem. Bopokápó Sodom móa Egyipte, tsífé amó bwehé laláhe lelian aba. * 12:6 Nke opím okolé lafanyo aduesie (1,260) ánífí igyi nfinna móa ifon.

“Séi gyí bréá Bulu ɔ́bóhɔ mu ahá nkpa ní!
 Bulu ɔ́bópu mu túmi gyi iwíe.
 Mu Kristo, (ɔ́há ámuó Bulu ladá mu ofúli amu) é ɔ́bɛ́le mu túmi ɔ́wan.
 Tsúfɛ́ bakpá ɔ́há ámuó oletsia lé aní Akristofɔ́ ilá ámu dá ɔ́solúso.
 Ɔ́bunsám méetrá ka asón dínká aní apíósó,
 aní Bulu ansító ɛ́.

11 Bapú Okúfabi amu obugya pú mu iwí adánsie ámuó
 begyi amu gyi muɔ́.
 Bómɔdwe amó iwí dúbídúbí,
 sɔ́ bɔ́menya amó lowu kóráá ifú.

12 Iní sɔ́ ɔ́sósó pó mlá mlibu inu fɛ́é
 mlunya ansigyí.
 Táme ɔ́solúso muá ɔ́pu,
 mlígyɔ́wí ní.

Ɔ́bunsám laba mlí wá ɔ́blósó,
 tsúfɛ́ alawun aní mu nke trá mɔ́tsó.”

13 Bréá bóti ámu lówun aní bafin mu dá ɔ́solúso á, ɔ́lɔ́kɔ́só kplá gya ɔ́tsi ámuó ɔ́lɔ́kwí obí ámu. 14 Táme beha ɔ́tsi ámu oyitsu kɔ́nkɔ́nkɔ́nkɔ́nti abámba anyo, méní ɔ́bétalí fúli sí bóti ámu yó mu otsiákpá dimbísó inu. Bulu ɔ́békí muɔ́ inu nfinsa muá ifon.† 15 Inu bóti ámu léfen ntsu tsonhe dáli mu ɔ́nótó wólí ɔ́tsi ámu ɔ́ma, méní íbékítá mu náti. 16 Táme ɔ́solúso légyí ɔ́tsi ámu bɔ́ale. Ntsu ámuó bóti ámu léfen tsu mu ɔ́nótó ámu fɛ́é leme wíé ɔ́solóto. 17 Inu bóti ámu lénya ɔ́bló ɔ́tsi ámuɔ́so, pó mu ɔ́bló gya mu abí atráhesu. Amógyí ahá aní botegyí Bulu mblass, bɔ́de Yesu iwí adánsie gyí a. 18 Inu bóti ámu lési ɔ́da ɔ́pu amu ɔ́nó.‡

13

Mbwikítá-atɔ Anyɔ́ Akw

1 Iní ɔ́ma a, nowun aní ɔ́bwikítá-atɔ kɔ́nkɔ́nkɔ́nti ɔ́ko dédalí tsu ɔ́pu amúto ɔ́bá. Ɔ́bu nwun asienó pú nsiebí dú. Owíepa bun nsiebí ámu kugyíkɔ́so. Bɔ́wanlín dá aní ɔ́lɔ́kɔ́só líí Bulusu dínká nwun ámu kugyíkɔ́so. 2 Ɔ́bwi ámu gyi fɛ́ dundu, táme mu ayabi lomóní, mu akuti bu iswí fɛ́ osisré ayabi, mu ɔ́nó é igyi fɛ́ gyatá ɔ́nó. Bóti ámu lópu mu túmi, iwíegyi pó ɔ́wanlín ku há ɔ́bwi ánfí. 3 Nowun aní ɔ́lɔ́ kɔ́nkɔ́nkɔ́nti ku idun ɔ́bwi ámu nwun asienó ámuto kúlesu. Ɔ́lɔ́ ámu lómóní, íbétalí mʼsú mu, táme íletá, omowu. Ilowa ɔ́yító ahá fɛ́é wánwan, bekplá buo mu. 4 Bosúm bóti ámu, tsúfɛ́ alapó mu túmi há ɔ́bwi ámu. Bosúm ɔ́bwi ámu é, fité bee, “Ma lófon ɔ́bwi ánfí? Ma ɔ́bétalí líí kó mu?”

5 Bulu léha ɔ́bwi ámu ɔ́kpa aní ɔ́blí abususú akɔ́nkɔ́nkɔ́nti pɔ́kɔ́so lu muɔ́. Ɔ́leha mu ɔ́kpa aní ɔ́bweé túmíla kugyíkɔ́á odeklé tsra adwana-nyɔ́ (42), igyi nfinsa muá ifon ámuto. 6 Ɔ́bwi ámu lóbwíi ɔ́nó, blí abususú pókpóí Bulu muá mu dá pó ahá ámuó bubo ɔ́sósó, igyi mu otsiákpá amu. 7 Bulu léha mu ɔ́kpa aní ɔ́kɔ́ Bulu ahá, ogyi amósó. Ɔ́leha mu ɔ́kpa aní ogyí iwíe abusuangyíabusuan, ɔ́blígyíɔ́blí, ɔ́mágyíomá pú ɔ́solúso ahá ɔ́tsan-ɔ́tsan fɛ́ésó. 8 Ɔ́yító ahá fɛ́é bósúm ɔ́bwi ámu. Ahá aní bómóosum mu gyí ahá aní bɔ́wanlín amó adá wá Okúfabi amó bɔ́pohá igyi asa ɔ́yí lebelun amu nkpa ɔ́wolótó.

9 Ɔ́há aní ɔ́bu asu onúu. 10 Ɔ́há aní ida yai aní békítá mu ndoun ísátó a, békítá mu ísátó, kpá mu náti. Ní ida yai aní ɔ́ko obésin ɔ́dayí ɔ́nó é á, ɔ́dayí ɔ́nó obésin. Iní sɔ́ Bulu ahá botómi, abulu kínkín amó hógýito.

11 Inu netrá wun ɔ́bwi ɔ́ko é lówó dah ɔ́solóto. Ɔ́bu nsiebí anyo fɛ́ okúfabi, táme ɔ́lɔ́tɔ́ fɛ́ bóti. 12 Ɔ́bwi ánfí líí ɔ́bwi gyankpapu amu ansító, ɔ́lɔ́yɔ́ mu agyómá kugyíkɔ́ ɔ́bwi gyankpapu amu túmito. Iní léha ɔ́solúso atsiápó fɛ́é bosúm ɔ́bwi gyankpapu amó ɔ́lɔ́ ledunká mu, íletá, omowu ámu. 13 Ɔ́bwi nyɔ́ɔ́si amu lóbwe osúna akɔ́nkɔ́nkɔ́nti. Ɔ́leha ogyá lekpa tsú ɔ́sósó beda, ahá fɛ́é bowun. 14 Ɔ́lɔ́pu osúna amó ɔ́lɔ́bwe ɔ́bwi gyankpapu amu ansító amu mlé ɔ́yító ahá ɔ́bɛ́e, bɔ́pweé ɔ́kpi, ogyí fɛ́ ɔ́bwi gyankpapu amó bɔ́wo mu ɔ́dayí iya anyo, omowu, ɔ́ráa otsie nkpa ámu. 15 Bulu léha ɔ́bwi nyɔ́ɔ́si anfi ɔ́kpa aní ɔ́wáa ɔ́kpi ámu ɔ́nɛ́, fówun íbétalí tóí. Inu ɔ́kpi ámu léha ɔ́bɛ́e, bómó ahá aní bómóosúm mu. 16 Ɔ́leha aní buhíe ahá fɛ́é nso, amó gyɔ́pí ubu nteé amó ɔ́sɔ́kpi; nyebí ahande, ahíánfɔ́ muá asikafo, nkpábi muá iwí agyípó. 17 Ɔ́haa méetalí fɛ́ tɔ́ nteé hɔ́ tɔ́, nkéti ɔ́há aní ɔ́bwi ámu nsohíetɔ́, igyi mu idá nté ibi aní ilí há mu idá dun muɔ́.

18 Iní léhián nyánsa, méní fétalí nú ibi ámu así. Ibi ámu ilí há ɔ́bwi gyankpapu amu, igyi oyin ɔ́ko dá. Ibi ámu gyí lafasie aduesie-sie (666).

† 12:14 Nfinsa muá ifon igyi nke ɔ́pím ɔ́kole lafa-anyɔ́ aduesie (1,260). ‡ 12:18 Iní bu nwoló dada amu akoto: Inu nesi líí ɔ́pu amu ɔ́nó.

14

Okúfabi Amo Mva Mv Aha

¹ Inu nelawun Okúfabi amo líi Sionbɔsu. Ahá mpím lafakole advana-na (144,000) bulí mu wá. Okúfabi amo mva mu Si idá dín amó ɔsɔkpi. ² Inu nonu ɔme ku tsú ɔsósó fɛ ntsu lábólá, idekpa yi, ntée ɔpráda députí, ntée fɛ nsankuo tsɔtsɔtsɔ bɔdeda. ³ Bɔde ɔb ɔpɔwe ku wa owíe obíá ámu, akiankpaɔ ana ámu pɔ ahande advanyɔ-na ámu ansító. Ɔhaa má uná ɔbétalí súan ɔb ámu ɔsolóv anfiso, nkéti ahá mpím lafakole advana-na (144,000) ámuó Bulu laha amó nkpa tsú ɔsolóv ámu nkole pé. ⁴ Alí ahá ánfí gyí ahá ání amó ɔwí letun, bɔmeyín ɔtsi, bɔtobuo Okúfabi amo ɔtinegyíɔtínéá ɔyó ní. Amó nwunso ɔko ɔleka anyánkɔsa fɛétó, fɛ ató-abí gyankpaɔ há Bulu mva Okúfabi amo ni. ⁵ Bɔtamawá afunu, ɔlala kɔkɔ é ɔma amó ɔwí.

Bulu-abɔɔv Abasá Asoɔn Blíhé

⁶ Inu nelawun Bulu-abɔɔv ɔkɔá ɔna afútó, ɔde asɔn wankláán ámuó ɔbɔ nu bré fɛétó amu. Ɔbá bebláa ɔyító ahá, abusuangyíabusuan, ɔblígyíɔblíi ablípó, ɔmágyíɔmátó ahá pɔ ahá ɔtsan-ɔtsan. ⁷ Bulu-abɔɔv amo lókpɔlɔn blí ɔbée, “Mlunya Bulu ifú, amlɔwa mu numnyam, tsúfɛ mu asɔngyíbi lafɔn. Mlɔsum mu. Mólóbwɛ ɔsɔ mɔa asi, ɔɔv mɔa ntsu fɛétí!”

⁸ Bulu-abɔɔv onyɔɔsi é lóbuo mu, beblí ɔbée, “Babilon labwíé. Wúlu yilé Babilon labwíé. Tsúfɛ Babilon lahá ɔmá-ɔmá banu mu mbɔvato-ntá ání itehá Bulu ɔblí tákósó!”

⁹ Bulu-abɔɔv saasi é búo amó, ɔdeblí ɔbée, “Ní ɔko lósum ɔbwi ámu mva mu ɔkpi ámu, há ɔɔv amó nsohíetɔ hie mu ɔsɔkpi ntée mu ɔbɔ nso a, ¹⁰ alí ɔhá ámu obónu Bulu ɔblí-ntá, bɔmefráa mɔ asa bɛtsɛí mɔ wá Bulu ɔblí-ɛwɛtɔ ní. Bulu ɔbɔɔv ogyá mɔa atonkodu bíti mu ɔbɔ, mu abɔɔv wankíhé pɔ Okúfabi amo ansító. ¹¹ Amó ɔbɔbíti ogyá ámu ogyási bókɔsɔ yó ɔsósó bré fɛétó. Alí ahá ámu gyí ahá ámuó bɔsúm ɔbwi ámu pɔ mu ɔkpi, ɔbwi ámu nsohíetɔ dín amósó ámu ni. Iwí mólólwíi amó ekekekeke.”

¹² Iní sɔ ilehián ání Bulu ahá bótomi líi kínkín, gyi Bulu mblasɔ, wá ɔnɔkwali há Yesu ni.

¹³ Inu nonu ɔme ku lótsu ɔsósó ɔbée, “Wanlin tswí fɛɛ, ‘Ansí bégýi ahá ání bówu aní Wíe agyómátó tsú séi pɔya!’ ”

Bulu Ɔhé ámu ɔbée, “Ee, ɔbɔ mótó. Ansí bégýi amó lélé. Bédá ɔkpónó tsú amó ipian fɛétó, tsúfɛ amó bwehé wankláán bóbuo amó.”

Bulu Asóngyí Iwí Atowunhe

¹⁴ Inu neláki a, agyinde futútú kɔ ní. Ɔha ɔkɔá ogyi fɛ Nyankɔsa-Mv-Bi ámu tsie agyinde ámuɔ. Obun sika pepe owíepa, ɔde tsi ni kláklá ku. ¹⁵ Inu Bulu-abɔɔv ɔku é lédali tsu ɔsósó Bulu ɔtswékpa un ba. Mú ɔlɔkpɔlɔn bláa ɔhá ámuó ɔtsie agyindeso ámu ɔbée, “Pɔ fɔ ɔdayí ámu tun ató-abí, tsúfɛ ɔsolóv ató-abí lapé yó. Mú tɔnbi lafɔn!” ¹⁶ Mú sɔ ɔhá ámuó ɔtsie agyindeso ámu létanki mu tsi ni amu, tun ɔsolóv ató-abí amó fɛé.

¹⁷ Bulu-abɔɔv ɔku é lédali tsu ɔsósó Bulu ɔtswékpa obuto mu. Mu é ɔde tsi ni kláklá ku.

¹⁸ Mú Bulu-abɔɔv ɔkɔá ɔbɔ túmi ogyá ámuɔ é lédali tsu afɔdɛ-asubwi ámu asi ba. Ɔlɔkpɔlɔn bláa Bulu-abɔɔv amó ɔde tsi ni ámu ɔbée, “Pɔ fɔ tsi ni amu ka wáun-abí ámu ɔkpitsa, tsúfɛ abí ámu ɔlapé.” ¹⁹ Mú sɔ Bulu-abɔɔv amu lótswi mu tsi ni amu káka ɔsolóv wáun-abí ɔkpitsa fɛé, kpá wáun-abí ámu wá ɔtínéá bɔtenyímé ntsu lé mótó. Iní líi há Bulu ɔblí. ²⁰ Wúlu amu mmuátse benyímé wáun-abí ámu. Obugya lédali mótó, ɔdɛtsɔvɔn waa fɛ ntsu tsoɔnhe. Mú ɔswító bóbwɛ máli lafakole adukwe (180). Mú okú é bóbwɛ ayabi anu.

15

Bulu-abɔɔv Pó Asoɔn Wunhe Asiené Tráhe

¹ Inu nowun osúna bámbá kɔá ɔbɔ ifú, ɔbɔ wánwan ɔsósó. Nowun ání Bulu-abɔɔv asiené bɔde asɔn wunhe asiené ání Bulu ɔbɔɔbítí ahá ɔsu asa ɔklɔntɔ bólwíi mu.

² Inu nowun ɔɔv kɔá igyi fɛ ahuhwé, ɔdepe fɛ ogyá. Nowun ání ahá bulí mɔ ɔnó, bɔde Bulu nsankuo. Alí ahá ánfí gyí ahá ání bakó gyi ɔbwi gyankpaɔ amo mva mu ɔkpi ámu pɔ nsohíe-ibi ámuó líi há mu dá ámuɔ ní. ³ Bɔde Bulu osúmbi Mose mva Okúfabi amo ɔbɔ wa bɛɛ,

“Aní Wíe Otúmípo,
fɔ bwehé ɔbɔ ifú, ɔbɔ wánwan.
Fɔ bwehé fɛé igyi ɔnɔkwali, ɔda ɔkpa.
Owíeá mu iwíegýi tamamó ɔnó.

⁴ Aní Wíe, ma oméenya fɔ ifú, wá fɔ numnyam?
Tsúfɛ fɔ nkole lówankí.

Ɔma fɛé bɛba bɔsúm fɔ,
tsúfɛ falé fɔ yilébwɛ ɔwan.”

⁵ Iní ɔma a, nekí ɔsósó, nowun ání Bulu ɔtswékpa obu, igyi tati-obu ámuó itosúná ání Bulu ɔbɔ amó wá ámu ɔnó iya. Nowun mótó Ɔwankíkpá amu. ⁶ Nowun Bulu-abɔɔv asiené amó

bəpu ason wunhe kpənkpənti asienó bá amu. Bedali tsu Ɔwankíkpa inu. Bəwa əhráda atadiéá iləwankí, ide ogyá kpa, bəpu sika pepe ofé tsán. ⁷ Akwankpəpu ana ámuto əkwəlé léha Bulu-abəpu asienó ámuto okugyákwə sika blanwébi áni Buluá əbu inu bré fээ́tə əblə ɪbə mó dédédédé. ⁸ Bulu numnyam pó mu túmi leha ogyási ləbulá Bulu Ɔwankíkpa inu fээ́. Ɔhaa métalí bítíwíé mótó, yofon bréá Bulu-abəpu asienó ámu batséi ason wunhe asienó ámu fээ́ wólí əsolósu.

16

Bulu Ɔblə Ablanwébi

¹ Inu nonu əme kpənkpənti kwá ilədali tsu Bulu Ɔwankíkpa inu. Ide abəpu asienó ámu bláa əbээ́, “Mlyə, amlyətséi Bulu əblə ablanwébi asienó ámu wólí əsolósu.”

² Mó su əbəpu gyankpəpu lédali tsu Bulu ətswékpa inu yetsei mu kle wólí əsolósu. Inu ahá ámú əbwi ámu nsəhiətə idin amósó, bəde əkpi ámu sum ámu iwí létsitsii nlə akpənkpənti, ide amó dwiín.

³ Ɔbəpu nyəəsí létsei mu kle wá əpoto. Ɔpu amu lémlí fé fúli obugya. Tógyítá əbu əpu amuto lówu.

⁴ Ɔbəpu sáási létsei mu kle wá ntsu tsənhə pó abənkpabi fээ́tə. Mó fээ́ ilemlí obugya. ⁵ Inu nonuá Bulu-əbəpuá əteki ntsusu lébláa Bulu əbээ́, “Oo Ɔwankípá fúbu inu bré fээ́. Fú asón da əkpa áni fabítí amú isu ali. ⁶ Tsúfé bamó fú ənósó atəípu pó fú ahá, tséi amó obugya wólí əsolósu. Mó só fahá bəpú obugya há amú fээ́, bunúu ni. Inu lékanáa ha amú ní.” ⁷ Inu nonu əme kwá ilədali tsu afədiə-asubwí ámu así əbээ́, “Ee, aní Wíe Bulu Otúmípu, fú isəbití igyi ənkəwali, ida əkpa.”

⁸ Múú əbəpu náási létsei mu kle wólí owí. Mó su owí ənó ləwa ənlín, ləha mó ide ahá tə fé ogyá. ⁹ Owí ámu iloto okugyákwə. Bulu búbú túmi ason wunhe anfi fээ́sú, táme bekiná bəmedamli kləntə; pówá mu numnyam, mbouín lwí bəlwí mu.

¹⁰ Onuusí létsei mu kle wólí əbwi ámu owíe obíású. Ɔbwi ámu iwíe ogyíkpa fээ́ iloklun. Iwəsin su mu abúəpu amu bəwí amó ədandó. ¹¹ Táme bekiná bəmedamli kləntə sí amó laláhe amu fээ́ bwe. Mbouín bəlwí əsósó Bulu, iwəsin ámú bəwəwúun amu su.

¹² Osiesí létsei mu kle wá ntsu yilé Efratəto. Ntsu ámu fээ́ ləkpi lé mó əbúntó. Inu léla əkpa há awíeá bətsú owí ədalíkpa pó amó isá akəpú bétalí tsən ba inu. ¹³ Inu nowun əhe laláhe asa akwá bəgyi fé agyóngyo, bedali tsu bótí ámu ənótó, əbwi ámu ənótó pó ənósó ətəípu ofunupu amu ənótó. ¹⁴ Əhe laláhe anfi bəbú túmi bwe osúna akpənkpənti. Bətsən əsolósu awíe fээ́sú, méni békpa amó fээ́ wá abato, bəba bəkwə aní Wíe Bulu Otúmípu isá eke yilé ámúú igyi mu asón ogyíkə amu.

¹⁵ Aní Wíe əbээ́, “Kí, nəba fé owikplu. Bulu obóyulá əhá áni ələda iwísu, alalá mu atadiə yái, méni əméenati yayá, péli méékítá mu.”

¹⁶ Múú əhe laláhe amu bəkpa awíe amu yéfiə ətənkəkwá bətetí inu Hebrifə əblíto bəe, “Harmagedon.”*

¹⁷ Inu Bulu-əbəpu siénósi létsei mu kle wá afútó. Əme kóklókúú kwə lədali tsu Bulu ətswékpa inu owíe obíá ámuto əbээ́, “Ulatá!” ¹⁸ Inu nyankpu lówa ɪbi fwi bi. Odekpə, əpráda depotí. Əme ətsan-ətsan ləlin kóklókúú, əsolóú ləkpunkí kpunkí kwá mó odu amókəba kí tsú bréá ahá bəln əyító əpá. ¹⁹ Wúlu yilé Babilontə léye asa. Awúlu yiléá ɪbə əyító fээ́ ilobwiewwíe. Inu Bulu lékain Babilon lakpan fээ́sú, əbəpu mu əblə kpənkpənti ewəto-ntá ámu há mu olonu. ²⁰ Ɔpu nsuné əsolóú kugyíkú ləfwí, abú é fээ́ ləŋa. ²¹ Atsufolibi akpənkpəntiá mó odwinto bəbwe fé kilo aduenə (50) ləkpa tsú nwólətəasu bəda ahásu. Atsufolibi amu ənó ənlín su bəlwí Bulu.

17

Obu-əno Otsiápo Kpənkpənti Amu

¹ Inu Bulu-abəpu abasiénó ámúú bəkítá ablanwébi ámuto əkwəlé léba bebláa mi əbээ́, “Ba, ansuna fú alá bréá Bulu əbəbití obu-əno otsiápo kpənkpənti ámúú otsie ntsu tsətsətsəsu ámu isu. ² Mwa əyító awíe fээ́ bató mbwa. Ɔyító ahá fээ́ banu mu mbəato-ntá bó.”

³ Inu Ɔŋé ámu léba misu, Bulu-əbəpu amu lótsu mí ya dímibísú. Nowun ətsi əkwə tsie əbwikítá-atə pepe əkwəsu inu. Ɔbwi ámu bə nwun asienó pó nsiebi idú. Bəwanlín adá áni ləkwəsu lílú Bulusú dínká mu iwí fээ́. ⁴ Ətsi ámu lówa atadiéá igyi faasí ntsu móa pépe. Ɔləwa abutó wəlhə ətsan-ətsan, əde sika pepe owebi mu gyəpito. Akisítə pó mu obu-ənótsiá ifin ləbulá mó dédédédé. ⁵ Bəwanlín idá kwá mó así ləŋain dínká mu əkwə bəe, “Wúlu yilé Babilon, obu-əno atsiápo fээ́ oyín. Ɔsolósu akisítə fээ́ owíe.” ⁶ Nowun áni ətsi ámu lanu Bulu ahá obugya bó. Ahá anfi bəmə Yesu iwí adánsiegyí su ní.

Bréá nowun mu a, ənó lobwíe mí. ⁷ Múú Bulu-əbəpu amu léfíté mí əbээ́, “Ntogyi ənó labwíe fú ali? Nélé ason ŋaínhéá ɪbə ətsi ámu mwa əbwikítá-atə amóú əbu nwun asienó móa nsiebi dú

* **16:16** Harmagedon así gyí, Megidobu. Bəkwə isá tsətsətsə ɪbə ánfisu.

ámu así súná fú. ⁸ Ǫbwi ámuó fowun amu latsiá ki. Ǫtráa Ǫma inu séi, Ǫbélaba. Táme imóowa Ǫpá Ǫbédalu tsu ilán klúklúúklú ámuó ima Ǫka ámuǪo yó Ǫhíkpa. Ǫsolósu atsiápo ámuó Bulu mósowanlín amó adá wá nkpa Ǫwóló ámuǪo tsú bréá Ǫyí lefi así ámu Ǫnó bóbwie amó, tsúfí bowun ání Ǫbwi ámuó oletsíá, Ǫtráa Ǫma inu ámu lalá bá.

⁹ “Iní léhián nyánsa ání bópunú mó así. Nwun asienó ámu igyi abw asienó* ání Ǫtsí ámu dé iwíe gyí mósó. ¹⁰ Nwun asienó ámu ilí há awíe asienó é. Abanú bawú bǪtsun, osiesí tsie obiásó séí á. Osienósí mókónyá ba. Ǫbá á, bré kpalobí ku pé obétsiá. ¹¹ Owíe okwesí gyí Ǫbwi ámuó oletsíá, Ǫtráa Ǫma inu séi ámu. Abasiénó ámuǪo Ǫkole ogyi. Mu é Ǫbéhí fé mu aba ámu.

¹² “Nsiebí dú ámuó fowun amu igyi awíe idú ání bómákónyá tsíá obiásó. Táme béyaí amó mbíásó amó iwíe ogyíkpa. Amóa Ǫbwi ámu bégyi iwíe bré itinbí. ¹³ Amó féé bóbwe agywuun kule, pó amó túmi há Ǫbwi ámu. ¹⁴ Amóa Ǫbwi ámu bókó Okúfabi amu, táme Okúfabi amu obégyi amósó, tsúfí mogyí asító Ǫsí pó awíeto Owíe ní. Mu abúopó gyí ahá ámuó Bulu latí amó, lé amó, bubu Ǫnakwali há mu amu.”

¹⁵ Inu Bulu-ǪbǪpu amu lébláa mi Ǫbéé, “Ntsu tsǪtsǪtsǪ ámuó fowun ání obu-Ǫnó Ǫtsiápo ámu tsie mósó ámu ilí há Ǫmá-Ǫmá pó Ǫblí Ǫtsan-Ǫtsanó ahá. ¹⁶ Nsiebí dú ámuó fowun Ǫbwi ámu nwunso ámu é ilí há awíe idú ání mwa amónyó bégyi iwíe. Amó féé bólu obu-Ǫnó Ǫtsiápo ámu, swíi mu ató féé, lé mu yayá, wí mu aye, wá tráhe ogyá, ibóho plíplíplíplí. ¹⁷ Tsúfí Bulu lǪpu agywuun ánfí wá amó féé nwuntu, méní bóbwe mu apé. Amó féé bópu amó túmi há Ǫbwi ámu, yǪfun bréá Bulu asón ámu féé íbéba mótó.”

¹⁸ Inu Bulu-ǪbǪpu amu létrá bláa mi Ǫbéé, “Ǫtsí ámuó fowun atowunhe amó ámu gyí wílu yiléá ide Ǫsolósu awíe féésó gyí ní.”

18

Babilon Bwie

¹ Iní Ǫma a, netrá wun Bulu-ǪbǪpu Ǫko é dékplí tsú Ǫsósó Ǫbá. Ǫbu túmi kǪnkpǪnti. Mu numnyam dewanki wólí Ǫsolósu. ² Ǫlakplón kóklókóú Ǫbéé, “Babilon labwíé! Wílu yilé Babilon labwíé! Uamlí Ǫhe laláhe Ǫtsan-Ǫtsan féé ǪnǪinkpá. Ilabwé isia há mbubwi laláhe pó mbwíkitá-atá laláhe féé. ³ Tsúfí alapó mu mbuato-ntá ámu dá Ǫmá-Ǫmá féé Ǫnó. Mwa yító awíe féé bató mbwa. Ibiá agyípo féé banyá iwí tsú nkpa ámuó olegyi amó.”

⁴ Inu nelanú Ǫme ku tsú Ǫsósó Ǫbéé,

“Mí abí, mlíle iwí le mótó!

Mlumáwa ibí mu lakpan ámuǪo,
méní mu ason wunhe amu ku mééba mlíso.

⁵ Tsúfí mu lakpan lawó nwólótáa.

Mó su Bulu lakáin mósó.

⁶ Pu mu lalahéá alapógyí fú ahá ka mu ikó.

Pu mu bwéhé ka mu ikó tsenyǪ-tsesa.

ǪlǪpu nta kpekplé há ahá bonu.

Mó su pu móá ibu Ǫnlín Ǫn mó aku anyó ha mu onu.

⁷ Alagyi Ǫdwe laláhe, tsú iwí Ǫbwi.

Mó su pu iwí Ǫsin móa ason wunhe ka mu ikó séi.

Ǫtebláa mu iwí Ǫbéé,

‘Owíe tshé ngyi, ntsie mí obiásó.

Megyí Ǫsurapu ngyi, mmóowa nwe ekékekeke!’

⁸ Mó su ason wunhéá igyi akón, isú pó lowu bótu mu ekewóle pé.

Bówa mu ogyá, Ǫbóho plíplíplíplí,

tsúfí Otúmípo aní Wíe Bulu gyí. Modé mu isó bití.”

⁹ Ǫsolósu awíe amó mwa amónyó bato mbwa, begyi Ǫdwe laláhe amu bówwun mu ogyási, su kpisíi. ¹⁰ Mu ipian ámuó odewúun amu íbówa amó ifú. Mó su belí tsútsúútsú blí beé, “Gyówi ní! Babilon gyówi ní! Wílu kǪnkpǪnkpǪnti, nkálí su Bulu labítí fú isu Ǫsáwule pé alí?”

¹¹ Ǫyító bíá agyípo bósu, gyi awíehó, tsúfí Ǫhaa trá Ǫma inóá Ǫbóho amó ató fehé. ¹² Mólétsiá ho sika pepe pó sika futútu ató, abwi wankláán pó abutó wulhe, Ǫhráda, ago, sríkí atati pó atati pepe, nyiá ibu Ǫfan, atáa bǪpu sórófó-ise bwé, móa bǪpu nyiá ibu ibiá sré, pó móa bǪpu kǪóbrí móa dátó pó abwíá ihíé bu akíle aná féé bwé tsǪtsǪtsǪ tsú amó wá. ¹³ Oletsíá ho amó píprí, Ǫhíén, ohuam, apuse, ntá, olif-nfó, nfúó wankláán, ayó, nnantswie, akúfa, mpǪnko, akeké, tsíá ho ahá nkpábi kóráa.* ¹⁴ Bósu blí beé, “Ntobí ámuó futekle amu féé ladálí fú ibi. Ató ámuó fútopówá bite ámu féé lahóli fu. Fumétrá wun mó ekékekeke!” ¹⁵ Bíá agyípo amóó batson musu nyá iwí ámu féé belí ífóntó, tsúfí bode ifú nya ání bówwun mu iwí Ǫsin ámu odu. Békí mu ipian ámu, su gyí awíehó! ¹⁶ Bébli beé, “Gyówi ní! Wílu yilé, gyówi ní! Tekí fuhíé fubu

* 17:9 Abw asienó ánfiso Roma wílu idan ní. * 18:13 ahá nkpábi ntéé anyánpósa-oyí móa akláa.

akílẹ. Atati fútútú mọ́a pépẹ́ pọ́ ago futedídá. Sika pepẹ́ atọ́ mọ́a abutọ́á ıde ogyá kpa srasrasra fútọ́wá. ¹⁷ Atonyahé tsotsọtsọ́ ńńfí fẹ́é lahólú fú ọ́sáwule pé!”

Ntsuso-yibi akanpọ́, mó ahandẹ́ pọ́ mótọ́ agyómá ayọ́pọ́ pọ́ ıbíá agyípọ́ fẹ́é bówa ıfẹ́ mu wá. ¹⁸ Ní bowun mu ogyási amọ́ a, bọ́sọ́rá okitikítı́ bẹẹ, “Wúlu mọ́mọ́ lófón wúlu ńńfı́ ọ́yıt́ fẹ́é?” ¹⁹ Bẹ́kpa ısi wá nwwntọ́, gyı awurẹ́họ́, blı́ bẹẹ, “Gyọ́wı ní. Wúlu yılé, gyọ́wı ní! Fọ́ nyatọ́ anı ntsuso ayıbi awıé fẹ́é anlanya ıwı tsú. Fọ́ ıwıso atọ́ fẹ́é lahı́ ọ́sáwule pé!”

²⁰ Ọ́sọ́sọ́ atsiápọ́ fẹ́é, mlınyá ansıgyı. Bulu ahá, mu sumbí ayọ́pọ́ pọ́ mu ọ́nọ́sọ́ atọ́pọ́ fẹ́é, mlınyá ansıgyı. Tsúfẹ́ Bulu lagyi mu asón, bíti mu ısu, ıtọ́ ámúú alapógyı mlı́ amọ́ su.

²¹ Inu Bulu-ọ́bọ́pọ́ ọ́wónlınpọ́ ọ́ko lótsu ıbwi kpọ́nkpọ́ntı́ ku, tsıwı wa ọ́pọ́tọ́. Móú ọ́leblı́ ọ́bẹ́e, “Alı́ Bulu ọ́bọ́pọ́ ọ́bls bwié wúlu yılé Babilon, ọ́haa méétrá wun mó ekekekeke ní. ²² Ọ́haa méétrá nu ọ́sanku adapọ́, ılb awapọ́, ọ́tẹ́ntẹ́ afolı́pọ́ pọ́ ıkpe afolı́pọ́ nka wúlu amọ́tọ́ ekekekeke. Tbi ọ́nọ́ agyómá kọ́kọ́kọ́ é ıméétrá tsiá ınu. Bọ́métrá kwe nfuó ınu ekekekeke. ²³ Ọ́kandıé kọ́kọ́ méétrá wankı́ wólı́ ınu, ọ́haa é méétrá nu okúlu mọ́a ọ́ká pọ́pwe ọ́me ınu ekekekeke. Tsúfẹ́ tekı́ mu ıbíá agyípọ́ gyı aha kpọ́nkpọ́ntı́ ọ́yıt́s ní. Alapọ́ mu atọ́la mlé ọ́yıt́s ahá fẹ́é, há bafwı!”

²⁴ “Babilon brọ́nuso Bulu ọ́nọ́sọ́ atọ́pọ́ amọ́ obugya ıbun. Múlómọ́ Bulu ahá ọ́yıt́s fẹ́é ní.”

19

¹ Inı́ fẹ́é ọ́ma a, nonu ọ́me kọ́á igyi fẹ́ ọ́dam ńńfı́ bọ́deklón kọ́klókọ́ ọ́sọ́sọ́. Bọ́deblı́ bẹẹ, “Halelúıa!” Anı́ Bulu tọ́họ́ ahá nkpa. Mu nkọ́le bóv tımı́ mọ́a numnyam, ² tsúfẹ́ mu ısobıtı́ igyi ọ́nọ́kwalı́, ıda ọ́kpa. Alabıtı́ okıpọ́ kpọ́nkpọ́nkpọ́ntı́ ámúú ọ́bọ́pọ́ mu obu-ọ́nọ́ tsiá yıntá ọ́yıt́s ámú ısu, alafıté mu asúmpọ́ obugya tsú mu wá. ³ Bọ́tráa bọ́deklón kọ́klókọ́ bẹẹ, “Halelúıa! Wúlu amọ́ ogyási lakọ́sọ́ yọ́ ọ́sọ́sọ́ bré fẹ́é tı́!” ⁴ Inu ahandẹ́ adanyo-na ámú pọ́ akıanpapọ́ ana ámú bemlı́ bun sım Bulu ámúú otsıe owıé obı́á ámọ́so, blı́ bẹẹ, “Amen! Halelúıa!”

Okufabi Amọ́ Ọ́ká Otsiáke

⁵ Inu ọ́me ku leln tsú owıé obı́á ámọ́tọ́ ọ́bẹ́e, “Mlı́ Bulu asúmpọ́á mlıtenyá mu ıfı́, nyebı́ ahandẹ́ fẹ́é, mlıkanfọ́ anı́ Bulu ámú!” ⁶ Móú ọ́ma a, ọ́me tsotsọ́tsọ́ leln, fẹ́ ntsu bólahé dẹ́tsóvun waa, ntẹ́e ọ́práda depọ́tı́ kọ́klókọ́ ọ́bẹ́e, “Halelúıa! Anı́ Wı́e Bulu Otúmı́pọ́ amọ́ dé ıwıé gyı. ⁷ Mlı́ha anya ansıgyı, ıwı ısankı́ anı́, awa mu numnyam! Tsúfẹ́ Okufabi amọ́ ọ́ká otsiáke lafón. Mó ka ámú lahı́ııe ıwı tá.” ⁸ Bẹ́ha mu ọ́kpa bẹẹ, ọ́wáa ọ́hráda atadıeá ılọ́wankı́, ıde ogyá kpa. (Ọ́hráda atadıe ńńfı́ ılı́ há Bulu ahá yılébwẹ.)

⁹ Móú Bulu-ọ́bọ́pọ́ amọ́ lẹ́bláa mı ọ́bẹ́e, “Wanlın fẹẹ, ‘Bulu layılá ahá ńńfı́ alatı́ Okufabi amọ́ ọ́kátsiá nke ámú ası.’” Móú ọ́letrá bla mı ọ́bẹ́e, “Asón ńńfı́ igyi ọ́nọ́kwalı́, Bulu wá ıtsú.”

¹⁰ Inu nemlı́ bun mu ayabıtı́, mbẹ́e ansum mu, táme ọ́lebláa mı ọ́bẹ́e, “Mábwe! Tsúfẹ́ Bulu osúmbı́ ngyi fẹ́ fọ́a fọ́ apı́o ámúú mlıdẹ́ Yesu ıwı adánsıe gyı amọ́. Sum Bulu nkọ́le pé!

“Tsúfẹ́ ahá ámúú bọ́de Yesu ıwı adánsıe gyı amọ́ bọ́bọ́ Bulu ọ́nọ́sọ́ asónblı́ ọ́jẹ.”†

Ọ́pọ́nkọ́ Futútúsọ́ Ọ́dankáọ́

¹¹ Inu mọ́a nówwn a, ọ́sọ́sọ́ lafinkı́. Neláku a, ọ́pọ́nkọ́ futútú ọ́ko líı́ á! Mọ́so ọ́dankáọ́ amọ́ ıdá gyı, “Yılé Ọ́bwepọ́ pọ́ Ọ́nọ́kwalı́pọ́.” Otegyı asón, ọ́tọ́kọ́ ısá é ọ́nọ́kwalı́su. ¹² Mu ansı́bı́ aklambi igyi fẹ́ ogya plenplẹn. Owı́epa tsotsọ́tsọ́ ıbun mu nwwn. Ọ́bọ́ dá kọ́á bọ́wanlın dı́nká mọ́so, ọ́haa méyın mọ́ tsiá mọ́tọ́. ¹³ Ọ́lọ́wa lígá ńńfı́ bọ́wa mó obugyatọ́. Mu ıdá gyı, “Bulu Asón.” ¹⁴ Ọ́sọ́sọ́ ısá akọ́pọ́ bọ́dın mpọ́nkọ́ futútúsọ́. Bọ́wa ọ́hráda atadıeá ılọ́wankı́, ıde ogyá kpa bọ́buo mu. ¹⁵ Ọ́dayı ıya anyọ́ kláklááklá kọ́ ledalı́ tsu mu ọ́nọ́. Mó ọ́bọ́pọ́sáın ọ́má-ọ́má bun ní. Ọ́bọ́pọ́ owuntọ́lın kpá amọ́. Bulu Otúmı́pọ́ amọ́ ọ́bls kpọ́nkpọ́ntı́ ámú ọ́bọ́pọ́nyımé amọ́ fẹ́ alı́á bọ́tenyımé wáın-abı́. ¹⁶ ıdá ńńfı́ bọ́wanlın dı́nká ọ́há ámúú ọ́dın ọ́pọ́nkọ́ futútú ámú atadıeısu pọ́ mu obı́ánsọ́ gyı, “Asıt́s Ọ́sı, Awıetọ́ Owıe.”

¹⁷ Inu nowun Bulu-ọ́bọ́pọ́ ọ́ko líı́ owıt́s. Ọ́lọ́klón kpólı́ mbubwı́ ńńfı́ bọ́na afıt́s fẹ́é ọ́bẹ́e, “Mlı́ba! Mlı́befı́a Bulu ọ́pọ́nọ́ kpọ́nkpọ́ntı́ ámúú alatsıwı́ ha mı́ amọ́ ası! ¹⁸ Méńı́ mlégyı awıé, ısá ọ́nọ́ alı́pọ́, ısá akọ́pọ́ akınkın, mpọ́nkọ́so adı́nkáọ́ pọ́ amọ́ mpọ́nkọ́, ọ́yıt́s ahá, ıwı agyıpọ́, nkpábi, nyebı́ pọ́ ahandẹ́ fẹ́é aye.”

¹⁹ Inu nowun ńńfı́ ọ́bwıkıtá-atọ́ amọ́ mva ọ́sólọ́so awıé pọ́ amọ́ ısá akọ́pọ́ fẹ́é bẹkpa aba bọ́yọ́kọ́ ọ́pọ́nkọ́ futútúsọ́ ọ́dankáọ́ amọ́ mva mu ısá akọ́pọ́. ²⁰ Táme begyi ọ́bwıkıtá-atọ́ amọ́so, bekıtá mva mu ọ́nọ́sọ́ ọ́tọ́pọ́ amúú ọ́tọ́bwé osúna akpọ́nkpọ́ntı́ mu ıdátọ́ amọ́. Ofı́la amọ́ ọ́lọ́pımlé ahá ámúú ọ́bwıkıtá-atọ́ amọ́ nsọ́hı́e dın amúú, bọ́tọ́sın ọ́kpı́ ámúú bọ́pwe ııan ọ́bwi amọ́ ní. Bọ́tsıwı ọ́bwi amọ́ ámúú ıtọ́pọ́ amọ́ wá ogyá paati kpọ́nkpọ́ntı́ ogyá mọ́a atonkodu ıhı́e detsı́ı́ mótọ́. ²¹ Ọ́pọ́nkọ́so ọ́dankáọ́ amọ́ lı́pọ́ ọ́dayı ıya anyọ́ ámúú ıledalı́ tsu mu ọ́nọ́ amọ́ mọ́ ısá akọ́pọ́ atráhe amọ́ fẹ́é. Mbubwı́ amọ́ begyi amọ́ aye plı́plı́plı́plı́.

* **19:1** Halelúıa igyi Hebrı́fı́ ọ́blı́. Mó ası́ gyı, Kanfọ́ anı́ Wı́e Bulu! † **19:10** Ntẹ́e Ọ́nọ́kwalı́ amúú Yesu lẹ́bele ọ́wan ámú tẹ́há ahá bọ́tetálı́ blı́ Bulu asón amọ́ ní.

20

Bowa Obvnsám Ikan Nfi Ɔpim

¹ Inu nowun ání Bulu-ɔ̀bɔ̀pɔ̀ ɔ̀ko lékplí tsú ɔ̀sósó. Ɖde ílán klúklúúklúá ima ɔ̀ka sáafi pú íkan kpɔ̀nkpɔ̀nti ku. ² Ɖlekítá bóti, ogi iwɔ̀ dada amóú bɔ̀tɛ̀tí mu Ɖbvnsám ntée Satan amu, ɔ̀lɔ̀wa mu íkan nfi ɔ̀pim-ɔ̀kɔ̀le. ³ Ɖlɔ̀tswí mu wá ílán klúklúúklú ámɔ̀tɔ̀, fin mó, wá mó ɔ̀nɔ̀ sáafi, méni Ɖbvnsám méétrá tali mlé ɔ̀má-ɔ̀má ámu. Nfi ɔ̀pim ámu ɔ̀ma asa béle mu kpalobí.

⁴ Mó ɔ̀ma a, nowun awíe-mbíá ku. Ahá ámú bahá amú ɔ̀kpa ání bégýi asón ámu bɔ̀tsie mósó. Nowun aha aku ɔ̀kláa. Amógyi ahá áni betin amú Yesu iwí adánsíegýi pú Bulu asón ɔ̀kanda só ní. Amú kén gyí ahá ámú bómotsulá súm ɔ̀bwíkítá-ato amu ntée mu ɔ̀kpi ámu, bómotsulá abɔ̀pɔ̀ mu nsóhíeto dínka amú ɔ̀sɔ̀kpi ntée amú íbasu ní. Bulu léha amú bɛ̀tsinkí, amóa Kristo begyi iwíe nfi ɔ̀pim-ɔ̀kɔ̀le amɔ̀tɔ̀. ⁵ Amú Bulu légyankpá kósóa tsú afúlitɔ̀ ní. (Awupó atráhe bóméetsinkí, nkéti nfi ɔ̀pim ámu íatsɔ̀n.) ⁶ Bulu lóyulá mu aha agyankpapu amóú ɔ̀lɔ̀kósóa tsu afúlitɔ̀ amu. Amú mó á, lowu nyɔ̀ɔ̀si amu ima amósó túmi. Bóbwe igýi ahapó há Bulu mu Kristo, mu amónyɔ̀ bégýi iwíe nfi ɔ̀pim-ɔ̀kɔ̀le amu.

Satansu Gyi

⁷ Nfi ɔ̀pim ámu ɔ̀ma a, béle Satan obu. ⁸ Ɖbédalí yémlé ɔ̀má-ɔ̀má ání bɔ̀bɔ̀ ɔ̀yi afonka ana, igyi Gog móa Magog amu, méni ɔ̀békpa ahá tsɔ̀tsɔ̀tsɔ̀á boma íkláto buo iwí ya ísá. ⁹ Nowun ání benatí tson ɔ̀yítɔ̀ fée, káfia Bulu ahá pó amú wúlu yiléá Bulu tekle, táme ogyá lekpa tsú ɔ̀sósó beku amú akɔ̀pó fée plíplíplíplí. ¹⁰ Inu bɔ̀tswí Ɖbvnsám ámú ɔ̀lemlé amú ámu wá obun áni ogyá móa atonkodu detsii mótɔ̀ plenplenplɛ̀tɔ̀. Mwa ɔ̀bwíkítá-ato amu pó mu ɔ̀nɔ̀sɔ̀ atáipó afunupu amu bétsiá iwí ɔ̀sɔ̀ntɔ̀ ɔ̀pa onyé bré féeétɔ̀.

Asóngyi Tráhe

¹¹ Inu nowun owíe obiá futútú kpɔ̀nkpɔ̀nti kuá ɔ̀ko tsie mósó. Nwólótáa móa ɔ̀sólóu besrí sí mu, táme bɔ̀menya ɔ̀hainkpá. ¹² Nowun awupó, nyebí ahande bulí owíe obiá ámu ansítɔ̀. Bobwii nwólótɔ̀ tswí. Bobwii nkpa ɔ̀wóló ámu étɔ̀ tswí. Inu bɔ̀pɔ̀ tɔ́a nwóló ámu íeblí tsú awupó ámu bwehé iwí gyi amú asón. ¹³ Ɖpɔ̀ léle awupóá bɔ̀bɔ̀ mɔ̀tɔ̀ ba. Lowu mu afúlitɔ̀ é bele amóá bɔ̀bɔ̀ amótɔ̀ ba. Bulu légyi okugyíáku asón mu bwehé ɔ̀nɔ̀. ¹⁴ Inu bɔ̀tswí lowu mu afúlitɔ̀ fée wá ogyá áni ítamaduntɔ̀. Inu gyí lowu nyɔ̀ɔ̀si ni. ¹⁵ Bɔ̀tswí ɔ̀hagyíáha áni bómowun mu ídá nkpa ɔ̀wóló ámɔ̀tɔ̀ é wá ogyá ámɔ̀tɔ̀.

21

Ɖsósó Mwa Ɖsólóu Pɔ̀pwe

¹ Inu nowun ɔ̀sósó móa ɔ̀sólóu pɔ̀pwe, tsúfée ɔ̀sósó móa ɔ̀sólóu gyankpapu amu ítráa ma mu. Ɖpɔ̀ é ítráa ma mu. ² Móú nowun wúlu wankihé, igyi Yerusalém pɔ̀pwe amu, ídeklplí tsú Bulu wá ɔ̀sósó íbá. Bulu léhíhé mó fée ɔ̀tsiá bawá mu ató wankláan, oyéfia mu kulu. ³ Nonu ɔ̀me kpɔ̀nkpɔ̀nti kuá ílelin tsu owíe obiá ámu así ɔ̀béé, “Kí! Séi mó á, Bulu ɔ̀tsiákpá laba anyánpósato. Obétsiá amótɔ̀, bɔ̀bwe mu ahá. Mu onutó obétsiá amótɔ̀, ɔ̀bɔ̀bwe amú Bulu. ⁴ Obétsiá amú ntsú fée. Lowu ntée ísú ntée ipian ntée ason wunhe kóku é íméétrá tsíá, tsúfée ato dada amu fée íatsɔ̀n.”

⁵ Móú owíe obiásó ɔ̀tsiápó amu léblí ɔ̀béé, “Kí, nde tógyítɔ̀ bwe pɔ̀pwe.” Móú ɔ̀lelabláa mi ɔ̀béé, “Wanlun asón áni tswí, tsúfée mó fée íbu mótɔ̀, igyi ɔ̀nɔ̀kwali.” ⁶ Móú ɔ̀letrá bla mi ɔ̀béé “Nabwé mó fée tá. Mígyi Alfa móa Omega, Ogyankpapu móa Ɖtráhe. Néha ɔ̀há áni ɔ̀mewóli de mu nkpa-ntsu, ɔ̀méeaka mó íko. ⁷ Nɔ̀pɔ̀ oyíla anfi há ɔ̀há áni olegyi ísu. Nóbwe mu Bulu, mu é ɔ̀bɔ̀bwe mí bí. ⁸ Táme afúpóá beyinkí mí ɔ̀ma, ahá áni bómohɔ̀ mi gyi, mbusuo abɔ̀pó, ahá amɔ̀pó, mbwa atɔ̀pó, ató alapó, íkpi atswépu pó afunupu fée ɔ̀tsiákpá gyí ogyá paati kpɔ̀nkpɔ̀nti, ogyá móa atonkodu íhíe detsii mótɔ̀. Inu gyí lowu nyɔ̀ɔ̀si amu ni.”

Yerusalem Pɔ̀pwe

⁹ Inu Bulu-abɔ̀pɔ̀ abasiénó ámú bɔ̀de ablanwé asienó ámú asn wunhe asienó tráhe íbɔ̀ mó ámɔ̀tɔ̀ ɔ̀kɔ̀le léba bebláa mi ɔ̀béé, “Ba, ansuna fó ɔ̀tsiá Okúfabi amu ɔ̀bá bétsiá.” ¹⁰ Inu ɔ̀lekpa mí Ɖhétɔ̀ ya íbu fúáhé kpɔ̀nkpɔ̀nkpɔ̀nti kɔ̀su, olosuná mí Yerusalem wúlu wankihéá ídeklplí tsú ɔ̀sósó Bulu wá íbá. ¹¹ Bulu numnyam dɛ̀wankí wólí wúlu ámɔ̀su, íhíe dɛ̀wankí húnánááná fée atsufulibí, íde ogyá kpa fée ahuhwéá mó ansítɔ̀ lɔ̀wankí. ¹² Bɔ̀pwe buntii trihe fúáhé ku bómlí mó, íbu aklɔ̀n akpɔ̀nkpɔ̀nti dúanyɔ̀. Bulu-abɔ̀pɔ̀ dúanyɔ̀ bɔ̀de aklɔ̀n ámu ɔ̀nɔ̀ gyo. Bɔ̀wanlín Israel abusanu dúanyɔ̀ ámu adá dínká aklɔ̀n amúsu íkɔ̀le-kɔ̀le. ¹³ Aklɔ̀n asa bu owí ɔ̀dalikpa. Asa bu owí ɔ̀kplíwíékpá, asa bu ɔ̀sósó, asa é bu ayasi. ¹⁴ Beyi buntii amu dínká abwi yíléyilé dúanyɔ̀su. Bɔ̀wanlín Okúfabi amu sumbí ayɔ̀pó amu adá dínká abwi ámúsu íkɔ̀le-kɔ̀le. ¹⁵ Bulu-ɔ̀bɔ̀pɔ̀ amú ɔ̀de mí asón bláa amu dé sika pepé oyíá bɔ̀tɔ̀pósúsu ató. Ɖbɔ̀pósúsu wúlu amu, mó abuntii pú aklɔ̀n áni ílobomlí mó fée. ¹⁶ Wúlu amu swítɔ̀ pó mó téitɔ̀ fée igyi kékée. Bréá olosusú mó á, mó swítɔ̀, mó téitɔ̀ pó mó fɔ̀bátɔ̀ fée igyi máli ɔ̀pim-ɔ̀kɔ̀le lafana (1,400). ¹⁷ Inu olosusú buntii amu tríto é. Igyi ayabi lafanyɔ̀ móa dúasie (216),

nyankpɔsa atosusúhe ɔ́nó. ¹⁸ Abwíá igyi fɛ ahohwé bɔpɔpwé abuntíi amɔ. Bɔpɔ sika pepéá tɔtɔ mefráa mɔ, igyi fɛ gláasi pwé wúlu amɔ. ¹⁹ Bɔpɔ abwíá ibɔ bíá ɔtsan-ɔtsan dúanyɔ wá abuntíi amɔ ntswiasí. Abwí ámɔ adá gyí, yaspa, safiri, agate, emerad. ²⁰ Onik, kanelia, krisolit, beril, topas, krisopas, yasint pɔ ametiste. ²¹ Abutó wɔlɔhe fútútú wankláán dúanyɔ bɔpɔbwé aklon amɔ. Iklɔn amɔ kugyíko igyi butóbi fútútú kɔle. Sika pepéá tɔtɔ mefráa mɔ, igyi fɛ gláasi bɔpɔwá abrɔnɔ wúlu amɔtɔ. Fétalí kɔ tson mótó.

²² Mmowun Bulu ɔtswékpa kɔkɔ wúlu amɔtɔ, tsúfɛ Bulu Otúmípu amɔ mɔa Okúfabi amɔ gyí Bulu ɔtswékpa inu. ²³ Wúlu amɔ imehián owí ntée ɔtsra wankí mótó, tsúfɛ Bulu numnyam tɔwánkí há mɔ, Okúfabi amɔ é gyí mɔ ɔkandíe. ²⁴ Ɔmá-ɔmá bénatí wúlu amɔ wanktɔ. Jyítɔ awíe é bɔpɔ amɔ numnyam ba mótó. ²⁵ Boméefin mɔ ɔnó aklon, tsúfɛ oklún ma inu. ²⁶ Ɔmá fɛé bɔpɔ amɔ numnyam pɔ amɔ obú ba mɔ. ²⁷ Tógýítá mɔ iwí metin, mbusuo abapó ntée afunupu bomóowíe wúlu amɔtɔ, nkétí ahá amóú bɔwanlín amɔ adá wá Okúfabi amɔ nkpa ɔwólótɔ amɔ nkɔle.

22

Nkpa-ntsu Tsonhe

¹ Inu Bulu-ɔbɔpɔ amɔ losuná mí nkpa-ntsu amóú ɔwankí fɛ ahohwé ámɔ. Idetsóon tsu Bulu mɔa Okúfabi amɔ owíe obíá ámɔtɔ. ² Ntsu ámɔ ina brɔnɔ yíléá ida wúlu amɔ nsné. Nkpa-oyí ulí ntsu ámɔ agbemgbe anyó ámɔsu, itoswíe abí ɔtsan-ɔtsan ɔtsragyíatsra. Itoswíe tsé dúanyɔ ofi ɔkɔletɔ. Mú afítáa é igyi afá há ɔmá fɛétó ahá. ³ Tógýítá Bulu lalwíí mɔ méetsiá wúlu amɔtɔ.

Mboun Bulu mɔa Okúfabi amɔ owíe obíá obétsiá inu, mɔ asúmpó bósum mɔ. ⁴ Bówun mɔ ansítɔ, mɔ ida é bédunká amɔ ɔsukpi. ⁵ Owí méétrá ta inu ekekeke. Boméétrá hián ɔkandíe ntée owí, tsúfɛ aní Wíe Bulu ɔbɔwankí wólí amósó. Bégyi iwíe bré fɛé.

Yesu Ibá

⁶ Inu Bulu-ɔbɔpɔ amɔ lébláa mɔ ɔbéé, “Asón ánfí bu mótó, igyi ɔnɔkwali. Aní Wíe Bulu tɛlé tɔá íbɛba suná mɔ ɔnósó atáipó. Múláwá mɔ ɔbɔpɔ ɔbéé, ɔbéle tɔá íbɛba nke ánfítɔ suna mɔ asúmpó.”

⁷ “Kí! Imóowa ɔpá néba! Ɔwóló ánfítɔ asón íbɛba mótó. Mú so Bulu obóyulá ɔhá aní olegyi mɔ fɛésó!”

⁸ Mí Yohane lónu asón ánfí, nowun mɔ fɛé. Bréá nonu asón ánfí, nowun ató ámɔ é á, nemlí bun Bulu-ɔbɔpɔ amóú ɔlele mɔ suná mí ámɔ ayabítɔ, mbéé ansum mɔ. ⁹ Táme ɔletrá bláa mɔ ɔbéé, “Mábwe! Tsúfɛ Bulu osúmbi ngyi fɛ fɔa fɔ apíó Bulu ɔnósó atáipó, pɔ ahá amóú bégyi asón amóú bɔwanlín wá ɔwóló ánfítɔ ámɔsu. Sum Bulu nkɔle!” ¹⁰ Mú ɔlebláa mí ɔbéé, “Mápu atɔ lesúnáhé anfi njáin, tsúfɛ mɔ bábi lafɔn ta. ¹¹ Ha lalaha ɔbwepó ɔyo mɔ lalahaebwesɔ. Ifintɔ otsiáipó otsia mɔ ifintɔ, yílé ɔbwepó é ɔkita mɔ yilébwetɔ. Ɔhá aní ɔbéé, mɔpu mɔ iwí há Bulu osíi mɔ iwí ha Bulu.”

¹² Inu Yesu lébláa mɔ ɔbéé, “Kí, imóowa ɔpá néba! Néba iko ɔkakpá. Néka ɔhagyíɔha iko mɔ bwelɛ ɔnó. ¹³ Mígyí Alfa mɔa Omega. Ogyankpapu mɔa Ɔtráhe, así Otsuápu pɔ ɔnó Ɔmɔpó.

¹⁴ “Bulu obóyulá ahá aní bɔde amóú atadie fwi, méní bétalí nyá ɔkpa tson wúlu yílé amóú íbá ámɔ ɔnó wíe mótó yégyi nkpa-oyí ámɔ abí. ¹⁵ Akíai obésin íban ámɔ ɔma. Amó gyí; ató alapó, mbɔa atáipó, ahá amáipó, ukpi atswépu pɔ ahá aní butekle afunu, butowá mɔ é fɛé.

¹⁶ “Mí Yesu lává mí ɔbɔpɔ mbéé, ɔbá bebláa fu asón ánfí, afɔpubla Akristofɔ ɔpasua ámɔ fɛé. Mígyí Owíe Dawid mɔ na, mɔ ató ogyípu pɔ Bake Ɔtsrakpabi wankíhé amɔ ni.”

¹⁷ Inu Bulu Ɔhe ámɔ pɔ ɔká pɔpwe amɔ beblí beé, “Ba!”

Ɔhagyíɔha aní onú asón ánfí ɔblí ɔbéé, “Ba!”

Ɔhagyíɔha aní ɔmewólú de mɔ ɔbá. Ɔhagyíɔha aní odeklé ɔbá, Bulu okíe mɔ nkpa-ntsu ámɔ.

Itráhe

¹⁸ Mí Yohane, nde ɔhagyíɔha ɔlá da kpákpáákpá. Mbéé, ní ɔku lónu atɔ lesúnáhé ɔwóló ánfítɔ asón, ɔbɔpɔ kɔ tsia mótó á, Bulu é ɔbéha ason wunhéá íbɔ ɔwóló ánfítɔ íbɛba mɔsu. ¹⁹ Ní ɔku é léle toko tsú ɔwóló ánfítɔ á, mómó Bulu é ɔbéle mɔ ogyíkpá aní íbɔ nkpa-oyí ámɔ pɔ wúlu wankíhé amóú nɔwanlín mɔ iwí asón wá ɔwóló ánfítɔ ámɔtɔ.

²⁰ Ɔhá amóú ɔde ntóbí ánfí iwí adánsíe gyí ɔnɔkwalisu ámɔ ɔbéé, “Ee! Imóowa ɔpá néba!”

Amen! Owíe Yesu, ba!

²¹ Aní Wíe Yesu ogyíi Bulu ahá bɔale!